







№ 9148

4.

1892. 8294



stdr0016390

Biblioteka Jagiellońska

№ 9148/2



ANNALIVM  
POLONIÆ  
CLIMACTER  
SECUNDVS.

B E L L A

Sueticum, Transylvanicum, Moscho-  
uiticum, aliasq; res gestas ab Anno 1655. ad  
Annum 1661. inclusiue continens.

SCRIPTORE  
VESPASIANO

à KOCHOW

KOCHOWSKI  
EQVITE POLONO.



C R A C O V I Æ

*In Officina Typographica.*


NICOLAI ALEXANDRI SCHEDEL, S. R. M. Typ. Ordinarij.

ANNO Regis Regum. M. DC. LXXXVIII.





**M**IRA Ô MATER, MATER Ô NVMINIS  
Et casta VIRGO experisq; criminis  
Poscenti adsis Famulo  
Mearum labor exilis virium  
VIRGO Tuum sub it patrocinium  
Accipe precor sedulo.



### Approbatio.

**E**GO M. FRANCISCUS PRZEWOSKI, S. Th. Doctor,  
et in Vniuersitate Cracouiensi Professor, Ecclesiarum,  
Collegiarum, Cracouiæ SS. Omnium Præpositus, S. An-  
nae Decanus, Scholasticus Cureloniensis, per Diocesim  
Cracouiensem Ordinarius, Librorum Censor, Opus insignis Historicum,  
cui Titulus, ANNALIVM POLONIE CLIMACTER SECVNDVS,  
Bella Suericum, Transylvanicum, Moschouiticum, aliasq; res ge-  
stas ab Anno 1655. ad Annum 1661. inclusivè libris septem con-  
tinens, Auctore Generoso et Magnifico Dño: VESPASIANO à Ko-  
chow KOCHOWSKI Equite Polono descriptum, diligenter legi. Quod  
cum nihil Fidei Orthodoxæ et Historiæ, bonisq; moribus contrarium  
habeat, immò Patriæ Civibus et gloriæ Gentis Polonæ respondeat,  
illud imprimi, et in lucem edi concedo facultatem. Datum Cra-  
coviæ in Collegio Maiori, die 11. Ianuarij Anno Dñi: 1688.

Ex  
Biblioth. Regia  
Berolinensi.

Idem qui supra mpp:

vHs 644344

### Pròemium.



Mice Lector, cui hæc opella nostra in manus ve-  
nerit, ut bene valeas multum salve. Fausori dein tuo et  
benevolentia postulata nonnulla insinuo: nam monita vo-  
care ambitiosum, petitiones molestum aut humile censui.  
Ac primò, quod Climacter iste Annalium, sine solenni dedi-  
catione prodeat? id causa est, nimirum hac præliminari pom-  
pa distingere te nolebam, cumq; anteriorem Climacterem Sere-  
nissimo IOANNI III. Regi ac Domino meo Clementissimo de-  
dicassem, hunc sequentem, uti partem ad Caput referri par erat, tanquam capri ope-  
ris continuationem. Ioannis Casimiri Reg: gesta, nonnisi IOANNI III. de-  
bentur; nam, ut cuncta ab antecedaneis Regibus præclare acta, ad istum iure  
merito spectant; sic, quidquid ante fecerit, necessariò à Successore corrigendum  
est. II. Cum verò Ioannis Casimiri regimen XXI. Anni componant, illud in tres  
Cimacteres distinxi; primo septennio Vkraynense bellum complexus, ante edidi; al-  
terò bellum cum Suecis, Moschis, Transylvanis &c. nunc exhibeo: Tertium sub ma-  
nu est, Civiles motus et interna Reip: nostræ dissidia ad punctum Abdicationis con-  
tinens; quod tamen in lucem dare nec promitto nec abnuo, cum et grauescens ætas  
radiosam scriptionem refugiat, et irrepremiatum studium, ingratum reddat la-  
borem. III. Quod filium dictionis meæ stylusq; aridior existat, ac infra Li-  
vianam facundiam ieiuna serpat oratio, excusare ausim; nimirum, quod Arator  
non Orator scribam, ac legenti magis ex veritate fidem, quam ex lenocinio verbo-  
rum voluptatem facere maluerim. IV. Externis narrationibus studio abstinui,  
nonnisi intra spheram Patriæ Historiæ calamum euagari passus; etsi diuersarum  
gentium, rebus nostris se hostiliter aut amicè immiscantium gesta contexuerim,  
quatenus in, aut pro Polonia egere: non carent illi vernaculis præconibus, qui ta-  
men pro innata philantia in encomijs suorum nimij, aliena vel supprimunt vel alla-  
trant, suntq; iuxta Martialis iocum. Nec mali Ciues, nec boni Historici. V.  
Autores, qui me ex hoc implicato præteriti temporis triuio, in viam genuinæ veri-  
tatis duxere, duplices habui. Alios quidem publici Iuris, nimirum, qui de bel-  
lis antea actis libros typis euulgarant; alios priuatos, qui transactiones diuersas  
manuscriptis inferendo, pro se tantum conseruare voluerunt rerum gestarum me-  
moriæ; Ex prioribus Ioachimus Pastorius, cuius, sub Titulo Florus Polonia;  
Historiam Gentis nostræ ad finem Belli Suetici per epitomen deductam habemus,  
Anonymus alter Ludouicæ Reginæ haud vulgari stylo encomiastes; Ad  
causas præliminares Belli Suetici responsio; A. O. Vindiciæ pro Polonia  
&c: externos etiam inspexi Adolphum Tuldenum Imperialem, Ioannem  
Loccenium Suecum; etsi is ex Aristarchi Schola Mythologus, gentem nostram  
pluribus respergat calumnijs, ac mordaci calamo non veritati solum præiudicet,  
verum et unite paci. Ex priuatis autoribus peculiariter adiunxit operam meam,  
G. Adami Biskupski Terrigenæ Wielunensis manuscriptorum farrago, mi-  
hi subministrata; Commentarii item, quos non otiosus rerum spectator G. Paulus  
Kono-



Konoiadzki Nobilis Borussus, sub Bello Suetico compilarat; ac prater alios Martini Golinski Consulis ad Crac: Casimirien: grandis diuersarum relationum liber, plurima ad Historiam pertinentia continens, cum precipua rerum, personarum, ac temporum designatione: tum aliorum &c. &c. quibus ob publici boni iuuamen, gratias dico habeoq. VI. Orationes diuororum, in contextu Historiae positas, ut ab auctoribus dicta, ex vernaculo sermone in latinum transferas, sensu genuino me apposuisse ex fide testor: plerasq. etiam omisi, breuitate operis, aut verecundia Oratorum consulendo. Discursus tamen nonnullos a me efformatos non inficior, toti inter continua belli mala, aliqua inesset, recreando Lectoris animo mistura. VII. Nobilitatis Polonae cognomina, quae maiori parte in ski terminantur, eadem nomenclatura in latino posui; satius ducens styli mea euphonia pronuntiandi deesse, quam ea uocum ad Romanam incudem aetorisione, Patriam dialectum obscuritate sensus inuoluere: exempli causa Boratinium ponam, quem sibi uendicabit & Boratyni & Boratyrski, Opatouium, & Opatouius & Opatowski &c. malim itaq. uideri in pronuntiatione asper, quam in narratione obscurus. VIII. in contextu operis laudes cum modo, vituperia uix unquam admiscui, uitans scilicet scopulum, ne prauius auctoris iudicium lectoris obruerem; tum ne non rogatus sententiam ferre uidear: si tamen alicubi, insigni uirtuti gratulari, vel manifesto delicto irasci contigit, iuxta dosim, ut Medici solent, & perparce aamodum ex lege Historiae licere putauit; ut sic probis prauisue factis, suum cuiq. decus rependat posteritas, etiam metus infamiae inde deterreat, quo uirtutis amor aucere nequit. Proin, ut quemq. in antecessum deprecor, ignoscat Historica libertati; si cui bilis feruet, Vespasianum me non Apianum sciat. IX. Ac quia Critici de omni verbo reddi rationem exigunt, paucis moneo, non usq. me ad periphrasim Latinam strictim illigari, ut non magis facilis intellectu, & perspicuus uideri satagerem, scapham pro scapha, & lineam pro lineare ponendo. Titulo Maiestatis supremae potestatem designo; Procures Regni Senatum uoco, etsi nec male Patres Conscriptos nominauerim; Nobilitati, Equestrium titulus, ex antiquo & uocatione competit; Fati ac Fortune uocabula Christiano sensu accipi uelim; illud quidem uti uoluntatis Diuinae effatum ac Canonem infallibilem: istam, cecum & erraticum Numen, ad opinionem humanam apto, ut prospera ad Autorem Deum referant, si quid aduersi acciderit, habeant, de qua sine Superum iniuria querantur. X. Errata Typi, Lector uel corrige uel condona, illud sedulitatis erit, hoc beneuolentiae. Certè non vacabat ut recenserem ipse, pluribus distractus; & biennium propè euoluitur, ex quo sub praelo suat haec opella nostra, hinc non licuit cum Epimenide tanto temporis spatio in astuario dormire, ne, dum Typographus lineam ducit, mihi in sulcos male subactus ager futuram messem perderet; ad calcem tamè operis elenchum corrigendorum uide. Quae si Annalium librum parare uis, in Officina Schedeliana utrumq. Climacterem quare, is namq. adeo lucubrationibus meis fauet, ut pluribus ex empro (sanè misera scriptoru fors, uenundari) communicabiles faciat. Iam uerò manum de Tabula. Quae scripta amice Lector equi boniq. consule, mitis Iudex lege, & sequentia, si Deus uigil, uitam, fauenter praestolare. Ac ut longeuiter sis saluus, bene VALE.

Scripti Goleniouijs, rure meo Paterno

Ipso Annuntiate V. G. N. S. M. A. T. R. I. S. sacro die.

Anno Christi 1688.

A N-

A. M. ✠ D. G.

I



# ANNALIU POLONIAE CLIMACTERIS SECUNDI, REGNANTE IOANNE CASI- MIR O, LIBER PRIMVS. Elenchus Contentorum.

An. CH. M. DC. LV.



Sub regimine JOANNIS CASIMIRI alter annorum septenarius, funestam calamitatum auxesim tulit, Suecis hostium Poloniae cumulo accedentibus. Breuis eius gentis mentio: tum, unde infestae hostilitatis antebac origo, vel causa; sancitis aliquoties Inducijs sopita. Capita Induciarum; quibus durantibus Carolus Rex in Suecia rerum potitus, primo amicum se Polonis, dein subito hostem ostendit. Eius Regni legitima successio, linea Sigismundiana debita. Carolus Ferdinandus Princeps Poloniae moritur. Comiticia Varsoviae incepta & conclusa. Rex Suecus amicus ad Polonum

A

Polonum



Polonium literas scribit; Polonus in Sueciam internuncios ablegat; quò dein Legati mittuntur, sed irritò Legationis successu redeunt. Electio Pont: Max. Alexandri VII. Leopoldi item in Regem Hungaria Coronatio. Wittembergus cum copijs Poloniam intrat; dein Carolus Rex Wittembergum consequitur; quem apud Kolo cõuenit Przyemscius, Casimiri Legatus pro pace sollicitans; sed frustra. Nobilitas ad Wolbortiam conuocata, etiam Quartiani cum hoste apud Srasowa Wola congregiuntur, Suecis campo potius; unde nostri retro mouent, Cracouiam versùs. Secus inclinatis rebus Cracouia Casimirus abit, Urbis tuenda cura Czarniecio commissa; qui suburbia igne subiecto exurit. Eodem tempore Lithuaniam quatit Moschus, altero item exercitu, Cosaci, Leopoli obsessa, Rusiam. Casimiro finibus Regni decedente, Opoliensis Ducatus pro domicilio est, Glogouia minori subsistenti. Wittembergus Cracouiam obsidet, Rex ipse cum equitatu aduersus Quartianos tendit, ipsq; ad Woynicium dissipatis, Cracouiam reuertitur; eius Urbis graphica descriptio, & obsidium; donec sub conditionibus dederetur. Brochouius tertio pro pace agit. Fortalitia diuersa hostes occupant. Demum Exercitus Regni, Protectionem Suecicam suscipit: sed conditionatè. Destinat mox Carolus in Prussiam iter. Situs Prouinciarum Regni descriptio, Douglassius apud Sandomiriam lustrat Potonas Legiones. Millerus Clarum montem Czeszochouiensem obsidet & oppugnat, irritò demum conatu abscedens. In Prussia Carolus binis exercitibus succinctus, hospitatur; cui se Thorunium dedit; similiter & Elbinga. Ast Mariaburgum propugnans Weyheris portas clausit; præ cunctis, Gedanensium integerrima fide, qui non pollicitis, non minis, induci quuere, ut Protectionem acceptarent. In Ducalem tandem Prussiam versa arma; apud Bartensteynum Sueco & Electore congressis, mox pacatis medijs atrempa.

Anno  
Christi  
1655.



**Mensus Vkrainensis belli Climacterem,** ad nodum rerum, eoq; melioris fortis reuolutionem, deuenisse me arbitrarer; quod tamen mysticum septennij tempus, etsi pro numero perfectionis audit, magis nouorum malorum accessionem, quam veterum leuamentum attulit. Nupera in Vkrainam expeditio, irritauerat magis quàm domuerat Cosacos, inueteratæ rebellionis concitore Moscho: mox ab Aquilonari Orbis angulo, ipsa marium interpositione discretæ gentes, contra sacrosanctè pactas Inducias, hostium Po-

um Poloniæ auxere numerum Sueci: nempe ut Cosacos <sup>1655.</sup> Scythæ, ita hos Moschus, Moschum deinde Suecus, istum Transyluani exciperent; casusne is, an malignitas fortunæ fuit? ut quo loco posituq; regionum, vicinæ gentes nos contingebant, eodem ordine & seriè, ab ijs armorum coronâ inuolueremur. Quo magis spes fractæ, salus desperata, casus turbidi; eo magis, velut postliminio redditâ lucis vsurâ, resurgere à lapsu fuit gloriosum. Quæ verò Suecorum gens, qui belli repentini & iniqui prætextus ac circumstantiæ, non incõgruens arbitror attingere: simul omnia quæcunq; alterutri parti gesta, ex fide tradere, idq; annuant modò, boni Superi) Polona libertate.

Sueci, Arctoi Orbis portio, à Gottis vocabulum & originem habent (ipsis peruiuentibus:) ad mores, linguam, & instituta Germanorum propius accedendo. Cura armorum, ac gloriæ non dispar vtriusq; studium, cum vicinis vario Marte exercita virtute: verum etiam iure belli, aut per fortunæ conniuentiam, amplificata Suetici Regni peripheria. Id, septemtrionale Europæ latus claudit, Daniam à meridie, ac varios Imperij circulos habens; ab ortu æstiuo Moschouia oppositum; Mari Balthico à fronte pulsatur. His terminis ex antiquo contenti, auorum memoria mare enauigantes, Aestoniam ex Polonis, Bremæ ac Wismaria territoria ex Germanis Pomeranisq; armis, aut pactationibus, etiam per testamenta cœpère. Ingentis ausus fuit, gentem hæreditario iure regnari suetam, SIGISMUNDO III. legitimo Rege & hærede abdicato, speciem Electionis hætenus nunquam vsurpatam, prætulisse; admoto regimini Carolo Sudermania Duce, Sigismundi Patruo. Hinc prima dissensus occasio, mox & bello cum Suecana gente; Polonis pro Sigismundo Rege, eiusq; iure; Suecis contra annitentibus. Ita possessione auiti Regni veri hæredes depulsi, appellationem tamen & insignia haud omisere, tuendo in quemcunq; calum Iuri; unde dum inanibus titulorū chartæ aut stemmatum celatura postes tumescunt



3655. mescunt, viuida inter æmulatrices decorū gentes odia enā-  
scebantur: Sigismundo genitis hæreditæris titulū vsurpan-  
tibus; Possessore Sueciæ Regni, non haberi modò aliū, sed  
nè dici quenquam sustinente. Multos hoc sæculo scripto-  
res ea cura aduertit, hæreditatē Sigismundi lineæ? an Ca-  
roli Sudermanni populi adoptione, (nam hic Electio nulla)  
potior fuerit disceptantes; quibus, & lectori, de re tora iudi-  
cium esto: ego ad nostra & recentia veniens, nemini in-  
fensus aut obnoxius, calamos expedio, veritatis studio ac  
posteritatis curā; hic mihi scopus. Post Carolum Patrem,  
Gustauus Adolphus Sueciæ Rex, ancipiti in Prussia fortu-  
na nobiscum belligeravit; aliquoties collatis signis fusus,  
bis plumbea glande saucius, bis pænè captus, (nam Heroi-  
bus gloria periculis emitur) pertædere tandem hostilitatis  
ostendit, quinquennialibus Inducijs arma Polona distinens;  
fortè quòd bello Germanico, & facilioribus illuc triumphis  
abstraheretur: Hic dum Orbem metu, & Imperium armis  
quatit, apud Lutzenam in Saxonia pugnans, occumbit: ma-  
gni animi bellator Rex, & priscis Imperatoribus æquipa-  
randus. Substituta dehinc in regimen Christina Filia,  
etsi minorennis, non inferiorem se Parente ostendit, frago-  
re armorum valida, nec studium pacis infraponens; Stabili-  
ris nobiscum viginti vnus Annorum Inducijs, Sztumdorsij.  
Creditum tunc externorum suasu in armistitium impulsos  
Suecos, Gallo Rege per Claud: Memmium; Anglo per Du-  
glassium annitentibus: etsi mox paruit non pacis Christia-  
næ cura aut Poloniæ; sed altius tendentibus consilijs Media-  
torum: vt ferè semper magnus est consiliorum cardo, sua  
cuique utilitas.

Non extra rem fuerit, quibus tum legibus Induciæ cum  
Suecis, Sztumdorsij coalitæ, per synopsis tradere; ex Pia-  
secio fidei probatæ Præsule & Historico, vel ipsis Suecis au-  
tori plurimum tribuentibus. Tenor is.

*Pax sub fide Induciarum inter Polonos ac Suecos esto, quæ  
à die*

à die 12. Mensis Septembris Anni 1635. incipiens, pro die 11. 1655.  
Mensis Iulij in Anno 1661. inclusiuè finiretur.

Amnestiâ vniuersali institutâ, hostilia cessarent; Regno-  
rum limites Exercitus nè infestarent; Classes portubus non noce-  
rent: mercatura aliq̃ commerciorum rationes resumerentur;

Pro Viadislao Rege, ac Fratribus eius Inducias ratas ha-  
bituris, Regni Pol: ac M. D. Lith. Ordines, fide iuberent;  
Prussia item Dux, ac ciuitas Gedanensis: idem præstabit Re-  
gnum Suecia, vicissim pro Christina Regina spondendo.

Elbinga, Mariaburgum, Dirsauiā, Bransberga, aliq̃  
à Suecicis occupata loca, restituentur Polono, cum omni Ecce-  
siarum Romano Cathol: suppellectile, re tormentaria, archi-  
uijs, ac Actis publicis.

In Liuonia, quidquid vtraq̃ pars sub antea actis quinquen-  
nalibus inducijs possedit, præsentium vigore retineat.

Partes vtriusq̃ Regum secutis, alio transmigrare volenti-  
bus, liber abitus conceditur; Elbingensi item Ciuitati liberum  
religionis exercitium erit, excepto Parochiali templo, ac lure  
præsentandi Serenissimo competente.

Sub armistitio pax perpetua tractaretur, congressu partium  
Lubeca instituendo. Qui Tractatus si semel atq̃ iterum non  
sucefferint, induciæ nihilominus sacrosanctæ & inuiola-  
biles manebunt.

Inurijs aut litibus inter conterminas gentes dirimendis,  
vtrinq̃ arbitri dabuntur.

Præsentia pacta Decreto Comitiorum Generalium Poloniæ  
firmentur, tam à Vladislao quàm à Christina, Ordinibusq̃ vtri-  
usq̃ Regni approbandâ, ac Exemplaria vtriusq̃ partis subscri-  
ptione obsignata, transmittentur. Actum Sztumdorsij Die  
duodecima Mensis Septembris, Anno Christi 1635.

IACOBVS ZADŹIK, Pro- PETRVS BIELKE, Senator Regni  
cancellarius, cum Collegis, Suecia, &c.  
nomine Regni Poloniæ sub- IOANNES WRANGEL, Præfectus  
scripsere. Militum, &c.  
OXENSTIRNA IUNIOR, m. p.  
VDENHOFFVS CALMARIA,  
Præses, &c.



1655.

Alta pax sub inducijs Christina potiente rerum, seu fragilitate sexûs, seu prudentia Regentium: alia mox rerum facies, ubi successorem sibi Carolum Gustauum, & nobis hostem adsciuit. Is Patre Ioanne Casimiro è Palatina familia, Biponti Duce, ac Catharinâ Suecâ Caroli Sudermanni Filiâ genitus, collapsæ Rhenanæ Domus fortunam instauraturus, etiam sanguinis ac gloriæ impulsu, non otiosam iuuentam Sueticis sub signis traducens, quoad abdicantis Christinæ voto Rex fieret, coronatus Vbsaliæ Anno Christi 1654. Primæ noui Regnantis curæ ordinando vitæ statui datæ, ductâ in consortium tori, Heduge Eleonora Slesuici Ducissâ, ad nuptialem actum inuitatis per officiorum imitamenta, vicinis Principibus. At suspecta in mari malacia est, & repentina æeris tranquillitas, nimbos tempestatemq; minatur. Subiêre mox curæ profundiores Carolum, ut qui nihil minus ferè posset, quam Tituli Sueciæ Regis à Casimiro usurpatione, imminui Maiestatem suam; hucq; meditamenta vertit, ut quod nullis tractatibus sperabat, vi & bello consequeretur. Mouit bilem primò Canazilius Internuntius, à Casimiro in Sueciam missus, qui circa Coronationem, inaugurationi tanquam in præiudicium legitimi hæredis institutæ, tuendo luri reclamauerat. Hinc indignatio, & in bellum fomes. Dein non pigrior actu quam affectu Carolus, traducto in sensum suum Regni Senatu, tributa ac delectus indixit, largitiones in belli Duces instituit, indigenas armauit, externos conciuuit, classem, armamentarium, annonam instruxit, & quæ alia bello faciunt. Mirum interim quò apparatus verterentur silentium, alebaturq; grauior ira, inscrutabili in tempus arcano palliata. Suspectauère Cæsar & Danus, ille molitiones Galli cuius instrumentum & velut brachium Suecus haberetur considerans; hic Protectori Angliæ malè conueniens, subordinatam per vicinum procellam supponentes. At in quos fulmen illud cudebatur Poloni, securi nimium egère. Fiduciam pacis augebat, Induciarum adhuc dum in septennium

1655.

nium duratio; Regnum commiseratione quàm impetitione dignius; nulla in bellum causa aut prouocatio, etiam inter Regnantes propinqui sanguinis nexus. Fama vero non absimilis fuit, abiturientem è Suecia Christinam, Carolum ac Regni Primores seriò monuisse, ut florentibus Sueciæ rebus, bello longinquo ac difficili abstinerent, inuiolabiliter seruatis Inducijs. Sed iam Christina tantum suadere; Carolus summo iure quidquid vellet facere poterat. Tum quo futuri belli commodius tegeretur arcanum, auleo simulationis intenta obtegere visum: (ea Tiberianæ indolis appendix, in aulis Regum, non nomen modò virtutis, sed & vsum, sæculo quo viuimus inuenit.) Dedit siquidem Carolus ad Casimirum literas, quibus pro vinculo necessitudinis, sed quod magis, ex mutuo vicinorum Regnorum commodo, sinceram amicitiam & perpetuæ pacis studium pollicebatur, Textus eiusmodi.

CAROLVS GVSTAVVS, D. G. Suec: Gott. Vand. REX, &c. IOANNI CASIMIRO REGI Pol. M. D. Lith. &c. Fratri, consanguineo, amico Nostro carissimo, salutem & omnia prospera.

*Cum illius motu qui cuncta mortalium disponit, Regesq; Regnis dat, visum sit Serenissima Christina Suecorum Regina &c. Matri nostræ omni filiali cultu prosequendæ, plusquam maternâ curâ amoreq; erga nos, atq; certis de causis gubernaculis hæreditarij Imperij se abdicare, summamq; rerum ad nos accedente omnium Ordinum consensu transferre, confestim sequentibus Coronationis nostræ solennibus, alienum ab officio animoq; nostro fore iudicauimus, nisi exordio Regiminis nostri, Deum T. Max. precaremur, ut hoc Orbi Christiano, Nobis, Regnoq; nostro, tum & Serenitati Vestræ communibusq; amicis, felix ac faustum esse veller; Et Serenitatem Vestram, considerantes scilicet illum propinqui sanguinis nexum, qui nos cum eadem iungit, atque antiquam inter utraq; hæc Regna necessitudinem, per complures annos Induciarum pactis restauratam continuatamque, de hisce Imperij nostri auspicijs edoceremus, atq; omnia prospera S. V. Poloniaq;*



1655. *loniaq; Regno ac Populo comprecaremur: deniq; officia nostra paratissima, & quaecunq; ab amico & tam propinquo sanguine procedere possunt, fidem optimo affectu deferemus. Proinde si qua in re gratam S. V. operam prestare poterimus, est quod nobis indicet, ita de nobis dispositura, quemadmodum utriq; nostrum conducere arbitrabitur. Prout nos etiam confidimus S. V. hunc affectum nostrum, pari erga nos Regnumq; Sueciae voluntate pensaturum, &c. His finientes Deum veneramur, ut Ser. Vestram tueatur florentem & incolumem, letisq; & secundis rebus semper gaudere sinat. Dabatur in Regia nostra Stokholmensi die 3. Iulij Anno 1654.*

*Serenitatis Vestrae Bonus Frater, Carolus Gustavus Rex.*

Lator literarum erat Ioannes Koch, dudum in emporio, Dantiscano Commerciorum Regni Sueciae procurator, (agentem vocant) pro contentis scripti æque humaniter acceptus ac tractatus, nihilq; prorsum retaliando officio intermissum; iam festiva gratulatione nouo regimini Caroli applaudente Casimiro, & quò constans pro perpetua pace eniteret studium, procurandæ ei, missurum Legatos in Sueciam pollicente. Id quippè per Canazilium poscere eius Regni Ordines videbantur, ea in rescripto adiecta clausula. *Ceterum, neq; conducere ullius nostrum honori, neq; ad finiendas lites prodesse, priorum Tractuum more, varijs tantum rumoribus præbere materiam, Mediatorumq; officio creare Regibus Principibusq; alijs molestiam, tandem specioso apparatu in conspectu Orbis æturos conuenire, ac iterum leui pretextu discedere: unde vicinis nationibus ludibrium, nobis verò in mutua odia suspiciones moueantur; ut sic animis ad conciliationem minus aptis, ab inuicem recedamus, quam sicuti congressi fuimus. Hoc pretio nullos pacis tractatus placere, neq; ijs semel iterumq; in vanum tentatis, vi Pactorum nos adstringi: spem duntaxat solidam in eo superesse, si Ser. Rex & Resp. Vestra, loco tot Internuntiorum, quemquam sufficienti in eam rem potestate instructum, ad S. R. Maiestatem destinarent. Dissidia nostra alias gentes non attingere, ipso annorum decursu magna sui parte obli-*

*teran-*

*teranda merito esse debere, ac quò compendiosius, eò aptius componi posse, &c.* Tali responso Canazilius in Poloniam rediens, quem secutus in breui Kochius, facile persuaserant credulo Regi, ut rem sincera mente agi existimaret; ut ferè qui alijs nocere non solent, omni spiritui credunt.

Ex eo motiuo, Casimirus protinùs in Sueciam ablegauit Andream Morstzyn, virum per natales nobilem, & intimæ admissionis Cubicularium, Dapiferum tunc Sandomiriensem, sincero pacis testando desiderio, & qui è vestigio Legatos cum absoluta potestate tractandæ pacis subsequi nuntiaret. Planè in procinctu erant isti, cum Zbigneus Gorayski, Castellanus Kijouiensis, raræ eruditionis & facundia, apoplexiâ moritur, cui primas legationis partes deferri Resp. voluit. In substituendo dehinc subiecto mora, donec Ioannes Leszczyński Palatinus Łenciciensis, in locum defuncti subrogaretur: multis inconueniens, imò indecorum genti nostræ censentibus, Lubecam, tractatui pacis assignatum locum mutare, tum & nouitij Regis sufflaminare typhum, vbi à veterano & amplioris Regni Monarcha, conuenitur: non tamen scrupulis locus dabatur, annitente ut palam faceret Casimiro, magis studere publico Christianitatis bono, eum, qui peregrè pacem & ultra maria quæreret, quàm qui quæsitam ambitiosè domi præstolaretur. Ast, ex facili componendæ eius, in primo limine fefellit opinio; vbi Internuntius Morstzyn minùs condignè, nulla characteris quem mittentis persona misso imprimi veneratione, accipitur; imò quod procuratam contumeliam conuincebat, in conspectum Sueci, (audientiam dicunt) vix salutando Regi admissus. Quæ tandem illa charybdis, ad quam salutis publicæ geminorum Regnorum allidit oneraria? quis astrorum influxus aut fideratio, ex consanguineo Rege indigna metamorphosi inimicum repente fecit? imò quæ tam subitæ mutationis causa? In titulo Sueciae Regis, tertium &c. omisum: nec minus illud lethale, quod in calce ut solet literarum fidei, leu Credentia-

B

lium,







1655. **GVSTAVVS ERICI, REX Sueciæ,**  
Anno Christi 1528.

EX CATHARINA } EX SECUNDA MARGARETA Comitissæ de  
Saxonica. } Saxonica. } Coniugibus. } Leholm Filia.

|   |  |   |
|---|--|---|
| ERICVM XIV.<br>Suec. Reg.<br><i>Qui</i>   | IOANNEM Sueciæ<br>Regem.<br><i>Qui</i>   | CAROLVM Suder-<br>manniæ Ducem.<br><i>Qui</i>   |
| EX CAROLI V.<br>Imper. Sorore.<br>GVSTAVVM Suec.<br>Princ.<br><br><i>Extinctum.</i> | EX CATHARINA SI-<br>GISMVNDI I. Reg.<br>Pol. Fil.<br>SIGISMVNDVM III.<br>Reg. Pol. Hæredi-<br>tarium Sueciæ.<br>EX GVNILLA Axelij<br>BIELKE Fil.<br>IOANNEM Hæredit.<br>Suec. Princ.<br>SIGISMVNDVS III.<br>Pol. & Suec. REX.<br>EX ANNA Austriaca.<br>VLADISLAVM IV.<br>Pol. & Suec. Reg.<br>CATHARINAM Du-<br>ci Neoburgico nu-<br>ptam.<br>EX CONSTANTIA<br>altera Austriaca.<br>IOANNEM CASI-<br>MIRVM Poloniæ<br>Electum, Hæred.<br>Sueciæ Regem.<br>IOANNEM ALBER-<br>TVM Cardinali. | EX MARIA Pala-<br>tina.<br>CATHARINAM IO-<br>ANNIS CASIMIRI<br>Ducis Biponti<br>Vxorem.<br>EX CHRISTINA Hol-<br>satiæ Duc. Fil.<br>GVSTAVVM ADOL-<br>PHVM Suec. Reg.<br>Et CAROLVM PHI-<br>LIPPVM.<br>GVSTAVVS ADOL-<br>PHVS Suec. Rex.<br>EX LEONORA Bran-<br>deburgica.<br>CHRISTINAM Re-<br>ginam Suec: Pa-<br>tri Successtricem.<br>Quæ celebs ado-<br>ptaui successo-<br>rem.<br>CAROLVM GVSTA-<br>VVM Ducis Bipon-<br>ti & CATHERI-<br>NÆ Suecæ Fil.<br><br>ALE-<br><br>Qui |

ALEXANDRVN & QUI EX HEDVIGE  
CAROLVM FER- Slesuicense.  
DINANDVM PO- CAROLVM NO-  
loniæ & Sueciæ num modernum  
Principes } Succ: Regem.

## Progenuere.

Hinc patet vim naturali successioni illatam, & iniquè  
abdicatū à Suecis prærogatiuā nascendi legitimū Regem.  
Quinimo religio quia Romana Catholica, Sigismundo  
etiam Vladislao & alijs successoribus obfuit. Atqui Ioan-  
nes Sigismundi III. Frater, eiusdem Augustanæ religionis?  
minus est, transfertur ad Sudermannum regimen Lincopi-  
ensibus Comitibus, contra omne fas veris successoribus abla-  
tum. Ergo causa non erat Conuentus Lubecensis ob ti-  
tulum Regni dissoluendi, cum Polonus de iure haberet Re-  
gnum Sueciæ, etsi possessio alterius esset. Nec nouum Ti-  
tulos Regnorum à pluribus usurpari. Nauarrâ Hispano  
subiacet, Titulum Rex Gallus habet: Hierosolymorum Re-  
ges Lotaringici se ferunt, Turca possidet: Danus Vandalor-  
um se Regem scribit, scribit & Suecus: qui idem Gotto-  
rum vocabulum usurpat, quorum nè vestigium in Suecia  
compareret. Secundus Lubecæ Conuentus diffluit, quod  
Regni Suetici stemma, in sigillo Reg. Pol. cerneretur. R.  
Ergo Regi Polono ut ereptum Regnum auitum, ita etiam  
ceras & insignia Maiorum eripi oportuit? quid si eradere  
permisisset, nonne se veram Regum Sueciæ progeniem eo  
facto abnegasset. Quippe stemmata ac tessera gentilitiæ,  
genuinæ stirpis documenta sunt, decus generis, natalium  
signatura. De classe apud Gedanum instructa, Orbem  
testem appellamus, & conterminos mari Principes, nihil  
horum factitatum. Hæc de causis belli. Iam verò si Lu-  
beca infaustus tractandæ paci locus displicet, aut pax ipsa  
adeo Polonis cordi est, ut eius causa, vel Stokholmiam Le-  
gatos se missuros obtulerint, redintegrando ac consum-  
mando negotio paciscendi. It primò Canazilius, ut dixi-  
it deinde Morstinius, in cuius literis hoc culpatum, quod



ad calcem Folij inscriptum esset, Regnorum nostrorum, & tertium &c. omisum. Veniale peccatum ubi apices literarum in crimen trahuntur, si factorum immunes simus. Sed utiq; Poloniarum Rex aliquot Regnorum Rex est, cum habeat Polonum Electione, Sueticum Iure naturali & successione. Interim in Poloniam regredior.

Ipso belli Suetici procinctu, interuenit mors Caroli Ferdinandi Poloniæ Sueciæq; Principis, Plocensis ac Vratisslauiensis Episcopatuū Administratoris: qui Sigismundo III. & Constantiâ Austriacâ genitus, solus cum Casimiro Rege, quatuor præmortuis fratribus in ea temppora superstes manserat. Natus VII. Octobris An. Ch 1613. Postremum diem habuit 25. Maij Anni præsentis 1655. Pars sanè non iniusti doloris erat, optimo Fratre Regem orbari, nisi aliqui opportunè mortuum dixissent, ut congestos thesauros in subsidium irrepenti bello relinqueret; si prouixisset pro se retenturus. Sub Interregno post Vladislauum, in competitione Regni æmulus stetit Casimiro, mox fratrem ostendit; ac inter magna adipiscendi diadematis inuitamenta, mansisse contentum priuato patuit, nec ultra quàm concordiam & tranquillitatem vitæ concupisse. Quod cum Regno quæreretur, felicitatis, quod recederet à competitione, moderationis fuisse; semper affectuum potens, fratrem natu maiorem cōstanti veneratione prosecutus. Probus ingenio Princeps, moribus placidæ pietatis, prudentiæ ac industriæ tantum, quantum cura Domus statulq; posceret. Familia pro necessitate ampla, sed ex moribus Domini casta, ut qui si non charactere, at saltem titulo Pastorem ageret. Vicia, si quæ uti homini inerant, textit vitâ regulata, ac multiplices aliæ virtutes: non illæ quidem quas sæculum æstimat, sed quales cælum merentur. Parsimonia ac congerendarum opum studium, plusquam in viro Principe decet; cui non facile alium nævum obieceris. Quod si coaceruatio pecuniæ vitium dici possit, certè sub hoc vitio virtus latet, quæ demum in vlu nummi noscitur.

Ægritudo  
contra-

contracta illi, ex fortiori imminentium apprehensione, unde hypocondria ac lethargo vexatus, extremū diem admodum Catholicè Wiscouix obiit, loco dudum ob amoenitatem sibi dilecto. Corpus exenteratum sepelitur Varfauix, Cor apud Patres Societatis Iesv, nam huic Religioni addictus, se, conscientiamq; moderandam tradiderat. Fratrem Casimirum, hæredem ex asse & Executorem Testamenti scripsit, cui præter non temnendam opum vim, Iura in Opoliensem ac Ratiboriensem in Silesia Ducatus celsere.

A Principali funere ad publica consilia itum: Indictis ad diem 19. Maij Varfauix Comitij, in quibus non ultra bimestre producendis, ad defensionem tantum Reip: dissertationibus locus esset. Terrarum Nuntijs præsidebat Casimirus Vmiastowski Brestix Lithuanorum Iudex, quem autor Germanus in sua Historia Vnbassutium vocat. Actus capit à iacturâ Smolenscij, quod Philippus Obuchowicz loci Palatinus, Moscho nuper dediderat; simul criminis complices, Nobilitati aut præfidiarijs Præfecti, in ius rei vocabantur. Publico isti odio laborabant, sed præcipuè autor deditionis Palatinus; qui licet conscientia & metu anxius, attamen defensionem agitare ostendit. Expediebat certè non impunitam habere ignauiam, imminentium respectus; cum ratio bellorum ex bellis discatur, & exemplo præmij aut pœnæ, strenuitas militaris proficiat. Ast tunc reus, pœnam iuris colore vitauit, scilicet deducendi scrutinij dilatione vsus; quo demum interstitio mortuus, Deo iudicandus relinquitur. Multa præterea his in Comitij sancita sunt. Nempe, Publica Expeditio; Delectus peditum per oppida villasque; Disciplina militaris instaurata; armamentarijs prouisum; sancitæ contributiones; Exercitui stipendia condita; Teloniorum ac Portoriorū vectigal auctum; singula benè, omnia serò. Coronis sancitorum erat, Lex sumptuaria durante bello instituta: nam, si quando inexplabilem opum Regni Syrtim, tunc certè deprehendere datum: cum non aliud malum, immoderato luxu, in gente nostra damna-



<sup>1655</sup> damnabitur semper, & tolerabitur. In Italia olim, Manlius  
 Conf: cum triumpho de Gallogræcis, simul magnificos con-  
 iuiuiorū apparatus Romam inuexisse fertur: Nos æq; pace  
 ac bello, in luxum effusi, vel strepente ferro, aurum cōiuijs  
 insumimus, satiùs ad mensam degl: siendum censes, nè  
 hostis potiatur. Culina fertilissimi Regni gurgis est; &  
 plus iam forte in coquos mercedis, quàm in militem stipen-  
 dij impenditur. A palato in dorsum serpit prodigalitas,  
 serica vestis, Tyrius murex, Sydonis purpura fastidio; nisi  
 tela aureo filo crispa tegat: nisi argentum in stamina didu-  
 ctum, multiformes florum colores mentiatur, aut pictæ  
 phrygionum ingenio prætextæ, ramenta auri proijciant;  
 decor cultus abest; nec sat conspicuus ornatus censebitur.  
 Transeo plura, nisi quod acrior in vitijs æmulatio est. Si  
 opulentioribus conuiuia aut exquisita vestis placet, si ædi-  
 ficiorum splendor, circumpedum caterua, turba equorum  
 delectat; certant vitijs Patricij, horum Nobilitas æmularut  
 luxum: etiam in Ciuitates diffusâ licentiâ vbique peruat,  
 Hinc tùm prouidè sumptuaria lex lata, nescio quomodo,  
 aut quamdiu duratura.

Sub hæc, pacis desiderio aut metu belli anxias Ordinum  
 mentes versante, de mittenda in Sueciam Legatione, seriò  
 actum, quam interea contingens importunè mors Gorav-  
 scij abruperat. Proin affatim iuère Ioannes Leszczynski  
 Palatinus Lanciciensis & Alexander Narutzewicz Campe-  
 stris M. D. Lich. Notarius, viri illustres, & qui post ambo  
 Curæ sigillorum vtriusq; gentis admoti sunt: quos in appa-  
 ratu longinqui itineris, ac sequius tractati Morszrynij expe-  
 ctandis responsis, necesse erat seriùs in Suecia fisci. Ineunte  
 tamen Iulio Stockholmia excepit venientes; sub Comitiorū  
 gentis finem, in quibus de bello Polonis inferendo, expedie-  
 batur deliberatio. Hos, dum publicum (audientiam) po-  
 scunt, adièrè humanitatis gratiâ Rosenhanes Cancellarius,  
 ac Bannierus Senatores Regni, post prima salutantium of-  
 ficia, in Regis sui, pacem quasiuero cupientis, effusi laudes,

mox

<sup>1655</sup> mox vbi consumplerat simulatio verba, tandem huc flexê-  
 re. Regiam Maiestatem Sueciæ, à studio pacis ineundæ  
 non recedere, nisi id negotium sub armis & clypeo commo-  
 dius tractari arbitretur. Patuit inde falsam de pace opi-  
 nionem nobis, Succis simulationem altius inhæsisse. De-  
 mum instituto aliquoties colloquio, vbi & classem arma-  
 tis, & onerarias supellectile Regia compleri, mox à littore  
 recessuras aduertunt, tandem in conspectum Regis Caroli  
 admissi, Naruszeuicius delata dicendi copia talibus Re-  
 gem affatur. *Non te nescire Ser. Rex arbitror, gentem Polo-  
 nam antemurale Christianitatis dici haberique: ad quod tan-  
 quam firmum propugnaculum, auara infesti Orientis Europam  
 subsidendi desideria, allidantur. Patria nostra iuxta posita  
 Regna populosque, aduersus grauem Orbi Barbarorum potenti-  
 am tutando, stationem pro fide Christiana retinet, & nè socia-  
 rum gentium ingulum rabies illa appetat, vigil excubat Sarma-  
 tia. Neq; iste protectæ Europa titulus, verbo tenus nobis ste-  
 tit, pluriès actu & presenti opere comprobatus. Septennium  
 est ut cum Scythiis, & effrenata rebellis Cosacorum multitudinis  
 colluie luctamur; annus præterijt ex quo cum vastissimo simul  
 Moschouitici Imperij robore decertamus. Inter eos tamen bello-  
 rum turbines, summa nobis pacis, summa amicitia cum vicinis  
 ratio est, eo inuicti Regis nostri, & Maiest: Vestra consanguinei  
 genio, ut in Crucis hostes tantū pia arma vertere norit; & cum  
 Christianis Principibus concordia, ac mutua charitate certare  
 connitatur. Ab eo, pro pace perpetua, pro stabilitamento ami-  
 citia apud te Rex inclyte acturi venimus, & quem inuiolabili  
 Inductarum fœdere securi hostem timere non possumus, eius  
 amicitiam, ultra maria, & remotum Aquilonis clima, bene  
 affecto Regi, & Reip: nostræ, ultro quarimus. Ast irriti  
 Lubeca Conuentus exprobrantur? minus est: Illuc enim inter  
 Ministros de præliminaribus controuersia fuit; Stockholmia pro  
 stabili inter gentes amicitia agitur: illuc amulabamur inuicem  
 quisq; pro gentis suæ excellentia satagentes; hic Regibus pari ti-  
 tulo, honore, & potestate, pro bono Christianitatis certamen  
 erit.*

C



erit. Eodem inclyte Carole Rex stemmate, eodem sanguine  
 1655. quo & Noster gloriari, carnem verò tuam, sanguinem tuum, qui  
 odisse poteris, aut reijcere ambientis benevolentiam, quam ma-  
 gnanimitas ista tua, & pronus in humanitatem animus urgen-  
 do suadent. Quominus igitur pax perpetua inter gentes Po-  
 lonam Suecanamq; coalescat, deduci leges in stipulatum po-  
 scimus. Id gloriosum tibi atq; nobis Rex, proficuum Christia-  
 nitati, Ottomannis formidabile erit; ut qui ex Aquilone omne  
 malum unice metuant, nè scilicet unita Arctoi Orbis virtus,  
 inuasorem Orbis Tyrannum, intra primaeva Propontidis quan-  
 dog; retrudat cubilia. Alacris ut præferebat Rex Lega-  
 tum audiuit, verum facile intellectu erat dissentire vultum  
 ab animo, cum iam in secretiori consilio decretum contra  
 Polonos bellum, non citra famæ iacturam, aut leuitatis no-  
 tam retractari valeret: nihilominus ad mutuum colloqui-  
 um iterum deuentum, in quo Legatis Ericus Oxensterna  
 Comes, Magnus della Garde Thesaurarius, Gustauus Biel-  
 ke Senator, & Laurentius Cantersteynius Secretarius Status  
 congressi, eadem causas bello, quæ sub titulo præliminariū  
 vulgatæ, prætexentes; modesta ac enucleata propositione,  
 thesim colloquij, in præterita, præsentia, & futura, distin-  
 guebant. Simpliciter nostri pro iustitia causæ egere, nè id  
 quidem inficiantibus Succis; qui velut continuantes ex-  
 ptum opus, ( adeo operosa simulatio fuit ) cuius causa ve-  
 nissent ut edisserent Legati, iterum districtè rogauere. Re-  
 sponsum est, primo loco pacem perpetuam, dein societatem  
 armorum in Moschum, nimium quàm successibus elatum,  
 proponi velle. Quo super themate Carolus postridie cum  
 suis consultauit, repertis in Senatu illo nonnullis, qui bel-  
 lum quod dissuadere non poterant, morari intenderent;  
 præcipuè Petrus Brahe Vpfaliensis Præsul Lutheranus, tum  
 alij; reponente in concilio Rege, eius se demum pacis cupidū  
 fore, ad quam belli via, ut securiorem duceret. Nec vl-  
 tra simulatio obtentui, deproperante ad Classem Carolo,  
 & Legatos ut in Pomeraniam sequerentur inuitante, cum  
 quibus

quibus enauigato mari, & Poloniam propè, capita paci-  
 scendi conferret. Verum generosè reiecta conditio, Rege 1655.  
 ad Bolgastum Pomeraniæ, Legatis Gedanum mare traijci-  
 entibus.

Romæ huius anni principio, post mortem INNOCEN-  
 TII X. Pont. Max. LIV. Cardinales conclaue ingressi sunt,  
 deligendo successori. Tribus mensibus Electio durauit,  
 Sacro Collegio illo, non omnino eius veteratoris subdola-  
 rum artium experte, qui nè Saluatori quidem tentabundus  
 pepercit. Hispani, subinde Galli, sibi obstrictos volebant,  
 idem studium Principibus Italiæ; etiam populus Urbis di-  
 uturna expectatione anxius, hunc aut illum diuulgabant,  
 solita animorum prurigine, donec vnus eligatur quoscunq;  
 destinandi. Res mira, prodit in antecessum emissarium  
 scriptum, clam obelisco suffixum; quo concitati omnes de  
 cognomine Cardinales, per desumptos ex Sacra Scriptura  
 locos, ad fastigium Pontificale commendabantur, vel ex  
 eadem reprobati fuere, non maiori acumine quàm ener-  
 giâ, ad cuiusq; mores & affectus appositis sarcasmis allu-  
 dendo. Ad Fabium Chisium Senensem ubi ventum, ( for-  
 mata interrogatione ex D. Paulo. ) Bonum certamen certa-  
 ui, fidem seruavi, cursum consummaui, cum cunctis negatiuè  
 respondisset, huic non fallus Vates edixit. *Reposita tibi Co-  
 rona Iustitiæ.* Et si is vix post emissum scriptum xxxvii. die  
 electus, Pontificiam sedem conscenderit. Perhibent præ-  
 terea Malachiam Hybernix Episcopum, aliqua de futuris  
 Pontificibus edisse vaticinia, adiectis ad impressa symbola  
 varijs subscriptionibus. Locum qui cum ALEXANDRO  
 VII. coincideret signauit emblemate montis, addita in-  
 scriptione CVSTOS MONTIVM: cum Familia Chistorum  
 triplici in fastigium montis exporrecto Saxo, pro gentili-  
 tio stemmate vteretur. Die septima Aprilis, promulgata  
 Electio, summâ cunctorum lætitiâ, ipso sibi nomen ALEX-  
 ANDRI septimi imponente. Quantis Vniuersalis Pastor  
 virtutibus radiaret, vel vno ostendit probissimæ demissio-  
 nis



nis exemplo. Pictorem nobilem & cuiusvis effigiem ad  
 2655 viuum coloribus exprimere doctum, dum forte per tran-  
 sennam in lineamenta oris Pontificij intendit, ad se accer-  
 fitum affatur. *Heus sodes nunquid ectypum mihi meditari?*  
 fatente Rondino (id pictori nomen) & dederat specimen  
 artis, iam in aliquot expressis ad amussim Pontificibus:  
 rursus Pontifex *parce labori & ingenio (inquit) in depingendo*  
*Chisio, cranium satiùs mortui hominis effinge, in quo me videam,*  
*ita citiùs & satiùs pretium opera tuleris.*

FERDINANDO quoq; III. Cæsari, annus is iacturam  
 nuper illatam ex morte Filij FERDINANDI IV. Romano-  
 rum Regis, resarcijsse visus: LEOPOLDO Iuniore in Re-  
 gem Hungariæ substituto accoronato; celebris solennitas  
 transacta Posonij die 27. Iunij; quod Alba Regali ac Bel-  
 grado à Turca ereptis, pro sede Regni Austriacis habetur.  
 Lata in præsens prima auspicia Hungaris, vt ferè mitissima  
 fors est, Regnorum sub Rege nouo: sed erit tempus, inter  
 raræ seueritatis exempla numerandû, quando Panonicæ  
 Nobilitatis capita in mortem, mortes in securitatem, for-  
 tunæ in fiscum deuoluentur: & deinceps Turca in patrocini-  
 um alterius tractus, vt vnâ partem erigat, vtramque  
 premet.

die 2da  
 April. Crebrescente in dies belli Suetici rumore, accidit casus  
 rarus magis quàm mirabilis, ac inter prodigia, quæ supe-  
 riore libro retuli, ostenti loco acceptus. Gedano haud  
 longè pagi sunt Zyczow & Zagorze, aperta circumquaq;  
 planitie, inter quos prodigiosa à duabus aquilis pugna  
 committitur. Vix visitatum eo loci id alitum genus, vbi  
 syluæ rariores; tum quia is tractus haud abundat minorum  
 gentium auibus, ex quibus rapaces istæ habeant prædam  
 in esum. Prior à mari deuolauit Caroli Sueci typus; ab  
 oriente altera Casimirum referens superuenit, clangentes  
 inuicem, & infesto volatu non amicum congressum mon-  
 strantes: dein pennis per aëra circumactæ, mutuo alarum  
 impulsu collidebant, vnguibus plumas vellebant, rostro ar-  
 tus

tus lacerabant, quoad inter se implicitæ in terrâ prouolu-  
 uerentur. Neq; mitiùs in terra aëris incolæ egère, perti-  
 naci odio altera alteri exitium intentando. Succumbebat  
 vna strictissimè prioris vnguibus pressa, cum frequentes  
 tunc per arua, seminibus solo mandandis agrestes, à spe-  
 ctaculo in auxilium versi, non aliter victam liberauère, nisi  
 contentiosam pugnam dirimendo, alitum alteram fuste  
 contudissent. Colore plumarumerant cinericio, albican-  
 tibus alis, rostro & vnguibus crassioribus, eo loci vix alias  
 cognitæ aues. Quæ victam se confessa, viua capitur; su-  
 perior certamine occisâ, Gedanum deportatâ, spectacu-  
 lum præbuit, imo præsagium: dum otiosa ingenia, fortuita  
 in omen futurorum trahunt.

Quarto nonas Iulij, Arfridus Wirtemberg Suetici Exer-  
 citus Dux, in Poloniam ingressus, destinatam expeditio-  
 nem prosequitur: curta illi vix. VI. Mill: acies, sed auxit nu-  
 merum Konigsmarcus Pomeranicis delectibus, & circum-  
 quaq; confluentis Germani militis accursu. Præsto aderat  
 Hieronymus Radzieiowski, Vicecancellariatu cum iniu-  
 ria, Regno sine misericordia exactus; hinc, ob immeritum  
 exilium in eos qui læserant peracerbus, ac quo magis Sue-  
 cis se probaret, aduersus æmulos implacabilis. Sed quid  
 demum faceret? interpositione Reipub: haud profecerat,  
 Pont: Max: Cæsaris, aliorumq; Principum interuentu ni-  
 hil ad clementiam cooperante, nouissimæ necessitatis im-  
 pulsus, coactus Suecis se adiunxit; nouus Poloniæ Coriola-  
 nus. Primâ procellâ in Maiorem Poloniam conuersâ, ni-  
 miùm quàm res ibi imparatas, vel satiùs confusas offendit.  
 Quatuor Palatini in populares imperium partiebantur;  
 Christophorus Opalinski Poznaniensis, Andreas Gru-  
 dzinski Calissiensis, Iacobus Rozrazewski Inourocłau-  
 ensis, ac Petrus Opalinski Podlachia: præter hos Castel-  
 lani ac Procerum permulti, quorum nominibus si quid  
 egregiè gestum haud pepercero; sequior fama nè ab ipsis  
 quidem desiderabitur. Isti euocatâ sub signa Nobilitate,  
 C; apud



1655. apud Notessij fluminis ripam, propè Vscie oppidum con-  
 sederant; discordes inter se, ut nè Castris quidem, nè  
 dum animis iungi potuerint: auxit malum, obfirmata  
 de aduentu hostium incredulitas; vnde velut vanis rumo-  
 ribus terrentur, per rura cohortes, nè iunctæ hosti  
 incommodarent, suis dispersæ nocebant. Excussit dehinc  
 dubium Podlachia Palatinus; magnanimus ille, & qui pro  
 auito candore Heroicis actibus, quàm subtilitate ingenij  
 clarescere mallet, dum exploratum procurrens, nouem  
 genuinos Suecos; ac post hunc Kłodzinski veteranus mi-  
 litia, Centurionem Drahimi interceptū adducerent; haud  
 fallentes imminentis hostilitatis nuntios. Tum demum  
 subsidente incredulitate, metus oriebatur. Diuersa agitan-  
 tibus, superuenit Tubicen à Wittembergio cum literis  
 præmissis, breui sed neruoso epistolij contextu. Primum  
 ærumnas calamitosæ Poloniae exponere, demum ubi hy-  
 perbolicè præsentia mala exaggerasset, ijs tamen de medi-  
 cina a propitio cælo prospectum aiebat, Potentissimi ac  
 Optimi Regis Sueciae Caroli interuentu; qui Religioni,  
 Legibus, Libertati Polonorum, vindicias pararet, reprobis  
 exitium. Eum affore mox Protectorem, cuius clemen-  
 tiam, quàm vires, securius sit afflicto Regno experiri. Id  
 se consulere & promittere, si annuunt Maiores Poloni, mox  
 omnibus voti & consilij sui effectum probè constitutum.  
 Datum ex Castris ad Walecz die 14. Iulij, Anno 1655. Ad-  
 uertit plurimum animos epistola, ut tandem contractis in  
 in vnum copijs de imminentibus serio, etsi serò delibera-  
 rent. Penes Nobilitatem robur Equitatus erat, oppida ac  
 pagi peditem submiserant, sed disciplinā haud imbutum,  
 ac per tyrocinium obsequij rudem. Erratum pleriq; cen-  
 suere, quod offerente suos in præsidium custodiendi traie-  
 ctus Electore Brandenburgico, submissa Legio retroverte-  
 rat, sprete ob diffidentiam. Mox à Drahimo Exercitus  
 Suecorum in conspectum venit; nostris apud Czaykowum  
 metatis, incessantq; acie per prolixam planiciem ordinata,  
 ac ful-

ac fulgentibus signis. In prima fronte Prætoria Regis Ca-  
 roli signa (Leib Guardia) monstrabantur; dein machinæ <sup>1655.</sup>  
 succedebant, quas pedes utroq; latere textit; ponè exporre-  
 cto cornu alarum Equestrium. Equitem Pontus della Gar-  
 de, Bretlachus ac Konigsmarcus &c. ducebant; Pediti Pau-  
 lus Wirtius Generalis vigiliarum Præfectus, imperia distri-  
 buebat. Eo ordine progressi, ad datum pugnae signum in  
 stationes Grudzinij, inuehuntur, depelluntq; nihil ausum,  
 numero & apparatu superiores, nisi obiecto Vladislaus  
 Skoraszewski peditatu, vim in serum noctis inhibuisset:  
 quā tandem ingruente, non nescius Grudzinus quàm pau-  
 cū secum in resistendum manerent, reuocantibus Collegis  
 paruit, traduxitq; suos, ipsis tenebris securior, & imminenti  
 periculo concors. Enimvero reliqui, sub noctem impro-  
 viso periculo moti, circumcursare cohortes, exquirere  
 consilia, inuicem sibi errores obiectare; & quod perditis  
 rebus solet, omnia damnabant, nihil quod conduceret af-  
 ferentes. Id tandem consilij occurrit, ut velut ad ante datas  
 Wittembergij literas respondendo, sciscitarentur. *Qua-  
 nam ista vis immerita, & Prouinciarum Regni inuasio? à Sue-  
 cis, gente vicina, contra Inducias, nullo demerito intentata? cur  
 quos amicos sperauerant, hostes experirentur?* Ad ea Wittem-  
 bergius à rescribendo se excludi tempore dixit, mutuum  
 colloquium si placet offerens, ibi à Delegatis suis plura re-  
 scituros, moram interim vel minimam, nec sibi, nec Polo-  
 nis conducibilem. Data acceptaq; fide, ubi comparuere  
 utrorumque Delegati, inter ambos Exercitus intermedij.  
 Hic Wirtius. *Dij melius Polonia (inquit) quam ut ea im-  
 pari Marte belli aleam tentet, inuictissimi Regis Sueciae nun-  
 quam superabilem potentiam laceffendo. Propugnator ille non  
 oppugnator adest præmissis in antecessum illustrissimo Generali  
 Wittembergio, ut solem suum aurora praeueniret. Non am-  
 plius Moschus Lithuanis, non Cosaci Russiae graues erunt, à  
 Protectore Rege coercendi; qui huc ea causa diuertit, ut sibi glo-  
 riam, Polonis pacem, circumiectis populis securitatem, opitu-  
 lando*



lando adferret. Finis colloquio fuit, Commissarijs se ad  
 1655. Nobilitatem referentibus, nec aliter rem concludendam,  
 nisi isti assensu suo, more gentis firmarent, transacta. In id  
 rei, ægrè à Wittembergo ad meridiem crastini impetrata  
 mora est: cum interim nostri vario animorum motu age-  
 rentur; quippè censebant aliqui Thorunium versùs rece-  
 dere; ubi Nobilitati Prusis iungi, etiam auxilijs Electoris  
 Brandenburgici erigi possent; arcere alij hostem lutulenti  
 fluminis traiectu volebant; plures suppresso palam quid  
 sentirent, de non deserendis penatibus pignoribusque, si  
 Protectioni Sueticæ creduntur, clam consilium suggerere  
 ausi: cum subinde adulta die compareret Wittembergus,  
 traiecto Notesso ad Dziembouiam cum copijs, circumdu-  
 ctam à tergo Polonis aciem ostentando. Exegit demum  
 metus assensum, & omnium suffragia in Protectionem Sue-  
 ci conspirauere. Proh amentiam! turpem à Pilawcijs fu-  
 gam, atrocem ad Batavum Ianienam, & quæ alia loca de-  
 decore nostro notata, superauit infamis deditio; vel utrum  
 flagitio vocabulum fuit, accordatio. Ita fert sæculum, ut  
 mala bonorum, & flagitia honestatis nomine quandoq;  
 vestiantur. Eo modo citra sanguinem potiti Sueci Maiore  
 Polonia, subito metu ac fallaci Protectione fascinata: (vel  
 si propria rebus dare nomina licet, discordia & ambitione  
 Procerum) Idq; non imperiti equisonis modo, qui blandi-  
 us manu generosum animal tractat, & frænum melle deli-  
 bat, ut facilius equum domet; nam quo procliuem in gen-  
 tem Polonam, nouella Protectio affectum ostenderet, mox  
 veteranus & præacutus Dux, ad natiuam moris nostri ille-  
 cebram versus, Primores, iuxta & quæ remanserant Nobili-  
 tatem, celebribus excipit epulis, sub dio tractans, exquisi-  
 tissimo ferculorum genere, ac omnigeni liquoris abun-  
 dantiâ. Artis erat, intermedium armis actum dare, ut  
 dum ista teritant, humanitatis interim mistura terror  
 mulceretur.

Quo Carolus Rex nuntiolætus, ingredi fines Poloniæ  
 matura-

maturauit, ex primis successibus in posterum nimia animo  
 destinans. VII. mill: (tamam secutus trado) conduxerat è  
 1655. Suecia suæ gentis militum, Finnorum præcipuè ac Lappo-  
 rum, ex quibus Exercitus robur; auxere numerum per ma-  
 ritimas Vrbes instituti delectus, tum & Liuonica præsidia,  
 ut aggregato Wittembergo, in breui XVII. millia Bellatorum  
 superaret. Sic patentem vndiq; Regionem ingressus, sa-  
 lutationibus & donis, velut hospes non hostis adibatur;  
 tantumq; fiduciæ ille ipse ostendit, ut in domum Grudzinij  
 Palatini Calissiensis rogatus Zlotouiam, sese conuiuio &  
 inuitantis fidei, nè CC. quidem stipatus commiserit. De-  
 mum in intimâ Regni ducentem, apud Kolo oppidum,  
 Christophorus Przyemski à Rege Casimiro Legatus adijt:  
 noti ambo, sub signis olim Gustavi Adolphi simul mili-  
 tando noscentesq; erant; hinc comis in obuium Legatum  
 Carolus; & Przyemscius fidenter veteris amicitia intuitu  
 loquebatur; eo tenore in publico Regem allocutus. (cuius  
 orationis etsi pro instituti mei ratione verba contraham,  
 sensum perorantis in totum breuitati studens expono.)  
 Mirari satis non potuit Serenissimus Ioannes Casimirus, Rex  
 & Dominus meus Clem: cum Senatu suo, ubi nuntium accepit,  
 Wittembergium Suecorum Ducem, cum infestis copijs consinia  
 Regni nostri ingressum; sed magis iustissimum dolorem mouit,  
 ubi Maiestatem Vestram, cum alio Exercitu in medicullum  
 Polonia tendere, compertum habet. Insperatum id planè, ni-  
 hil tale meritos armis adoriri, minus aquitati consonum, stan-  
 tibus Inducijs bello impetere, & qui ne cogitatione quidem ar-  
 mistitium iuratum violauimus, subitam hostilitatem experiri.  
 Quid tandem rei est Ser. Rex, cur eo impetu & affectu in Po-  
 lonos feraris? causam indignationi non dedimus, gratiam Le-  
 gatione prensauimus, quominus perpetua inter gentes Polonam  
 Suecanamq; pax coalesceret, quantum humana ope dariam infi-  
 flendo. In Germanicum contra Suecos bellum, multâ illece-  
 brâ tractus, potior habita ratio data sub Inducijs fidei; reci-  
 sauimus societatem, utilitatem postposuimus. Iam verò priu-  
 atim multi ex Polonis Sueco militauere, etiam ego & Frater  
 meus



1655. meus Sigismundus, Gustavi-Adolphi Maest: Vestra Aun-  
culi, signa secuti, quod iidem multi alij ex nostratibus prae-  
stere. Ast diminuti tituli ladunt? vicinam verò calami erro-  
res scriptoria atramento, non humani sanguinis profusione  
eluantur. Si te Rex luctu studio gloriæ agit? alibi qua-  
renda ea, non ex gente immèrita, nec cum exstimationis vir-  
tutum tuarum dispendio. Quæ verò fama ratio fuerit, dum  
Barbarorum colluvies armis nostris distinetur, pro communi  
Christianitatis bono pugnantes invadere? id planè erit Cru-  
cis hostibus contra Oribodoxos auxiliari. Si victorias præ-  
sumis, iustam belli causam prius habe, quod si affectu rape-  
ris, Nemesim & fortunam ut mutabilis est respice. Suppo-  
neret aliquis opum cupiditate stimulari? sed ut ista nobis de-  
sint, ita tibi animus inest, à vitij priuatorum alienus, &  
purus. Amalthæa pænu, Mida loculos, cornucopias, pro-  
cul à Polonis remouit natura, aurifodinis caremus, fluij no-  
stri pretiosi metalli ramenta non euoluunt, si uberior Ceres  
horrea impleuit, in necessarios vsus fertilitas terræ vertitur,  
& rari auaras opes Mammertinâ custodiâ claudunt. Ma-  
ior Polonia quam adisti documento est. Quas hic reperisti  
diuitias? quam Urbium opulentiam cernis? in Prouincia  
pace florente & hostilitate intacta. Opes nostra concordant  
cum animo, tantum quisq; possidet, quantum necessitati satis.  
Ne tu quidem spoliatorum causa belligeras. Jam verò septen-  
ni bello vexati, novos Exercitus quotannis conscribendo, per im-  
mensas contributiones haurimur velut Eurippo, milleq; dum  
sanguinem prodigit, æra nostra exsugit. Itaq; si Protectoris  
nomine venis, auxilia nobis non hostilia exhibe: Moschi, Scy-  
thæ, Cosaci, materies gloriae tuae sint, Polonos illacessitos præ-  
sta: ita securus aeterna fama litaueris, laceratum Barbaro-  
rum armis Regnum, consanguineo & innocenti Regi conser-  
uando. Quod si vi subigere Poloniam paras, scias oportet  
violenta imperia diuturna esse non posse, nisi bonis artibus pa-  
rentur. Ad hæc, Polonorum & Suecorum diuersa sunt in-  
genia, mari nos natura seiunxit, dissociatis institutis, mori-  
bus,

bus, lingua, religione discordes, sola pax conciliat, ac mutuis  
officijs & commercijs in amicitiam ducimur. Proinde ar-  
mis subigere, aut vi retinere Sarmatiam, Maestas Vestra  
non speret, interim oppressis acrior ex necessitate emerget vir-  
tus, & desperatio spei causa erit &c. Aliam ergo magna-  
nime Princeps ingredi viam, & nobis pance vim deprec-  
camur, & Induciarum fidem illam requirimus. ea verò iam  
violata, quibus medijs restaurari possit, Maestati Vestra  
erit aperire &c. Talia audiuit læto vultu Carolus, ægro  
animo accipiebat, ingenuè dicta profunda simulatione ob-  
tegens, ac pacis studium tantum ostentans, nè successum  
belli moraretur. Summa responsi per Cancellarium dati  
eiusmodi erat. Pacem Regi suo cordi fuisse, si modo ea à  
parte Polonorum haberi potuisset, lasas Inducias, dissolutis  
Lubeca Conuentibus testari. Legatos quin etiam Stokhol-  
miæ id unum egisse, quo Suecos bello cum Moschis committe-  
rent. Coactum proin Seren: Suecia Regem, in reparandam  
iniuriam ijs, uti medijs, quæ Deus & iura gentium statuerint,  
neq; tamen alienum à pace, si modo aquæ conditiones propo-  
nantur. Mox ipse Carolus propè Legatum accedens,  
Theutonicè infit. Quia magno spatio loci, alter Regum ab  
altero distamus, liberabo fratrem meum Casimirum hac iti-  
neraria molestia, cōueniam ipse natu grandiolem, amplectar-  
que: ac ut quantò celerius eius congressus copia fiat, maturabo.  
Hæc renidens, ac velut urbanitati tribueret effatus, Przyem-  
scium perbenignè tractatum dimisit, magna spe iniecta,  
non vq; auersi à pacis consilijs animi, nisi linguæ cum pe-  
ctore discordiâ, magnificis in speciem promissis tegetur.  
Insuper addidit literas, quas subiungo.

CAROLVS GUSTAVVS Suec. Rex &c. IOANNI CASI-  
MIR O Polon: Regi &c. Salutem & Incolumitatem.

Si Serenitas Vestra pacis perpetua: tam fuisset cupida,  
utiq; tot occasionibus consiendi negotij non defuisset, nec tan-  
tam semper preliminaribus obieciisset moram: eoq; non præter



1655. opinionem Maiestati Vestra accidere potuit, quod toties elu-  
si, lacessiti, & male habiti, contra pacta, Seren: Vestra bellum  
intulerimus, infestisq; Exercitiis ante decursum Inducia-  
rum ditiones eiusdem intrauerimus. Quippe cum nec cessare  
institutum Ser: Vra videremus, quin ostentatione pacis perpe-  
tua, Seren: V. tempus traheret, compluresq; interea aduersum  
nos inimicos excitaret; indigna, contra honorem nostrum iure  
pactorum prescriptum, nobis obtruderet; necessum habuimus  
ad arma decurrere, eaq; mala qua nobis ac Regno Suecia im-  
minebant, modo omnibus gentibus, iureq; natura comprobato,  
ante finem Induciarum, etiam Seren: Vestra alijs bellis disten-  
ta, prauentur. Neque iustitiam cause nostra improbare vi-  
detur Seren: Vestra conscientia, cum aliquando talem hosti-  
litatem commeruisse, velut tacita consensione affirmet. Cete-  
rum cum Seren: Vestra testetur, perspectum se habere animum  
nostrum, persuaderetq; sibi nos vicissitudinis humane gnaros,  
casibus Seren: Vestra indolituros, eodq; mitteret ad nos Gene-  
rosus D. Przyemski, Camera sua familiarem, ut animum  
Seren: Vestra pacis cupidum contestaretur, ad eamq; tractan-  
dam nos inuitaret; idcirco pro indole nostra ad tranquillita-  
tem propensa, mentem nostram hisce duximus explicandam:  
videlicet non esse nos à pace alienos, si modo honesta, tuta, &  
decora sit, consentireq; ut capti Stokholmia tractatus, conti-  
nuentur. Vnde, ad perficiendum breuiori temporis spatio, tam  
salutare negotium haud parum prodesse arbitramur, si Seren:  
Vestra Legatos ad nos mittat, sufficientibus Plenipotentijs in-  
structos; cum quibus de loco & tempore conuenire, mox de  
pace agi tractariq; possit, &c. Quod reliquum est optaremus  
Seren: Vestram Remq; pub: Poloniam meliori in statu esse, re-  
ctiusq; antehac rebus suis consuluisse, quominus ad hac extrema  
non deueniretur. Ita, tum amore Regij sanguinis, tum hu-  
manitate tacti; & vicissitudinis rerum humanarum probè  
gnari, infortunio Seren: Vestra dictaq; Reipub: ex animo in-  
dolemus. Dabantur in Castris ad Koto, &c. Neque satis  
depresso à Fortuna Regi talibus insultasse, prodibat insu-  
per

per scriptum latine à Sueticis conceptum, orationis Przy-  
iemscij contenta refutans, & viri militaris succinctam di-  
ctionem, scholasticis tropis & energijs remetiens. Quod  
breuitatis causa omitto. 1655.

Hæc Regi Casimiro quanto inopina, tanto maiora of-  
fundebantur; quam ingens cunctos trepidatio, ex impro-  
uisa inuasiõe corripuerit, vix dici potest; vbi vbi venerant  
Sueci vincebant; nihil exerere ferrum opus, dum benignè  
habent per quos armati transeunt; reliquos Prouinciales  
exemplo non hostilis animi, in suscipiendam Protectio-  
nem pelliciente. Minoris Poloniæ Nobiles agminatim  
in Silesiam, aut Hungariam abibant; alij se intra montium  
iuga recipiebant, & tutiores visi qui primò hostem aspexè-  
re. Aderant Casimiro Regi è Proceribus ad latus, Stani-  
slaus Landzkoronski Campestris Exercituum Dux, ac Ste-  
phanus Czarnecki Castellanus Kijouienfis, (Potocio Ge-  
nerali in interiore Russia manente) cum III. mill: Quar-  
tianorum, qui euocata in publicam expeditionem Nobi-  
litati, apud Louicium se iunxere, futurum alioquin speran-  
tes, si Suecus in Prussiam signa vertit, Maiorem Poloniam  
facile noxiæ Protectioni ereptum iri. Primò itaq; Ludo-  
uica Regina Cracouiam diuertit, ægra animi, & nè à mari-  
to Rege auelleretur, diu obluctata, aduersus suadentium  
rationes; dein Czarnecius exploratum cum leuioribus tur-  
mis digressus, cum Suecis apud Piatkum confligit; mox  
apud Inowłodzum Quingentos plano campo nactus fude-  
rat, primusq; ostendit esse Polonis ferrum, & non improm-  
ptas in hostem manus.

At Carolus, magnis itineribus Varfauiam contendit,  
quam, vacuam Rege (Volbodium is concesserat) ac vix  
CC. præsidio inessam nactus, Benedicto Oxenstiernæ  
præmuniendam relinquens, isthic summa festinatione in  
occursum Casimiro deproperauit. Antegrediebatur Wit-  
tembergus cum Equitatu, (Caualleriam vocant) in octo  
alas seu grandiores phalanges, pro more militiæ distribu-



1655. to Exercitu, qui summo diluculo mouens, circa meridiem subsistebat; sequebatur Rex lento agmine cum machinis ac pedite, paratas stationes ac com meatus in Castris repiendo. Suleiouiæ aduentare hostem nuntiatum Casimiro, qui mox XII. cohortes præmittit, quatenus transitu fluminis Drzewica tantisper præcluso, hostem morarentur, donec ipse consilia & aciem expediret. Executi isti mandata fat promptè, & quia inobseruati in dextrum Suecorum cornu transcurrerant, apudq; ripam fluminis, quâ oppidum Opoczno prælabitur, nihil tale sperantes inuasere, æstu ac lassitudine fessos, & qui equos demptis frænis solutos per confita segetibus arua dimiserant. Quod si subitatio incurfu confusis, plures pugnatores superuenissent, ingens strages dari potuit. Sed Casimirus præmeditato recessu, continuuit suos, donec postera die apud Straszowa-Wola pagum, acies sibi mutuo occurrerent. Quorurum hæres Franciscus Strasz Myſzkouianæ cohortis commilito diuertens, & iam illuc allapsos Suecos comperiens, confestim visa Casimiro nuntiauit. Quippe frontem agminis ducens Wittembergius, dissimulatâ apud militem hesterni congressus iacturâ, ferociter instabat, velut fugientibus nostris, sed postquam instrui aciem ipsius Regis ordinatione vidit, Carolum per nuntios in accelerandum iter admonuit, utq; is euidentius imminere periculum cognosceret, supposito igne villam incendit. Leuis interim armaturæ cohortes præludiū certaminis adornabant, Vexillifero Regni Konięcpolski, cui dextra ala in acie obtigerat, acerrimè inuecto, ut pulsi primo impetu Sueci ad CC. suorum in arena reliquerint. Signum sub hæc receptui datum, subductæq; à conflictu cohortes, (error erat peior priore) nè tractus per proximam syluam difficilis & luttulentus, ab hoste præriperetur. Sanè perculsum Wittembergij agmen disijci iterum facile potuit, si ut à primis Ordinibus feruida signorum illatione itum, ita reliqui pari feruore in pugnam descendissent. Ast cum robore pedi-

1655. tatus machinisque pulsum loco Equitem erigens Carolus, mox pugnam instaurauit. Debilior eo genere militiæ Casimirus, cui vix Mille Quingenti Desultorij, ac sex omnino campestria tormenta erant; vnde Suecorum ictus, in inermem nec par pari referens, nostrorum agmen, maiore noxa emittebatur; quoad in recessum solueretur acies. Non sine tamen Suecorum iactura pugnatum, ut dixi, Forguelo ac Konigsmarco iuniore captis, ac quod non perfunctorij certaminis documentum erat, Wittembergio Generali acinace per brachium vulnerato. Casimirus ab ijs qui lateri adhærebant exoratus, sub vesperam inclinatâ pugnam Wolszczouiam abiuit; Campiduci Landzkoronio reducendi Exercitus, commisso negotio. Peditentim campo se nostri subducebant, etsi densior sylua recessum impediret, ac in tertium vsq; diem apud Predboriam substitere, vsque adeo securi, ut Andreæ Gromadzki cohortis Regiæ Signiferi, morbo extincti, militari pompa ibidem funus ducere vacauerit. Cracouiam inde versis signis ab utrisque processum, & Sueco & Polono caput rerum, vnde in cætera regimen, præoccupare destinante.

Regina Ludouica nuper in Urbem prægressa, cuncta pro possibilitate tentauit, quidquid ad conseruationem loci pertinere arbitrata. Maximè conquisitio pecuniarum angebat: quippe rebus commotis exigere Contributiones haud promptum, contrahere nomina, aut in fœnus sumere difficile; hinc ob defectum æris in muniendam Urbem aut supplendum Præsidium, nulla efficacia: sanè enerue sine neruo Regnum, & facilis ægri corporis in agonem, dehinc in mortem declinatio, vbi spiritus vitales fatiscunt. Requisierat illa loci Antistitem Petrum Gembicki, quominus præsentis Urbis necessitati, opibus Ecclesiarum subueniret, demonstrans satius in defensionem cultus diuini verti eas, quàm inualori relinquere: aut negato primo, daret proprias in mutuum, mox possidenti graues, postquam hostis auaritiam irritassent: siue itaq; Ecclesiæ, siue suas opes crederet,



deret, dissoluendum mox debitum, ubi aræ ac foci in tuto sunt. Ad hæc Gembicius, Stephano Wydzgæ Reginae Cancellario respondit. Quæ postularentur, neq; præcisè negare, neq; apertè annuere; se quippe custodem opum Ecclesiæ non Dominum esse; piaculum proin fore, eas in usus profanos sine permissu Pontificis, vel saltem aliorum Episcoporum assensu vertere. Priuatim quantum sibi ad usus necessarios peculij suppeteret, id omne in commodum Patriæ erogandum, & impendere; contractâ in defensionem Urbis Octingentorum peditum legione. Adfuit mox Rex, quem è vestigio secuti Quartiani, ad Promnikum merati sunt; raris iam Nobilitatis cohortibus, ut quemque curâ penatium abstrahente.

Nè hic quidem tot aduersis pressio Regi, quidquam inclementia fortunæ indulgit: Quartianis cohortibus, facto secessu obsequium detrectantibus. Requirebant emerita stipendia, simul & donatium; quæ utraq; ubi ex ratione temporis, imò rei nummaria defectu negata; spreto Campiducis imperio, delegerant Mareschallum quendam Tyrawski, diu ante militari seruitio exercitum: substituto Alexandro Pracki, qui ambo sub hastata Landzkoronij Ducis cohorte merebant. His imperium in se miles tribuere, cum postulatis ad Regem Senatumq; mittere, responsa excipere voluit; ab ijs indictæ excubiæ, tesseræ militares, & quæ alia Ducum munia, in se novus Magistratus traxerat. Pluries à Rege moniti ut resipiscerent, abnuebant; non sine suspitione à secretiore aliquo afflatu ignem latentem suscitari. Demum Casimirus adhibito Senatu consultauit, eo themate. *Se ubi Diadema accepisset, iureiurando obstrictum, non nisi illud cum vita depositurum; proin deliberatum sibi, ubi illud recepisset Cracouia, subsistere ibidem velle, aut mori. In oculis esset Cinnum suorum non inglorium intra muros Fatum, qui pugnantem Regem, campo acie reliquissent. Superesse Numen, ut humiliter exoratum auxilietur afflicto; quod si ita immobili eum Decreto, per quem Reges regnant, casus imminet;*  
in sed

*in sede Regni haud indecorè occumbendum.* Similia non sine lachrymis, & arguenti propior elocutus, Vniuersi mox Senatus obsecrationibus petitur; nè omnia fortunæ tribuens, Rempub: in casum darèt; sed potius submittens vela aduersitati, se illamq; seruaret melioribus. Aderat Primas Regni Andreas Leszczyński, Leopoliensis Archiepiscopus Tarnowski, Cracouiensis ac Luceoriensis Gembicij, Dux Czartoryski Cuiaviensis, & quinq; alij Episcopi, omnes per sacra & communis Patriæ amorem poscentes, nè aperto discrimini, si expectat hostem, se committeret. Quin etiam xxx. ex sæculari Senatu ad imas obtestationes versi, idem precabantur. Sanè illud tempus erat, quo, si Rex intra Urbem mansisset, ipse, sacra, libertas, non ultra ab extremis, nisi quantum muri Ciuilis crassities intercederet, abesse viderentur. Sicq; gens illa, quæ nuper victrices aquilas per circumiectum Regno limitem tulit, in ipso centro Regni, ac Metropoli Vrbe, sollicita de Fato deliberauit; vel ex eo Orbis imperio digna, quod in ipso fortunæ præcipitio, de Repub: non desperasset. Præualuit demum ignominia spes, & abruptæ desperationi mitiora, visumq; inuitis Superis ac contra cælestes iras, vltimum casum non laceßere: cognitum multiplici experimento Regi, quale sit fortis ingenium, ac plerumq; bellandi constare rationem, si ex obliquo hostem inuadas, nec magis in pugna, quam in ipsa victoria periculi esse. Itaq; in abitum ægrè assensus, destinata in reclinatorium Silesia, uti Feudum obligatorium, Reginam Ludouicam in ante præmisit: ipse interim, raptim, quæ usus & tempus poscerent, disposuit. Depositorium insignium quem Thesaurum Regni vocant, curæ Mareschalci Lubomirscij committitur; Castellanus Kiiouiensis Czarnecius tuendæ Vrbi datus Gubernator: is verò, ubi præueniente hoste, nulla possibilis ratio nouis operibus circumfita firmandi; ædificijs quâ sacris quâ profanis iniici ignem iussit, maximè quæ muris iugiter cohærendo, defensionem incommodarent. Ita



— Clepardia, Stradomia, Piasek, Biskupie, Garbarij, & quid<sup>1655</sup> quid sub nomine pomæriorum à Septemtrione circumpositum, Templâ, Cænobia, Horti, ædificia, vel hosti tristi spectaculo in fauillam ière. Ardentis Urbis fulgorem è Bielanensi Cameldulorū monte aspexit, non sine suspirio Casimirus; in ijs, vnius horæ momento, Regiam fortunam, & quæsitam operibus Heroicis gloriam, ardere imaginatus.

Sed non est quòd de Fato queramur; extra ordinem, ac per mera miracula seruata Poloniam Numen voluit, vt grauius corruens, mox altius assurgeret. Quasi parùm esset ominosa transmarinæ tempestatis procella quati; eadē qua Suecus animi vehementia, eodem ipso tempore Alexius Moschouix Dux premebat Lithuaniam, admotis in obsidium Vilnæ Exercitibus: insuper Chmielnicius vastum Vkraynæ robur Moschicis copijs iungens, Leopolim obsidebat. Ita trium florentissimarum Prouinciæ Metropoles, simul vim immeritam passæ, ac succumbentibus duabus, tertia quæ debilior pertulit. Vndiq; tristes nuntij, cædes, deditiones, populatio concurrebant; ampla tristium Regi ærumnoso seges, & nihil vspiam lætums. Radiuillus quidem Lithuanicis armis Præfectus, aliquoties subitario certamine Moschis congressus, exhibuerat præteritis Comitij signa de hoste rapta, sed ostentuit tantum, & quominus pugnacis animi gloria captaretur. Iam nunc librata Moschi potentia retrouertens, & collegæ Cassiuo malè concors, alias super alias curas, voluere incipiebat. Factumq; vt amoto obice passim Lithuania Moschorum incursionē pateret qui post captum Minsko aliaq; fortalitia, Vilnam abscessu legionum vacuam, die VIII. Augusti, nè exerto quidem ferro occupauere. Interim de industria Magnus della Garde Thesaurarius Sueciæ, ab extremo Liuoniæ margine ostentabat Lithuanis arma, in speciem inimica; sed quæ Protectionis nomen & artes, cum in Moschum vindicias, blandas deditibus se se illecebras,

cebras, re ipsa suggererent. Vnde Radiuillo secedendi prætextus, velut Suecus Birzijs suis, & quæ alia Liuonico confinio adsita, minaretur: reuera suberat nouorum ambitus, & communis cum hoste religionis studium, vnde emanasse credita, deserendæ Vilnæ occasio: quippe vt in loco persisteret Dux, non famæ respectu, (cuius nunquam contemptor ille) non Nobilitatis ac Ciuium precibus, imò neq; militarium obtestationibus (deserendum esse, qui Patriam desereret) à proposito recessu dimoueri valuit.

Accessit impetendo Regno partium assertor Chmielnicius, cum Buturlino Moschorum per Vkraynam Ductore, in Potocium Generalem, ea parte Russiam tuentem ingruendo. Trahebant ambo Sexaginta Mill: bellatorum, machinas immensas, tum alia in vsum oppugnationis Urbium, vt se occasio dedisset, aut tentare munita, aut in aperto prælium experiri. Hæc procella Leopolim respiciebat; nisi quòd prius necessum erat Potocium cum æquitatu depellere, nè labor & discrimina geminarentur. Itaq; ante se agebat numerosus hostis exile nostrorum agmen, Quatuor vix Millia complens, etsi aliquoties subitarijs congressibus malè ab istis mulctatus, potissimè apud Borek oppidum, quingentos suorum amittendo. Sed, quid inter tantos? siquidem, impar potentia Potocius, præmissis impedimentis, retrocedere debuit, insultante à tergo hoste; cum deterioris fortunæ videatur qui cedat, melioris, qui insequatur. Attamen, dextro latere præteruehens Leopolim, præsidio quantum in tempus licuit firmatam reliquit: futurum fore iudicans, quin hostis in oppugnandam totis viribus niretur; ipse interim ad Grodek concessit, experimentum pugnæ, si opportunitas daretur, facturum. Quorsum enim retrò tenderet, aut vnde opitulum speraret? cum pulsum acie Regem, obsessam Cracouiam, turbatam Lithuaniam; & omnia desperata vndiq; nuntiarentur. Grodecum, quatuor miliaribus Leopoli distat, mediocre oppidum, nisi stagnum multorum torrentium aquas in



— finum spatium diffusas continens, aliquod nomen loco  
 1655. faciat. Hic Potocius, traducto ultra emissario stagni exer-  
 citu substitit; occupauitq; aggeris molem, arcere ingru-  
 entes destinans. Nihil in Chmielnicio moræ, quin for-  
 tuna & successu vteretur; ac primo dispallatis apud adia-  
 centia arbusa excubitoribus, oppidum incendit, vitatoq;  
 aggere, qui præsidio Polonorum tenebatur, Cosaci per in-  
 terfluentem riuum, raptim lutulenta voragine aliquot tu-  
 gurijs expleta, incredibili celeritate traiectum superarunt.  
 Inopinum id nostris à fronte inualidis, à tergo circumue-  
 niri; qui tamen ad tres horas circa stagni emissarium e-  
 gregiè vim sustinentes (ubi Demult Sclopigerorum Equi-  
 tantium Protribunus, tum Paulus Lipnicki è Corsboco-  
 rum stirpe egregius iuuenis, cum permultis cæsi) tandem  
 turbatis ordinibus & multitudine hostium inuolutis, mox  
 acies dispersis cohortibus, retro pulsa est: expeditiorem  
 illam, quòd præda distentus hostis consequi destitisset, fa-  
 ctum fortasse metu, nè variabilis ut solet belli alea, iisdem  
 angustijs loci sequacem inuolueret.

A Grodeco hostis Leopoli incubuit, subito regressu  
 terrorem augendo & ferociâ; quem tamen non imparata  
 Vrbs egregiè sustinuit, milite, annonâ, alijsq; in anteces-  
 sum prouisis necessitati, etiam in propugnandi curas acci-  
 to Christophoro Grodzicki Armamentarijs Regni Præfe-  
 cto. Perdurauere integro mense, vis, minæ, impressiones,  
 & grauior cunctis fames premebat; tolerata tamen omnia  
 constanter, Gubernatoris virtute, & præsidiariorum ciui-  
 umq; constantiâ. Urbis sæpius memorata situm & am-  
 plitudinem, anteriore Climactere dedi, neq; nunc iterabo;  
 sat laudis, quòd diuersos per casus tantum fiduciæ ostende-  
 rit, ut inhonoræ tractationi gloriosum finem præponeret:  
 Quippe pretio abscessum licitanti hosti, responderant ob-  
 selsi. *Nihil sibi quod redimerent reliquum superesse, ærem  
 utiq; quem spirarent, et terram in qua sepeliâtur, eripi nō posse.*  
 In alterum mensem protelata obsidio, tandem soluta; ca-

Leo-

Leopolis sorte, ut nulla Urbium Regni, aut acrius concus-  
 1655. sa, aut sæpius discriminibus obiecta fuerit. Grauiusimè  
 interim populatorum Moschorum agmina circumfitas o-  
 ras exercuere, direptionibus adiuncta passim sæuendi li-  
 centia, & ad vsq; ripas Vistulæ impunita. Sensit Lublinū  
 & pertulit immanem feritatem, ubi ingenti lytro salutem  
 redemisset: mox trucidati incolæ ac Vrbs direpta fuit, nè  
 quidquam religiosè iurante Iwanowicio Moschorum Du-  
 ctore, salua omnia & integra oppidanis fore. Manet in  
 præsentem diem arx exusta, Moschicæ immanitatis mo-  
 numentum. Sed quod nunc Moschis, etiam aliquando  
 Polonis in ipsam Moschuam licuit; talio reponitur, igno-  
 scendum est.

Casimirus, quin excederet finibus Regni, Senatus po-  
 stulatis inductus, à Wisnicio Sandecium, dehinc Czorsty-  
 num arcem ad Dunaiecium sitam abiit, quò in Silesiam ex-  
 peditius ac securius per montana pergeret. Georgius Lu-  
 bomirski Mareschallus Regni, Lubowniam Scepusiensem  
 Polonicæ ditionis arcem inuitabat; indecorum censuit  
 Rex vno angulo subsistere, qui toto Regno decelsisset.  
 Nemo per id temporis Lubomirio, aut Regi fidentiùs con-  
 silio, aut Regno gnauius operam præstitit euidentiore,  
 nempe Insignia Regni, quæ sub clauē Senatus custodiun-  
 tur, nouissimo discrimini ex arce Cracouiensi subducta,  
 in eandemq; Lubowniam, per Wolphium Regis Cubicu-  
 larium deportata, securo Deposito recipiendo. Głogo-  
 uia minor, Silesiæ oppidum, in domicilium exuli Regi ver-  
 sa: varijs statim externorum Principum Legationibus, tum  
 exulum Patriæ Ciuium accursu frequentata est. Primus  
 Ferdinandus Cæsar, ex dolendo consanguinei Principis  
 casu, compassionem testatus: dein Eleonora Imperatrix  
 Ludouicam Reginam ex Gonzagarum stirpe affinem sibi,  
 similiter in eo infortunio solabatur. Aderat etiam citus  
 equo Scyrha, Zich Murza vocabulo, ex potioribus gentis;  
 Hanum depressæ fortunæ Regis ita commisereri adferens,  
 E; ut si-



1655. ut simul XX. Millia Equitatus in subsidium polliceretur: ac, quo impigrum opis ferendæ studium palam esset, erectos pertinaci itinere equos, Barbarus monstrabat. Dum Glogouiæ subsistitur, ut est aulæ familiaris natus curiositas, incessit aliquos cupido, quis tandem malorum præsentium finis aut remedium, ex sideribus vanissima inquisitione cognoscere. Id sanè ariolandi genus, lege diuina prohibitum manet, nè astra profatidicis credita, debitam soli Deo latruiam violenti nisi quod insitus animis mortalium pruritus, acerrimè curiosos trahat, (ut mos inuicta) imminetia ex Fato præsciendi. Erat inter asseclas aulæ Nicolaus Zorawski, Medicæ artis tum & Matheseos professione clarus, is, ex astrorum ordine & influxu, ut futura introspiceret inductus, (renuerat diu, donec mandatum, etiam minæ, ex Cynecei penetranti in scheda mitterentur) postquam Planetarum domos & coniunctiones, benigniores aut contra, cum regia genesi contulisset, cæli imaginem ac constitutionem siderum, deprehenso themate in tabulam effinxit: (Quam ab illustri viro sub secreto communicaram, haud grauatim subiungerem, nisi prefam calamitate præsentis aulam, vanitatis apud posteros arguere nolim; & privatis otiosi subiecti lucubrationibus, renuant paginæ historicæ impleri.) Ex eo themate quid Dij boni promitterent expromere iussus, ne spei aut timori leges præscriberet, diu tergiversatus, tandem quoad bellum respondit, ex secundi belli Punici, Lutatia locum citans oratione: *Exitus ubi aquis index, unde vis fasq; fuerit, ei victoriam dabit.* Indifferentia hæc visa, ob quæ innocens cælum scrutinio vexasset, tandem vehemēti iussione coactus, semel atq; iterum intentissimè astra speculatus retulit. Casimirum non ingloriè post tot casus & clades, Regnum recipere posse; non tamen illi vii Regi & in Polonia moriendum, ex fatali positu siderum conijcere. Ignarus horum Rex, postquam detecta minus probauit; sciens artem vanitatis plenam, quid acturi quid passu.

passuri mortales sint, nunquam perfectè ac pro certo ex sideribus definiri posse; etiam Vranologos, genus hominum potentibus infidum, sperantibus fallax: ex Tacito probè intelligens.

Carolum interim Suecum sua fortuna deducebat Cracouiam. Ad diem XXVII Septembris præcursorum agmina ducente Marchione Sulcbacho, per aditos montes, quæ à Michalowice iter, conspici cœpere; dein ubi nulla in aduersos vis compareret, in subiecta Clepardia illapsi, noctem sub dio exegere, donec sequenti luce (dies Dominicus erat) cum tota virium mole Rex ipse adueniret, iuxtaq; Promnikum explicata longè lateq; signa, contra Urbem, steterè ab usq; Wola Palatio suburbano, ad usq; Vistulæ ripas, quæ sinistrorsum Strzelnicam subrus decurrit, diductis aciei cornibus. Procurrere ab Urbe è nostris aliqui, qui ad meridiem velitati, occupabant magis leui pugna hostem, quàm sistebant: qui tandem fumantia Clepardia busta suggestus, per plana metabatur. Vbi cōpertum Regem Polonum obliquo flexu intra montana abscessisse, secutos Proceres, etiam militem nondum sopitis turbis pacatum, in diuersa pergere; sedit mox consilium Carolo abeuntium insistere vestigijs, simul Urbem obsidio premere; utrumuis in manus veniret, seu persona seu locus, consummatum negotium censenti. Etsi præuidebat non citra iacturam Urbe potiri posse, dum sub acerrimo Duce præsidium firmum, & Quartiani illacessitum hostem, mænia urbis quaterè, haud passuri à tergo viderentur. Itaque seu animus in pericula præceps, seu negotij accelerandi consilium vrget, abeuntem Casimirum consequi cum Equitatu decreuit, versus Bochniam deproperans. Fomitē maturandæ profectioni addiderat, superueniens fortè Alexander Pracki Hastaræ cohortis miles, qui repudiato quem primis annis apud Prædicatores induerat cucullo, animo inquires, ac nuper concitandi militis fomes, metu pænæ, aut leuitate ingenij, spem fore iniecerat Carolo.



1655. rolo, si Quartianis retenta stipendia subministrarentur, haud grauatim in partes liberalioris Regis transgressuros. Aduertit suggestio Regem semper extra dilationes positum, & quæ vellet, ocyus quàm consultius agitantem; nihilq; moratus exoluenda Quartianis stipendia recipit, Donatiuum in præsens offert, plures insuper Regiæ munificentiae scatebras, in emeritam militiam deriuandas, abundè pollicetur: modo adessent quibus verbo Regio promissa firmaret, ob euidentem præsens ipse certitudinem. Spondebat Praccius Delegatos Cohortium mox affore, quorum prænuntius veniret, ex ijs probè cogniturum Regem, quâ vnanimi omnes consensu, victoris Caroli sequenda auspicia decreuissent. Equidem priuatone aulæ an ex commissio, talia attulerat Praccius, haud perinde affirmem: certè occulta quadam inclinatione, an fatali instinctu, tam Præfectos inter, quàm turmales, Protectio Suecorum mollior accipi, clementia Caroli laudari, magnanimitas, victoriarum successus, largiendi promptitudo, aliaq; nimium æstimabantur: contra gliscente turbulenti dudum Dominatus odio, exacerbatisq; ob infructuosam militiam subfignanis, nouorum præmiorum accendebatur cupido; ut iam confusorum statu, omnia licerent tam corruptis quàm corruptoribus: qui vtriq; leui aura cohortes in partes trahendas nuntiantes, facili transitione spem Caroli impleuerant. Vnde festinus, & suæ nimium fortunæ fidens, vix CC. comitatu ante suorum agmen præcurrit, ex impulsu Praccij Delegatos, præsentia & alloquio dignaturus. Nobile quippe Quartianæ militiæ nomen apud Regem erat, & comperta aliquot congressibus virtute, ex merito æstimatum. Iam incitato aliquantum equo progressus, apud Biezanow Pagum à suis sistitur, suggerente aliquo. Inconsulto cursu prouocari discrimen & errorem, dum Poloni hinc inde oberrant, & Rex incongruè quæreret eos, à quibus quæreretur; quare si pericula contemnit, saltem quo via ducat, coercito frænâ equo scitari permetteret.

In con-

1655. In contiguo Wielicia oppidum erat, ad quod multiplici vectorum salis concursu, diuortia viarum in varias orbitas secta, confusum reddebant Praccium, nè alio conuersis in quos ducebat, incerti itineris prodromus, Regem nolens falleret. Proin isto viæ perplexitatem obtendente, simul Suecis dehortantibus, continuit quidem gressum Rex; sed Comitem Witgensteynum cum Slipenbacho iuniore præmisit, quominus ad se in loco subsistentem, Delegatos cōducerent. Impigrè isti adstite Praccio prouolabant, cum vix tetrantem milliaris prægressi, in trecentorum nostrorum agmen ab exploratione rediens incidunt, ac, quod metum & doli suspicionem auxerat, à tergo Polonis comparentibus. Proin, re crepera, aliquis ad Praccium inquit, *Hem sodes ad quærendos amicos versi, à tergo hostibus circumfundimur? subduc periculo fidei tua commissos, aut saltem indica extremam necessitatem perituris.* Ad hæc ille animo ac vultu immotus, nihil periculi esse firmiter asseuerauit; aliam quippe Equum tendere Regiâ viâ, quo iussi essent; ipsis extra omne discrimen & metum insidiarum positis. Simul requirebat, quominus Sueci stringendo in manipulos fano, cuius forte viam propè aceruus extabat, in speciem se darent pabulatorum: nimirum in ipso discriminis præcipitio solers, simulari volebat, quasi verò Casimiri miles pabulum equis in noctem pararet, promptiusq; equites incuriosos doli eluderet; ipse interim notus ad transeuntes aduolans, ut ad Landzkoronium Ducem quantocius deproperarent, velut ex commissio monebat. Pauere isti monenti, incitatisq; in cursum equis, explicitos ancipiti periculo Suecos, in tuto reliquere. Qui, mox sub noctem ad Carolum regressi, dum suum ipsi discrimen exaggerant, plurimum fidem & solertiam Praccij commendauere; etsi vera narrari Rex ipse testis esset, propriamq; temeritatem intra semet damnaret; ad cænâ nihilominus lætus, aliquoties inter Primores amicorum protulit. *Iam nunc abundè cognitum sibi fidei Polona specimen.* Certè ea die



1655. die in vnus manu hominis, duorum Regum & Regnorū fortunam positam fuisse, nemo dubitauit. Donis proin & Tribuni Equestris honore cumulatam Praccium, pro merito extulit, seu exemplum non vulgaris munificentiae daturus, seu quod in se meritum & in Patriam autoris flagitium, magnitudine praemij obruendum censeret. Verū Praccius, vt obiter adnotem, non diu insperatis fauoribus exotici Regis vsus, dum Krosna militem contrahit, hostium partes aucturus, interimitur. Is in vexillo cohortis suae depingi fecerat tres cornices, militari hasta transfixas, cum inscriptione. *Deuote, Casusue*: quali epigraphae vsum Gotofredum Bullionæum, Terram Sanctam ex Saracenis recuperantem legimus. Nec perperam sibi vaticinatus; casus enim erat, adeo repente increuisse, vt palmo tenus Regnorum fortunam versaret; arcanum Dei iudicium fuit, quod infamis desertor, in ipso aspirantis fortunæ limine necaretur.

Sed vna Carolo cura, in remedium periculorum, ipsa pericula arcessere, & tanquam sola audacia armatus venisset, Casimirum insequi statuit, ad Wisnicio Lubomirsciorum Castellum circumducto agmine. Remanserat intrò Nobilitas, cum bis centum Nauoiouiensium peditatu, qui in subeuntes excussis aliquoties machinis, demum vbi cōstitit in persona Regem adesse, non ultra sustinere minas ostentatae impressiois; praemisso Feciali, omnia salua, vbi se dedunt ingerente. Nec quidquam acrius in dedititios tentatum, cum in principio utilis videretur clementiae fama. Inde Signa Woynicium versa, vbi Landzkoronius, cum Quartianis cohortibus substiterat, militari in tempus restincta seditione: expedieratq; subinde Christophorum Modrzewski exploratum, cum selecta Sociorum militarium manu, quo se Suecus à Wisnicio reciperet intellecturus; cum is nubiloso de manē cælo in praecursores incidens, ac coniiciens Castra Polona remissis excubijs custodita, ingenti vbi subito inuaduntur inuo-

1655. inuoluenda discrimine, aduentum hostium properè nuntiavit, ipse interim velitando ingruentes sustinens, quod spatium suorum armis & consilijs faceret. Vt nuntiatum, mox agmina Suecorum comparuere: etiam Poloni ad datum tuba signum, sternere equos, armari, prorumpere, ac patienti planicie discurrentes, in aduersos, acriter ferebantur; multis à mensa & vino in cerramen flagrantibus. Primam aciem ductabant Brerlachus ac Rosa Suecorum Tribuni; in hos Koniecpolius Sandomiriensis Palatinus generosè inuectus, vnum ex antesignanis adacto in caput acinate equo deiecit, nec minus feliciter Burzynski commilito, mirā manus agilitate alterum decapitat; alij alios: etsi ex nostris quoq; aliquot caesi; inter alios Szandarowski acer iuuenis, glande traiectus occumberet. Sic praecursores durius primo congressu accepti, donec appropians Carolus, ac crebro tubarum concentu classicum intonando; simulq; valida subsidia laborantibus submittens, praelium instaurasset. Non segnius tamen cohortes Polonae, subortum praelium continuabant; & quia leue aliquod agmen hostium venisse putarent, contemptu audaciores. Quippè haud verisimile iudicabant prudentes, Regem ipsum relictā Cracoviā huc moturum; ac in procursum exploratorios missi, cautè nimium agentibus Suecis; nihil certi afferebant. Tum verò, vt quisq; promptior; in hostem ruebant, cum conspicuus ante suos Carolus, numerosam ab laeva explicat aciem diducitq; vt intercluso recessu, quem Protectionis titulo non poterat, eum belli iure ad se traheret Exercitum. Cognito demum impares resistendo vires, elanguit feruor; maxime quod è machinis infesta explosione peteremur; dein, in receptum militarem cohortes se dedere, maturè ante pugnam expeditā cum impedimentis carragine, nè sua mole & festinatione, Dunaiecium flumen traiescentes, confunderet. Itaq; frustra reuocantibus Ductoribus, digressum cuncti maturant, nullā probri aut impe-



rij militaris curâ, sparsim ut quemq; fors tulit abeuntes. <sup>1655.</sup> Campidux aliquantum ordine aciei retentato, subinde periculum vitæ subiit, à suis destitutus, & vix è manibus insequentium hostium subductus, generoso accursu Stephani Bidzinski (iam nunc post fortitudinis militaris documenta, curuli Senatoria gaudens) etiam mea tunc militantis ope adiutus, quod conscientiam veri frerus profiteor. Prostituerat siquidem Campiducem elassatus praesentissimo discrimini equus, quem tamen verberare cursus admonitum, mox recentem de manu fugacis equisonis ingerendo, iam manibus Suecorum planè hærentem prædam, subduximus. Abitus cohortium protæioni quam fugæ similior erat, nec hostes insecutionem præcipitabant, suamet securitate, & campi possessione victoriam æstimantes. Apud Tarnouiam Landzkoronius sibi & Exercitui redditus, sparsim abeuntia signa reuocauit minore damno, si dedecus fugæ excipias; etiam curribus ac impedimentis militaribus integris, quia præiuere. Enimvero Suetus disperso Exercitu, quod destinauerat ex animo prouenisse lætus, victores suos in obsidium Cracouiæ reduxit: cuius expugnation nouissimum operum edomandæ Poloniae ei credita; cum interea hanc Urbem cum Peditatu Wittembergius circumuallatam excitatis vndiq; operibus stringeret; in præsens reducem cum victoria Regem, truci quâ tubarum cantu, quâ machinarum explosione salutando. Ac, nè obsessi non nescij rei transactæ torerent, quomodo apud Woyniczium Rex vicisset Polonos, in Urbem scripsere collaterales, nimisquam atrocitatem cladis extendentes, tanquam nihil grauius Polonia accidere potuisset.

Cracouia, à Craco olim gentis Slauonicae Principe, (nam de Gracho Romano fabulosum) circiter sub Annum Christi 1070. post Gneznam (ubi primitus Monarcharum nostrorum Sedes) condita, Caput ac Metropolis Poloniae haberi cepit. Alluit à meridie Vistula altero brachio Casimiriam complexus, cuius utraq; ripa in pastum pecoribus

ribus herbida est. Origo flumini ex vicina Silesia, apud Skoczow pagum fonte ignobili, ut ferè magna exilibus <sup>1655.</sup> principium debent; sed qui perennibus annibus auctus, & planè aquilonarium fluminum secundus, postquam medicullum Regni decurrit, fruges Cereris nostræ, apud Gedanum Balthico mari importat, inde per transmarinas gentes distrahendæ; hinc Pactolus Sarmatiae censetur. Situm Vrbs obtinet planum, aërem temperatum, pingui ac vberè solo, & opimis circumquaq; pascuis. Peripheriam Urbis similem Citharæ dicunt, cuius superficies in orbicularem formam quâ forum extenditur, latitudo duarum platearum Castrensis, & Canonicorum, in arcum desinens, tanquam iugum instrumenti ostendit. Arx in colle Vauelli rupe solida iacet, subter quam Vistula prælabitur ab occasu, prospectu amcenò in longinqua. Geminus murus ambit Civitatem veteri forma, munitionibus ut recens mos destitutam, fortè pro antiquo Sarmatarum genio, quibus mænijs Urbium salutem credere insolens, seu pacis fiducia. Stephano Czarniecki Kijouienfi Castellano Gubernium loci, cum imperio in militem detulerat Casimirus, munus occasione belli æstimatum, quod tunc imminente periculo præsentauit nemo; consentientibus in Czarnecium, iudicio Regis, & publicâ famâ: aderat Fromholdus à Ludingauzen Wolph Praetorianis Praefectus, ac Nicolaus Gnoinski Legioni Peditum Palatinatus Sandomiriensis impositus, ut ad ter mille & sexcentos praesidium reduci potuerit. Quin etiam in populosa Vrbe, præter incolarum frequentiam, huc se ex agris Nobilitas contulerat, sed plebs Urbis maximè in defensionem prompta, ob iaculandi peritiam. Suecus Rex, etsi plurimum spei in virtute suorum poneret, multa nihilominus solitudine agitauit, nè dum ipse in muros vertitur, à tergo aut lateribus carperetur. quippe cohortes dissipatæ tantum, Rex ac Optimates in tempus subducti, Nobilitas vndiq; tremens & armata; sparso insuper rumore XX Millia Scytha-



1655. tharum in succursum Casimiro propediem venturire: etiam celebre bellatoris Czarnecij nomen, & militaribus studiis traducta ætas, haud quaquam facili negotio commissæ Urbis portas aperturum persuadebant. Sed supra hæc, fors felicissimæ Regum & animus, cui nihil arduum, nihil imperium videbatur: si modo inconstans Dea unum prosperorum tenorem, in perpetuum seruasset.

A Casimiria, quæ Urbi dirimente amne cohæret, adori Cracouia caput; dum quæ ædes nuper vsui habitatoribus portæ Castrensi vicinæ, iam nunc introgressum hostem, aut machinas supernè importatas tegerent: simul Stradomia nullo defendente inuasa, ac, è præoccupato Bernardinorum cænobio, quod Vauellem ex imo prospectat, haud imprompta fuit Suecis in Arcem iaculatio, dein impressio. Ad primum hostium incursum, non sine aliqua commotione Urbs agere ostendit, augefcente intro metu, dum iniectione suburbij ignes, reflante vento intra mœnia flammam transmittunt, à qua demum insignis D. Francisci Basilica, cum amplissimo Monasterio in fauillam ijs; etiam Episcopali Palatio vix seuentibus flammis dum restinguuntur erepto. Triste si quod aliud visu, dum sacræ ædes, iam ab oppugnante hoste, iam à nostris nè suffugio aduersarijs essent, iniectione igne vrerentur. Sed vel maximè, monasterium Bernardinorum, artificialibus ignibus incendi primò, dein euerri debuit: iam quò exinde in defensores arcis summo cum periculo ab hoste ictus darentur; tum stimulantè indignatione militari, quò ab latente isthuc fistulatore Sueco, Czarnecius fortè vallo caput exerens, in dextra gena, plumbeo globo sauciaretur: vnde maior vulnere, & damnasior suborta fuit consternatio, plerisque letalem ictum vulgantibus, & velut amoto obice resistendi, quantum aduersus pericula perseuerantiæ superesset, palam monstrantibus. Ast ille, sub vesperam læsus, summo manè mœnia adequirans, militi, deinde in foro Ciui-  
bus, saluum se accepto vulnere ostendit, ad strenuitatem

cun-

cunctos, dum voce non potuit, exemplo hortatus. Inde <sup>1655</sup> tuenit ut Quadringenti fermè iuuenes quæ studiis in Gymnasio Cracouiensi addicti, quæ ex tribubus artificum, parrienda inter se arma ac pyrium poscerent, quicunq; casus Urbem maneret, subire & misceri haud recusantes. Vnus feruore Gubernator, ipso Translationis Diui Stanislai Præsulis & Martyris die, additis stipendiarijs ferè totidem, eruptionem instituere permisit, Christophoro Wafowicz Desultorum Primipilo, ac Constantino Bylina è hastatorum Regis cohorte, ducentibus. Nec inferior alacritate effectus fuit: pars quippe in conuectores virgultorum apud pontem Regium illati, comminutis raptim curribus, quidquid Suetici præsidij hic erat, ultra flumen propulere: alij è regione S. Nicolai portæ, in stationes Wittembergianas ingruentes, dispersis quæ apud orificia cuniculorum compertæ operæ, tres machinas hostium de suggestu raptas, quia subduci non poterant, contusis ansis inutiles reddidere. Ac eo usq; inualuerat erumpentium feruor, clamoribus & promiscua explosione fremitum augente, ut Carolus Rex, qui tum Casimiræ in Monasterio Sacratissimi Corporis Christi domicilium fixerat, relictâ mensâ equum inscendere, ac probrosum retrocessum Ductoribus Suecis exprobrare, necessum habuerit. Ad centum hostium interemptos, sunt qui affirmant; cæso ex nostris Constantino Bylina, natalibus & militiâ claro, tum Cequart Pedestri Centurione, eodemq; militaris architectonicæ perito; nec sine aliqua studiosorum iactura, dum ignara vulnerum iuuentus, prouocare audet, quod dolere nescit.

Euanescente Exercitus Poloni in liberandam Urbem regressu, securius vacauit Suecis mœnia quatere tormentis, & circumquaq; Urbem stringere operibus. Hinc via obsidionalis à noua Porta ad S. Nicolai, inæquali ductu prætensa, omnia circumiecta ad usq; S. Florianum complectebatur: inde per Clepardiam ad usq; Arenense Car-

meli.



melitarum Monasterium promotus; locum miraculis & deuotione Catholica celebrem, hostibus militari conamine profanantibus. Super semiambustum templum ergatis tractae machinae: dein, quia locus minus ex usu erat, quas prius incendium intactas reliquit Monasterij aedes, expilatas Sueci subiecto igne cremauere. Vis inde in Portam Profanam seu Swiecka parabatur, cui obuiando, S. Casimiri cum Monasterio Reformatorum Ecclesia in ruinam data, uti proxima maenij & situ suo incommodatura defendentibus: non tamen deiecto templo euitari potuit, quin intra macerias ac lapidum acruos, hostis se insinuaret absconderet. Nihil interea ad diem primam Octobris omissum, quod oppugnandis Urbibus facit, praecipua murorum strage ex continua verberatione machinarum, aut cuniculorum molimine. Notabile fuit, praesidiarios nostros cum primipilo transceso iussu Gubernatoris muro, in vicinum molendino Regio munimentum irrupisse, & aliquot hostium medio diei, meraco obrutos mercen-tesq; trucidasse. Excitato tumultu, accurrunt Sueci opem suis laturos; perstant strenue in vestigio Poloni, contra accurrentium multitudinem pugnaturi; cum Suecus Centurio, alicuius ex restitantes colloquium vrgens, ad prodeuntem infit. *Quae vestra clementia Poloni, ut malitis suo demerito interire, quam viuere clementia nostra? Annona vobis deest, praesidium minuitur, viris bellatoribus destituimini; eccur verò non anticipatis extrema? phanatico isti Czarnecio, ac altero trunca manu Wolphio conseruationem Urbis ad exitium credentes.* Ad haec noster. *Superesse annonam in Urbe ut scias, his hodie comedi; murorum firmitudinem trochleam demissus, probe cognoui: Pugnacissimis verò militibus refertam Cracouiam experieris, si quem ex metu differtis assultum, quantocius exequimini.* Efferatus responsa Suecus, ut secum duello congrediretur, facile Polonum exorauit, qui mox explosione globi traiectum in terram prosteruendo, etiam exarmare ense conatus; nisi accursu plu-

su plurium deterritus, victoriae & saluti recessu consuluit. 1655.

Die VII. Octobris, Carolus Rex, ne ultra deses tempus traheret, vel prodigus suorum sanguinis videretur, pro more militiae Tubicinem misit, extremis quae Urbi imminerent, nisi se dederit, obnuntiandis. Quae tunc nec in ciuilitate spreta, nec usque quaque acceptata, Regiae clementiae oblatio, eo Gubernatoris responso. *Bellis innutritum se, ac plane inter machinarum fragores insensuisse; neque, nunc illarum boatu percelli: imò quod aduerteret, ne pueros quidem qui intra in Urbe existant, is terret; cum incidentes globos velut ludicra capiant, et ad se deferant, reciproco iactu emittendos.* In breui aderat alter ab Oxenstierna Cancellario, velut officij gratiam praemonente literis, quas exhibitas Czarnecius medio foro, inter armatas Ciuium militumque cateruas, legere iussit; eo sensu. *Haecenus ambidextram strenuitatem in Urbe quam obtines Gubernator, luculenter monstrasti: videre te Sueci campo pugnacem; etiam vallo ac manibus clausum, eiusdem animi et vigoris experiantur.* Sed desine ultra quam sit necessum fortis esse, quia virtus in medio consistit. Ita ne Rege vestro subducto, Exercitu fuso, deditis aut fidem secutis Prouincijs, te solum hostem Sueci experiemur Czarneci? sat semel atque iterum parcentibus opponi? sat gloria toties restitisse inuictissimo Carolo? ultra clementiam laceessere, temeritatis erit. Elude quantum vis ictus, reprime assultus, temne pyrotechnicas artes: interim fundes sanguinem, perdes Nobilitatem, exhauries milites Ciuesque, deinde famem, postremo qui vinctus fata; ac ita, quae nunc virtus, iam pro illo tempore contumacia habebitur. Attende sepori, dum quos clementia optimi Regis usus, seruare potes, ne in exitium peruiatiā trabas. Quibus praes, seruandos tibi commisit Casimirus, non perdendos, defendendam Urbem, non in exitum, trabendam, et quae armis asserere non vales, matura deditioe incolumia presta. Ut igitur Urbem, et Regiam, et populum, tanquam fidei commissa de integro



1655. *legro restituas Victori, ius est.* Ad ea Czarnecius nihil in praesens reposuit, Tubicinem confestim excedere iubens, quod scilicet vehementior è tormentis fragor ad minuta attentum, alio auocaret.

In alterum mensem protracta obsidio, ubi patuit triplici cuniculo subtergressum mania hostem, unde propediem inevitabile discrimen Vrbi immineret, multi (ut solet) mitiora loquebantur; etiam aliqui monere Praefectum ausi. Praeveniret extrema, neu in eos quos suscepit protegendos, Suecum clementiam offerentem, crudelem esse cogeret, aliter tot mortalium sanguinis Deo & orbi rationem redditurus. Aderant in Vrbe plerique à Czarnecio ad consilia arcana adhiberi soliti, nempe Simon Stárovolski Canonicus, & cui tunc Gembicius Praefulus rei Ecclesiasticae curam commiserat. Alexander Płaza Rabsztinensis Praefectus, magnus arcis Procurator, seu Oeconomus; Ioannes Clemens Branicki Chencinensis Praefectus; Christophorus Rupniowski Tribunus Cracoviensis, ad quem tuitio Arcis cum duodecim Burgravijs Castrensis de lege veteri pertinet; insuper è Nobilitate complures, quibus pignorum securitas intra muros maior visa, quam si priuata domo ruri degentes, praedabundi militis licentiae exponerentur. His cum in conclavi deliberantem, à Magistratu vrbis Delegati adiungere, diutius sufferendae obsidionis ab impossibili expositis rationibus, petentes; quominus offerente Sueco clementiam, circa Tractatus pacis, Vrbi Metropoli ex condigno Gubernator consuleret; quae ut nunc eidem Defensori pro vita publicam gratiam debeat; ita, si ratio sui circa paciscendum habeatur, æuiternè patrocinium veti Conservatoris agnituram. Adiecerunt praeterea quibus priuatim praemerentur, grauamina; victus & aris defectum, a praefidiario milite molestas exactiones, cum non ferendam grassatorum ac praedonum licentiam, qui per nocturnos catervis & des Ciuium inuadant, fornices reuellant, merces varij generis

generis ac facultates diripiant, & quae non hostis de foris, id in omne nefas discincti nebulones, licere sibi arbitrentur. Et euenerat fortè eo statu rerum, ut è Clero & claro sanguine aliquis, seu leuitate ingenij, seu iuuentutis temerarius, institorias aliquot pergulas excusisset, ausu tunc ob vacationem Consistorij Spiritualis impunito, quoad cohibendam brachio saeculari proteruiam quibus cura Ecclesiae demandata permisissent. Praehensus itaque (cuius nomini in gratiam Ordinis & meritissimae Familiae parco) & globus ille grassatorum dispersus fuit, duobus qui rapinarum conuicti supplicio reservatis, ob exemplum & terrorem.

Exin inter nostros, quanquam gnauiter murorum ruinas sarcientes, invalescebat senium dedendae Vrbi rumor, nullo certo autore enatus, & omnibus inclinantibus. Binas Czarnecius à Casimiro ferendi succursus acceperat literas; sed postquam Regem Opoliae haerere ex Leszczynio Lanciciense Palatino, (is nuper legatus Stokholmiam, iam nunc ob resumendos tractatus Suecum ad Cracoviam conueniebat) compertum; etiam dissipato cum Exercitu Potocio, Quartianorum ablegatos in praesens apud Carolum comparere, requirendae Protectioni constaret; tum annonae penuriam haud quaquam in diuturnum obsidium prouisa; inclinauere ad mitiora animis; etiam Gubernator arrepta nuperae epistolae occasione, tanquam responsi vicem tribuens, Regi Carolo scripsit. *Alter iam à capta obsidione mensis euoluitur, ex quo admatu Metropoli Regni nostri copijs, quid fortuna tua, quid constantia nostra possit, Rex Serenissime experiris. Tibi pro gloria certamen est; nos Patriam defendimus, pro ea, quae omnium charitates complexa, vel extremum spiritum profusuri. Quid in hanc diem armis profecerit, Maestati Vestra liquet; nisi quod benignitas ex literis perspecta, multum nos moueat; cum generosa pectora ferro cedere nescia, potius quandoque mansuetudinis ac clementiae artes trahant, quam minarum.* His M. V. effecit gloriosè, ut eum fauentem quam hostem, quiuis ha-



1655 *bere malit. Verum, quia probatio benignitatis, est exhibitio operis; tempus concedi petimus, consulendi Ser: Regis nostri Casimiri, quo demum casum dispensante, submittemus necessitati vela, potierisq; Cracouia Ser: Rex, non iam ut hostis, sed Regis nostri consanguineus etc.* Allata epistola lætum & attentum reperit lectorem Regem, quominus desiderato loco potiretur, nimium cupientem: Missi insuper qui negotium vltionæ deditiois maturarent, differebant; Omni- no exitiabilem obsessis moram, plus acquiri festinata pactione, quam diuturnâ contumaciâ. Captiuos esse, quam diu intra mœnia clausi manent, nec nisi interuallo muri vitam eorum ab exitio distare. Dum licet & Rex obsessor vult, recipiendæ incolumitatis modos inirent; ac vnde benignitatis naturam cognoscerent, concedi exnunc octiduum consulendo super deditioe Casimiro; etsi parum pro Cracouia sollicito; vt qui vniuerso Regno excedens, integrum illud potentissimo æmulo reliquisset. Indicatum itaq; Primoribus necessitatem sequendam, si modò honorificam securamq; pactionem Carolus præstaret. Id tamen consilij in arcano habitum, nè deditiois rumor in vulgum promiscuè sparsus, à militaribus munij improvidos abstraheret.

Anxia interim Ciuitas, non modo indies arctius cōstringi, verum & spes rescindendi obsidij accidi dolebat. Iam quippe potiores Regni Prouinciæ, Sueci Regis haud respuebant auspiciâ; Casimiri reditus pro desperato habebatur; ac vnde in deteriora impulsus, cunctos speciosum Protectionis nomen, vt incolumes esse vellent, inuitabat. Proin vulgi murmura, & consensus, etiam prudentiorum suafus, perpulere Czarnecium, vt vbi remedium malis extra spem esset, haud mora eluderet, quæ sine euidenti discrimine protelare non licebat. Is demum Præsidibus Cleri, Nobilium, ac è Magistratu præcipuis, militumq; Ductoribus in Arce congressis, quanquam alio inclinaret, alia tamen loquebatur; concordiam animorum experturus,

1655 aut quod geminatis precibus adigi se in deditioem non infra gloriâ existimaret; demum vnanimitè omnes transigi de incolumitate Vrbis postulauere, commissumq; negotium Spiritualibus, quominus à se perscriptis legibus, Religioni in primo capite cauerent. Vbi verò transmissæ à Carolo Rege sunt Publicæ Fidei literæ, in discutiendas condiciones itum, Fromholdo Wolphio Dynemburgense, Ioanne Branicki Chencinense Præfectis, Alexandro Plazâ Magno Arcis Procuratore, Delegatis: Apud Wittembergium tractari cæptum opus, in frequenti militarium cætu, ob expeditius linguæ Latinæ commercium, cuius vsus natiuis Suecis perquam rarus est. Igitur deditiois Leges vt conceptæ, mox approbatæ, nihil morante Rege, imò id gloriæ suæ, ac splendori Triumphorum cessurum affirmante, si confestim postulantibus, regio animo omnia, & sine exceptione concessisset. Quibus verò conditionibus, alienigenam procum virago nostra admisit, haud incongruens reor subiicere. *Religio Catholica Romana, eiusq; vsus & exercitium, prout ex antiquo in Regno Polonia viguit, etiam nunc viget, in eodem statu permanebit, Cracouia, & vbiq;. Ita tamen, vt qui eam profitentur, debita cum fide & obsequio, erga Ser: Regem Suecia se gerant. Ecclesiæ, Collegia, Monasteria, Scholæ, Xenodochia, quæue sacri Ordinis sunt bona tam mobilia, quam immobilia, ab omnibus militum grauaminibus existent immunia: nisi ad contributiones publicas ex more pendi solitas obligantur. Persona vtriusq; sexus Spirituales & Regulares, dum modo pacatè ac obedienter viuunt, immunitatibus, ac bonis suis vtuntur, fruuntur. Vbi & Arci Præfectus, Tribuni, Ordinum Ductores, Milites, Burgrauij, ac tota Nobilitas, presenti obsidione Cracouia manentes, liberè quo placitum abibunt; omnibus bonis suis saluis, etiam dignitatibus ac præeminentiis. Acta publica, Instrumenta, Tabulæ, Scripta, siue Castrensia, siue Terrestria, multo magis Ecclesiarum, integra ac illasa conseruabuntur. Iudicia Iurisdictiones, Officia, cuiuscunq; sub-*



1655. <sup>1655.</sup> felle ac gradu, pro veteri more ius dicent, indicta ludiciorum reassumptione, per publicas (ut vocant) Innotescencias. Cui Vrbe, etiam Regno emigrare placuerit, ei bonorum tam mobilium quam immobilium, translatio, venditio, alienatio, omnimoda, pro arbitrio manebit. Civitas Cracovia cum suo Magistratu, ac populo, et circumferentia, omnibus Privilegijs ac immunitatibus, ut ante gaudebit. Uniuersitas seu Academia, Regni gymnasium, veteribus prerogatiuis, qua publico Comitiorum Regni consensu firmata sunt, bonis item prouentibusque sine noxa fruetur. Illustrissimus Stephanus in Czarneca Czarniecki Castell: Kijouiensis, Arcis ac Urbis Cracoviae Gubernator, tum Fromholdus Wolph Capitaneus Dyneburgensis, cum alijs Tribunis, ac Centurionibus, Turmalibus, Legionariis, vexillis explicatis, sclopetis instructis, funiculis scintillantibus, ad pulsus tympanorum, ex praesidio Urbis decedent, cum XII. diuersi modi tormentis. Istis in alimentum cedent bona quae circa limitem Silesiae Regalia adiacent, idque ad spatium bimestre; intra quod, contra S. R. M. Suecia arma ne utiquam ferro debebunt. Ser. Regis Poloniae Aulicis, Consiliarijs, Ministris, ad Regem suum liber abitus, et transitus sub fide publica conceditur: Quin etiam currus et impedita militaria, absque ulla vexa et incommodo, in locum securum traducuntur. Captiui Sueci quotquot in Vrbe sunt, fide bona, ac sine omni lytro dimittentur, quod idem Ser. Rex Suec. in ampliori numero praestabit. Archium Regni suae illustrationes Thesauri, seu Oeconomicae calculationes prouentuum Regionum contineat, fideliter ubique occultanda. Delegatis a Ser. Rege Sueciae extradetur. Machina bellica omnes, quotquot ad Arcem ac Urbem pertinent; commeatus ac instrumentum belli, in loco suo remanebit; eo insuper adducto, ut praefatus Illustris Gubernator, de omni doto mala obsidibus caueat, se nihil cunicularij operis in nocumentum Suecorum subius terram relicturum.

Eas tradendae Urbis condiciones inter Delegatos ac Generalem Wittembergum conditas, die XVII. Octobris

1655. <sup>1655.</sup> Carolus Rex Sueciae ratas habuit, easque publico diplomate firmavit, in omnibus punctis & clausulis sacrosanctè obseruaturum promittens, quae spondisset. Euestigio adfuit ex intima Caroli admissione Slipenbachius iunior, ut fidenter Regem adiret Gubernator, pro obside missus. At, non egere vadimonio Czarnecius respondit, ut qui maximam securitatis rationem verbum Regium habens, ultro fisci Maiestati eius pro magnifico reputaret. Sequenti die, mox idem reuersus in Arcem, visitatis obiter Regiae conclauibus, custodi Thesauri Reuerendo Miaskowski, ut depositorium illud aperiretur, nomine Regis sui mandauit; quod fieri nequijt, cum absportatis insignijs & quidquid pretiosum, etiam secum subduxisset clauis Mareschallus. Vnde seris ac claustris per serisabros refractis, repertum nihil, praeter parapherna nonnulla antiquitatem redolentia, ac papyraceas farragines, caetera quae cupiditatem irritarent, vacuum locum patefecere. Die S. Lucae, Castrensis (Grodzka) Porta, ac altera Poboczna, quae immediatè arci subest, a Suetico milite insidentur, simul ad praefinitum tempus, euacuatur Vrbs veteri praesidio, sollicitis nimirum Ciuibus, quid tandem boni noua dominatio feret? Excessit primum Wolphij signis expansis agmen, sclopetis ac hastis in humeros reclinatis, fistularum tympanorumque pro more militiae concentu, gressum ciente: ac quo ingenuum abscessum monstrarent milites, iocis scommatibusque cum Suecis colludebant abeundo. Secuta Gnoinscij Heyducorum Legio, è pellibus histricum gestans sclopetorum tegmina, eoque horridior. Ponè ibant sub XIII. manipulis Desultorij, vetus Czarnecij miles, Christophoro Wasowicz ac Ioanne Tetwin ductantibus. Clausit agmen ferè sexcentorum ala, postquam demum Gubernator Urbis Czarnecius Vrbe abiit, suo more coccinea Arabicum in morem veste indutus, & generoso equo in danda imperia versatilis. In Castris ille Carolo valedixerat, quem inde secum in stationem carpento vetum,



1655. Etum, & comiter mensæ adhibitum, ex merito virtutis honorificè dimisit; iste mutuò rerum vicissitudinem, & insuperabilia Caroli arma, pro gloria aut solatio loquebatur. Tantundem apud suos, ex præstanti & heroico animo encomij vel fatente invidia, meritis: reperti nihilominus qui priuatis sermonibus obstreperent, consummatam famam inclyti Bellatoris carpendo. Incusauit miles, parcius distributam rem alimentariam, licet abundante publico pænu; hinc molesta fame rapere apud Ciues coactum, vnde viveret, dum annona & stipendium interuertitur. Magnam partem argenti ab Ecclesijs, in obsidionis necessitatem mutuari, ab eo receptam; quod mox in nummularia Zacherlæ officina in signatam pecuniam recusum, priuato vsui addiderit, iniurius eius assis vsurpator, pro quo miles sanguinem, imò vitam prodigeret. Nec Nobilitas, nec Ciues perpercere, adscribendo Gubernatori, quod æquè militum, quàm grassatorum licentiâ, institorias pergulas, aut Iudæorum fornices diripiendo, peccauerat; vbi fænoris data pignora, ad summam sesqui Millionis debitoribus periére; neutiquam tolerabili rapina, nisi facti & spoliolum participatio, ad conuiuendum reis induxisset. Ipse vnus non tantum verbis, sed ingentibus donis à Rege Sueco cumulatus; quorum pretium decuplo redhibere incolatus Urbis debuerit; enormi Ciuibus indicto ære in largitionem. Sed hæc solita mortalibus, in periculis pauescere, cuncta offerre vt euadant, demum qui discrimen depulerant criminari; quasiverò, dare aut impendere omnia pro salute communi non satius fuerat, quàm hostium discretionem seruare.

Exeuntibus Polonis Vrbe, Wittembergius mox centurias Suecorum introduxit; idq; iam sero noctis, nè quæritas curiosis pateret: in breui Carolus Rex raro admodum comitatu, ac propè priuati in speciem arcem ingressus, acceptusq; vario animorum motu, adhuc dum inter binos Reges diuisis Polonorum studijs. Nemini tamen gratior aduen.

1655. aduentus eius quàm Heterodoxis fuit, potissimè Arriana labe infectis; vt qui Euangelicis non benè, Catholicis pessimè, in fundamento Fidei conuenientes, vno in Rom: Ecclesiam odio Sectarijs sociantur. Testandæ isti lætitiæ, solenni Panegyrico salutabant Carolum, ac quo latius serperet fama, typis Lesznensibus impresso. Titulus erat. CAROLO SVEC: GOTT: VAND: & C. REGI, incruento Sarmatiæ Victori, & quâ quâ venit Liberatori, Pio, Felici, Inuieto, afflictis in solatium, Regibus in exemplum nato & c: Non indignus alioquin audiri Orator, si non adularetur. Componebatur grex ille Arrianorum seu Anabaptistarum ex patritia Nobilitate, præcipuè submontano tractu (Podgorze) ea pestifera lue scatente. Nominibus parco ob Maiorum claritudinem, qui melius tunc à Synagoga sua dixerant, quàm crederent; quasiverò ignari, non magis dissentire Suecum in Religione cum Catholicis, quàm concordare cum Anabaptistis.

Memorari meretur quod à fide digno relatum accepi. Ingressus Arcem Cracouiensem Carolus, Basilicam quoq; D. Stanislai Cathedralem inuisit, vtiq; videndi curiositate ductus, non religione. Qui manu ducebat, Simon Starowolski erat, Canonicus tum Cracouiensis, probum & eruditum caput, spectatu digniora antiquitatis monumenta, Regi exquirenti ostendens, sed præcipuè sepulchra Regum Polonorum, cum breui cuiusq; elogio, historiarum ipse peritissimus. Sors an ordo fecit, vt ad monumentum Vladislai Loctici veniretur; *Hic Rex* (inquit Starowolscius) *ter regno pulsus, ter idē recuperavit:* cui Carolus. *At Casimirus vester, semel exactus, baud amplius recuperare amissum quibit.* Tum Senex seu fatidico spiritu, seu extremo iam senio liber. *Quis scit? nam qd Deus potens est, qd Fortuna variabilis?* Perstrictus responso Rex, curiositati suæ, & sermoni manu ducentis finem, alio diuertens, imposuit; donec peragraret templum capite intecto, & quidquid Starowolscius narraret attentissimè auscultans.



1655. Sub hac oppugnatae Metropolis interuenientia, adue-  
nerat Adamus Brochowski Sochaczoviensis Castellanus,  
Casimiri Regis ablegatus, paci cum Sueco (quatenus requi-  
fierat ipse,) tertio infinuandae. In conspectum admissus,  
excusauit primò tardio rem aduentum, ob itinerum inter  
arma strepentina difficultatem. Sat citò tamen se venire (di-  
xit) si sat bene ego, deum patheticè conficiebat. Ad quid utiq;  
spes ego desideria extendimus, ut solitudo ego vastitas finem bello  
faciant; ac gladiatores toto Orbe collecti, non sine horrore spe-  
ctantium, etiam cum victorum periculo, ad tumultum expiran-  
tis Poloniae, Andabatarum more decerent. Errat, quisquis  
putat tam luculentam hereditatem quietè sibi obuenturam?  
scilicet tot competitores, aequis oculis alienam spectabunt felici-  
tatem, ego non magis quivis finiti morum, scenam hanc suo com-  
modo laudare volet? Respice ex aduerso Ser. Rex duo Impe-  
ria, quibus Turcae ac Germani gloriantur; accedit tertium  
horridi Septentrionis, non minores spiritus, nostris cladibus ge-  
rentis. Quid deinde maritima potentia amuli facient? num  
permittent Maie: Vestra arma, iam ante formidata, in im-  
mensum crescere? ego non magis vsuato Christianis gentibus  
more, aequilibrij statum contineri annitentur? Patiare mo-  
derationis Regia fiducia, vera tibi dici è Rex: quantum armorum  
studio ego gloria superemines, tantum inter conspirantes a-  
mulos discrimini magis expositus manebis. Si nos peribimus,  
tu vicissim periclitaberis. Utor beneficio audientis, ego am-  
plius dico; hac victoria erit, qua fructum victoriae perdet,  
ego. Nec pro Maxima putaueris, insignem famam belli populum,  
si ita Fato visum, attriuisse. Noscent utiq; sacula ego posteris,  
fessis ac laceratis, ego nihil minus quam Suecorum incursionem  
agitantibus, improuisum superuenisse, ego. Nonne Dominus  
Exercituum Deus est? Nonne Dei nostri est, tam in multis  
quam in paucis saluare? Martem ambidextrum, fortunam  
mutabilem, rerum humanarum ludibria docent; nec nisi inter  
solum ego aliena genna, exite momentum interesse. Vis fortu-  
nam propitiam tibi facere, moderatam effice; nam ego magna

1655. nauigia citius mergas, quam regas. Præterea, quos omnes ser-  
uos facere nequeas, cur non quaris, quomodo amicos facias? No-  
sti candidam ego fraudis ignaram gentem Polonam, non erit de-  
decori si socij vocabimur, secundis rebus ornamentum, aduersis  
praesidium. Aequa igitur ego tolerabilia ab amicis facere socia-  
li pete, qua neutiquam ab hostibus bello extorseris. In id Lega-  
ti Reip: praesto sunt, quorum ego vestigia antegredior. Libeat  
modo dum ciuilitate disceptatur, breue armistitium indicare,  
Christiano sanguini parcendo, cuius semper apud bonos Princi-  
pes laudabilis est parsimonia ego. Quod si hic ipse locus Cra-  
couia, ubi arbitri in pacem conueniant, placet, limes odiorum,  
ego pacata disceptationis terminus esto. Audiit Legatum  
dicentem, militari corona suorum cinctus Carolus, cui in  
more positum, etiam quæ non intelligeret, attentè auscul-  
tare; tandem post tridui moram id responsi datum. Non  
iam de ponendis per conditiones armis; sed quatenus resi-  
gnato Casimirus Regno, fortunæ & victoriae cederet, insti-  
tuendam illi deliberationem; sibi interim curæ fore, ut Re-  
giae Personæ & cognationis memor, dignitatem ac statum  
abdicanis Principis, ex condigno stabiliret. Benignè  
interim Brochouium ac lautè haberi iussit, bis à mensa po-  
culum sospiti Casimiro præbbitum transmittens; ut ferè  
haud difficile est felicibus iocari; in rem præsentem reue-  
ra nihil. Abrumpebant siquidem omnem pacis mentio-  
nem, conuersa penitus in bellum studia, & elatus prosperis  
animus, possessa iam (ut rebatur) Poloniâ, moderationis fræ-  
no contringi nequibat; hinc datis ad vicinos Principes  
litteris, quæ quantauè egisset, circumquaq; trans mittebat;  
dominandi nimius, regendi sui indocilis. Ad Imperato-  
rem Romanorum scripserat eo sensu. Haud ambigere, quin  
suscepti contra Polonos belli causas, iam Sac: Cas: Maiestas, ex  
Suetica apud aulam suam Oratore probè cognouerit, nunc suam  
Maiestatem certiore facere, ut huic armorum iustitia, diuina  
bonitas suffragata sit; pluries instructa acie fuis Polonis, oc-  
cupato Regno, exacta finibus Rege, etiam Metropoli Regni ca.



<sup>1655.</sup>pta, & ita demum omnem Sarmatiam iure belli possideri. Inuitare proin in partem eius prosperitatis Sac: Cæs: Maiestatem, pro sincera amicitia lege, quæ deuinctorum sibi doleat aduersis, prosperis letetur. Quo successu, per loci viciniam Suae Maiestati propior factus, nihil antiquius in votis haberet, quam diuersis firmatam faderibus amicitiam, cum Sac: Cæs: Maiestate constantissime iueri: futurum fore sperans, de pari beneuolentia argumentum, à Sua Maiestate relatum iri. Datum Casimiriæ ad Cracouiam die 12. Octobris, Anno 1655. Dissimulauit acceptis literis cordolium Cæsar quo casum acciperet consanguinei Poloni, simul & suspecta Sueticæ fortunæ incrementa. Casimirus namq; concors sibi, & proximo sanguine deuinctus; hic dudum hostis, iam nuper ob interceptam Bremam, ac alia Rom: Imp: loca incertus amicus, veterem regnandi Cæsarem in diuersa meditata trahabat. Mitius tamen responsum, perstrictis leuiter belli causis, & lacesitos Polonos vel ex eo maximè improbare subiungens, quod eæ inter Monarchas Europæos collisiones, certâ Christianitati iacturâ, Turcæ solatio constarent. Pacis deinde ac compositionis mutuae studium, à quo Polonũ non auersum crederet, proponebat; pro eo munere & loco, quod Imperatori Rom: in Repub: Christiana, inter alios Commonarchas ac Principes contigerit.

Dedita Cracouiã, in circumiectas arces ac oppida Suecorum vis ingruerat. Duglassio cum copijs superuenienti, Iacobus Wilkoński Landzkoronam arcem interposita pactione dedit, non tam armorum ostentatione vir militaris territus, quam iussus à Michaële Zebrzydowski Ensi-fero Regni, Caluariensi loco, nè ab irato hoste diriperetur, consulente. Impositum statim Arci præsidium CC. Suecorum, sub Præfecto Burchalsen, habitaq; arx ea velut capistrum montanæ plebis; quæ ut post nobili stratagemate erepta inualoribus, infra attingam. Deterior sors Tenczyni fuit, illud namq; Konigsmarcus iunior aggressus, primò fortiter defensum, dein traditum, vltra datam fidem exciderat,

<sup>1655.</sup>derat, permultris intro fædè trucidatis, cum Ioanne Dźiuli pedestri Centurione: vbi reliquos exermes ac leuissimum fragilem ad indusium Sueci spoliassent. Oycouensem præterea arcem, Niepołomicios, Saxum caniculi seu Pieskowa-Skała, Ogrodzinecense ac Pilecenle Fortalitia, recluserat hostis; præclaro gazophilaceo Viri Illustris Stanislat Warszycki Castellani Cracouiensis intercepto: qui per bellum Senator Regni solus, intra Poloniam mansit, indivulsus à Patria Civis, & hostium hostis. Procerum alij in Hungariam, alij in Silesiam, nonnulli Gedanum deproperauere: repertis qui voti exoluendi causâ, ad celebria miraculis apud exteros loca, peregrè dilaberentur. Primas Regni Andreas Leszczyński Nyssæ aut Głogouiæ agebat; Casimiro consilijs & fortunâ indiuisus: cæteri Præsules hinc vel alibi sparsim abierant, cum tamen Pastoratûs ratio, oves non deferendas suaderet.

Ast leue accessoriũ Sueco oppidis potiri, magis ad rem visum, traducere in partes Exercitũ Regni, promptius Polonicis viribus Poloniæ subigendæ. A Woynicio dilapsæ cohortes, citeriore Vistulæ ripa se ipsas locauerant, maximè Radłowiensi tractu, sparsim hærebant desides, & nescio quomodo feruente bello securi; ac quia ægrè constat sine capite disciplina, promiscuâ licentiâ agentes. Inuitamenta inter hæc accedebant, commeantibus occultè emissarijs, vel ipsismet rem aggressis nostratibus, ut de Praccio attigi supra, qui spem Carolo facerent, Quartianos propediem in partibus fore, vbi in manu Regis hamus & præda simul existeret: suppetere ipsi dandi copiam plusquã ex amaltheæ cornu, fugitiuorum bonis, & derelictis spiritualium possessionibus, quæ nullius essent, pro merito cumulando secutam auspicia sua militiam. Rursus militi suggererant, Primam esse salutis dein gloriæ curam; ut medias inter procellas sine remo nauem, ita illos Rege orbos, haud quaquã imminēs discrimen eluctari posse. Sustinuisse in præsens Suecorum vim, post repressam Moschorũ violentiam,



1655. ac Colacorum rabiē, non ultra discrimē prouocarent: Quid si Scythæ accersiti veniēt, quibꝫ in prædā, sub odiosæ Cōfæderationis ac exuti obsequij crimine destinantur? Mehercule commodius gratiam & pecuniam Regis offerentis, & qui fortitudine sua inuictos semper præstabit, respicere; quā ei, quos deseruisset ipse, desertores appellanti, nullo fructu, certissimo exitio adhærescere. Eiusmodi machina expugnati animi, consensere demum, ut auspicia promittentis anteferent: tandem ad quartam Sueci Regis requisitionē dispungendis Protectionis legibus submittentes Dapiferum Nouogrodensem St; Wyzycki, ac Samuelem Kariski Turmarum Equestrium Optiones. Diu isti abnuerant inuidioso munere fungi, demum suasu potiorum, precibus omnium victi, postulata exercitūs perferenda acceperant. Quibus præcustoditum. Exercitum nequaquā contra fidem ac maiorum instituta, quæ utraq; sibi vita potiora sint, legitimo Regis sui imperio se subducere, sed in tempus cedere aduersitati, ac ita vnum hostem mulcere, nē omnibus victima maneat, cunctos simul exasperando. Sæuere Moschum, lacerare Russiam Cosacos, neq; amicos Regno Suecos, nisi ex multiplici malo, tolerabilius eligendum sit, & afflictæ Poloniæ expediat, theriacam in remedium morbo præsentī conficere, etiam ex materia infesta: Donec vehementia desæuit turbinis, à fortuna & Rege derelictos, subtrus Protectionis alas reclinari velle; ita tamen sub auspicia Suetica transire, ut Polonos se meminerint; nec aliter militaturos externo Regi, nisi auita Religio salua & Patria incolumis, sibiq; recessus liber, ubi redit Casimirus, manerent. Idq; non coactos, aut seruili mercede appreciatos in partes transire; sed maioris periculi euitatione, quod immineret & suo modo, si prius postulata Exercitūs in certos articulos redacta, Carolus fide Regia rata haberet. Erant isti. *Fides Catholica cum vetusto Romana Religionis exercitio, tum Libertates sanguine Maiorum parte in suo Esse conseruarentur; Bona Terrestria onerum mita-*

1655. *litarium immunita essent; Vita & honor viri Nobilis in Tribunali, aut competenti foro iudicaretur; Exercitui Quartiano stipendia exoluerentur, qui idem miles iuramento ad seruitium militare nē obligetur. Prouincia hostibus posse recuperare; recuperata Corpori Regni adiungantur; Dignitates & Officia Terrigenis tribuantur &c. &c. aliaq; ex more veteri & vsu præsentī, Delegatis commissa, quatenus Rex Sueciæ peculiari diplomate confirmaret. Non ingrata legatio Carolo, die VI. Octobris Cracouiæ, adhuc dum durante obsidio expedita, concessitq; disertè omnia festinans & pollicitorum largus; quorum semper quā parati æris, vilius constat dispendium. Neocorczyni demū à præcipuis eius militiæ dum salutatur, Cancellarius Sueciæ, beneuolam mentem Caroli testaturus, proloquium ab ijs D. Aquinatis ordiebatur verbis. *Conclusum contra Manichæos.**

Successus rerum Caroli Regis, fidem facere veterum traditioni videbatur, qui dormiente Dyonisio, Vrbes ac Prouincias in expansum rete vltro deuenire, & sine vllius actus aut operationis adminiculo spontaneè subijci, ad exprimendam luxuriantis fortunæ prodigalitem, graphicè effingebant. Fortuna tamen introrsum dispecta, nihil aliud est, nisi fortuitorum causa per accidens: vel iuxta Comicum; Fors Fortuna, nunquam perpetuo bona. Cracouiam circumsidebat Suecus, cum suscipit Protectorem eū Exercitus Quartiani pars, & veneratur; Quartianos anteit Mag; Lithuanix Ducatus, eiusdem se committens tuitioni, contra inualefcentia Moschorum arma, quibus Vilna Metropolis gentis miserrimè succubuerat. Magnus della Garde Gubernator Liunionis, nihil non egit sollicitandis Lithuanis, quo sub Sueticam transirent Protectionem: opportunitate vsus, dum hic res in confuso positas, secus inclinaret Præfectorum militiæ immortalis planè discordia; intractabili alienis consilijs Radiuillo, & in Patriam ob immoderatum Sectæ suæ zelum, non ut conueniret affectos con-



—contra Vincentio Gasiewski, qui Campestris Dux simul  
 1655. Thesaurarius erat, Collegae imperijs perperam oblucentes:  
 Inde Suetica Protectio mitius audijt; ac quod magis mi-  
 rum, ad suscipiendam, Catholicis, Episcopo Samogitiae, &  
 Nicolao Korff Palatino Vendense impulsoribus. Aderant  
 è Suecis patrando negotio submissi, Gustauus Adolphus  
 Comes à Louenhaupt Campi Marschallus; & Benedi-  
 ctus Skytte Liber Baro in Duderhoff, Arcis Reualiensis Gu-  
 bernator, quibuscum Lithuani apud Kieydany oppidum  
 Radiuillianum (quod ille Caiodunum vocari ad verustat-  
 is ostentationem voluit) congressi, tandem per mutuum  
 colloquium de Protectione Suetica transgère, die X. Au-  
 gusti: Inde tamen famam patratores operis meriti, quod  
 Religionem Catholicam, cui tenerrimè consultum fatage-  
 bant, in primo capite posuissent.

At enim, ut in graui ægritudine per temporis spatia vis  
 morbi remittit aut intenditur, quales medici dies decreto-  
 rios vocant: sic fortuna belli peculiare gradus habet, ac  
 tropicos scandendi, per quos in apicem enititur, aut rece-  
 dit; hoc in illa pessimū quod ubi retrograda est, haud eun-  
 dem tenorem descensus seruat, sæpius vehementi impul-  
 su, ex summo in imum protrusa, protrudensq;: Eo planè  
 temporis, ut afflictio Poloniae infra demitti nequibat; sic  
 fortuna & potentia Caroli in auge stetit, haud iam supra aut  
 ultra ascendere potis. Triginta sex Millia armatorum se-  
 quebantur victorem, ex binis gentibus conflatum agmen;  
 pars Polonus Equitatus, ubi campo pugnandum fulmina-  
 trices Legiones, & efficacissimus præliorum turbo; pars  
 pedestris acies, è Phinnonibus Lappisq;, ignitum statariae  
 militiae genus, mortis contemptu & palmaribus victorijs  
 indurata phalanges: machinarum immensa vis, militari-  
 um operum structores, ac pyrotechnitæ, plus quàm satis:  
 Præter Suecanam Nobilitatem, ac illos bello Germanico  
 exercitatos Strategos, ad latus Regi, Nouem Rom: Imp:  
 Duces, Anhaltinus, Hessus, Croienses; &c. XIII. Mar-  
 chio-

chiones, innumeri Comites, Tribuni, Ordinum Ductores,  
 Veterani, &c: ut immensitas apparatus & fortunæ, tandem  
 1655. prouidè expensa, seriò perterrefaceret Europam, & præci-  
 puè vicina Austria, altius in considerationem fatum Sar-  
 matiae admitteret. Paulus Wirz sub Gubernatoris no-  
 mine tuendæ Cracouiae relictus; Benedictus Oxensterna  
 Varlauiam præsidio insedit; Douglassius Vistulam in po-  
 testate retinendam obseruabat; Wittembergius Genera-  
 lis, valetudinis obrentu Cracouiae morabatur. Cuius  
 loco imperium in peditem delatum Carolo Marchioni Ba-  
 densi; Equiti legem dabat Sulzbachus Comes Palatinus,  
 vicaria potestate penes Eberhardū Tottæ Comitem ma-  
 nente. Demū firmato per gradia promissa Exercitus Poloni  
 obsequio, Neorczyni Tribunos ac Cohortium Præfectos  
 salutatum venientes excepit, tractauitq; humaniter Ca-  
 rolus ferè omnes amplissimis muneribus cumulando, quò  
 altius memoriae accipientium imprimeret largientis sine  
 discrimine munificentiam: etsi ille mirā indolis aptitu-  
 dine cunctis affabilitatem ostenderit, gestu, alloquio, con-  
 uictu facilis, & eo artificio animorum potens. Turcicum  
 palsim apud Præfectos bellum iactabat; modum, iter, po-  
 tentiam gentis, à peritis exquirendo; ex Togatis de iure  
 dicundo, Tribunali, Comitij, & quæ huc spectant, scisci-  
 tabatur. Quin etiam templa adire, imagines contempla-  
 ti, Clerum honorare; ubi hæc violata austerus in speciem,  
 & in omnibus non extra ostentationem agendi. Var-  
 lauiam dein progressus, in Palatio Viazdouiensi cum Pri-  
 moribus Suecorum deliberauit; num prius solenni mo-  
 re Conuentum Poloniae Ordinibus indiceret? an verò  
 continuato armorum cursu, Victoriæ prosequeretur?  
 Et pacatiora ordiendi regiminis auspicia præplacuisse  
 monstrauerat, circummissis Edictis, quibus ad diem vl-  
 timam Octobris Varlauiae, Comitium Generalia indicebat:  
 postpositum dein id consilij, Prussia acriter belli cupidum  
 inuitante, ad illud opulentiae penu, munitis Urbibus refer-  
 tissi.



1655. <sup>1655.</sup> rissimum; quo obice fisti Victoriæ cursus, & continuatæ felicitatis possessio interrumpi, non improvidè timebatur. Eriam iustus suberat metus, quòd Prouinciæ Ordines cum Electore Brandenburgico, ac Ducali Prussia, strictissimo in mutuam defensionem nexu fæderatæ, vna alteri ad extremum halitum opitulari condixissent. In eum modum; Inita Confæderatione constituerant Fridericum Wilhelmum Marchionem Brandenburgicum, iungendorum in mutuam defensionem armorum Caput, seu Generalissimum; post hunc, secundum locum obtinebat, Iacobus Weyher Mariæburgensis Palatinus, sub eo Generalis; cui vtriq; pro diuersitate instituti, Prouinciarum legumq; diuersum adesset ex Optimatibus consilium, quòd vocaueret Directorium. Præliminare fæderis erat, eam coniunctionem seu Colligationem, absq; Regiæ Maiestatis Poloniae præiudicio fore; & quæ ad nullius offensionem, ipsam solummet tranquillitatem Prouinciarum Borussiae spectaret. Neutri parti licebat absq; altera, Pacem, Inducias, Neutralitatem pangere; alterutræ mutuam defensionem pepigerant, copias iunxerant; Vrbes pleræq; Electorali milite firmatæ, contributiones in stipendium sancitæ; loca præsidij vt post bellum euacuarentur, prouisum; & omnia inter vtrosq; probè ac ex ordine transacta, vel Præsulibus Varmienfi ac Chelminensi, vbi religioni Catholice apprimè cautum, subscriptione pactum firmantibus. Quod in quadraginta duos articulos digestum ac confectum, in Rynsko fuit; die 12 Nouembr: Anno 1655. Mutuis diplomatibus exhibita cautione, nec Electorem, Ordines Regalis Borussiae, nec istos illum vnquam, donec sopito bello pax redit, deserturos. Ea Confederatio optimè concepta, prudenter ordinata, ac primis cæptis læta: cus tamen citra destinationem irritò successu euanuerit, lectoris iudicium, ex infra positis esto.

Quia circumfusus vndiq; armis, Prouinciæ Regni, simul aut diuisim pressæ calamitate belli sunt; haud abs re fue.

<sup>1655.</sup> fuerit, compendiosè, ac velut per epitomen situm Poloniae exhibere legenti: vt si quem ex externis nostra noscendi cura teneat, facilius loca bellis nobilitata cognoscat; nam licet ararem Patriotis ista narrando. Id verò, quàm breuissimè poterò, expediam; cùm magna paruis completi sæculi genium sapiat, exilibusq; lineis ad imaginem ducta peripheria Regni, vel extenso palmo ostendatur. Sarmatico populo Polonorum nomen recentius est; Regio ipsa in Maiorem ac Minorem Poloniam diuiditur, (hinc geminatur titulus, vt in plurali Rex Poloniarum vocetur) quæ ambæ suis Palatinatibus seu Prouincijs constant. Minor amplior, & soli fertilitate diues, tum quia Metropolim cum insignibus Regni obtinet, potiore locum vendicat. Maior consequitur. Dehinc Lithuania, Russia, Prussia, Mazouia, Samogitia, Smolenscia, Podlachia, Czerniechouia, appendices Regno dudum, per arma, aut libertatis illecebrâ accessere. Supervacuis titulis Regnantes nostri haud delectantur: nec, si per incertitiam aut errorem omittas, irascuntur; quidquid ex antiquo aut reali possessione in Ius Regni transijt, id gens sincerius candida pro suo tantum usurpat. Caterum Cracouiensis Prouincia limitem Hungariæ attingit, Alpibus Carpatijs (Beskidy) à meridie discreta, ab occasu Silesiæ; vnde ortus Vistula, qui demum per Mazouiam, ac subiectos Prussiae agros, apud Gedanum mari Balthico illabitur. Seueria etiam Cracouiensi tractui adfita, sub nomine Ducatus, Episcopi Cracouiensis Feudum & possessio est. Sandomiriensis Palatinatus ab ortu Cracouiensi cohæret, circumferentiâ superat; Prouinciâ eâ nullâ in Regno ampliore. Frequens hic Nobilitas, bello apta & erudita, ac quia medios Vistula intetcurrit, promptas habet ex defluitatis Gedanum frugibus opes. Lublinensis ora ab ortu æstiuo prætenditur, cui nomen facit Tribunal Regni Generale, à Stephano Battoræo institutum. Et hæc vel maximè minoris Poloniae tres Prouin-



—ciae Iurisdictionem in spiritualibus Episcopi Cracoui-  
 1655. ensis agnoscunt. Ad Austrum Russia porrigitur, opu-  
 lentiae, etiam cladum, quarum hic non infœcunda in hanc  
 diem Poloniae messis, pœnu: quatuor Palatinatibus Rus-  
 siae, Belzensis, Podoliae, & Volhyniae compræhensa. V-  
 krayna dehinc vastissimo tractu, ad usq; Pontum Euxi-  
 num extenditur, Borysthene, Tyra, Hyppani, maximis  
 fluviorum, in Mare Nigrum se exonerantibus. Etiam  
 ista trium Palatinatum nomine accensetur, nempe Ki-  
 iouiensis, Bractauiensis, & Czerniechouiensis; vastâ sui  
 peripheriâ modicis Regnis Provincia par. Quidquid hic  
 singulare, aut populi locorumuè celebritate memorandum,  
 iam nunc rebellionis pertinacia deleuit; etiam nos alibi  
 memorauimus. Lithuania Moschis contermina in Se-  
 ptemtrionem vergit, sub Magni Ducatus titulo: com-  
 plexa Vilnensem, Trocensem, Minscensem, Mscissauien-  
 sem, Vitepscensem, Smolenscensem, & Samogitiae Satta-  
 pias, seu Palatinatus: quæ & ipsa mari Curonico à latere  
 pulsatur; ab occidua plagâ Liuoniam contingens: Ma-  
 zouia intermediam agit, velut in centro Regni posita; hinc  
 Metropolis eius, in amœna Vandali ripa Varsovia, Regum  
 nostrorum & Comitiorum gentis domicilium est. Qua-  
 tuor Prouincijs constat, Mazouiae, Plociae, Rauae, etiam  
 Podlachiae, quam Bugus nauigabilis fluuius interfecat;  
 ferunt hic sedes veterum Polouiciorum ac Iadzuuicorum  
 fuisse, quas nunc fœcundæ Podlachiorum stirpes occupât.  
 Positionem loci secutus in Maiorem Poloniam transeo;  
 quæ Silesiam dextro latere, Marchiam tergo, laeuâ Rega-  
 lem Prussiam attingens, septem Prouincias numerat. Pri-  
 ma Poznaniensis, à Metropoli nomen obtinet; quam Var-  
 tha fl: nauigij patiens bino alueo suggestus, inde per Mar-  
 chiam ac Pomeraniam vltiorem permeans, infra Stetinû  
 in sinum Venedicum decurrit. Sequuntur Calissiensis,  
 Inourociauiensis, Brestensis Cuiaviae, Lanciciensis, Sie-  
 radiensis Palatinatus, insuper Vielunense territorium. Prus-  
 sia

1655. sia munitis Urbibus, perennibus annibus, mari contiguo  
 superba, etiam mercaturâ, solertius per semigermanum  
 populum exercitâ, vtriq; Vistulae margini prætexitur, in  
 Regalem, Ducalem, ac Episcopalem subdiuisa. Quæ  
 Regi Polono parer, tres Satriapias numerat, Culmensem,  
 Mariæburgensem & Pomeraniæ. Situs Regionis ad Eu-  
 roaquilonem, Ducalis in occidentum vergit: Varmia Ha-  
 bo lacui imminens, etiam Balthidem propè habet. Ge-  
 danum, Elbinga, Mariæburgum, Thorunium, maioris  
 nominis Vrbes, quæ etiam inter Hanseaticas, (quas vo-  
 cant,) locum obtinent. Gedanum portu insigni celebra-  
 tur, etsi Poloni trino littore maris Domini; nempe Eu-  
 xini, Balthici, ac Curoniensis, possessionem æquoris v-  
 surpare intermittimus. Ducalis Prussia Electoris Feu-  
 dum, Regiomontum primariam Urbem, Episcopalis Var-  
 miam habent, Episcopo lus gladij in temporalibus, & ti-  
 tulum Ducis usurpante. Silesia, Polonici iuris olim, nunc  
 Austriacæ domus hæredium: Etiam Liuania ac Esthonia  
 pridem amissa, ne inter titulos quidem numerantur. Iam  
 verò si Palatinatum subdiuisiones, in retrarchias & iuris-  
 dictiones minores annectam, certè non institutum modo  
 breuitatis, sed ordinem rerum interrumpo.

Dum Varsoviae Suecus nonnihil hæret, varia in deli-  
 berationem veniebant; consq; ingenijs & consilijs nouæ  
 Aulæ excurrentibus, vt nè dum consummato bello, iam  
 de modò ac ordine recens formandæ Monarchiæ, inter  
 intimiores Regis Ministros ageretur. Aderant Legatio-  
 nes, Anglica, Moschouitica, Fæderati Belgij, etiam Co-  
 sacorum, recentem potentiam gratulando prensantes.  
 Post seria, lætis oblectamentis dies acti; nescio an natu-  
 râ victoriæ, an mori gentis tribueretur, vt Rex mensæ &  
 conuiujs Polonos adhiberet, ad ludos & choragia voca-  
 ret, diuersaq; spectacula ijs immistus contueretur, pas-  
 sim conuictu & alloquio dignatus: & palam erat, fami-  
 liaritatis inuidiâ perstringi Suecos, vel nimiam confiden-  
 tiam



1655. tiam Regis damnantes, vel quod præponi externos popularibus, minùs probarent, haud occulto cordolio: nisi intelligentes morum dissimularent, subodorati, (ut sæpe fit,) nimix familiaritatis gustum citò euanesce, ac nunc placita, mox fastidiri. Hinc semestri fermè Rege Varſaviæ moratus, etiam per circumſitas oras Exercitus tantisper ſubſtitère. Cauſa moræ Douglafſius & Millerus, ille Equitum hic Peditum Præfecti, quos Varſaviæ præſtolandos cenſuit Rex, diuerſis negotijs operam nauantes. Si quidem Douglafſius Exercitu Polonico, quominus ſequeretur in Prufſiam Regem impulſo, nonnihil difficultatis cum Prouinciæ Sandomiriensis Nobilitate habuit, quæ tardius ſe in naſſam compelli paſſa, Protectionem conditionatè acceptabat, ſuper contentis Ediçti Regij diſquirens, quo ille integram Libertatem quam reperiffet conſeruandam adpromittebat. Diu itaq; apud Douglafſium diſceptato, tandem ad Regem Delegates miſerant, quatenus liberæ Electioni ante omnia caueret, cui uti cardini ac fundamento immunitates Regni inhæreſcerent: idq; diplomate publico deſigniri in anteceſſu deſideriũ poſtulantem Rem acu tetigerant; quos dum ad pleraq; blandius reſpondens expedit Carolus, Electionem minus neceſſariã ſibi videri dixit. *Ad quid enim indici Comitia ferendis ſuffragijs expediret? ſi huic (enſem lateri accinctum monſtrans) Electionem in totum debeat? aut cur clamorosas promiſcua multitudinis voces expectare velim, qui non imaginario actu, ſed hac manu ſuffragante, Rex veſter fieri poſſim? imo ſim?* exin apertius quid intenderet, inuolucrum remouente affectu prodidit, velut vilcera Protectionis & artes patefaciens, quibus deſtinatum liberis capitibus ſeruitium premendo, aut blandius quàm cum ſubditis, aut atrocius quàm cum hoſtibus ſubinde loqueretur.

Plus Millero cum Clara Monte Czefſtochouiensi negotij, quia cum Deo fuit; quomodo enim Religio Catholica tuta, ſi loca cuiusmodi vim patiuntur? non ſufficit homini

1655. minibus infeſtos eſſe, niſi cum Diuis ipſis bellum geratur. Clarum Montem Immaculatiffimæ Virgini MARIE dilectum conſtat, quòd hic Imago eius, in cupreſſina Tabula à D. Luca Euangelifta depicta, multis clara miraculis habeatur. Celebritas loco, ex collatis hic in omne genus hominum miraculoſè beneficijs; vnde manum intro-mittendi grande hoſti illicium, ex reconditarum opum ſuppoſitione, quas grati mortales tribus vltra ſæculis, in memoriam benefactorum Numinis votorum rei dependiffent; iam nunc ſacrilegè in neruum bello vertendarum: nefarij auſus incentore Ioanne Weyhardo Comite à Wrzeſzcewicz Bohemo, ut tunc promiſcuus rumor ferebat. Cæterum Burhardus Miller, Exercitus Suetici Generalis, cum facile iudicaret, opima ſpoliorum ad ſe deuolui, inuidiam facti in cooperatorem regeri poſſe, memoratum Wrzeſzowicium cum Quater Millium agmine, ad locum Sacrum prægredi iuſſit, ſi modò oſtentatione armorum ac terrore, Religioſorum animos expugnaret; qui concinentibus tubis monaſterio aduolutus, conſeſtim pandi ſibi portas imperauit, minax & immemor, locum ſacrum nuper ſibi cultum æſtimatumq;. Ut reſponſum pro modeſtia religioſa negatiuè, ſimul loco à Suecis viſ admota; ſequebaturq; præcuſſores à Wielunio Millerus, cum nouem Mill: peditatu tormentiſq;, apparatu ſanè horribili, ut qui in Prufſicum bellum deſtinatus, huc velut intra parentheſim verteretur: Spes quippe inerat à Wrzeſzowicio inieçta Religioſis veteris familiaritatis fiduciã perſuaſum iri, ut Monaſterium arbitrio victoris recluderent; vel ſi id præſtare nollent, ſaltem armorum terrore inducendos, quominus cum toto Regno infidem Caroli, inualidam Monaſterij cortem traderent. Verùm vtrumq; fruſtra fuit, nam ſuper admittendo Suecorũ præſidio compellati, animoſè reſpõderant, Patres Claromõtani. *Se in ſeruitiũ Diuinum votis obſtriçtos manere, ſub eoq; Sacramẽto locũ antiqua pietate celebrem tueri velle; quem ſecularibus hominibus*



1655. *nibus tradere piaculum foret. Ser: Regem Suecia, uti Dominum gratiosum omni qua par est submissione colere; idq; probè constare sibi, quin extra scitum eiusdem Maiestatis, Clarus Mons à milite Suetico vim patiatur, qui pro Religionis Catholicae, simul & Regni Protectore audiat.* Excipiebant præterea ex speciali Regis rescripto, quo Clarum Montem immunem ab omnibus militum gravaminibus, ne dum ab oppugnatione, patentibus literis pronuntiaverat. Talibus ubi nihil profectum, capta vis ab immani manium verberatione, dein igne efficaci in terrorem elemento, quo subiecto, horreum monasterij multiplici frugum convectione instructum, exustum fuit. Erectæ dehinc à Regione Monasterij corbes & vineæ, etiam suggestus tormentarij, ab Aquilonari latere Millero stationes sortito, & impressionem adornante: idem alia parte Lantgrauio Hasiæ, ac Venceslao Sadowski Tribuno præstantibus, etsi minore efficacità, cum exaggerati introsum terræ muri, vix aliquot laterculos ictibus quassati perderent. Nec diu à Claromontanis hæsitatum, quin ictus reponebant, ea tangendi scopi libratorum felicitate, ut intra trihorium campo se subducerent Sueci; notabili ab incidentibus globis iacturâ campo depulsi: istis, quod suffugium & receptum subiecta Monasterio ædificia darent, nullo damni respectu, à suismet incolis incensa sunt, ac in favillam redacta: eò promptius ignem concipientia, quod sub tectis coniectum fœnum inesset, etiam aliquæ stramineis fasciculis factæ, ac ideo ardere faciles. Literis post hæc, & suasionibus inter utrosq; actum, annitente plausibilibus verbis locum munitum obiter subigere Millero, ubi grande opus patrat, Regem in Prussiam quanto citius secenturo; seu ut tempus operis militaribus excitandis, prætenso tractatu haberi posset.

XIX. Nouembris, qui fuit Præsentatæ D. Virgini sacer, recruduit oppugnation, maiore quàm antea fervore & impressione adornata. Siquidem Cracoviâ sex muralis

tor-

1655. tormenta aduecta fuere, cum ingenti ad rem pertinentium copia, & recens miles vicinis deductus præfidijs, pervicacissimè in assaultum ferebatur. Dato impressioni signo, è machinarum fulgetris immania crepant tonitrua, quàm ante vehementius; insurgit undiq; in cuneos densatorum agminum clamor, tonat horrendum grandinatq; & circumiecti Horizontis cælum, offundente fumum pyrio caligine inuoluitur. Prodit Gigantomachia, seu eius obsidionis Commentarij, impressione perdurante, adeo frequentes iactos concutiendo templo ac contiguæ turri globos, diuersaq; è pyrobolis missilia, ut fumo & igne Clarus Mons inuolutus, totus planè ardere videretur. Sed Sueci, hem Fatis certasse minores? Recidebant casso ictu tela, alia supra culmina templi innoxia transuolabant, non libratoribus sua peritia, non pyrotechnicæ artis magistris constitit iaculandi successus; cum irriti à regulis globi, & igniuomæ faces à scandulis reuoluerentur, velut à solida rupe resiliences. Imputauere præstigijs frustraneum molimen hostes, cum ex illis plurimi fæda strage corruerent; subibatq; pudor celebres illos bellatores, totq; Fortalitiorum domitores, ab imbelli Monachorum cætu claustro suo manentium, ignominiosè reijci: cum, ut quisq; ex ijs cominus intra teli iactum profiliret, confestim haud aberrante ictu à manijs sterneretur. Sed indignabatur vel maximè Millerus, quod sub impressionem, in edito turris Odæo, Symphoniaci Monasterij, tanquam per ludibrium sacro cantu obstreperent pugnantibus modulando. Erant intra claustrum Stephanus Zamoylski de armis Rosarum Ensifer Siadiensis, Petrus Czarniecki Castellani Kijouien: Patruelis, Krzystoporski, Skorzewski, ac pleriq; è Nobilitate Siadiensi, qui Claromontanis iuncti propugnandi curas partiebantur; diuiso inter Augustinum Kordecki Cænobiij Priorem, ac Zamoyscium, ubi discrimen incumbit officio; ut hic peditatui in stationes disponendo, Kordec-

K

cius



1655. cius summæ rei intentus, sed maximè libratoribus machinisq; imperia daret. Recessum ab oppugnatione inanis conatus, etiam superueniens nox persuasit; quam Czarnecius hosti inquietem daturus, cum LX. præfidiarijs primo conticinio egressus, ac silenter ad stationes usq; Præfecti aduolutus, tessos & somno deditos clamore & ictibus inuadebat. Terrorem & discrimen auxerat nox concubia, donec strato cui se commiserat Millerus exiliens, suos in repressionem clangente tuba conciret. Quippe Czarnecius animo & manu iuxta validus, excubias hostium prorsus disiecerat, inq; suggestus tormentorum, inuectus, quidquid isthic custodiæ mactauit, pari impetu qui auxilio veniebant excipiendo: ita potior pars noctis exacta inter tumultum, & maior, quam pro numero inuadentium edita cædes. Interemptus ex Suecis Comes Horn familiâ honoratâ, Krzepicijs datus Gubernator; operum præterea militarium insignis architectus, apud machinas manu Czarnecij obtruncatus; etiam Italus aliquis Protribunus de Fossis; tum Wrzeszouicij Equestris Centurio: complures præterea gregariorum occubuisse, ex vulneratis ac cadaueribus, enixè ab hoste Krzepicios deportatis, cognitum fuit; ex Claromontanis unus nonnisi Hungarus periit, quem longius euagantem socius hostem ratus, globo traiecerat. Mitiora dehinc obtendit Millerus, submissis qui deditionem ingererent, repertisq; proh pudor! nostraribus, qui eadem suadere Religiosis ausi; sed reiecti sunt: contemptæ hostium minæ, postposita blandimenta, fortiter tolerati assultus, præfidiariorum opportunè compressa seditio, Religiosorum ac Nobilium aliqui animo vacillantes, ad infractam constantiam reuocati, mæniorum hiatus seu ruinæ reparatæ: vno verbo conseruatus locus, incolumisq; stetit Mons. *IN QVO BENEPLACITVM HABITARE DEO.* Hem? Vniusne Cænobiarchæ manus, aut prætractum aliquot senum robur, aduersus tantam potentiam eualuere: minimè. *Fecit Deus*

*DEVS potentiam in brachio suo.* Non humana adminicula Clarum Montem; sed diuina opelocus facer tot mortales seruauit, nam miraculis magis quam armis hic pugnatum. Densior nebula tegit aduersum insultus montem; recidiui globi à tecto sacelli retro abeunt; Mulier caruleo theristiro Millero visibilis, supra mænna machinas disponit, aduersos reprimens ictus; Annosus senex in effossione cuniculi lapicidas terret; Suecus contra imaginem sclopum dirigens obrigescit; alteri applicatus faciei tubus genæ adhæret, ut rescindi a chirurgo debuerit; Granata pila ignitis alimentis referta, intra cunas iacentis pueri delapsa, diffractaq; velut aliquod amuletum præseruaret, illæsum pusionem præstat; sex Libratores hostium eodem momento, vi pulveris tormentarij excæcati; dirupæ complures simul machinæ; transeo alia attrigisse contentus, quæ etiam hosti pro prodigijs accepta vulgaratq; & omnia testimonijs fide dignorum comprobata, in archiuio Cænobij ad præsens extantibus documentis. Obsidium inter hæc solito more tractum, continuata murorum verberatio, acti cuniculi, tentatæ impressiones à Suecis; reposita ab oblesis explosio, frequentatæ eruptiones, contraminarum obiectu cuniculis occursum, aliquando preces, sæpius tractandi mentio, & mitiora obtentui.

Post deditam Cracouiam Seueriensi tractu, hærebat in statuis Castellani Kijouien: miles, in respirium isthac à Carolo locatus; cum securius degentem, quia fidei publicæ innixum, præcipuè Wolphij legionarios, misso equitatu Millerus intercipit, eosq; maiori impares potentia, in oppugnandum Montem Clarum trahit, prius Regi Sueco Sacramentum militare dicere iussos. Recognoscunt signa Polona Claromontani, dolentq; è suis accenseri hostes, qui rectius uti Catholici defendere debuissent. Sed mox ex transfugiente aliquo proditum, inuitos in seruitium mutandum cogi, dum in hybernis sub fide publica degunt;



degunt; pars solatij erat Castellatum Kijouiensem moliciones subodoratum, se suosq; instanti flammæ subduxisse. Contigerat, quin etiam ut argenteam templi supellectilem, in propinquo stagno demergerent ante obsidium Religiosi, tutius fore sperantes subitus glaciem aquis credere, quàm in aperto metallum humanæ irritamentum avaritiæ, exponere. Cum lixæ Poloni (nam ultra mille nostratum hic commilitabant, sub Kalinski ac Kuklinowski Præfectis) nè quidem in piscium genus mites, eximmissis aquis grandia argenti facti frustra rete extraxerent. Res ea, dum nobilis præda oculi nequit, ab lixis ad Dominos, ab istis ad Præfectos delata, demùm ipsi Millero, haud quaquam eiusmodi crepundia aspernanti innotuit, & is iure suo spoliū ad se deferri iubebat. Ast, negant constanter Poloni, rem à se inuentam, cuiuspiam alio nisi Deo, cui sacra esset, reddituros: hinc inter iubentem ac renuentes controuersia; quoad Generalis quod pro se habere nequijt, nè inobedientiæ locum faceret, donum iactando Claromontanis restituere astutā munificentiam mandasset: scilicet decipulam instruens, ut aliquā metalli parte remissā, ad cuncta rapienda patetaceret viam. Remittitur itaq; Patribus argentum ut donum, mittitur simul Petrus Sladkowski turmæ Polonicæ ductor, qui pro ingenio Milleri beneficium extollendo, deditiōem insinueret. Sed Vir ingenuus, plūs Numini quàm homini obstrictus, ad acriores in defensionem curas Patres animauit, multo minus quin deterreret: prolixè innuens, quatenus pauca mora constantes, loci sacri suamq; demum assererent incolumitatem, reuersurū mox in Patriam Casimirū, vel Barbaris (si Christiani renuunt,) innocenti Principi subsidium laturis.

Instabat interim Hyems, bellicis minus æqua operibus, grauis Millero, præuisā irriti conatus infamiā furenti, & qui protelata per moras deditiōe, ac potiundi loci exsper, atroces verborum minas ubi consumpsisset, con-

tinua

tinua anxietate in se ipsum sæuebat. Partum diuturnis in Germania bellis nomen, grandi opprobrio lacerauerat, ubi palmaris Dux & tot trophæorum Strategus, ab ascetis bello insuetis, (& ut ipse dixit,) barba tantum viris cum ignominia reijceretur. Neq; minus viro acerimo bilem mouebat, à Religiosis preces velut in ludibrium fundi, simul machinas exonerari, placida loqui & noxia agere; tum, quod aduerteret, iam famæ, iam iacturæ suorum vindicandæ, infra spem esse, & penitus deijci ab intento ultionis. Ex sorore Nepotem strato cubantem, enormiter globus machinalis discerpserat; ipsum genius aliquis, vitum alioquin præfracto animo territabat, aliquot tormentata è suggestu obsessi rapuerant, nonnulla impactis quā ignem recipiunt clauis inutilia reddita; Ordinum ductores, Legionariorum ingens numerus, trucidati; ut deinceps inter Suecos in proverbium abierit, *Si vir es, abi oppugnatum Czestochouiam*. Nouissimum dehinc impetum, qui ferè acerrimus circa finem esse solet, ipsis Christi Natalibus obsessis intentauit, quā machinarum iugi explosione, quā incursum agminum infestus: etiam aucto ab intra discrimine, ob commotos multorum animos, pertinaciam hostis superare diffidentes. Ast, diuinitus accidisse creditum, nè arrogaret sibi homo quod faciebat Deus; Siquidem pristinae animositatis admoniti Claromontani, aut castigati ignauia, recipiebant mox animos, regentibus pauorem alijs, dum exprobratur nonnullis. Kordeccius Religiosos; Zamoyscius Nobilitatem ac præfidiarios erigebant; & quia opere plūs, quàm horratu inter arma profici solet, eruperat iste sub meridiem; mactatisq; apud orificium cuniculi tredecim lapicidis, dispalauerat reliquos, ad ipsam circumuallationem hostium penetrando. Hisdem diebus iterum fatalis casus, prandentem sat remota domo Millerum perstrinxit; fortè ad mensam diras loco sacro comminabatur, cum ecce ferrea trajecto pariete pila, fercula disijcit, calices

K;

ac la.



ac lagenas comminuit, & commensales in discursum mouet; à qua iam elassata, concussum Milleri brachium, omnes consternati fuere.

Ita cælitus constantiâ Claromontanorum corroboratâ, pari ut cæpit animo obsidium in finem toleratum: quod, ut à literis exorsi Sueci, iisdem interuenientibus concludebant, scribente ad Conuentum Millero. *Rñdi: Illr: Mag: Gen: Dñi. Vendunt nobis literæ Vestrae solito more, nihil nisi fumum, fumo flammâq; dignum, meras ceremonias loquendo, in ceremonijs moram, in mora pertinaciam, quâ subiectio Regi Suecia, tam potenti & gratioso Domino eluditur. Quid faciamus præter id quod factum est? dum frontem silice duriorum Clementi Regi hætenus obuertitis? Quod verò perditio Vestra ex vobis sit, probè intelligitis. Attamen in superabundanti, duplicem Vobis incolumitatis viam candidè proponimus: aut fortalitiū vosq; omnes in protectionem Regiæ Maiestatis Sueciae Dñi: Nostri Clement: dedatis; aut iuramento fidelitatis præstito, in satisfactionem pro diuturna obstinatione, & damnis toti Regnò illatis, simul in debitam imperij recognitionem, XL. Mill: Imperial: Religiofi; Nobiles intro existentes altero tanto, sine ullâ morâ ac tergiversatione exoluant. Si in altero dilemmatis non satisfiit, pro ea obstinatione Busiridis arâ, aut Perilli tauro dignâ, pro merito aequali mensura retaliabimini. Datum in Castris die 25. Xbris. Anno C H: 1655. Ad ea Religiosi, pecunia carere, imo iam alimenta defecisse sibi queruntur, extremâ inediâ etiam si non obsiderentur perituri, dum prædia Monasterij vnde sibi victus, à Comite Wrzelzowicio ignis illatus absumpsisset. Responso, adiunctæ aliquot icones Diuæ Virginis, globuli precatorii, tum de origine imaginis typis impressa historia, pro Monastica tenuitate & temporis ratione xenium, non vlq; eiusmodi crepundiorum auaro Generali missum. Nocte demum S: Stephani Protomartyris diem subsecutâ, machinæ ex suggestibus abduci, res armamentaria compilari, currus ac impe-*

impedimenta Klobucko versus præmitti cæpere: demum quâ Peditum, quâ Equitum turmæ, horâ ante meridiem X. abeuntes, Montem Clarum reliquere. Millerus Petricouiam tetendit, inde Regem in Prussiam secuturus; Sadowski Calissium; Wrzelzowicz Vielunium, Hessus Princeps Cracouiam dilapsi; frendentes passim destinata offâ non sine opprobrio frustrari. Et à Muris quidem Clari Montis resiliisse globos, vi occulta, non credent heterodoxi: iam verò Suecorum fortunam, ab imperito sacro loco, velut à pariete solido percussam reuolutamq; sequentia indicabunt. Certum est, Imaginem ipsam, quâ cupressinæ tabulæ indidit magni artificis manus, ex Claro-Monte à Patribus Monasterij subductam Lublinecium in Silesiam fuisse: indito altari ectypo, quod coloris ac lineamentorum similitudinem originalis sui referret. Hæc de obsidio Clari Montis, sacrilegè suscepto, per dedecus soluto, ex vero retuli: de quo tamen Annales Suecorum subtrahunt, non magis irriti ausus opprobrium, quam loci à Deo vindicati, gloriam premendo. Hinc, non inueni-  
stè Poëmate aliquis lufit.

*Exin dolosis Hæresis artibus*

*Insueta discat (torua licet feros*

*Visus retorquens) quanta crescant*

*VIRGINEÆ monumenta dextra.*

Tot, (si Clarum Montem excipias) lati vndiq; rerum successus, faciliè Carolum, ut in Prussiam maturaret, protectionem induxere; scilicet nouissimam consummandæ victoriæ, ut rebatur coronidem & messem. Quò Var-  
saviâ mouens, ac vtramq; Vistulæ ripam geminis Exercitibus complexus, armamentarij onera, & quæ alia militaria impedimenta, prono amne deportare iussit; etiam recenti bellantium instituto: ut qui campi dominus, idem & fluij potens esset, ex ratione securitatis. Thoruni-  
um Vrbs clari nominis, Prouinciæ Chelminensis caput, & Regalis Prusiæ vestibulum, prima, per viam adibat.

Ante-



Anterioribus Suecorum bellis, sub Gustavo Adolpho impetitū à Wrangelio, à Gerardo Denhoff fortiter defensum; <sup>1655.</sup> nunc auctu famæ opumq; , & originis Germanicæ nimium memor, in defensionis curas ipsū sibi sufficere censens qui ambitroni finis, vacillauit: ea rerum vertigine satius fore credens, cum vniuersis subdi Protectioni victoris, quàm intempestiua virtutis ostentatione, exponi periculosa gloriæ, & certo discrimini. Haud pro gratia aut odio, quæ utraq; procul habeo, dixero; non armis aut machinarum fragoribus, sed verbis & molli suasu subactum in præsens Thorunium à Carolo: namq; huic Pyrrho Cynæ non defuerunt; impensè benignitatem Regis extollentes, eidemq; refragari, non nisi eius esse, qui perire veller, pervincentes: acerrimis suavoribus Daniele Zydkiewicz Instigatore Fisci, extra forum suum, & ultra quàm expediret facundo; tum Ioanne Slichryng Iudice Wschouense viro per publica negotia exercito, sed peruiacaci Calviniani dogmatis assertore. Isti demum intra paucos dies per colloquia & pactiones Urbem Sueco addixere, nè quicquam armorum vi, integra hyeme subigendam. Cum in instanti Suecorum Duces Gustavus Otto Steinbok, Lindanus Horniusq; ac Comes de Dona, Culmam, Meum, Graudentum, aliaq; circumiecta Prusiæ fortalitia armati passim circumfunderent, & verbis ac terrore expugnata recluderent occuparentq;: citiore annis ripa Suecis, vltiore Polonis incedentibus. Pridie Nonas Xbris, Carolus cum plausu Thorunium introijt, qualis pompæ principiū semper est feruidius, quàm finis: dein magnifico epulo cum Adolpho fratre, (cui præter externorum Legatos, Tribuni vtriusq; Exercitus adhibiti) regaliter tractatus. Dum abscedit, Vrbi præsidium impositum, in quemcunq; casum; cum & Rex in longinqua abiturus tergum non immunitum censeret relinquendum, simul recenti dominationi expediret, prius subditos admissi iugi pænitere, quàm regnantem excus-

cussi: insuper, liberæ fluminis navigationi vltro citroque constringendæ. Ita Thorunio sub nouo Domino sua libertas constitit, ab conterraneo nec disparium sacrorum Rege, non pro spe tractata, cum antea in vno tantum templo à Ioanne Casimiro grauari se quereretur. <sup>1655.</sup>

Post Thorunium Mariæburgum se offerebat, clavis & potissimum Prusiæ munimentum: eo subacto, planè omnis Borussia in manu Caroli erat, quo propius se aduoluentis Gedano, eò vicino formidolosiore. Constat præsidium loci ex stipendiarijs Regni & Electorali milite cõpositum, cui Iacobus Weyher Palatinus, in nomen Casimiri, sub Regentis Prusiæ titulo, vt supra innui præerat, Vir acer & animi in Patriam egregius: deniq; coniunctio Ordinum Prusiæ cum Electore Brandenburgico in mutua Prouinciæ defensionem inita, permouebat Suecum, vt caput prius quàm membra peteret, mox omni tractu illo, qui sub triplici nomine Borussiae audit, citra sanguinem potiturus, vbi Electorem vicisset. Complura siquidem loca, suis Elector firmauerat præsidijs, nempe Czluchouiam, Lemburgum, Stralsburgum, Bransbergam, Brodniciam, Czezeum &c: etiam Hauptum seu Głowa territorij Gedanensis fortalitium, sibi committi voluerat; nisi Vrbs sapienter præuidens, nè curæ defensionis aut deditionis necessitas, alieno sibi constaret arbitrio, oblatae tuitioni renuntiasset; sufficere vires, quibus se suaq; defenderet, contestata. Hinc enata fortè causa fuit, vt conjunctioni illi pro defendenda Borussia inita, Gedanenses per Procuratorem suum, publico scripto renuntiauerint, futuri sollicita Vrbe: & dum altius hostium, iuxta & amicorum arcana consilia rimatur, imminetia coniecturis præueniente. Trahendæ illi in partes, Carolus Rex nihil omiserat, modo blandiens, iam minax; nisi supra suas & terrores posita, etiam illicia communium Sacrorum recto vsu meriens, in veterem ac legitimum Regem fidem præhabuerit, in extrema stabilis.



1655.

Vbi pro certo exploratum, immortos aduersum spem & metum Gedanenses agitare, transmisit tunc Carolus, tempore & successu edomandos, vel vbi campestri prælio perfungitur, demum omne robur in expugnandas Vrbes versurus; Elbingam interim obliquo latere molitus iter, auita Suecorum imperia expertam Urbem, & in populari regimine facilius deditioni obnoxiam. Huc, præmissus Ericus Oxensterna Cancellarius, animos & portas aperiri Carolo persuasit, in spontaneam deditionem assensu Ciuium; ea potissimum lege: *Vt vetus Vrbs à recipiendo & sustentando præsidio Suecico libera esset; noua mille armatos alere teneretur, quæ, nè unum quidem, in ante, Polonum sustentaauerat.* Declui iam Decembre, protinus duo Millia selecti peditatus Elbingam intrauere, in præsidium Urbis distributa, quibus Lindanus Generalis cum imperio præerat: quem duplo auctum numerum, dum Ciues ad pactum reduci postulant, accepere à Cancellario responsum. *Ne id quidem in pactis exstare, ut Elbinga Suecia Regi definire debeat numerum comitatus.* Carolus dein superuenit, per plateas ac forum milite vndiq; oppletum, acclamationibus ac plausu populari exceptus; quem in immensum extendebant lætissim Nuntij, adferentes; Hedvigem Caroli Vxorẽ, Stokholmia Filium felici puerperio enixam; Regiomonti Slipenbach ac Biorncław arcanorum consiliorum Ministri, non vsq; malè apud Electorem hospitati, rerum ex voto conuersionem isthac adferebant; ac licet si haud segnes in bellum paratus offendissent, nihilominus intimiora rimati, citra sanguinem in mutua fœdera mox ituros, qui certamen adornarent Principes, præviderant. Erat quippe Carolus Rex (vt laudem virtutis vel in hoste tribuam,) præterquam quod egregiè fortis, & animi imperterriti, simul ea morum comitate, vt antequam corrupisset fortuna ingenium, vel solo obtutu ac alloquio, hominum animos sibi conciliaret. Etiam tunc Nominalia recens nato Filio exhibere destinans, præter

alios

1655.

alios maiorum gentium Dynastas, Electorem Brandeburgicũ, solenni inuitatione dignabatur, quominus Regio infant ad lauacrum regenerationis Compater assisteret. Nec is excusauit, aut omisit roganti morem gerere; vt, qui mox Regem ad simile baptizandæ prolis officium, vicissim compellaturus esset. Id spiritualis amicitia vinculum sensim vires hostilitati Principum accidere creditum; increbueratq; rumor, in speciem tantum armis collusuros, dudum inter vtrosq; condita Sympathia, & participio eorum, quæ ex bello prouenissent. Namq; vix in limite Regni Sueci steterant, cum Princeps Elector per Schuerinum Carolo introitum in Poloniam gratulatus, simul sollicitè pro amicitia egit, vltro citroq; oblatis conditionibus, quibus propriam statuminaret in ante securitatem. Pactum cum Ordinibus Prussiae (de quo supra,) ad apparentiam tantum initum constitit, nè in minimo quidem Prouincijs illis cõducibile; nisi quatenus in speciem aucta potentia Elector; obtineret respectiue commodiores paciscendi rationes; & postquam incruentis medijs bellum ex ditionibus suis repulisset, demum, à Sueco supremi dominij in Prussia Ius, *Loccenius* ac Episcopatum Varmiensem in Feudum attributum, ante *Vol. 170.* anticipatæ pactionis pretium ferret. Inde Thorunij ac Elbingæ deditionem præfestinè consecutam; quod Vrbes istæ Electoris consilio nixæ, nisi cum scitu & ex imperio auctoris, dedi tam properantèr haud quaquam poterant. Veranè fama, quæ sæpe nititur rumoribus, haud peruinco? non multum tamen abfuisse à vero, consequentia indicant; etiam Loccenius Suecorum Historiographus prodit. Nec quicquam ad celeritatem reliquum fecit Carolus, coniunctis apud Elbingam copijs Regis montem petendo, ac de summa rei quantotius cum Brandenburgico aleam experiri destinans. Cur autem in ipsis ditionis suæ visceribus hostem exspectaret Elector, abscondita tum causa fuit; eodem discrimine, & maiore intactorum agrorum commodo, si in limite occurrisset: cum pro certo constaret, XXX: Mill:

L2



1655. Mill: armatorum in promptu habuisse, Ductore Georgio Friderico de Waldeck Comite, tum Ottone Christophoro Sparrio Peditum Præfecto, utroq; Germanicis bellis laudata militia perfuncto: non omnino impares in resistendum vires, si animus superfuisset; Cunctabundus tamen, & non pro sua Martia indole lentus, militem sub signis continere iussit, cum Carolus celeritate & impetu pro ingenio vteretur: rumore interea sparso, non timeri ab Electore Regem, sed suspectari fortunam, quæ iam nunc Suecum, post prostratam Poloniam formidolosum, sibi vni hostem obiecisset. Apud Bartensteynum Prussiæ oppidum instructa acie congressi ambo, iam propè in procinctu certaminis stabant, nisi interuenientes ab utrinq; ponendorum armorum arbitri, (quales antiqua Roma Patres Patrati) ante agitato, iam nunc coalescente fædere, infestas acies diremissent. Cruenta siquidem pugna incipiebat, ubi Polonæ cohortes, haud colludendi gratiâ committi aciem ratæ, strenuè lænum cornu propulerant, subita vi campo depulsis quæ obsistere ausæ Electoris legionibus: donec receptui signo dato, ac ipsiusmet Caroli Regis accursu, repressâ cōcurrentiū vehementiâ sisteretur. Sed bellum à belluis dictum, quæ tamen in vnius formæ animalia mites, exercent in diuersi generis feritatem: homo ultra belluas ferox, homini lupus est, tanquam perdit aliter, nisi humanis manibus, non possit, mortalium genus. Discretiores in Prussia Sueci, quibus victoria potiri modo politico visum; consanguineas acies fraternaq; cominus arma, seruare superando. Neq; in summam temerarij Electorales, ubi superficialiter monstratâ resistantiâ, virtutis militaris opinioni, tum fidei Feudali satisfactum existimauere, Suecorum fortunæ sine experimento belli restitisse. Itaq; Carolus Rex, excellenti ad famam argumento vsus, tanquam ingenuè Christiano parceret sanguini, (de qua tamen pugna, quod mulus mulum fricuerit, nonnemo ex Electoralibus, Tanscio nostro scripserat) certis legibus

quas

1655. quas subiungo, dirimi hostilitatem voluit. *Prussiam Ducalem posthac Elector, à Regibus Suecia iure Feudi obtinebit: ratione cuius nullam superioritatem aut dependentiam Regis Poloni agnoscat: Pilauiam & Memelium maris Baltici portus, proprio milite tuebitur, unde medietatem portorij Rex Suecus capiet: Elector promittit hic & nunc omnes copias aut praesidia, quæ intra Prussiam Regalem habet, curare deducenda. Episcopa Varmiensis, dempta Bransberga, Electori ceder: Lithuania pro Sueco manebit: qui item vniuersos Exercitus ex Ducali Prussia, sine incolarum noxa, se abducturum promittit. His conditionibus ut arma ponerentur mutuo effectum, ipsis Calendis Februarij Anni demum ineuntis 1656: effusâ Caroli in ministros Electoris munificentia; isto vicissim Ellerum atq; Trotium delegante, qui per maritimas ditiones, militem in nomen Sueci scriberent, colligerentq; suboluerat dudum Casimiro Regi, inter hos æmulos secretò aliqua tractari, sibi aut Regno noxia; hinc ablegauerat Ioannem Tanski Fisci Procuratorem, rebus introspectendis: etiam confirmando in amicitia Electori, nè veterem suam, stabilem semper expertus beneuolentiam, nouo neq; diuturno fortunæ surgentis aspectui, postponeret. Ad quæ, pro voto mittentis, responsum. *Quid Regno Polonia ex fide, etiam ex obligatione animi, tot Regiæ beneuolentiæ deuinctus documentis debeas Ser. Regi, probè Electorem meminisse: qui, ut omnino non probet, impotentem Sueci Regis vehementiam, ita hærentibus in iugulo armis impar, & adiutore destitutus ad Neutralitatem inclinaret; quò amborum partium bello immixtus, securius rebus suis, consulere possit: nisi ultro & gratis ledatur, tum demum ex iusticia & usu vim vi repulsurum.**

Sic inter pactionum aut armorum recursum, defluxit annus, quo à prima origine sui, nescio an Polonia calamitosiorem signauerit: præter publica mala, multorum morte; inter præcipuos Christophori Opaliński Poznaniensis, ac Ianussij Ducis Radiuilli Vilnensis Palatinorum,



1655. norum, obitu terminatus. Ambobus stirps illustris, fama spectabilis, diuersae qualitates. Opalinus doctrinā, facundiā, Senatoria gravitate præcellens, propè apicem artium politicarum tenuit. A Vladislao IV. in Galliam pro Ludouica Regina paranympus, decus genti, sibi gloriam, auxerat; nisi nimium imputasset: hinc reconditi odij causā, meruisse, nec præmiari. Post publica negotia, literato otio se dabat, exercitā olim peregrinis gymnasijs adolescentiā, Louaniensi præcipuè; vnde eruditorum in eum propensio, lucubrationes illi suas nuncupando. Etiam ipse scriptis vacauit, edito Satyrarum volumine, sub titulo Przestrog, quæ Patrio versu latinam spirant venustatem, & acumen. Certè eminentis viri famæ noxium, sub extrema vitæ militaribus se miscuisse curis, dum Protectio Suetica acceptata, velut auctori imputatur. Diuerso modo Radiuillus, armis natus & bello utilis (neq; enim ex quouis ligno fit Mercurius) si vastos spiritus, vt ad magna, æque ad competentia æqualitati flexisset. Periculorum audio & expedito Duci, obsequabatur miles, largitionibus deuinctus & comitate: nimias tandem ante mortem spes agitantem, Fortuna deserere cepit, vbi ipse Patriam. Vnde comperiens, properata ad Suecum transitione, æquè se suis inuisum, nec Carolo satisfecisse, apud quem minor Duci sine exercitu auctoritas, dum anxietatem mentis expendendo irritat, mærore animi ob successus votis impares, Hypochondriā defecit, in Tykocinensi arce die XXX Decembris, anno præfenti mortuus. Filiam reliquit vnicam, deinceps Bogusław Patrueli (nè scilicet Radiuillæ domus ingens hæreditas, in aliam familiam transfret) elocatam. Post Radiuillum, Palatina Vlnensis dignitas, simul armorum per Lithuaniam regimen, Paulo Sapiehæ Palatino Vicepseksi; Poznaniensis, post Opalinum, Ioanni Leszczyński, præmium meritissimæ virtuti tribuebatur.

Prosperis insolescunt homines, aduersitas virtuti Lydus

1655. dius lapis est; quis præcipitem Caroli Suecorum Regis casum nosset, nisi aspirante fortuna in altum sublatus, tandem fatigata illa, aut mutata, grauiore lapsu prorueret? Quis Casimiri nostri animum introspicere valuisset? nisi, dum inter incudem & malleum iniquissimæ sortis positum, impavidum feriunt ruinæ? Sed non solum aduersum extrema obduratum pectus tulit Noster, vniq; ex heroibus germen & Constantiā genitus; verum ea rerum caligine reperti multi, qui in ipso præcipitio de Repub: non desperarent: etiam alijs benè sperandi, causa & motiuum. Præcipuam gloriam sibi vendicat Ludouica Regina, fortiorum semper marito consiliorum auctor, & ex cuius in exilio hærentis ore, vox illa æternum memorabilis excepta. *Premi (inquit) non opprimi Poloniam permiserit DEVS. Quorsum enim in istam amplitudinem, Anonymum in Libello impresso, produxisset, si in momento perdendam destinauerit? Id quidem omnipotentia eius possibile, non tamen misericordia aut iustitie congruens fuerit; cum in Regno isto, orthodoxa fides vigeat, rara inter populum candidi animi fraudes, & subdole factiones existant, procul infernales blasphemiae, ultio & irreconciliabile inter insensos vindictæ desiderium, exultent penitus.* Se demum firmiter credere aiebat, vbi in præfens irati Numinis dextera immorigeros filios castigasset, mox consolaturam, ac vulnera in oscula conuersuram. Nec verba tantum mulier ingens animi protulit, sed mox conformem dictis animum, opere multoties probauit, quæ suo loco & ordine tradentur. Nec minus generosæ & vetero Polonæ indolis experimentum dedit, Ioannes Leszczyński recens Poznaniensis Palatinus, inconcussi Vir pectoris, ac diuini humaniq; iuris scientissimus. Iste quoscunq; è nostratibus seu exteris nactus, in non desperandum de Repub: erigebat, meliora promittens, aut exemplis ostendens, (vt erat verbo potens) sæpius inculcando. *Ima permutat brevis hora summis.* Prodit memorie Ioachim Pastorius, ex isto sæculi sui Catone, sæpius inau-



<sup>1655.</sup> inaudisse. *Obrueret nunc hostis nos potest, retinere aut subiugare non potest.* Nec Poetæ meliora ominantes defuere (ij tamen, apum more, quæ sereno vagantur, nubiloso die intra aluearia latent) fluidiori inter prospera quam aduersa entusiasmo inflati, tunc iniquæ fortis revolutionem, & meliorum spem emisso Tetrasticho erigebant.

*Es casus mirus, sic CASIMIRE fatendum,  
Surgendo ast iterum, tu mihi mirus eris,  
Perfer es obdura, veniet victoria tandem:  
Est bona causa Tibi, quam DEVS ipse iuuat.*

A. M. D. C.




A N.



# ANNALIUM POLONIÆ CLIMACTERIS SECUNDI,

REGNANTE  
IOANNE CASI-  
MIRO,  
LIBER SECVNDVS.  
Elenchus Contentorum.

An. CH. M. DC. LVI.



*Vecorum fortuna ab irrita Montis Clari ob-  
sione reuoluitur: simul Polonorum sub titulo Protec-  
tionis oppressorum, recollectio insurgit. IOANNES CA-  
SIMIRVS REX in auxilium Patriæ, incolas Regni  
excitat; ac eo nomine cum Senatu init deliberationem.  
Subinde Tyssouecensis auspiciatò enata Confederatio; cuius  
tenor de verbo ad verbum ponitur. Bellum atrox virumq; recrudescit.  
Hassia Landgravius Kosciãna interimitur. Casimirus in Poloniam re-  
dit; qui idem Leopoldi D: Virgini solenni voto Regnum deuouet. Ca-  
volus*



rolus Suecus milites Polonos sibi adherentes suspectat; isti demum ab eo se recipiunt: ad Golab nostris dissipatis, Zamoscium, dein Premisliam regreßus, inde ad vsq; Sandomiriam propellitur. Czarnecius apud Warkam Suecos profligat. Ad Gneznam cum Douglassio pralium. Gedanenses à Casimiro confirmantur. Carolus in Prusiam redux Electorem Elbingæ excipit, hunc sibi strictiori nexu deuincit. Varsavia à Polonis obsidione cincta, à Wittembergo propugnata, tandem expugnanti Casimiro certis legibus deditur. Caesaris Romæ Legati in complanandos Reges adsunt, etiam Christianissimi Regis, sed Suecus postponit; ac triduo apud Varsaviam pralio nostros superat. Casimirus Lublinum recedit; Ducibus Exercitus dispersas cohortes recolligentibus. Compar per Cracouiensem tractum hostium fortuna, Virtus Eniferum Regni submouente. Quam graues Cracouia Sueci, etiam locis Deo dicatis fuerint, subiunctum. De Arenis, ac imagine D. Virginis inibi existente, aliqua. Sueci Regis illaudatum facinus, aggreßes, montanos, ac seruos, in cades Dominorum incitantis. Apud Trzemesno Sueci funduntur; Wrzesouicius item ab aggreßibus trucidatus. Ad Imp: Fer: III. Legati nostri petiitum auxilium missi. Casimirus in Prusiam tendens, Lenciciam recipit. Ludouica Regina Gedanum itura sistitur. Anhaltinus Choynicus dedit. Gasparius Suecos apud Prostka elade afficit. Transyluania Palatinus legatione prensatur. Moschus hostiliter Liouoniam inuadit. Conigsmarcum Gedanenses intercipiunt. Casimirus Rex Gedanum venit. Inducia cum Moscho cõalescunt. Lubomirus Cracouiam obsidet, quod demum obsidium, superuentu Ragocij solutum.

Anno  
Christi  
1656.



Locum

**P**rimus hostium fortunæ scopulus, ac existimationis reuolutio extitit, à Claustro Czesztochouiensi irritò molimine reijci Suecos; qui se totius Poloniæ victores ferebant: quinimo Millero minus decorum, in opinionem militaris peritiæ tantum prouecto, vt Germanico Suecorum bello, in prima armorum imperia, post Dorstensonium vocaretur. Ast, cum cælo nemini bellè bellum succelsit, nè Gigantibus quidem: Hic olim Hufsitæ Bohemos, vltrem Dei manum, Anno Ch: 1430. expertos, Annales Monasterij memorant: dum, ab immisso diuinitus percussore Angelo, visibili plaga ceduntur; sacra Icone fundo

fundo suo abduci se haud passa, Idem planè contigit Suecis, bellantium fortunâ ab eius loci obsidione, velut pilâ à pariete reiectâ, ac demum fracto impetu, donec in totum destitueret, elanguisse. Nihil mirum? nam, si pro populo Israël contra Pharaonem, euidenter pugnavit Deus; quidni MATREM suam, & reclinatorium Diuinitatis, à contemptu Hæreseos vindicaret? Præsentem Dei opem animaduertere licebat, quando superba illa Suecorum felicitas, ad solidam Mariani Montis petram allisa; & Poloni, vbi Mons Clarus intentata vi impetitus, demum velut nouiter recepta mente, ad se redire cæperunt; inualescente cunctorum fremitu, frustra Religioni Catholice torpactionibus consuli, si locus Deo dilectus, vim heterodoxæ gentis pateretur. Hinc, in excutiendum iugum vnanimis, vt contra auitorum sacrorum violatores, supra humanum entheati Spiritu, acerrimè consurgerent; tum demum recognoscentes, sub velamine erigendæ à Protectore Rege libertatis, intolleranda seruitute premi Poloniam: Religionem mulceri verbis, violari factis; speciosa ad nobilitatem scribi aut dici, indigna pati, & acerba exequi. Minus esse occupari Vrbes, nisi & Canobia erepta Religiosis inuadantur, æquè altarium decore quàm popularium fortunis, raptori in spoliū cedentibus: qui subiectis & vltro deditiis ignauiam exprobrans, viriliter resistentibus crimen rebellionis imputaret. Esto sanè? armatos Ciues, dum pro Patria agunt, pro refractariis summo iure nec minori iniuria cadi potuisse? ast inermia sacerdotum capita, & sacraios ad incruenti holocausti vsum vertices, cur tam truculenter persequitur hostium rabies? Sic Ioannes Branecki Ennensis Episcopus, ac Suffraganeus Posnaniensis, vir in candelabro Ecclesia positus, Domi propriæ interimatur per nefas. Albertus Gowarczewski eiusdem Ecclesiæ Primicerius, (Archidiaconum vocant) in itinere apud Zbaszynum recisis manibus de ponte detrusus, fecit vt Sacerdotali cruore stagnum rubesceret, an erubesceret? aquis Suecica feritate humanioribus

Olseui  
Vindicta



ribus. Nec memorare facile minoris nominis Clerum, barbarè ab istis tractatum; vel solis Conuentualibus Franciscanis propè viginti ex ordine suo casos Prasbyteros numerantibus. Dein ubi sauire in corpora satietas tenet, transit violentum ad conscientias imperium, rigorq; ille tyrannicus, etiam animos flagellat gentis liberrimæ: ubi prædicatione verbi diuini ad populum Catholicis inhibita, concionatoribus ora occluduntur, ac amotus confessoris, expiare auriculari confessione noxas capitale esset; prætextu tumultibus occurrendi; reuera concutienda Religioni formidolosa machina; autoribus Wirtio Cracouiæ, Erskieno in Viazd propè Sandomiriam conflata. Interea prostare expositos discrimini Lares, nullam pignorum securitatem, passim homicidia & cades; non senibus quietem, non fragili sexui in tuto pudorem manere, rapinis & direptionibus cuncta miscentium; ut ferè avaritia crudelitatis origo est. Vacare Tribunalia, exesse iudicem, aut qui populo sine capite existenti ius dicat; & compendium legis ac iuris haberi, quidquid Victoris ensis dictauerit. Talia nondum oblitum libertatis populum altum perstrinxere, ut acerbam sub titulo Protectionis pacem, & dolosas absoluti Dominij artes sensim recognosceret; ac legitimi Principis iterata resumptione, ad primæuum statum, vnde nuper malignitate sortis exciderat, strenuè aspiraret. Sanè omnibus, etiam qui publicæ rei incuriosum, palam constabat, antiquum Regni statum passim interuersum, idq; in fundamentalibus; Religione scilicet, & Libertate. Quippe Suecus nihil immunitatem Ecclesiasticam moratus, (quam tamen sacrosanctè seruandam spondebat) Patrimonia Ecclesiarum, profanis hominibus in Feuda conferebat, obtendens Beneficiatorum absentiam, ob quam oues sine Pastoribus essent, & Regnum sine Senatu. In politicis similis procedendi ratio. Absolutè contra morem priscum imperatæ Contributiones, non vicatim tantum quibus pendere mos Colonis graues, sed ex prædijs Nobilium exacti census, imo ut propioris aliquis

cuius arcis Gubernator iusserat, indicto pretio se familiarq; à direptione militari redimere necessum fuit. Et si alicubi ad querimonias popularium, per tolerabiliora Edicta pensiones moderarentur, non ideo tamen de toto indulgebatur, armatis exactoribus, præsto comparentibus. In ea vertigine rerum, dum cuncti priuatis malis stupent, & in statu acephalo deest qui media succurrendi publico suggereret, vacauit tantisper Sueco, in vniuersali confusione, acsi in turbido piscari: quoad pollicita postponens, conuentiones infringens, imò omnia humani diuiniqu; iuris, susq; deq; vertens; & pro plausibili Protectione apertè infinitam potestatem, velut in victos vsurpans; eo tandem Polonos gentem prosperis æq; aduersis simplicem adegerit, ut iniquissimum iugum, quod inconsultè suasi susceperant, ad se redeuntes, strenuè à cervicibus amolirentur. Interea tamen Prouinciæ Nuntios ad Regem missitabant, diuissim & priuatim; qui deprecandis oneribus, aut iniurias Prouincialium deferendo venientes, prompto aditu ac benigno vultu plerumq; excepti; quandoq; nimix libertatis, (ut Sandomiriensibus accidit) redarguti, dimittebantur. Ac isti quidem vel præsentium respectu, vel fulgore illo prodigiosæ felicitatis perculsi, dum non pro veteri more commissa efferunt, & Regi, qui placatos abire existimabat imponebant; rursus popularium, dum noua dominatio fastuosè postulata accipit, ex contemptu acriora odia concitabantur. Maximè tamen indignitas permouebat, quasuis stipulationes verbo Regio firmatas, minus sincerè, nec in solidum ratas haberi; quod si aliqui non impleta promissa incusarent, vsitata respondendi formula eludebantur. Regem verbi sui non esse mancipium.

Non aliud Ioanni Casimiro in rem opportunius accidere poterat, quam æmulum subdolis artibus exosum apud Polonos extitisse. Ergo omni possibili medio lacertos mouens, Glogoviam ad se potiores è Proceribus Regni euocat,



cat, quibuscum instituto consilio, literas Vniuersales ad  
 1656. Prouincias emittit, Duces militiæ Tribunosq; veteres in ex-  
 cutiendum iugum stimulat; haud postremo Castellano  
 Kijouiensi Czarnecio, qui, vbi patefacta opprimendi sui à  
 Suecis molimina expendit, eo ardentius in partes legitimi  
 Regis conuolauit. Iam verò Ferdinandus III. Imp: ac vt  
 quisq; Vicinorum Principum amicior, ferendam ad opem  
 sollicitati. Et afflictos quidem iuuare præceptum chari-  
 tatis est, indignè depresso Principes ex lege Politica erige-  
 re, necessitatis esse videtur. Quis enim adeo securè hoc  
 regnandi iter decurrit, vt non quandoq; in lubrico cespitet,  
 aut eliso pede prouoluatur. Verùm obiter tunc alios Com-  
 monarhas aduertit ærumnosi Regis casus, nec pauci ad præ-  
 conceptum excidium Poloniæ intenti steterè, præter Cæ-  
 sarem, qui proximi sanguinis connexionem deuinctus, etiam  
 nimios Caroli Regis successus nō iniquè reputabat; nisi nu-  
 per initis Monasteriensibus cum Suecia pactis prohibere-  
 tur. Danus etiam verba consolationis per Legatum ob-  
 tulit, tacitè innuens, haud se alienum à medijs succurrendi,  
 quibus incrementis alieno vicini spes accideret, si occasio  
 daretur: similem Bataui affectum testabantur, vtriq; pro  
 libera nauigatione per Balthicum solliciti nimium; nè Sue-  
 cus in Polonia rerum potitus, ac contiguum maris littus  
 armatis classibus obtinens, commerciorum rationes inter-  
 turbaret. Ita fermè comparatum est, vt in alieno casu su-  
 bleuando, amicitiae aliquid, plus respectui, omnia priuato  
 commodo, tribuamus. Ea subito hostilitate circumfusi,  
 dum serus vesper tarda amicorum auxilia moratur, sei-  
 pso post Deum respicere cogebamur: illudq; omnino  
 tempus fuit, quo elata Sueci Regis prosperitas in auge ste-  
 tit; & Polonorum res desperata, in melius sensim conuer-  
 ti cæpère. Quippe Casimirus indignum Maiestate Re-  
 gia exilium ratus, ne ultra suorum desertor, vel imbellis, è  
 Regno eiectionis opprobria inter exteros audiret, viriliter  
 reditum agitauit; æquanimis inter aduersa Princeps, ac  
 vt præ-

vt præsentium tolerans, ita aduersum imminetia obfir-  
 marus. Continua in ore eius vox manebat *Non nobis Do-* 1656.  
*mine non nobis, sed Nomini tuo da gloriam.* Obseruatus plu-  
 ries cum pedisse quo solus, ad fores templi Clogouienfis in-  
 tegris noctibus in terram prostratus perorasse; gnarus di-  
 uina auxilia illuc incipi, vbi humana deficerent. Igitur,  
 primò datis in Poloniam literis, excitabat ingenuos, ar-  
 guebat degeneres, ignoscebat resipiscientibus, omnes in  
 communis Patriæ opitulum stimulando. Cooperabatur  
 ad idem heroici animi Regina Ludouica, & nè omnia in  
 Maiestatem fortunæ licerent, supra sexum infracta Virago,  
 egit animosè. Nec verbis tantum aut votis, qui fæmina-  
 rum mos, sed transibat in opus mentis vigor, & consilia in  
 efficaciam. Quidquid in promptu æris, cimmelia, vni-  
 ones, factum infectum uè aurum aut argentum, & quæ alia  
 ad splendorem Regalis magnificentiae pertinent, liberaliter  
 in largitiones destinata impelaq; præcipuè in externarum  
 Aularum Ministros, ob prensandum auxilium; quos cor-  
 rupto sæculi more, prius emas necesse, vt Principes illorum  
 quod petis tribuant. Nec postponebat Rex frui & præ-  
 sto consilia Vxoris, prompta & efficacia expertus, etiam  
 qualiacunq; ferre suetus. Potiores è Senatu aderant, An-  
 dreas Leszczyński Archiepiscopus Gneznenfis; Petrus  
 Gembicki Cracouiensis sed is æger; Florianus Dux Czár-  
 toryski Poznaniensis; Venceslaus Leszczyński Varmien-  
 sis; Episcopi: Ioannes Leszczyński Poznaniensis Palati-  
 nus; Stephanus Koryciński Regni Cancellarius; Andre-  
 as Trzebicki Procancellarius; alijq; permulti, quibus fi-  
 des & exilium legitimi Regis, gratia externi, aut laribus  
 Patrijs, erant potiora. Hi, pro officij quod gererent ratio-  
 ne, nouissimè periclitanti Patriæ media succurrendi agitan-  
 tes, omnes satagebant quàm maximè, nemo quidquam  
 certi reperiēbat, & cum multi speciosa dictu in consilio ad-  
 ferrent, ea mox re inania alij ostendebant. Quadrifariam  
 tamen quod compertum habeo, itum sententijs. Vt Rex  
 limi-



1636. limina Patriæ animosè repeteret, seq; præsens in recuperandam Patriam Cuius autor monstraret; id consilij Regina vrsit. Deprecabatur festinatum regressum Primas, inermem Maiestatem hosti omne nefas ausuro committi timens; inclinabant pleriq; vt media pacis offerente per Forguelum Sueco, si modo tolerabilia illa acceptarentur; insuper confuso animorum ac rationum æstu reperti suadentes, vt destinaret sibi Rex successorem, dum modo fidei Romanæ sequacem, & recuperandis ablatis parem, qui industriâ & potentiâ proprijs depulso inuasore, afflictum Casimiro Regnum, sibi mox certam successionem vindicaret. Enimvero acre necessitatis ingenium est, & persæpè extremis per extrema mederi, desperabundi solent. Ast periculosum sanè remedium pupillam Libertatis tangeres; quæ tot legibus, Regum iuramentis, vsu interrupto firmata, pro Basi Status nostri habetur, per Electionem regnari; imò, si euulgaretur arcanum, conturbandam eo commento gentem validius, moris patrij tenacissimam, quæ paucorum arbitrio in seruitutem se rapi dolens, latius iugum armati victoris, quàm extorris Senatus præiudiciosum libertati grauamen passura videretur. Etiam minùs congruens rebus Casimiri futurum, si substituto alio, vis & potestas imperij penes successorem, ipse titulotenùs Rex esset; neq; multum interesse saluati Regnum, si libera Electio, ab origine omnium Iuris & suffragij, nunc perperam paucorum arbitrio, indebitè conuelleretur. Equidem, non absimilis hic erigendæ Patriæ modus censerì potuit, medicamini, quale medici antimonium vocant, cuius acrior vis, vel fortius ad sanitatem agit, vel irritante morbum remedio, acrius in mortem operatur.

De Forguelo attingi supra, nunc edissero. Veneratis Glogouiam cum Henrico Denhoff nostrate Tribuno, (quem Sueci captum ad Straszowa-Wola, data reditus fide in tempus dimiserant) magnifica à Carolo Rege verba ferens, & nisi fides orationi deesset, plausibilia. Summa

erat.

1636. erat. Patrem si Casimirus Rex agere vellet, Suecia Regem vices filij obiturum, quem prerogatiua ætatis, ac Sanguinis vincula Seniores, demisse veneraretur. Intulisse Carolum in Poloniam, non magis arma quàm Protectionem, tutamen genti contra externos, præsidium Casimiro contra suos; vt tandem constaret debitum, non precarium veterano Regi in subditos regimen. In quoscunq; hostes, penes Casimirum imperium, armorum esset, labor & cura penes Carolum, hic illum superiorem agnosceret, ille hunc designaret Successorem. Religione, Maiestate, Dominio, per omnia saluis. Nimia hæc per Forguelum proposita peperere suspensionem, ne blanditiæ traherent eò, quò fortunæ iniquitas impellere non posset. Aderat & Wolphius Dynemburgi Præfectus anxie vrgens, quominus Casimirum Slipenbachus Comes, sub fide publica conuenire posset, à Rege Sueciæ deducendo in effectum reconciliandorum Regum negotio submissus. Multis id sua nouitate gratum, hostilitatem cupita vicissitudine in amicitiam subito vertere; dolore, tædio, metu, pro diuerso cuiusq; affectu, reditum in Poloniam permutatis; & si pax coire, finem exilio imponentibus. Sed euenit, vt maturius discussa propositione, responsum Forguelo foret: Casimirum demum per suos internuntios, clarius mentem Sueco Regi patefacturum; vel maximè Reginâ suspectam Vafri consilij machinam, per eiusmodi dilemma eludente; Aut hosti blandienti fidendum; aut Polonorum expectanda, respicientia. Tardius fortè isti ad se redibunt, sed remedio malis nostris securiore; citius exitium instat, si lubrica hostium fidei te o Rex committis. Præstat ergo differre succursum, nè precipitemus discrimen. Nè verò per nos steterit, arrogantis Regis augere typhum, cuius superbia euident argumentum est, nobis benefacere velle, postquam omnia eripuerit; id tribuendo, quod nullatenus eius sit. Egisse similiter Luciperum, Regna mundi Christo Domino pollicentem, nihil ad ipsum pertinentia. Interire præstat quàm sic viuere, ingratisima ea lucis usura, quam inimici hominis beneficio trahimus.

N

mus.



<sup>1656.</sup> *mus.* Fateri par est, Reginam perspicacitate, ac pra xirationum validam, multum ad reiiciendam Slipenbachi negotiationem cōtulisse; imò vt Rex serio de regressu in Regnum cogitaret, peruicisse. Et diuinitus omnia huc faciebant, vt tandem discusso torpore, artes hostium patelcerent, perstringeretq; in dies acrius immerita oppressio Polonos, vt quem haftenus Protectorem Carolum vocabant, tandem competenti titulo hostem appellarent. Primi, quod sciam, Lublinensis Palatinatus incolæ, ad imperatas contributiones reclamare ausi; placuit mox pluribus consilium, vt dein in repellendam vim conspirarent, omnes instituta Tyszouecijs, memorabili illa ad seram posteritatem, Confæderatione. Primi Duces militiæ præiuere, secuti exemplum è Senatu pleriq; deinde Nobilitas, in conceptas scripto leges se se obstringentes. Cuius instrumenti formulam summatim attexo, ex vernaculo idiomate, tenoris eiusmodi.

*Haud credat Orbis, nec quisquam adhibeat fidem, inclitæ Polonorum gentem, blandis intrusoris Domini promissis fascinatam, ab Electo liberis suffragijs Rege descivisse unquam. Esi fatendum sit, tam Serenissimum Regem Casimirum, quam Equestrem Ordinem, iniquitate aduersantis fortuna oppressos, in eas recidisse rerum angustias, vt in exitium Polonia ingruentibus undiq; hostium Exercitibus, et Regiæ Maiestas finibus Regni excedere, et Nobilitas in Protectionem Regis Suetici concedere, necessum habuerit; cui, secundum conventionem initam, conveniebat fidem seruari; nisi prior ipse datam fregisset. Iam verò revocando in memoriam, vt nullâ penitus belli causâ, ne pretextu quidem, imò contra Inducias cum Vladislao IV. Stumtorfij ictas, iniustis Remp: armis oppresserit, et quamvis à maiore parte Regnicolarum Protector appellatus, Fidei Catholico-Romanæ conservationem spopondisset, mox eidem grauis et iniurius, omnia sacra ritusq; auctos interuerrere cepit; distiones Regni ab Exercitu suo desolari, curias Nobilium in preda dare, statum E-*

*questrem*

<sup>1656.</sup> *questrem* exactionibus grauare, Magistratus et Iudicia tam Ecclesiastica quàm secularia tollere, leges antiquas et consuetudines pessundari, ac luridicundi normam ad extraneos legum expertes transferri; Sacerdotes ac Nobiles, nec delatos, nec conuictos, imò nec auditos carceribus mancipare, trucidare, globis discerpere permiserit; cultui Diuino dedicata, Templâ omni splendore et apparatu spoliari, Religiosos de auro et argento Ecclesiarum excrucuari, campanas pulsare nisi grandi are redimerentur prohiberi; Basilicam Czesstochouensem, non in tota modò Sarmatia, sed per vniuersum Christianum Orbem votis et miraculis celeberrimam, grandi Exercitui cinctam et oppugnatam, sacrilego in direptionem ausu destinari, (nempe, vt diruto hoc in Deum et eius Sanctissimam MATREM pietatis Polonæ fundamento, mox ad extirpandam fidem Catholicam accingeretur, in eiusq; locum peregrinam aliam induceret) Bona Reip: emeritis Ciuibus collata, contra sponsonem fide Regia firmatam eripi; Patrimonia Ecclesiæ secularibus personis conferre, etiam ijs qui diuersa sunt in sacris opinionibus, præsumpserit; eo fine, vt interceptis Ecclesiarum redditibus, laudem Dei et cultum veterem, penitus in Regno hoc extirparet. Iam verò cum Principibus Regno amicis, pacta vetus inita negligit; iuratos Poloniæ hostes, ad armorum societatem pertrahit; vt Remp: tot angustijs pressam, demum in extremum belli Turcici discrimen adducat. In summa quidquid Reip: ac Exercitui pollicitus est, ac literarijs stipulationibus, subscriptione manus, aut verbo Regio firmatis cauit, omne id in continenti pessumdedit, mutauit, reuulsit. Immunitates Ecclesiæ, ac pristinum statum Reip: libertatemq; Ordinum, imò cuiusvis sortis homines Regni nostri incolas, grauissimè oppressit. Antequam igitur actu durus, fide levis, verbo inconstans Dominus, vltterius regimen suum producat, ac firmitus constabiliat; Arces ac Fortalitia occupet, Gentem ac Exercitum sub iugum impellat, ambitiose huic dommandi libidini obsistendum esse totis viribus duximus, præsertim dum Ser: IOANNES CASIMIRVS liberis

N 2

vocibus



1656. *vocibus Electus Rex noster, in vindictas Catholico Romana fidei ac Ecclesiæ, etiam Libertatum, ac status sui curâ insurgit; sitq; paratus pro incolumitate Patriæ, cuius discrimini Regium caput obijcere, ac non temnenda submittere auxilia polliceatur. His itaq; permoti rationibus, connatum erga Reges amorem, & fidem gentis Poloniæ resumendo, ne ulterior Templorum totiusq; Patriæ funestior desolatio consequatur, prospicientes; omni Protectioni memorati Caroli Sueciæ Regis renuntiamus, Protectionem abdicamus, acta eius uniuersa rescindimus, & quocunq; nomine emanata Præuilegia, aut diplomata, irrita & nullius roboris pronuntiamus, ipsiq; cum omnibus adhaerentibus, quantum sint Regni Cives, si respiscere nolint, hostes communis Patriæ declaramus, contraq; illum aut illos, pro fide Catholica & Ecclesiæ Dei, pro tam atrocibus iniurijs, damnisq; Reip: illatis, pro Libertatibus conuulsis, tam coniunctim omnes, quam seorsim singuli, fide, honore, & conscientijs in eum hostem agere; nos obstringimus. Interea Exercitus Reipub: exolutionem stipendiorum non requireret, requisitione eiusmodi ad plenariam Reip: tranquillitatem tantisper dilatâ: ac bello durante uniuersi, constanter vsq; dum Patriam in solidum pacificari permittat Altissimus, mansuros nos in unione submittimus & obligamus, omnesq; in hoc proposito conspiramus & coniuramus. Nemo nostrum quemquam in grauissimo casu deseret, multo magis in alias partes transibit; factiones, dissidia, segregationes, aut secreta cum hoste colloquia miscebit; nemo à signis discedet, aut perniciosam nexui nostro molietur, sed omnes unitis animis, constanti voluntate & opera, succurrere laboranti Patriæ sacrosanctè pollicemur. Et quoniam eo Reip: statu, adhuc dum nonnulli ex incotlis Regni Suecorum Regi adhaerent, aut consilijs sese immiscunt; omnibus ijs conciuibus, & eiusdem nobiscum Matris filiis, amore fraterno adpromittimus, si modo Confederationis huius certiores facti, antequam ad bellum perueniatur, Colligationi seu Nexui huic se adiungant, & nobiscum simul hoc additum Diuino cultui Regnum, tum Patrias libertates tueantur:*

qui

1656. *qui verò contumaces renuerint, bona eorum Ducum ac Commissariorum Reipub: iudicio subsunto. Insuper, omnibus lure victis, honore diminutis, ac cuiuscunq; status etiam plebeia conditionis hominibus, imò & extraneis, non tantum virtutis demonstranda occasionem inculcamus, ast & modum ad prauogatiuam, & ius Nobilitatis aspirandi offerimus, qui in præsentis Reip: obsequio pro virili rem præclarè gesserint, in nexu nostro permanentes &c. &c.*

Subscripsere dignum sæculorum memoriâ Instrumentum, Stanislaus Potocki Terrarum Kiiouiæ Palatinus, Generalis Exercituum Dux; Stanislaus Landzkoroński Terrarum Russiæ Palatinus, Campestris Exercituum Dux; In adiuncto Commissarij Reip: tunc præsentis, Christophorus Tyszkiewicz Palatinus Czerniechouiensis; Andreas Potocki Metator Castrorum Regni, Stanislaus Słuzewski Horodelscensis Præfectus, Stanislaus Domałzewski Iudex Terræ Lucouiensis; &c. His mox accedebant e Palatinatibus Delegati, qui præuio Iuramento in numerum Commissariorum recepti, addebant valorem Edictis, subscriptione, manus quæ ad Palatinatus eorum mitterentur: Auspicatum hunc Poloniæ Actum, conclusere Ordines Tyszouecijs congregati, sub finem Anni 1655. die XXIX Decembris, in quadriduo ferè post solutam Clari Montis obfidionem. Eius instrumenti (vt vocant) essentialia, quoad causas abdicandæ Protectionis Sueticæ, inferui obiter, cū prolixius scriptum contineat instituendæ militaris disciplinæ modos, Iuramenti formulas, pænarum in refragos descriptionem, tum alia instituti nostri rationem excendentia.

Taliter inita & conclusa Tyszouecijs Ordinum Confederatione, mox damnosæ Protectionis odia in apertam hostilitatem prorupere; adeo repente mutatis animis, voluntatibusq; vt quæ mala hætenus filenter passi Poloni, iam nunc minaces arma & ultionem iactarent. Itaq; vbi primò malum cæpit, ibidem in antecessum excuti iugum debuit,



1656. debuit, nempe in Maiori Polonia; Præfctis Suecorū per oppida arcesq; violenter aut nimis imperiosè cum Nobilitate agentibus. Poznaniam Prouinciæ caput obtinebat Claudius Rholambus, Kościanā Hassiæ Landgravius, Carlisium Sadowski, Petricouiam Pyronus, Wielunium cum adfctis Fortalitijs Weyhardus Comes à Wrzeszczewicz &c. Tribuni seu Generales: hinc quot Arces tot Domini erant, & quantò plures, eò insatiabiliores. Imperatus in alimonia militi victus, vestitus, stipendium, Præfctis pensiones, Officialibus salaria, transeuntibus stationes, manentibus collectæ; etiam permuniendis arcibus operas redimere, aut exhibere necessum fuit. In ea onera, prout loci Præfcto libuit, contribuebat circumiectæ oræ Nobilitas, & quas exactiones ante, vno refragante statuere in Comitijs nefas, iam nunc nolentibus cunctis, sub Protectione extorquebantur. Asperauere talia veteris status memores, primusq; Petrus Opaliński Podlachiæ Palatinus, prisca moris & militiæ clarus, non se amicum Succis palam professus est, concita ad arma Nobilitate Maioris Poloniæ, hortamentis & exemplo. Post hunc Christophorus Zegocki Babimostensis Præfctus, maiore ausu quàm viribus, rem memorabilem aggreditur. Kościana oppidum septeno milliari Poznaniā distat, Quadringentorum Suecorum præsidio infesta, vbi Fridericus Hassiæ Landgravius domicilium fixerat; Caroli Regis per sororum connubia socer, etiam in attendendum Maioris Poloniæ Prouincijs, propè officium Viceregis substitutus: hunc cognito securè agere, ac sæpius inter venatorum greges circumiectâ plagâ vagari, incuriosum doli eo stratagemate aggreditur Zegocius. Compererat imperatas oppidanis arborum conuersiones, quæ demum in trabes concisæ, sudetum valli (Palisadas) constituerent; proin aliquot agrestium induxit, vt dum grandiore pinum intra Urbem deuehant, de industria rotam currus luxando, occlusionem portæ morarentur. Factum dehinc, vt impeditis proiectu arboris val-

uis,

1656. uis, & qui succolarent moram trahentibus, Poloni celeritè aduolantes, subductio ponte occupato, ac stationarijs ferro disiectis, sine sanguine ac tumultu oppido potirentur iuuantibus oppidanis, qui, præfidiarios intra hospitia compullos ac dedititios in potestate ac custodia retinuerant. Fortè in eam diem venatum abierat Landgravius, serò sub vesperam redire solitus, vnde occupato Zegocius oppido, omnes solertiæ vires intendit, quominus Hesium, ignarum facti, in eadem casses pertraheret. Redibat iste sole cadente, tunc quidem successu venationis lætus, per præcurso-rem tubicinem imperans, pandi portam venienti. Con- sistebat in statione miles, sed iste Polonus, vestitu tantum Suecos referens, qui, in propius suggressum, infesta arma confestim vertit, dein rei ignarum, & opem suorum incla- mantem, à tergo Equites Poloni inuadunt, tantisper inter vicinas ædes occultati: corripit & ille ensẽ, subitamq; vim reprimere tentat, incertus, suisne qui nõ succurrerent, an sibi aduersus insidias nimis securo, indignaretur: cum pluribus impar, primò impulsu plumbatæ equo deiectus, mox per femora lethali glande ictus occumbit. Is finis in- dole & natalibus claro Principi, sed, cui spolia Poloniæ ni- mis funesta contigere. Ingens Sueco Regi ex cæso socero dolor, nec minor in Zegocium indignatio; cuius cæ- pisse oppidum audaciæ erat, prostrasse Landgraviũ so- lertiæ opus. Oppidani dein subducto facti autore, cæde immani & fortunatum direptione, multam interempti Landgrauij subiẽre.

Inter curas regressus ex Silesia, animum confirmavit Ioannes Służewski Horodlensis Præfctus, à Conuentu Tyszouecensi ad Regem Casimirum missus; qui iniqui- tate temporum incusata, vt rediret Rex, fidem & obsequi- um in Ciuibus redintegrata reperturus, precabatur. Eo lætus nuntio, demum maturauit iter, contrario omnium Senatorum, præter Reginam sensu. Venerat siquidem Franciscus Comes à Poryngen, Aulæ Cæsareæ Marschal- cus,



1656. cus, ad utroque Reges in conciliandam pacem à Ferdinando Imp: destinatus, qui, dum ultro citroque comitat, Casimirum Cæsar præstolari Opoliæ effectum Legationis volebat. Etsi verò nonnullorum metus discrimina extenderet; tum curas regressus, abiectas vel resumptas, haud levis momenti considerationes morarentur; comitatusque ituro Regi exilis esset; & si Togatos excipias, nè in venerationem quidem sufficiens; nihilominus occultior aliqua vis præualuit, ac, quod credibile, trahentis Dei manus, etiam mulier in fortiora impellens, magnorum sæpè moliminum autor & instrumentum. Nec ultra rationes eorum, qui in exilio sibi tutiores visi, Rex moratus; celantè habito discessus tempore, solâ consciâ Reginâ, Opoliâ abiit IX Ianuarij in Sabbathum incidente; sibi ut crebrò expertus felice die, & magnis negotijs aggrediendis auspicio. Trecenti latus stipabant, plurimum mox aggregandorum fiducia, ubi Patriam peri constaret; sed, quo itinere aut tractu adeunda, eâ nemini propalatum. Vix pedem extulit, cum Ratiboriæ obuios habet ab Exercitu Nuntios reditum gratulantes, ac spondentes obsequium. In montana inde a Zywiecio deflexit, per obsitas niuib. Alpes, ignoto & aspero itinere, limitem Hungaricum præterlegens; donec Duklæ Meciniorum oppido Marschallus Regni Lubomirski occurreret, de itinere aduentantis Regis certior factus. Prima illic salutatio plus lachrymarum quam verborum hausit, quas tamen generosa animorum vis, mox consumpsit, tempore & Heroibus indignas. Demum, salebrosam tractum eluctatus, Lancutem diuertit, à Marschallo, splendide acceptus: inde Leopoli stetit, æquè suis gratus, quàm hosti insperatus. Nihil hic omissum, quidquid pro bello gerendo faceret; Prouinciæ per Edicta monitæ Regem adesse, etiam fautoribus aduersæ Partis significatum, patere gratiæ locum, si in quibus nuper malignitate Fati erratum esset, iam nunc fide & opportunâ resipiscentiâ diluerentur. Ad Aquilam alas expandentem conuola-

1656. rent pulli, sequerenturque Patrem filij, iustam vim in Tyrannum versuri, quibus ille infatuatis, arma, & ingenitos erga legitimum Regem affectus, subdolis artibus eripulisset: nisi degeneris animi improprium pati mauelint. Casimirum inter illos genitum, ab ipsis liberè Electum Regem, cum ipsis tot cruentis prælijs stetisse, neque sine ipsis moriturum; excuterent fascinum, secum unâ, & pro seipsis, iusto in sæditragum hostem odio, insuper amore libertatis, ferrum expedientes. Eiusmodi hortamenta multis reddidère mentem, ut post publicam Considerationem, iunctis priuatim dextris sese obstringerent, non diutius sub violenta Suecorum dominatione miseri esse. Ergo Nobilitas remotioribus oris subito armata insurgit, Cohortes quæ Sueci auspicia non secutæ accurrunt, delectus Tyrannum instituuntur, & quæ alia surgenti bello præparamentum. Addidit subinde momentum rebus famâ, ut qui adhæserat hætenus Carolo miles noster, paulatim ad se redire, defectiõis probrum agnoscere, pauci primò, mox plures; ante alios Regia Phalanx, cui tum Vladislaus Wilczkowski, sub absentiam Czarnecij præerat, ex Rozanensibus hybernis, ad legitimum imperium redeundi, alijs exemplo præiuit. Ac, quò evidentius abdicasse partes monstrarent, apud Zakrzow tractus Radomienfis pagum, exploratorium Suecorum cum Aschembergo Tribuno agmen nacti, intra septa prædij compulsam oppugnauère; non sine aliqua utrorumque cæde, donec maioris potentia superuentu, se se subducere discrimini cogerentur. Neque per submontanum quâ Carpatia Alpes tractum, concitis in arma agrestibus feriatum; Michaële Woynilowicz Tribuno nostrate cum ala Equestri huc allapso. Eiecti nouo Sadecio Sueci, operâ vel maximè Feliciani Kochowski Patruis mei, qui tum peditatum Nauoiouiensem ductabat; aliud agmen apud Zywiec oppressum; ad Czeszochouiam Wrzeszowic Comes, quò Nobilitati Wielunensi conuentum quasiuero indixerat, à Kuleszæ Equitibus, sed maxime Pe-



1656. mē Petri Czarnecij operā, turpiter fugatus est. Arnol-  
dum Strumbilium Landzkoronæ Præfectum, ingenioso  
stratagemate ad experiundam donati equi pernicitatem,  
arce euocatum, Ioannes Zarzecki Vicecapitaneus Zebrzy-  
douianus abduxerat; Lyndormium è Pilecensi arce Sta-  
nislauus Warfzycki Castellanus Cracouiensis, continuo  
infestus exegit; idem Dancouianum fortalitium strenuè  
tutatus est, solus ferè ex maioris nominis Proceribus, qui  
eo rerum turbine intra Patriam hærens, solum non muta-  
uerat.

Ac, nè non diuinæ potius opi, quàm humanis auxilijs  
restitutionem Regni sui deberet Casimirus, etiam cum  
cælitibus in fœdera iuit; Deo MATRIQ; VIRGINI, Regnum  
Poloniæ, velut de nouo acquireret, solenni voto nuncu-  
pando. Vetūs ea piorum consuetudo, conceptis ricè vo-  
tis Numini insinuare desideria, in voluntatem & benepla-  
citum eius quæ humanitūs euenirent resignando: Vene-  
rationem enim à nobis exigit, qui dat omnia Deus, & hu-  
ic fini creatus homo, ut superam illam recognosceret vim,  
interno & externo cultu. Volupe est in exemplum pro-  
ferre Poloniam, iam tunc ab Orbe desperatam, à proui-  
dentia Numinis conseruatam, modo ad pōsteros mirabi-  
li. Is actus taliter se habuit. Deductus in templum  
Cathedrale Leopoli Rex, sub Vranisco ad maius altare  
consedit, operante Sacris Petro Vidono Laudensi Episco-  
po, tunc Sedis Apostolicæ Nuntio; cū circa inçruentæ  
consecrationem Hostiæ, ad imum aræ scabellum humil-  
limè prouolutus, ac post expiatam noxis conscientiam,  
mystico Pane refectus; Virgini DEIPARÆ Poloniæ Re-  
gnum deuouet, seq; in eius clientelam obstringit; ei vo-  
ti formulā.

MAGNA DEI HOMINIS MATER, & VIRGO. Ego Ioannes  
Casimirus, Tui Filij, Regis Regum, ac Domini mei, tuæq; mi-  
seratione Rex; Sanctissimis pedibus Tuis aduolutus, Te in Pa-  
tronam meam, meorumq; Dominorum Reginam hodie de-  
ligo:

1656. ligo: atq; me meumq; Regnum Poloniarum, Ducatus Litua-  
niæ, Russiæ, Prussiæ, Mazouie Samogitiæ, Liuoniæ, Czer-  
niechoniæ; Exercitus utriusq; gentis, & Populos vniuersos,  
tua singulari tutela atq; Patrocinio recomendo: Tuam o-  
pem ac misericordiam, hoc in calamitoso ancipitiq; Regni  
mei statu, contra hostes Sanctæ Romanæ Ecclesiæ, supplex  
imploro. Et quia maximis beneficijs tuis obligatus impel-  
lor, cum gente mea ad nouum, idq; feruidum tibi seruiendi de-  
siderium, promitto deinceps; Meo, Satraparum, Populorumq;  
meorum nomine, Tuo Filio, Domino meo IESV Christo, Tibiq;  
cultum & honorem, per donationes Regni mei propagaturum.  
Voueo insuper, ubi Filij Tui miseratione, victoriam de hostibus,  
& præcipuè Sueciis obtinuero, procuraturum, ut dies hic in  
perpetuum solennis & festus habeatur. Cum verò magno a-  
nimi mei dolore luculenter aduertam, propter gemitum & op-  
pressionem conditionis plebeie hominum, (considera Princeps,  
aduerte miles) in Regnum meum immissa à Supremo Iudice  
per hoc Septennium diuersa flagella, promitto pace constitu-  
ta, me serio cum vniuersis Ordinibus rationes initurum, ut Po-  
pulus Regni mei à grauaminibus, & oppressione tali eximatur.  
Fac ô misericordissima Regina & Domina, sicut mentem  
mihi ad concipienda hæc vota dedisti, etiam gratiam &  
sauiorem ad implenda ea, apud Filium tuum impetrare digne-  
ris. Talibus, Senatu, Clero, & populo frequentissimo a-  
stante, clarè enuntiatis, oboriebatur cunctis inusitatum in-  
termixtis lachrymis gaudium, vel sola Regis pietatē supe-  
rabilem hostem fore credentibus. Deinde, quod in rem  
præsentem faceret, Confæderatio Tyszouecensis approba-  
ta est, quippe salutare opus, acephalon prudentes censebāt,  
nisi Rex, qui caput Reip: esset, subscripsisset. Conquisitio  
pecuniarum planè impossibilis habita, negantibus mutu-  
um eo rerum statu Creditoribus, & qui ampliore vale-  
bant opum congerie, occultabant nè commodarent, ser-  
uabant ut perderent. Ergo, è templis opes Ecclesiarum,  
eum sponfione restituendi in mutuum acceptæ; apertæ  
O<sub>2</sub> cuden-



<sup>1656.</sup> cudendis nummis officinæ, etsi nulla ad manum metalli copia; impositum præterea nouum vectigal (Acciza) vendibilibus, quin etiam dimissa ad Prouincias Edicta, publicam motionem seu Expeditionem imperantia; quæ ignaris, redditum Principis in Regnum, legnibus feruorem, secus affectis communis Patriæ inculcarent charitatem.

Rex Sueciæ Carolus, firmata recens cum Electore Brandenburgico amicitia, lætanter tunc in Prussia egit, Hedvige Regina etsi hyemante mari, Holmiâ huc nauibus transuecta, nè prosperorum consortio vxor deesset. Hæc inter, ab Erico Oxensterna Sueciæ Cancellario fit certior, (cui admodum solerti, & indagandis arcanis felici, vel in ipsa aula Polona non defuere cataſcopi) redire in Poloniam Casimirum, cui Scytharum Hanus auxilia pollicitus, etiam Colacos ad opem ferendam impulisset. Sed vel maxime Tylzouecensis Confæderatio percelluit, adeoq; bilem mouit, vt iræ impotentia vecors; ac vehementer in Nobilitatem Polonam ardescens, non iam vt hostibus vim & arma, sed magis vt desertoribus, probra & instantem perfidiæ pœnam minaretur, defensionem Patriæ resumentes, Rebelles vocans, & excutientes seruitium, perfidos; subibat demum, quomodo contineret in fide reliquos, ingens animum sollicitudo; præsertim suspecto iam militantium sibi Polonorum obsequio, qui deficiebant odisse, qui remanebant metuere cepit, mutuâ vtrinq; diffidentia; cum viceversa apud nostrates sensim vileſceret, modum ad felicitatem nouo Domino deesse aduertentes, qui, vt cum successu rerum immodicè blandus, ita si contra fortuna vertit, prima quaq; occasione læuiturus crederetur. In confesso erat, insignem multo virtutum præsidio extitisse Regem; vt qui in discrimina promptus, actu viuus, & bellici laboris indefessus esset; comis iuxta & liberalis, & quæ præcipua ars habebatur, crebrioribus conuiujs velut morti nostri tribueret, potiores militiæ deuinciebat: ast ea ipsa nimia comitas, vt simulationis partus fastidio erat;

manu-

<sup>1656.</sup> manuum complosio, oculorum conuiuentia, subita frontis contractio aut serenitas, indicium protheisantis animi faciebant; compar in factis leuitas, non laudibus iudicium, non promissis modus, quod vni dedisset pluribus conferendo. Demulcebat, pollicebatur, osculabatur, velut postulatis annuens; mox oculis ludibundus, diuersa sentire astantibus monstrauit; idq; apud imperitos humanitas vocabatur, cum mera proſopopœia esset. Vbi intelligi artes capere, præsertim dum verba Regis prolixo distant à sensu pectoris diuortio, etiam æstimatio minuebatur.

Præſens rerum commotio, irritauit magis quàm perstrinxit præcipitem Sueci Regis animum, vt non mitior facto quàm affectu, transtulerit indignationem in opus, & vlciscendi propositum in efficaciam. Siquidem nihil longinquitatem itinerum, ac hyemis incommoda moratus, relictâ curæ Steinboci Prussia, in qua adhuc Mariæburgum propugnante Iacobo Weyhero à Casimiri partibus stabat, vt medio fermè Ianuario quidquid in promptu Equestrium (sub Caualeriæ nomine) virium, ab ipso Balhici maris, quo Elbinga haud multum distat conterminio, in viscera Regni, acſturbo aliquis violentus, citissimè raperet. Aderat Frater Regis Adolphus Dux Biponti, vicarium in militem obtinens imperium; Campi Marschallus Arfridus Wittembergus, nè tunc quidem sat ex morbo validus; Robertus Douglas, Henricus Horn, Wolde marus Comes Danus; Millerus; Hammerchildus; Aschembergus; alijq; veterani Tribuni, Exercitu supra X. Millia computato. Pedes tunc nulli vsui, qui præfestinum iter moraretur, & si necessum foret, ex proximiorum arcium deductus præſidijs haberi poterat, quantum satis. Itaq; citissimis à Louicio palsibus accelerato itinere Solecz versus tendit, vbi tunc Czarnecius, quo eius Prouinciæ Nobilitatem ad signa incitaret, huc illuc cohortes circumducens, & sueta celeritate hosti incommodaturus, morabatur. Tunc ille maiore potentia ingruente, in cer-

O3

camen



1656. tamen descendere haud sibi integrum iudicans, oblique in latus superato Vistula deflexit, quo minus tergum hostilis agminis commodius carperet, ac longinquitate cursus fesso, & enixe festinanti Regi, iter præscinderet. Ast is, ex destinato Czarnecium disiecturus ibat, antesignanum partium probè sciens, si transmitteret, validiorem contemptu, & consequenti Exercitui omnino noxium relicturus. Motis itaque prima vigilia signis, ad Gola inter Vistulæ ac Vepri confluentes, in imparatos sub diluculum suos immitrit, pepulitque dubia adhuc luce excubitorum signa; donec stratis equis Poloni in aciem ducti, acerrimè inuectum Douglassium reprimerent: qui recedens sinistram suorum cornu commouerat adeo, ut plerique ex abrupta ripa in flumen acti, ad præduram glaciem alliderentur, aut præcipitij metu relictis equis, inter virgulta ripæ se se abderent. Verùm exicipiente prælium Rege ipso, ac è campestribus machinis iaculante, tandem loco submotum dissipatumque agmen Czarnecij, triplo copiis suis minus, & cui cum Suecis decretorio certamine congruere haud animus esset. Victoria famâ solummodo constitit, quæ plerumque ex primo successu multum trahit, notabiliore iacturâ eorum qui campo potiti erant: quippe Adolphus Regis frater à seminece equo prouolutus, tibiam pedis enormi casu frangerat; Voldemarus Comes Christiani IV Daniæ Regis notus, lethali vulnere saucius, ex quo vitam mox cum morte Lublini commutauit; Wikilson Anglus vigiliarum Præfectus cæsus, præter complures ex vulgo militari. Nostorum cædes minor, præter eos, qui in traiectu Vepri debiliante glacie flumine absorpti interiëre: præcipuis Ioanne & Samuele Kawieccijis fratribus, Malawski, Rudawski cum alijs &c. cum agiles in regressum Polonos, tardigradis equis ubi semel propulere hostes, haud ultra consequi valerent. Læti victoriâ Sueci rem non improspere gestam, supra veri & possibilitatis confinia extendebant, nuntiando per impressa typis noualia, Socijs aut exteris, Polonos de-

mum

1656. mum irreparabili clade prostratos, nec vnquam caput arrecturos, ingentem prædam captam, machinas bellicas numerabant, utraq; relatione futili; cum, tam curribus quàm machinis carerent Poloni, expedito agmine prægressi, ut Suecorum aduentum explorarent.

Inde, rectâ Zamoscium profectio instituta, quominus in fessis orâ illâ fortalitijs, utramque Vistulæ ripam firmitus possideret Carolus. Obhæsit tamen impetus tendentis apud Lublinum; ubi, donec à tergo Legionex ex præfidijs arcium euocatæ consequuntur, necessaria mora distinuit festinantem. Demum, quò destinauerat Zamoscium penetrans, obsidionalem apparatus ostentare cepit, ut citra sanguinem loco potiretur, terrori spargendo. Inerat Ioannes Zamoyiski Pocillator Regni, auito hæredio tuendo; Nobilitas frequens, iuxta & aggreßtes recepti; nec annona defuit, Vrbi in præuisum obsidium egregiè animatæ. Vbi primùm explosa à Suecis tormenta, mox Zamoscus mutuum salutationis officium rependi iussit: dein succedebant literæ, in eum sensum. *Arfridus Wittembergus &c. Ioanni Zamoscio &c. Vix credibile, Portas Zamoscij occludi inuictissimo Suecia Regi, quem Protectorem, vniuersum Sarmatiae Regnum, fide & obsequio iuratis, acciueris, colasque Regem sibi mox imponendum. Itaneuero laudata Zamosci magnanimitas tua in pertinaciam transiit? & quæ in hostem Patriæ, expedita fortitudinis titulum meruisset virtus, iam nunc contra beneuolentem Regem hostiliter insurgens, mira metamorphosi, in vitium degenerabit? Inuictissimumne Suecorum Regem spernet priuata Ciuitas? quam Metropoles Prouinciarum, Craconia, Poznania, Varsavia, Thorunium &c. cum plausu recepere? unusne Ciuis omnium consensum morabitur, & presumet, solus aspernari consilia, quæ vniuersis placerent? Sed meliora de te Zamosci, iam innata virtus tua, iam culta ciuiliori peregrinatione adolescentia, sperare iubent; si tibi redditus, morosa abdicas consilia, omnia tibi in solatium, ubi tu Regi inuicto, cessura. Ergo occurre prudens discrimini,* & du-



1656. *et durum ne irrita telum necessitatis. Si fides verbo Regio, ingenuitatis erit; si committis te tuaque, erit prudentia; nec extra utilitatem, incolumi in presens patrimonio, totius Polonia curam à Rege recepturus. Vale. Datum ex Castris 2da Marij Anno 1656.*

Ad ea Zamoscus generosè repoluit. Gratiorem cunctis in eas oras Ser: Suecorum Regis aduentu fore, si modo pacatus non armatus venisset; nam ubi hostilitas nulla, etiam apparatus et terror belli inutilis, cum Protectio operari debeat, in aduersos armis, in pacatos beneficijs. Ceterum, pro auito suo heredio, sanè exili oppido, vim deprecari, cum restent tantu Regi, eximio bellatori, patratu maiora. Quod si sol Regum Symbolum, luce, motu, et tacitis influxibus, in se hominum oculos, et spem anni conuertit; etiam Reges ad benigni fideris modum se habeant necesse, quibus sua tribuere, quam petere aliena conuenientius. Traditionem loci quod attinet, fide data Ser: IOANNI CASIMIRO Electo sibi Regi, et uncto Domini prohiberi: quam in extrema tueri inuolutam, non patrimonij modo, sed vite dispendio, fixum maneret. In reliquo, deuotum se cultui Ser: Suecorum Regis, cuius etiam nunc maneret seruitio promptus. Ioannes Zamoycki Pocill: Regni Trasi Kat:

Ferunt, flagrante in oppugnandum Zamoscium Carolo, Wittembergum efflictum impressionem disuasisse; seu irritum in Urbem probè munitam conatum prauidentem; an fortè fatali torpore parcere loco volebat, in quo celebris bellator, in breui extremum vitæ diem clauderet. Quin etiam deterrebat ab obsidio diuturno, nec incruento, vasta & raris tunc commeatibus referta ora illa; cui rescindendo, etsi vel maximè auxilia Suecorum accurrerent, nihilominus gliscente inedia, ut ex voto succederet oppugnatio, pro impossibili planè iudicatum: cum Poloni omni ex latere afsiliendo, tum commeatus ac pabulatores interceptiendo, non noctu, non interdiu, respirare Suecos paterentur. Hinc constrictis à tergo itineribus, ac alimento-

rum

1656. rum inopia pressus Rex dolenter ferebat, impositam retro uertendi necessitatem, etsi notabilibus supplementis Exercitu aucto, ut XVIII. Millia Equitum peditumque, & XXX. diuersi modi machinas numeraret: unde illi præcipuum robur & tutamen, contra Polonos, qui ijs carerent, aperto campo, & manuali ferro tantum agentes. Ergo prima intentione depulsus Iaroslauiam diuertere debuit, ut isthuc refecto per mappalia frugum feracia ad Sanum milite, tandem de summa rei periclitaturus, Leopolim excurreret. Primum opus regredientis fuit ponte Sanum fl. frænasse, utraque ripa commeatui expeditius procurando. Mox Premysliam Douglassius missus, non pro opinione sua reperit obstinatam: quam mox ubi portas claudere ausa, in prædam militi deuouens, si conatus successisset, flumentana Porta inuadebat, cum ab excurrentibus Ciuibus ac præfidiarijs, non ex destinatione tractatur, dum præter aliquot Cohortium ductores trucidatos, multos rapidum flumen haurit, ut retrusus secedere irritum conamine debuerit. Nec ultra institit, nuntijs allabentium undique obsessis auxiliorum exterritus, anteuertendo per abitum discrimini: iam quippe Georgius Lubomirski Supremus Regni Marschalcus, suis fratrumque stipatus cohortibus, haud remnendum agmen à Przeworsko deducebat; Paulus Sapieha Palatinus Wilnensis, nulla unquam Suetici fauoris, quin partes susciperet fasciatus illecebra, subductas Tykocino cohortes Lithuanorum eodem trahebat; insuper vicinior Nobilitas, Sandomirientis præcipuè, tam Casimiri literis quam sua spontè alacris, sub signis frequentissima confluebat, domos pignoraque Sueticis præfidijs viciniora, relinquendo. Infesta undique Suecis omnia, præcipuè agrestium in conquisitores pabuli ferociam, ut buccella panis aut manipulus fæni, non paucis istis sanguine constiterit. Vnum oberat disiunctos agere in hostem Polonos, qui vires suas in vnum corpus coactas, sparsim ingruentibus obijciebat. Carpebant magis quam pugnabant, ille ubi collatis

P

signis



1656. signis cōfligendum foret, sua vnitāte & loco maxime tutus & inuincibilis: nec aliter castris constitit, nisi quā abruptis ripis amnis tergum, frontem vallum, & machinæ tuerentur. Iaroslāuiæ dum ponte Sanum consternit, Mille Equites dimittebat exploratum, inuestigandæ certitudinis, an Casimirus Rex tantisper subsisteret Leopoli immotus? Negabat quippe fidem asserentibus eo loci manere; nec deerant qui Camenecum Podoliæ recelsisse per adulationem referrent. quod speculatorium agmen vno milliari progressum, Ductore Kannebergo Tribuno, Czarnecius venire edoctus, commodè vicinā syluā infidias recipiente, primò per velites emissos in certamen prolicis; dein, in pugnam ruentes, sublatoq; Scythicum in morem clamore, Tartaros adesse supponentes, breui conflictu dispallat, profligatq; ad Sanum retrò, cæcorum cadaueribus constrata via: Vbi, æstu pugnae abrepti, in trāsmittētes amnem currus inciderant Poloni, in quibus Caroli ipsius mensæ suppellex in prædam rapientibus celsit, Quinquaginta stipatoribus Regis præter currule famulitium obtruncatis. Duodecima Martij id contigit, ea Suecorum in Castris consternatione, ut qui deinceps explorandis rebus vltra flumen excurreret, tota die repertus fuerit nemo.

Carolus dehinc non iniquè reputans, quantum periculi nimia audaciā adierit, in longinqua progressus, multum ex pristina remittebat præsumptione; Hem! ille Rex est, qui nè in totum quidem euaginato ense Poloniam inuadens, felix Dominus & ineruentus victor haberi volebat. Neq; infrænabilem vanæ gloriæ cupiditatem, intra limites Sarmatici Regni includi passus, per deserta Bessarabiæ, dein per Pontum Euxinum, quā terrā quā mari Constantinopolim cursum victoriæ destinauit? iam nunc, nè iusto quidem prælio congressus & fusus, de seculo reditu, ad mare Balthicum sollicitus agit. Fortunæ inconstantiam aliqui damnabunt, ego iniquitatem causæ suspicio; nam ferè semper euenit, ut vnde ius & fas sit, eò inclinet Victoria.

1656. ria. Non tamen omnia cæco Numini, quam Fortunam vocant, in fortissimum Regem licuere; qui, etsi secus inclinante successu, nè inter extrema quidem strenuus esse desit. Etenim, postquam premente commeatum inopia retrogredi deliberatum, præmisso in antecessum Douglasio, qui difficiliores traiectus, aut sylvarum latebras, nè infidiæ laterent excuteret, subsequēbatur ipse ordinata in conflictum acies; cuius frontem machinæ, tergum compaginata curuum series, latera firmissimæ excubitorum alæ tutarentur. Ita primis Castris apud Przeworsko pernoctatum, omni nisu ad Vistulam tendente Rege, ac in eo flumine reponente, nec vanè, portum securitatis. Imminēbant interim Poloni abeunti vndiq; circumfusi, nec de die tantum sed continuis noctibus assultando. Quod molestum & vix tolerabile, nam Finni Æstonesq; ut in pericula quæ campo occurrunt intrepidi, ita custodiæ segnes, & inter necessariæ quietis turbamēta, somno ipso & fame debellandi apparebant: nec minus bilem mouit, quod alios se fingerent nostri truci clamore Scythas referendo. Sic inter continua pericula luctatus Rex, nullibi maius quàm apud Rudnik oppidum discrimen subiit. Fortissimos suorum extremo agmini tutando ordinauerat, quibus filius in ædibus Parochi ientaturus discumbit, cum vix primo delibato ferculo confestim nuntiatur, Polonos adesse. Pro-rumpunt collaterales, ac correptis armis equos expediunt, intrepidus ipse à cibo in discrimen prouolat, nescio animo suo, an quos à tergo reliquerat magis fidens. Vix se mens euoluerat, cum Szandarowski Demetrii Wisnionecij Optio, cum cohortibus superueniens, eos, qui conglobati circumsteterant ædes, ignarus Regem intro existere, inuadit. Conatus eum habuit euentum; ut Rex acriter repugnans, bis in ingruētes exploso sclopo, virtute equi cuius pernecitate ad salutem utebatur, præsentissimum vitæ periculum euaserit: Tænia è ferico coccineo quis esset monstrante, etiam ex fusco colore vultus militi nostro dum sapius cohortes circumspicit, haud ignotus. P2 Hæc



1656.

Hæc inter militari recessu abibant Sueci, præter continua discrimina, fame, insomnijs, cænofo itinere, arduo fluminum traiectu, desperatis suorum auxilijs, animo vacillantes: cum contra Rex infractos spiritus ostendens, cunctis in opere præiret, verbis hortator, sed magis exemplo spem intendens, & in pericula acerrimus. Equidem multum proderat dissimulata extremorum necessitas, prima discrimina occupante ipso; compertumq; fuit eam animi constantia ac robore irremissam vim assultantium Polonorum sustinuisse, ut donec Iarosławia Sandomiriam ventum, idq; XVI dierum intervallo, non quiete necessaria membra solari, non interulam deponere, nè indusium quidem mutare vacauerit, continuis exagitato, nec se subducente, nisi retrahitur, impressionibus. Ac, quo per sylvas, aut cænoza transiens expediret iter, currus, cliteLLas, pyrobolos, aliaq; impedimenta abiecit, etiam morbidis, qui iactationem ferre non possent, passim per viam derelictis. Aliquoties nihilominus copiam pugnae obtulit, potissimè inter Gorzyce & Zaleszany pagos.

Ast, è re nostra satius videbatur sanguinis prodigium, & sub extrema ferocem Regem, quo cæperant morbo eludere; quoad traiectu fluminis impeditus, & fame pressus, in totum conficeretur. A tergo Vistula erat, cui Sanus ab leua decurrens miscetur (ab eo confluyente nomen Sandomiriæ ciuitati inditum traditur), à dextra ex restagnantibus amnibus passim lacunæ, & nulla possibilis elutandi ratio: Quid ultra? Quod nostris exitiabile recedenti creditum, id solers in periculo Rex ad conseruationem sui vertit; quippe eo bifurcato sinu apud Villam Zalesie consistens, castra prout re crepera datum munit, quidquid per viam com meatus contrahit, ac dum in fronte ad conserendam manum sequaces Polonos prouocat, à tergo interim Douglassius naues conquirat, amne recipiendis commode auxilijs, quæ in extremis posito, à vicinorum

1656.

Barum Arcium oppidorumq; Præfectis submittebantur. Tuebatur tunc Sandomiriam sub Commendantis nomine, Synklerus Suecus, qui dum moliendo ponti incumbit, à nostris flumen trauectis in opere deprehensus funditur, receptaq; Sandomiria fuit, Tribuno suos in arcem raptim subducente. Vbi loco vasto & immunito haud securus, talem elabendi viam comminiscitur. Sub noctem arcemumpens contiguas D Virginis templo domos succendit, interrupturus Polonis quietem, qui funestum diem complurium Suecorum cæde reddiderant. Czarnecius egregiam Ciuitatem igne absumptam dolens, nè impune autori incendium esset, in sequentem diem oppugnationem indicit, passim accurrente tam Castrensi vulgo, quam plebe ciuica, quibus vtriusq; muscarum natura inest, inter dulcia perire. Ostentabatur quippe intra arcem grandis spoliolorum congeries, è templis, oppidis, ac Nobilium domibus conuecta; tum in reditum Sueci Regis omnis generis huc comportata annona, atq; edulia. Itaq; inualidum se tuendo loco aduertens Synklerus, simul turbæ Castrensis concursu terrefactus, ne gratis, ac nullo virili ausu in potestatem Polonorum, planè spectante Rege Carolo veniret, insinuatissubter fundamenta murorum pulueris pyrii cadis, alijsq; sulphureis flammæ alimentis, demum & fomites subdidit: Vnde excitatum atrox incendium arcis mœnia conuulsit; autore facti in antecessum cum suis ad paratos phasellos aliaq; nauigia, in flumine se recipiente, ac dum nostros horribilis fragor ad exitium reddit attonitos, incolumi euadente. ultra Quingentos ex Polonis ea strages inuoluit, quibus ab igne casus, in aère mors, sub ruderibus muri sepultura fuit. Idem ignis præter Arcem, archiuiia Palatinatus (Acta publica vocant) simul deleuit, vnde iactura ingens, ac vix extricabiles posthac litigiorum occasiones, vbi tabulæ ac dispositiones Terrigenarum interuersæ manent.

Cæterum ut interamniss ille situs tutior Sueco: ita pedite,



pedite, machinis, & in expugnationem necessarijs desti-  
 tuto Polono, haud licuit pro spe & voto bellum terminare:  
 iamq; prono amne commeatus hosti subuehi Cracouiâ, i-  
 mo & auxilia ex alijs Prouincijs cursim festinare, explo-  
 ratores nuntiabant: Gustavo Steinbok, recepto die XII  
 Martij Mariæburgo ex Prussia cum non temnendo agmi-  
 ne; Duracensi item Marchione cum recentibus delectibus,  
 & quidquid per Mazouiam præsidiorum quantocius con-  
 uolantibus. Vbi constitit rursus Carolum assurgere, &  
 interim in Casimiri aduentu mora, inter militiæ Duces co-  
 uenit, ut Quartianorum cohortes inclusum loci angustia  
 Regem premerent, vel saltem distraherent; Mareschallus  
 Regni Lubomirscius, quæ hosti in succursum copiarum ex mi-  
 nori Polonia ibant, distinendis expeditus; itidem Czarnecius,  
 citeriore Vistulæ ripa in Mazouiam, qui præscinderet  
 Electorali subsidio iter, etiam ex Prussia affuturo, Ste-  
 inboko opponeretur. Ita diduci bellum cepit, & velut re-  
 ciprocante æstu, Sueci Polonos, isti rursus illos, variante  
 fortuna circumagebant. Ac primò Czarnecius apud Ko-  
 zienice Mazouiæ oppidum, octo Suecorum Equestris si-  
 gna cum Tribuno Torneskild mira celeritate fudit, nè nun-  
 tio cladis emissio, etsi XXX. commilitonum iacturâ; in-  
 ter præcipuos Stephano Stapkowski, Marchionis Mylsko-  
 wij Loricorum Optione desiderato. Dehinc cognito  
 haud procul imminere Durlacensem Badæ Marchionem,  
 continuato die noctuq; itinere obuiam iuit, donec apud  
 Warcam infestis vtrinq; signis concurreretur. Dirime-  
 bat acies Pilca fluuius, ex liquefactis vernante cælo niui-  
 bus affatim exundans, & quamuis ponte stratus, angustior  
 tamen moles celerem traiectionem impediabat. Hinc dis-  
 mente amne, hostis classicum cecinit, & velut aquarum in-  
 terlapsu à committendo prælio inhiaberetur, omnino vadu  
 quærere ostentauit. Sed ad apparentiam alacritas erat;  
 cum Czarnecius Desultorum Legione sub Christophoro  
 Wasowicz Primipilo pontem inuadere iussâ, ipse ut erat  
 Tygri-

Tygridis exuuijs teq; ad principia Legionis suæ accurrens.  
 Superbus (inquit) hostis ex fluminis interuentu ferox nobis in-  
 sultat; sed faciam, ut qui superato mari in opprimendam Polo-  
 niam contendit, neq; Polonis in depellendum inuasorem flumina  
 obflare experiatur. Sequimini præeuntem commilitones, for-  
 tibus viris in aduersam ripam, seu per pontem, seu per aquas  
 tantundem via fuerit. Hæc effatus, adacto calcaribus equo,  
 primus flumen nando superat, secutis mox mira alacrita-  
 te cohortibus, ut sesquihoræ spatio Ter mille virum in ad-  
 uersa ripa constiterint. Ad improuisum traiectionem stupet  
 hostis & pauet, dum quod impedire poterat, suo malo spe-  
 ctare maluit. Nec minore animo in hostem quàm in a-  
 quas itum; potiore iam Victoriæ parte credita elemen-  
 tum superasse, quàm homines. Incurrentes cohortes  
 dum Sueci ex disciplina militari circumagentes agmen,  
 crebro fistularum iactu excipiunt, demum Czarnecius, a-  
 cerrima impressione in aduersos irruit, ac post bihorij cer-  
 tamen, primò in regressum adusq; confinia nemoris, de-  
 inde in effusissimam fugam præcipites agit. Tum verò  
 cedes sequitur, potissimè Varfauiensis viæ insistentes, per-  
 nicitate equorum præuerti, capti aut mactati sunt; ali-  
 qui profundiori sylvæ salutem commiserant, sed agre-  
 stium isti præda aut victima; Agminis Dux Fridericus  
 Marchio senior, cum Slipenbachio Comite, ac Ebrenstey-  
 nio Caroli Regis intimo Ministro, per obsoletas nemoris  
 semitas, & vix feris trita vestigia, tandem Czerscum elu-  
 ctatus, intra desolatæ arcis rudera, triduo ieiunus & pa-  
 uens delituit, quoad resumpto spiritu Varfauiam noctu  
 peruaderet. In manus venit Marchio iunior Adolphus,  
 Falkosteynus Comes, Wegerus, Poterus Benzius Polemar-  
 chi, ac præter multos ordinum ductores, ferme CCCC  
 capti, ex quibus complures Gallos fuisse memini.

Nedum ex nassa apud Sandomiriam eluctato Caro-  
 lo adfertur, Exercitum Polonicum auspiciis Suetica secu-  
 tum, tantisper in hybernis per Mazouiam ac Prussiam  
 sub-



1656. subsistentem, eius renunciasse obsequio. Subibat quippe animos pudor, ne patriae desertores ac conciuium hostes, diutius manerent, infami probro in praesens execrabiles, in posterum maculosi: proin sua quemq; conscientia impellente factum, ut demum omnes essent, unde plures fuere. Itaq; primo seruitia dilabi, dein turmales signa deserere, tum praefecti cohortium haud dissimulauere intentum, infrequentia militis inculcarà, cui non stipendium, non annona, nisi ex Prouincialium rapinis exhiberetur. Aliquandiu tamen inter abscedendi medicamenta, & militaris probri respectum, perstitere, donec uicit Patriae amor, ut in ualedicendum Carolo vniuersi conspirarent. Itaq; ne temeraria discelsio videretur, per scriptum ad acta publica porrectum, abscessus tui exponebant rationes, consilium à necessario ac honesto excusantes. Transmissum mox Instrumentum Carolo, in quo pleraq; pro more militari sincerius, sine ullis verborum circumstantijs exposita; eo tenore.

Polonia Regnum, antea septennio continuis bellorum motibus, atq; barbarorum irruptionibus penè conuulsum; tandem anno praeterito, quâ parte maximè florens potensq; exiit, Caroli Gustavi Suecorum Regis armis petiit & distractum esse, omnibus constat. Qui incompetente ambitu, pro iustitia belli, opportunitatem aggrediendi, atq; deuastandi commodam occasionem sufficere ratus, duranti adhuc aliquot annorum inducijs Poloniam ingressus, sub Protectionis titulo hostem acerbissimum egit. Eo praetextu Palatinus Poznaniensem & Calissensem paucorum subscriptionibus (quos non tam perfidia quam incauta credulitas seduxit) recepit, ac post Mag: Duc: Lithaniae, lupus iste ouina pelle tectus intrauit, instantibusq; Polonia ab Oriente Cosacis, à Septemtrione Moschis, Poznaniam, Varsauiam, Cracouiam, non tam vi aut armis, quam placida loquendo possedit &c: Hinc deinde Ioannes Casimirus Rex diuertere ad suos in Silesia Ducatus debuit imminentibus periculis, subducendus; ac Regni inco-

1656. incolis dolosa Protectione fluctuantibus. Quo rerum turbine Exercitui efficacius non poterat occurrere consilium, quam eidem Protectioni in tempus semet subijcere; Religioni, Patriae, iuribus, & libertatibus, eo modo conseruandis. Quis enim de Patria vno eodemq; tempore, à tot tamq; potentibus hostibus oppugnata, non desperasset? quis tam dulciter affricanti aculeum scorpioni non assensiretur? quis non adhibuisset sancte datis promissionibus omnem conseruationis patriae certitudinem? quis negasset fidem tot diplomatibus fide Regia & manu firmatis? Sed Regni vicinis inhians Natio, monstrauit breui subdolas artes, complicatisq; obtrusa Protectionis vexillis, hostilia mox contra Orthodoxam Religionem, iura, & libertates Regni, explicauit consilia. Quippe ut primum Cracouia potius Carolus, conuentionem cum Castellano Kijouensi, circa deditionem urbis factam, ac speciali diplomate firmatam, maiori parte infregit; Ecclesias quacumq; & cuiuscumq; valoris suppellectili spoliauit; Sacerdotes grauissimis carceribus pressit, igne etiam ac equuleo prodendis thesauris excruciauit; Nobilium Domos diripuit; Ciuibus Cracouensibus sexaginta Milli: Imperialium contribuenda imposuit. Optimo ad explendam cupiditatem usus instrumento, Alfredo Wuttembergo, ex ultimis finibus terra progenito Finlando, qui Magistratui Urbis summam irrogatam deprecanti, ac Triginta Millia florenorum munus offerenti, munere illico recepto, Senatum Ciuitatis carcere pressit, nec dimisit quousq; summam superius imperatam contulissent. Iam vero extra Urbem Ecclesias, Monasteria, & Nosocomia solo aequauit. In alijs Ciuitatibus Tempia Catholica militum rapinis addixit; ita, quod è sacra suppellectile, scorta Castrensia vestirentur, & Cyngari Exercitum eius sequentes, in casulis & alijs sacris vestimentis, publicè ad ignominiam ritus Catholici comparauerint: Episcopatus, Abbacias, & alia bona spiritualium inter suos distribuit; pias antecessorum fundationes ad profanos usus conuertendo, redditusq; sacros Haeticis addicendo &c. Insuper, Vniuersum Regnum ita exina-



1656. exinanivit, ut cum nihil amplius quod acciperet superesset, marmora à Palatijs auferre, ipsamq; Regiam Varavia, calaturis, picturis, statuis, & alijs eiusmodi ornamentis spoliare, & in Sueciam transferre non erubuerit. Vnicum tandem Regni Polonia decus, Claromontanum Czeszochouense Canobium, in quo per Orbem Christianum miraculis corruscant B. VIRGINIS Imago asseruatur, euertere voluit, ac quatuor Septimanarum obsidione pressit; ut hoc Catholica Religionis fundamentum, cultum nempe Sanctissimæ Matris à Polonia Regno aboleret &c. Tot itaq; tantisq; rationibus permoti, non possumus diutius sub eius Regis Protectione permanere, huicq; eius dolose tutela abrenuntiamus, & eandem iuramus, ac ipsam Carolum Gustauum Suecia Regem, hostem Patriæ, ac Gentis nostræ, unâ cum omnibus ei adherentibus declaramus, & contra ipsum eiusq; sequaces, ad ultimum spiritum, pro aris & focis pugnuros, sacrosanctè iuramus, nec ab eo recedemus quousq; Patriam, Serenissimumq; Regem nostrum IOANNEM CASIMIRVM, pristino ac pacato statui imposuerimus. in quo proposito ut Maiestatis Diuinæ auxilium humiliter imploramus, ita coram eodem Supremo Numine, totaq; Curia celesti, ac vniuerso Orbe, de his omnibus solenniter protestando, præsens scripti instrumentum ad perpetuam rei memoriam Actis publicis inseri volumus. Datum in Zembrow die XV. Februarij Anno Domini 1656.

Ast primores Exercitus, quibus maior apud extraneos famæ ratio, etiam apud suos authoritas erat, moderatius egere, præferentes in tempus obsequium, donec secessus opportunitas saluâ existimatione maturesceret. Penes Alexandrum Koniecpolski Vexilliferum Regni, summa imperij militaris, qui etsi apud Carolum gratosus, sed non usq; deuinctum se credidit, ut Patriam omnino postponeret. Is cohortibus Lithuanicis Tykocinum, (ubi tunc Radiuillia defuncti Palatini Vlnensis vxor,) prementibus: viduæ, ipse consorte orbus, laturus opem, permisso Regis Sueci abierat, Carolo interim subitam expedit

1656. petitionem apparante: alijs Polonorum Legionibus, per extimam Mazoviæ oram locatis, & tempus in recessum operientibus. Vbi secedere deliberatum, & ad recolligendos animos elongatio Caroli facit, Vexillifer Regni Koniecpolius, literis Regem conueniebat, tenoris eiusmodi. Intaminata Polonorum in Principes suos fides, vel ex eo Orbi vniuerso probata est, quod cum hereditaria Regna conueniente, nonnunquam oculo, tragicos Dominorum suorum spectassent exitus, Polonia Reges nullibi securius dormiant, quam in gremio excepti subditorum. Indignum quippe maioribus nostris videbatur, quos sibi libera voce, nec coactis suffragijs, constituisent Principes, vel minima infidelitatis labe violare. Hinc & nos, qui nuper inimica Fatorum conspiratione, externam Protectionem querere cogebamur, nunc redeunte Ser. Rege IOANNES CASIMIRO, DN. N. CL. non tantum data Electo per nos, & coronato Principi fidei memores, verum etiam grauioribus violata Religionis & libertatis iniurijs, tum maiorum Fratrum ac Conciniuum nostrorum in desertores communis causa Edicto compulsi, eadem manu ductrice fide, ad gremium Patriæ redire cogimur. Neq; id transfugarum more apparamus, palam facturi, non tam nobis animum ad obsequia Maiest. Vestra deduisse, ut non magis vitâ carioris Patriæ causam amplecteremur. Proin Maiest. Vestram ex communi omnium assensu domissè precamur, quatenus libere ad Regem suum redeuntes (Regio Maiest. Vestra verbo hac in parte assecurati) in seruum ad posteritatem Fidei nostræ testimonium, literis suis concomitari dignetur. Et dabit credimus M. V. veniam arma non contra se, sed pro Patria ferentibus, ac prosequetur hac nihil auferente gratia eos, qui excepta Patriæ causa, sumus sacra Regiæ Maiestatis Vestra (respectiue) serui &c. Ingens ad hæc ducco Regi cordolium, ringitur & diraminatur, exequendi potens ac promptus, nisi lædere eos tunc intutum esset, quos perdere non adeo facile fuit. Ergo submitit qui ad perseuerantiam suam inducerent, ast sincera resipiscentia nequaquam expugnari potuit, ea pro finali data in scri-



1636. pro declaratione. Exercitum Polonicum non iustitiæ causæ, non mutua relatione status aut Religionis, non ex dato acceptoq; deniq; nullis recti & æqui rationibus, teneri & obligari, quominus Regi Sueciæ ultra adhærere debeat. Imò apertè renuntiare partibus, redireq; ad legitime Electum Regem, cui primò & vnanimitè obedientiam iuramento adstrinxisset. Id exposcere intemeratam gentis fidem, obligari singulos conscientiam, exigere demum Orthodoxam religionem, pro qua sibi more maiorum aut vincendum aut moriendum sit.

Labebatur interim Martius mensis, quo Carolus apud ripam Vistulæ castris obhærens, eo modo se indagine, multis pro ineluctabili credita, expedit. In subsidium illi propè tria Millia ex diuersis præsidijs, prono amne submissa aduenerant: quo auctus subsidio simulat adornare pugnam, è tormentis quam ante fulminatur crebrius, Castris fossam præducit, ac hinc inde agemmata effundens, opponit aciem nostris, velut in destinati conflictus præludium: etsi, ut attigi, Exercitus Duces, opportuno admodum consilio cauerent, nè in decretorium certamen inuitos traheret Suecus. Interea suspensis expectatione prælij nostris, summa celeritate ille peditem, machinas, aliaq; impedimenta nauibus imponit, tum decrecentium opportune aquarum beneficio vsus, Equestres turmas per noctem educit, quoad in vltiorem ripam securus emerlerit. Inde fessum discriminibus agmen, flumini insistent deduxit, ut demum per Mazoniæ limitem Varlauiam eluctaretur. Abeunti haud institère Poloni, viribus iam aucto impares, & præter gemini mensis continuo labore attritum militem, defectis vel maxime equis, pabuli inopia. Etiam ego hinc ad caput Regni calamum abstraho.

Metropolis Regni Cracouia in nomen Caroli obtinebatur, reducto ad Ter Mille præsidio; etiam ex nostratibus aliqui adhæsere, commodi aut damni respectu, præcipue quibus circa Urbem possessiones, aut in Vrbe repositæ facult-

1636. cultates habebantur. Vrbi Præfectus Paulus Wirtz ad omnia vigil ac solers, in morigeros attentus, in contumaces rigidus, nihil non egit animis demulcendis, ac omni arte retinendo populi obsequio, quem fidum indulgenter tractauit, refragum peracerbè: Oppida Zywiec, Zakliczyn, Pilcã, Szekoćiny, Przyrow, aliaq; in fauillam ière, eius mandato direpta exustaq; cæsi subita domuùm incursione Nobiles, aut carceri mancipati, qui in Suecos durius aliquid tentauerant; reliquis incussus timor, qui tamen sæpius cupiditatem vindictæ accendit, donec velata odia, ubi se dat occasio, in aperram vltionem ebullierint. Primus Cracouiensi tractu concitis in arma Prouincialibus, Franciscus Dembinski Neocorcinensis Præfectus, haud temnendam Nobilitatis manum euocauerat, magis direptiones & vagos Suecorum incurfus prohibendo, quam ut intra mænia cohibitos, aut Vrbe effusos, aperta vi aggredi valeret. Proin hinc inde circumducens agmen, intuta reddebat comitantibus itinera, importandis alimentis incommodando; donec comperto solutius apud Mogilam Castris agere, nocturno aggressu Wirtius agmen illud dissipauerat, sua vsus celeritate, & nostrorum incuria.

Vehementiore per Maiorem Poloniam motu insurgebat bellum, peregrè ab istis oris elongato Carolo, & Polonicis Ducibus Lubomirscio, ac Czarnecio, successu & famâ non temnendis, huc peruadentibus. Andreas Grudziński Palatinus Calisiensis, charitate in Patriam, Protectionem abdicauerat; Petrus Opaliński Podlachiæ Palatinus, prisca moris & militiâ bonus, in resumenda arma Nobilitatem conuocabat, super odium hostis, priuatâ iniuriâ excitatus, cum filium eius Ioannem Opaliński, velut per officium conuenientes Sueci, licentia militari seruiliter laxissent. Aderant pari animo, Iacobus Rozrazowski Inowrocłauensis Palatinus, Ioannes Starkowiecki Calisiensis, Stanislaus Pogorzelski Krzywiniensis Castellani, Christophorus Grzymultowski, ac Ioannes Gninski, ille Calisiensis Sue-



1656. camerarius hic Gneznenſis Præfectus, tum alij: à quibus per diuerſa loca particularibus congreſſibus bello præluſum, quoad robuſtior irrequieta agitatione Mars, tandem collectis viribus, in generale experimentum adoleuiſſet. Leſzno oppidum, cognominis familiæ hæredium, trino milliari Sileſiam attingit, incolis conterminæ gentis reſertum, ob recepta olim Caluini dogmata, augeſcente eiſ opinionis ſequacium frequentia. Hoc, quia nuperis Germaniæ turbis, dum belli mala refugiunt Sileſij, pro reſtinatorio illis patebat, viciffim nunc Poloni ab iſtis recipiebantur; peſſimo facto quod conductitius Suecorum milles ultro citroq; commeans, rapta ex Regno ſpolia, Leſzno tanquam tuto in aſyllo reponeret. Ergo Palatinus Poſſelachia inſinuato oppidanis, ut hoſtium abdicata familiaritate Regias partes, ſequi vellent, ac reuuentes imperata facere, primò oſtentatione virium terret, mox & armis aggreditur. Aſt inconcuſſi minis Leſznenſes, ut quos obfirmatos Lintformius Tribunus, cum CCC. Suecis præſidio accurrens, in ſuſtinendam vim impelleret, armati extra oppidum procurrere; commodopro illis loco, ſtruicibus lignorum exaggerato, poſt quos pedicem cum tormentis occultauerant. Semel iterumq; mitiora ingerebat Palatinus, neu ſibi poſthac excidium oppidi imputaretur obſtatus; demum ubi peruiſaces, ac per ſepta hortorum circumfuſi Ciues, à latere Sueci Equites vim differenti inſultant, non ultra tulit proteruiam, datoq; ſigno, teruidè illatus, retro in oppidum agit præcipites, adeo ſubita oppidani vulgi ſub reſeſſum conſternatione, ut aggreſſor miles patente porta vna irrumperet; eſſi nonnullis in ipſo portæ limine caſis (ſeptemdecim è Nobilitate deſiderati, Nowowieyſki, Koźmiński, Czeſki è præcipuis) vnde Palatinus inhibere vim ac reuocare ſuos, vel maximè quod ſerum diei eſſet, debuerit. Imminebat in craſtinum repetenda impreſſio, cum Ciues expenſo ſub noctem, quale maneret illos periculo, & quibus ſera deditio intuta appareret,

1656. reret, arripiunt medium ſalutem fugatutari: cum metu percuſſis, ſolatum quoddam pereundi habeatur, tergo mortem excipere. Sed peſſimus in extremis conſul metus, qui dum in Sileſiam receptum oſtendit, periculum geminauit. Nam incolatu omni in fugam abrepto, ſuorum cædem Nobilitas ultura, conſecutos per viam promiſcuè mactat; dein oræ circumſitæ agreſtes, irrumpunt ac diripiunt, & poſtquam notabili præda aucti, inſolentiſſimū hominum genus, per amplum & Vrbi ſuppar oppidum, ſubiecto igne cremauere. Memorant hic Chriſtophori Arciſzowski cadauer (is non ita pridem Armamentario Regni Præfectus, multa militari laude, ſed Arriana labe inglorius, vitam cum morte commutarat) dum dilato funerali actu repositum manet, in exuſti oppidi cineribus, rogi inueniſſe. Adeo nè mortuis quidem parcat bellum. Sic deformatum miſerabili incendio Leſzno dein ſumptuoſius reædificatum eſt, quale nunc cernimus: ut iam non vane aliquis, poſt flammas inſtauratæ domui inſcripſerit; *Ni hoſpes cogita, ardoris rogi, non conſumi, ſed ſolidari flammis.* Poſt Koſcianam itum, quæ in paludofis Obræ ſita, commeantibus hinc inde Suecis pro diuerſorio erat, eſſi nuper Lantgrauij cæde abominabilis locus. Annuit ſuccellus, ut excurrente Iacobo Iaraczewſki, adducti captiui nuntiarent, Suecorum agmen in procinctu adeſſe, quod à Weſſemania præfecto Poznaniæ expeditum, ſubita incuſſione obſeſſores Koſcianæ de nocte aggredi moliretur. Igitur itum mox obuiam, ac intra querneam ſyluam deprehenſi hoſtes, perq; anguſtias nemoris ordines explicare non valentes, diſiecti ac fuſi, continuata Moſinum vſq; fuga & cædibus. Cecidit hic è noſtratibus Smuſzewſki animo & ſtirpe egregius, Dambrowſki, Bronikowſki, Przysiecki &c: de gregarijs non conſtat. Repenſa iactura Lintformij (is legatus Weſſemannij) cæde, Deualius Tribunus, & Thoſſus Primipilus ſeu Maior capti, aſt pro vita ſupplices effecere, ut incolumes ſeruarentur.

Caro-



1656. Carolo Suecorum Rege in Prusiam regresso, quom-  
 nus belli tempestas, in praesens ripis Vistulae depulsa, vel ul-  
 tra maria submoueretur, Duces Poloni agitabant. Inui-  
 tati Maiores Poloni in consortium armorum, crebris per  
 oppida arcesq; Suecorum praesidijs, ac inde penatibus me-  
 tuentes, sese excusauere. Certè magni momenti erat, v-  
 trosq; iunctim agere, singulis in Prusiam tendenti Sueco  
 imparibus. Ast respectus pignorum, non iniustum bello  
 gerendo ponere obicem visus. Forma Dux militem, fidu-  
 strenuum, disciplinatum, quantumvis in hostem audacem;  
 si domum respicit, si proli, si uxori ac penatibus timet, vel  
 eripiendas facultates metuit, aegrè ordines seruabit, aut si-  
 gna tuebitur, nunquam tutò vinces; cum satius quære, qui  
 ne voto quidem opus habeat. Affertur sub hac Izraëlem  
 Suecorum Tribunum, recens Louicio mouisse, & cum ex-  
 pedita suorum manu in Prusiam tendere festinando. A-  
 bibat certè Mille ducentis Equitibus stipatus, ac ultra duo  
 Millia currum deducens, quibus raptæ ex circum-  
 sito tractu manubiae, deuehebantur, nauibus in Sueciam  
 transmittendæ. Pergentem primò leuioris armaturæ co-  
 hortēs, plano campo assecutæ, stitère: qui deinde milita-  
 ri recessu egregiè vim sustinens, retro Louicium vnde ve-  
 nerat abibat, mox in arcem receptus; currus tamen cum  
 præda omnes, præcipuè argento & rebus pretiosis onusti ab  
 lixis intercepti; etiam Tribuni Izraëlis uxor carpento ve-  
 cta, à famulitio Pauli Borzecki abducta est; Mulier formâ  
 conspicuâ gerebat vterum, cui dum aliquis ex Polonis sug-  
 gerit, non alium liberationis modum superesse, nisi suasor  
 marito arcis dedendæ foret, animosè responderat. *Non  
 tanti vitæ sibi aut captiuitatē, ut alterutrius respectu eius pro-  
 bri marito autor esse velit, imò, mox tem eligere potius, quam ut  
 maculosum desciscendi à fide nefas, suggerere ausit.* Dein tri-  
 buente fragilitati sexûs Czarnecio, honorificè ad virum,  
 & quotquot eo congressu Suecorum matronæ in potesta-  
 tem venerant, gratuita libertate donatæ, ac remissæ sunt.

par

par in hoste humanitatis officium excitaturæ. Exin in-  
 stituta in Maiorem Poloniam profectio, sed damnosum.  
 nimis Prouincijs istic tendentis Exercitus iter, passim ra-  
 pinæ & domum expilationes, laxatâ per bellum militari  
 disciplinâ, tum illud non magis inuisum quàm atrox, dū  
 iniurias passi acerbè querulantur, miles noster eius oræ  
 Nobilitati, tanquam autor ad hostem desciscendi foret,  
 notam leuitatis ac perfidiæ exprobrat. In Iudæos vel ma-  
 ximè lixarum insolentia sæuiit, quorum prægressi Exer-  
 citum globi, ubiq; miseros contrucidabant, hosti addi-  
 ctos, & suorum proditores appellando. Ac in tantum  
 furor in eius farinae homines inualuerat, ut necessum fue-  
 rit, quinq; cohortium agmen præmittere, rapinis & inson-  
 tium cædibus cohibendis. Et si Czarnecius suoptè inge-  
 nio seuerior, prædones illos ubiq; conquisitos, præsentis-  
 simis pænis afficeret, ubi non in promptu patibulariæ fur-  
 cæ, per prominentia ædium colliquia, laqueo suspendi,  
 aut pedibus ab helcio reuinctis, incitato equo trahere iu-  
 bens, donec per saxa stipitesq; lacerato corpore, ac effu-  
 sis visceribus, atroci morte interirent.

Ad Gneznam constiterat Exercitus cum affertur, A-  
 dolphum Ducem ac Douglassium cum Suecorum agmine  
 quod Decem Millium esset superuenire: nec certamen  
 moraturos. Res mira! manibus omnium terebatur va-  
 ticinium Astrologi alicuius, quo in diem octauam Maij,  
 insignem Polonis ex hoste victoriam prædicebat; hinc  
 varia animorum commotio, etsi aliud interueniens, pru-  
 dentiorum considerationem aduerteret. In Metropoli-  
 tana Ecclesia, ab aquilonari templi latere, exstebat Sal-  
 uatoris Crucifixi (ut solet in altari) effigies lignea, ex qua  
 duobus ante aduentum Douglassij diebus, sanguis merus  
 largiore stilicidio in stratum altaris profluxit. Sanè nihil  
 fraudi aut imposturæ adscribi poterat, quomodo enim v-  
 bertim promanans liquor, in exili ligni fragmento occul-  
 taretur. Perstrinxit miraculum spectatores, rei nouitate

R

atto-



1656. attonitos; etiam ego qui hæc scribo, stupens & curiosus, cruoris decidui guttam attrectans digito, meri sanguinis profluium esse expertus cognoui. Haud procul hostem abesse nuntiantibus præcursoribus, summo mane quod in diem Dominicum incidebat, obuiam ire à nostris maturatum, alteroq; à Gneźna miliari acies sibi inuicem occurrere. Duces nostri aderant Lubomirski Mareschallus, Czarnecki Kijouiensis, Stanislaus Witowski Sandomiriensis Castellani: ac præter alios Andreas Grudziński Calissiensis Palatinus, abdicatis partibus, gnauiter Patriæ probaturus operam. Douglassius vicissim comperto Polonorum occurſu, locum opportunum delegit, quo fretus inire & declinare pugnam, nisi cum veller posset: dein arbuſta contigua, occultatis infidijs præoccupans, subiectum riuum lutulento meatu post recentem pluuiam exundantem, peditatu ac machinis in capite aggeris stagno coherens firmauerat, traiectum loci in sua potestate retenturus. Sic locuturus, ingruentes Polonos excipit, quorū dextrum latus Mareschallus è regione stagni; sinistrum Czarnecius regebant, vter horum prior aggerem superasset, ita certamen initurus. Sed acerrimè traiectus angustias tuebantur Succi, neq; canosa lacunarum vorago vadari poterat, colotenus dehiscens equis; quoad Czarnecius, vt inferum vltra piscinas tractum superaret, ipse cum parte suorum (quæ tunc Diuisiones à Ductorum nominibus vocabantur) longo circuitu digressus, in dextrum Douglassij cornu inuehitur, ac identidem densis ordinibus cōsistentes Succos laceſcit, eo consilio; quominus ardore pugnae abreptis, ac custodiæ aggeris detractis, traiciendi Mareschallo viam apperiret; iamq; primo assultu alarios represserat: ast vbi inter arbuſta occultati Desultorij, creberrimo pilarum iactu latera pugnantium impune feriunt, anceps diu prælium, & alterutrorum reciproca quædam confectatio perdurauit: donec Douglassius huc omne suorum robur, (traiectum fortissimè Adolpho iutante) conuer-

1656. conuertens, opportuneq; suos præaltam fossam quâ humida agri siccabantur subire iubens, certiori destinatione nostros globis feriret, ipse aduersum framearum ictus interueniente fossa securus: cum interea Mareschallus, obiectu vliginosi traiectus, vt in pugnam descenderet, prohiberetur. Dato proinreceptui signo, Poloni retro oppidum flexere, solutis in recessum militarem ordinibus, cū modici milliaris ea die instituto itinere pernoctassent, ac permulti ex faucijs curandis vulneribus Gneźnæ, in alterius diei diluculum intenti egerint. Interiøre ad XXX. ex cōmilitio, Kiełczowski, Goszczymiński, Burzyński &c. vulnerati plures, inter alios Vladislaus Wilczkowski Marchionis Myłzkowij vetus Optio: etiam ego eiusdem turmae, duplici globo brachium traiectus, pænam (vt suppono) curiosæ audaciæ tuli, purpureum rorem illum, quem ex effigie Crucifixi in Basilica Gneźnensi stillasse memoraui, eadem attrectans manu.

Iam maiori ex parte Polonia (si vrbes firmatas præfidijs excipias) ad se redire videbatur, cum subinde Moschus in breues Inducias cum Polonis assensus, bellum ex Lithuania in Liuoniam transferebat. Geminatis quidem Carolus per Gustauum Bielke Senatorem Sueciæ legationibus institit, M: Duci in amicitia retinendo, ast in causa Lithuania fuit, pro qua diuersi competitores, velut pro ossa duo canes, tæderum obliti rixarentur. Familiare Principibus, nimiam aliorum felicitatem suspectare, & dū prosperis ipsi efferuntur, eundem in alijs fortunæ cursum oderint, aut perireſcant. Irritabat Mag: Ducem, quòd veteri prætextu Liuoniam inter titulos numerans, incollas Prouinciæ in subiectione Caroli obstinatos aduerteret, non vnquam subiugandos totaliter censens, nisi distracta inter se & Polonos communis hostis potentia, demum armis aut tractatibus à Suecia auellendos. Ergo per Ioan-nem Obryński Decretorum Notarium, hostilitatem nobiscum dirimi passus, in æmulum Regem arma transferbat



rebat, vulgato prætectu, iniquè auulsa imperio Moscho-  
 1656. uitico, armis repetere velle: aliasq; causas bello asfluendo,  
 quæ dum ex iustitia haberi nequeunt, ex quæsito colore  
 aut simulachro Iuris volenti elicere facile fuit.

Subinde Casimirus ineunte Aprili, relictis quantum  
 pro temporis & Aerarij angustia licuit rebus, Leopoli So-  
 kalium mouerat, medioximo suorum accursu comitatus;  
 quidemum superuentu Ducum militiæ, cum Quartianis  
 cohortibus, augeretur. Primum reuiuiscens Imperij  
 facinus fuit, Gedanenses in fide confirmasse, quorum lau-  
 data per literas constantia, etiam præsentis alloquio firma-  
 bat animos, Nicolaus Ostrorog Drohouissensis Præfectus  
 animi præptus, nec minus hæreditaria Ostrorogæ Do-  
 mus facundia inclarescens. Gedanum insigne Balthici  
 maris emporium, dum vniuersas Sarmatiæ merces, ac  
 quæcunq; venalia prono Vistula recipit, rursus opportu-  
 nitate maris contigui, res promercales ab exteris habens,  
 Regno communicat, nec solum negotiandi commoditas  
 & partæ ex mercatura opes ad famam urbem protulere;  
 etiam à situs firmitudine, & stupendæ molis operibus,  
 præcipuè quæ Laternam portui incubantem tuentur, cõ-  
 mendatur. Hanc portu & maritimis viribus pollentem  
 intererat Sueco, aliquo modo infædus illectam, sibi ad-  
 iungere; quæ dum contra pollicita & illecebras pertinax  
 Protectionem penitus abnuat, vi ad officium redigere de-  
 stinabat. Ac primo Carolum Wrangelium Architala-  
 sum Sueciæ, obsidere sub præteritam hyemem iusserat;  
 qui tamen etsi infesta classe adfuit maria præteruectus,  
 in summam profecerat nihil, turbulento sæuis Aquiloni-  
 bus freto, & vrbe ad retundendam vim intenta parataq;  
 rursus Gustauus Steinbok post receptum Mariæburgum,  
 iam suadere deditioem, iam minari excidium ausus, in-  
 fra ponentes iram, nec vim metuentes in cassum territau-  
 rat. Demum Rex ipse, nihil per submissos proficiens,  
 in communionem sortis velut socios vocare non erubuit:  
 quam

quàm requisitionem illi dum magnificè inuitati, mode-  
 stia mulcent, aut dilatione eludunt; tandem aliquis Bo-  
 1656. guslaus Dux Croiæ Mindensis Episcopatus administrator,  
 susceperat negotium suasu perficiendi; quasiverò quæ  
 non blanditijs, non minis extorquere alij potuissent, id  
 homo externus, vel solo à Religione ducto argumento,  
 quæ tam Sueco quàm Vrbi haud difformis esset, conse-  
 qui niteretur. Ast admota machina, Gedanensium con-  
 stantiam mouit nihil, inexpugnabilem Casimiro fidem-  
 seruantium. Ostrorogus quin etiam ex commisso per-  
 cunctatus Magistratum; vtrum vim imminentis hostis to-  
 lerare suo pte Marte pares essent? an verò succursu arma-  
 torum indigeant? paratum siquidem Regem, fidissimæ  
 Vrbi si opus in præsens submisso Exercitu auxiliari? Re-  
 sponsum tulerat pro fide retinenda magnificè, pro suc-  
 cursus necessitate indifferenter; nè scilicet reposcendo  
 auxilia, rationes annonæ deplerent, aucto consummentium  
 numero; aliaq; prudenter & prouidè, dum & regias vi-  
 res adhuc dum imbecillas penitus introspiciunt, & glo-  
 riam inconcussæ fidei, requisitione auxiliorum diminu-  
 ere cauent.

Post Gnezensem conflictum, velut captando respi-  
 rio Duces partium ab inuicem recelsisse videbantur, nisi  
 Czarnecius, cui æquè victori ac succumbenti, idem  
 animi vigor, festinato Zninum excurrrens, sparsim loca-  
 tas Suecorum copias, subitarijs congressibus perturbabat.  
 Fortè accidit vt Iacobus Weyher Mariæburgensis Pala-  
 tinus, cum aliqua Borussæ Nobilitatis manu, huic iungen-  
 dus tendens, in notabile Suecorum agmen per viam in-  
 cideret. Carolus Dux Mechelburgicus erat, qui nulla à  
 nobis prouocatus iniuria, per inferioris Saxonæ circuitū  
 autorato milite, pari aliorum Germaniæ regulorum in Po-  
 loniam affectu, Suericas copias aucturus, iam tunc Ticho-  
 liam in stationem sibi destinauerat; vnde acceptā tenden-  
 tis Weyheri noticiā Choyniciam deflectens, illuc mæni-  
 bus



1656. bus & sua virtute se tuentem, oppugnare aggreditur: Sed fastuosus Theuto in virum strenuum inciderat, namq; vt illicia dedendi sic minas oppugnationis spernens, biduo vim admodum masculè sustinuit, quoad edoctus periculi huc citus aduolaret Czarnecius, ac à tergo inuadens Mechelburgicos, infugam non sine complurium cæde impelleret, liberaretq; Weyheranos. Tot tantisq; experimentis, Poloni militis virtus sanè meruerat, vt fessis quies aliqua, equis præcipuè continuo labore fatiscientibus respirium ad tempus daretur: itaq; Culmensi & Dobrinensi tractu locatae cohortes sunt, sub adultum ver herbida ora, pabulum iumentis suggerente. Vbi dum in breue respirium vix equos exsternunt, ecce subito de Caroli Regis Fato increbrescit rumor; mox qui mortuum crederent reuixisse experti, dum in bella promptus, cohortes nostras celerrimo incursu apud Kcynam inuadit, & subitario certamine dissipatas, optimis statuis derijcit conturbatq;. Quas demum reollectas à Czarnecio, & ab incæpto anno in eam diem XVI. vicibus cum Suecis uariante fortuna præliatas, tandem Casimirus in obfidium Varſauiae euocauit.

Varſauia Mazouiae Metropolis, in ipso Regni Sarmatici centro sita, iam nunc post extinctos Prouinciæ Duces in domicilium Regibus Poloniae celsit; quominus æquali locorum omni ex parte distantia, ad Generalia hic celebrari solita Comitia, Regnicolis tantundem viæ vndiq; esset. Hanc nullo negotio in ante occupatam Sueci permunierant, quod ibi prominenti Vistulae ripâ, frenandæ aut soluendæ nauigationis potens, iniectum flumini capistrum manu tenere viderentur. Subsistebat hic Arfridus Wittemberg armorum Sueticorum Generalis, tum alij nobilis famæ Tribuni, hinc ex vniuerso Regno compertata spolia, conuecti thesauri, ac pretiosa quæq; reposita manebant; per mare demum in Sueciam ex manubiæ, commodiori tempore nauibus transmittendæ. Præsidium

1656. um duo millia superabat; præter XXX. maiorum nauigiorum remiges, subtrus arcem in anchoris defluicationi gazæ illius tempus operientes. Palatinus Wilnensis Paulus Sapieha cum Lithuanis, dirempta per Inducias Moschorum hostilitate, etiam Palatinatuûm Mazouiae Nobilitas, vndiq; Suecorum per oppida præfidijs constricta, ducentia in Urbem itinera (Passus vocant) annonæ ac rebus necessarijs inuehendis præcluserat, solerti cura attendendo, ne amnis beneficio vsus hostis, congeriem illam, spoliolum peregrè exportaret. Casimirus dein ad diem XXV. Maij aderat, prope XX. Millia bellatorum, trahens, nec diu cum Mareschallus ac Czarnecius, istos demum Maioris Poloniae Nobilitas consecuta, Aquilâ ad volandum pullos prouocante, agminatim confluxere. Statio Regi in Palatio Viazdouiensi; Castris vterq; Dux cum Quartianis; Nobilitas citeriore ripâ constitere; Lithuani ultra flumen, quibus Czarnecius cum sua Diuisione accessit, per subiectum Pragensi municipio latifundium metati. Mox versis in opus animis, regulatâ obsidione stringebatur Vrbs, pedite in eggerendis fossis aggeribus occupato (Eques subinde statum hostium exploraturus procurrebat) eo impulsu sedulo & festinanter, ne semicæpto obsidio, vt fama erat, superueniret Carolus, cuius Præcursor Douglassius, iam tunc cum non remnendo Suecorum agmine, apud Kempam prope Zakroczyum confederat. Etiam in illa hominum multitudine, quæ Sexaginta Millia superare credita, si mora trahitur inopiam victus consequi necessario metuebat Rex; desolata passim per commeantes Exercitus Prouincia, & pluribus conuenis qui consumerent segetes, quam inferrent solo semina incolis, existentibus. Itaq; ab explosione machinarum, vt solet, oppugnatio caput, postquam verò iugi verberatione quassati muri, Tubicinem Casimirus ad Wittembergum amandauit, cum ea requisitione. Vti restitueret Urbem, quæ sui iuris esset, quod si intra muros latirans,



titans, loci ruina fortis videri cupiat, sciat oportet, non  
 1656. aliter cum adhærentibus incolumem euasurum, nisi de-  
 mum integram Varſauiam, ut recepit auctori suo, qui Rex  
 est, consignauerit. Ad hæc, non dum feruorem militis  
 Poloni expertus respondit Suecus. *Non se colonum Regis*  
*Casimiri, ut Vrbe emigret & abeat illo volente ac iubente: sed*  
*Suecorum Ducem, qui commissam fidei suæ à Rege Carolo Var-*  
*ſauiam, armis in extrema tuendam suscepit.* Dein à Polo-  
 nis producta subitus Urbem opera, ac pro circumuallati-  
 one militari, maceries desolataram suburbij ædium oc-  
 cupatæ, quas continenti fossa iungebant Regij metatores,  
 donec prætenturas hostiles & lignea claustra contingeret.  
 Quoniam inualuerat rumor, Carolum Regem, vltiore  
 fluminis ripâ in succursum obsessis venturire, gemino  
 ponte instratus fuit amnis, grandioribus phasellis molem  
 sustinentibus, in faciliorem cohortibus quâ parte opus tra-  
 iectum. Interim recuperandæ Urbis rationes sollicita mē-  
 te expendebat Casimirus, hinc ad deditionis mentionem  
 Duce hostium crudo & impersuasibili; illinc si violentis  
 medijs experitur, non sine enormi strage, ac dolendâ Chri-  
 stiani sanguinis iacturâ præuidens edomandam. Vnde  
 reperti, qui diſſerijs cunctationem Regis incesſerent, velut  
 noxiâ suis morâ, ferociâ obsessorum aleret: percuperetq;  
 incruenta potius Varſauie recuperatione lætari, quàm  
 ut famam & victoriæ æstimationem, iactura aut strage  
 Suecorû posterius metirentur. Quod tamen Christianissi-  
 mum, aliter quàm zelotæ different, ex effectu apparuit.  
 Quippe, ubi in concilio militari armis frangendam perti-  
 naciam conlusum, seposita lenitate generalem impressionē  
 Rex indixit, per destinatas stationes, Duces militemq; ipse  
 in assultum disponendo. Vbi datum impressioni signum,  
 primò legionarij, dein Castrense famulitium (cui calorum  
 aut lixarum dare nomen, propè iniuriam fuerit) imperu  
 facto obiectas munitiones aggrediuntur, (proposito ob-  
 rem strenuè gerendam præmio) ac summo præsentis di-  
 scri-

scriminis contemptu, externæ munitionis proiecturam,  
 1656. apud Palatium Kazanoui proinus irrumpunt: cæsi pro-  
 pè portam quæ Senatoria dicitur, ab emissis Suecorum,  
 globo præcursores retruſi, ac per spatiosam aream dispo-  
 sitione machinarum noxia, eò inuecti confunderentur.  
 Non tamen destitère, Palatio Kazanoui propugnancibus  
 erepto, nisi Rex protinus receptui signum dari iussisset:  
 expectaturus scilicet tormenta grandiora, quæ à Zamo-  
 scio submissa, in suggestum tardius quàm pateretur dies  
 reponerentur.

Obsessa Vrbe Douglassius apud Zakroczyum, inter  
 Viſtulæ ac Bugi confluentes, excitatis munitionibus loco  
 turus confederat; propediem venturi Regis Caroli ad-  
 ventum præstolando. Is, dum mænia Varſauie è tormē-  
 tis quatuntur, ad exauditum sexto milliari fragorem, qua-  
 titur non minus Dux amore amens, quid si dicam, metu  
 attonitus. Cordolium erat intra discrimina obsidij con-  
 iugem periclitari, (huic se illa cum prælustribus matronis  
 fisa loco dederat) quod si resistit & fortiter locum tuetur  
 Wittembergus, pro fragilitate sexus semiuivam mansu-  
 ram; si Poloni Varſauiam capiunt, potestati & ludibrio  
 victorum relinquendam, & se maiore parte captiuum fo-  
 re. Inter varia commenta liberandæ, quorum ingenio-  
 sus amor est, placuit literis experiri, ut si non gratuito, sal-  
 tem condicto lytro, ad virum vxor remitteretur, caro  
 carni reddenda. Negotium susceperat Radzieioui, su-  
 buthlerum Regni Succamerarium, multa sibi olim fami-  
 liaritate deuinctum, eiusmodi scripto conueniendo. *In-*  
*termiſſa diuturnitate temporis cum veteri amico reſumere of-*  
*ficia, idq; in materia fauorabili, nec cuiquam nocitura; ſci-*  
*licet poſcere, ut expiſcari velis mentem Sereniſſimi Buthleria,*  
*an ex vrbe obſeſſa, libera emiſſio Matronarum, seu (ut no-*  
*menclatura aula ſonat) Damarum Sueticarum conſeſſibilis*  
*ſperari poſſet? interueniente per literas Sereniſſimo Principe*  
*Adolpho, Regis Suecia Fratre, eiſdemq; Exercituū Gen-*  
*ralis.*



1656. *ralissimo. Id excelsae indolis Principi ex commiseratione sexus fragilis provenire, et virorum precibus tribuenti, ut quisque pro dimidio animae suae sollicitaret. Neque suspicionem subesse, instrui ad exportandos thesauros decipulam, aut in perscrutandum coarctatae Urbis statum, commentum adornari: cum vanus ex utroque motus sit; nam praeterquam quod pretiosa efferre vestigantium solertia non dabit, etiam intima quaeque de statu obsessorum, quotidianis nuntiis, aliunde certo certius ad Suecos perferantur. Quod si postulati equitas, tum et requirentis Principis respectus, repulsam patiuntur, prorsus inhumanum factum, praeter copiosam retaliationem, obsessos in consumaciam, Suecos in presentissimam opem et ultionem, accendet et irritabit. Ex Castris apud Nowodwor, et Adea Butlerus renuenti propior respondit, inter alia subiungens. Cum Sueticae Matronae ut scribitur, tuto loco Varsaviae habeantur, quid opus isthic eas in Castra abducere, apertum discriminibus campum, cum perfectorum vallum murorum firmitudine, & consummatis munimentis debilius sit. Caeterum se eiusmodi lenocinium deprecari, ne inter streperia arma alienis amoribus conciliandis, talium rudis, subuenire necessum habeat. Datum Viazdoviae. Expeditur interim pars Exercitus adversus Douglasium, qui famam succurrendi, quam numero validior, a Zakroczyimo in rescindendum obsidium, intendebat magis quam subveniebat. Ast ubi is munitionibus clausus subsistit, Casimirus in persona progressus cunctantis animum experiri, & iam in colloquium, iam in pugnam provocare constituit: ast bidui mora expectatus quin ex caeca prodiret, quia vires infra erant, multum ex pristino ardore remisit, qui se primo incursum Varsaviae liberatorem iactauerat, ac inter confluentes fluminum, loco aliquin inaccessibili, videri maluit timidus, quam infelix. Ita loci beneficio securum, ostentata acie reliquere Poloni, in novissimum impetendae Urbis assultum, ab Rege revocati.*

Conti-

1656. *Continua quassatione tormentorum prostrato muro, dum vasti hiatus (Bressam militares vocant) instituendo assultui sufficiunt, ad propositum praelij signum, rursus miro animorum ardore in oppugnationem itum, die ultima Iunii; sub adultam diem capta impressione. Ac primo Monasterium Bernardinorum inter densissimam globorum procellam nostri subiere, quod trihorij spatio post complurium ab utrinque caedem, sed maxime evidenti Wittembergij, nisi se mature subduxisset discrimine, Suecis creptum; inde in exteriora arcis munimenta penetratum, tum demum ex pertinacissimo sgressu, quid sibi sperandum, quid timendum, obsessis conicientibus. Altera Urbis parte, ad aquilonarem Portam (Nowa) Dominicanorum canobio contiguam, stationem tuebatur Weggerus; oppugnabat Ernestus Grothaus Tribunus noster: etiam Lithuani prope Paulinorum S: Spiritus templum, in valla, in fossas acerrime nitebantur, hinc inde intermissa peditibus Nobili cohortium iuventute, sed maxime Castrensis illa lixarum turba, etiam hic, non numerosa, magis quam periculi insolens, succisis palorum ordinibus, exteriores munitiones inuadebat, repertis qui in summitate valli deiectis propugnatoribus, signa Lithuanica figerent. Plurimum utrinque solum sanguinis, notabilior nostrorum strage, ut qui inectis pectoribus exciperent, ictus, maxime e regione pyramidis Zigmundianae, ubi ruinam muri explanatam concavitatem valli putantes, in ima delabuntur, praecipiti casu afflicti, aut in abruptum fossae labrum, ascensum molientes, telis hostium cum noxa deiecti. Non ideo tamen deferuescebat ardor: quoad rem ferio agi advertens Wittembergus, qui nuper arroganter protulerat (si dedere Varsavianam cogitur, abditis in sinum Urbis clauibus, pulveris pyrij cado insessurum, et postquam is subiecto fomite succenditur, tum demum an dedenda ea deliberaturum) iam nunc in diversa animo inclinans, sollicitudinem & curam salutis, per alia media retinendae,*

Sz

agi-



agitavit. Succumbente namq; quominus Urbem retine-  
 1656. ret seu praesumptione seu fiducia, tumultus à Ciue, famis  
 in milite metuens, incertumq; auxilium cum praesentis-  
 simo discrimine conferens, dum Suecus Rex in longin-  
 quo Douglassius non magis pro Vrbe quam pro vxore  
 audet nihil, iam deiectae machinis operum loricae, mu-  
 nitiones conuulsae aut ereptae, cominusq; vallo iminent  
 Poloni; insuper dolendam & ingloriam celebri fama  
 bellatoribus mortem subeundam considerat, ubi ab igna-  
 ua lixarum & seruitiorum manu intereundum esset: haec  
 nus contumax & in deditionem imperuasibilis esse desi-  
 nebat expertus vim, & modestior castigatus. Ita demum  
 metu spem superante, in praesentiam Regis Poloni clemen-  
 tiam inclinavit: cum ipsa dedendi aut pereundi neces-  
 sitas eo plus adferet anxietatis, quò maius quod amitteret  
 esset, Famam scilicet & opes. Illene palmaris Dux fa-  
 cinoribus belli tota Europa nobilis, tot coronis murali-  
 bus, obsidionalibus, tot victorijs & triumphis &c. clarus  
 iam nunc probrosam in formidinem mutatus vinctas  
 manus daret? Quo nomine apud Polonos celeberrimi lo-  
 ci traditor audiet? aut qua fronte apud Regem Suecum  
 comparebit? qui utcumq; fidem & constantiam intuen-  
 do loco absoluat, certe ingentis gazae, & quaesitarum to-  
 ta Polonia opum, iacturam requireret. Sed vicit necessitas  
 studium gloriae, & huic iuncta Praefectorum militari-  
 um vota, ut non ultra obduratus Fata lacefceret Wittem-  
 bergius; quanquam non statim eadem sentire prodēs  
 seu ostentando veteranus animo, seu ut rursus novas in  
 dedendum compellationes eā morā extorqueret. Veve-  
 rò elegit clementia victoris superstes esse, quam pertinacia  
 interire; emittitur occultiore portula Tubicen, qui  
 amico clangore sisti vim ad sexhorium rogabat, quo tem-  
 poris spatio, in deditionis leges conveniri posset, victori-  
 bus gloriosas, obsessis necessarias. Is, dum commissas  
 preces exponit, non plus Ducibus cum hoste, quam cum

tur-

turba Castrensi negotij erat, quominus ab assultu retrahe-  
 retur: caecorum instar in muros ferebantur, non imperio  
 1656. rerentantium Tribunorum parentes, non signo in receptū  
 dato morigeri; deniq; non ipso creberrimo telorum nim-  
 bo retardati, quominus per fossas aequè eminentia valli,  
 in aduersos niterentur. Egrè tandem vi cohibita, haud  
 prolixum Casimirus deliberationi tempus superesse ad-  
 uertens, geminam Suecis horam in discutiendam dediti-  
 onem concessibilem edixit. Censebant nonnulli vim  
 urgendam, ac desertos ab animo & fortuna hostes, con-  
 tinuata impressione in extrema adigere. Diuersa place-  
 bant Togatis etiam Regi, famam clementiae semper forti-  
 oribus consilijs praehabenti. Hinc breuiter suo more pro-  
 tulit; pro liberanda Varsovia se agere velle, non ut euerte-  
 ret Urbem, aut innocui sanguinis profusionem intenderet?  
 quid enim saluum intus, aut integrum manebit, semel per-  
 missa ferro licentia? casuros Suecos iuxta & Ciues, hostes  
 & innoxios, dicatas Deo personas, profanosq; incolas, se-  
 xum imbellem, & ignaram nouissimae calamitatis infan-  
 tiam, promiscuo excidio inuolvendam. Idem furor lo-  
 ca sacra inuaderet, non templorum opes, non publici the-  
 sauri, non priuatorum substantiae effugient rapaces manus,  
 deniq; non sine iactura propriae seuituros victores, virili-  
 ter de Fato deliberaturis Suecis, nec inuito sine mortem  
 appetituris. Igitur armorum cessatione serio indicta, ad  
 discutiendas deditionis leges, intra praescriptum tempus  
 bihorij (ubi diuturnior vetita mora) Sueci comparuere:  
 dumq; non ultra consultum videtur gladio ignem fodere,  
 in tradendam Urbem inclinarunt; emissis Adamo Weg-  
 gero Governatore, & Georgio Forguel, qui condiciones  
 dedendi in stipulatum deducerent. A nostris Andreas  
 Trzebicki Praemisliensis Episcopus; Ioannes Leszczyński  
 Palatinus Poznanienfis; Stephanus Koryciński Cancellarius  
 delegati, qui demum cruentum recuperandae Urbis  
 negotium, vna hora absoluere, in eum modum definita  
 pacti.



1656. pactione, vel ut nunc vocant, capitulatione, quam ob rei memoriam subiungo.

Ille D. Campi Mareſchallus Wittemberg, Legionum Praefecti Tribuni militares, ac reliqui Officiales &c. simulque praesidium intro existens, ab Urbe discedent, & tuto emittentur, hoc discrimine, ut natione Sueci, Thorunium deducantur; subditi Regis Poloniae haecenus sub signis Sueticis merentes, sint in gratia praedicti Domini sui. Extraneis abire quo velint, aut seruitium mutare licebit. Post subsignationem articulorum, porta Urbis tradentur praesidio Polonice; simul Arce & munimenta omnia. Intra triduum Suecis commorari in Urbe fas esto. Corpora defunctorum euehere, etiam res suas (seu habentiam) secure exportabunt. Quae vero ex spolijs Regni quaesita, praecipue ornamenta Ecclesiarum relinquentur. Vxoribus Suecorum dimittentur cum liberis: vice versa Polonas Matronas penes Suecos retentas, eliberandas spondet Ille D. Campi Mareſchallus. Tabulae publicae restituentur, captiui dimittentur, ac Varſavia ipsa omnis doli libera tradetur: insuper contra Regem Regnumque Poloniae nequaquam intra quadrimestre arma ferre cuiquam ex Suecis licebit. Talibus stipulatum deductis, tradita Urbs, cum prius instrumentum firmassent sigillis ac subscriptionibus; Arfridus Wittemberg de Derben, Campi Mareſchallus, ac Exercituum Regis Sueciae Generalis, Comes in Nayburk, Liber Baro in Iltes, &c.: Supremus Pomeraniae Gubernator. Comes Ludouicus Louenhaupt, Senator Regni Sueciae; Benedictus Comes Oxenstierna (hic morbo beneficium libertatis debuit) Ioannes Wrangel bellici consilij Praeses; Adamus Weggerus Urbis Gubernator, Alexander Erskien Excubiarum Praefectus, Laurentius Canterstein Secretarius status, Busius, Schlangfeldus, Forguelius Tribuni &c. Praesidium dehinc Mille Ducentorum sub signis in Palatium Ossolinianum, die prima Iulij, deductum ex pacto fuit suppeditatis in triduum alimentis. Wittembergus Arce excedens, in Praetorio Urbis hospitatus, Tribuni per diuersas

1656. fas Ciuum aedes distributi mansere; interim Urbis portae acribus custodijs firmatae, etiam mœnia, nec cuiquam sine permisso speciali, intro aut extra digredi licebat. Exacto triduo, praemoniti Sueci, itineri se accingunt: deducitur honorifice ad naues Douglassij vxor & filia; sequuntur Matronarum praecipuae cum pedisequis & famulatu, mundum muliebrem deportante, tribuitur in viam pecuniae quantum satis: reliquum faeminarum agmen, dum res vetitas surripit, aut contumaciter retentat, per appositam Portae custodiam excutiebatur: quoad Scaphae ei oneri destinatae, propò amne Thorunium versus, turbam illam deuexerint.

Ast Praefectis Suecorum excedendi negotium magis arduum fuit, quam vnquam sperari potuisset. In potestate ut manerent intercedebat Nobilitas, etiam Exercitus vtriusque gentis, missis ad Regem delegatis, detinendos enixe postulantes, unanimi utrorumque voto, etsi dispari ratione. Nobilitas praemissa receptae Urbis gratulatione, deprecabatur grauamen, legibus fieri, sine tertij Ordinis assensu nihil statuere permittentibus: nunc absolutè transactum de emittendis Suecis, sine scitu & assensu eorum, qui sanguinis prodigi, hostem in extrema ut Urbem dedecet, adegerint. Iam verò expedire omnino Wittembergum partium caput in potestate retinendum, ut qui paci semper inſeſtus, etiam sublato Guſtauo Adolpho Rege, Prouincias Romani Imperij mirum in modum conturbauerit. Is, Varſauiam loco distortam, situ informem, murum inualidam, architecturae militaris gnarus, breui tempore in regulatissimum exultet munimentum; quid, si in Prussiam elabatur, sanè quomodo lateritia est, siliceam redditurum. Si detinetur faciliorem ad pacis tractus Moschum reddi, ubi eius belli concitor & motuum, in manu Polona haeret. Haec in speciem; att pro maxima erat, quominus retenti Praefecti Suetici, vadimonium essent, pignoribus domibusque Nobilitatis, à licentia militari & grauaminibus circa Vrbes praesidijs inſeſas, securius



curius habendis. Diuersa ab Exercitu missi allegabant.  
 1656. Speciosam Regia Maieitati ex dedititij clementiae famam, sed  
 prius securitati consulendum, ne emissio in caput angue, error  
 committatur peior priore. Quid si alieni inuasorem impunè  
 dimittere nefas, et publicè noxio, ac innocui sanguinis reo par-  
 cere, contra iustitiam fuerit? Experiretur sanè hostium Dux  
 misericordiam Regis victoris, sed finito demum bello, et in soli-  
 dum reinducta pace, nunc retenta stipendia, ex spolijs Pro-  
 uinciarum exolueret militi, quae rapinis et ferocia eius depau-  
 perata, soluendo non essent. Exonerarent in viam Sueci in-  
 facta auro marsupia, incompetenter raptores, diantia, iusti-  
 tis inter emeritum militem distribuenda. Iactasse equidem  
 Wittembergum (referente Forguello) omnem praedam congeriem  
 in profluentem Vistula deiecturum, ne Poloni potirentur: esto  
 sanè? faciat quod dixit, ut nostra subtrahat nobis: etiam ex  
 iure talionis eripere quod eius est, per iustitiam licet, nempe  
 libertatem. Sed omnia ille dederit, ut emissus iterum rapiatis  
 eo violentior praeda, quia irritatus. Si verò luri in bello ra-  
 tiones valent, existimandum est, merè armis et violento ag-  
 gressu subactam Varsaniam, inde defectores ex iure belli capti-  
 uos, censeri oportere: qui si ad requisitionem Regiam tertio  
 insinuatam Urbem tradidissent, tum demum integrè omnia  
 seruari dedititij conueniebat. Insuper, si in potestate habitus  
 Wittembergus fidem violatam queritur, refricet memoria,  
 quomodo in simili deditione Cracovia, et post in statuis Sen-  
 riensibus Wolphis eam seruauerit: et huic Castellano Kijoui-  
 ensi, nisi dolum subodoratus elusisset. Talibus Nobilitatis ac  
 Exercitus postulatis, haud exile addebat momentum tur-  
 bae Castrensis importunitas, cum fortè equitanti Regi fre-  
 quentissimi occurrentes, operæ & sanguinis fusi pretium,  
 quod incitando feruori daturum se Rex promiserat, mo-  
 lestissimè reposcerent. Precum summa erat, exhiberetur  
 pecunia ob rem benè gestam promissa; aut Duces hostium pi-  
 gnoris loco traderentur; qui si Lytrum exolueret detractant, in  
 pristinum statum et locum reponantur Varsaniam, iterum à

se op-

se oppugnandi. Quod si iusta requirentibus negantur, sexagin-  
 1656. ta Millia virorum in promptu expectare, qui euolutos nassa-  
 suos, refarcienda tot commilitonum iactura, intercipient  
 abeuntes. Nec in terrorem compositas minas apparebat,  
 passim famulatio in globos cœunte, qui in emissos, Varla-  
 nia seu terra seu flumine, Suecos durius aliquid decerneret.  
 Itaque in crastinum Rex deliberauit, anxius planè, quæ pro-  
 misisset rescindi: rursus infallibilem tumultum metuens,  
 & alienandorum Exercitus animorum consequentiam.  
 Etiam Sueci ubi denuntiata necessitas erat, ambiguam  
 libertatem & euidentissimum discrimen perpendentes, sæ-  
 uienti procella subduci haud agrè tulere, aduertente sub  
 tempus impressionis Wittembergi, quam infrænabilis cō-  
 tra Ducum imperia multitudo esset, multo magis vniuer-  
 so Exercitu detentionem sui poscente. Itaque securitatis  
 obtentu, necessitas manendi Suecis denuntiata, demum  
 remissi Zamolcium, deducente Nicolao Ostrorog Droho-  
 uisensi Præfecto, ubi pro liberalis hospitij modo, accepti  
 tractatiq; fuere.

Recepta Vrbe, Rex in templo D. Ioannis, decantato  
 Hymno Ambrosiano, supremo Numini grates egit, crebro  
 tormentorum boatu lætam sibi recuperationem loci testa-  
 tus. Præda interim quæ hic sanè ingens à Suecis compi-  
 lata, recensebatur; credita excedere gemini Millionis pre-  
 tium, nisi ut malè parata solent, immensa illa mobilium cō-  
 geries, inter manus recensentium, planè disparuerit. Pri-  
 ma cura iniuncta Commissarijs à Rege designatis, Eccle-  
 siarum opes ac paramenta secernere, in primæuum diuini  
 cultus usum restituenda; quibus ab Exercitu legionatim  
 adiuncti, qui simul pecuniæ paratæ rationes ineundo, me-  
 tallorum valorem per æquipondia censendo, cimmelio-  
 rum aut automatum pretia æstimatione subducendo, im-  
 mensæ gazæ summam constituerent; quominus manubiæ  
 ex calculo subiectæ, iusta partitione in benè meritos distri-  
 buerentur. Quod dum segnius procedit, & miles certū  
 T dona-



1656. donatium exinde præstolatur, interim ab occulta aliqua arithmetices vi, farrago illa velut nix à sole inter manus recensentiū contabuit; postea ob interuersam Gazam querelas militarium superuentus Sueci Regis abruptit. Unde fortè euenit, ut famulitium Castrense ad vsq; tumultum peruicax, & promissam impensæ in oppugnatione operæ mercedem, ab Rege reposcens; ubi eludi aut differri postulata sua aduertit, in institores Castra sequi solitos, Armenos præcipuè vi facta, res venales mercesq; ingenti miserorum damno diripuerit, ex recepta Vrbe læticiam, & deploratas negotiatorum fortunas conturbando: eâ rapientium proteruiâ, ut Campestem Ducem Landzkronium, sedando tumultui accurrentem, lapidum iactu impeterent, ac penè furibundi violarent. Nec diu cum aliquot Prouinciarum Nobilitas, pro abitu apud Regem instituti nonnullis iusto prætextu, aliquibus perperam domuitio nem tunc requirentibus, complures in perdurandum necessaria deferente constantia. Etsi in dies victus penuria præsertim in tanta hominum multitudine inualesceret, & Castrensibus morbis plurimi strati viscerentur, cui malo in remedium, superfluo onere castra releuare Rex decreuit, ijs maximè Prouincijs in abitum dispensatis, quæ per fortalicia crebrioribus Suecorum præsidijs stringerentur.

Apprimè ad rem Romanus sapiens. *Plaga quæ languidos animo deiecit, stimulu fortibus addit, ac plerumq; desperatio, spei causa est; repersussa ab ictu pila potentius resilit, & validiores ictus habentur irritæ necessitatis.* Etiam Rex Suecus quantum sibi esset, animi contra Protectionem ex-cutientis Poloniae consensum, intractus monstrauit. Nihil quippe moratus enixè pacem suadentium Cæsaris Ferdinandi, ac Galliae Regis Oratorum rationes, ad curas prosequendi belli versus, quidquid ex Suecia aut Pomerania militum conquiri potuit, ad se euocauit; in vicinam Germaniam, quâ Balchico mari adhæret, etiam Scotiam eicendis subsidijs trāsmisâ pecuniâ. Oliuerius quin etiam Cro-

muell

muell Angliæ Protector, non modo certi succursus spem fecerat, sed insuper ne Fæderati Belgij Ordines, immisce-  
rent se rebus nostris, eiusdem instinctu factum fuisse con-  
stitit. Solicitatus, quin etiam per legatū Bilkium in fæ-  
dera Moschus, si modò inter elatos, ac aliena cupientes, sincera amicitia coalescere posset. Sed non aliunde præ-  
sentius auxilium, quàm ab Electore Brandenburgico, ut cui opes in promptu ac vires, quantum bello opus, sufficerent: deniq; nihil quærendæ opi, intermissum; iam cælos fle-  
tendo, vel deniq; mouendo & acheronta: siquidem patuit (quod vix credibile, nisi euidentia documenta fidem fac-  
rent) eo iræ ac vindictæ impotentia magnanimum Regē prolapsū, ut subditorum Polonorum in dominos, seruo-  
rum in Heros, latronum in innoxios, cædes & homicidia publicatis edictis prouocaret, proposito seruilibus siccis præmio, & patratorum impunitate. Atrox consilium eo respiciebat, ut quæ afflictæ Regni fortuna, per vniuersalem gentis concordiam assurgere visâ, confusis per interna dissidia animis, exitiabili commento distraheretur. Quod tamen improbis suadentium suggestionibus, quàm generoso bellatori, adscribere par fuit. Huius edicti nequaquam regij exemplar, Adolphus Tuldenus Germanus scriptor typis euulgauit, subscriptione manus Regiæ firmatum, ac datum ex Arce Mariæburgensi, die 8ua. Maij An. 1656. sub sigillo Regni Sueciæ. Contraria istis Cas-  
mirus per Regnum publicari voluit; qui partes hostium secuti, singulis clementiam, omnibus amnestiam seu obli-  
uionem præteritorum offerendo; nimirum, quantum Carolus per extrema ferociæ à tramite æqui deuius, tantum ille per media clemetiæ, & paterni in subditos affectus operaretur: ut iam palam esset quid inter benignum ac legitimum Principem, ac eum interesset, qui perfunctorius & titulotenus Protector, in tantum saluam Poloniam vellet, si modò occupatam, pari arte & quæsitis ex Machiauelis cerebro rationibus, possessor retineret violentus.

Tz

Explo-



<sup>1656.</sup> Explorato in procinctu Succum adesse, & quidem iam apud Płonsko Electori Brandenburgico iunctum, nihil magis quam in occursum tendere. & decretoriam belli aleam iacere velle; consultauere protinus nostri, obuiamne ire? & obiecto Equitatu per oram com meatu destitutam distingere ruentem? an verò, quod potius visum, intra Castra operiri; ne in victum & pabulum congesta temerè relinquerentur; etiam si campo depelli contingeret, exhiberi firmum intra valla & munitiones Castrorum receptum apparebat. Sub hæc, dum superueniunt vltiore Vistulæ ripâ hostes, etiam Casimirus nihil moratus cum Exercitu trans flumen descendit, rebus ordinandis ac disponendæ aciei intentus ipse, & quanquam febri langueret, ubiq; pernici equo ad extensos ordines accurrens: ut cuiq; Tribunorum vultu, verbis, impetu, in viriliter agendum hortator egregius. Par Caroli ardor, ut qui conflictum destinans, instructa acie ingruerat: serie & ordine eiusmodi. Situs loci ad Pragam in protensam planiciem vergit, Vistulâ dextro latere prælabente; ab læua hinc inde cænositate tractus, ex interuenientibus riuis, etiam arenarum cumulis assurgentibus. adhærebat planicie rariore quidem pinu sylua, sed quæ humilibus arbutis impedita, tegendis insidijs planè commoda esset. In fronte substitit Rex ipse nescio fortuna an animo suo spectabilior, præebant præsentem non solum rutilantia arma, & ab humero coccineus fluentis tæniæ color, sed vigor ille indolis vultusq;, quæ in breui confinio summæ vel extremæ sortis, diuersi affectus incendebant. Adhærebant lateri Philippus Sulbachus, ac Carolus Badensis Marchiones; Weymariensis & Anhaltinus Duces; Henricus Horn, Bannier, Millerusq; Tribuni Suecorum &c. sinistro cornu cum imperio præerat Adolphus Princeps, Exercitus Generalissimus; Robertus Douglas Equitum Magister, Marschallum campi appellant; Boguslaus Dux Radiuillus, Rolambus, Engel, Tauffe, Izrael, Bullouius &c. A dextris per adflita flumini

Etc.

<sup>1656.</sup> Elector processit, latâ nominis famâ, & grauior nobis ex amico hostis, qualiter generosius vinum, acrius acetum producere solet. Comes Waldeccus in Electorales summam imperij obtinebat, Ottone Sparrio, machinis Præfecto, Cannebergo, Erlero, Heylio, &c. Tribunis, præter subsidio missos à Carolo, Gustauum Wrangel, Tottum, Borycherum, ac permultos alios ordinum Ductores. Casimiri Exercitum in prima acie conspiciendi Duces regabant, Stanislaus Potocki Generalis, ac Landzkoroński Câpi Dux, cum imperio Regis ubiq; præsentis: medio aciei locatus cum Quartianis Czarnecius, Regni Vexillifer, Sobieski, coronatum nunc Caput, Demetrius Dux Wisniowiecki, Ioânes Sapieha, Martinus Zamoyiski Dapifer tunc Leopoliensis, alijq; multiplici linea alarum Ductores. Sinistrum cornu Campestris Lithuanorum Dux Gasseuius moderabatur, cum Hilario Połubinski, ac Michaële Pac: altero Duce Paulo Sapieha, dum ardentius in campum profilit, lapsu equi crus pedis enormiter luxante: dolenda bellatoris eximij iacturâ, ac sinistri euentus prælagio planè considerabili. Sensim ut acies Suecorum in hæmicycli formam extensa procedebat, simul Casimirus oculis flagrans, & verbis, (*in nomine Domini*, vox ab ore assutum imperantis excepta) signa inferre præcepit: ubi post breuem velitationem, confestim incitant vtriq; equos, ac illato gradu aduersos premunt acerrimè; nostri cursu effuso, pedetentim illi, & cum maioribus alis inueherentur Poloni, concisis solummodo ac particularibus cuneis, vim Sueci repellabant. Cognitum ex captis ea pugna, sub prælij exordium, Synklerum Tribunum Sueticum, è tormento primo globo percussum cecidisse; illum scilicet machinatorem, qui nuper subiectis pulueris pyrij cadis, arcem Sandomiriensem euertens, complures nostratum pro sepultura conuulsæ molis inuoluit ruderibus; ut ipse quoq; igne noxius ab igne perimeretur, neq; enim lex iustior vlla est, quam necis artifices arte perire sua.

Tz

Landz-



1656.

Landzkoronius læuo cornu conturbando, pediti qui ripæ admotus stabat, in Electorales illatus, primos aciei ordines in prælium traxerat, ubi non pauci sceloporum iactu prostrati aut saucij ex nostris, quoad cominus obiectu pectorum inuicem cohærentes, noxios à manuali ferro intentarent ictus, ac depulsi propellentese, & diu neutri victores, ambiguo euentu colliderentur. Succedebant Hastati (Hussari) laxatis habenis sarissas contorquentes, qui dum præter ineuitabilem spiculi ictum, equorum impetu integros ordines Suecorum disturbant, tum demum frons hostilis agminis commoueri, fluctuare signa, ac multorum miserabili casu turbari acies, dein tumultuario recursu ad syluam se recipere cepit; quæ haud densis arboribus confita, integros recedentium ordines introadmitteret. Sic retrusos rursus Loricati vrgebant, breuioribus pilis, sed maximè ancipiti ferro sub ipsis signis concidendo, vnde tam validè inconcussa consternatio Succis, ut ferox ille & pugnandi audius Rex, suspectâ prælij fortunâ aciem subducens, breues dirimendo conflictui inducias (Quartier) per Tubicinem flagitauerit. Id verumne, an pro usu præsentis vulgatum, haud affirmos in extremis tamen secus inclinantis alæ, ut ferro parceretur postulasse, multorum relatione firmabatur; vel ex ipsius necessitatis ingenio verisimile, quominus præsentissimum discrimen si non eludi, saltem morâ differri posset. Nox quippe ingruerat, rebus desperatis sæpius non incommoda, Carolo tunc opportuna, quâ in sequentem lucem reparatis tenebrarum beneficio animis, etiam ordinem aciei corrigeret, ac ita fauentiora astra experiretur. Quod & factum, veriti namq; Sueci ne Scythæ (quorum sex Millia aderat) extrema aciei circumuecti à tergo pugnantes adorirentur, occupato in proximò arenario colle, mox de nocte subitarias excitauerant munitiones aliquot, firmitus retinere campum peditum præsidio certi, & commodius insubellites ex machinis iaculaturi. Interim audire erat, quantum per fre-

1656.

per fremitum acierum licuit psalmodiam Davidicam concinentes, sub diluculum Sabbathi: cum ferè apud quoscunq; mortales, ibi præcipuus colendi Numinis affectus exuberet, ubi salus nouissimè periclitatur. Insecuta die iterum Poloni Duces prælium adornabant, dicto ocyus, dum signa proferuntur Rege deuolante. Quippe is suo more à pietate orsurus certamen, ad Pragense Bernardinum canobium descenderat, ubi sub tremendum missæ sacrificium, salutari Christi corpore pastus, mox ad opus belli reuertebatur, suis ad rem strenuè gerendam hortator, & nisi collaterales inhiherent, periculi socius. Non vquam illustriori virtutis argumento certatum, non peruicacius locum retinuere partes, stataria pugna à manè in post meridiem perdurante; iamq; iterum sinistro Suecorum cornu in paludes reiecto, haud ambigè victoriâ ad Polonos inclinare videbatur, cum Douglassius cum Horatio Equestres alas sensim contrahendo, ac ad pedestrem aciem ubi Electoralium potissimum robur, semet accincentes, munimentum ponti qui in Vrbem duceret præstructum, summa vi inuasere, Succis interim cum Rege, machinarum ictibus Equestrem procellam distinentibus. Pontem binæ legiones peditum tuebantur, his subuenturus Generalis Potocius occurrit Douglassio, & repellitur; Prouolant in subsidium Quartianæ alæ, à latere impetendo hosti destinatæ, sed reijciuntur; deniq; submotis legionibus munitio custos pontis occupatur, cæduntur stationarij, machinæ rapiuntur: inter quas fuit duplici boatu, & rarò cassis ictibus famolus Draco. Intellexit protinus lancem fortunæ inclinari Succus, ac nouissimas in consummandum opus vires exerens, pedetentim campo potiebatur, sinistrum latus suorum respectans & erigens, quod etiam tunc à circummemissis Lithuanis, & Scythis permere-  
tur. Ergo consumandæ victoriæ properus huc Equitum nucleum rapit, & contorto in obuium Signiferum, scelopo, cuiusvis contemptor discriminis in medias cohortes



1656. res Polonas se se iniicit. Sequuntur Regem Sueci, dubi-  
um pro victoria acrius, an pro salute periclitantis Princi-  
pis pugnaturi, nec tam in Polonos odio pernicaces, quam  
pro sua ipsorum si Rex non euadit incolumitate, in subli-  
dium prægresso ruebant. Quorum diu sustentato impe-  
tu Lithuani, demum dextro cornu euentum prælii nutare  
conspicientes, & ipsi gradum obuersis signis ad reliquum  
Exercitus corpus retulere. Insigne hic strenuitatis speci-  
men in oculis Exercituum exhibuit, Iacobus Kowalowski  
ex Regia Hastatorum cohorte miles, quam Hilarius Po-  
lubinski Campestris Lith: Notarius ducebat. Sub æstû  
prælii designauerat inter primos ordines Carolû pugnati-  
tem, cumq; ex fulgore armorum & signo præferri solico  
conspicuum, oculis sequebatur. Ergo dum cohors in  
aduersam aciem hastas vertit, suam iste subditis equo  
calcaribus in pectus Regium contorquet, acuminata-  
teli cuspide, nullum non ferri obiecti munimen ruptura.  
Prope erat ut metam contingeret, nisi in ipso memora-  
bilis ausus limine, sola morte quam contempserat siste-  
retur. Quippe nobilem audaciam stupentibus Suecis,  
aliquis collateralium (multi factum Boguslao Radiuillo  
imputauere) fortè tunc adequitans Regi, impactoin ca-  
put irruentis sclopo, generosum militem in procinctu quod  
destinauerat facinoris, haud fallente ictu prostrauit. ia-  
culandi dexter, ne tunc quidem à meta aberrauerat; cor-  
ruentem (ut vno tenore subiungam) alleuari Rex iussit,  
dumq; vulnus cerebro profluente in mortem sufficit, sci-  
scitatus quis & cuius dignationis esset? achallucinantibus  
qui astabant, tandem infit. *Quisquis ille fuerit, etsi de  
nomine non constat, certè fortissimi militis virtus, vel me-  
ste gloriam sæculi meretur.* Mox contractis in speciem  
mirabundi humeris. *Quod si (inquit) mihi virorem eius  
modi vel X. Milli. forent, quàm non solum Turcam, sed uni-  
uersum Orbem facile sperarem subigendum.* Ac quominus  
etiam in hoste fautorem strenuitatis ostenderet, corpus  
impo-

imponi vrnæ, vrnam serico villosa inuolui, ac in cznobi-  
um Bernardinorum Pragenle deportari, accitis quotquot  
haberi potuere Sacerdotibus, inibiq; Catholico ritu tu-  
mulari mandauit. Haud iniquus virtutis, quàm suo malo  
propè expertus, æstimator Rex.

Et Kowalouius quidem. Non poterat Eato nobiliore  
mori. Neq; Historia Suecana insignem ausum reticet, im-  
petiti hasta Caroli Regis discrimen referendo ijs verbis.  
*Cum Rex ab Hussaro conto peteretur, cuius ictum gladio elu-  
isse, mox implicitum Regij equi franis, sclopo traiectum, equo  
aciesse perhibetur.* Adeste ex Arctoo Orbe Aristobuli,  
Magnus vester Elephantem mactat! sanè autor, si fulgu-  
ritum se aliquando, & obiectu pilei ictum fulminis auer-  
tisse, magis verò simile scripserit; quàm hastati militis cõ-  
tum, concitato equi cursu impulsus, ense retundi potuisse:  
nisi fortè, quod Olaus Magnus prodit, foueri à Suecis pha-  
ædros, hinc auertendo fulmini credibile amuletum, in-  
ter hos, & turbatores illos æris Spiritus facili Sympathiâ.  
Sed Loccenius eius Historiæ autor, intra Vpsalensem Peri-  
pathum totâ vitâ degens, sic de bellis ut Antiochi Phormio  
ille, quæ non vidit differit; cum tamen Sallustius ut bellû  
Iugurthinum aptius describeret, in Africam nauigasset.  
Et parcat velim, æs velut Dodonæum tinnit magis quàm  
narrat, mera inferens paradoxa, aliquando & somnia Sci-  
pionis: dum pugnas non pugnatas confingit, sequiore  
Marte suorum initas reticet, loca nominat quæ non noui-  
mus, arces, montes, flumina appellat, quæ non extant, quod  
magis veritati dissonum, Exercitus Suecorû raptat, vel cen-  
tum vna die Milliaribus, tum demum infestissimo calamo  
prosternit & iugulat Polonos sine numero; quibus si ad  
præscriptum sæuientis autoris Suecorum ferrum nocuisset,  
rariores hodie in Polonia viri, quàm in conclauis Domiti-  
ani muscæ reperirentur. Sed hæc intra Parenthesim.

Nox rursus diremit partes, nouissimam decretorij cer-  
taminis aleam, in tertiam diem suspendente fortuna, ac ve-



1656. — lut ideo differente, ut diuturniore pugna consummata victoria maturelceret. Ast iam (quod ingenuè fatendum) pridianus vigor remittebat in nostris, languescebatq; sensim fessus bidui praelio miles, ubi iugis periculi tædet, & suæ conscius celeritatis Eques, omnimodam prævidet ex recessu securitatem. Contra Sueci in continuandum certamen obduruerant, certo si retrouertunt pedem exitio, & nouissimam salutis in armis fiduciam reponentes. Itaq; ubi fluctuare aciem nostram animaduersum, sensim campo quo heri reiecti, ac in speciem mobilis valli seruatis ordinibus procedente acie, insitère; nisi quod in eiacularum machinis locum & spatium dando, modico recessu agmina, per interualla diuiderentur. Sic, dum Okunium Poloni abeunt, incruenta obrigit Suecis victoria, famâ quàm fructu maiore: quæ eosdem nec cæde nec præda adeo extulit, maturè subductis Castrorum impedimentis, nec ultra Mille ex Equitatu nostro in acie desideratis; notabiliore peditis iactura, cuius tres cum signis simul legiones in potestatem hostium venêre, aliquo item apud pontem pugnantium, aut transflumen eluctari contendentium discrimine, ubi ruentis turbæ onus ægrè sustinet moles, vel ob angustum tabulati spatium, se ipsos conferti in aquas protrudunt. Hic, Generalis Potocius, quo fugam inhiberet accurrens, dum cohortes proximas hosti obijcit, grande vitæ periculum subiit, in ipso pontis aditu repulsus, & inter cæcam traijciendi festinationem, magis à premente turbâ, quàm ab hoste periclitatus. Enituit hinc ut ubiq; semper laudabilis Sandomiriensis Nobilitatis strenuitas, quæ aliquot Palatinatibus post captam Varsauiam domos digressis, sola cum Lublinatibus, & Belzenfibus remanens, eo praelio non obscuram Patriæ nauarat operam, Martino Dembicki Vexillifero, simul & Palatinatus Ductore; qui apud pontem Generali acerrimè pugnantibus succurrens; & ipse casum ægrè euasit, desideratis è commilitio Ioanne Rogowski Signifero, ac Petro Piaſecki Pocilatore

1656. — latore Nouogrodense, cum septemdecim commilitonibus. Quin etiam cæcidit ex præcipuis Palatinides Rauensis Olbractus Ładźic Lipsky; tum Ioannes Odrowaz Pięniak Woynicensis Castellani Wielopolskij Optio, medio in æstu pugnae machinali globo calcem pedis atterente, enormiter saucius: qui tamen vitæ discrimen quod sanè ingens fuerat, medentis peritia euasit. Specioso ad posteritatem vulnere nec officiente, quin ex commendatione virtutis & meritorum ad curulum Senatoriam Palatinatus Siradiensis perueniret. Suecorum ultra tria Millia cæsa, iam partium asseclæ Poloni narrabant, ne ipsi quidem hostes inficiabantur; Tribuni Horn Equestri funditus excisa legione, & arenario colle illo, quâ statio pediti cum Bulouio, tum pinea sylua quaqua versùs tumulis sepulcorum exaggerata. Soluta demum in regressum acie, modicum insitère abeuntibus Sueci, in insequendum haud peruiaces; cum Quartianæ cohortes, subinde, velut in receptum obuenterentur; & Scytharum globi ultra teli iactum circumcursantes, iterandi praelij, aut certè insidiarum, gnaris artium belli, merum inijcerent. Sub noctem præteritam Casimirus ad Ludouicam in Urbem miserat, quominus anteuertendo casum quantocius abscederet, suspecta belli alea securiorem fore abitum præmonens, improvida mansione. Cui nuntio præsumptæ victoria, dimoueri indignata respondisse fertur Regina. Si inquit Rex cum tanto exercitu, Varsauiam domicilium Regum deserit, ego locum cum imbelli Gynacei catu, vel prehenso pessulo retinebo. Ægrè demum, Stephano Wydzga Cancellario, necessitatem abitus prolixè demonstrante, ut in viam se daret vix suaderi potuit, directo Czeſtochouiam itinere: cum Casimirus Okunioviæ intertiam ab abitu diem subsistens, inde demum Lublinum versus pergeret, Dueibus sparsas cohortes recolligentibus. Neq; Suecis diu in loco hædere & victoria frui vacauit, non amplius triduo Varsauia commoratis; & in Prussiam quantocius regredi destinate



1656. stinante Carolo, ubi eum noua belli moles retraheret, a Moschorum Exercitu Rigā obfessa, & tota Liuania cum adiacentibus, insperata hostilitate concussa.

Ludicrum est quod subiungo, quia tamen factum in conspectu Regis contigit, pro plebeio censerī non debet ac insignes actus, nullo personarum delectu memoriam & laudes posteritatis merentur, ideo haud inuitus subiunxi. Varfauia Cracouia tendens Carolus, Radomia non ignobili oppido pernoctaturus in domo Adami Gaska viri probi & Consularis substiterat: ubi iam a cæna deambulatione, iam repidiore aura sub vesperam præsumtum ardore solis corpus refocillaturus, extra ædes prodierat, amicis, Proceribusq; militiæ septus: nec deerat recentibus a bello colloquendi materia, Poloniam velut cum Triumpho peragraturis. Fortè accidit ut mulieribus duabus grandiorē aquæ hydriam supportantibus, aliquis Succorum militari licentia transcurrentem alteram minus honestè contrectasset. Quæ magis pudori suo quàm alienæ libidini amica, nihil cateruas militum, ne ipsius quidem Regis præsentiam morata, in tentatorem pudicitiae suæ protinus irruens, rotato validè vna manu vecte, repetitis plagis egregie mulctat, ut toto foro refugus, turbæ Regē circumstanti se se immiscere debuerit. Tum Rex conspecto disparis sexus certamine. *Quid inquit Amazon ista iterum in Suecos pugnat?* Demum ubi cognoscit læsum pudorem vltum ire, quassato capite. *Ne hoc quidem sub me, & post victoriam licet.* Itaq; seriò admonitis Præfectis, quominus modestè miles & sub disciplina haberetur, ac cerfiri mulierem iussit, quàm robustam & lacertosam aduertens, intermissio risu ad familiares infit. *Si viros ista parit, certè Suecis hostes formidolosos.* Simul aliquot vicialibus nummis donatam dimisit. Speciosiore quidem Lucretiæ exemplo, quod violato corpore in se ipsam ferro scruierit: magis ingenuo Radomienfis animo, quæ temerorem pudicitiae ante factum, fuisse admodum masculè vltæ est.

Non

1656. Non fauentius in Minore Polonia rebus nostris aspirauit fortuna. Gubernator Cracouiae Wirtius exquisita pro retinendo loco agebat sedulitate & vigilantia: nec solum Vrbi quàm muris includitur attendens, etiam circumiectam oram emissis suorum turmis in officio continere annisus. Insidebant Suecorum præsidia circa Cracouiam arces, Landzkoronam, Teczynum, Wisnicz, Pilca, Ociec, Pieskowa Skala &c: quibus velut exterioribus munitio- nibus, circumdedit Metropolim, pars securitatis censebatur: fræno in manu Gubernatoris existente, ne Nobilitas vicina calcitraret. Hinc angebat Prouinciales ijs arcibus ac si compedibus stringi, dein pressio diu odio prouocabat in vindicias, interceptæ libertatis dolor. Et Dembinium quidem Neocorezynensem Præfectum, Wirtius, in omnia momenta & commenta intentus, dissipauerat ad Mogilam, quod supra attingi, eo si dici meretur stratagemate. Impulerat Parthenum aliquem, delectus militares apud nos dudum cogere solitum, ut transfugio simulato, quid demum Prouinciali Nobilitati consilij & animi esset intimè scrutatus, Gubernatori referret. Annuit homo nequam, & in scelus facilis, imposueratq; aptè fallendo, ut crederet Dembinus, sincerè partes hostium abdicasse proditorē: cum subinde Decurio Urbicus Karkutowicz, statum Urbis secretis literis exponens, inter alia præscriberet. Mandato Casimiri Regis Hieronymum Wirzbowski Palat: Brestensem, apud lateritiam Zakrzow officinam, cum euocato ad colloquiū Wirtio, de tradenda Vrbe egisse, sed abnuere Præfectum: apprimè proin opportunum videri, si ab extra vis admoveatur, quippe deforis insonantibus armis, neq; Ciues sibi defuturos, ac geminatis spe metuq; deditionem promptius maturatum iri. Alacris talia accepit Dembinus, & iuuenta doli incuriosus, conuocata Nobilitate, iam proditoris assentantis, ut falleret, narrata retulit, iam Karkutowicij literas patefecit, demum quominus incitaret animos, inter hilaria mensæ ad strenuos

V3

pro



<sup>1656.</sup> pro Patria ausus in crastinum inuitabat, promptus in ardua, si plus circumspeditionis in ea hostium vicinia adhibuisset. Quippe florentibus vino animis, raras aduertens excubias proditor, intempesta nocte vnum e suis mittit Wirtio relaturum: Belli furto opus esse, dum immodica hilaritate solutos Nobiles altior crapula consopijisset. Oppressurum nullo negotio semisomnes, & in partibus nocte illatos metus geminaturam. Nihilo segnius vitur indicio Gubernator, eductisq; cum expedito pedite Equitibus ac aliquot machinis, sub mediam noctem superuenit incautis. Tum verò quidquid ad augendum terrorem valeret, Tubas & tympana strepere, è sclopetis detonare, castraq; inopino assultu inuadere aggreditur; cum inconditus clamor, & horrenda nocturnæ impressionis imago, in somno marcentes suffecisset. Inualecente tumultu, aliqui arma corripiebant, peditatus Mussinensis præcipuè (hic iussu Gembicij Episcopi Cracouiensis ad tercentum aderat) primo assultui sustinendo: ast dum alij sopore confusi, alij semiermes se ipsos inconditè premunt, maximè quod destituti equis, sub noctem ad paschua dimissis, neq; pedes pugnare assueti, nullo negotio dissipati sunt, facili per tenebras ex semisomni agmine victoriâ. Currus pleriq; cum suppellectili intercepti, etiam ipsius Dembinij cum graphiario argenteo, intra quod seruauerat epistolam Karakutouicij, de statu Urbis perscribentis: hinc indicem, quod is arcana obfessorum enuntiaret, captum, ad torturasq; consocijs prodendis damnatum, admodum afflixere Sueci: simulq; Wirtius patescere arcana indignatus, grandè mulctâ Urbis indixit, iterato Ciues iuramento in obsequium adigit, ultro citroq; à domo vagari inhibuit, arma abstulit, suspectos obsidium loco ad se euocauit, deniq; rigidus commissi muneris inspector, pensionem in milites (Serwisz) duplo maiorem quàm ante exegit; ac quo in terrorem, autum Urbis præsidium monstraret, clam de nocte Equites emittens, eisdem de die tanquam recens submissos, per

pla-

<sup>1656.</sup> plateas Urbis circumduxit: quod ne figmentum ostentatione solùm cōstaret, alimoniâ in aduenticios multiplicauit, intenditq; contributiones solitas, tanquam augescēte præsidij numero, necessariam auctiōem annonæ requirens. Ac ad vsq; loca Deo sacrata, profani hominis extulit se animaduersio. Definitus templis Sacerdotum numerus, imperata pecuniarum collatio, veritæ pulsari campanæ, impositumq; pretium, nisi redimuntur, in machinas reflandæ.

Quin etiam Vniuersitatē seu Academiā Cracouiensem communis calamitas perculit, nihil morantibus prærogatiuam literarum, & fidem Regis sui Suecis, quâ is omnem indemnitate Nobilissimo Regni Gymnasio, cauens, etiam ab onere qualiumcunq; contributionum eximi voluerat. Præualuit demum pacto cupiditas, imperatumq; fuit lytrum Academicis, eius oneris per priuilegium immunibus: tum vt in nomen Caroli fidem iuramento astringerent, sub Reçtoratu Adami Roszczewic Canonici Cracouiensis, imperioso Wirtij mandato adigebantur. Insolitum id, imò planè barbari moris, eiusmodi nexu obstringere ingenuos homines, præcipuè literatos: solenne apud Suecos quoscunq; ad dicendum Sacramentum vocare, vt ne postremum ex gregarijs reperiās, qui non Numine teste in militiam Sueticam iuratus nomen dederit. Importunam Gubernatoris requisitionem, aliquantò rationibus, etiam precibus dilatam, dum Resp: ista literatorum subterfugere nequit, consultis Reçtor facultatum Professoribus, vbi vnanimi omnes assensu, Peripathum suam ac scientiarum domicilium relinquendū decreuere satius, quàm vt fidem Ecclesiæ & Regno debitam, noui iuramenti nexu prostituerent, conuellerentq;. Itaq; Collegijs ac Contubernijs, in tutelam Magistratus Urbis resignatis, exiungere cateruatim Vrbe Academiæ alumni, à condito dum Gymnasio altera vice pulsus in exilium Musis: prius, imò sub Augusto obcæsos scholares disgratiaræ, iam nunc à Suecis indigna iuris-iurandi extorsione, veteri sede

motæ



1636. motæ & expulsæ. Excellentissimum me herculè, & Ethicis per quàm correspondens aphorismis factum; cum bonis literis pietatem in Deum, simul inconcussam tuendæ Patriæ constantiam, nobili exemplo iuventutem Polonam doceri.

Michaëli dein Zebrzydowski Regni Ensisfero, detulerat Rex Casimirus munus attendendi Craconiz, in id vel maximè, ne prorumpentes Suecorum globi circumsitam ditionem popularentur. Fortè Eduardum Rokiebki natione Anglum Zebrzydowij familiarem, Sueci interceptant, à quo ut edoctus Wirtius, Ensisferum sibi antagonistâ opponi, mox anteuertere recentis æmuli conatus decreuit, ac perfecit. Ad diem X. Augusti Zebrzydowius cum plebâq; Nobilitate ad Tynecium Castris consistens, quod ex morbo decumberet ipse, Carolo Duci Czartoryski Genero, donec conualefcit regimen militare commiserat: cum inter tempesta nocte, ut prius apud Mogilam accidit, hostem adesse stationarius miles nuntiat, quem superuenientem excubiarum cohors excipit, quoad rarefcentibus tenebris, in subiectum Kobierzyno campum euoluti Zebrzydowiani, strenuo procursu Suecos arcerent: præclarâ cum primis operâ Iacobi Wilkonski Optionis fortiter impetum sustinentis. Sic delibata breui præludio pugna, velut non ultra ausuri Sueci, recedebant: ast recessus ad stratagemam referri debuit, nempe ut æstu prælij, longius à Castris abductos Polonos, ad proximam syluam insidias occultantem pertraherent. Inueteratus nostratibus mos, ubi vincunt ad exitium insistere fugientibus, rursus si præualeat hostis, in irrenocabilem fugam præcipitari. Id tunc evenit, siquidem fallacem Suecorum recessum pro consummata victoria accipientes, dum inconsultè prouunt, primò ad oram sylvæ ietibus machinarum confusi, dein ab dispositis insidijs circumuenti, & dissipati sunt. Præcipua infelicis conflictus causâ, quod sub primum manum conferentium toruorem, nescitur à quo imperatum esset cohör.

1636. cohortibus ut retro in Castra diuerterent: in omni genere pugnae periculoso recessu, qui, dum ex arte militari instituitur, plerumq; fit, ut exsternati metu animi in fugam dispensari se perperam opinentur. Cæsi tunc ex Prouinciali Nobilitate, inter alios Andreas Misiowski militiæ veteranus, Alexander Czarnocki Oraczouij Signifer, Valerius Wilczogorski Italica origine, Polona rectitudine & animo, ut qui decennio apud Andreâ Potocki Winnicensem Præfectum in ante Optionem Loricatæ cohortis egerat. Capti à Suecis Iacobus Wilkonski Zebrzydowij Optio & Protribunus, Constantinus Łysakowski, Alexander Frezer, Stanislaus Zagorowsky, &c. ex quibus Frezerum annis maturum, in sextiduo liberum dimisit Wirtius: iam morum grauitate, iam ætatis veneratione permotus, ac valedicenti amicè ingerens, non se eum hostem habere velle, quem ex ratione ætatis Parentis loco colendum censeret.

Victor à Tynecio Suecus circumlatis nostrorū signis ac spolijs, Urbem quans introijt, nimis imputans & monstrans quāta egisset, sed intermixtus gaudio metus erat, ubi sub id tēporis ad ferendā opem Poloniæ, Domū Austriacam consensisse ab exploratoribus percipit: vnde arctius Urbē & incolas tractās, necessaria providens, muros & operas sarcians, etiā Tempia munitionib; cōtigua, ex quibus propè ad munimēta positjs. discrimen inesset, eueri & solo æquari iussit. Ac primò Basilicā in Arenis PP. Carmelitarū, demoliri statuit; nec quicquā Magistratu imò Vrbe tota, preces & pretiū offerente, pro cōseruatione saltem Sacelli, in quo Imago D. VIRGINIS DEIPARÆ, antiquitate & miraculis clara, in murato Tēpli pariete depicta manet. Eas vniuersorū preces indeprecabilis Gubernator, in alijs non prolus inhumanus postulatis, penitus reiecit, cum non exiguo bonorum dolore, ne Suecis quidē ipsis probātibus, nisi quatenus Arianī nostrates impellerēt, ac cōcidi fabricam imperauit, ad motis in demolendum operis. Res mira, imò de plano miraculū, quod Monasterij acta referunt; Die X. Iulij An: 1655. quā primum



1656. Carolus Suecorum Rex Maioris Poloniæ Metropolim Posnaniam introijt, eadem ipsa horâ ante meridiem X. in facie huius Imaginis haud obscura evidentissimi mæroris signa cōparuisse; profuso ex diuinissimi vultus superficie adeo largo sudore, cuius guttæ ad mensuram nucis auellanæ, in mensam altaris stupendo stillicidio profluxerint; non sine aspicientiū horrore, & imminetium calamitatum præfagio. Nec minus illud Dei opus credi necessum, dum admotis & Wirtio lapicidis fossoribusq; mænia Sacelli fundite diruuntur, eius loci parietem, quominus deiecto muro aboleretur Imago, demoliri nequuisse, occulta quadam vi, inuē diuinitus impeditis operarijs, nec mandata exequi valētibus. Quippe fragmenta lapidum ruderaq; ē superno muro decedua, velut erudita aliqua manus componeret, efficiebant siparium seu tegumentum, quæ demum mirabilis lapidum cōgeries, ac si Iconotheca aliqua, superficiem imaginis absconderet. Talia ex rumore an vera essent, cognoscere pergens Gubernator, (solita heterodoxis duritie, videre & non credere, palpare cum Thoma & mente obdurari) obuium habet non ignotum sibi Pictorem, Chrysostomum Proszowski vocabulo, ex quo per viam suscitatus. *Iam ne (inquit) imago vestra sepulta est?* responsum breui resurrecturam tulit. Sanè resurrexit ex ruinis gloriosè, cum hostes Deiparæ perpetuā consepelijsset obliuio: ipsam verò incarnati Verbi Matrem, *Beatam dicunt & dicent omnes generationes.* Ad hanc postea Imaginem, cumulis lapidum reiectis, ex fæce Ariana duo contumeliosè tractaturi accesserant, quorum indignus memorari vnus exerto ferro. *Experiar (inquit) num plena hic fide miracula patrari contingat?* simul sacerrimæ faciei inflixit ense ictum, non nisi in crustam calcis deijciendam valiturum; & repetebat sceleratus vesana rabie plagas, cum in ipso nefandi ausus momento, aduolat nescitur vnde exploratoria Polonorum manus, & in siccarium equo per pomeria fugientem incidens, protinus adacto in os sclopo, quo ille augustissimā Dei Parentem

rentem sacrilegè violauerat, interimit. Dixisses cælo de lapsum Nemesis, nam velut de industria vno trucidato, alterum facinoris participem viuum capiunt, & abducunt, cursim loco abscedentes. Quæ Dei magnalia non minor impietas foret siluisse, quàm iconoclastis patrasse. Ruinam præterea Tempia subiēre, præter Arenensem Carmelum, D. Floriani Collegiata Ædes, à Casimiro olim lustro sub Annum CH- 1183 condita; SS. Philippi & Iacobi; SS. Simonis & Iudæ Apostolorum; S. Valentini hospitalis; Sanctæ Crucis; SS. Petri & Pauli ad Coriarios; S. Casimiri cum Reformatorum Monasterio; Misericordiæ Dei in Smolensko; S. Nicolai Parochialis; Carmelitarū Discalceatorum Claustrum in campo Iaculatorum; S. Mariæ in Grodek cum Cænobio Monialium; Bernardinorū in Stradom cum Cænobio; S. Hedwigis cum Xenodochio ad pontem Regium; S. Agnetis cum claustro Sanctimonialium; S. Sebastiani cum Nosocomio; S. Leonardi; tum alias sacras ædes, solo æquatas, doluit Cracouia, antiquæ Polonorum pietatis monumenta euerri.

Post Varfauensem conflictum, Duces Poloni dispersas cohortes recolligebant, Potocius Generalis Lublinensi tractu; Landzkoronius per interamnem Bugi ac Naruiæ oram; Gasieuius ad vltq; limitem Ducalis Prusiæ Lithuanicas legiones, etiam Scytharum notabile agmen auxilio submissum, secum traxerat. Cracouiam Carolo Sueco subinde adire mens, vt scilicet victorem se exterritis populis ea parte monstraret; etiam affirmauēre multi, vt in Vrbe ea opibus Ecclesiarum quæ restarent, interceptorum Varfauix spoliolum, detrimentum pensaret; at propositum iter mutari debuit, consideratis quæ à Moscho imminerent discriminibus, conuersumq; Thorunium fuit, inde festinanter in vltiorem Prusiam contendente Rege, quominus arctis Liuoniæ rebus, & constrictæ obsidione Rigæ succurreret. Czarnecius interim, nobili clade Suecos apud Strzemelszno concidit; fatale quoddam flagellum eorum, & qui



1656. & qui non alias magis quam inter prospera timendus esset. In Maiorem Poloniam iturus, Petricouiam deflexit, quam tunc Siradiensis Nobilitas Ductore Stephano Koniecpolski Palatino, in eijciendum Urbis praesidium obsederat. Huc progressus, ex relatu praecursorum cognoscit, Suecos per territorium Rauense Thorunium pergere. Deducebat Fredericus Poter vetus legionis Wittembergij legatus, Mille Ducentos Equites, ex varijs subtractos praesidijs; alterum tantum Desultores, pedites; pariter ac permulti cum impedimentis currus, quibus Cracouiensi tractu congesta spolia deuehebantur; tum vxores Praefectorum militiae, Heluigem Reginam trans mare nauigaturam subodoratae, quo reditum in Sueciam maturarent, itineri se commiserant. In hos ad Strzemeszno securos nimium deuolatus Czarnecius, nec tamen imparatos offendit, quippe nihil repentino ingruentis aduentu territi, pugnant collatis signis acriter; plerique de meridie semipoti, post explosos sclopos vasa mero plena propinatum in more praebibebat aduersis; quae proteruia sobrium Ducem magis irritauit, ut colludi poculis strepente ferro indignatus, ostentata in fronte vi, latera eo acrius adoriretur, vixque vnus horae spatium repugnantes, mox incursum cohortium obrutos, plane ad internecionem deleuerit; die XXIII. Augusti. Sane paucos fuga caedi eripuit, cum latissima planicies concitandis equis spatium insequendi daret, & hostibus in fugam ruentibus, agger obiectae praeseinae facultatem traiectionis superandi eriperet penitus. Neque minus alibi res Suecorum inclinabant. Pyronus Petricouiae Gubernator ut memorauimus a Siradiensibus obsessus, in deditionem cogitur; Wielunium Boleslawiec deduntur &c. Etiam Opalinus Podlachiae Palatinus non vergenti aetate, non accisis per bellum facultatibus parcens, haud quam hostes respirare partiebatur; praeter flagrantem Ductoris in arma instinctum, indignante Maioris Poloniae Nobilitate; quod Rex Suecus pensaturus Electori ex commodo suo tractata apud Var-

uiam

1656. niam armorum societate, Prouincias istas Electori, sibi Prussiae attribueret; ac totum Regnum velut cum cohaerere partiretur. Rumorem haud futilem confirmabat, introductum Posnaniam Electorale praesidium, in Urbem Praefecturas substituti Prutheni, sub nouo domino alendi militis innouatae rationes, diuersus ad Nobilitatem Electorum tenor & titulus, aliaque recens instituta, quae transcriptae in Electorem possessionis exhiberent documentum. Sed nihil intolerabilius, quam flagitiosa Wrzeszouicij rapinae, quibus ille nullo sacrorum aut profanorum discrimine ac factitate, eam oram exercuerat; nec templis parcens, quae Gostinij, Ponieczh, Gorca, Vniouiae &c. etiam Kobylnense Monasterium, infamis praedo expilauerat. Cupiditatem hominis pseudo Catholici incitabat, quod cum proprias facultates salisfordinarum Wielicisium locatione, magis prodigalitate ac luxu decoxisset, ex publica innocentium rapina, rei familiaris detrimenta reparare satagebat. Hinc nullibi quam apud eum licentiosior miles, Ducis aemulabatur ingenium, cui sacra profanis miscere ludus, & tam ex ara quam foco rapere, prolubium esset. In hunc Opalinus intendit sollicitum, quominus grassatore, & quo non onerosior Maiori Poloniae alter, praedonis in morem ubique vagum, quantocius opprimeret. Insistebat ille direptionibus circa Osieczno, querelas Nobilitatis contemptu transmittens, ac ubicunque transiret per conuiuia velut in otio diffluens: quoad Vartham propere, post impensum epulis diem, iam in lectum compositum, implacide discusso somno excitari fecit, Palatinus Calissiensis Grudzi-nius, celeriter cum armatis cohortibus superueniens. Dissimulauerat etiam iste, illatas bonis suis iniurias, imoliteris ut caueret sibi praemonendo refouere amicitiam visus: quoad non amplius facinorosi hominis impotentiam ferre valens, collecta clientium manu, in Lubrza pago de nocte inuadit, ac ut geminaret terrorem subiecto tugurijs igne, inter restringendae flammae & defendendi conatus districtos

X3

Sue-



1656. Suecos, faciliore per noctem confecit negotio. Ultra-  
 1656. Oëtingenti tunc è Wrzeszouicianis cæsi aut submersi;  
 ipse dum intra congeriem stramëtorum se abdit, inuentus  
 præhensusq; , miserrimè fustibus ab aggreffi plebe truci-  
 datur, ne mîne reperto qui profani hominis cadauer sepul-  
 tura dignaretur, euidenti pæna sacrilegiorum, & infestum  
 Ecclesijs caput, ne tērra quidem recipiente. Bohemus  
 natione erat, professione fidei Catholicum simulauit, im-  
 pius Clari Montis oppugnator, & incongruenter Polo-  
 niæ hostis.

Ast Casimirus conuocato Lublini Senatu, de occur-  
 rentibus periculis consultauit: cum non minus belli mala  
 quàm pacis meditamēta distraherent; Principibus Europæis  
 per diuersos respectus & dissidia, mutuo in se intentis, ut  
 vnus prensato auxilio, multorum irritaremus maleuo-  
 lentiam, ac solūm aliquem in amicum destinantes, con-  
 plurium secus affectorum odium prouocaremus: eā sæculi  
 præsentis versutiā, ut honestissimum amicitiae vocabulum  
 & vñs, iam nunc ad præuissas commodi aut nocendi artes  
 extendatur. Deliberationis materia erat; Gallica Me-  
 diatio: sed Austriæ irrequisita officiositas displicuit, sus-  
 pectum in res Polonas æmulæ gentis arbitrium reiicienti.  
 Moschum nonnisi inducijs antiquum in os odium refræ-  
 nantē aliquomodo deliniuimus, uti dudum non amicū su-  
 spectando: tuctur veterem fæderatum Cæsar, & pacisci sua-  
 det; qualescunq; pactiones cum gente exosā, Scythis in-  
 dignanter ferētibus. Danus Sueco infēsus, & in hunc æquē  
 terrā potentem quàm mari, obliqui Fæderati Belgij Or-  
 dines; utrosq; hos præhensat Anglia, & à nocendi facultate  
 auertit; cum rursus Hispanica potentia Angliæ formido-  
 losa immineat. Suecus Poloniæ in præsens grauis, sed ob-  
 reuolutionem fortis, ne hic detumescēte procella, tempe-  
 stas ea Imperium exagitet, ex suspitione metus est Austri-  
 acis, ex metu prouidentia. Hinc Electorem Brandeburgi-  
 cum detrahēre illi, adiungere sibi, è re ac commodò Im-  
 perij

1656. Perij iudicatum. Equidem, ut ægri morbo creante fasti-  
 dium, se huc illucue versant, ac ex loci mutatione imagi-  
 nantur aliquod ægritudini leuamentū: sic pressa ærumnis  
 Polonia, ambigua respexit diuersos, conciliandæ pacis curā  
 offerentes; ac incerta, quàm manum in medellam seligeret,  
 sollicitè expendit. Duo erant, qui res nostras in pacatum  
 statum reponere volebant, & poterant; Cæsar nempe, &  
 Rex Christianissimus: sed nescio quo malo fidere factum,  
 ut ob veteres utriusq; Monarchæ similitudines, haud liceret  
 Poloniæ ex lauris Imperialibus, simul & Gallicis Lilijs au-  
 rea pacis messe beari. In quàm cum simul conuenire non  
 possent, diuisim in utroq; grandia cōciliandæ pacis cōmoda  
 recognoscebamur, aut ipsi suggerebant: Permouebat præ-  
 cipue, etsi Suecum autoritate Galli Regis niti summoperè  
 constaret, eum tamen Primicerium Christianitatis Monar-  
 chā, ita æquanimè sopiendi belli Polonici arbitriū susceptu-  
 rum, ut ouem integram iuxta prouerbium, & lupum satiatū  
 præstare posset; Christiana æquitate partes dirimendo.  
 Rursus, ut Austriacæ domus interuentu stabiliremus pacē,  
 summa ratio erat; quod licet si inter hanc ac Coronam  
 Sueciæ, Pacta Monasteriensia omne discordiarum semen  
 sustulissent; ast in immensū prouecta nunc Suecorū Euro-  
 pam turbandi impotentia, adeo suspecta esset Imperio, ut  
 Ferdinandus III. interim laboranti Poloniæ auxilia sub-  
 mittere decreuisset. Hinc, ut ad viciniore flecteremur,  
 incitabat, præsentis succursus ratio. In eum itaq; finem  
 nobilis legatio Viennam destinata, Ioanne Leszczynski Po-  
 laniense Palatino, ac Ioanne Wielopolski Woynicēse  
 Castellano, munus obeundæ suscipientibus; (eum in ante  
 Andreas Miaskowski. Internuntius vadum haud irritæ  
 missionis pertēntasset) & ne quæ mora negotium impe-  
 diret, cum plenaria potestate iuerant tractādi. Vbi in con-  
 spectum Cæsaris admissi, simpliciter grauata discriminib;  
 Poloniæ exponebant necessitatem, in quorum participiū  
 intallibiliter vocari Germaniam, ne Aula quidem illa per-  
 negabat



negabat. <sup>656.</sup> Aperuere dein in pacificandas æmulas gentes, Christianissimi studium, aut in suspenso Regi Casimiro habitum, donec suscipiendum nec ne? consilio & assensu Cæsaris definiretur. Nucleus reierat, in sociale amorum tædus Domum Austriacam contra Suecos impellere, considerabili motu, quominus exitiabilem belli flammam, ex vicina Polonia in Germaniā vno tenore & violentia quādoq; prorupturam, iunctis viribus, utriq; comprimerent. Qua dein Cæsaris accepti gratia Legati, utq; perductū negotiū in effectum fuit, ex rerum & temporis ordine memorabo. Similiter ad alios Monarchas itidem expediti legati, urgendo bello vel procurandæ paci iuere; Ad Ordines Imperij Andreas Olszowski Decanus tum Cracouiensis ad Mag: Moschouia Ducem, Ignatius Bakowski Succamerarius Chelminensis; Nicolaus Prazmowski Maior Regni Secretarius, ad Principem Transiluanie Ragocium; Ioannes Gninski Præfectus Gneznenfis, ad Regem Danie; Pinoccius in Angliam Belgiumq; alij alio: dixisses non ingrata quadam vicissitudine, sepositis Gradiui operibus, rogata consilia resumui, ut sub clypeo, pertractato reconciliandorum animorum negotio, mox populis bello defessis desiderabilis pacis aurora illucesceret. Eiusmodi Aulicorum ministeria negotiationem vocant, à mercantium ingenio & moribus traducta metaphora; quibus licitari nomina contrahere, permutare, mutuari fas, pro more aut quæstus obuentu: pari modo nostri negotiantes solliciti agunt, suadent, urgent, conciliant, minantur, ex vñ Patriæ aut autorum ingenio solertes, & ambidextri: nonnunquam ab amussi & canone officij recedentes, seposito publico priuatum curant: nam & veri negotiatores decoquunt, aut cautiones soluendi plerumq; destituunt Creditoribus. Comperio ex Instructionibus præcisè veritū, qui peregrè legationibus destinati, nè quā spem adipiscendi Regni Poloni cuiquam facerent, adiecta clausula: *Nullo autem pacto in Tractatus alios se ingerant, vel spem ali-*  
*quam*

*quæ Regnadi in Polonia Electionis successionisq; aut quod præ-*  
*sonem in Regnum sapiat, faciant scripto dictoq;.* <sup>1656.</sup> Cum contra anno vertente patesceret, multis vicinorum tætam spem regnandi obiecto diadematis illicio, quicunq; pro exhibendo succursu exorari se paterentur: etsi pigrum in allevationem proximi sæculum, oscitantiū postulata nostra audiuit, postpositis necessitati precibus, nisi præsentī comodo subsidia emerentur. Quid enim omnium inopes, vastata Patria, nimium cupientibus daremus? Regnum alteri Regum possessū, alteri inessum, ingratū tulissemus donum succurrentis hinc despecta procis virago nostra, cui miseria tantum, & vastitas dotem constituerent. Ast, qui rem familiarem prouidē tractant, non desolatione in tempus, aut pessundato vicini agri statu mouentur, quin acquirant; inuenit Polonia etiam cum miserrima fuit, competitores: prouocauitq; auidius deuorata spes pluribus orexim, ut fortius menti credulæ imprimerent; Regnum, post orbem & inclinata ætate Principem, tanquam operæ pretium infallibiliter recepturos. Sed Dei munus est, pupillam libertatis in hanc diem illæsam manere: posteritas periculosa ignosce temeritati, ut naufragos in discrimine, etiam nos necessitas in extremis, extrema tentare docuit. Pluribus tamen obiecta offa palatum excitauit, vnde animorum offensa suborta: nam, dum præcocia adipiscendi Regni desideria, mora aut repulsa destinet, conceptæ spes in implacabile odium degenerabant.

Prouisis quæ ab extra facerent, Rex apud inferiorem Casimiriam traiecto Vistula, adiunctis Exercitus Ducibus, se itineri commisit. Quippe, ut præsens in Prusiam iret, vel maximè coarctati Gedani resposcere videbantur; cuius in eam diem ut varia fortuna, sic laudatissima pro Casimiro constantia fuit. Non suasu impelli, non illecebris abstrahi, non minis terreri valuit sibi constas Vrbs: pro nihilo sumptus, discrimina, imò cædes suorum duxit, firmissimè tuita legitimi Regis partes; nec minus



1656. prudenter artium Protectionis Sueticae intelligens. Territorium Urbanum hostis inuaserat, Hauptum interceperat; apud Dirschau Winterum Tribunum septingentis propè caesis clade affecit; interclusus defluitandis commercijs Vistula, classis Wrangelij infesta maria tenuit: at ramen tot inter aduersa, rationum ut vocant Status, quam fidei periculum facere maluit. Hinc, à Rege Casimiro festinandi in succursum causa; qui per viam Lenciciam deflectens, reperit in partes Electoris transcriptam, eiusdem obtineri praesidio. Ergo, positus in adrito castris, requisitus per Fecialem Schonegus loco Praefectus, ut restitueret Urbem Iuris Regij, autori & Domino; sacramento se, quo Electori obstrictus, exculauit, acrior in verbo, quam mox in opere animosus. Productis itaque in quaestandos muros tormentis, ut alacri militaris multitudinis assultu, non amplius sesqui horae spatio captum est oppidum, continuo vis in arcem, in quam se praesidiarii receperant versa, ubi breue interstitium armorum obsecrans Praefectus, mox clementiae Regis se arcemque permisit. Inde Choyniciam, celeberrimam olim sub Crucigeris commissis praelijs & cladibus oppidum ventum, quod Ioannes Georgius Anhaltinus Dux infederat, auspicia Suetica secutus, sed sinistra; namque prius aduentum Polonorum sentiens, quam venire posse credens, adhibita vi à regijs, gratiam demissius Casimiri requirere debuit, quam superbè oblatam ante contempserat: deditque protinus oppidum ea conditione in Pomeraniam emissus, ne tam ipse, quam qui cum eo essent milites, intra geminos menses contra Regem Regnumque Poloniae militarent, nulla noxa finibus Regni excessuri; dehinc, ab ala Equestri in Marchiam deductus, extra limitem emigravit. Sequitur mox Calissium in nomen Regis deditum, quod Venceslaus Sadowski Bohemus, pro Sueco Rege impositus tuebatur; qui itidem subsidij anceps, suasu & curâ Stanislai Starkowiecki Krzywínensis Castellani, cum praesidio Thorunium deductus, Urbem pro Casimiro consignauit.

Caro-

1656. Carolum interea Suecum, robustum illud in omnem casum pectus, inclinantis potentiae anxietas, & sollicitudo, sensim exagitabant. Non desunt quippe felicibus suae ærumnae; mel in ipsa dulcedine inamarefcit, ac virentes arbores teredo intro consumit. Hedwigis Regina Frauenburgi victorem maritum non ita pridem salutauerat, non sine iacturae & praecipitis abscessus à Zamoscio exprobratione, non omnis quippe mulier nec semper ad illecebras facta, sunt quae consilio & prudentia valeant; Sueciae Regni Senatus acrius per literas absentem conueniebat, quominus aliena relinquens curaret propria; Scania à Dano, Liouoniam à Moscho rapi, nec se sine Rege & Exercitu existentes sufficere, vi aut consilio in aduersos. Ericus, quin etiam Comes Oxensterna Cancellarius Sueciae, salubris cuiusque consilij autor, ambigui interpres, pessimi corrector, immatura morte extremum diem clauferat Elbingae, Carolo desiderari caeptus, ubi esse desisset. Elector vel consulturus sibi, vel vires reparaturus, Regiomontem abscesserat; quippe Gasieuius cum Scythis Ducali Prussiae imminebat, Opalinus in Marchiam intentus egit; praeter sparsam non sine terrore de aduentu ingentis Exercitus cum Casimiro fama, & cuncta in deterius inclinabant. Hinc singula respectans omnibus impar, crebrius tamen non inutilem audaciam expertus, fortioribus consilijs animum aperire ostendit. Ac primò Douglassium in Curlandiam, Izraelem in succursum Prussiae submisit, ipse ab Oliuero Cromuello, ut tunc vocabant, Angliae Protectore, sollicitissimis precibus auxilia requirens: etiam licet distractus, Gedanum quâ pollicitis, quâ incurfibus vexare non destitit: ipse prope Liouoniae fines progressus, belli gerendi, aut conciliandae pacis media cum Moscho speculabatur. Interea Vincentius Gasiewski Capidux Lithuaniae, dum per Prussiae vastationes spargit, obuium hostem habuit apud Prostki, Ducalis Prussiae pagum. Sub Georgij Friderici Comitis de Waldek imperio, expedierat Exercitum Elector, ditiones suas miserrimae desolatione.

Y 2

vasta.



1656. vastari dolens, ac quantocius imminentem tempestatem obiectu armorum auersurus. In subsidium Valdeco, aderat sex legiones Suecorum, Ductore Izraële Tribuno, cui etiã Boguslaus Radiuillus sese adiunxerat, nec dum abdicatis Sueci partibus, & adhæsiōe indivulsus. Interfluebat acies Pis fluvius, modicus alueo, & pectore tenuis vadabilis; quem Electorales feruore in conflictum, an contemptu paucitatis festinando transgressi, dato signo in certamen descendebat; nec Lithuani detrectare prælium, sed profuit recondere ferociam: quippe commoda valle & insidiarum capace, prope mille è suis locauerat à tergo cum, Wolsouicio Gasieuius, Scythas item, quorum non temnenda aderat manus, infernè vadum tentare præcepit, ipse cum robore suorum in præcursores illatus. Facilis prima in aduersos velitatio, quoad traductis per flumen machinis Electorales, vno tenore in procurrens agmen Lithuanum inuecti sunt. Retentabat flagrantem Radiuillus, subodoratus insidias, ac Scytharum ingenij gnarus, quibus moris à recessu pugnam ordiri; ij tamen dum feruidius quàm consultius in prælium ruunt, Gasieuiani flexu habenarum giratis equis, etiam Scytharum cateruis, campos implètib; primo hostium legiones sustinent, mox propellunt, dein in subsidiarum agmen illati, omnem Electoralium aciem dissiparunt. Disiectis, fuga prælio nocentior fuit, nam cænofo traiectu impediti, & lunati flexus indagine à Scythis circumclusi, vndiq; ferro cõcidebantur, quod si aliquem benignior fortuna ex rete illo extraxerat, nihilominus tamen spes effugij irrita mansit, Scythicorum caballorum pernecitate, gradarios Germanicos præueniente. Tria Millia extra dubium in acie cæsi; machinæ cum vndequadraginta Vexillis raptæ; Ductor Valdeccus sagittâ latus transfixus, ægrè euasit; Radiuillus captus; Izraël (sub cuius signis Carolus Rex, tyrocinium militiæ deponens, Germanico bello meruerat, indeq; Magistrum suum appellare solitus) non iam in Ægyptum à Pharaone, sed

1656. sed à Sefer Casiaga Scytharum Præfecto in Tauricam ductus; eandem sortem Engelij duo fratres Angli, Generalis Walwrotus, Hornius, Scharfenbergus, Kochius, Brunellus Amersteynus &c: subière; etiam Weymariensi Duce captiuitatis socio, Cannebergus ac Bannierus Tribuni elapsi, Purdek, Hektz, Hemminger Legati legionũ, cum septemdecim ordinum Præfectis interempti sunt. Euenit victoria ista die VIII. Octobris, non exiguò totius Prussiæ Ducalis luctu, iam ob amissum florem & robur Exercitus, iam ex præsentì clade, maiora mox discrimina imminere præuidente. Etsi Scythæ captiuis ac præda onusti, societate armorum, (ob subtractum sibi à Lithuanis Radiuillum,) violatam incusantes, celeriori redditui obtentum quærere viderentur. Nihil tamen abitu rapacis turbæ permotus Gasieuius, post victoriam in Varmiensem tractum mouit, ubi Ottonem Derflingum Electoris Tribunum, cum tribus legionibus Posnaniâ remeantem, summa celeritate disperfit. Ast mox & ipse fortunæ vicissitudinem expertus, à superueniente Gustavo Steinboko, haud procul lacu Habo, subita aggressione disiectus & victus fuit; eo notabiliore detrimento, quod dispalatis Lithuanis, ac vti accidere necesse erat, confusis, à prælio apud Prostki in detentione existètes Suecorum præcipui, ex custodia elaberentur.

Vt armorum tædium sæpe ad resumenda pacis media impellit, ita rursus non succedentia publicæ tranquillitatis studia, in flagrantiores belli curas partes accedunt, crebriusq; illa quæ sibi ineuitabilem casum imminere pars præuider, alteram in exitium trahere, pro solatio pereundi habet. Suboluerat Sueco, Mag: Moschouia Ducem, quem hostem in Liuania expertus, cum gente Polona, de restabilienda pace per Delegatos agere, ac propè esse ut cæpti tractatus concluderentur: hinc pupugit summopere in partes nostras potentis vicini conuersio, cum non tantum Liuoniæ & post eam Pomeraniæ, sed ipsi quoq; Sueciæ Regno, non iniustum metum robustus Septentrionis Dominator incuteret



reret. Ergo intelligens discriminis Carolus, quem suum  
 1656. facere non poterat Moschum, ne vicissim nos cum eo in sæ-  
 dus coalesceremus, omnem mouit lapidem, sepositaq; in  
 tempore nobili illa seu elatione, seu magnanimitate, præcur-  
 sorem amandat Forguelum, recens à Scythis liberatum,  
 qui abrupto cum Moschis paciscendi negotio, instanter Po-  
 loniæ Suecorum insinueret amicitia. Fecit vir ambidexter,  
 ac publicato scripto (Proiectum appellant) ostendebat sine  
 cuiusquæ mediatione, inter utrasq; gentes pacem perpetuam  
 conciliari posse, non integrarum viginti quatuor horarum  
 impedio: cuius pretium foret, Regni Poloniæ ut ante bel-  
 lum totalis Casimiro restitutio, Regnicolis tranquillitas,  
 fœderatis tuta commercia, hostibus metus, confinijs pax,  
 & suum cuiq; redderetur. Vbi altius expensa propositio  
 huc se dare non visum, suspecta pacem flagitantis, qui o-  
 blata aliquoties fastuosè spreuisset requisitione; tum quod  
 apertè Carolus mediationem Cæsaris, in Gallum pronior re-  
 uersaretur. Ideo re infecta redijt Forguellus, non sine mil-  
 tentis Sueci indignatione, enatumq; consilium pleriq; cen-  
 suere, ut flagrantibus incitamentis persuaderetur Ragocius,  
 quominus spe Regni Polonici illusum, honoris læsionem,  
 armis vlceretur. Res ita se habet.

Anno  
 Christi  
 1654. Georgius Ragoci Transyluanix Princeps, aliquot retro  
 annis à Casimiro apud Szocauam, submisso in auxilium,  
 milite adiutus, formidolosam Valachorum cum Cosacis  
 conjunctionem cæde Thymothæi Chmielnicij conspie-  
 rat; vicissim bellanti contra eosdem Cosacos apud Zwaniec  
 Regi, præstitæ gratus operæ, expedito Hungarorum sub-  
 sidio, redhibebat officium. Hinc supposito constantem  
 affectu, ac in amicitia perduraturum, nunc arctis Poloniæ  
 rebus in exhibendum auxilium prensare Rex institit, misso  
 in Transyluaniam Nicolao Prazmowski, Maiore Regni Se-  
 cretario; qui promouendo negotio illicium daturus, adi-  
 piscendi Diadematis spes ita ostentare iussus, si exemplo  
 Henrici IV. Regis Galliarum, repudiato quod nunc am-  
 plexus

plexus Caluiniano dogmate Ragocius, ad Catholicæ Ec-  
 1656. clesiæ gremium accederet, Regnumq; legitima Electione  
 post fera moderni Regnantis fata quæsitum, obtineret, sta-  
 biliretq;. Nec quicquàm ultra in præmissis conclusum,  
 firmiter asserente Prazmouio, in fundamento religionis Ca-  
 tholicæ radicatis Polonis, non alium in solium Regni ad-  
 missuros, nisi qui eandem profiteretur. Hinc differendi  
 materiam nactus Princeps, dum fortè cum Prazmouio in  
 patentissima porticu sermones miscet, & Confessarium Le-  
 gati ex frigore, quod tunc fortè intensius accidit, horresce-  
 re aduertit, *Quid (inquit) bone vir alges gratis, trade vestem,*  
*mox pellibus subsutam reddere iubebo, contra algorem reme-*  
*dium: nec quidquam pro beneficio debebis, nisi, ut quàm ego pro-*  
*fitearis religionem.* Ad hæc improviso pulsatus dictorio  
 vir religiosus, ac renutu supercilij iocum detestatus. *Ha-*  
*beo (respondit) gratiam tanta munificentia, sed operis exhibi-*  
*troni intercedo; exuijs vulpium haud indigeo, nec fidei unquàm*  
*vel pretio Orbis mutanda desertor ero.* Tum Ragocius *Si*  
*vobis natia religio adeo cordi est, ut subinde frigore emori,*  
*quàm illam mutare malitis? ecurr meam in qua natus sum,*  
*ut abdicem, ob Regni vestri pollicita, boni suasores impellitis?*  
 Et cum Prazmouij legatio exitum habuit, æquiore credito  
 non reddito in res Polonas Ragocio, quoad spes magnas,  
 & arduum finem subinde coquens, vrgendum satius dia-  
 dema, quàm expectandum duxerit.

Adulto Nouembre, Casimirus Gedanum iter instituit,  
 cum affertur reducem ex Liuonia Carolum celerrimè con-  
 tendere Mariæburgum, ut traducto per recens fabricatum  
 Pontem milite, ac utrâq; ripâ frænato Vistula, æmulo Regi  
 vires in experimentum prælij obijceret. Proin exploratū  
 dimissus Marius Iaskolski, Excubiarum Præfectus, apud  
 Quidzynum, dubia adhuc dum luce, in Quingentorum  
 Suecorum agmen incidit, quos per mappalia solutos secu-  
 rosq; nullo negotio dissipauit, multis ex abrupto margine  
 in flumen aut restagnantes fluuij lacunas præcipitatis: et fi  
 nostri



<sup>1656.</sup> nostri pro recepto militiae more, (similia Suecis redhibētib⁹) dedititios sub conditione (Quartier) incolumi vitā seruarent. Eo tumultu Comes Konigsmarcus iunior, dum aquis se comittit, & superandis vorticibus impar equus succumbit, flumine absorptus interiit. Ille Konigsmarcus, qui in arce Thēcrynensi trecentos Polonos, cum Ioanne Džiuli Centurione, data incolumitatis fide portas aperientes, fœdē iugulari praeceperat. Filij fatum, ne non naturæ ordo inuenteretur, tragicus patris casus, triduo fermē antecessit. Ioannes Christophorus Konigsmarcus Campi Mareschallus Sueciæ, laudē militari per Germaniam celebre nomen, tunc natu grandior, Urbis Bremæ Gubernatorem agebat, eratq; in confinio iam suggerendi consilia, iam militares delectus submittendi, dexter Carolo minister: etiam in præsens accersitus, Scotorum à Wismaria subsidium deducebat, portu Pilauensi excipiendus. Ast subinde vis ventorum obstitit, ut diu tempestate iactatus, haud quaquam quò destinauerat adpellere posset: quin etiam militum discordia, aut remigum contumacia distractus, vicino mari oberrabat. Cognito Gedanenses hostium classem circa proximum littus vagari, mox armata nauigia in occursum emisere, cum quibus postquā Konigsmarcus animo & vento adspirantibus prælio experiri decernit, tandē impar ac circumuentus, Wintero ac Bomgarto Gedenensium nauium Trierarchis, submittere vela cogitur, seq; dedit. Tribus onerarijs præter armatas naues, diuersū apparatus, ut potest scloporum, ensium, telorumq; omnis generis, ac pulueris pyrij copiam subuehebat, etiam non temnendam signatæ pecuniæ vim, quæ omnia in manubias venēre capientibus. Sed maior præda Dux ipse, primò in Urbem ductus, ac à Magistratu honorificè tractatus, dein in Pharo seu Laterna sub honesta detentione mansit; Reiggero loci Præfecto, curâ captiui mandatâ.

Quæ inter Casimirus Gedanum peruaferat, summo Civitatis plausu acceptus, die XV. Nouembris. Comitabatur

batur introeuntem Polonæ militiae flos selectissimus, iuuentute militari in assistendum Principi, feruida ornataq; Sed maximè lætum ad recessus maris degenti populo, Hæstatorum vidisse militiam, tractu illo vix vnquam conspectam, nisi qui in Polonia negotiati, in comēantes lanceati militis turmas incidissent. Contra, ex incolatu Urbis, numerosæ armatorum Ciuium phalanges, honoris causa occurrebant Regi, intra mœnia deducturæ; ac ex omnibus machinis trina explosione fulminatum, solennitate pompæ ad multam noctem extracta. Magistratus demum in Prætorio salutauit Principem, cuius nomine Vincentius Fabricius Urbis Syndicus, eo sensu peroravit. *Fama est in extremo Septemtrionis recessu gentem reperiri, ubi elongato supra æquatorē Sole, mensuræ spatium molesta perduraret nox, quæ omnia tenebræ inuoluens, ejus climatis mortales iriginta sex dierum luce orbatos, in continua tanti temporis cogeret versari caligine. Ubi verò sub magni luminaris reditum, longissima nocte damnatis noua illucescit dies, non diem modo ac solem, sed vitam tenebriones diurni, præ desiderio lucis recepisse latantur. Similiter Gedanum, cimmerijs obrutum tenebris obscurissimam noctem biennio egit, quā artifex calamitatis nostræ Septemtrio, inclitū hoc Regnum ab anno præterito in hunc usq; diem inuoluerat. Ast ut volentis erat, ob delicta populum castigare; ita misericordis Dei opus est, quod ex tam spissa caligine liberati, solem Patriæ nostræ, Te Rex Serenissime intuemur, redditumq; inclito Polonia Regno lucis iubar, simul & nobis, imo huic Urbi, dum te sospitem & incolam adesse, nobis gratulamur. Ad huius sideris ortum, ut aues oscines solent, diuturno merore pressi leuamus capita nostra, prorumpimus in voces, conamur verba; quorum quandoq; in magna letitia, minor prouentus esse solet. Sed iactent verba eorum prodigi Oratores, nobis defectus facundia rebus supplendus erit. En ecce habes Rex Serenissime Urbem tuam Gedanū, ad exortum huius magni luminaris gestientem? en Venerabilis Senatus lacrymas excutiente letitia, ad legitimi Domini ac*



1656. Clemētissimi Regis pedes prouoluitur? en Urbica militie Praefecti, Ordinum Ductores, triserarchi nauium, custodes portus, nautae, milites, remiges, & quidquid sub iurisdictione nostra degit te Dominū saluant, te incolumem latantur? Obliuiscimur cuncti quae praeiit miseria, te praesente vulnera non dolent, calamitas non afficit, vis hostium non sentitur, quia his omnibus Deo iuuante mederi vis & potes. Sed quorsum verba, si actus & re ipsa, ut tibi paterna sollicitudinis, sic nobis debita fidei erga te documenta commonstrare licet. Et ea quidem abunde ubi deponis hospitem comperies exhibita iam nunc Magistratus Portarū Urbis clauēs, Maiestati tuae tradit, palam ut sit, Gedanum in sola optimi Regis tutela & praesidio conquirere velle &c. Adhuc Cancellarius Regni Korycinius conuenienter respondit. Vicinque molesta noctis tedia, auidum lucis premant populum, dum luminare maius tetra inuoluit caligine, sol tamen excusso tenebrarum inuolucro, beneficos lucis suae radios expedit raris per occultatus, & ecclipticā lineā, inter multiformes signorum Zodiaci tropicos diuertens, lucet terris non exoratus, ac in sublunaria vim productricem benignus inspirat. Pari modo & ad similitudinem solis Rex Serenissimus, optatū cunctis fidus adest; Patria & vestra causa huc veniens; neque enim sol nisi in commoda mortalium oritur. Hostes infestissimos dispersit aut abegit; conueniens quippe erat, ut splendor qui ex participatione diuinitatis oritur, omni scilicet illam Aquilonis tempestatem dispelleret. Quare & fidem vestram summē collaudat Serenissimus Rex & constantia gratulatur Cives strenui; ac quamuis consciam recti mentem, aequivalentem factis heroicis mercedem esse sciat, curatamen erit Regi optimo & suopte ingenio meritum aestimanti, ut id in memorem & gratum Principem inclinata Ciuitas, benè collocatum agnoscat. Iam verò clauēs portarum Magistratus reddit, quas immotus pollicitis, infractus minis, vi inconcussus, in eam diē fidissimè conseruasset; etiam ad manus Regiae osculum inuitat; ad illam inquam manū, per quam digitus Dei in Unctio suo magnalia operatur. &c. Seuerinus quoque Karwath ē Societate Iesu Ecclesiastes,

1656. fles, publicè habita Rege coram concione, palam & diletè constantiam Ciuitatis laudauerat, nihil obstante religionis diuersitate aut respectu; ne dum vnum Gedanum ex peruiacaciter asserta fide extollit, totum Regnum remissis seruatae notā respergeret.

Breue dein cum Moscho ac exitu anni expirans armistitium, nouis consilijs ianuam aperiēbat. Translatis ille ut memorauimus in Liuoniam armis, Rigam Prouinciæ caput, ingenti Exercitu circumfederalat, aspirante sub primordia successu: quippe Suecorum Ductor Comes Turni, ad primum congressum Moschis obiecto Equitatu, actus in fugā, ac cum Tribuno Cronmanno cæsus, etiam plurimum eo conflictu obeuntium notabili iactura, improspere dimicauerat: dehinc Gabriele della Garde Urbem propugnante, ubi obsessos in defensione obduratos, superque promissū à Carolo succursū, ingruentis brumæ asperitas iuuat, re infecta Moschus obsidium soluere cogebatur. Vnde licet sine effectu imò cum probro reiectum se doleret, nequaquam tamen allaborantium Caroli Ministrorū suasu adduci potuit, quominus vel optimis propositis conditionibus, ad fædus cum Suecia respiceret; seu abnuente cælo, duos longè potentissimos Poloniae hostes, inter se conuenire: seu naturā inso-ciabilis: aut denique pinguiore offa à nobis inescatus. Quibus verò conditionibus Tractatus ij nobiscū coaluerit, quamuis ex manuscripto Pauli Konojadzki Nobilis Borulsi copia suppetat, quia tamen Originale Pactorum videre non contigit, desino in incertis prolixus esse. Post alios tamen de eligendo in Regem Poloniae Magno Duce articulos, circumscripta fuit pactis belli Suetici continuatio; Liuoniae Aestoniaeque Polonis restitutio; Pecuniæ pro exoluendis militum stipendijs subministratio; aliaque institutum breuitatis excedentia. Finita transactione in Niemieza die 21. Nouembris, Anno 1656. à parte nostra operantibus, Ioanne Casimiro Krasinski Palatino Płocensi; Christophoro Zawisza Mareschallo Lithuaniae; Cypriano Brzostowski



1656. Referendario; ac Stanislao Sarbiewski Grabouecensi Præfecto. Nec sanè absurdum consilium quò bellum cruen-  
tissimum sistebatur, si modo sub duobus Regibus stare vnum  
Regnum, & indiuisibile Diadema gemina capita exornare  
posset: aut concordiam animorum non vsquam gentium  
reperies, ex diuisis inter binos Principes populi studiis: ut  
nec Orbis machinam, si duo soles, substitutam. Sanè ab  
ijs pactis iterum se Polonia difficilimo bello implicuit, an-  
tidotum salutis rata, quòd toxicum fuit: multi tamen fa-  
ctum extollebant, velut nihil à Fato rebus Poloniæ condu-  
cibilius suggeri potuisset, ex præsumpta istarum gentium  
confectione, exitium Portæ Ottomannicæ vaticinati: re-  
pertis, qui nouissimæ illi à Daniele prædictæ Orbis Mo-  
narchiæ, tandem in decursu sæculorum exoriendæ, sub-  
sterni fundamenta, veracis Prophetæ falsi interpretes affir-  
marent;

Digressu Regum tracto cis maritima bello, ne tunc  
quidē in meditullio Regni ab armis teriatum, relinqueret  
post se Carolo præsidij infestas arces, quæ demum expur-  
gandæ, illi tempus, nostris vires distraherent. Præcipue  
in recuperandam Cracouiam vti Principem & Matricem  
Vrbem, vota omnium vertebantur: simul & mandata Ca-  
simiri, qui Ducem obsidendæ, Georgium Lubomirski Re-  
gni Marechallum, in Prussiam abiens, destinauerat. Nec  
is segniter in iunctam functionē suscepit, sexdecim Quanti-  
anis cohortibus secum adductis; Hijacintho Szembergio  
Boguslawiense Præfecto, Michæle Stanislawski Vexillifero  
Haliciense, Andrea Sokolnicki Hastatorum Protribuno, Pe-  
tro Sladkowski, Martino Dembicki, Vladislao Lubowiecki,  
alijsq; alarum turmarum uè Præfectis, associatus. Quippe  
supplebat vires Cracouiensis, Sandomiriensis, ac Lublino-  
sis Palatinatum Nobilitas, quin etiam Montani & trans-  
stulani aggresses: ut propè octo Millium populare agmen  
numerari potuerit. Vbi compertum Marechallum in-  
obsidium adesse, idq; præcursorum volitantes globi planè  
face-

1656. facerent, nihil intermisit solertiæ Wirtius ad omnia inten-  
tus, etsi ante firmissimis vndiq; operibus Urbem circumde-  
disset. Apud Biezanow pagum castris Poloni constite-  
rant, primò Wieliciam, locum quæstu salis perutilem rece-  
pturi, dein ab australi parte intercludendo passui, quominus  
præuiso à Trasylluania discrimini iter præscinderet. Con-  
uenerat in ante ex Fodinis Wielicensibus Præfectus ad de-  
positorium Casimirienſe, ingentem salis congeriem, ven-  
ditioni destinatam, vnde illi facilis pecuniarum conqui-  
sitio: cum idnatiuum mensarum condimentum, bello &  
pace, diuitum æquè pauperū condire edulia soleat. Vnde  
frequenti redimentium salem concursu, licitatio mercis,  
compendium lucris Wirtio adferebat; dumq; ipse contri-  
butionibus Urbem exhaurit, ac militem diuturna spe ex-  
hibendi stipendij differt, interim præsentissimo venundati  
solis prouentu, in immensum ditabatur; donec quæstum  
superuenientes Poloni intercepissent. Legionis primipi-  
lus (Maior) Szacht vocabulo, tuendi depositarij curam su-  
sciperat, in hunc cum tribus cohortibus deuolat Szember-  
gius, ac obuium & certamen offerentem, reliquis dissipa-  
tis obtruncat, Depositorio in suam potestatem vindicato.  
Constricta dehinc Vrbs, non tam vallo & operibus, quòd  
sanè ob vastam loci circumferentiam præstare haud possi-  
bile, sed per emissos armatorum globos, infestis vndiq; iti-  
neribus; eoque modo ingressu ac egressu vetitis omnis  
communicandi ratio Suecis præcludebatur. Iam verò in  
eminenti ad Casimiriam colle Rekawka, (hic Craci Condi-  
toris Cracouiæ extare tumulum, vetus refert traditio) super  
excitatum suggestum, è cōpluribus machinis pulsata mæ-  
nia, datiq; in Urbem, vel Vrbe egressos hostes ictus, in cir-  
cum pedite aggressibusq; vim aut assultum ostentantibus.  
Interea de deditione actum, promissis æquè minis pertenti-  
tato Wirtij animo, aduersum vtrāq; inexpugnabili: nam  
in omnes figuras se vertens, vel molliora respondit ut elu-  
deret, vel minas iocis discussit, ut contemneret; Georgi-  
um



1656. um Forguelum confidenter admittens suaforem & parariū, hominē qui tantum ideo bipes esset, ut vno pede apud Suecos, altero apud Polonos consisteret. Non tamen quidquam colloquijs interuenientibus effectum, Gubernatore nihil ex officio intermittente, ac etiam tunc fortiter agere dum modestè loqueretur. Neque dolis abstinuit, quippe Exercitum in conspectum Urbis productum, duos nebulones pretio corruptos immiserat, qui tuguria Castrorum ad tolerandam, cæli brumalis iniuriam constructa, tum in usum pabuli tænum ac stramina conuecta, monachali alter, alter muliebri vestitu, subiecto igne incenderant, ausu impunito, nec minori cohortiū damno, quam confusione. Nam quidquid militi armorum, vestium, alimoniarum, vorax flamma, ubi restinguentibus caret sauior, penitus absumpsit. Continuis dehinc velitationibus actum, ut propè muros exportata planities, velut palæstra decursoria haberetur, in qua nobiles ab utrinque pugiles singulari plerumque certamine depugnarent. Cadebant sæpenumeros ueci, aut capiebantur etiam nostri pariter, & isti quidem notabiliore iactura, ostentandæ virtutis impulsu, aut equorum fiducia, subitus mænia temerè subeundo.

In tertium mensem protelata obsidione, unde quaque afferebant nuntij Ragocium Transyluaniae Palatinum, nouam & atrocē in Regnum Poloniae irruptionem adornare: effugante cudi iniquam hostilitatem constaret Mareschallo, diu tamen tristi rumori negata fides. Rem dein indices ab exploratoribus intercepti patefaciebant, ij vel maxime qui ad Wirtium arcani conscium per Zipheris scriptos codicillos, ex Transyluania missitabantur. Insuper Ragocius ipse, quo animo in Poloniae esset non ultra occultandum ratus, datis ad Mareschallum literis haud diffidebatur bello se accinctum, nec Polonis usque adeo amicum, adiecta disgratiæ causa: nempe ob perperam reiectum tractatum, nuper cum Prazmouio pro quaerendo Diademate Polono institutum, quem interea abrumpi, an continuare Respublica

1656. blica vellet, quaerebat? prætendens ex interueniente silentio, enormem sui læsionem. Proinde dignitati ac securitati vindicandis, armorum remedio consultum iri. Datum Albæ Iuliæ, die XIV. Nouembris, Anno 1656. Amoliendo quod imminebat discrimini dum medio destitui mur, & vires infra sunt, arripuit consiliū Mareschallus, conueniendi per literas Transyluanum: moderaretur affectui neu insperata metamorphosi, pristinam cum Regno amicitiam exueret, stabilem semper nec rebus suis incommodam expertus. Aderat Michaël Stanissawski Vexillifer, Haliciensis, honorata è Roxolanis familia, non inidoneū dehortandi ab armis Ragocij instrumentum creditus, qui super mittentis commissæ, iam Casimiri Regis ab deuincto mutuis officijs Principe alium affectum requireret, iam à Cæsare pro suo in Vasallum iure, hostilitati intercedente, ab utroque literas ferret. Qui specie festinantis in Transyluaniam pergens, dum vel longinquo itinere moras trahit, vel industria à Ragocio distinetur, subinde iam Hungarici belli procella, submontanum tractum repentina incursione inuoluebat. Cui malo impar Mareschallus, simul extra spem subsidij absente Rege positus, continuatam in eam diē Cracouiæ obsidionem, sumptu & labore ingentibus, soluere abducto Exercitu coactus fuit.



Ex  
Bibliotheca Regia  
Berolinensi.

ANNA.





ANNALIUM  
POLONIÆ  
CLIMACTERIS  
SECUNDI,  
REGNANTE  
IOANNE CASI-  
MIRO,  
LIBER TERTIVS  
Elenchus Contentorum.

An. CH. M. DC. LVII.



*Eduigis Suecorum Regina in Prussia hospitatur. Ludouica nostra habito Czeszochouia Sen: Con: Gedanum pergit; quam Duces Exercitus Chornicijs salutant; dein superuentu Suecorum ex via Calisium retrouereit. Czarnecius interim Steinboci agmen distinet. Sapieha Tykocinum expugnat. Transylvanus Poloniam hostiliter inuadit; Causa, verius prætextus belli mouendi;*

*uendi; Rex Suecus Gedano incommodat, dein in Poloniam abijt Ragocio iungendus. Casimirus Gedano Czeszochouiam redit, ubi cum Senatu de imminentibus instituta deliberatio. Viennam pro submitendis auxilijs Legati abeunt. Ferdinandi III. Cesaris obitus, simul Leopoldi Filij in Imp: Rom: Electio. Tandem auxilia Austriaca comparent; Ragocius Cracouia mouet; ac Sueco iunctus tendit versus Brzescae Lithuanorum. Marefchallus Lubomirski in Hungariam cum copijs Polonicis penetrat. Landzkoronski Campestris Dux moritur. Danie Rex Sueciam bello adortur, unde Carolus deferere coactus Transylvanum; qui in regressu apud Magierow à Polonis fusus; dein ad Nigrum Ostrouum affugiētibus ab eo Cosacis constri-ctus; tandem reprimenda vi impar, dedit se verius quàm paciscitur. Interea Scytha cum Hano adsunt, qui Transylvanos iniecta manu diripiunt; aut repugnantes trucidant. Kimeni Dux captus; ipse Ragocius vix euadit in Transylvaniam, quo redux, Principatu à Turca destruitur. Hungarico bello perfuncti Poloni, Poznamiam deditione recipiunt. Branicki succame-rarius Cracouienfis in consinijs Silesiæ interemptus; Iaskolski ad Imp: Tur-carum legationem obit; Chmielnickij itidem ad Regem Casimirum per Inter-nuntios submissio, cui paululum superuiuens moritur, belli fax & perpetua Poloniæ turbo. Bienieuius ad Cosacos missus; Cracouia obsidetur, quâ de-mum in manus Regis Gubernator Vrbs Wirtius consignat. Gembicki E-piscopus Cracouienfis; etiam Wittembergus Suecus, Facis cedunt; Casimirus in Prussiam tendens occurrentem Bydgoscia, Electorem Brandenburgicum, hospitem excipit; ubi amica vtrinq; compositione reconciliantur. Poloni, in Pomeraniam Suecorum, excurrunt hostiliter. &c;*



*Actenus inter Reges mutuis O-<sup>Anno christi 1657</sup> dijs & armis actum, demum & sequior se-xus nullâ fragilitatis reminiscentiâ, in cas& & discrimina belli veniebat: Hedwigæ Suecorum Reginâ transmissâ nauibus mari Baltico in Poloniam adpellente; etiam Lu-douica nostra ex Opoliensi secessu, dein Czeszochouia ubi tunc commorata, offerre se discriminibus haud dubitauit. Prior lætorum gustu, ne non sine consorte triumpharetur Polonia; hæc in viriles curas accincta, quominus marito qualiscunq; fortunæ socia adesset; ambæ Sarmatici Regni meditamenta diuerso fine agitantes. Sueca tamen, seu pe-regrini cæli ærem fastidiens, seu in deterius vergente Ma-riti*



1657. riji Regis successu, pro innata sexui timiditate, festinato regressum in transmarinam maturauit. Ludouica nihil anticipites belli casus morata, inter infestas vtrinque acies, Gedanum ad Regem Maritum ire decreuit; in eum finem complures e Senatu Czesłochouiam euocans, quibus itineris rationibus & necessitate eundi exposita, cunctorum assensum, magis, quod ita vellet, quam ut expedire censerent, extorsit. Permovebat siquidem mediationis Gallicæ consideratio, Antonio de Lumbres operam quominus Regis sui interuentu bellum Sueco-Polonum honestis conditionibus dirimeretur, prolixè offerente; etiam nostra intererat, altiore inter Gallum & Suecum confidentiâ, adhiberi negotio Regiam penitus mentem Ministrorum Galliæ introspecturam; ne arbiter Rex damno nostro Colligatæ & deuinctæ sibi Sueciæ gratificaretur. Primas Regni Leszczynius, etsi maximè necessariam censeret Regiæ præsentiam, Gedani, dum tamen animo obuersionis tendentis vndique pericula, & irreparabilis dato casu iactura, propè dissuadebat iter, nisi dum obfirmatam in proposito videt, vitandæ offensæ assentiri cogeretur, præsertim, vbi ita Regem velle ex literis compertum fuit. Itaque sat exili à Wolbório comitatu mouit, quoad superueniens Castellanus Kijouiensis Czarnecius, (nam huic munus deducendæ consortis Rex iniunxerat) Mille CC. Equitum ala, præsidium itineranti circumdaret. Vir enim in omni negotio agilis, & continuo motu exercitus, obsequentiorem militem inter opera belli experiebatur, eodem, vbi deses agit, disciplinam aspernante. Quod etiam tunc euenerat. Habebantur apud Gedanum in Castris copiæ, semestri planè ab opere belli vacantes, nisi quod in Electoralis Marchiæ ditiones inuecti populatores, præter promiscuam oræ direptionem, pecudum armentorumque greges in Castra deducebant. Clausa interim Vrbe intromitti Rex quemquam, (nisi ex speciali permissu) vetuerat; ne gregarij per ganeas Urbis distenti, castra vacua relinquerent; dein: aliquo casu (ut inter multos & diuersos

1657. sos solet) excitatâ rixâ, in eo concursu hominum tranquillitatem Urbis turbarent. Vnde excludi aditu indignati, ac subinde per intemperiem æeris imbrium molestiam ægrè, sub dio ferentes, tum notabile equorum damnum pasci, primo singuli, mox omnes inculabant. Iniquè obstrui portas Urbis emorienti fame militi, nec fas esse buccellam panis depellendæ inediæ emergere, cum interim satellites & aurigæ Regij delicijs diffluant, permutatis Ducum mandato militiæ munijs, ut intra muros Germani recepti, vestphala dape saginentur; Eques interim Polonus, postquam sexies supra decem eo anno collatis signis depugnasset, sub Ioue frigido in statione maneret, desertus & ieiunus. Eò demum quærelis processum est, ut triennio retenta stipendia in memoriam reuocarent, repeterentque. Quæ postulata, vbi per Delegatos audacius apud Regem perurgent, opportuno consilio in hyberna dimittere placuit, spe conceptâ, segregatos fore modestiores, ac dum suppetunt alimenta, molestam interim stipendiorum requisitionem in aliud tempus differri posse. Itaque cum venia Regis in hyberna (Consistentiæ) abiære cohortes, secutis Ducibus, ut aliqua Imperij & disciplinæ militaris species esset. Quod vbi cognitum Suecis, intimas tunc vires in insula Mariæburgensi recolligentibus in sparsim tendentes Ductore Steinboko prorupere; alio agmine vacua iam apud Fulcinum Castra Botycherus Tribunus inuadebat. Et iste, ex deserto vallo, ac morticinis repleta Castrorum area triumphabundus, ridenda sanè, de reportata ex Polonis victoria, quorum ad XX. Millia inuasivis castris trucidasset, nugigerus bellator typis euulgauit: magis viriliter egit Steinbokus, qui vestigio abeuntium insistent, legionem Wisniouecij Ducis securius tendentem, per Aschembergum nobilis audaciæ Tribunum aliqua clade affecit. Eodem fermè tempore Ludouica Choynicios venit, cum ex refugis noscitur, haud procul Polonos cum hoste manum conferere, qui iam sparsâ in diuersa carraginem cum impedimentis diripuisset. Nocte concubia Czarnecius



1657. cius, aditu ad Reginam imperato, in succursum laborantibus abire se nunciabat, simul ut tantillam moram Choynicijs securura traheret, obnixè rogavit; conijciens haudquaquam passuram destitui se praesidio armatorum, ac sub ictu propinqui discriminis, intra inualidi oppidi mœnia solam relinqui. Ast illa nihil, implacido discussæ quietis horrore commota, Czarnecio somni interruptionem deprecanti, respondit. *Imò (inquit) cum Deo bono perge quantocius Czarneci, ac pro animo tuo ex necessitate praesenti hosti occurre. Ego interim hic immota donec redis stationem tuebor.* Mox maturato habitu Czarnecius, sub diluculum in Suecos incidens pugnavit prosperè, excussitque prædam victoribus, quam quinque cohortibus fufis retulerant. Sic, ad satietatem Aschembergum ultus, eadem die sub vesperam actor & nuntius victoriæ Choynicios redit, pretium operæ captivos ultra L. adducens, inter quos complures Gallos in gratiam Reginae libertate donandos, offerebat. Simul affuere salutandæ, ut quisque è Proceribus militiae potior: quippe, ut arbeuntem Exercitum sequerentur Tribuni, Rex permiserat, quominus sub ordinario imperio digressio milite, legitima discessio & ex permisso facta videretur. Duces in conspectu admissos Regina lætiore vultu accepit primò, sed mox, ubi de Rege Casimiro Gedani relicto, mœtio incidit, propè dedecus in frontem exprobrauit. *Quæ hæc (inquit) animorum mutatio est? quæ furia lymphavit mentes vestras Poloni? Probrumne dicam ex perfidia, an labem ex leuitate? nec scio an non philtum aliquod Sueticum iterum vos fascinauerit? Regem vestrum deseritis prohi nefas! lusuendum Tybouecijs praestitum conuelliis, piaculum est. Si in gratiam hostium Castra reliquistis, ecce ij è vestigio instant abeuntibus: si praecipiti fuga euadere satagitis, mox alium hostem eumque recentem à Transylvania habituri. Misere me veteris virtutis vestrae, plusquam pudet leuitatis. Sed exhibete vos per Deum Patriæ filios, ac Regi subditos, imò vobismet ipsis vos reddite. Daic istum femina, Regina tamen vestra, honorem, ut velut officij causæ*

1657. *sa obuiam mihi datos sistam Regi, ex obsequio promptos laudare possim, quos spreto redeundi suasu, culpæ cogar obstinatos.* Quæ iram inter ac renidentiam vultus effata, complurium pudorem & sollicitudinem excitavit, pro muliebri affectu zelosius quam consultius in salutantes inuecta: donec expositis abitus rationibus, maximè quod graui anni tempore, non milites, non equi, iniurias cæli famisque amplius tolerare potuissent; insuper, voluntatem Regis digressum in hyberna permittentis, luculenter demonstraerint. Post mulcendorum animorum perita, minis preces mutauit, in regressu Cohortes incitans, etiam additis quantum in praesens licuit promissis, aut largitione. Itaque pluribus ut cum Regina reuerterentur persuasum est: omnes ut redirent haud conducere visum, iam quod ora illa diuturnis pabulationibus exhausta, nequaquam in alimoniam famelicis suffecisset; sed magis, quod Ragocius transmissis Carpatijs montibus, Cracouiam cum ingenti Exercitu tendere nuntiaretur. Etiam Regina, ab eo itinere, quod cum extremo destinauerat discrimine, absistere debuit, omni Gedanum versus via armatis à Steinboko insecuta, & quo se tantæ manubiæ verterent, vigili & indefessa cura attendente. Quibus maturè perpensis, tandem iusta consideratio propositum iter discussit, conuersoque itinere Calissium, inde demum Czeftochouiam redijt.

Demorante Gedani Rege Casimiro, rursus à meridie *Bellæ Transylvanicæ.* noua lues viscera Poloniae inuasit; ne non tantum pelagus agitari ventis sciremus, aut solum mare belluarum ferax esse, etiam per Carpatios montes à Transylvania, quale nec Africa habuit informe belli monstrum, in Regnum hoc impetu vehementi decucurrit. Monstrum sanè, contra veterima nouaque fœdera, contra omne fas & iustitiam, Regno Poloniae illatum bellum, ab Georgio Ragocio Transylvaniæ Principe; haud ita pridem Ius Nobilitatis Poloniae, efflammæ ambitum conlecuto. Is nupero Cosacorum bello, missis vltro citroque auxilijs obstrictus, & amicitiae Regiæ



1657. illigatus, nulla repentinæ hostilitatis causâ, ne prætextu quidem, inuios montium nemorumq; saltus, ac obiectas separatis naturæ Alpes Carpatias emensus, acrior ex amico hostis, in Regnū hoc veniebat. Scire expedit, quis ille & vnde? Transylvania, pars olim Daciæ, Romanorum Prouincia habitata, maximè Traiani Imp: contra Decebalum bello gesto inclauerat. Origo genti ab Hunnis Scythiæ populo deducitur, nec in hanc diem moribus discrepant. Claritudinem peperit Attilæ famosum nomen, adeo, vt flagellum Orbis dici meruerit. In illa demum transmigratione gentium, ac fatali Orbis decursu, dum Romana potentia fatiscit, Hunni cum Auaribus occupauere Pannonias, dehinc inter se iuncti, etiam nominis ethymologiam miscuere, ex Hunnis & Auaribus Hungari dicti. Cæterum Transylvania Moldauia Transalpinæ australi latere coheret, à meridie montibus nemoribusq; distincta, tergo reliquæ Hungariæ iungitur. Mediam nobiles fluuij allunt Tibiscus, (Cissa) Marissus (Maroz) tum alij. Qui Regioni dominatur, Waywoda seu Palatinus dici consuevit, consimili Regulis Mosdauicis titulo & dignatione; nunc supergressi istorum opes Transylvani vocabulum Principis usurpant. Olim ditio ea sub imperio Regum Hungariæ manebat; primum Ioanni Hunniadi celeberrimo Duci in Feudum collata, sed ita, vt Comitibus Bystryensis dignatione contentus, titulo & insignibus Transylvaniæ parceret. Rursus, sub Annum MDXLI. Stephanus Maylatus, inlessa Fogaras arce, ab Ioanne Zapolio Rege, fiduciario iure concedi sibi extorserat; quoad in viscera Hungariæ se se insinuantes Turcæ, vasallos isthic suos constituerent. Quid Bathorij, Botschaj, demum Ragocij ei plagæ dominati, erga vel contra Christianitatem præstiterint, ex historijs & rerum moderno statu palam est. Nunc pacatis Turcarum cum Austria rebus, percedere segnis otij Ragocium capit, dumq; ab amico putatio requirimus auxilia Poloni, subita metamorphosi in hostem euasisse deprehendimus. Pridem inter Ragocium ac Georgium Lubomirski

1657. mirski Marechallum Regni interueniebant mutui affectus commercia, seu (vt sit inter conterminos) ciuili elegantia ac amicitia officijs Principibus viris certantibus, seu interuentu affinitatis, strictiorem inter vtrosq; parante confidentiam. Adoleuerat ista longiori tempore constans & stabilis & quam vt innui, submissis ad Zwaniec auxilijs, etiam Regno addictam mentem Transylvanus nuper probauerat. Magnam inde spem concepit Marechallus, non negaturū iterum auxilia contra hostes Regni Principem, qui nuper eo beneficio à Rep: erectus, etiam talionem præstiti officij laudabiliter exhibuisset, Dumq; in eo negotio, iā literæ, iam internuntij commeant crebriores, huc mutuis correspondentijs deuentum, vt identidem insinuaret Marechallus; si Ragocius opem quassatis Poloniæ rebus opportunè suggerit, indignè oppressos armis iuuando, non ingratis fore aliquando Reip: operam, & plurimum valiturū medium, ad præoccupandos eo beneficio Polonorum animos, vbi olim eluctata malis Polonia, post sera sterilis Maestatis fata, solio Sarmatico Regnaturum adsciscit. Talia circumspetus insinuabat, supponens futurum, vt licitis & practicabilibus modis quærere Ragocius diadema, non violentus, rapere vellet. Nec displicuere ea Casimiro vndecunq; præsidia conquirenti, vt Nicolaus Prazmowski Maior Regni Secretarius in Transylvaniam iret, mentem Ragocij pertentaturus, ac explorando vado iniicere iussus mentionem; sed mentionem tantum, suspensio in totum negotio, donec prius in suscipiendam religionem Catholicam, firmandaq; Patrias libertates Ragocius disponderetur; quod & factum obiter vt memorauī delibera negotij materia, nullaq; conclusione ab vtrinq; consecuta. Ast eiusmodi instinctus, in causam solitæ Heroibus febris sufficiebat, vt Ragocius, quæ mortalibus ab æuo, ingenta regnandi cupido est, confestim assequi præsumens, diutius expectare diadema nollet. Accendebat & æmulatio, quod ad eiusdem sortis brauium, iam Domum Austriacam, etiam Moschum vocari inaudisset.



1657. set. Non incommoda rebus Sueticis, ea Transylvani à nobis se alienantis fideratio, quem immodico ambitu Regni deflagrare, ut comperit Carolus, per submissos eò ardenti incitabat, quominus contemptus & illusus, vindicaret à contumelia honorem, ac quo imaginem aliquam Iuris faceret, titulo sibi in Regnum Poloniæ armis quæsito, in speciem Civilis Contractus decedebat: æquè transfundentis quàm acquirentis Iure nullo. Igitur Transylvanus seu aliena Iugessione seu proprio occecatus affectu, palam decrevit contra Polonos Albæ Iuliæ bellum, quidquid militaris iuventutis Provincia aluit, in nos armans, quàm satius & ex ordine contra Christianitatis hostem vertisset, vel in subsidium amicæ genti retinisset, diutiùs Principatu & vitâ potiturus. Ad subitum insperatæ hostilitatis nuntium, Marefchallus Regni Cracoviam tunc obsidens, eximendis præoccupato animo scrupulis, per Michælem Stanislawski Halicienssem Vexilliferum conveniebat, iniusta arma disuadens, dubium bellieventum ob oculos ponens assequendi Diadematis modum & viam aliam explicans, deniq; ad veterem benevolentiam tutioremq; gloriæ viam, familiarius hortabatur. Claudiopoli Ragociû decreto iam bello adibat Stanislawscius, quidum post exhibitum salutationis officium, exponendi quorum causa venisset, opportunum tempus captat, ex illo Ragocius anticipatiuè quid novi in Polonia ageretur requirit? Cui ille, utinam verò ad antiquam formam & modum, omnia hic & ibi haberentur. *Iam verò (inquit) antequam quadquâ proloquar, sine me Princeps pro innato candore tuo, ut sciam ad amicum te Regno nostro, ac contra venerim? ne interim ad nondum hostem verba facturus, in contrarium proemia formare cogar. Amicitiam siquidem tuam constanter observando Poloni, hostilitatem neutiquam promeruimus. Tum Ragocius: Quandoquidem probè cognita tibi, ex me ipso intelligere vis, scias oportet, ut propediem hostem me experiatur Polonia, qui amicum conservare nesciuit. Demum accito Cancellario exponi iussit, ut sibi, oblatione Regni, non sine gravi contumelia,*

1657. lia, illusum esset; velut crepundijs, quæ insinuata pueris, mox surripi solent. Abunde sibi sine ærumnoso Regno dignitatis & fortunarum, nec afflictissimum dominatum ambire: id vnicè dolere, quod ostentata spe diadematis ludificatus, enormi contemptu læderetur; ab amicis edoctus, eadem spes Regni in Domum Austriacam transferre Polonis altius fixum manere. Proin iniuriam armis ex æquo reparandam. Excusavit Stanislawski ex nulla Contractus realis (ut vocant) interuenientia, qui demum consensu mutuo, verbis solennibus, aut scriptura authentica firmatus, partes obligare solet. Nihil horum intercessisse, ideo, ex nulla obligatione consequenter nullam iniuriam prætendendam, Dein, ex vi legum Poloniæ cardinalium, debuisse in antecessum statui de Religione Catholica Romana, & antiquissimis Regni libertatibus in solidum conservandis. Ad hunc obicem tollendum, iniectam mentionem à Prazmouio, si à ritibus maiorum discedere Princeps noller, ut Filium minorem spei regnandi admotum, ac adoptionis iure habendum, in Aulam Casimiri mitteret, in sinu Regis, & oculis gentis educandum. Libertatem Polonorum in concordibus eligendi Regis suffragijs vel maximè consistere: igitur indici prius Comitibus, congregari Ordines, profiteri inter Candidatos nomen, concurrenti ad Solium Ragocio expediebat, demum unanimi consensu Regem proclamandum. Insuper, nulla à Principe tam æris quàm armatorum subsidia indigenti Regno exhibita, unde evanescente promissorum effectu, pro quibus deferendi Regni pretium petitur, etiam alteri parti proposita abrumpere fas fuerit; cum, ut conditio contractum faciat, ita non impleta resoluat. Nec æquitati consentaneum, quod à bona voluntate offerentium processit, ad necessitatem trahere, ac prompti animi testificationem hostilitate pensare. Hæc legatus ex commissio, ego ex literis Instructorijs inserui. Etiam in eum finem cooperabatur Ferdinandus III. Cæsar, per Episcopum Nitriensem Hungariæ Cancellarium, ab iniqua vicini Regni impetitione



1657. one dehortatus Ragocium; idem præstitit Franciscus Welselini Palatinus Statuū, Regni Hungariæ nomine, Mater insuper Principis, ubi benignioribus monitis non profecisset, diras imprecabatur; secus cessuræ expeditionis, vates magis quàm mora: at, frustra omnia, Fato suo obstinatum in præcipitium trahente. Ut enim phrænesi laborantes iacturam rationis nisi postquam conualuerint non sentiunt: ita temeritate dum in bella feruntur Principes, magis spes excupiditate, quàm futuros casus & incertam Martis aleam apprehendere solent.

Dum infesto animo & agmine in ditiones Regni ingruit Ragocius, in antecessum euulgari fecerat literas Vniuersales, causas & rationes, cur Poloniam hostiliter intraret, exponentes: religionem, libertatem, clementiam ac omnia in integro pollicitus, se ut bello temporumq; malis mederetur venire professus, Exrenore. *Georgius Ragocy D. G. Princeps Transyluania, ac partium Regni Hungaria Dominus, nunc non Siculorum Comes &c. &c. Vniuersis & singulis, compræmissis Statibus, Ordinibus, atq; incolis inclyti Regni Polonia, præsertim visurus lecturusq;.* Cum fatiscantibus ac indies vergentibus in deterius Reip: Polonice rebus, in præsentis suo statu, Ordines Regni nihil opis ultra, præsidijq; videntes, Coronam Regni, iam antea, tum recens mediante solenni Legatione nobis obtulissent; necnon pro veteri nostra in Nobilissimam hanc Gentem, animi propensione & benè merendi studio, Christianaq; insuper ducti pietate, ipsi in persona cum copijs nostris, turbatum Reip: Statu componere (Deo adiuuante) apud nos constituerimus. Proin opera pretium facturi, beneuolè monere & ahortari omnes & singulos existimauimus, ut lectis præsentibus, qui incolumitatem suam suorumq; pignorum, tum bonorum conseruationem sartam tectam velint, propinquantibus nobis ad fines Regni, tempestiuè occurrant; suamq; nobis hac vel alia ratione propensionem studiumq; testentur. Qui verò id facere abnuerint, atq; clementi oblationi nostræ se se opposuerint, non nobis optimæq; ac prorsus innocua intentioni nostræ adscribant necesse est, si quid malorum

sors

1657. sors belli & temporum iniquitas inuenerit. Nos omnes patrociniū nostrum amplexos, clementer & placide suscepturos, a præscriptis belli temporumq; malis vindicatos, afflictumq; statum quātum licebit restituros; ac inprimis Libertatem conscientiarum conseruatos, bona fide pollicemur. Daturi Deo iuuante operam, ut pax alma reflorescat & tranquillitas priuata ac publica, inclyto huic Regno postliminio restitatur. Quas literas ob maiorem certitudinem subscriptione manu nostra munitas, sigillo quoq; nostro firmari iussimus. Datum in Castro nostro Kotos Monaster, die ultima Decembris, Anno CH. 1656.

Evulgato per viciniore Prouincias Edicto, mox Marschallus Lubomirius contrario scripto, vim immeritam, Transyluano exprobrauit, futes demonstrans inuadendæ Poloniæ causas, nec ex destinatione felicè iniquissimi belli exitum ominatus: reperto qui adiret Præmysliense Vexillifero Ioanne Woiakowski, viro prompto, & in efferendum, quæ ultra literas commissa animoso, sensus Epistolæ erat. Quo animo in Remp: nostram Celsitudo Vestra feratur loquuntur Vniuersales eiusdem literæ &c. Sanè est quod mirer & doleam, Cels: Vestra potiora fuisse periculosa ac indecora, quàm iusta & laudabilia. Evulgato quippe scripto, speciosus asserenda libertatis præfigitur titulus, interim hostili incursum, præcipua legum Regni basis, libera Electio præcipitanter tollitur; iuberur occurrere venienti seruitutis ignarus populus, sed nisi id faciat mancipiorum loco habendus, id est ferro igneq; puniendus; promittitur Senatui antiqua dignitas, quæ eadem in tam grandi negotio, inuasi nulla causa Regni, palam conuellitur. Illa ipsa auita, vera, sanctaq; Religio (pro qua Maioribus nostris tot fufum sanguinis) ad libertatem conscientiarum, & dogmatum credendi ut quisq; velit licentiam restringitur. Sed & in detentione D. Stanislawski legati, affinis mei, publicum negotium, priuatumq; amicitia ius violatum, quid aliud expectare iubet, nisi omnia diuina humanaq;, in uictimam recens enato ambitui destinari &c. &c. vocatum se Cels: Vestra ad Polonia sceptrum.

Bb 2

&amp; per



1657. *Et per abruptos tractatus, illud quæritur? Fateor legatum à Serenissimo Rege meo ad Cel: Vestram missum, sed non abrupto, suspensum tantummodo tractatu rediisse, quia religionis ratio, primos ab utrinque, ut par erat habuit respectus; quid mirum, dilatum id ad Remp: fuisse, an Principem diuersæ Religionis in Regem accipere expediret? Iam verò petendi regni viam ex forma status nostri Cel: Vestra monstratam, uti legatos ad Comitiam Generalia mitteret, probè sciens, apud nos Regem, non nisi consensu gentis & liberis omnium vocibus designari. Ergo hoc non erat abrumpere tractatus, sed suspendere &c: Demum post alia. Neque tantum Cel: Vestra in armis reponere spei debet, ut mente excidat causa iustitia; hac namque vacillante vinci immeritatam potentiam liquet, bellaque iniuste capta infeste finire, creberrimi euentus ostendunt. Tempus docebit magis salubria suaserim ego, an Cel: Vestra secuta sit &c: Datum ex Astris ad Craconiam die 27. Ianuarij Anno (H: 1657. De tentionem an moram Stanislawscij apud Ragocium in diuersa tunc rumor trahebat. Plerique ob infesta strepentes armis itinera, reditum distulisse; multi violenter retentum censebant, ne scilicet intima consiliorum, & quæ alia cognita legato, dum redit paterentur; quidam ipso volente, & dimissuro Ragocio, ultro adhæsisse, sed quia Poloniam tot hostibus, accessu Transyluani imparem iudicaret, specie retenti mansisse, incertum, an metu periculorum. Sanè fatigante posthac Marefchalli gratia, obiecta fuerat, procurata legati circa latus Ragocij mora.*

*Ipso anni exordio Transyluanorum copiarum fines Regni intrare. Ne tamen Cæsaris Ferdinandi de non mouendo Polonis bello commonestrationem, in totum spreuisse ille videretur, per Franciscum Riday necessitatem armorum excusauit, accitum se in successionem Regni Poloniae quaestus, & postquam in stipulatam deductæ conditiones essent; abruptum suam contumeliâ tractatum; iam quod probè sciret, eiusdem diadematis ostentatione Suecum, insuper pari illicio Moschum ludificari. Vnde non Regni ambitu, non*

ulti-

*ultionis accensum impotentiam, sed honoris læsi vindicandi causa, bellum illudentibus mouisse, donec reparatur iniuria continuandum. Primum à Transyluania armatis iter, per inferam Pocucij oram, quæ Carpatij montes in decliuora mitescunt; hic superato Pruto fl: (antiquis Hierassus) ultra vincti Hungarorum Millia censa sunt; Moldauis præterea Valachisque etiam Leuensis utriusque Tyræ ripæ accolis prædonibus, supra X. Millia in societate belli pertractis. Penes Ianussium Kimeni Exercitus imperium; Gabor Bakossi Magister Equitum; Stephanus Gieroffi Excubiarum, Gabriel Bethlenus armamentarij curam obtinebant: Michæle Mikessij consiliorum & literarum Principis intima expediente. Ultra radices Alpium progressis, X. Millia Cosacorum Vkrainensium, sub Antonio Zelenecki, ac Popenko Tribunis se se adiungere: & ij quidem nuper iurati Transyluaniae hostes, iam nunc præpollente in Polonos odio, veteres offensas abdicabant, in obsequium Ragocij deuincti iuramento. At, laterem lauat, quisquis iurisiurandi vinculo Cosacum fidiorem credit, naturam citius aut vitam deponet, quam ut eo nexu adstrictus innatam peierandi leuitatem exuat. Sensere mox limites Regni ingressum Hungarorum, non infestis modo, sed plusquam hostilis agminis, cum reuixisset in Ragocio Attila, & gens Hunnicæ originis memor, supra humanam crudelitatem in innoxios sæuiret. Continenti incendio reluxit submontanus tractus, ubique cædes, flamma, desolatio, ostenditque indiscretus à primo limine Princeps, alium in vniuersalibus literis, alium in factis præsentibus, sibi animum suppetere, nec tam ad Regnum, quam in exitium Poloniae deproperasse. Prima vis in Samboriam conuersa, oppidum non infrequens, ac nullis operibus firmum, & agrestibus tantum montanis, aut qui alij salis fossiles hic existunt, infestum. Introgressus paulò ante Guldinus Centurio cum LXX. legionarijs, triduo ferè assiliētes Hungaros egregie sustinuit oppidum defendendo: pari successu Premyslia, dein Iarossauia tentata, nisi quod istæ præbito*

Bb 3

lytro



lytro securitatem pecuniae debere maluerunt. <sup>1657.</sup> Omnium constans opinio erat, Ragocium iter destinare Leopolum, isthic sedem belli locaturum, subsidijs ex Hungaria & Vkrayna commodius recipiendis: iam quando vellent expeditum in viscera Regni iter habiturum, pro regula belli nullum a tergo hostem relinquendo. Sed omisit Cracoviam, unde in caetera regimen festinans, nec magis in alias curas intent nisi ut Metropoli recepta, quantocius insignibus Regni potiretur. Eas nimium cupientis spes nonnihil remorata arx Lancutensis, Mareſchalli haeredium, quam ille nisi mox se dederet, ad motis tormentis, quassari & solo aequari iusserat: sed plus in verbo furoris quam in opere efficaciae ostendit, praesidiarijs mentionem dedendi plane reiicientibus, & muris Fortalitij solidioribus, quam ut perfunctorio iactu labefactarentur. Tuebatur locum Pniowski Nobilis Mazoviae, Desultorum Lubomirij Ductor, quem in perferenda extrema promptum ubi constitit Ragocio, & maturandum iter Cracoviam vrget, nulla notabili edita opera, incensis tantummodo circumiectis mappalibus properanter Hungari abscessere.

Conclamatae penitus res nostrae, inq; desperato statu salus Reip: posita videbatur, quae Suecorum vim aegre sustinens, ubi huic Transylvanus iungitur, ambobus omnino impar esset. Sed quid olim saluando Izraeli Deus, rubri maris aquas diuiderat, etiam tunc inter geminum coniuratorum hostium Martem, nouissimè periclitantem Poloniam, non sine prodigio conseruatam voluit, per coniunctorum disjunctionem agendo. Costabat liquido malè affecto corpori Regni, ante omnia caput reddi oportere: Regem scilicet Casimirum, cui tantisper Gedani demoranti, interceptis ab hoste itineribus, in Regnum redire haud integrum erat. Ad illum, sub elapsi anni finem, diuertisse Ludouicam Regnam memoravi, quae demum viarum difficultate per occurrentiam hostis absterrita, retro in Clarum Montem redierat. Hic subsistētem infallibiles conueniebant, de Transylvanici belli

belli, & iam in viscera Regni infesta Ragocij irruptione nūti <sup>1657.</sup> augebat anxietatem, solutum Cracoviae obsidium, dispersi & exhaustus miles, incerta vndecunq; auxilia: sed praecipua solitudinis causa, abesse Regem, hospitem an detentum Gedani? lubricum sanè in discretionem Urbis coronatum caput haberi? quae quātumuis fida & stabilis, non ideo tamen ex congruo prouisum securitati Maiestatis, intra circumferentiam maiorum peregrè subsistentis. At herculè maneret illic tantum depositum in securo? Quis intra Regnum improviso rerum turbini occurreret? quis salubrium consiliorum autor, grassantem felici audacia Transylvanum auerteret, aut superuenienti Sueco inconcussam pectus obijceret? Talia Regina iam absenti per literas Primati, iam praesenti multo suasu Senatui ingerebat, donec omnibus consultissimum videretur, omni possibili modo reducendum Gedano Regem, nec aliter, nisi sospes redit, saluti Patriae, & dignitati Maiestatis prouideri. Itaq; reducendi negotium sedulitati Czarnecij procurante Regina commissum fuit; quod eo modo executus, in adeunda pericula audaci confidentia veteranus, iuxta & circumspecto consilio. Abeunte ex Prussia Polonico Exercitu, adeo licenter vagabantur isthic Sueci, ut praeter abactas praedas, & miserandam Prouinciae dirptionem, Carolus Rex, dum Gedanensibus non vsq; adeo nocere armis, quā terra, quā mari valet, vel elemētis ipsis contra eos indignabundus pugnaverit. Exundauerat verno tempore auctus Vistula, solitum alucum supergressus, cum ille operoso commento, perfossis quibus violentia fluminis, coërcetur aggeribus, ac deriuato cursu aquarū, fertiles illos Zulawae Gedanēsis territorij agros repentino diluuiio superfudit. Pascua, lata, Domos, Palatia, amēnasq; hortorum delicias, & quidquid eā plagā manu factum, inundante elemento obrutum est, incolis ad primam incrementis aquae violentiam, periculum refugientibus, aut qui praeventi malo, culmina ac summitates aedium, sed frustra, irrepētibus. Fidem superat repentina calamitas; ubi modo arua, aut mappalia



1657. palia, subito locus patiens nauigiorum fuit, & quâ pridie agrestes rusticabantur, iam nunc mira metamorphosi rei nauigicæ locus concessit, ac pro aratro, phaselli, immensum æquor sulcabant. Pertigit ad vsq; mænia Urbis eluuius, non sine Morſauæ periculo, quæ in depressioribus sita, iam involui in crescente aqua cæperat.

Ad Suecos reuertor: quorum Aschébergus apud Choynice; Steinbokus Swiecie versus, Douglassus circa Mænum partitis stationibus, subliterant; in summam quo se veteret Rex Polonus intenti. In hos Czarnecius, sparsa per præcursores aduersus famâ, deuolat; ac Tucholiâ in obliquum projectionem instituens, simulansq; propinqui hostis ignorantiam, iter prosequitur, velut recta Gedanum pergeret. Obijcit enim verò contra tendenti Aschembergus legionem. Mille ducentis Steinboci Equitibus iunctam, ac in conferendam manum prouocat, eò flagrantius, quod exacto anno apud Iarossauia à Czarnecio fusus, par pari referre, ac militari talione cladē pēlare niteretur. Sed non ea mens & consilium Czarnecio, ut ex benèplacito hostis pugnaret, amplius è re sua ducenti, si præferocem & pugna auidum, protelato certamine differret. Itaq; declinando congressū per cōpendia viarum modo, concitato cursu abibat, rursus in speciem respirantis, de die subsistebat, parato in conflictū agmine, & seu eundum, seu pugnandum esset, pariter expedito. Sensit artem & ingenium Steinbokus; quid enim erat prælium destinare & progredi, pugnare velle & continuo cursu lassari, in longinqua rapi & à suis abduci, nisi militare veterani stratagemma, quo elicere partem à toto contenderet, ac abreptis æstu, pugna promptioribus; dispartitis Succorum vires, omnibus impar, singulos diuisim conideret. Itaq; haud impediti abeuntis iter volebat; diuersa Douglassij ac complurium Tribunorum opinione, omnino fugere aduersarium iudicantibus, ubi supra vires suas potentiam Suecorū intellexisset. Nec sanè tendentis celeritas, multum à fuga aberat, cum decem milliaria per diem conficere minus esset, equis

1657. equis Polonorum in pertinacem cursum asuefactis: mole-  
stum imò arduum insequentibus Suecis, (nam præualuerat  
consilium insequendi) apud quos grandiores equi, pedibus  
crassis, ac pernecitate nulla, in cōcitatiorem gressum impulsi, lassitudine protinus succumbebant; etiam denso frigore  
cænosa viarum congelante, per prædura terræ fragmina exculsis soleis incedēdo, cespitabant aut prouoluebantur. Ad  
hæc ex præcedendi ratione, quâ ibant nostri, repertos com-  
meatus quos non absumpsissent corrumpēbant, sequacibus  
conculcata tantum stramina, aut semefas fruges relin-  
do. Obnixè tamen insequēbatur Sueci, futurum fore iu-  
dicantes, ubi in traiectum, aut angustias loci, vel demum ad  
ripam Vistulæ propulsum agmen deueniret, mox omnis ef-  
fugij præclusa possibilitate, velut aues visco hærentes circū,  
ueniendum. Ita conſectatorio curriculo pererrata Prussia  
demum in Mazouiam utriq; deuenire. Plocko celebris  
sede Episcopali Ciuitas in ripa Vistulæ iacet, diffusa in im-  
mensum alluentis amnis latitudine, nec minori profunditate,  
quæ patet ex facili nauium frumento onustarum decursu, et-  
iam siccissimo anni tempore. Hic, accensis quo species  
pernoctantium maneret in statione ignib; maiorē noctis  
partē quietus substitit Czarnecius; ast primo diluculo non  
rapiditatem ac cæcas profundī amnis voragines, non repi-  
das nocturnis frigoribus aquas moratus, cohortes flumen in-  
gredi iubet: tertio iam tranandi amnes experimentum da-  
turus (Pilcam apud Warkam Wieprum apud Golsab equis  
transmiserat) iam nunc velut exercitā nandi dexteritate pa-  
lam ostendit, haudquaquam metui à se insequentes, qui ob-  
stantia elementa superaret. Plurimis horrore vndarum im-  
mensæ latitudinis spatia, mulci spem enatandi ob profunditatem  
alvei consumpserant, cum efficax incitamentum faci-  
noris Dux ipse signis præuius, impulsu calcarium equum  
in vastissimum flumen agit. Deerat hortamentis verborū  
tempus, suppleuit opere cunctos antegressus; cum non tam  
validè præcepta in bello trahant, quàm intrepidè discrimina  
Cc. in



<sup>1657</sup> in oculis militum occupantium Ducum exempla, stimulus audaciæ existant. Inalbescebat cælum, cum secutis, Ducatorem cohortibus, ac equorum beneficio in altum progressis, iam signiferi rotatis super aquas vexillis militariter ludebant, Tubicines buccinis occinebant, alij pias cationes modulabatur; complures remissis frænis, voce aut palpo manus, admonebant equos, pertinacis in ulteriorem ripam natatis. Eo modo (quatuor nonnisi ex gregariis, imbecillioribus in enatandum equis, absorpsere vortices) superatum flumen est. Vbi adulta dies, Sueci inuolutam rete prædam censentes, omni virium connisu assultu festinant, mox in aduersa ripa conspectis Polonorum signis, tam celerem amnis traiectionem mirantur & fremunt; demum & ipsi conquisitis pontonibus consequi parant, non iniusto metu, ne ulteriori Vistulæ ripa subsistentes Suecos repentinus hostis inuolueret, aut noxia celeritate Prusiam Ducalè popularetur.

Per id temporis Paulus Sapieha Palatinus Wilnensis, armorum per Lithuaniam Præfectus, Tykocinum arcem CCC. Suecis infessam, & in qua tunc defuncti Radiuilli Vxor cum familia degeret, dum non suavis, nec honestæ conditiones in dedendum locum inclinant, summa vi oppugnavit. Hunc, ut secum iunctus occurreret Casimiro, sollicitavit Czarnecius, sed is neutiquam Tykocinum, nisi deditum aut captum, relinquere conatus; in adultum usque Martium obsidionem cōtinuavit: eo demum fine terminatam, ut Tribunus Erskienus retinendum fore locum diffidens, defosso subitus murorum fundamenta pyrio, (qui mos Suecis) arcem maiori parte euerteret. Fama erat disperisse hic pluribus sæculis congestam Radiuillorum opulentiam; imo quod mirè, nuper defuncti Ianussij Ducis Palatini Vilnensis corpus dilato tantisper funere flammis è pyrio in sublime datum, rogi inuenisse in nubibus. At Czarnecius, dum Sueci amne traijciunt, tridui morâ refeito milite, ad extremum usque Mazouiae limitè deflectens, subitarijs congressibus iam ad Chotzele pagum, iam ad Działdowum oppidum Electorali milite qui

occur-

occurrerat disperso, eadem celeritate, rursus superato Vistula tandem ad Derlauiam penetrauit, ut sic destinati cursus agonem Gedanum veniens, consummaret. Sanè non ingratus hospes sero diei Urbem veniens, cum facibus ad fores Regiæ, ab effusa & lætante plebe Urbica deductus. Demissè dum salutat Regem, in eum memorant sensum prolocutum. *Aprima iuuenta ad hanc canitiem, sub Patria, Fratris, Tuique Regum meorum auspicijs miles, iam nunc in censum publici cursoris transcriptus, ad Te Ser. Rex, ut quæ in visceribus Patria nostra agerentur, relatū venio. Utinam lætiora adferre, nondum malis Polonia fatiatā fortunā permisisset, & tot aduersa, perpeffi, tandem aliquādo grata pacis vicissitudine recrearemur. Ast, nec dum sudum aëris horisonti nostro redit, & præter violentiam Aquilonis tempestatem, recens à Carpatijs montibus procella Poloniam exagitat. Siquidem vomica & probrum Christianitatis Ragocius, nullā causā, nullo demerito, hostiliter Regnum inuadit, & perditissimam gentium colluuiem in rapinas & cedes trahens, omnem oram Poloniae ferro & igne populatur. Quæ etsi referentibus alijs Tibi nota Rex, huc me tamen Ludouica Regina, non magis salutis tuæ quàm Patria incolumitatis anxia, huc Primas atque Procures Regni delegauere, quominus in nouissimo discrimine laboranti Patria in succursum adesse velis, rogaturum. Equidem modò, sospes adsis, iniquiore astro transacta praelia viriute corrigemus, sicubi lapsi aut vacillauimus, resumptis animis iterato pensabimus, abolebimusque, vel præfenti morte clades & dedecora: etsi quidquid hoc biennio deterrius actum, magis id malignitate Fati, quàm ignauia nostra contigerit. Ergo Rex Ser. ut redeas, Regina coniunx & Senatus & vniuersa Patria à te impetrari æquum censet, ut te Duce & auspice, destinatam furori gentium Patriam viriliter vindicare, & fumantis Poloniae bustum, sanguine hostili restinguere valeamus. Hæc militariter, melior bellator quàm orator, præfisse suo more dixit; inerat quippe asperior pronuntiatio ex læsione palati à vulnere, quo per vtramque genam globo olim traiectus fuerat. Sub noctem Rex adhibitis in consilium*

Cc2

qui



1657. qui ad latus, in arcano decrevit abitum in Regnum, non ultra triduum differendum; sparso interim de industria per Urbem rumore, Czarnecium Lithuanicis copiis iunctum, in citeriorem Pomeraniam ducturum. Ergo necessarijs in viam ordinatis, ac Christophoro Grodzicki tunc rei armamentariæ Præfecto, in Prussia relicto, Rex, confirmatis in fide Magistratu Populoq; Gedanensi, ab Urbe discessit: præmisso in antecessum cum septem turmis Woynilouicio, ut is versus Hauptum progressus, Mariæburgensi Insulæ adiacentes pagos popularetur, velut subsequenti Exercitus præcursor. Consecutus frontem tenuit Czarnecius, cum nouem turmis Equestribus; medio agmine institit Rex binis hastatorum signis septus; postremum agmen in recessu Illustrissimo Vexillifero Regni moderante. Exiles sanè si aperto Marte depugnandum foret vix trium Millium copiar: sed ex necessitate multum pro defensione tanti commisi ausuræ, & veteranorum Ducum ingenio & fortuna præualidæ. Ita, accelerato per Pomerelliam itinere, nulla cuiusquam impetitione, aut occurso: & quod mirum dormitantibus Suecorum Chiliarchis Calissium Rex penetrauit, donec inde Czeszochouia, ubi tunc cum Senatu Regina sisteretur. Dei opus erat, inter tot laqueos incolumem euasisse; qui, etsi Gedani propria & fida Urbe liber, at extra Urbem, omni intercluso passu, velut in custodia à Suecis tenebatur: utq; dici non ineptè posset, in libertate captiuum, & in captiuitate liberum extitisse. Czeszochouia summo gaudio exceptus, quodq; desperatam aduentus famam sine noxa præuenisset, lætabundi omnes gratulabantur. Complures è Senatu hic compererat, nempe Ioannem Tarnowski Archiepiscopum Leopoliensem, Florianum Czartoryski Cuiuiensem, Ioannem Zawisza Vilnensem Episcopos, Vladislaum Myszkowski Cracouiensem, Ioannem Leszczynski Posnaniensem, Ioannem Tarlo Lublinensem, Hieronimum Wierzbowski Brzeszensem Palatinos: Castellanus præterea Woynicensis, Ioannem Wielopolski, ac Boguslaum Leszczynski Thesaurarium

1657. rarium Regni, Legationi Viennensi destinatos; Primatē, in quo tum consiliorum vis, ob inueteritudinem ex podagra, absente. Cæpto dein consilio, superuenēre, Ioannes Warszycki Castellanus Crac:, ac Georgius Lubomirski Marschallus Regni, præter sigillorum Præsides: proposita deliberationis Thesi. Spem pacificationis Sueco abrupte, ut qui pro solita phrænesi nimium sibi fidens, adæquatis conditionibus in deponenda arma flecti nolit; apud Moschum pro pace & præsentibus auxilijs agendum. Hunc quippe in dogmatibus religionis facilius conciliari posse Ecclesiæ Romanæ; tum plurimum ad rem facere, si in Liuoniam auersione belli & Lithuanie euacuatione cooperatur. Assensu omnium excepta propositio, missusq; confestim Ioannes Szomowski Opocznenis Præfectus, explorando Ducis animo: quominus ineunte Majo Legatos mitteret, de conditionibus ponendorū armorū disceptaturos, sicq; concluso tractatu inter finitimas gentes non ingratum bello finem imposituros.

Vnum porro necessarium erat, ut promissis vndecunq; auxilijs, inopia publica aliquo modo subleuaretur, Aerario Regni cessantibus contributionibus vacuo omnino & ænerui; quia istæ sine Comitijs indici non solent: Comitia haberi nequibant, ac licet si necessitate legem frangente indiceretur tributum, nullatenus dum hostis ubiq; grassatur exigi poterat. Patrimonium Principis, quod apud externos apennagium, nos Oeconomias ac bona mensæ Regiæ dicimus, planè auersum bello conciderat; Salis fodinæ, magnæ arcis Cracouiensis Procuratio, Præfecturæ Prusiæ, hostium in manu habitæ; officinæ nummulariæ, Teloneæ, ac vectigalia sublata; mercaturæ rationes interuersæ, agricultura squallentibus aruis rara, tum intercluso Vistulâ, nulla frugū in Balthicum exportatio. Vnde depleta re nummaria, ne in nomen quidem mutui sumere afflictæ permittebat fides, desperata solutione dare abnuentibus in mutuum Creditoribus; simul omnium indigos diuersa premebant mala, publicam egestatem communi causante calamitate: cum pecunia



1657. cunia, non stimulus tantum belli, sed elementum quoddam habeatur. Inter subleuandi aerarii media, instituta contributio fuit, (Accyza) ab omnibus quae in escam vertuntur, & potabilibus liquoribus; ut Trigesium Floreni grossum, ultimus consumens penderet. Prærogatiua generis ambigentibus venum exposita, scilicet qui à fundendo suo vel hostili sanguine (mos maiorum erat virtute ea parare decora) abhorrent, exhibito quod condictum esset pretio, uti ad Ius Nobilitatis admitterentur. Indicta quinetiam geminatis Restium literis publica Expeditio, stimulat submontani agrestes, quominus arborum concedibus, viarum angustias per Carpathum obsepirent, hinc inde commeanti Transylvano claustra obiecturi, aliasque ex usu praesentis.

Eodem temporis, humanis excessit Stanislaus Landzkronski Terrarum Russiae Palatinus, Campestris Exercituum Dux, sexagesimum prope ætatis annum attingens. Incluserat bello Vkraynensi in quaeris pericula promptus, etsi variante ut solet fortunâ, animo semper idem. Tiszouecensis Confederationis pro autore magna parte audiit, popularis saepe apud militem dum spe alliciens multa promittit, crebrius ingratus, dum nihil præstat. Zwanecensi expeditione Regimen Exercitus adeptus, apud Casimirum opinione virtutis, & gratiâ floruit. Secessus militaris ad Cracouiam, multum auctoritati eius detraxisse visus, tanquam coercendo militi impar esset; imo quod Tyrawski ac Pracki cohortis eius commilitones, seditiosi cætus capita haberentur, connuentiæ imputatum. In congressu cum Suecis apud Woyniciû propè captus, ægrè manus hostium euasit; Warsauiensi prælio animo magis suo, quam priori in bellis fortunæ respondit. Campiducis, morte vacans munus, delatum Georgio Lubomirski Regni Mareschallo; Palatina Russiae dignitas, cum Koweleni ac Ratnensi amplo reditu Præfecturis, Czarnecio Kijouiensi Castellano cessere: si recentia Heroumerita æstimas, minus adæquatum excellentissimis ueriusque virtutibus præmium. Etiam Iacobus Weyher Palatinus

Mariae.

Marieburgensis obiit, priscâ integritate & spectatae inter arma industriæ Heros. 1657.

Finito Rex Senatus consilio Czesztochouiae, mutandi aeris causa Dankouiam profectus est, quod locus amœno situ & aurâ salubri placeret; ubi Stanislaus Warszycki Castellanus Cracouiensis loci Dominus, haud vulgari humanitate Regem excepit, & tractauit: necessarijs è penu priuato largè suppeditatis, etiam notabili pecuniæ summa tanto hospiti gratificatus. Debita eximio Senatori laus, ex liberaliter habito Rege, Regique eo gravior fuit, quod Warszycius adhuc dum à Zigismundo III. Patre in Senatum adscitus, ne micâ quidem è panis Reip: in eam diem participauerat. Neque illud extra encomium, toto Suecorum bello, non extra limitem Regni digressum, non in partes hostium vlla arte traductum, aut se Protectioni & oblatis fauoribus insinuantem, inter externorum ludibria, & Suecorum iniurias circumspicere versando, probi Senatoris officium impleuisse, etsi notabili bonorum iacturâ.

Ragocia exinde magis destinata hostilitate quam amicitia læsa ferox, superato apud Opatouecium Vistula, rectâ Cracouiam, Hebdomade magnâ appulit; præmonito literis Wirtio Urbis Gubernatore à Carolo Sueco, ut venientem intra Metropolim admittens, præsidio Hungarorum permetteret firmandam. Sed idem arcanis codicillis iuebatur, Arcem sollicitè retinere, iam si uolet intrare Princeps, velut hospitem, & cum tolerabili familiarium comitatu, intromittendum. In diem XXVIII, Martij ingressus in Urbem Ragocy incidebat; is etsi pluuius ac nubiloso cælo fædus, solē nem nihilominus pompâ Hungari eo modo instituere. Præibant longo ordine cohortes, dein ut quisque splendidior eques, penulatus incessit: post primores militiæ, Princeps ipse leuigi carpento uehebatur confessoribus Sueci Regis Legato, ac Stanislawscio Haliciense Vexillifero. Ab ortu præiacet Urbi protensa planicies, quam campum iaculatorium (Strzelnica) vocant, quod hic, pro Urbica militia, ad colliman-



1612. mādā ē sclopetis metam artis exercitium, ac publica quādam libratorum palæstra habeatur. Eius campi medium trasuectus Ragocius, occurrentem Wirrium excipere intendebat, cum repente horribili fragore immugit cælum & astra detonant, mox collis vehementer nubibus vibratum fulmen, adequitātem rhedæ armigerum prostermit, exanimatq;: quo item cælesti igne consternati sciuges, non frānis regi aut cohiberi, imo excusso peruicaciter aurigarum moderamine, per abruptas viarum orbitas vagi, currū non sine insidentium periculo, præcipitabant in lapsum. Currui adstites, aut qui ponē in comitatu erant, haud ferebant auxilium, siue proprio metu attoniti, siue insperati atrocitas periculi, animum torpentibus eripuerat. Ragocius ex afflatu obfurdescens dum ē curru in terram proflit, adeo violenter ad terram allisus & concussus fuit, vt pollicem dexterae manus luxaret. Sub hæc prodibat Urbis Gubernator, dumq; in tempus ferocia equorum, & consternatio animorum componitur, officiosē in Urbem inuitauit, molestissima imbre, longa præmia, etiam nouitate casus præcidente. Ita confusa ingressus pompā, Urbem introijt Ragocius, vbi triūdo hospitatus, in præsidium lanussum Bethlenum cum binis Millibus Hungarorum relinquens, breui mora, ipso nempe Sabbatho magno Paschatis peruigilio Pinczouiam versus cōtendit. Siquidem Carolus Sueciæ Rex, lustrato apud Louicium Exercitu, in intima Regni acceleratis passibus deueniebat, nouissima vt existimauit ipse belli opera, defungi intrādens: taliq; socio, & qui ultra Decebalī fortunam rei Poloniæ malleus esset, confestim iungendus. Formidolosa sanē coniunctio, tergeminos hostes in Poloniam fæderari, ac velut Trigono Martis, ne vnus quidem impetitioni sufficentem percelli, vel ipsis Colligatis Principibus adeo properē triumphum canentibus, vt vbi excidium nostri ad inuicem condixissent, iam Regni Prouincias se velut cohæredes partirentur: in eum modum exdiuisione facta, vti Minor Polonia cum Rursia, Mazouia, Podlachia, in sortē Trā-

sylua:

1617. syluano cederet, omni Vkraynā appendicis loco eidem adiectā; Electori Maior Polonia, Brestensis, Siradiensis, Lanciciensis Palatinatuum latifundia, pro se diuisor Rex retinebat Prussiam, Pomeraniam, Casubios, & quidquid eo tractu ad ipsum Balthici maris litus extenditur. Lithuania velut Moschi quoq; ratio haberetur extra sortē posita mansit, etsi ambigui qui non sua partirentur essent, an corruualis iste vniuerso Regno inhians, assignata portione acquiescere vellet. Ita tunc herciscundæ Poloniæ rationes in diuiduū ibant, si modò vt sortiri aliena, ita malè parta retinere, inuito Deo licuisset.

Sandomiriensi tractu propè Opatouiam Carolo Sueco & Transyluano congressis, binosq; Exercitus ad inuicē iungentibus, vtriq; explosis pro more bellatorum machinis inuicem se salutauere: gētes disciplinā, habitu, ingenio, inter se difformes, ne in Religione quidem vnus sensus aut cultus, nisi quatenus confirmi in Ecclesiam Catholicam odio conspirarent. Tranato Istula per Lublinatem agrum, Leopolim versus iter destinatum, subinde emergēte rumore Zamoscium peti, Carolo in liberationem Wittembergij, qui isthic in custodia teneretur, enixē contendente. Nec aberrabat à vero fama, siquidē haud multum à via deflectere iudicans Suecus, summo animi ardore Zamoscium iter conuertit, arduam quidem expugnatu Urbem, quod superiori anno expertus, & nunc festinatas curas remoraturam; at saltem ciuiliioribus medijs experiundo hæredis Zamoscij animo, vt in liberationem detentorum Polemarchorum assentiretur. Quem in antecessum per literas Georgius Niemierzycz Kijouiensis Succamerarius, veteris familiaritatis fiducia, in eum lensum conueniebat. *Excelsum animum, nec à Maiorum claritudine degenerem, indolem tuam Zamosci, si quis vnquam magni facit, certè Ser. Sueciæ Rex, eximijs Heroibus semper amicus Princeps, ac virtutem etiam in hoste solitus aestimare. Aucta tibi in immensum gloria, ex liberali Praefectorum Sueticorū tractatione, qui contra omne fas intercepti Varsauia, apud te*

Dd.

desi.



detinentur. Iniquitatem certe carceris, subleuas humanitatis officio, & dum in praesens calamitosi tractabile te exhibes, abunde gratitudinem mereris. Ac ut intelligas, meritum a munifico Rege rependi velle; ut omnia quae tibi hereditaria ditio est, a rapinis licentiaque, praetereuntium Exercituum immunis existat, datis qui noxam auerruncant (salua Guardia) prospexisse. Iterum quippe Suecorum Hungarorumque Exercitus, victoriarum cursu Regnum hoc peragrat, & nisi Poloni incolumitatem suam odisse desinunt, numerosarum gentium armis obruendi. Quippe Casimirus extorris Regno nusquam certo loco consistit, Exercitus Polonos victor praeseagit, subsidia externorum nulla comparat, resistendi possibilitas omnis praecisa manet, & nihil spei reliquum, nisi quantum ex victorum clementia obtineri liceat. Hac ergo tibi Zamosci utendum est, ad coram Serenae Regem, ac eos quos in detentione habes Suecorum Praefectos, maiori generositate sistere, quam eos Casimirus contra datam fidem intercepisset. Responsum a Zamoscio. Litterae, quas a te Niemierycz accepi, haud dissentiant ab animo auctoris, ut qui communis Patria desertor, in simile flagitium alios corrumpi velis. Illibatam tamen, nec ullis fauorū crepundijs, aut aduersorū terriculamentis conuellendam fidem meam scito. Etiam scribere mihi amplius desine, nisi meliori actu deserta Patria probrum eluis; non aliter responsi, vices obtenturus. Ex animo siquidem a talium consortio abhorreo, qui viscera Patria viperarum instar lacerant. Quantum ad detentos Suecos, non nisi ad arbitrium & mandatum solius Casimiri aequè sibi ac Niemiericio legitimi Regis teneri dimittendos sed iam istos pro vadimonio fore, si quae patrimonio suo ab hostibus inferitur noxa aut detrimentum, non aliter posthac libertati nisi damno compensato restituendos esse. Sic requisitionis spem ulteriore animosum scriptum praecidit, ut omisis Urbis, & intro existentis Heri tentamentis, in Lithuaniam hostiles Exercitus profectionem instituerint.

Cur autem Lithuania peteretur; ratio consilij posthac patuit. Suecus in cuius arbitrio totum se Ragocius dabat, nimia promittendo, & praesentia in suum commodum vertens,

enixe

enixe metuebat Liunionem, quam exacto anno Moschus obseilla Rigam afflixerat; praeuidebat nimirum haudquaquam ex voto in Polonia se belligeraturum, si formidolosa poteris vicini impetitione, retro abstrahitur; ac inutiles lauros fore quos peregre parauisset, si domi & in proprijs ditionibus perichreatur. Itaque, facilius trahendum in partes aduersarium existimans, ubi in eas vires eualuisset Colligatorum robur cerneret, in Lithuaniam tetendit, vel hostem inibi reperturus Moschum, vel amicum redditurus. Brestiae (Brzescie) Lithuanorum aliqui conuenerant ex nostris, quod & Moschorum internuntios venire rumor tulit, & mox submitenda contra Suecum auxilia promittebantur. Id certis relationibus accipiens Carolus, praeuenire consilia, consultoresque dissipare desiderabat, cum spes, subesset si primo occursum Colligati vires ostentarent & animos, facilius posthac Moschum ad ineundae pacis leges descensurum: & Exercitus Polonus aperto certamine impar, obliquis per Podlachiam diuerticulis, congressum aut praedium, plane declinaret. Certe recedebat, sed identidem opportunitatem rei bene gerendae circumspiciens; ac ita subductis in longinqua Colligatorum armis, datum tempus Czarnecio fuit, quominus in Poloniam retro cum suis abiret, & Mareschallus cum Vexillifero Regni in Transylvaniam hostiliter incurrerent: prior ut Casimiro Regi vocatus assisteret; isti talionis iure iniuriam reposituri, grauem Poloniae Transylvanum ad defendendam propria auertendo, solito belli more, quominus Carthaginem propugnaturus ab Italia Annibal detraheretur.

Brestia, inter Bugi ac Muchawiec amnium confluentes, loco admodum palustri sita est, nisi quod tunc nec operibus, nec a re frumentaria quantum satis prouisa existeret, Frequens intro populus, ex municipibus conuenisque, sed numerus magis quam praesidium, qui ubi fossae exteriores primo incursum superatae, & depresso situ oppidum adictus machinarum patefecit, metu ne pyrobolarium globorum iactu incende-

D d 2

rentur



1657. rentur ædificia, solū ostentato assuleu terrefacti incolæ in breui locum deditere, tantū, ut vitæ & bona incolumita- essent, quæ utraq; promissa, mox abruptâ fide, seruatū ni- hil. Iam quippe à socijs Hungaris & Sueci condiscabant inconstantiam, & æmulabantur crudelitatem. Subinde Arci Præfectus in deditiōem inclinavit, quamvis ab initio maiorem animi firmitudinem præsidarij (quadringenti erant) ostendissent, triduo hostem sustinendo. Hinc Sueco indignatio, ut Præfecto Præsidij obnuntiari iusserit, nisi in- eptus strenuitatis ostentator locum protinus tradit, mox tot mortalibus, quod arce clauderentur, extrema arcessiturum. Qui imperioso mandato fractus, huc flexit, ut arcem arbitrio hostis minantis permitteret, concessa Salua Guardia seu libe- ro com meatu emissus, etsi præsidarijs in abscessu ab Hun- garis miserum in modum mactatis aut spoliatis. Hoc primum Colligatorum armorum facinus extitit, Brestiam subegisse; ad eam si dici meretur Civitatē, Hebraico vel ma- ximè habitatam populo (nam hic priuilegiatū Gymnasiū Apellæ isti habent) obhæsit potentia Europæ formidolosa, Poloniae terribilis; cæpitq; compaginata sensim dissolui machina, non humana aliqua arte aut ingenio, sed Primæ Causa sic volente; ut velut Gyndes fluuius, à Cyro in com- plures riuos diductus euauit deriuatus, ita illa gentiū col- luies, Deo volente terreret coniuncta, diuisa interiret. Re- tinendæ in nomen suum Brestiae Ragocius præsidium reli- quit Hungarorum, Michæle Bakosy sub Gubernatoris no- mine imposito: cætera tanti agminis colluies circumcir- ca discursu facto, passim direptionibus & incendijs cuncta deformabat, etsi, quæ acerbior rapina exerceri potest, illa, quæ in sepulchra & loculos mortuorum grassatur. Varsouiam inde repetendam iudicauere Colligati ex eo, quod Austria- cis auxilijs erectum Casimirum ac contra tendētē, nulli bi- securius excipere possent, quàm in omnem casum præhensa Vistulæ ripa, & promptiori ex fortalitijs Prussiae, ubi opus, subsidiorum accursus. Interim per viam non vsq; læta no-

ualia

1657. ualia ambobus nuntiabantur; Carolo quod Fridericus III Daniae Rex veterum iniuriarum haud immemor, Suetici- luris Prouincias bello aggredieretur, classe infesta Balthicum mare teneret, Bremæ & Mindenſi ditioni immineret, ac pro- pediem armati Exercitus Danorum in Pomeraniam excen- suri sperarentur. Ragocio adferebant nuntij, Mareschallū Lubomirscium in ditiones eius hostiliter irrupisse, & nisi succurrerit quantocius, in Prouincia exermi, ac præter senes imbellemq; sexum penit viris destituta, omnia ferro & igni concidenda. Turcas etiam ægrius ferre, inconsultâ Portâ Ottomanicâ Vassallū, bello vicinæ gentis implicari. Quin iam ægrè inter socios Principes conueniebat, planè sui dis- similes, & diuersa volentes. Caroli quidem arbitrio circa belli progressum, duci se patiebatur Ragocius, quæ iussa, quæ indita pro oraculis accipiens; ast, non vnus genij & climatis mortales, ingens morum animorumq; dissidium exercebat, ut non modo segregari Castris, sed etiam dum- proficiscuntur disiungi agmine expediret. Suecos pabu- latum digressos excutiebant Hungari; iam verò Cosaci, si quid prædæ notabilioris penes istos, trucidabant eripiendo. Vnde in Castris rixæ, tumultus, cædes, sæpius vlciscendi aut repugnandi æstu eo delatis partibus, ut ex priuata offensa exitiabile certamen immineret. Varsouiam ubi ventum, facile Vrbs antecedentibus casibus eneruis in potestatem venit, similiter ut Brestia direptione militari mulctata. Fi- dei Hungarorum se commiserat (nimirum in sortem Tran- syluani ex pacto diuisorio transcripta) cum reclusis Portis vim patitur, qualem expugnata vix pertulisset. Violata, templa, expilatæ Ciuium domus, paucis vitam ferrum in- dulsit, igni quoq; in suburbana sæuitum, ut ne Regio quidē Palatio flammæ pepercerint. Inhumanum planè facinus in dedititios sæuire, etsi ab insolenti milite extra scitum Ra- gocij patratum constiterit, imputatum tamen Principi ne- fas, cum etsi non iussisset, vetare tamē pro imperio debuerat.

Interea mortalitatem expleuit Ferdinandus III Roma-

D d 3

norum



1657. <sup>1657.</sup> norum Imperii, magno Christianitatis, nec minore populorum sibi subiectorum desiderio. Ferdinando II. Patre viuentē Diadema Imperii susceperat, Rex Romanorum Electus Anno CH: 1636. (quod mirēre) inter bella cum Suecis gravissima; obijcientibus Austriacae domus æmulis, legitimæ Electioni ex præscripto Aureæ Bullæ, quæ Carolina dicitur, septimi Electoris defuisse suffragium. E Collegio namq; Electorali Treuirensis Præsul in detentione habitus, suffragio renuntiandi Imp: destituebatur: etsi plurium consensui in inaugurationibus Augustorum eiusmodi, obstare vnus nescio an ex iure potuerit? Initia imperii Ferdinando III. admodum turbulenta contingere, Suetico Marte cuncta per Germaniam usq; deq; permiscere, quas inter bellorum turbas agitatus, pacem animum procurauit, nec tamen studio pacis, omnino à bello abhorrens. Sed præcipua ex pietate laus, quæ peculiaris Austriacorum virtus creditur; & cui plusquam Electorum suffragijs, fortè iam septemdecim Cæsarum laureas, domus ista debeat. Spatium imperandi vnus & viginti anni componebant, quibus ut deterrimo Imperii statu solium inijt, ita sublatus è viuis, tranquillam admodum res, & opima pace florentes reliquit. Ante mortem quadriennio, Ferdinandum IV Filium consortem Imperii præmature fato extinctum cum extulisset, iam tunc Leopoldum Iuniorē Hungariæ ac Bohemiæ sceptris admotum, quominus successorem se viuentē conspiceret, id consilij agitantem mors intercepta. Ab eo auxilia Casimiro Regi promissa intra verba tantum steterē, seu solita vergenti ætati cunctatione, seu pactorum cum Suecis respectu; certè sub mortem indilatè præstanda Filio Leopoldo commendauerat. Qui demum cunctationem Parentis utcunq; sarcijt, ubi Ioannes Leszczyński Palatinus Poznaniensis, ac Ioannes Wielepolski Castellanus Woynicensis Legati, primò dolorem Regis nomine ex obitu optimi Imp: testati, simul decreta ante auxilia, ex fæderum tabulis ut mitterentur, amputatis dilationibus effecere. Igitur sexdecim Millia quæ pedum

quæ

1657. <sup>1657.</sup> quæ Equitū militiæ Austriacæ, ab extremo Silesiæ limite in Poloniam ingressa sunt, sub titulo præstandorū contra Ragocium Transyluanicæ Principem auxiliorum, nam hætenus Sueco parcere visum, obtentu pacis Osnaburgæ post Monasterij cum ea gente initæ, & in speciem retinendæ.

Marius Iaskolski Excubijs Castrorum Præfectus, aliquoties in Tauricam Legati perfunctus munere, ad Turcā tunc expeditus; qui dum limitem Hungaricum transit, ab immissio Prædonum globo exitinere retractus, ad matrem Ragocij Potokum Hungariæ oppidum deductus fuit. Constabat ex inhumana Legati tractatione iura gentium violata; eò magis, quod arcana literarum quæ Ottomano ferebat, contra omne fas latrones eripuissent. Vnde innotescere iniuriā correptam à Basia Silistriæ ob facinus Ragociam, subibat mox pænitentia; excusabatq; factum, à licentiosis hominibus patratum; quod sibi ignorantī nequaquam imputari posset. Res interceptæ prout conquiri potuere reddita conciliatusq; Iaskolscius, à muliere inuidiam facti à se in totum amoliente, ne Turcam irritaret, iam haud occultè indignantem, sine scitu suo Poloniam oppugari: non quod non volupe esset sanguinariæ genti, Christianos cognatis inuicem armis inter se collidentes spectare; ast illigari volebant Transyluanum ingenio & opibus ferocem, hostibus nostris, Sueco præcipuè, qui palam iactaret, quantociū subacta Polonia, totius mox Europæ vires, in Turcam conuersurum. Verior coniectura suberat, ex metu coniunctionis Moschouiticæ; ad aquam extrema necessitate adigi Polonos nequaquam optaret Turca. Sanè res consideratione non indigna. Extremis laborat Polonia, & tot procis in conciliandam amicitiam petitur; ubiq; opem, succursum, commiserationem quærit, nihilominus reperti, qui eneruè formidarēt, & ad incieas redactæ ambirent confidentiā. Tot gentibus inuasa, tot arcium præfidijs grauata, abundat armis & milite, affluit sufficientia annonæ, ut medimnus siliginis exili admodum pretio venunderetur, sola premente rei nummaria



1657. mariæ difficultate. Quò altior indago Moschouiticæ potentia cum Polono iungēdæ, animo Turcæ infidet, eò gratior Iaskolskij Constantinopolim aduentus fuit, & celerior ex mente mittentis expeditio. Auxilia si modo indiget Rex à Barbaris pollicita, Scythæ in rebelles Cosacos animaduertere iussi; Ragocio ni confestim reuocatorijs parens à bello Polonico absistit, priuatio Dominatus interminatur: adeo æternæ Providentiæ est, naufragis portum, elatis casum, depressis salutem, deniq; abiectis desperatisq; firmissimum præstare asyllum.

Ad Cosacos quin etiam, quominus ad frugem & obsequium Maiestatis reduci possent Reip: nomine missus Stanislaus Bieniewski, cum Ludouico Iewlaszowski, ille Woshy-niæ, hic Smolenscensis Castellani, promptus ingenio prior & exercita facundia, neq; defuit alteri sua dexteritas. Iam Chmielnicius ætate defectum vigor & robur, nondum natura & consuetæ artes deserebant, præsto lachrymæ, sermo resipiscētiā spirans, vix verbum sine aduocatione Nominis, vix colloquium sine debita veneratione Maiestatis, in Patriam zelus, in Conciues officium, palam & sine modo iactata: Moscho interim peruicax adhærebat; Scytharum amicitiam veterem, aut saltem odium recens præsentis pensionē redimebat; nouiter Transyluano in nos bellum adornanti, XII Cosacorū Millibus submissis Exercitum auxerant: quæ omnia Bienieuius iam arguens ut conuiceret, iam dehortans ut pæniteret, iam stimulans ut in spem clementiæ adduceret, quantum verbis valuit, eleuare non destitit. Ad quæ Chmielnicius reponebat. Precarium sibi in Cosacos regimen, apud quos quot capita tot sensus essent, partes & obsequium Moschi Plebem amplexam, huc consensu populari tractū se, quia vnus cunctis resistere non posset. Ragocio iungi nunquam sibi placitum, veteri Cosacorum hosti, & suo filicidæ. Quod Antonius ac Zelenecki exleges ac aduersum sua imperia contumaces, in causam apertè descendierint, improbrari à se factum, imò pro capitali crimi-

1657. ne puniturum, & reuocandos protinùs, si modo sceleratis hominibus maneret aliqua imperij militaris reuerentia. Ad Moschi patrociniū quod attinet. Arcta iurisiurandi religione deuinctum se Mag: Duci, nec expedire ut vno pede in cymba Charontis stando, violatione iuramenti cælestes irritaret. *Ast tuear (inquit) ego in extrema vita integram fidem? Georgium autem Filium meum, si in hunc Rex transfert suo iure regimen Exercitus Zaporoscensis, nulla religio pro legitimo domino stare prohibebit: ac dum in obsequia Regis annis effectus senex non sufficio, ast hic (Filium monstrans) iuuenis, fide & meritis militaribus promerebitur Maiestatem. Idq; sine disgratia Moschi fieri poterit, ut quem ego stabili obsequio, etiā vos diademate Regio, ut publicus fert rumor ornandum, indicastis.* Dein ad Antonium Cosacorum Tribunum reuocatorias dedit, nisi mandatis paret, spreti imperij nefas, capite expiaturum minitans.

Varsoviæ, quæ à geminis hostibus miserum in modum tractatā, Carolus Rex cum Ragocio in concilium præcipuos utriusq; militiæ Proceres vocauit, præfatus de rebus summi momenti acturum: mira indole Princeps, & nusquam in specie laxior, nisi, cum aduersis pulsaretur. Arrecti omnes expectabant, renidenti ori conformia audire, cum ille obuersus ad Ragocium infit: *Iamverò debitam exdiuisa Polonia sortem, communi nostrum Marte euictam ac possessam, fausto omine cape, amice ac Princeps Celsissime. Aduersarios victricibus armis repulimus, Regnum Polonia infestis signis peragravimus, Exercitus hostiles fracti aut dissipati, Vrbes capte, alia præsidijs inissa, nemine se ultra opponente cunctis imbellia fatentur; quid ni iure nostro utimur, vsucapione acquisita in eundo? cum ex infallibili regula iuris, quod nullius est, occupantis sit.* Si ergo sciuius vincere, neq; victoria uti ignoremus: His præmissis, tu quam places viam inibi Princeps Cel:, ego me in Prussiam dabo, malenolis victoriarum mearum cursum iniquissimè obstruentibus, arma oppositurus. Steinboch interea te, cum selecta Suetici Exercitus parte, comitabitur; facturum o-



<sup>1657</sup> *omnia quod è re & imperio tuo fuerit: sic licet disuncti, pro communi societatis bono insimul agemus, ut rursus compositi à latere difficultatibus, validius adinuicem coniungamur.* Accepit ea Ragocius (tàm læuiter promptus, quam timere facilis) ne intima animi sensa proderet, ore in elaboratam firmitudinem composito, gratiasq; obiter egit tractatæ in eam diem societatis, et si retinendæ in posterum anxius; unde responsum formanti dum fluctuat animus, & verba in respondendum desunt, tractum curiosis omen, valedicere deinceps non salutaturum. Quippe, cor etsi fibrarum munitis ac pectoris muro inclusum, commotio interna affligit vel maximè: hinc palpitando prodit intrinsecas passionis. Quo non sine cordolio Ragocius ægerrimè tulit, commilitonem Regem abstrahi repentino abitu in longinqua, ferò vel nunquam rediturum: sibi interim à fronte Cæsaris militiam, & quadristariam diuiso Exercitu Polono, Ducis gentis vndiq; circumfundi. Hungariam quinetiam quæ sua est, incendijs fumare & desolari, non à Polonis modò quos læsisset, sed à Weselino quoq; Palatino populari & affine suo, spreti moniti Cæsarei iniuriam vlciscente. In relictò Suecorum subsidio exilem restare spem, quorum Steinbokus duo quidem millia numeraret, istamen ægrè vnum Mille in campo complerent, raro sub signis milite; quid si subsidium id euanesceat, ac Germanus miles externi imperij fastidio, aut commilitij Hungarorum pertæsus, sensim dilaberetur? actò de se, & ex disuncto periclitaturum velut nauem, quæ integrata, diuisa mergitur: fanè vera sed sera, in considerationem veniebant, quæ tamen sub abitum ex Transyluania maturius perpendisset.

Subsistente Casimiro Dankouiæ, quod Warfzycciz Familiz fortalicium est, Austriacus miles limitem Regni intrauit: Hatsfeldius Comes, Montecuculi, Zuza, Sparrius, Buchaymus, Heysterus, Succhius &c: Præfecti, sub Generalium aut Tribunorum nomine. Quos Rex salutatum admissos, dein conuiuio adhibitos, magnificè tractari voluit, etiam

am transeuntibus legionibus luculenter præbito commeatu, quem proximioris tractus suppeditabat Nobilitas, data repouendi pretij post bellum cautione. Exhibitum id auxilium à Leopoldo recens inaugurato Hungariæ Rege, rem diu desideratam, pro peculiari officiositate multi accipiebant; etsi quibus penitior rerum intelligendarum sensus, plurimo constitutum succursum, in præsens gratum, mox grauaminosum, prudenti coniectura dispungerent: ex eo vel maximè, quòd Salinæ Wielicenses, præcipuus mensæ Regiæ prouentus, ex nunc conuentionaliter hypothecatæ seu pignori traditæ forent, quoad pro expensis belli parti auxiliati satisfaceret; quin etiam summæ Neapolitanæ in vadimonium eius Crediti cedebant, proueniente censu in fiscum Cæsareum tantisper inferendo. Constitit ad præduras condiciones Legatos nostros reclamasse Viennæ, dum Austriaci Ministri minus liberali pactione ad priuatum commodum velificati, nulla afflictis ac planè exsuccis Regni cõmiseratione ducuntur. Ast Casimirus, animi etiam inter fortunæ angustias retinens, ut assentirentur perscripserat, identidem dictitans, satius partem pro toto dare, & intempus cum indigentia conflictari, quàm pro semper miserum esse.

Bello gerendo accinctus Rex, in Clarum Montem primum diuertit, (die IX Iunii) quassatæ fortunæ asyllum loco sacro quærens, & tot ærumnis solatium; etiam expertus humana subsidia tarda, & futilem in mortali ope confidentiam; recurritq; per preces ad DEIPARAM, in cuius manu Filius ille teneatur, per quem Reges regnant, & Regna de gente in gentem transferuntur. Vbi constitit Suecum ab Hungaris disunctum, & Ragocium nihil magis quàm retrò abscessum meditari, iamq; non expectato donec pons construere-  
tur, apud Zawichostum quæ pontonibus quæ nando in celeriore abitu traicere. Vistulam protinus ad insequendum hostem Casimirus Rex mouit; præmissis leuioris armaturæ cohortibus, quæ abeunti imminentes ac tergum carpentes, regressum Hungarorum donec ipse superuenit



1657. tantisper distinerent. Ipse mox cum graui Germanorum agmine subsecutus, copias ad Pinczouia Marchionum sedē, explicat, & in subigendam ex itinere contendit. Oppidū in ripa Nidæ fluuij loco amæno iacet, Arcem in eminenti cli-uo sitam Nicolaus Gnoinski haud obscuris Patritius natalib; sed leue & turbulentum caput, Quingentis mixtim Suecis ac Hungaris tuebatur, subeuntesq; Germanos primò animosè sustinuit; ast vbi ad D. Annæ sacellum suggestus erigi, tormenta locari, & nihil quod impressionem moraretur intermitteri videt, haud cunctatè locum dedit, abiitq; emissus; etsi seueritatis exemplum in eo statuere Czarnecius maxime vellet, cum in dimittendo præualeret Regis conniuentia; non tamen rigidior Dux impunè tulit popularium contumaciā illudi Regiæ benignitati: Siquidem interceptos qui occultas literas ad Wirtium ferebant, Szlichtyngum ac alterum Nobiles Arrianos, iudicio militari damnatos, apud Michałow pagum laqueo strangulari iusserat, nulla passus intercessione pœnam mitigari, ex condigno disciplinæ militaris retinens, & aduersus flagitia indeprecabilis. Traiecto interim Vistula Hungari, omnia in præcipitem abitum maturabant, impedimenta castrensia quæ recedentibus oneri cremata, machinæ lacunis mersæ, commeatus in aquas præcipitati, morbidi deserti, captiui obtruncati, potiora tantum quibus ex meliori metallo præcium spolia, clitelarijs iumentis, aut sinu abdita, relictis passim curribus, in viam nullo ordine rapiebant. Horum cum Czarnecio cohortes Polonæ, apud Solec superato flumine, tergo abeuntium insistent, vel à lateribus assulant, ut numero impares, sic animo flagrant, ac sæpius expertæ, à metuente in viam tantū quā fugeret intendi oculos, non in eos qui insequerentur. Accessit dein Generalis Potocius à Sokalo veniens; tum Hilarius Polubinski Notarius Campestris cum Lithuanorum Tribus Mill: sinistrum latus iam fluctuātis hostis vndiq; premendo: si flumen, sylua, traiectus, aut loci angustia occurrerent in via, subitarijs incursum pugnatum, passim cædes, & vc.

1657. & vestigia retrouertentium cadaueribus constrata. Reficiendo ex via militi apud Magierow subsisterat Transylvanus, cum ne dimidiæ horulæ spatio permissa quiete, ingruunt Poloni, resistere ausos dispellunt fugantq; reliquis subitum terrorem incutientes. Apparebat facile hic fundi, ac semicinctos interneciuè deleri potuisse, nisi Kimenius cum Equite aggerem stagni prior occupasset, quem suis ut omni nisu hosti præriperent Czarnecius mandauerat. Quod dum acerrimè expediunt, in ipso capite molis, traiectus globo occumbit Ioachimus Lacki Myszkouianæ cohortis Loricatorum Optio, lethali vulnere, loco tamen haud decedens, donec animam efflasset: pensata iactura ultra Mille Hungarorum cædes; funesto experimento in diem XI. Iulij incidente, quo præda ingens Polonis recuperata, media parte impedimentorum multato Transylvano actunc, si quando, verificato illo biblico ænigmate, de comedente exiisse cibū, vbi prædator hostis in rapinam venit.

Ostendebat nihilominus abiens ordinati agminis Ragocius speciem, cum iterum ad Rozwolence fusus, sensim animo concideret, Hungaris metu & inedia fatiscentibus, Cosacis tergum & effugium respectantibus; sed maximā desperationis causā, vbi Hanum Crimensem cum numerosis Scytharum copijs superuenire inaudisset, hinc nouissimo casu consternatus, in ipso periculi limine spem salutis omnē consumpserat, antequam periclitaretur. Erratum præterea ab illo, (vti accidit corrumpi cōsilia dum nouissima instāt) quod cum Montana versūs tutior regrēdienti tractus esset, planè læua mente in campestria Wolhyniæ abduci se pateretur, donec ad Nigrum Ostrouum deflecteret. Hic tandem quid de perituro Exercitu sequior constituisset fortuna, explicare decreuit. Ab læua Miedzybozum arx Sieniauiæ Domus erat, ex aduerso Deraznia flumen, vadis fallacibus imperuium, & angusto ponte vix sextidui mora superandū, obtendebatur abeunti. Tribuni Cosacorum uti itineris gnari, frontem recedentis Exercitus ducere susceperant, quorum



1657. præcipuus Antonius ut rem desperatam aduertit, traducto in aduersam fluminis ripam suorum agmine, pontem sublicis deiiciens, securum Cosacis abitum præstat, intercludit Hungaris. Quæ ubi præ oculis nouissima ruentis fortunæ periculus à locijs deserto, Polonis impare, (nam Marschalci Lubomirscij ex Hungaria reditus vires nostras notabiliter auxerat) id demum consilij occurrit, ut à clementia remedium perditis rebus quæreret Ragocius, per submissos apud Generalem Potocium Delegatos pro pace agendo; confestimque aderant per Deum orantes, ne in exitium eorum arma verterent Poloni, qui addicerent victoriam causâ & fortunâ superioribus; neque omnino Heroicum esse in ultionem obdurari, quam iam veteris beneuolentiæ argumenta, iam Christiani nominis fraternitas, in gentem vicinam mitigaret suaderetque. Responsum. Si pax & incolumitas Principi Transyluano cordi est: exnunc gradum sisteret; non aliter ferro Polonorum quod protinus stringitur retentando, nisi in vestigio victum se professus, pacem postulet, aliquin si recedit interne ciuile delendus. Aduolat confestim Michelsius perfunctoriè negotium componi posse sperans, sed dum speciosa tantum dictu, & magis laudes victorum quam pacem conciliantia adfert, à Czarnecio interpellatur. *Pacem Hungari vultis, vobis apprimè necessariam; neque auersamur Poloni, modò honesta ea cum redhibitione illatorum damnorum condici possit.* Tum ille, in extemporaneam animositatem verba cogens, *Turpè inquit pacem Hungaris emere, quam nec Polonis vendere concessum: donec ferrum in manu est, frustra pro auralicamur.* Tetigit ardentem Czarnecium responsi promptitudo, eò magis quò Togatus armato talia diceret, proin promota intrepidè acie in hostem ingruerat. Iam ante Poloni suis Ordinibus instructi stabant, vnde læuo cornu cum Polubinscio Lithuani, ad datum signum oppositam Kimenij Ducis stationem adorti, horribile vndecunq; surgentis prælij exordium fecere, reuibratis ab exerto ferro fulgoribus, aduersam aciem perstringendo: cum Ragocius ioco procul extre-

extrema instare comperiens, misericordiam, fauorabilius pace vocabulum, per submissum Druszkieuiciū nostrum implorat, ac redhibitionem damnorum spōdet, modò Christiano in præsens sanguini parceretur. Vidisses ab equis semipendulos Hungarorum Præfectos, supplices manus tendere, lemniscatos illos auium pennis pileos ad terram demittere, & exercitum nuper ferociam precibus pro conseruanda vita mutari. Vnde statim Potocius incohibendum assultum signum dare iussit; diuerso aliquorum sensu, ut qui nisi præsentis excidio hostium, victori Gradiuo litare intenderent. Verùm Generalis natura & annis in misericordiâ pronior, vel quod mandata Casimiri Regis nuper accepisset quibus iniunctum; *si vindicta diuina Transyluanum afflixisset, ut subactò æmum parceretur, incruentum bello finem imponendo.* Ultionem privati hominis passionem esse, regnorum in eo Statum Maximam veri, ut prius securitati quàm affectui consulatur. *Facile edomandum hostem, suo fato ac causa iniquitate prostratum, in id solum vel maximè virtutem bellantium.* Ducem conitti oportere, quominus materiam infestam in commodum Reip: verterent, Medicorum morè, qui experimentalibus & venenatis, sanitati humana parare antidota solent. Sic Vologesis Parthorum Regis in melius societas Romanis, quam hostilitas cessit; Veneti Gonzagam ex infestissimo aduersario auxiliarem adiungere; pluribusque doceri exemplis, ex acriore hoste, ignoscendo stabiliorem amicum reddi. Ex eo inhibentis arma Regis mandato, æstus animorum remittere debuit, ad mediâque descensum, quibus captus iam conflictus dirimeretur. Quod conficiendum quantocius negotium dum perurgent Hungari, neque nostri protelauere. Conuentionis ea series fuit. Princeps Transyluania Ragocius, missa solenni Legatione Regem Rempublic. Polonam obtemere motum bellum, loco & tempore condicendis, deprecabitur. Pro spolijs ex Ecclesijs, solana Aulis, oppidisque Regnicolarum actis, & quocunq; nomine pradi & direptionibus, XII. Centena Aureum Nummum Hungaricorum Milli. numerabit. Scytharum Hanc Regni auxiliari, in preti-



1657. *præitum opera, dona largietur. Transfugas & proditores scriptaq; omnia quibus ad inuadendum Regnum sollicitatus est tradet. Amicitia ac Colligationi cum Rege Suecia renuntiabit. Captiuos cuiuscunq; conditionis in libertatem asseret. Cracouiam ac Brestiam presidij euacuatas restituet. Partem Exercitus sui cum machinis ac apparatu, sub imperio Ducum Regni militaturam relinquet &c: Transacta & conclusa in Castris ad Miedzyboze die 23 Iulij Anno (H: 1657. Verum non in hoc populus ille iustificatus est, etsi in manu tenenda pacta protinus obsides Ragocius traderet, Franciscum Abasfi, ac Stephanum Gierofi, è Nobilitate Transyluanica precipuos, ac vadimonio pares. Rigidior in fœdis fragos diuina Nemesis, acrioribus pœnis innocuum sanguinem expiandum volebat. Superueniebat quippe Hanus Crimensis cū sexaginta Scytharum Millibus, iræ cœlestis (vt credi par est) executor & instrumentum. Is vis dum pactis in folium rescriptis, quæ extenduntur in latissimam planiciem prætæ festim truci clamore, ac diductis alis in Hungarorum agmen suos immittit. Obtédunt nostri pacta & vim inhibēt; Transyluanus suppliciter deprecatur, & lytrum offert; ostentatur vis & reconciliatæ gentis protectio; sed displicent verba, despiciatui minæ sunt, ac contemptis serò exoluendi auripromissis, violenter in aduersam aciem incurrunt Barbari geminæq; horæ spatio nonnihil repugnantes Hungaro: in totum concidunt, aut captiuant. Hærent nostri ad subitum impetum, accurrente intèrea ex Scythis Delmen Agas, ac breuiter Hani nomine quæsto, quod Poloni in hostem suum clementius quàm in amicos agerent, cui improuidè vitam concedentes, socijs belli manubias, sibi ipsis eriperent securitatem. Eum Ragocij expeditio finem sortita, vltra Nouem Mill. Hungarorum in acie cæsis, captiuatis reliquis: etiam Kimenio Exercitus Duce postquam egregiè se ferro tutatus, non inulto fine in potestatem capientium veniente. Cum Ragocio ipso fortuna benignius egisse visa, quem pridie Ioannes Sapieha Notarius Campestris, in montana abitu*

matu-

1657. *matutando discrimini subduxit: vti termè fugæ infamia sæpius est prauis consilij pœna. Sic, bellum causâ iniustum, progressu inglorium, fine funestum auctori exitit, ac velut ignis è stuppa ortus, in momento deflagrauit. Ad reditum in Transyluaniam Ragocij, in iniqui belli motorem Principem omnium diræ & execrationes inardescabant, dum matres filios, vxores maritos, & vt quisq; suas necessitudines requirit. Infausta deniq; coronide pessimo facinori annexa, vbi gratiâ Imperatoris Tûrcici diminutus, etiam Principatu Transyluanicæ exautoratus fuit*

Adnotare lubet, propè fatidica Casimiri Regis in literis tunc vniuersalibus, publicam expeditionem Nobilitati indicentibus, verba. *Quoniam voluntati Diuina placitum, hanc Remp: insulibus hostium vndiq; quassari, vt nulla parte pacata, alijs rursùm super alios hostium prematur incurfibus, etiam nunc Principe Transyluano Regni ditiones inuadente. Proin superesse amplius nihil, nisi cum debita humilitate his flagellis è manu Paterna acceptis, in immensa Dei omnipotentia ac iustitia spem reponere, quod is Qui vno digito potestates mûdi versat, tam ex nouissimo discrimine eripere, cum volet, poterit. Adfuit magnæ spei successus tragico Transyluani casu, qui sacris profanisq; infestus, nihil ex nobis tulit, præter iratos Deos, & sui perditionem. Neq; minus considerabile, vt vinceretur Ragocius, à quatuor Orbis partibus confestim Duces Polonos conuolasse. Czarnecius quippe abeuntem ab Occasu vrsit; Generalis Potocius in frontem occurrit; aquilonare latus Lithuani impetiere; demum Lubomirscius, casu ex Hungaria à meridie superuenit, quò cum expedito agmine per Carpatiorû montium claustra penetrauerat, eo consilio, vt in hosticum translato bello, ea in ditionibus proprijs pateretur inuasor, quæ in nostris licere sibi arbitratus est. Quidquid in Hungaria, illi aut Transyluania possessum, id omne talionis lure ferrum & flamma corripuit, nisi quod in ampliore Regno vberior Hungaris sæuendi materies, cerre incurfione nostrorum excusabili, cum ex ordine iustitiæ &*

Ff

natu.



1657. naturæ lege vim vi repellere liceat. Et ne ut ab illo iniquè contra nos, sic aduersùm Ragocium à Polonis arma mora absq; causa legitima censerentur, euulgatum tunc Manifestum erat, finitris vicinarum gentium suspicionibus amouendis. Id, quia ad cognoscendas belli causas facit, haud grauatim inferui, de tenore tali. Nemo dubitat natura legibus cautum esse alteri non facere ea, quæ sibi facienda quis minime optet; prohibere tamen iniurias ac vim vi repellere licet, vel ex ipso natura instinctu, quæ Leonibus ungues, equis ungulas, tauris cornua, canibus dentes dederit: etiam hominibus diuersa armorum genera elargita, quibus propria defenderent, illatas iniurias ulciscerentur. Notum Orbi, Polonos cum Transilvania Principatu, nullum unquam discrimen aut controuersiam, vel amicitia, vel consuij, vel mutua correspondentiæ, ab immemorabili tempore habuisse, quinimo cum inclyta gente Hungarica semper, sed vel maxime à Ludouico, Alberto, Matthia, alijsq; DD. Pannoniæ Regibus, sacrosanctum pacis fœdus, imo et usq; nunc laudabilem coluisse amicitiam, ut Polonorum Hungarica, Hungarorum Polonica capitibus saepe diademata imponerentur. Quod si non vacat vetusti temporis acta respicere, in Stephano Bastro raco recentioris memoria documentum manet. Nec defuerunt genti, in bellis, contra Turcam gestis præsentissima Polonorum subsidia: Etiam in turbis domesticis Boczkaj, Berlemi, Mossi Sicuti, vel ipsius Stephani Ragocij Patris, meditationibus ac consilijs fraternè Hungaros prosequuti Poloni, incolumitatem eorum ac si propriam animum respeximus. Nouissimè hostes professis Valachis Cosacisq; Ragocio, quâ fide ac dexteritate res eius adiutum nostri iuere, nemo est qui ignoret. Hinc consurgentibus in Regno Polonia bellis, à nemine prius quàm ipsomet Ragocio flagitatum auxilium. Compellatus quidem eo nomine D. Ferdinandus Imperator, ast dum longiori deliberatione postulat differt, neq; res nostræ moram patiuntur, ad Principem Transilvania desideria Reip: conuersa sunt, oblataq; ei Coronæ spes, si opem ferre lacerata undiq; Polonia dignaretur. Verum ubi mel sperabatur inuenta sunt spicula, cum vanus Princeps

Mani.  
festum  
Polono  
rum.

1657. ceptis requisita ope elatus, maiorem in animo locum ambitioni dederit quàm rationi; potiusq; duxit violenta Tyrannide occupare Regnum, quàm illud amicâ Electione querere: ignarus consequentiæ, quod, qui libertatem alijs adimit, suam ipsius perdat necesse est etc. Nullis itaq; legitimè adipiscendi Regni admissis medijs et consilijs, fastu tumidus, Polonia Regnum scripto ditioq; suū esse divulgans, infestis armis fines nostros inuolat, Romæ Imperatore, ac beneuolentibus vicinis, frustra immeritam vim deprecantibus etc. Ingressus igitur Regnum Polonia Ragocius, cum Hungaris, Siculis, Moldauis, Valachis, Cosacis, alijsq; gentium colluie, patentes ubiq; publicari fecit lueras, Poloniam se protegere velle, ac restituta pace decennalem belli flammam extingueretur. Egregius sanè Pacificator si non magis mortuorum hostis! dum cadauera ab impio eius eruntur milite, obuia quæq; ferro et igne vastantur, exuruntur, pressunduntur! etc. Mactantur uti peccora homines, tormentis enecantur Christiani, hi ad veru alligantur assandi, alij sera per medium scissi, illi in lebetibus coquantur, isti pice et resina obliti ad ignem torquentur; plurimi detruncatis manibus pedibusq; mortem per preces et suspiria desiderabant. Non decrepita senum ætati indulgium, non imbelli sexui paritum, infantes pede arrepti ad parietes alliduntur, stipem petentibus mendicis eruantur oculi, detruncantur auriculae, aut barbarum in morem à dorso cutis deglubitur: cui ferre truci lentia etiam hostis ipse iureus indoluerit, et eam exprobrauerit Ragocio. Nemini itaq; dubium, præsertim inclyta genti Hungarica videatur, quod irruptionem Poloni in ditioes Ragocij instituerint, præter tot tantaq; scelera et inauditam Tyrannidem, immerito bello laceffit. Nemo miretur, si oppida pagosq; exuri, sic campos stratos cadaveribus viderit: nec mouetur horrida Ragociæ ditiois vastatione, cum maiora in Polonia autor patrauerit etc. Hoc tibi sit inclyta Hungarorum gens manifestum Polonorum, qui vltro citroq; illatam deplorant calamitatem, dum vicem pro vice reddunt, tibi Princeps inimice.

Datum in Castris ad Mohacz die 6 Iulij Anno 641657.

Maiores Poloni sub hæc, in liberandam Poznaniam, E

ffz

lecto-

Pozna-  
nia re-  
cepta.



1657. — leſtorali præſidio inſeſſam (quippe ea Prouincia in ſortem  
 vt memorauimus obuenerat Brandeburgico) animos arrexere.  
 Podlachia Palatinus Opalinius, cum Chriſtophoro Grzy-  
 muſkowski Succamerario Poznanienſe, contracta ſub ſigna  
 Prouinciæ Nobilitate, Præſidarios coangulaſt ante; quo-  
 ad Chriſtophorus Grodzicki Armamentario Regni Præfe-  
 ctus (hunc Rex Gedano abiens, apud Haupta ſeu Głowã mu-  
 nitionem commorari voluit) ſuperueniens, vaſtam illam &  
 trino interluentis Warthæ alueo ambitam Vrbem, obſidione  
 regulata cingeret. Inerat Wedige Boninus ſub nomine E-  
 leſtoralis Commiſſarij, penes quem omnis iuriſdictio in mi-  
 litem & Ciuem; Chriſtianus Kleyt Colonellus, Ioannes Ray-  
 ſfeldius excubijs Præfectus, Wilhelmus Hubertus, Thomas  
 Braſſius, tum alij duorum Milli: præſidij Ordinum Duſtores.  
 Ad primum congreſſum vt ferè principium belli hinc inci-  
 pit, vtrinque machinarum telis, aut ſubitarijs excuſibus di-  
 micatum; donec noſtri Inſulam quæ Cathedrali Baſilicæ  
 ſubest, compluribus è præſidio caſis inuaſere, demum ere-  
 pto equis ac iumentis pabulo, mitiora loqui obſeſſi incipie-  
 bant: liberum comitatum emiſſario requirentes, per quæ  
 conſultus Eleſtor, in neceſſariam deditionem aſſentiretur.  
 Quo redeunte, & concelsibilem Vrbis traditionem, (ſi modo  
 honorificè abire militi liceat) aſſerere: in eas vt Vrbe educe-  
 retur præſidium leges, vtrinque cõuentum. *Eleſtorali præſidio  
 Urbs euacuabitur. Eccleſiarum apparatus omnis, libri Acto-  
 rum publicorum, Metricæ, Archiuiæ, Depoſita Nobilium, mer-  
 cimonia Ciuium, & bona incolarum, de toto & in ſolidum ſalua  
 & integra exiſtent. Debita per præſidium contracta diſſoluen-  
 tur, ſeu in parata, ſeu commutatione rerum: ſi alicui iniuria  
 illata. D. Colonellus ſeu Commendans Poznanienſis compellatus,  
 ante egreſſum præſidij, unicuique iuſtitiam adminiſtrabit: Poſt  
 egreſſum omnes prætenſiones ceſſabunt. Hæc pro Vrbe. In  
 fauorem egredientium adijeiebatur. Præſidium cum ſuo  
 præſenti ſtatu Vrbe exhibit expaſſis ſignis pulſatis, tympanis, ac-  
 cenſis funiculis, quod Lanebergem ſeu Dreſdam Marchia addi-*  
 ci

1657. *is ſecuritatis cauſa cohortibus deducetur. Machinas bellicas  
 quæ ſunt Eleſtoris propria ſecum exportabit. quæ Suecorum fu-  
 ere, pro uſu Urbis relinquentur. Præſidarij Kurnicenſes cum  
 armis rebusque ſuis, ante præſidij Poznanienſis diſceſſum, præbito  
 ſaluo conductu incolumes dimittentur. Officialium ac militum  
 Sueticorum uxores, filij, proles, cum omnibus eorum bonis eadẽ  
 ſtipulatione comprehenduntur &c. Transmitto minutiora ca-  
 pitulationibus eiſmodi per modum appendicis inferi ſoli-  
 ta, verbis magnifica, rerum vacua. Exiere dehinc modo vt  
 præmiſſum Eleſtoralium bina propè Millia, è Koſciana, ac  
 Kurniko in eum numerum adiuncto milite. Deducendis  
 dati adſtites, Ioannes Gninski Gneznenſis Præfectus, cuius  
 operæ multum debita receptæ Vrbis gloria; Wilhelmus Bu-  
 tler Capitaneus Radzynenſis, ac Franciſcus Rydzinski En-  
 ſifer Calisienſis: recepto viciffim Colonello Muntzero, qui  
 ſine omni dolo conſignatæ Vrbis obſidem ageret. Eo mo-  
 do emancipata Poznaniam, ſeiſam in ſe quaſiuit, & poſtquã  
 biennij ſoporem excuſſit, demum recognouit nudatam ſe  
 decoribus, orbatam incolis, mercimoniorum vacuam, ſimi-  
 lemque ijs qui ex letargo mentem recipiunt. Hoc tamen fe-  
 licitati eius imputauerim, vt quæ prima hoſtem admifiſit,  
 etiam ante alias Poloniae Vrbes, ſeiſam ſibi reddidiſſe gra-  
 tulata eſt.*

Poznaniam ex ordine Cracouia ſequitur, Gentis Poloniae *Craco-  
 uia obſi-  
 detur*  
 Matrix, & Regni Metropolis: conueniens quippe erat, vt  
 belli Suetici ignis, qui ab Occidente cuncta incendijs ſuis po-  
 pulatus, minorem quoque Poloniam quã Ortum reſpicit adu-  
 ſerat, iam nunc paribus ſpatijs vt cæpit, ita ſimili reuolutio-  
 ne extingueretur. Hic in ſolida eminentis Cliui rupe, qui  
 Wawel dicitur, extructam magnificè Arcem videre licet, in  
 cuius ſubterraneo ſpecu monſtrant cauernam Draconis, vbi  
 olim monſtrum horrendum ac vorax amplo cubili receptum,  
 armenta circumſitæ oræ depaſcebatur, idem nunc præſti-  
 tit Sueticus Leo, eo magis noxius, quod ille ſubtus terram,  
 iſte ſuperne pro nido domiciliũ Regum occupauerat. Pau-  
 lus



1657. lus Wirtz sub Gubernatoris titulo, à Carolo Rege commissam cum Arce Urbem tuebatur; sub illo tria praesidiariorum millia Phinnones plerique, etsi caetera deessent contumaci virtute, ac irremissa bellorum disciplina, duratus miles. Nec defuit officio suo Praefectus, cui operum militarium ingenioso, recentibus munitionibus circumdare Urbem per biennium abunde temporis superfuit. Res frumentaria, pecora in esum carniū, molae pneumaticae ac trusatiles excitatae, publici putei expurgati, aquae fluuiatiles canalibus deriuatae, ligna pro usu, sal pro necessitate, & omnia quae humana vita ad usum postulat, tempestiue prouisa: subiecta praeterea aresto priuatorum promptuaria, ac quidquid alimentariae potusque in Ciuium reconditorijs esset, omne id in publicas tabulas Praefectus redigere iussit, occurrendo extremae ubi obsidium premit inediae. Quin etiam reliquerat Transylvanus Ianusium Bethlenum cum binis Hungarorum Milli: pro praesidio, quominus ad se pertinentis in Urbem dominij species maneret: ac liquido constitit manutenedae Cracouiae in Principem Ragocium à Suecis lus transcriptum fuisse, cum die, XVI Maij Wirtius conuocatis per edictum tam Magistratu quam Tribuum Praefectis, palam & disertè Communitati denuntiauerit, Ser: Sueciae Regis voluntatem, quominus Cracouia in administrationem Iuri & armorum, Praefecto Hungarico traderetur. Caepitque officio fungi Bethlenus, ad iusiurandum in nomen Ragocij incolas adigens, sed impar captis destitit, maluitque Collegam Suecum in munere pati, quam solus committi discrimini. His viribus, in dispositionem & gubernium Wirtius rursus tuendam recepit Cracouiam, dum & Hungaros retinedo loco impares aduertit, & ipse minus securum cum Suecis egressum prauidet; tam Germanico quam Polono Exercitibus propediem in obsidium loci venturis, indeque tutior in nido manens, Regem Polonum viresque hostium intra muros censuit opperiendas. Die XX Iunij Generalis Sparrius cum selecto Germanorum Equitatu, primus in conspectum Urbis

1657. bis se dedit, superato flumine apud Krzemionkam non nihil subsistens; qui mox per Tubicinem à Praefecto Urbis salutatus, submissae ex Urbe annonae vinique honorarium tulit, etiam utrosque de nocte congressos, uti olim Germanico bello notos adinuicem, sermonesque miscuisse, fama vulgauerat. Ineunte Iulio accessu legionum formali obsidio constricta Urbs fuit, auxiliariis Germanis alacriter admodum operas lubeuntibus, seu quod omne principium feruet, seu dum Equitatus Polonicus consecretandi Transylvani partes suscipit, ne interim noui hospites feriari viderentur. Summum eius militiae imperium, penes Melchiorem in Hatsfelt & Gleychem Comitem, Caesaris Ferdinandi Campi Mareschallum, per armorum studia haud obscuro nomine prouectum ad famam; secundas partes obtinebat, Franciscus della Baume Comes Zuza gente Gallus, sed dudum auspicia Austriaca secutus; tum Monte Cucullius Comes Italus; Otto Christophorus Sparrius; La De Sonches; Buchaynus &c. &c. Varias Urbis regiones metatione complexi (lineam circumallationis dicunt) operi institere. Casimirus interea Niepolomicijs per transfennam venatione recreabat animum, quae Heroibus inter labores aut discrimina, generosa quaedam respiratio, ac animi laxamentum habetur. Detonuere subinde à Caesareanis machinae, ea Urbis parte quae S. Floriani templum portae cognomini obijcitur, etiam suggestu ad Portam Sławkouiensem excitato, nam hic situ humiliori terreum ingens extabat munimentum, militari vocabulo Kavalier Szanc dictum (nos Ravelinum aut exteriorum munitionem, quae muro praetenditur intelligimus) quod vicino molendino cohaerens, cornuti operis mole, ac robusto praesidio infederant Sueci. Quippe rotundis in antiquam formam mœnibus circumacta Urbs, dum in summam protegi nequit, hasce externas operas, ingeniosus talium Gubernator circumposuerat, unde primam ingruentibus vim obijcendo, rursus istas ex eminentibus murorum pinnis turribusque propugnaret. In harum unam continuata è machinis verberatione



ratione collinatum adeo violenter, ut fatifcente in quo ma-  
<sup>1657</sup> chinæ tabulato, propè ruinam turris minaretur. Sub ini-  
 tium obsidij Togatis vel maximè constabat omnis Casimiri  
 comitatus, donec militares recentes à victoria venirent. Ex  
 Senatu adfuere Andreas Trzebicki Præmissiensis Episcopus  
 Ioannes Tarło Lublinensis, Hieronimus Wierzbowski Bre-  
 stensis, Casimirus Krasinski Płocensis, Christophorus Tys-  
 kiewicz Czerniechouiensis Palatini; Ioannes Wielopolski  
 Woynicensis, Alexander Sielski Lanciciensis, Gratus Comes  
 in Tarnow Kijouiensis, Castellani. Stephanus Korycinski  
 Supremus Regni Cancellarius, Boguslaus Leszczynski The-  
 saurarius, Lucas Opalinski Mareschallus Curiae &c. Super-  
 ueniebant demum complures alij, multis etiam postquam  
 non opus pròlixa studia offerentibus. Ludouica insuper  
 Regina haud sustinens recuperationi Urbis deesse, die XX.  
 Iulij Castra ingressa est, secutis è vestigio binis peditum cum  
 re tormentaria legionibus.

Destinabatur interea à Ducibus Germanis vertenda in  
 muros impressio, (assalt) præcipuè è regione Portæ quæ  
 profana (Swiecka) dicitur: illic enim humilior murus, ac-  
 cessuq; operum via militaris ad vsq; mœnia deducta fuit.  
 Hinc crebra detonuere tonitrua, versùs Diuæ Annæ portulā,  
 eiusdemq; magnæ Matris Templo contiguæ ædes pyroba-  
 laribus globis infestata, non sine euidenti Collegiorum A-  
 cademiæ discrimine: nisi diui Tutellares domicilium doctri-  
 narum protexissent, quod in binis turribus inscriptione li-  
 teraria grata beneficij Vniuersitas testatum reliquit. Ad  
 hæc suggestus circumquaq; erigendis machinis conditi, ex-  
 citata iaculatoribus opercula, obsidionales viæ ad vsq; mœ-  
 nia productæ, etiam pro recenti impugnantium more ad  
 subtus terram Cuniculi, quibus Minarum vocabulum, præ-  
 cipuè apud dirutum Diui Casimiri templum, quominus  
 eggesta in cumulos rudera, latomos specuumq; orificia cō-  
 modè regerent. Ad Casimiriam rursus per interiacentem  
 ad ripam fluminis planiciem, Equestres tam singulari quam  
 plu-

plurium concursu experiebatur, crebrioribus isthac Sueco-  
 rum globis excurrentibus, in spem veniente Wirtio, diutur-  
<sup>1657</sup> na propugnatione fatigandi obsessorum vires, donec super-  
 ueniunt à Carolo suppetiæ. Sic inter ostentatam vim ge-  
 minæ diffluerant hebdomades, satius ducentibus nonnul-  
 lis lenta obsidione & minore sanguinis dispendio, quàm su-  
 perfluā famā & incerto successu recuperationem loci atten-  
 tare; etiam ex Vrbe nuntiantibus profugis, non vsq; obdu-  
 ratum Præfectum, ut in deditionem persuaderi non posset;  
 oblatis præsertim à Regina luculentis conditionibus, modò  
 inconcussam vi Craeouiam consignaret obsessori Regi: a-  
 lij in excutiendum iugum conspirare Ciues affirmabant, ubi  
 ab extra vis insonat, aliquid pro libertate ausuros; Tribusq;  
 opificum ac seruitia, quominus tumultum concitent, rei ge-  
 rendæ occasionem præstolari, interno motu à defensione  
 præfidiarijs auertendis: tum quæ alia intenta aut commenta  
 suggerendo, quæ tamen omnia infra dexteritatem Præfecti  
 fuere. Siquidem ille, dudum præuiso casu, Ciues exarma-  
 uerat, Forum stationibus, muros præfidiarijs infedit, plate-  
 as vicofq; torquibus ferreis aut palis obsepit, ædes publicas  
 priuatasq; occlusit, nec tantum viros exitu ædium, sed fæmi-  
 nas quoq; fenestrarum prospectu arcens, totam Ciuitatem  
 velut carcere clausam tenuit, insuper animos subtili explo-  
 rabat artificio, cum flexanimum se in deditionem ostendens,  
 quæ agerentur dicerentur in populo exciperet, ludæis  
 maximè Arrianisq; vsus delatoribus. Ne tamen aduersus  
 oblatam Regis benignitatem in totum obduruisse videretur;  
 bis per Tubiginem temporis interstitium dari postulauit,  
 quo cessantibus armis, de statu Urbis Carolum Regem con-  
 sulere posset. Etiam Palatinus Brestensis Hieronymus Wierz-  
 bowski, iam ante aliquot colloquijs Wirtjo innotescens, fa-  
 miliariter per literas submonebat. *Non expectares Præfectus*  
*armorum experimentum, quod propediem muris à tanto Exer-*  
*citu admonendum esset: aliter qui modo in Vrbe velut carcere*  
*clausus teneatur, ibidem cum suis in intempestua peruicacia pa-*



nam sepulchrum inuenturum. Consumptam subsidij spem omnem  
 2652 Rege Suecia per maritima dissenso, Ragocio profligato, ipsum  
 tandem vi maiore nido alieno extrahendum, si modo adspiranti  
 Regia clementia vela non submittit. Simul per officium mi-  
 sit præcocium fructuum fiscellam, ac aliquot perdices ca-  
 ptiuo internuntio vlus. Ad hæc Witius, ad quamvis au-  
 ram mobilis & versutus, edulij inspectis ac stationario mi-  
 liti traditis, ad literas reposuit. Eidem & existimationem  
 unicuique studiosè conseruandam; præcipue Vrbium Præfectis, qui  
 pro commissio loco conscientiam committenti, famam toti Orbi o-  
 bligare solent. Se quoque hac gemina compede stringi, ut nolit  
 gratis Regi suo perfidus esse, vel apud gentes quibus innotuit mi-  
 litando, traduci leuitatis. Cracouiam milite & operibus va-  
 lidam, eripi è manibus suis tardè nimis posse: eam tamen si se-  
 cus alea cadit, non inglorium defendenti sepulchrum fore, quod  
 antequam eueniat, non vnius Poloni exequijs se adfuturum. Quæ  
 blaram Sen. Regis Poloniæ clementiam magni quidem facere  
 sed protunc in usum vertendam, dum inenitabilis necessitas cogit  
 tentare extrema: nunc rebus integris deditioe hiscere absit, Sut-  
 cis satium ducentibus gloriose in armis mori, quam deditijs turpi-  
 zer viuere: cum etiam Pactio Varsauiensis magnopere terreat,  
 satiumque murus Cracouiensibus quam erga stulo Zamoscensi claudi  
 omnibus deliberatum sit. Addidit præterea impressas Theu-  
 tonicè nouellas, velut pensaturus oblatarum perdicum mil-  
 file, quæ ingentes armorum Sueticorum paratus contra Re-  
 gem Danum referentes, propediem in Poloniam redituri  
 Caroli spem facerent: mira in recipiendis ab extra nuntijs  
 vlus solertia, vel læminis tabellariorum, imò exploratorum  
 vicem obeuntibus. Quanquam & sagarum præstigijs vsu  
 ferunt, aliquot eius farinae vetulis in contubernio habitis  
 obseruatusque sapius vel ipse egressurus Vrbe, vel è suis ali-  
 quem emissurus, suspectum aliquod Magicæ superstitionis  
 speculum contemplari, vnde in abstrusos euentus inspiceret,  
 futurorum scrutator per illicita media. Hæc ex fama pu-  
 blica, in quam plurimum relationes consensere, retuli: alio-  
 quin

quin non imputaturus conuictum viro militari, nisi sæpè ma- 1657.  
 gnas virtutes non sine mistura vitiorum esse sciam, & Suecis  
 eiusmodi genios fouere perquam familiare habeatur.

Deliberatum dehinc apud Regem, præsentine & indila-  
 ta vi? an lenioribus medijs & cunctatione, in subigendam Vr-  
 bem agendum foret? in alterutro discrepantibus Procerum  
 sententijs, cum alijs placeret exclusa mora oppugnationem  
 vrgeri, alijs ex aduerso pectora ac mænia expugnata ardua  
 videbantur. Vnde Rex accitis vtriusque militiæ Polemarchis,  
 pro hospitem prærogatiua primo loco Tribunorum Austri-  
 acorum sensum exquirebat. Verum, sub dominatione na-  
 ti, excusauere se militiæ regula, quæ præscriberet bellantium  
 partes, agere & obsequi, Regum imperare: laudabilis cer-  
 tè modestia si in finem perdurasset. At nostrates, in biuio  
 hærebant, repertis certare ingenio, qui manu nollent. Ex-  
 tollebant fortunam Regis, cui nihil arduum esset, nihil im-  
 peruium, imò ea propitiati cæli benignitas manifestò pate-  
 ret, ut pro eo externi, vicarijs armis, Reges, in hostes Poloniæ  
 depugnarent, ipso interim solo Nominis terrore reliquum  
 belli profligante. Semiuictam iam immisso terrore Urbem,  
 distractosque bifariam Præsidij animos, ubi extra spem succursus  
 positi Sueci, Caroli recessu consternantur; rursum Hungaros,  
 animo planè deijceret præceps ex Regno Ragocij fuga. Inde  
 sperandum in breui, qui demum solida gloria fructus censeret de-  
 bet, citra vulnera & cedes usurpata hosti recuperare, & Sue-  
 cos sine sanguine vicisse. Respiraret interea bellatoris militis  
 manus ferrumque, dum victoriam conficit venter, corporis huma-  
 ni Imperator & Oeconomus. Caterum auaros nimium fama,  
 quicunque violento aggressu occupanda Urbis lauream concupi-  
 scunt. Nam si in irritum vis exeritur inglorium erit; si suc-  
 cedit impressio, sane tragicum & dolendum, Urbem Regum Co-  
 ronatricem, vniuersalem velut tumultum, tam hosti quam Ci-  
 uibus extitisse. Eo modo, in recuperatione Urbis, Urbem amit-  
 tendam; notabiliore Ciuium iactura quam Suecorum, ubi fa-  
 cilius erit prosternere inermem, quam aggredi armatum. Quan-  
 cumque



1657. cumcunq; animi præferat Virtus, simulatum feruorem esse, et obtentu ferocia magnifice regi pauorem, cum inter incudem et malleum positus, tam de foris hostes timere cogitur, quam intus Cives. Certè non absimilis berenti in fovea lupo, qui initio trusus perticas arrodit, dein subitus inuoluta caudâ, silenter ictus sustinet, aut laqueum. Neq; conueniens fuerit violento aggressu deformare Metropolim, Regiam Sedem et Regni Caput, ac cui Carolus ipse hostis longiori obsidione recepta pepercisset: insuper expedire, dum ad se Resp: redit, domicilium hac Maiestatis præstare integrum, ubi euecta in tempus Regni insignia, iterum reponantur. Hæc Togati, quibus omnis in cerebro vis. Diuersa alij promptere: Et nos (inquit) si in una Vrbe reliquum belli Suecici conficiendum esset, parcere lectis editioribus, et incruento in sub gendam Cracouiam actu enui censeremus, ast ubi tot Prouinciae in manibus Suecorum herent, tot Vrbes validis praesidijs insidentur, terra marique bellum feruet, plures tempus cuius iactura irreparabilis, quam murorum aut adium Urbis ad delicias factarum dispendium aestimabimus. Itane verò segetes et torpida anima, oculos tantum in hostium opera versemus? manibus interea flaccidis ac remissis; et non depulsis fumo apibus, melle potiri nos posse opinabimur. Quid, si Rex Suecus nihil agentibus à mari superueniet? celeritatem suam in exitum pro crastinantium hic et nunc, vertens. Quem, si Fata sua et anceps cum Rege Dano fortuna tanisper distinet, patierisne Rex Ser: tot Exercituum impetum consensescere? ut subinde dum muris parcis, hac inanima Te clementem vocent, et circumiecta ditiones, quâ à lixis, quâ ab auxiliariis, in extremam redigantur vastitatem. Indignum planè congeriem lapidum tantum esse, et templis spolia, aut domibus Nobilium abactas spectare rapinas. sanè perijmus, si contigua ora desolatione Cracouiam lucramur. Nondumne agrestium gemitus insonuit auribus Maiti: Vra: et nondumne liquet à licentiosis diripi agros, excuti mappalia, villanas cpes et rusticam suppellectilem raptam distrahi, distractam venundari: prostant ecce in Castris velut in mundinis vectorij equi bouesq;, ab aratro, aut operis agrestibus avulsi,

1657. vulsi, pecora, armenta, greges, velut in foro boario veneunt, nobis interim summa ratio est, ubi per circumiectam oram solitudinem fecerimus, consummatum Triumphum appellare. Conuenit cerè iam gloria Tua Rex, iam tantorum Exercituum fama et existimationi, ut fracta Cracouia temerarij capitis perniciâ, infra sitis hostibus pronus Vistula nuntiaret, quauis temeritate tutiorem esse Regia Maiestatis clementiam. Hæc, illi ut serè nostratibus sentire quæ volunt, et quæ sentiunt liberè proferre mos: nec omiserim inter præcipuos militiae, iacta discordiae semina, Mareschallum nempe Lubomirium, ac Palatinum Russiæ Czarnecium, ut gliscente mox odio acre ad iurgium sub ipso latere Regis deuenerit, dudum obiectis iratum stimulis, iam nunc in verba prorumpentibus. Certè multum Regina egit conciliandis, probè intelligens quantus ex utroq; vsus, et nisi componit animos plures velut contagio infici, cum eiusmodi dissidia, tineam agant publici consilij arrosuam, ac grandè progressui belli obicè.

Inter oppugnandi aut trahendi obsidij curas, ambiguus non nihil deliberabat Casimirus; illinc considerans, ne in suam ipse Regiam Civesq; læuus esse cogeretur, hic dilatione perniciosâ, ubi tam suus quàm auxiliaris miles miserum in modum diuexat agricolas, diripitq; eos, quos protegere debuisset. Vnde magis noxia cunctatione ad vim inclinans, generalem impressionem in diem V Augusti proclamari iussit, armis in contumaces acturus, ubi oblata clementia ferat, armis in contumaces acturus, ubi oblata clementia despiciatui esset. In quem usum à promontorio quâ S. Leonhardi ædícula, in muros Casimirienses, è maioris modi tormentis fulminatum, continua verberatione per amplum hiatus aperiente. Quod tamen parum permouit Suecos, intra Cracouiae præcordia spiritus vitales refouentes, nisi manifesta propitiati cæli inclinatio, incruentam recuperationem Urbis obtulisset. Quippe, dum totus Rex est in postidie instituendæ oppugnationis apparatu, cum ecce spargi rumor cepit de victoria ex Hungaris, incerto primùm autore vagus; dein, qui interfuere firmantibus. Quoad Pauli Cieski



bulski cohortis ductor, cum laureatis à Ducibus Regni literis ad Regē aduolasset, victum non solū Ragocium nuntians, sed omnem exinde belli Transylvanici merū radicitus euulsum. Confestim, in augustali Prætorij, Rex Deo, Victori gratias, maximo militarium accursu, egit: etiam publicam lætitiā contestari iubens, trina machinarum explosione; quæ militaris Ouationis in præsens species est & cōsuetudo. Ijs ignium corruscante nocte fulgoribus, ingens Suecis admiratio, cur tanto impendio & nulla noxa Regij iacularentur? donec pompam triumphalem institui comperientes, suam in alieno casu fragilitatem agnouere: deponensq; elationis cristas Wirtius, homo esse incipiebat, Fatis certare impar, & hætenus clementiæ importunè refragus. Postridie, aderant Commissarij Transylvani, à Ragocio deprecando Regi Casimiro missi, utq; securum Cracouiā egressum Bethlemo cum præfidiarijs Hungaris deposcerent. De quo, ut conuenit, antè requisitus, clementiam Victoris requirere debuit Wirtius, postulareq; emissionis beneficium, qui nuper moram biennij in tuendo loco sibi præscribere ausus fuerat. Certè expleuerat in eam diem gnauū Gubernatoris officium, diutius pro aliena Cracouia obsidio se premi passus, quam Poloni pro sua tolerassent; contempsit ab extra vim, ab intra periculis obuiam ijt, promissa & minas iuxta habuit, biennio obsidium tolerans, ter cum Polonis aperto campo pugnavit & vicit, ingentium dehinc Exercituum strenuè sustinens impetum, donec in extremis honesta suis consuleret pactione. Neq; id incōsultò aut festinātè egit, quousq; eo deueniretur, ut non solum è muro videre hostē, sed cum suggesto ad vsq; interiora opera colloqui liceret: deniq; ubi Sueciæ Rex æstuoso mari in longinqua abreptus, non auxilium modo sed ne consilium quidem exhibere valer, tandem admiriora ob conseruationem militis inclinasse. Accedebat Ductorum militarium in idem consensus, ubi mitescit primus ille ardor, quem succumbens alieno casu pertinacia, tum submittēdi auxilij desperatio, infregisset. Dum itaq;

itaq; Bethlenus cum suis egressum Vrbe adornat, etiam Wirtius pro se Suecisq; clementiam Regis Casimiri implorauit. Nec spe sua duriores expertus, datis ad condicendas deditionis leges Commissarijs: quæ donec in stipulatum deductæ, Hungari interea cum Ductore suo die XXI Augusti Vrbe exiēre: expeditius in prædas quàm præsidium agmen, & militaris animi plane experts, ut qui efflictim contenderint, quominus Magistratus Urbis literis testimonialibus honestæ ac pacatæ incolarum tractationis abeuntes prosequeretur. Annuit Magistratus facilè, dumq; superflue requisitioni morem gerit, tacitus ingratos hospites minui gaudebat. Vix isti extra Casimiriā progressi, cum Bochnensis porta iam ante machinarum ictibus quassata, in conspectu Hungarorum corruit, velut dolore mora, quod acerbissimos Patriæ hostes emitteret impunè. Etsi raros admodum ex eo agmine in Transylvaniam incolumes euasisse fama fuerit.

Condicta Urbis deditione, dum in Castris Regijs circa enuntiationem militaris tesserae omnis hostilitatis cessatio imperatur; etiam Wirtius intra Urbem imminentem Suecis egressū ad pulsū tympani obnuntiari fecit, læta ab vtrinq; in vulgus nouella, quod citra sanguinem ardui loci restitutione, pacatis medijs conficeretur. Lubens adiungo, quominus constantis fidei ad posteritatem maneat memoria, Magistratum Urbis, omni possibili conatu in excutiendum iugum pro modulo intendisse; iam oblato ex depletis Ciuium fortunis lytro, si Vrbi antequam armis deformaretur matura deditione consulit Præfectus; iam agitato intra mænia motu, ut à defensione alteram hosti manum abriperent. Aliquot ille honestos Ciues aresto prehenderat, multis pecuniarijs pressit, tormentis & equuleo (ut Karkutouicio factum) afflixit, Furcas, pegmata, vncos in propatulo statuit, insuper fortunarum pignorumq; excidium interminatus, quominus formidolosum molimen coniurantium aliquatenus comprimeret. Sic indomiti licet equi feruorem lupatum cohibet, & indito capistro vrsi mitescit ferocia. Is corda



1657. Corda hominum manu tenet, ac plenè in animos dominatur, quisquis vxores prolemq; incolarum in potestate sua retinet. Vnde plus interni tumultus metu, quàm ostentata deforis vi ad deditionis necessitatem impulsus Wirtium, plurimum opinio fuit. Certè Urbis recuperatio inciderat Proconsulatum obeunte Andrea Cieniewicz, in subsellio illo Urbici Senatus veterano, memorabili viri prosperitate, imò fatali obiti Magistratus sorte, ut quo regimen Urbis obtinente Cracouia in manus Suecorum venerat, eodem ipso Proconsule à malæ fidei possessore recuperaretur. Nec id summopere requirenti Wirtio negari potuit, ut interuentu Germanicæ militiæ Generalium, tractatus concluderetur, quod ut permissum, simul præscriptæ deditioni leges certæ, indulgentiores quam ratio temporis postularet. Quarum series eiusmodi. *Gubernatori Cracouia, Duces Ordinum, Præsidarijs, cæterisque Suecorum adhaerentibus, Vrbe excedere liberum esto. per Commissarios additos ad limitem Regni deducendus. Militari more Vrbe exhibunt Sueci honorificè tractandi: Vicissim Gubernator administrationem iustitiæ iniuriatis præstabit. Debita in Vrbe contracta, ante abitum exoluentur, satisfactio indilata & reali. Tormenta bellica (exceptis octo minoribus) relinquentur. Licetum erit Suecis res proprias (quas habentiam vocant) in omni qualitate diuendere, alienare, commutare, tum & saltem à Ser. Rege præcipuis Officialibus concessum. Captiuis libertas ex nunc ab utrinq; dabitur, etiam infirmi atq; vulnerati, per Oderam Sietinum remittentur. Incola ac Subditi Regis Poloniæ, qui Sueticas secuti partes, Ser. Regis gratiæ restituantur; emigrare tamen Regno volentibus, & cum præsidio abire, hic & nunc licebit. Polonæ Cohortes securitatis causa abeuntes deducunt. Vicissim Sueci obsides dabunt, tradita sine dolo Urbis & omnium munitionum. Gubernator Wirtius ante egressum, poterit ad Regem Carolum mittere extrema necessitatis nuntios, quibus Saluus Conductus dabitur. Ex parte Ser. Regis Poloniæ Commissarij deputabuntur, ad reuidendas lustrandasq; Sanctorum Reliquias, præcipuè D. Stanislai*

Cracouia recepta.

1657. *nislai Præsulis, in aurea arcula conditas; tum & Archiua Regni, Tabulas Aerarij, suppellectilem Palatii, nec non recensenda tormenta bellica &c: Hinc & nunc Porta S. Floriani, tum & Casimiria altera in potestatem Regis tradetur: deditio Vrbs totali septem abhinc diebus subsequutura, quo tempore nemini portis aut muris appropinquare licebit, &c: His conditionibus redijt ad Dominum Cracouia, postquam non sine molesta Aquilonarium geniorum vexa, in manibus hostium biennio mansisset. Quouè firmitus robur obtineret pactio, speciali diplomate transactis caueri postulauit Wirtius, neq; negatum, cum simile quid exhibuisset in recipienda Cracouia Carolus. Instrumentum deditionis complures è Senatu Polono subscripsere, præcipue penes quos sigillorum Regni cura. Ex Suecis Paulus Wirtz Excubiarum Generalis, ac Gubernator Stetini &c; Sigismundus Fridericus Comes Von Getzen; Ioannes Frank Lib: Baro Colonellus; Otto Wilhelmus Von Derlips B: Coll:; Henricus Von Vihen; ac Benedictus Wirtz Legionum Legati &c: Salutatam venientem Præfectum cum Suecorum præcipuis Rex Casimirus ad osculum manus admisit, ut in obsessa Vrbe subsistenti àëris salubritas respōderit, comiter sciscitatus. Post subscriptum tradendæ Urbis instrumentum, sequenti mane Austriacus miles Portam S. Floriani occupat; simul Casimiriam incunt Equestres cohortes, ac inibi assignatis viritim hospitij distribuuntur: maiore in præsens hospitum numero quàm Patrum familias esset, vacuis ædibus dum bellum incolas domo exegit.*

XXX Augusti exiēre Sueci, simul mixta hominum coluies, Arriani, transfugæ, proditores, & qui alij prædarum ac maleficiorum nocentes. Antecedebant seiuges trecenti currus, onusti nimis; sequebatur sub expansis signis peditatus, bona pars Phinnones, semilaceri veste, sed periculorum continuo usu, Carolo Regi probatus miles; instabant legionarijs octo machinæ, quales Falconetas vocant, cum requisitis armamenti; pone istas mulierum turba incessit,

Hh

non



1657. nonnullis vel binas proles infasciatis tergo portantibus, nec deerant quæ grandiores sarcinas Polonicæ prædæ analecta succolarent. Dènum Equestria vexilla (si bene memini) XXVII. prodiere. Constitit ex aduerso Austriacum suis ordinibus agmen, altera parte Polonæ cohortes, donec abeunt Sueci, utrisq; quos aggredi & quos timere poterant, recognoscentibus. Notabile hîc sub egressum incidit iurgium, tumultu haud procul quod attingo. Nobiles Wilkoszewscij Fratres, ut ferè in hostem publicum omnia licenti coadunata iam famulatûs, iam sponte accurrentium sociorum manu, quâ poterant circa Urbem hosti incommo- dabant; si egressi pabulatum Sueci, vagos intercipiebant, prædas agêtes excutiebant, equos ex pascuis abigebant, deniq; ore habituq; dissimulatis Urbem crebro incuntes, consiliorum Wirtij intima, à fidis Ciuum incognitè rimabantur. Istorum vni famulus concepto in Dominum odio, ad Suecos transfugerat, ac ne desertio sine fructu foret, equum abduxit notabilis pretij & celeritatis. Quod transfugæ scelus, pro tempore dissimulare debuit Andreas, (id Wilkoszouio nomen) probè intelligens, capitalem sibi inimicum Wirtium, donec tempus vindicandæ iniuriæ maturesceret. Itaq; sub egressum omnia contemplatus & singula dispiciens aduertit aliquem ex Officialibus Hospiti- orû dimensorem, (Quatermagister) equo suo insidere, quem species & pilorum lupinus color noscibilem, anxie quærenti ostendit. Ergo sessorem amicè requirit redderet equum qui sibi proprius esset, & qui ex vocatione Equestri stipendia merere eodem teneatur. Ad modestum postu- latum arroganter respondet Suecus, negatq; restitutionem equi, pridem sibi grandi pretio comparati. Hic Wilkosze- uius negatione incensus. Quod (inquit) rogatus abnuis, reddes inuitus: simul arreptum collari fascia sessorem, vi- rum alioquin crassum & procerum, nisu valentioris bra- chij in terram deiecit, equumq; recuperat, & abducit. Ac ut Suetico ephippio instructus erat, illud dorso animalis de-

tractum, ante ordines relinquens, sæpius dictitat, recipere tantum quod suum esset. Audacia vnus Nobilis terno so- lummodo famulo stipati admirationi fuit, nisi quod animo- sior semper est qui reperit suum, quàm qui usurpat alienum. Ad hæc Sueci immoti stetere; etsi ex Cæsareanis non de- essent, qui in ultionem impellentes, apud Regem patrocini- um pro reperendo equo offerent. Dehinc compertum, ideo segnem in reparandam iniuriam Wirtium extitisse, sci- licet metuentem, ne ex composito ortum dissidium desine- ret in tumultum, ac post in currus ac sarcinas suas, in quibus spolia Polonica latebant, à lixis vis verteretur. Quinimò non vanè suspectabat Czarnecium, cuius rebus Cracouiæ in deposito existentibus, manum olim inieciisset expilandis: cum solitum sit humanæ naturæ, timere quem læseris. Ve- rum securus sub publica fide abiit, cui deducendo, Tribunus Austriacus Garnier, ac septenæ Polonorum cohortes, in vi- am adstites datæ; eoq; comitatu perrexere directo Stetti- num itinere Sueci, graui incolarum quâ tractus euntibus noxa; solatio erat abire non redituros.

Dum recuperata Vrbs aliquantum repurgatur, Rex è Ca- stris in suburbanum Bronowice pagum mansionem trans- tulit, vbi mox a Delegatis è Magistratu adibatur. Hya- cinthus Lopacki Med: Doctor, Martinus Lochman, & Ga- Casimi-  
rus Vr-  
bem in-  
gredi-  
tur.  
spar Celesta salutabant, seruata in extrema fidem, & de- pressum diuturna obsidione statum Urbis insinuantes; gra- tissimè à Principe accepti, verba solaminis temporis congru- entia retulere. IV demum Septembris Urbem ingreditur Rex omni solennitate pompæ præcisa, quod pro posse Ma- gistratu Urbis satagente expresse vetauerat; nonnisi ab ali- quot selectis Ciuum priuatim se passus salutari. Haud quippe sinebat dolenda Urbis facies subito triumpho mu- tari, vbi tot morbidæ per plateas, etiam cadauera telis aut morbis extinctorum viserentur: nec non valide conciuit dolorem, triste aspicienti spectaculum, Urbis nuper floren- tissimæ desolatio, vbi ædiû aliæ deformatæ, aliæ solo æqua-  
tæ



1657. tæ, contignationes tectorum in vsum foci versæ, forum operibus aut sudibus interseptum, vici fimo ac illuvie coangustati, vel in templis auito Deum colendi ritu constricto; ac propè Lutherani dogmatis exercitio inducendo, nisi recuperata Vrbe Rex eripuisset facultatem. Igitur in Arcis Basilicam progressus, Deo Victori sub Ambrosianum Hymnum gratias egit, veneratusq; humiliter Numen recognovit; quod

Finem potentia cali.

*Non habet, et quidquid Superi voluere peractum est.*

Dehinc militis Austriaci præsidium Duorum Mill: & quadringentorum peditum, sub cura Baronis Ioannis Francisci à Kieyzerstein S. C. Mitis Colonelli, quem Rex Gubernatorè Urbis esse voluit, inductum: Salisfodinarum Wielensium ac Bochnensium redditibus, in sustentationem eius militiæ (Lenungi) addictis, datoq; administratore Barone à Iaroszyn Silesio, qui ex venundato sale luculentos prouentus in vsum Præsidij verteret. Arx Regni nidus, ac coronatorum Regum Capitolium, Priuilegiati Præfecti sui Marschalci Lubomirscij Iurisdictioni redditâ, cui præter solitum Trecentorum præsidium, accessit legio pedestris Pauli Celarij Tribuni, ac Stephanus Niemierycz Succamerarius Kijouiensis, cum Equitatu additus, tuendo in omnem casu aduersus fortuita loco.

Acri inter Daniam Sueciamq; inardescente bello, expeditus erat ad Fridericum III. Ioannes Gninski Præfectus Gneznensis, quominus cum eo Rege contra vtriq; communem hostem Carolum, mutuò arma & consilia belli condictis legibus sociaret. Hunc in breui subsecutus, Thomas Morsztyn Dapifer Sandomiriensis, per quos conclusa ac subscriptionibus firmata Hafniæ pacta fuere, die XVIII Iulij anno præsentis: numerum contendentium armis in Europa, seu aduersa Christianitati fortuna, seu malo aliquo genio incitante, dum interim Turca Christianorum dissidia otiosus spectat, & feriat. Sanè non incommoda nobis vltionis ex Sueco occasio, si modotalis in fœdere per-

seue-

seuerantia Dano, qualis in stipulatione promptitudo fuisset. Eam transmarinorum Regum, quia ad Poloniam pertinuit, suo mari emergentem discordiam, altius repetam. Belligerante in Polonia Carolo, Fridericus III. Danicæ Rex bellum eidem denuntiauerat (eò acrior hostis quò inter conterminos populos, & brevis freti interstitio tantum discretos, connata antiquitatis antipathia, ac animorum dissensus manet) id quidem summo Suecorum incommodo, ut quorum ultra Polonicum bellum, Imperio suspectorum, etiam Danico intempestiuè moto, vires distraherentur. Vtræq; hæ gentes antiquitatem originis ad prima Orbis incunabula referunt, primi Protoplasti filios se pro certo ferentes; celebrius tamen Danorum nomen & vetustior memoria, quos olim terrâ mariq; potentes, præter tria quibus titulos inconstant Regna, Anglis Saxonibusq; iura dedisse constat. Æmulaturi claritudinem Sueci, etiam de primordiis gestisq; Maiorum, per cæcam antiquitatis noctem obscuris, magnalia produnt; per uicaciam assertionis ad Gottos stemma referendo, quod tamen compluribus autorum (Piasccio nostro maxime) pro apocrypho habetur, neq; mihi articulus de fide est. Nunc Danus seu veteres iniurias vlcisci occasionem nactus, seu vicini augmenti impatientiâ & odio, bellum Sueco non citius indixit, quàm mouit; planè non absimili prætextu ac motiuo, quali & Carolus in Poloniam biennio ante exarserat. Quò tamen ex ordine & iure belli facere ostenderet euulgauit scripto in antecessum causas, sub titulo; *Ius Fœdiale armata Dania in bellum contra Suecos, iniuncto necessitatis telo impulsa. Anno 1657.* Hostilitatis rationes, exponebantur. Archiepiscopatum Bremensem cum Verdensi Episcopatu, summâ iniuriâ à Danorum dominio abstractos, quæ Prouinciæ mediante Rege Christianissimo restitui debuere, ex pacto Brembrødensi Friderico. Quod Iernense ad Angerhusen territorium iniuriâ deoccupassent iidem; Rationes maritimi vectigalis apud Isthmum seu Zund, conturbassent; à Danicis nauibus, merces Gedano per-

Hb3

Bab



1657. Balthicum deportantibus vectigal exigent; absolutum-  
maris Dominium perperam usurpando; Delectus milita-  
res per Holsatiam inuito Friderico contra amicas nationes  
instituerent; Cornificium Vlatfeldum transfugam Danum,  
qui laesivo scripto subditus Regem suum violasset, ab iisdem  
in patrocinium susceptum, nec requisitione amicabili ad pæ-  
nas aut palinodiam extradi voluisse. Insuper rem ipsam  
exprimebat Danus, cur alterum bello adoriretur ijs forma-  
libus. *Quam periculoso enim proposito undiq; vagarentur  
Sueci, designauerunt præcipue in Polonia, ubi indulgentiori for-  
tuna quam illi non capiunt, insolentiores facti, et quæstuosas  
audacia fines aequitatis transgressi, præda semper inbiant, et  
lucris causa omnia Diuina humanaq; postponunt, id unice agen-  
tes, quominus occupata Borussia, maris Balthici, et nauigati-  
onis omnia potiantur, ibiq; radices altius agant, quam ut à quo-  
piam dimoueri maris dominio possent: ac ita inter vicinos re-  
rum arbitrium obtinere, fortunas illorum versare, Regum dia-  
demata prehendere, demum Sac: Romanum Imp: ubi commo-  
dum infestare, ac lacerare valeant pro libitu.* Indicto ritè  
bello, iuxta Regi Friderico armorum principia; infesta clas-  
se maria infidet, vicinas littori arces recipit ac munit; dein  
relictò salo in solum exponit militem, vel maximè Bremam  
cum adiacentibus respiciendo. Dudum ea in Vrbe Archi-  
episcopalis sedes extitit, serpente demum per Germaniam-  
sectaria labe, ex Feudo Spirituali profanam ditionem Re-  
ges Dani fecerant; donec Gustauus Adolphus Suecorum Rex  
successu armorum per Imperium validus, quod nullo iure  
retinebat alter, ille forti manu usurpanti eripuisset. Eadem  
armorum procella Sueticam Pomeraniam inuoluebat, nisi  
ut memoratum, Carolus à societate Transyluani abscedens,  
ad tuendaq; propria ex ipso belli Polonici æstu regredi co-  
actus, in maritima diuerteret. Hinc, per absentiam, eius  
arma Dani non improspere procedebant, classe Suecorum  
in Balthico dissipata, cæsoq; Henrico Horn Comite de A-  
myenne Architalasso maris, eodemq; Aulae Sueticæ Mare-  
schallo

1657. schallo. Ast ubi regressus in Pomeraniam Carolus, confe-  
ctum fortunam collabentem in melius restituisse videbatur:  
quippe ut diligentiori agriculturæ opimior messis debetur,  
sic armorum successus bellantium respōdent ingenio. Cre-  
do equidem vtriusq; regni eo bello res gestas, natiui scripto.  
res haud omittent fusius tradere; attingi ego tantum, ne id  
quidem iuris in externa usurpaturus, si modo omisissis istis  
patriæ historiæ contextum non mutilarem. Nunc ortiua  
Regni plaga calamum abstrahit.

Vkraina priuilegium calamitatum Poloniae dudum sibi  
vendicans, rursus turbadis rebus ostium latè pandebat. Ille  
namq; famosus pacis vespillo, Tauricæ, Moschuæ, Daciæ,  
Transyluaniæ, imo Ottomanici Imperij aduersum nos con-  
citor Bohdanus Chmielnicki, tandem præsentis ætate è vi-  
uis sublatus, uti semper hostis Patriæ vixit, finire vitam, nisi  
malo nostro vix poterat. Annis defectum sensim odium-  
& viro in Patriam deserebat, subibatq; patratorum pæniten-  
tia, cum iam facultas magis quam desiderium nocendi de-  
fuisse. Duorum Filiorum pater erat, quorum maior natus  
Tymothæus, ad Szoczuanam in Valachia è tormento percus-  
sus interiit; minorennis alter Georgius, rebus per ætatem  
impar iulus, sub oculis sanguinarij senis ludebat. Itaq; dum  
imminent extrema, pupillo Tutores Kowaleuium ac Lesnic-  
ki Tribunos instituit; per multa propensi animi experimēta  
diu sibi cognitos, & usu rerum valentes. Sed in pretio a-  
pud Cosacos Ioannes Wyhowski, à primis belli initijs indi-  
uulsus Bohdano comes, solers idem nec bello inhabilis, &  
quod rei caput ex consiliorum successu summè plebi æ-  
stimatus. Sed ea ipsa popularitas affectati imperij suspe-  
ctum reddebat, & quem Bohdanus secundum non priorem  
Filio cuperet, etsi ætatis ac experientiæ suffragio censeret  
potiorem. Itaq; altum recondito metu, accersitum sub  
extrema Wyhouium, ex specimine quasiverò fidei laudat,  
Cosacorum potentia fulcrum appellat, utq; viro ætate ac  
consilio maturo pareant, per modum ultimæ voluntatis in-  
dicat

Mors  
Chmiel-  
nickij



1657. dicit; simul Georgium filium hominis fidissimi tutelæ, multis suspirijs commendatum, ut annis immaturo Patrem agere vellet, impensè obsecratur. Permulti è Cosacis credidère verbis, eo temporis puncto prolatis, quo mentiri nefas esset; solus Wyhouus astus intelligens, simulq; colachrymans, diuersa obtēdit, ne intellexisse videretur. Moritur sub hæc Chmielnicius declui Iunio Czehryniæ, solito residentiæ suæ loco; quàm ex oppido ignobili in cèlebre emporium, operibus munitionibusq; circumdatum extulit, demum à Turca suo tempore euerrendam. Ferunt, morti proximum, Casimirum Regem deprecari iussisse; quatenus exuto humano affectu, tot facinorum reo heroicè ignosceret, ac qui viuo gratiam non negabat, veniam mortuo largiretur. Sic finijt Bohdanus Chmielnicki prauus & præceps, ac cuius fortuna exemplo magis, quam homine illustrior fuit. Potentiæ recens acquisitæ anceps, inter Principes Europæos se versauit, anxie expendens, vnde spes maior subsidij aut certior, illuc se totum dabat, nulla fidei aut famæ reuerentia, Poloniæ grauis, Roxolaniæ exitium: de quo non ineptè illud Velleianum vsurpari possit. Ausum, quæ ante eum nemo bonus auderet; etiam perfecisse, quæ à nullo nisi consummatæ malitiæ perfici queant. In consulando temerarius, in exequendo peruicax, in morte felix, cum ultra quàm violentis ingenijs contingat, naturali & sicca morte extingueretur. Aliquam in extremis erratorum pænitentiam ostendisse fama fuit: impenetrabili supremi iudicis arcano, qui vel misericorditer condonat scelera ubi seriò pænitet; vel acrius castigat, ubi serò animaduertit.

Subinde Petrus Gembicki Episcopus Cracuiensis moritur, ac velut ante introitum in terram Promissionis Moyses, sic iste ante reditū in Patriam, maturata morte extremum diem clausit. Memorabili illo pacis Poloniæ conticinio, Iacobo Zadzik in Episcopatu successit: ingenium illi mite, pietas placida, grauitas pro modo, cura rei familiaris circumspecta

1657. specta, hinc augmentum opulentiae; etsi grandior natus, ut publico vsui patriæ opes subseruirent, instructam armis virisq; Hastatorum cohortem, in Bellum Vkraynense expedituerat, non tam laudis affectator Præsul, quàm iuvandæ Patriæ studio. Senator prudens, arbiter æquanimis, erga quosuis extra fastum & fastidium; Clero Diocesis suæ quia lentus, charior; inter rigidam seueritatem, & culpabilem conuiuentiam prudenter medium tenens. Synodum Provincialem Pastorum suæ Diocesis, Cracouiæ celebravit ministerio virorum grauium vsus, præcipuè Iusti Słowikowski & Alexandri Brzeski Canonorum Cracouiensium. Mortuus Ratiboriæ Silesiorum, dum anxius Urbis liberationem expectat, Pridie Idus Iulij, Ætatis anno septuagesimo secundo. Successorem nactus Andream Trzebicki ex Promissiensi Cathedra ad Cracouiensem translatus.

Cracouiæ non ultra VIII Septembris commoratus Rex Varsouiam iter adornauit, vti antiquum Regum inuiseret domicilium, inde in Prussiam moturus. In declui quippe annus ac autumnale tempus, vix itineri nedum operi sufficiebat, qui Thorunium confestim ante hyemem recuperandum destinaret. Et multa in accelerandum opus inuitabatur; præcipuè, ut inde exturbato Suecorum præsidio, exolueret fræno Vistulam, quo omnis in Balthicum mercium defluctatio inhibita ab hoste teneretur; dehinc Regi Dano opitulaturus ex condito, in maritimas Sueci ditiones immit-tendo militem, ac ita non exiguum celeritati eius obicem positurus. Ad id accedebat consuasor Senatus ac omnes lateri adhærentes Ministri & Cōsiliarij Aulæ, differētes. Non aliter commodis iniri possessionem amissorum quàm sub Caroli absentiam, dum Prussia patefacto in totum ostio adiri facilis, prostat Principi ingressuro. Si quantocius pedem infert Rex, nullo periculo suum à Suecis recuperat, ac intromissus in Prussiam, iuuabit confestim Daniam, retaliabitq; Sueci hostilitatem, immisso in Pomeraniam populatore milite. Id quippe ratio belli poscere videbatur, in ho-



1657. sticum sedem belli transferre, explorando Sueciæ venam, quæ se altum intra præcordia Regni nostri ingessisset. Sentiret belli mala domi, quibus foris alios affligeret; etiam ad præcludendum quantocius Carolo regressum, quem multato clade Friderico, retro iter flectere sparsus rumor vulgabat. Electorem quin etiam Brandenburgicum non aliter à partibus auellendum, nisi sub absentiam socij Regis ratum succursum confert, cum impendenti discrimine. Is quidem à Leszczynio Varmienti Episcopo primùm sollicitatus, dein à Cæsare ac Principibus Imp: sualus in partes inclinare monstrabat, non inefficaci motiuo, dum iam pacis commoda, iam pericula Martis exaggerantur; attamen ut ab aliquibus obseruatum, quominus, condicto in bimestre armistitio, progressum tantum armorum nostrorum & successum Danici belli circumspectus specularetur. Quippe Czarniecki ac Opalinski Palatini, cum Quater Mill: expedito agmine ibant, retaliandæ hostilitati in Pomeraniam, quâ extimo maris littori prætenditur, noscerent ut Sueci tantundem Polonis in illorum ditiones, quantum & illis in Poloniam viæ superesse. Quò, motis sub aduultum Octobris signis, celerrimè in eum finem per Marchiam decurrunt, ne pigriore transitu, inclinantis ad amicitiam Electoris Prouinciæ grauarentur. Transcuntibus Francfordia ad Oderam præbuit liberaliter annonam, etiam Urbis Oratore, publica panegyri Duces salutante, dumq; à Magistratu (nam libera Imp: Ciuitas est) quominus per pontem subiectum Urbi traduceretur Exercitus rogarentur, Czarniecius Polonos non per Oderam modò, sed per quæuis maiora flumina pontibus haud indigere respondit; quodq; dixit probauit, in oculis spectantis Ciuitatis, nando superato amne, ac die XXVIII. Octobris in aduersi fluminis ripa castris consistendo. Cohæret cum ipso desinentis Marchiæ limite Neostadium, ubi Fira fluuius depresso alueo tractum illum longè latèq; inuadabilem reddens, Suecicas ab Electoralibus ditiones separat; vnde Stetinum Metropolis Prouinciæ quinq; leucis non

Polono-  
rum in  
Pome-  
raniam  
irruptio

non amplius distat, ex quo in cætera mari adfita Gubernatori loci regimen & iurisdictio. Cæterum Pomerania ceterior & Prussia conterminæ sibi regiones sunt, ac nonnisi interkursu Vistulæ, qua in Occidentem prolabitur distinctæ; Prussia à dextris, Pomerania flexo sinistrorsum in meridiem tractu, ad vsq; Danicum litus, & Cimbricæ Heronesi celebratos scriptoribus terminos sese extrêdit. Quod maritimo littori contigua, inde Pomorze aut Pomorska, quasi iuxta mare sita Regio, à primis Cōditoribus dicta: vnde incolæ locosq; Slauonici iuris generisq; fuisse, vel ex ipsa vocabuli nomenclatura probabile videtur. Diuiditur illa in ceteriorem Regno Poloniæ annexam: & vltiorem quæ subdivisa, iam nunc partim Marchionibus Brandenburgicis, partim Succis Regibus paret. Olim à Boleslao Audace Reg: Pol: armis domita, Præfides Polonos accipiebat; sed isti aut locorum distantia, aut finitimorum suasu obsequium dediscentes, etiam Regum incuriâ extemporaneum Magistratum in Ducum titulos commutantes, populos subiectos absolute regere cæperunt; successuq; temporis prisco regimine abolito, in extraneos mores ac politiam degenerantes, pro Slauonico idiomate Saxonicum receperunt, extinctâ primæuæ originis morumq; suæ gentis memoriâ. Nunc vltior Pomerania pro membro Romani Imperij censetur, in ius Suecorum iam pactis cum Imperio, iam extrema voluntate Bogussai Ducis Stetinenfis transcripta. In hanc itaq; uti hostium Iuris, infesta Poloni signa intulere. Primum aspexit Stetinum & inhorruit, non fulgores modò ignium tristi per noctem imagine sæuientium, sed signa Polonica ad exteriores Urbis munitiones procurrentia, tum insultus Equestres, si qui cōtra prodirent Sueci institutos, Ductore Michæle Woynilowicz animosè subeunte; plurium ex hostibus iacturâ, inter alios Maiore Lichstein capite truncato. Hinc, quod non se prouocantibus sisteret Wirrius summo- pere viro peracri tædiosum, nec minus ponens in oculis molas pneumaticas per suburbia incendi, velut in contemptu.

1657.

Pome-  
rania  
diuisio



<sup>1657.</sup> dolente. Sed maximè famæ & terrori fuit, Czarnecium ac Opalinscium Duces adesse, laboris ac itineris indefessos, alterum profligato Transylvano, alterum post recuperatâ Poznaniam depulsis Maiore Polonia Electoralibus, palma recentis victoriæ insignes, utre velut ex destinato æmulos Virtio obiectos, qui veterem hostem in extimo maris litore repertum, pro ingenio suo vlciscerentur. Similis excursus ad propugnaculum Dama institutus à Polanovio, ubi itidē comparente nemine in intima Prouinciæ penetratum. Fæda interim circumfitæ oræ desolatio: Vrbes in quantum validæ fugitiuis complentur, aliæ in mare diffugientibus incolis desertæ, multi in vicinam Ruggiam circumluente pelago tutam dilabebantur; aggresses latebris aut nemoribus absconditi; quanquam isti postquam compertum, direptis, quæ ad esum aut crumenam seruiunt, cæterum à populatore milite parci vitæ & cædibus; complures posthabito suffragio ad mappalia redeûtes, incolumes mansere, ac cum opulētiores exigeret metus, paupertas sibi inter hostium manus secunda visa est. Sed nihil æquè tristius incendiorum licentia, plusquàm sexcentis præter oppida vicis de flagrantibus; etsi Czarnecius suo more seuerior non inhiheret modò, sed seuerè puniret incendiarios, qui Gartzium oppidum succenderant, quatuor protinus in furcam actis.

Hæc inter Duces Poloni, dum in reprimendam vim ex Suecis campo occurrit nemo, (adeo miles in hostico charibæ durior, qui in proprijs terris vitro fragilior est) etiam anni tempus rei gerendæ oportunitatem eripit, totam Regionem populati ad Passenualil peruenere; quod oppidum ad fluuium Ilcier, ob toleratam Germanico bello obsidionem non incelebre, patuit vltro ingressum; vel solâ aduentantis Exercitus famâ conterritis Ciuibus, ut ne pro vita quidē ac incolumitate fortunarum conseruandis, quemquam in antecessum petitem mitterent. Repertus hic in Prætorio alijsq; publicis ædibus multiplex militaris apparatus, quo facile vel tria Millia virorum armari possent: fuere vexilla cum

<sup>1657.</sup> cum insignibus Sueciæ, sclopetæ, sarissæ, gladij, fræna, ephippia, machinæ; imò vestes, penulæ, thoraces, &c: ingens pulueris pirij copia, quæ mox ut quisq; incurrit prior inter rapientium manus disparuere. Sed maior incolis dolor, dum aliquis ex postremo agmine, columbas è tubo longiore globis petens, domum succendit, vnde mox propagata flamma oppidum cum templo absumpsit, in quo olim Martinus Lutherus, ex Comitatu Mansfeldensi subductus, ac Passenuali receptus, sectarium dogma hic primum prædicauit. Andam dehinc insigne Balthici maris emporium ut penetratum, ipsiusq; maris subiecta oculis vastitas fuit, retro signa Polona conuersa sunt, præmissis rursus Vladislao Skoraszewski ac Michæle Kozubski cum ala Loricorum, qui iterum Stetino aduoluti, offuso delitescens Præfecti oculis fumo, sicq; viro bellaci exprobratâ socordiâ, militarily valedicerent. Demum, XII. Nouembris. traiecto Odera, lætum agmen ad vsq; limitem Poloniae reductum, ouans Patriæ fines introijt; ac quoniam de hoste non poterat, de cineribus hostilis Prouinciæ triumphauit.

Rege Casimiro in Prussiam se accingente, præsto ade- <sup>Obsidiū Torun, differre</sup> rat Exercitus Polonus; etiam Germanorum Legiones, ad respirandum in Maiore Polonia locatæ, Thorunium versus iter destinabant. Ast fatalis aliqua cunctatio, rebus prudenter ordinatis moram iniicere credita: præcipuè autumnus tempus imbris & tempestate fædum, indeq; militi graue; dein tardè Viennâ prolatæ in mouendum Austriacum militem ordinationes, seu mandata; etiam in necessarios. sumptus Ærarij insufficientia, quo sine requisito, ac si succis neruis, claudicat bellum. Hæc Crumenipotens Dea, iam nunc Bellonæ locum occupat, istam verna miles efflagitat, auxiliares affatim reposcunt, armamentarij impendia requirunt: quid si socijs donaria, externis honoraria, ministris principum largitiones, vnicuiq; præmia, pro vsu & temporis ratione distribuenda sunt, quibus destitutus Promus Cōdus, primò consilij inops, dein maximo promouendi belli



damno succumbit: cum similes in praesens expensae non  
 1612. ararium modò enervae & depletum, sed ipsum quoque Fortunati  
 marsupium exhaustissent. Quorum cunctis nervos imperij,  
 id est ararium publicum, arbitrio Prouincialium in Polonia  
 subijci ac inde libertatem populi aestimari, quod Rex nolen-  
 tibus collectas (nisi ipsi annuant) imponere nequeat; opti-  
 ma pro populo exactionibus non grauando regula, si mo-  
 dò subsidia pecuniaria conferantur, non post, sed ante ne-  
 cessitatē. Retinens moris Patrij Casimirus, ut legem serua-  
 ret, pepercit necessitati, maluitque indigus videri, quam sum-  
 ptuum extorsione, impelli in odium & quærelas populari-  
 um. Quominus tamen subueniretur indigentiae, ante lau-  
 data, in praesens resumpta Exactio fuit, cui *Accisa* vocabulum,  
 quod condicti pretij trigessimam accideret. quale tributum  
 apud Italos, sub Gabellæ nomine exigi solet. Ast, quid in-  
 ter tantos? ne multis quidem annibus receptis exundat-  
 æquor, quid si torrentis vnus incursum auctum speres? exile  
 ex paruis subsidium, magna paribus ad proportionem egent  
 adminiculis. Interea defectum publicum Ludouicæ Re-  
 ginæ supplebat solertia, ut dum Rex quæ sunt armorum  
 pertractat, ipsa prouidam Matrem familias bello ageret, ne-  
 cessitati occurrendo. Prodegerat continuis largitionibus  
 priuatam Gazam, dein etiam mundum Reginalem dando  
 impendit: parabilia minoris reputans crepundia, modò  
 necessitati publicæ subueniret. Non nemo Politicorum  
 artem conquirendæ pecuniæ, Principibus tradere ausus, iac-  
 tator ingenij, & in imaginarijs spatijs desideria habendi i-  
 ritans; efficacior fuit discursu Reginæ sedulitas, Praesul-  
 lum Opulentiores de dando in mutuum requisijt, minores  
 gradu, decessu, superiorum spe consequendorum opimorum  
 in Israel allexit; quos è Senatu diuitiarum opinio in famam  
 protulerat, pro ingenio cuiusque futurarum dignitatum Pri-  
 uilegia non rogantibus misit; Plebeijs Nobilitatem, Nobili-  
 tati Senatorias Curules adipiscendas proposuit. Bona ad  
 Fiscum Regium deuoluta plus offerentibus addixit; mer-  
 cator

catores quibus opes in parato, pollicitis fauoribus ad danda, 6, 7.  
 in Fænus nomina induxit; vno verbo, tentauit intentata,  
 obtinuit insperata. Tali namque machina multorum vota  
 & ingenia, quæ ære valerent expugnabantur; quod soler-  
 tiæ haud otiantis Reginæ debitum, ad summam belli reli-  
 cto Principe.

Marius Iaskolski è Turcia subinde redierat, expedita præ-  
 ter spem ardui muneris legatione. Innui supra apud Agri-  
 am contra publicam fidem violenter retentum, nec insciam  
 facti Ragocij Matrem, ut quæ haud vano metu percelleretur,  
 ideo vel maximè missum, ut apud Portam Ottomanicam,  
 moti in Polonos belli accuseret Filium. Nec fefellit saga-  
 cem mulierem coniectura; quippe Praefidis Silistriae com-  
 pellatorijs vindicatus, primam indignæ tractationis suæ a-  
 pud Turcas querelam obiecit, multa de violato iure gentium  
 questus: dein Legationis essentialia exponebat. *Rago-  
 cium Transylvaniae Principem inconsulto Imperatore Turcarum  
 bellum Polonis intulisse, nulla in apertum causa aut prouocati-  
 one, imò maximè Pactorum cum Turcis initorum iniuriarum,  
 dum impotens spei Vassallus pace abusus, inclutam amicitiam  
 Ottomanicam gentem nullo iusto prætectu lacefferet. Proin Turcis  
 accuratius introspectiendum etati hominis genium, & ingenium,  
 ne dum Polonos Fæderum antiquorum tenaces immerito prouo-  
 cat, mox gradum sceleris faciendo, contra Feudi Dominum in-  
 surgat. Mature itaque vasti frenarentur spiritus, nimiumque  
 cristas attollens Ragocius, nimia sperare dedocetur.* Ad quæ  
 insolito Aulæ illi benignitatis exemplo responsum. Iudi-  
 care neminem posse altera parte inaudita; ac in Polonia  
 feruentibus iam armis, parum mandata Imperij, apud effe-  
 ratum Transylvanum valitura. Vbi tamen æstus belli re-  
 sederit, diluendum crimen inquieto, cur inconsulto Im-  
 peratore hostem se Polonis, aut amicum Suecis professus  
 fuerit &c: Plura tunc ore tenus beneuolentiæ retulit Iaskol-  
 scius argumenta, barbaris more lupi agentibus, qui prædæ  
 intenti, subter se caudam inuoluerent; etiam istis bello Can-  
 diae



1657. diæ distractis, pro tempore plausibilia loquentibus. Cognitum postea anteceditia cum euentu cōuenire; Ragocio Transyluanix Principatu abrogato, ac illo, quō eminebat fastigio, Aula Turcicæ ingratis deiecto.

Principatū istum, qui Hūgarix Regni appendix est, & velut separante naturā, a cætero Pannonici Regni corpore sitū & nemoribus auellitur; obtinebant dudum sub nomine Palatinorum Præsides, directo Dominio ad Coronam Hungariæ spectante, donec Turca cum potiori Hungariæ parte pro se raperet. Auorum memoria præsedere Bartoræi, recentius Gabores, dein Botschaj, quoad domui Ragociorum cederet Transyluanix dominium, Anno CH: 1629, Stephano Georgij Patri collatum. Sed is reuerenter fortunam, solerter Barbarorum ingenia tractauit, hostes astu, & amicos simulatione disticens; ut tandem continuatæ gentis dominationi immoreretur. Non pro Patris modo filio Georgio indoles, ac obtusa ad nouissima respiciendi prouidentia; nisi quem Fatum corruiere decernit, prius rationis ac prudentiæ præsidij destitutum prostituat in casum. Hinc Dynastæ prosperis elati ruinā, qui nimia animo destinans, iam nunc Transyluania à Turcis deiectus, etiam hæreditarijs in Hungaria ditionibus lure Cæsareo proscriptus exciderit Mohacio ubi sedes auita familiæ, venientem aditu prohibente, utpote erga supremum Dominū, qui Hungariæ Rex est, Feloniæ damnatum. Hic ambitioni finis, & qui immodica cupiditatis mancipium quærebat, inuentus est nihil habens. Percurre sæcula, excute Orbem, passim reperies elatos ad bruta vsq; degradari.

Media-  
torum  
studia Ad Thorunij obsidium reuertor, ut Regno conducibile, sic Regi vnicè maturatum opus, nisi interuenientes difficultates obstitissent. Attingi nonnullas ultra quas accelsit, quod tendentem Casimirum per viam adirent Christianissimi, etiam Sueci Regis internuncij (Akakiā & Chamiere) compellarorias de pace ferentes, quominus reconciliatis animis redirent ambo Reges in gratiam, mediationemq;

utriq;

1657. utriq; Coronæ æquanimem Gallus Rex polliceretur. Dum pulullanti negotio attendebat operam insinuans, (Regina multum hac in parte satagente) Antonius de Lumbres vir non minoris facundiæ, quam in agendo dexteritatis. Ast cōtra non defuere suscepto cōsilio renitētes nostri, quod aspirante Suecorum rebus fortuna frigeret Mediatio, ubi contra successus euenit, tum demum paciscendi mentio flagrantius resumeretur. Maximè Austriacos Ministros pupugit studium pacis Sueco-Polonæ, in sui exclusionem à Gallis tractandæ; proin inculata æmulæ gentis inuidia, ut quæ occultè tantum verbis & clandestinis factionibus ageret, cum Hungariæ Rex præsentis auxilio, & nullo cuiusquam respectu rem Polonam armis iuuisset; volueruntq; ab Aula seponi Gallos, firmiter obfistendo, ne ijs autoribus coalescerent ineundæ pacis rationes: ubi id requisitioni eorum tribuitur, efficacem in abstrahendo Electore Brandenburgico à Sueci partibus, operam subinde polliciti. Ita ubi manus lassauerat ferrum, vicariā operā in certamen lingua descendebat. Ast Politicorum solertia inuestigauit faciliè causas, quorsum ij in reuocando ad amicitiam Polonam Electore, nimis officiosi videri vellent; cum interea ad obsidendum Thorunium legnitus quā par erat, animos & arma expedirent, varias differendi rationes, & incongrua. Aula Viennensis mandata obtendentes. Explicabatq; alius subtilior Aulicus arcanum, ex Taciti Annalium lib: XV, de Corbulone legiones Romanas in subsidium Tygrani mittente; *occulto præcepto compositius cuncta quā festinantius ageret, quippe bellum habere quā gerere malebat.* Etiam isti multum suā interesse existimauere, si protracto apud nos bello, in alieno theatro feralem scēnam spectarent. Ilopitis inter belligerantes gentes armis, calamitatum torrente Imperium aliquādo inuolutum iri præuidentes, imò Austriacorum res pessum ituras, vacante in id temporis Cæsaris Solio: præsertim quod Philippus Casimirus Archiepiscopus Moguntinus, Electoralis Collegij Primas subinde

K k

dicm



diem suum obijisset, sine quo, non conuocari Electores, non proclamari Electus, aut coronari posset. Itaque, lucrifacendo Brandenburgici suffragio, qui Romani Imperij Archicamerarius, diuellendi; eius à Sueco studium, propriam causam flagrantius perurgebant Austriaci, haud ex animo ad finendum in Polonia bellum cooperando, ne Sueticorum armorum accessu, suspecta Gallorum factio inualesceret. Hinc lentioris operæ causa credita, & obsidendi Thorunij aperta cunctatio.

*Electores  
Br: Re-  
gno con-  
siliatus* Fridericus Wilhelmus Marchio & Elector Brandenburgensis, tantisper seu blandiente successibus Caroli fortuna, seu præuiso inuitabili ditionum suarum damno & vastatione, temporum necessitati ex præsentis usu cedendo, Suecis se ut supra relatū adiunxerat. cui ad pristinam cum Regno confidentiam reducendo, non minus arduus quam insignis labor enituit Venceslai Leszczynski Episcopi Variemienensis, ut demum plus æquo Sueticæ amicitiae fauentem partibus Reip: tandē reddiderit, capto primum Lubauia, dein Regiomonti colloquio, eam in rem cōoperante Vincentio Gasiewski Lithuanix Campestri Duce, qui iam tunc beneficium libertatis, ex captiuitate Suecorum interuentu Electoris præstitum, mutuo conciliandi eius cum Rep: officio, compensare studebat. Accedebant Franciscus Baro de Lisola, & Ioannes Owerbek, ille Austriacus, alter Electoralis Ministri: præcipuè posterior non imprudens futurorum coniector, ne ex Pomerania Suetica redeuntes Poloniaciteriorem Electoris, ac contiguam Maiori Poloniæ Marchiam, pari ut hostium ditiones animo tractarent, disceptato diu negotio tandem euicir, ut ad condicendam reconciliationem, tam Rex Poloniæ, quam Elector Brandenburgicus mutuò congressi, nouis fæderibus veterem confidentiam repararent. Itaque, dum Thorunij obsidium varijs dilationibus protelatur, ne nonnihil agendo annus diffunderet, Rex Casimirus comitante Ludouica Regina, Bydgosciam se contulit; Electore Brandenburgico terrestri itinere Ber-

Berlino eodem veniente; quouè maiorem in regia amicitia monstraret fiduciam, Ludouicam à Naslaw ex Orangiorum Principum familia coniugem, secum adduxit, sincerioris abhinc affectus argumentum, ubi alterum sui dimidium exhibuisset. Oppido appropinquare Electorem ferentibus Nuntijs, Rex equo obuiam hospitibus iit, consecuta carpento Regina, utrosque florentissimo equitatu aulicorum militariumque, etiam prætorianis ante aut ponē sequentibus. In Drohniæ amnis ripa congressi Principes mutuò se salutauere; nisi quod prior cum vxore Elector datus in pedes, aliquantum venientes Maiestates præstolabatur. Sic perfuncti officio, quod pluuium cælum esset, discessum ex loco maturant, Electore Reginam, Rege Brandenburgicam manu fulcientes, ac ad carpentum Reginale deducunt: ubi prolixum de loco confessus humanitatis certamen, Regina hospitem Marchionissam prius & à dextris, quæ honoratior sedes collocante: honorem illa deprecabatur, ac in antilena currus confidens, ex condigno honorari voluit coronatam Maiestatem. Postquam ad Collegium PP. Societatis Iesv ventum, Rex uti hospitium tunc suum Electorem inuitauit, conclaue ingressis, eadem qua prius Heroinarum manu ductione. Interuenit sub hæc, dum Ministri Electoris ad osculum manus Regiæ accedunt, ut cum alijs Boguslaus Raduillus Stabulo Lithuanix Præfectus, peruicax eo bello partium Sueticarum assertor, Regis genibus aduolueretur, cui Rex haud celatā offensā manum illico subtraxerat: dissimulante velut non aduerteret Electore, priusque se ipsum conciliare Regi, dein in alios præocupato fonte, torrentem gratiæ deriuandum censente. Vbi semotis arbitris (Commentariorum fidem sequor) colloqui vacauit, prior Elector, recensitis in Poloniā bonæ voluntatis speciminibus, modestè præsentia & maxime tēporis necessitate excusauit; ne duorum Regū armis constrictus, victoris spoliū fieret, Neutralitate inconcessa. *Adhare et tibi (inter alia proferēs) Serenissime Rex enitebar impense, sed cogebar vis vehementior, ut inter distri-*



3657. *stricti ferri minas, & stridentia à tuismet Polonis discrimina,*  
debuerim partes facere, ob conseruationem sui, satius belli socius  
Sueco, quam materia vincendi. Iam ecce redeo, Tu, quod falli  
me à fortuna passus sum, si benignè transmittis; ego vicissim  
presentis pacti & mutui officij haud immemor donec viuam fu-  
ero. Ad hæc Casimirus peramanter amplexu vinciens, ex  
Principis Romani dictorio reposuit. Regna à Fato dari, ac  
ut placuerit Numini, procellis bellorum agitari: illo adgubernā-  
te prospera fluere, euenire aduersa. Conditionem mortalium  
in eo stare, ut sorte versetur, ex amicis hostes, ex hostibus amicos  
faciendo; breues tamen amicorum iras, & ante /lis occasum  
deponenda odia. Plura constantem tota vita Ser: Electoris ami-  
citiā, quam perfunctorium ex necessitate secessum aestimare,  
cui deluenda presentis animorum redintegrationis victimam  
sufficere Numini, & sibi: ut qui transacta aquanimitate tulisset,  
iam meliora optet. Quæ dum boni Superi largiuntur, vicis-  
sim se elo liare, ac cum affine Principe, mutuis ut ante officijs &  
charitate certaturum. Hæc in congressu illo, Cōmentarij  
qui ad manū sunt, reliqua abscondita, quia absorpsit arcanū.

De ea Principum conciliatione diuersa, ut assolet, inter  
nostrates fama & sensus: multis optantibus quæ nondum  
erant, improbantibus quæ iam facta essent. Disserebant  
aliqui. Amicitiam præcipua constare lege, ut commune ha-  
beatur inter duos prosperorum & aduersorum participium, cum  
felicitate temporum parentur amici, probari constantiā soleāt.  
Quorum sinceritatem si ad lydiū affricas, melior is & ma-  
gis fians, qui non refugit aduersi; nam insitum deteriori cuiq;  
felicitatem sequi, ut mel muscis, cui auide inhaerent donec dispel-  
las. Sic pleriq; simulantes beniuolentiam, habent se ut Trito-  
nes adium, qui flitu circumagi faciles, uno loco subsistere ne-  
queunt nisi vehementiori vento caudā blandiantur. Id conter-  
minis Principibus olim & nunc solemne, ut stantibus Poloniæ  
tranquilata Fauonijs, erga nos se dent: resante fatali à ma-  
ri tempestate in Aquilonem vertantur; & quos expediret vel  
semper Poloni amicos, vel nunquam hostes existere; vasa-

los cumprimis Regni. Id palam fuisse anteriore cum Gustavo, 1657.  
belli, quorum nutantis amicitia, viuinam & nunc careremus  
exemplis. Sanè maturari oportebat Electoris Principis respi-  
scientiam, ampliore redintegrata amicitia fructu, si ante deser-  
tum à fortuna Suecum, veterē cum Regno confidentiam, & Feu-  
datario debitā fidem sarcisset. Quia si, ut ad Polonos regrede-  
retur, emptus magis nec sponte accessisset diceretur: nos verò, dum  
nimis officiosi videri volumus, dispendiosi in publicum existemus?  
Tantone pretio condonata Dependencia seu superioritatis, con-  
ciliari debuit Princeps ut faueret postliminio nobis? cuius nu-  
per miles ad fundendum sanguinem Polonum hostibus commili-  
tauit? etiam ipse transferendi belli in viscera Regni Suecis au-  
tor, elisso in Varsaviensibus campis eorundem robore, ad vi-  
ctoriam pernucax, iactura nostra ruebat? ille è cineribus Po-  
loniæ, suum nouus Phoenix meditabatur incrementum, ut in sor-  
tem herciscundi Regni accedens, iniquissima pactione ex Vasallo  
cobares, & citra Electionem Rex fieret & c. Expedire, ut sine  
dispendio Prouinciæ & luriū Regni, Serenissimus noster post-  
hoc clemens sit, vel expectet saltem qui offendissent, ut benigni-  
tatis prius indigere ostendant, Ast qui alia sentirent, con-  
traria loquebantur. Euidens vitiiati stomachi signum esse, in  
noxios cibos appetitu ferri, & ingestos concoquere non posse: huc  
collimare quorundam male-sanum cerebrum, ut necessaria opiēt,  
euenientia fastidiant. Quid in votis, quid in familiaribus  
colloquijs, imò publicis consilijs flagrantius? nisi ut collapsa  
depressi Regni fortuna, retracto à societate Suetica Brandebur-  
gico restabili possit? Id omnes Status Ordinesq; desiderauere:  
exposcebat Clerus, precabatur plebs, quæ vocabuli Germanici  
parum intelligens, Electoralem titulum, Kurfirsta, per ignoran-  
tiam w Pana Chrysta transmutarit. Vbi auaro voto satūsa-  
tum, & in partes trahi se passus Princeps, bona nostra ipsimet  
incusamus, & modo expetita tædet felicitatis. Sed cur id tan-  
dem? inconstantia amicitia vitio vertitur? Quæ anteriori-  
bus bellis transacta, quia memoriam nostram excedunt, minus  
egenti excusatione: ad presentia respondendum. Electorem Sue-



1657. co associatum Remp: armis appetuisse, cuius ipse membrum sit? Disputant lurisperiti, an lex de non resistendo nos obliget, in gravissimo & certissimo discrimine? Unanimiter tandem decidunt ex ratione summae necessitatis, & evidenter ruinae coactis, licere uti praesidijs vite: imo etiam ex iure naturae, communis boni respectu. Bello Suetico antequam ad extrema deveniretur, quid non praestitit Elector Princeps? Cum Ordinibus Regaliae Prussiae arma iunxit, loca opportuna sumptu & milite proprio firmavit, cum hoste quavis commercia abruptit, ac decretoria pugna configere obiectis copijs paratissimus erat, nisi pro Regno Poloniae pugnaturus, numerosis Polonorum copijs apud Bartensteynum, ab impare & periculosa belli alea retraheretur; non modo deserius à socijs, sed proditus hosti. Dein ex natura Feudi, obligationem personalem oriri, quae ut uni contrahentium fidem & operam, ita alteri praesidium & tutelam imponit. Postquam finibus Regni excesserat Rex, manifestè habitam Prussiam pro derelicta, unde dum fortiozem imò amplissimi Regni Monarcham cedere fortuna vidit, sibi subditorumq; salutem, pro quibus strictam Decorationem redditurus esset, omni meliori modo Electorem consuluisse. Maiorē Poloniā nondivisione in hereditatē usurpasse, sed partitione in defendendū suscepisse. Quod hostem Poloniae egerit aliquando? & cur non denunciendus beneficijs, ne rursus id faciat, cum utilius multò sit ex hoste amicū, quàm ex amico hostē facere. Ita tunc conducibilia optabamus, ubi voto satisfactū vel ipsa rei optatae satietas, in fastidiū transibat. Ast Principes postquā per pacta quibus Bydgosstiensium nomen, iureiurando amicitia sanxere, dicto vale ab invicem digressi sunt: Elector quidem Bèrlinum, Rex Poznaniā, reliquum anni ibidē transacturus. Subsistendi hinc motuum ob interuenientes belli casus, tum speratū vel maximè Caroli Sueci ex Dania regressum, ut in reprimendū cum fæderato iam Electore, confilia & vires facilius sociarentur. Quid verò ea Colligatorem Principum arma praestiterint, consequens annus debitam sibi materiam fusius explicabit.

A. M. D. G.



# ANNALIUM POLONIAE CLIMACTERIS SECUNDI, REGNANTE IOANNE CASI- MIRO, LIBER QVARTVS.

Elenchus Contentorum

An. CH. M. DC. LVIII.



*Casimirus Rex Poznania hyemem traducit, propter gravamina Germani militis anxius, & querelas incolarum. Hinc ob insalubrem aërem in pagum Bogoniouū secedit; Ludouica Regina uxorem Electoris visitandi causa Bèrlinum proficiscence. In Ukraina motus rerum commovetur, Wyhouio à Moschis exacerbato: qui tamen ex ingenio suo obsequium simulans, Casimirum Regem ad suscipiendum Cosacorum patro-*



patrocinium inuitat. Ragocius contra Turcas protectionem Austriacam suscepit, Transylvaniâ amicus. Rex Poznanâ mouet Varsauiam, ubi indit. Et extra ordinem Comitia fuere. Virorum Illustrum in Polonia mortes. Pestis Varsauiam inuadit, unde Rex Louicium demigrare cōactus. Ad quem Moschi Legatio. Dania Regni ac belli cum Suecis brevis mentio. Guinski ad transmarinos Reges iterum ablegatus. Comitia Varsauia celebrantur, magno Ordinum concursu. Mediatio Gallica tepescit, Caroli armis praualentibus. Danus cum Carolo paciscitur et si federe minus durabili, quippe mox rupto iterum ad arma deuentū. Gahewski obsidet Rigam: Suecosq; per Liouoniam urget. Mors Korycintj Regni Cancellarij. Grodzicki in Prusiam premissus, quatenus Austriaci mouent. Electio ac Coronatio Leopoldi, in Imp. Rom. expedita. Exercitus nostri tendunt, unus ad obsidendum Thorunium cum Marechallo Lubomirscio, alter cum Czarnecio in Holsatiam. Wilna Commissarij cum Moschis congregantur. Wyhoulus in partes Regias apertè transiens in Moschos bello insurgit; Suecus oppugnat Kopenhagen; cum interea Douglassius Iacobum Curlandia Principem, cum Ducali familia abduceret captiuum. Subinde fusior Holsaticæ expeditionis narratio. A Moschis in Lithuaniam illata arma; Thorunij obsidum, absultus, impressiones &c. recensentur; etiam absessorum constantia; aonē inualecentibus orfarij malis in deditionem inclinauere. Quam deditionem Comes Oxensterna procurat, Rex clementer annuit. Sub quibus conditionibus, deditur, inferum. Constitutiones antea Electorum Comitiorum erroneè impressæ, iterum typis recuduntur. &c.

Anna  
Christi:  
1658.



Brandenburgi  
ad Suecos  
cessu

**L**ectore Brandenburgico à sociali cum Suecis fœdere, ad Polonos regresso, plurimum Caroli rebus decessisse creditum; et si ille ultionem magis quam dolorem iactans, pœniturum facti auctore protinus dictitaret, ac ex contumelioso recessu vindicias acerrimè minaretur. Nihilominus, ut lolet ad subortas amicorum iras, prius literis vtrinq; donec amœnia expediuntur velitatum. Afferebant Sueci. Indignè eorum raturum fœdus, à quo recessisse plus Electori opprobrij, quam Sueco discriminis promanaret; præsertim nulla data disunctionis causa, ac socij deferendi. Nam, seu minis Polonorum territibus, seu promissis corruptus, etiam fortè Austriacæ Domui addictior: insuper, status sui conseruationis respectu, ad id consilij accessisset, certè ut àternis pactis cum Carolo initia descisceret, iussu

causam non fuisse. Maiora in ipsum Suecorum exstare beneficia, validiorem amulis potentiam, nullum ab Imperio metum, Regem mox ex Dania reducem, gloria & nouis subsidijs auctum, bellum & triumphos in Polonia continuaturum. Proinde non planè Heroicum censeret, ab initio fœdere tam facile (cum tamen deceret magis Electorem extrema subire, quàm à semel pacta fidei religione, quæ non dextras solum, sed etiam animos atq; conscientias colligaret), resiliisse. Sed exemplo illorum factum, qui plus rationi Status & utilitati priuata, quàm obligationis fidei consulunt, & prout conducit ita amicitias licitantur. De his prolixius suo more Sueci. At Elector, cui ob similem in maritima Caroli recessum, Ragocij casus euidentis suggereret argumentum, quid metueret ipse, aut exprobraret Regi, ex præsentis vsu consilia se mutare coactum excusabat; quæ si ad veri lancem expenduntur, se potius à Rege, quàm Regem à se desertum ostendens. Abiisse Carolum in Dania, abduxisse Exercitus, & aliquot tantum fortissimis prehensa Prussia, in se omnem belli Polonici molem deriuasse. Quid faceret multiplicatis hostibus, & virium notabili diminutione periculo impar? non aliàm tutiorem ac expeditiorem conseruandi sui inijisse viam, aduersus ingruentem Cæsareanorum ac Polonorum Exercituum ditionibus suis intentatam hostilitatem, nisi eorum partes amplecteretur, quibus maior ipsi nocendi vis, quàm sibi seruendi absente socio facultas esset. Quantum ad merita & beneficia, quæ sibi exprobrarent Sueci, ea tantum non esse, nisi satius mutua officia vocentur, quæ inter pares exhibita, reciproca humanitate pensata sunt. Si verò loca quedam in Prussia sibi attributa Rex Suecus beneficij loco poneret, iam tandem ex re ipsa Electorem assequi, non velut largitionem Caroli retinere ex dato, sed quæ ab illo accepisset ex alieno donatium esse: imò vi Ecclesiæ Feudum Warmiam proprijs dominis restituendam quandoq;. Talia, inter socios belli iam nunc ex disiuncto agentes ac æmulos, scriptis iactata. Cui verborum comminationi accedebat, sparsus propediem in Prussiam redeuntis Caroli rumor, quem dum vel Sueci in



1659, terrorem diuulgāt, vel nos ex fama credimus, opportunum Casimiro visum, si in omnem calum, his in oris consistens, discrimini propior ageret; vel sola praesentis Regis umbra plurimum occurrentibus malis remedij allatura. Posnaniae itaq; hyemem traducere statuit, tam immittendis in Prusiam copijs loco viciniore, quam miscēdis cum Electore consilijs loco ob cōtiguatē percōmodo: cum Poznania XXIII. non amplius leucis Berlino distaret, vbi Electori residentia: Erat tunc Maior Polonia quaedam calamitatum belli palæstra, ac velut gladiatorij theatrū, in quod partiū pugiles, seu inciperent seu finirent scēnam, decurrebant fataliter; Suecorum armis, eodem tractu emigrare velle ex Regno monstrantibus, quo ad nos illata fuere: afflicto Prouinciæ statu, quò antea bellis intacta & florentior alijs extiterat; quippe DEVS, dum castigat neminem præterit, dum benefacit vniuersos propitiatus respicit. Quidquid post exactos præfidijs Suecos remanserat in Prouincia annonæ, consurmebant cohortes nostræ, simul auxiliæres Germanorum legiones hic in hyberna locatæ, præcipuā agrestium vexa & desolatione. Neq; minus Regi molestum, à Ducibus Germanis eorumq; militia, quam ipse vel detractis mensæ propriæ redditibus aleret, Ordinationes (vt vocant) suas si non sperni, at certè non audiri nisi prius mandata Viennæ excussa probarentur; accedebat acerbitas pulsari aures cōtinuis Nobilium querelis, immodestiam imò violentiam hybernantis militis incusantium: cum intuitam istis domi cum pignoribus mansionem redderet auxiliaris miles, per laxatam penitus disciplinam ad latrocinia versus, qui cum infesta vbiq; teneret itinera, ægrè à Præfectis impetrari potuit, vt vix aliquorum exemplari pæna, sanciretur incolarum securitas. Hinc aliquoties Nobilitas per Delegatos ex ordine suo, vt facinorosum coerceretur licentia, Regem precabatur: dein effectū intra dilationes posito, dum è templo diuertit, vt leuior quisq; ita audacius circumfistendo compellabant. *Cur venisset Ser: Rex, nisi vt innoxij populi vexam*

pro-

*propius aspiceret? pacatam antea Prouinciā nunquam in-1658. gressum, nec ardescēte bello vt propugnaret comparuisse: nunc ubi ope Numinis exactus aliquo modo hostis, inductos procurante ipso Germanos, qui sub auxiliorum nomine, acerbius Succis Maiorem Poloniā haberent, & depraedarentur. Quod si direptio Prouinciæ in commiserationem non traheret, saltem spectatorem agere desinat, donec intolerabilis oppressio armis excutitur. Exacerbat super hæc, ab incerto autore odiose sparsa relatio, cā per Maiorem Poloniā Austriaci militis locatione, expleri veteres Casimiri iras, vt qui primò Succis adhælerant incolæ, iidem, quā externum iugum insuauē sit, vel in auxiliarijs experirentur. At Rex dissimulauit prudenter, omnem conatum impendens, vt alleuiaretur malum peccantium humorum euacuatione, nisi inter ægri patientiam & curantis lentitudinem, molesta quædam interueniat expectatio. Vnde occurrendum erat, ne iniurijs exagitata Nobilitas, durius quid in Germanos attentaret: vtrisq; per fortuitos congressus, minas & probra iacentibus, & non raro tam in Vrbe quā in via, infestis inter se ferrum stringentibus; facili consequentia vbi odia minæq; quas cohiberet in tempus Principis reuerentia maturescunt, in cruentum propediem certamen erupturas. Sic Regem sui quoq; exercere: qui totus in eo vel maximè erat, vt exonerata auxilijs Maiore Poloniā, ad opera belli quantocius iretur; nec minore consideratione, ob interturbandam rem rusticam, quominus horna semina, quæ in pabulum equis conuerteret miles, solo inferenda superessent: summa tunc per Prouinciā frugum penuriā, & qui conlumerent pluralitate.*

Posnaniae graui cælo, utpote post nuperam obsidionē, ne dum probè repurgata Vrbe, cum ex Curienti comitatu permulti morbo decumberent, etiam Ludouica Regina insalubrem auram experta, suasu medicorum mutare locum decreuit, Bogoniouum Castellani Calissiensis pagum, cum omni Aula Rege demigrante. Distat haud longè Berlinum,

Ll2

adfi-



1658. adfite Marchiae oppidum, ubi tunc pro tempore & ex usu domicilium Elector fixerat, consilijs uti memoravi, pro re nata & occasione, cum Rege communicandis. Ipsa loci vicinitas persuasit animi gratia iter, an quod excelsae indolis proprium sit assiduo gaudere motu; unde Ludovicam Reginam ignobili pago otiosam agere dum piget, splendidius quam securius se itineri committens, Berlinum perrexit; sollicito primum Rege ob viae discrimina, mox permittente, quia ipsa volebat. Discessus causa praetendebatur sueta sexui ciuilitas, nempe Aloysiam Brandenburgicam Electoris consortem visitandi. Certè praestitum officium, gratum admodum Electori Principi extitit, hospesque excepta magnificè & tractata fuit; breui dein morà officiositatem expediens, ad Regem reuertit: occultis tunc quae in arcano agitata consilijs, in quae inquirere arduum, vel si assequi daretur, minus ad Historiam pertinens; quae subtiles istas scrutandorum arcanorum semitas deuitando, dum viriles actus refert, Regia via pergere debet. Nunc ortiua plaga calumum vendicat.

Ioannes Wyhowski apud Cosacos Zaporoscenses Praefecturam adeptus erat; seu Chmielnicij iam morituri suauis commendatus, seu sua ipsius solertia, pridem in Exercitu illo habitus inter praecipuos, dignatione ac experiètia. Floruit equidem Bohdani stabili diu fauore, donec sub extrema ne filio praeponeretur suspectus: demum mortuo, parum diuersis artibus, quas sub veteratore illo hauserat, se in Praefectum Cosacis insinuauit. Sanè promptus ac rebus tractandis agilis, ut qui foro olim ab adolescentia exercitus, dein consilia & fortunam Cosacorum per decennium & ultra moderatus, sub alieno didicit imperio, quomodo & ipse eius militiae habenas aliquando tractaret. Sobrietas quin etiam, simulata temulentia velata laudi fuit, peculiari apud Cosacos virtus, ac aliae ambidextri ingenij qualitates, magno insuper ad conciliandum vulgum illicio usus, consiliorum successu. Verum quibus tunc in Vkraynam imperium, diu

fal.

fallere Moschos non poterat, gentem acutam & suspicacè, 1658. & quae non plebis modò statum moresque, sed ipsiusmet Praefecti in Cosacos iurisdictionem restringi in plerisque cuperet. Dum itaque dissimulans amicū Polonos improbat, aliquantum fidei apud Palatinum reperit Wyhouius, ubi patuit inclinare in partes, primò suspici, post argui, tandem & perfidiae inculari cepit. Equestri loco natus erat, hinc primae criminatiōis gradus; insito seruilibus ingenijs nāuo, ingenuos odisse; dein cum Proceribus Scytharum vetus resumpta familiaritas nocuit, enata subito delatione, quā Moschuam traductus, non Polonos tantum, sed & capitales. Mag. Ducis inimicos Scythas ab eo obseruari, ubi mature scit proditio, sceleris patronos tutoresque habiturum: utque his adiutoribus, totā Vkraynā Moschouitico surrepta imperio, adiugum Polonicum, quod iam propè decennio excussisset, reduceretur. Multi quippe ex Cosacis erant, qui veterem Vkraynae statum cum praesenti conferentes, legitimā Polono Regi subiectionem, illiberali Moschorum dominationi prae haberent: repertis contra qui Moscho fauentes quidem essent, sed praeter Georgij Chmielnicij minorennitate, ad Regimen Zaporoscensium minus apta, Wyhouium maturum annis spectatum bello, ac continua rerum gerendarum imbutum praxi, Praefectura Exercitus potiri in ante desiderantes perficerent. Nec ipse abnuebat, iam quod inclinatione naturali omnes dominari quā subesse malumus, etiam sub id tempus sparso rumore incitatus, Magnum Moschouiae Ducē, sub cuius interim maneret Vkrayna patrociniō, ad Diadema Poloniae aspirare: hinc firmiter apud Cosacos regimen sibi mansurum existimauit, ubi tam infestae gentes in vnum imperij corpus coalescunt. Obtinebat. Kijouiam Praetoris in modum pro Mag. Moschouiae Duce, Mattheiowicz Palatinus, in omnia dicta factaque Wyhouij eiusque factionis hominum sollicitè intentus, expresso Aulae illius mandato (uti fama fuit) si ad Polonos inclinare Wyhouium comperisset, eum quocumque modo in castes perdu-

Ll.

tum



1658. *Etum suæq; potestatis factum, demum Moschus sisteret. Latere dolus cautum & metuentem non poterat diu, proin Palatinum vitare, ad consilia bellica, seu conuiuiorum solennia vocatus, varias absentiae causas prætexere, donec structas vitæ suæ insidias, & patriotis aperire, & Palatino exprobrare cepit. Hinc mutuum odium inter inuisos diffidentesq;: etiam in populum querelæ, imò largitiones, pessimè ab his collatæ, qui ideo importuni largitores tribuunt, ut alteri odium faciant. Et profecerat Moschus dando, quippe Puszkarenko legionis Legatus, (Assawula) ex intima admisione Wyhouij, diem ipsi dicere ausus, quod Scythia cum in exitium Moschorum coniurauerit; in Aula Polona Theodosium hominem Græcum & summè versipilem foueret, per quem ipsi à Casimiro Rege subsidium armatorum promitteretur: insuper producebat Edicta, quibus nuper vniuersa Vkraynam arma resumere iussisset Wyhouius, haud dubiè Moschis Siculas vespas apparatus. Itaq; Moschus circumspectum sciens vidensq;, hinc telum proterendi orditur. Fortè, an altiore consilio Wyhouius, penitus popularium inspicendis animis, per quendam Petronium Ascetram, regimen Exercitus Zaporoscensis (ut cui muneri imparem se agnosceret) ultro abdicans illud in manus Palatini resignabat, cui placeret deferendum. Confestim Moschus, non facilius quàm eâ viâ lappas vesti hærescentes excussurus, Transborystenianos Cosacos quibus fideret magis Pereassauiam euocauit, præfatus de rebus magni momenti acturum, nimirum gentis Roxolanæ Polonicum in vnum Imperij corpus sub Mag: Duce iungendæ, vel ipsum Wyhouium seriò inuitans, & nihil non mouens ut fucum securæ amicitiae inijceret. Verùm lupus foueâ subodoratus, dum illicio abstinet, dolum elusit, imò infestissimi consilij euentum in rem suam vertit, popularium adiutus fauore. Namq; frequenti Cosacorum concione Palatinus, ne antiquum morem in eligendo Præfecto infringeret, primum egit, quominus cunctorum suffragio Dux*

armo-

1658. armorum subrogaretur, vbi Wyhouius tum absens ultro muneri renuntiasset. Obstupuere ad insperatam resignationem turmales socij; aliqui immeritū degradari indignati, sed magis veriti plurimi, ne deposito populari & suæ gentis Duce, rigidior aliquis à Boreali axe barbiger præles, populo licentiæ adueto obtruderetur. Hinc diu inter primores silentium, cum gregariorum aliquis. *Quid inquit rei est ut Wyhouius abdicato regimine, sine causa nos deferere velit? neq; de te Palatine tam malè meriti sumus, ut nobis Ducem, & nos Duci ereptum eas. Illo allaborante excussimus Tyrannidem Polonorum, nec sustinebimus nisi sub illius imperio vivere, aut pro eo mori: id pro me, id pro socijs si imperiū abrogatur, spondeo. Quam in gregario libertatem affatim omnes æmulati, acclamationibus comprobauere sententiam: neq; Moschus consensui multitudinis obniti ausus; sciens sapius ut plebs quæ perficere se posse arbitretur, rogare non lustineat. Quominus tamen sua iterum instituentis Præfectum Zaporoscensem firmaretur autoritas, eas præscripsit leges. Moschum quantocius iret Wyhouius, qui inibi dignatione & bene-placito Magni Ducis, ita regimen Cosacorum capefferet, ut Polonos, nisi Regnum tradunt, & quicumq; Moschis non amici foret, pro hostibus haberet; Scythas armis persequeretur; aliq; subiunxit, quæ iureiurando firmari ab amicis Wyhouij voluit, cum sincerè intra terminos fidei Moscho obstrictæ constitutum. Sed arduæ propositioni vadem se præbere ausus nemo, horrentibus rigorem Palatini Cosacis, industria quidem viro singulari, sed fastu & asperitate morum odioso. Minax idem ac cui semel irasceretur indeprecabilis, & qui sapius dictitaret, insolentiam Cosacorum rigore imperij frangendam, non indulgentia nutriendam, recidendosq; licentiæ stolones, ne proceritati arboris officiant. Nec facta verbis discrepabant, cum plebe seruiliter, cum ingenuis superbè egit, pari infocordiam austeritate, quàm in virtutes liuore. Sic, dum intèrissimè insidias alter struit, solerter alius euitat, ad extrema ambo respiciebāt: Mo-*



1658. Moschus efficaciâ irretiendi aut capiendi destitutus, quoquo modo è medio tollere statuit; Wyhouius nullatenus nisi patrocínio Polonorum protegeretur securum se ratus, manifesto à partibus recessu consulere rebus suis decreuit; pridem in schola Chmielnicij facinoribus eruditus, vel supopte ingenio in omnes figuras prorsus versatilis. Proin ubi ab Theodosio quem in Aulam Polonam amandauerat, haud difficilem Cosacis ad Remp: regressum, pronumq; ad indulgentiam Regem cognouit, protinus Paulum Teteramfidum tunc sibi, sed posthac huic Iulio Brutum, publico Zaporoscensium nomine ad Regem delegat, qui exposito totius Vkraynæ desiderio, in partes Reip:, ac legitimæ Regis obsequium Cosacos propendere nuntiaret; si modo pacandis rebus primò subsidia armorum, dein Commissarij Reip: cum plena tractandi potestate mitterentur. Interea, ob loci distantiam tardè ex Polonia suppetias missum iri reputans Hanum Crimensem uti viciniorem conuenit, qui irreconciliabilis semper Moschorum hostis, Karaczbecium primò dein Soltan Nuradinum cum viginti Scytharū Millibus auxilio sine mora submisit. Ergo Palatinus seposita vi dolos agitans, Barabbam Centurionem inducit, qui stantes à parribus Wyhouij Cosacos ad obsequium Moschi suasionē retraheret, iniectoq; dissidij fomite, scissos animis in Præfectum concitaret; ac quo maior instinctus negotio esset, nec largitionibus homo parcus pepercit. Ast irritæ aduersus solerem technæ, quippe comperto ex indicibus arcano, captum Barabbam, nec conceptam factionem dissidentem, laqueo strangulari in eminenti patibulo iussit, palam factorum aliorum criminū exactas pœnas abscondi, perfidiæ monstrari oportere. Verum, sublato vno, recepit alter tollendi Ducis negotium, eò fidentius patrandum, quòd in paucis Wyhouio familiaris esset. Dzedzaty erat veteranus, quem cum socijs à municipio Lisianka venientem exceperat. Dux amicè, pro more gentis largiore meraco tota die strenuè perpotando. Aderat & Karaczbecius è primoribus

Scy-

1658. Scythia, uisitandi gratiâ, aut consiliorum causâ veniens; verum isto post breue colloquium digresso, Wyhouius intra conopæum se in stratum composuerat, cum Dzedzaty temulenti in speciem, saluti Ducis præbibendo, locumq; decubitus ex stridore gutturis speculatus, protinus in somno oppressum irruit, & ancipiti spiculo quale venatores ferunt planè transadigit ficcarius iacentem. feriens simul & inclamans. *Hui inquit canis cui sanguinem Cosacorum licitari pro lubium esset, quid ni ad inferos abis exitij nostri causa aut instrumentum.* Multum sanè simulata ebrietas profuit, in ipso namq; discriminis articulo, agiliter intentatum ictum cuitans, seu culcitis impedito spiculo, subitus laciniam Conopæi euolutus adproximum Equile prorepfit, ubi equum nactus ad Karaczbegi statua per obscurum noctis silenter euasit, seq; seruauit melioribus: haud implorans combibonum opem, qui & ipsi factionis conscij de industria protraxerant conuiuium, ut inter pocula mactato Duce, non insolitum apud populares crimen excusabile compotatione facerent. Quæ post, anxius meditatæ necis molitor Palatinus, ubi priuata ultio non succedit, publicè in odiosum caput grassari voluit, renuntiato palam Martino Puzkarenko Zaporoscensium Duce, ut is commissi Exercitus Regimenti sibi quoquo modo æmulum tollens præstaret, quod si minore motu facinus perfici nequiret, vel aperta vi contra perfidum experiretur. Nam malis si nocendi facultatem impediatis voluntatem intendis, neq; deerit facultas ubi præualet potentia. Quonam verò modo inter se æmuliconcertauere, ac ut superior armis Wyhouius notabili Moschorum clade iniuriam ultus est, infra exponam; nunc sufficit causas protulisse & motiuum, cur ad protectionem Polonorum postliminio Cosaci respexerint.

Initiū Anni 1658. deiectione Ragocij ex Principatu Transyluaniæ famosum extitit: cum naturæ nostræ insitum sit magis noua, quàm magna mirari. Suspiciebant enim depressum à fortuna Turcæ, ob agitatum in Polonos bellum.

M m

credi.



1658. creditus, si non irritato conatu molimen finiuiſſet, nec ipſi Ottomanò parſurus Vaſallus, animo vaſtus & ſpei indefinita. A quo proinde Feudi Tranſylvanici inueſtituram, ab eo & priuationem habuit, iactante Tyranno in gratiam Poloniæ factum, quam immeritam bello laceſſiſſet: adiuncta demerito appendix Iſkolſcij Legati ad Aulam ſuam tendentis iniuria, quem uti memoravi, à Ragocia Matre ex itinere retractum, ac per ſuos ſatellites indignè ex commiſſo Filij tractatum arguebant. Sed formidatus formidansq; Dominator Orientis, noxiam materiã ſuſpectabat, ne poſt Chriſtianitati in offendendi aliquando inſtrumentum, bello exercitus Ragocius contra ſe verteretur. Deiectus, ſupplices preces, ſimul ingentia dona placando Imperatori miſerat, haud tamen priſtinum ſtatum recuperare valuit, Præſide Silieſtriæ Baſſa cum ſexaginta Turcarum Millibus, alium Tranſylvaniæ Palatinum, Ferenſium ſeu Franciſcum Rydaſ inducenteſ origine, religione, moribus, priori ſympatriam, etiam Dominationis tenore haud diuturnum. Ita Ragocius dum aliena appetit ſua perdit, & qui modo inter Dynaſtas Europæos aliquo in pretio habitus, iam exul ac priuatus, ne auito quidem patrimonio in Hungaria, ob banni Cæſarei proſcriptionem, frui permiſſus: tumdemum fortis ſuæ intelligens, ubi ad ima detrufus eſſet. Eſt Hungariæ Rex Leopoldus, iam vieiſſitudini indolens, iam ſupplici parçens, in ſpem erigeret: interuentuq; Weſſelinij Palatini patrociniũ adpromiſerit, ſex Millibus militum Germanicorum ſubſidio miſiſ, cum quibus aliquoties Turcis congreſſus, & ſubitarijs prælijs victor, famam belli utcunq; ſuſtentauit: non tamen amiſſum Principatum recuperare valuit. Sapite Principes, ac diſcite fulciri Thronos iuſtitiæ.

Operiebatur Germania deſtinatum Electioni Cæſaris Romani tempus, magna Principum Imperij expectatione, cum interea moritur Ioannes Philippus Archiepiſcopus Moguntinus, Electoralis Imperij Primas ac Archieancellarius: cuius interueniente Fato differi actus Electionis debuit. Se-

prem

1658. ptem illis, quibus Imperatoris nominandi ex Aureæ Bullæ præſcripto, ſuffragium debetur Electoribus, additus haud pridem octauus eſt, bello nupero in Germania canonem Carolinum immutante, ut ferè neceſſitas armorum planè eſt inuitabilis. Cuius Electoratus gradum obtinuerat Ludouicus ex ſtirpe Rhenana, olim Comitæ Palatini Friderici Filius, Princeps Heydelbergensis, ſub Archithesaurarij Sac: Rom: Imperij nomine, poſtremum in conſeſſu Collegij locum ſortitus.

A dulto Februario conuocauerat Caſimirus è Senatu potiores, cum quibus conſultauit: quibus modis, ſi non in totum ſopiri, ſaltem proſequi, vel demũ alleuiari bellum poſſet? Maioribus Polonis vel maximè vrgētibus, ne vltra præſurā militis Auſtriaci grauarentur: frequentiſſimo Procerū cætu tanquã ad reſumendam de nouo Senatoriam functione conuolante. Præcipui aderant Andreas Trzebicki iam tunc Nominat Epicoꝑ Cracouiēſis, Ioānes Gembicki Ploceſis, Florianus Czartoryſki Cuiuienſis, Stephanus Wierzbowski Poznaniēſis, ac Nicolaus Prazmowski Luccorienſis, deſtinatus Sigillo maiori Miniſter. Palatini: Poznanienſis, Calliſienſis, Plocenſis, Lancicienſis, Terrarum Ruſiæ &c: Mareſchalli, Theſaurarij, alijq; Status Miniſtri &c: Ducibus Exercitus ſerius comparentibus, qui ut mutuo inſenſi conciliarentur, ægrè ac magno temporis impendio effectũ. Gallicorum Miniſtrorum ſubinde in lucem prodibant ſtudia curæq;, quibus compoſitioni belli Suetico-Polonici enixè allaborare monſtrabant. Quippe Lumbreſius, omni mota præciſa ad Regem Carolũ Viſmariam eo in negotio acturus iuerat: & Akakia alter ad latus Reginæ hæreſ, plurimis rationibus demonſtrabat, lacero & afflicto Regno expeditionem ineundæ pacis viam fore, quæ mediante Rege Gallo, verborum tantum impendio conſtaret, quàm Auſtriaca auxilia, quæ & Suecum acrius irritarent, & Polonis carò admodum comparata, nec citò nec in totum ſatisfacerent. Nihil intereſſe cuius interuentu hoſtilitas dirimatur, modò belli.

M m 2



belli mala cessarent, non quis, sed quid præstiterit? Dædus ille an Oedipus? Leopoldus siue Ludouicus fuerit? modo cum bono gentis Poloniæ tranquillitas firma, pax sine discrimine, & reconciliatio animorum, sine iactura Regni haberi posset. Talia isti, longe plura nostri ex voto suadentium, aut excellentioris alicuius genij instinctu proferebāt: ut ferè Aulicis ingenijs solitum, explorato Principum sensu huc formatis rationibus collimare, proq; illorum beneplacito per discursus familiares, vulgum imbuere opinionibus.

Eo temporis clara & crebra virorum illustrium apud nos funera interuenēre, publicis malis additamentum faci-  
*Mortes Illustr.*  
 endo. Ac ut Prophetarum aliquis conspexerat (permisus) Deum, cum trulla cæmentarij, lapides muri Israel dei cientes, certè eiusmodi visio in nobis expleta, quando eminentes de fastigio muri Polonici lapides, capita & ingenia posteriorum è Senatu, de Terra viuentium exterminaret ille, qui murum huc Spartanum, secundi in Regno Ordinis, cōdiderat Deus. Moritur cum primis Andreas Leszczyński Archiepiscopus Gneznenſis infracti vir animi, ac cui prospera & aduersa iuxta fuēre. Siquidem sub Vladislao IV. Regni Procancellarius, consummatam Patriæ felicitatem, ac in flore Poloniam vidit: qui idem sub Ioanne Casimiro Regni Primas, vndiq; calamitosam ac interneciuis bellis succumbentem doluit & expertus est: biennio ferè Nisæ in Silesia extorrens agens, donec podagricis affectionibus, quæ stirpi Leszczyńskiæ eo modo patrisſanti hæreditariæ videntur, succubuit Louicij, Archiepiscoporum Gneznenſium ordinariæ sede: felicior vir, nisi quod ærumnæ senem probauēre infractum. Etiam fati legem subiit Vladislav Marchio Myszkowski Palatinus Cracouiensis, iuris Ordinati vltimus ex lūbis successor. Patrem habuit Sigismundum Regni Marschallum, præter alias qualitates, externis eo vsq; æstimatum, ut Mantuanus Princeps Vincentius Gonzaga constemmatem sibi, imò participem Gonzagæi vocabuli esse voluerit. Hinc in stirpis eius titulos Marchionatus irrepsit, qui in

in toto Regno soli & vni Myszkouiorum Familiæ, amplissi-  
*1658.*  
 mæ Ordinationis possessrici, ex lege competit atq; tribuitur. Namq; in libera Rep: similia externorum crepundia aut appendices, cane peius & angue odio sunt: sufficit Nobilem nasci, quod si in æqualitate nato bonæ artes adfuerint, virtute superantur æquales, aut excellentia qualitatū. Dies ipsi feralis duodecima Martij, funus sortitus Pinczouix maximo Nobilitatis concursu. Quoniam prolis exors, bona Ordinationi subiecta ad collateralem deuenēre, Franciscum Myszkowski Tyszouecensem Præfectum, cum quo mihi triennale sub signis Patru commiliqum fuerat.

Finita Conuocatione Rex, vel quod vrgenter pestis Varſauiam inuadens abitum imponeret, vel protectione sua militem ad opus belli prouocaturus, Louicium mouit: obuium in itinere nactus Moschi Legatum, Diadema Poloniæ pro Duce suo reposcentem, titulosq; Regni in antecessum præiudiciosè vsurpantem. Importunum patienter audiuit, more suo Oratorem, & humaniter tractari voluit, expeditione in suspenso habita, quoad Ioannes Gofecki subinde Moschuam missus dilatum in eam diem expediendi Legati negotium, difficultate belli apud Mag: Ducem excusans, simul ad tractatus Commissarios Vilnam mittendos inuitarat: cū interea moram omnem adeo impotenter arumperet Legatus, vel cultro pectori adpresso vim sibi minatus, si modò per vltiorem dilationem imperio Magni Ducis, intra bimestre regressum iniungentis, parere vetaretur. Ast paulatim emolita ferocia, exposito Comitia Generalia imminere, in eum finem Ordinibus Regni indicta, ut in ijs præcipuè negotium Electionis Statibus Regni propositum, in deliberationem veniret: interea non ex ordine, nec pro exigentia consulturum rebus Ducis sui Legatum, si quorum certitudinem breui morâ intelligere posset, iam indiscreta præcipitancia, effectum Legationis corrumperet. Equidem Generalia Comitia ad diem X. Iulij indicta fuēre: magna omnium expectatione, & non vltra remedia immi-



1658. nentibus differenda existimantium, præcipue vt à plaga illa hyperborea, vel conditionato assensu pacem, vel legali denegatione apertum bellum haberemus. Cum subinde Magnus Moschouiae Dux, Regem se Poloniae dici haberiq; vellet, nullo legum cardinalium, quibus circumscripta libera Electio respectu; exilem item in præsens regnantis Maiestatis rationem admittens aut cautellam; sed omnia ad stateram voluntatis metitus, vt pote, qui supra leges natus, eadem in acquisito Regno infra se habere moliretur.

Maritimi interea Daniae Sueciaeq; Reges, non minus inter se odio quam armis depugnauere; summo vtriusq; alter quod prouocasset, vt depelleret alter, impetu & contentione. Siquidem reuerso in maritimam Carolo alia Suecorum facies & fors fuit; reiecti Dani, patuit Holsatia, Slesuici Princeps obsidione liberatus, inuasa Fionia, in Scelandiam penetratum, Danici Regni arces aliquæ vi, pleraq; spontanea deditione occupata; vno verbo mira successit euentuum varietas, vt qui bellum fecerat Fridericus Regno planè excideret, nisi quatenus muris vnius Hassniae clauderetur. Iam quippe & Croneburgum clauem maris custodem, Wrangelius Admiralis Sueciae, tradente Christophoro Balde Praefecto, æmulo Regi eripuerat, vt ita traiectum Freti Oresundici manu tenens Carolus, nec nisi suo permissu Oceanum Balthicum claudens aut aperiens, dominiumq; maris vendicans, commeantes in enauigandum spatiosum æquor naues vectigales sibi faceret. Ex freti angustiae Danis Zundt, Latinis Isthmus vocantur, Croneburgo ac Helsingburgo archibus munitissimis per oppositum littus custodiam intermedij pelagi retinentibus. Hic existunt eius Regni cornu copiae, Danis Regibus coarctati maris ianuam tradente natura; vt quidquid ex septentrionalibus oris, venum ad Europæos aliasq; Christianorum superi maris Prouincias adfertur, non nisi ipsis volentibus ac permittentibus importetur; rursus variarum gentium merces in Arctoum Orbem, quasi per lineam communicationis transeant. De Daniae situ,

et

1658. vt vicino colliminio Sueciae adhæreat, ac quomodo multiplici maris intercurfu scindatur; ex Geographicis Regni tabulis scire volentibus facile patet. A meridie totum pene Oceani Balthici littus Pomerania occupat, quoad freto, seu sinu Codano terminatur, qui in varias distinctus insulas Dano Marchiam seu Regnum Daniae constituit. Quam non illaudatus gentis scriptor Saxo, his terminis, imò verbis circumscribit. *Dania medijs pelagi fluctibus interscissa, paucas solidi continuiq; tractus partes habet, quas tanta undarum interruptio, pro varia freti reflexionis obliquitate discriminat. Ex huius luthiae Regni principatum constituens, sicut positione prior, ita situ porrectior, Theutonice finibus admoetur. Post luthiam ad orientem versus Fionia est, quam à continenti angustius æquoris interiectus abrumpt. Hæc sicut ab occasu luthiam, ita ab ortu Sialandiam (vitate Seelandiam) prospectat, conspicua rerum necessariorum ubertate, & qua cunctas Regionis Prouincias amenitate superans, medium Dania locum obtinere putatur, ab extremo limite, par spatorum intercapedine dispersa est.* Addit quin etiam de maris eius natura. *Tanta omnis generis piscium frequentia repleti, vt interim impacta nauigia, vix remigum conamen loco moueat, nec iam præda instrumento artis, sed simplici manus officio capiatur. Slesuici ac Holsatiae Ducatus eiusdem Regni appendices sunt; Metropoli Hassnia, cum primitus Londa pro capite sedeq; Regum haberetur.*

Exinde Fridericus eius nominis III, tunc apud Danos rerum potior, dum fortuna stylum mutat, & ineuitabilis necessitas in dirimenda arma impellit, Hugone de Thertons Galliae Ministro consuatore, in pacem, cui post Rodeschindensis inditum nomen, etiam allaborante Angliæ Protectore (qui ea tempestate Carolo dextrum se exhiberet brachium) trahi se patitur in mitiora, stita inter insectos per condictam pactiorem armorum ferocia: frustra Ioanne Gniniski Casimiri Regis Legato breuent moram, & Oratoribus Batavis deprecantibus, ac modo in illo præcipitio immotus tan.



tantisper Rex subsisteret, confecti auxilia pollicentibus. Ast  
 1618. Fridericus tumefcente autumnalibus procellis pelago, auxi-  
 lia Batauorum pro tardis, Polona longissimo tractu pro de-  
 speratis iudicans, icto fœdere hostem Sueco exiit, sed quo  
 mox tractatu irretitum se sentiens, etiam amicum breui de-  
 posuerit. Leges pactiōis in quas conuenerant, redux po-  
 stea à latere Dani Gninscius referebat, quæ erant eiusmodi.  
 Medietas vectigalis quâ terra, quâ mari in portubus Danicis  
 Regi Sueco cederet; eidem Lorenum cum fortalitijs & ad-  
 iacenti ditione traderetur. territoria item Brantheim, &  
 Bauhus, cum Szelingia insula, in Noruegia addicerentur.  
 Classem X. nauium milite & omni apparatu instructam,  
 Danus in usum Suecorum subministraret; Duci Holszty-  
 nensi si quæ per bellum illata damna sarcirentur, in super-  
 neruo belli iuuaretur Suecus, utrisq; Regibus, contra quos-  
 uis hostes fœdus defensuum, simul & offensuum in eu-  
 ribus. Sic à victore data lex paci. Quod ubi cognitum dirempti  
 inter intentos Reges hostilitatem, tum ut quisq; vicinorum  
 malo priorior segnis operæ & dilati succursus pœnitere,  
 consilia quorum tempus effluxisset damnare, errorem alter  
 alteri imputare, nemo corrigere, & quisq; pro se angustie  
 piebant. Verebantur Austriaci Electionis Cæsareæ distur-  
 bia & factiones, tum ne submisso Polonis auxilio efferatus  
 Carolus in ditiones Imperij vim effunderet: Poloni redin-  
 tegrari de nouo bellum, ac Danica pace duplicatas hostium  
 vires supponebant: angebat Brandenburgicum offenso &  
 indignanti materiam exerendæ ultionis obijci, ac potissi-  
 mum existere in quem euoluta transmarinis cubilibus fera  
 fœuisset; Dânus iniqua pactiōe recisas pennas, quæ neutri  
 quam exerescerent, dolebat; Bataui liberum mare nauiga-  
 tibus frænari; Hanseaticæ Vrbes sæpius Borealibus Regnis  
 æmulæ, nimiam incrementis suspectare potentiam; alij alia.  
 Ergo fatali damnata cunctatione (nec deerant qui ex festi-  
 nato fœdere Dano imputarent præcipitantiam) in remedi-  
 um mali nihil celeritate conducibilius visum, si Colligati

matu

maritima introgressi, in hostilibus terris belli sedem fige-  
 1633. rent, inibi Suecorum vires distinendo, ac ita constricto per  
 iniquam pactiōem Friderico (cum inter Principes Contra-  
 ctus necessitatis pro inualido habeatur) iterum in resumē-  
 da arma manus resolverent, bellumq; velut de nouo redore-  
 direntur. Certè Ludouica Regina, ut quantocius in suc-  
 cursum festinarent Exercitus flagrantissimè vrserat, eius  
 consilij Regi Casimiro fomes & motiuum: dumq; osci-  
 tantèr negotium procedere aduertit, futurum fore præ-  
 dicens; ut Austriacus miles, qui Suecorum ditiones inua-  
 dere tergiuersaretur, breui in visceribus Germaniæ Caro-  
 lum Dano iunctum sit salutaturus, enormi florentis Impe-  
 rij, imo Electionis Cæsareæ turbamento. Quæ itidem Ba-  
 roni Lisolæ aliquando in conclauis, quod contrerancis Gallis  
 plus, quo addictior exoptulanti, quàm Germanis imò Po-  
 lonis quorum Regina esset, cum ex bona vicinitate Ger-  
 manorum maius emolumentum, & in præsens succursus  
 Reip: proueniret; Gallis verbosis tantum factionibus Re-  
 gnum distrahentibus. Respondisse ferunt. Quam exhi-  
 berent Germani auxiliorum operam Polonis, non absimi-  
 lem videri pomo Paradisi, in quo lateret sciētia boni & mali.

Generalia interim Comitia Varlauiam traxere Regem,  
 quæ in eum vel maximè finem indicta sunt, ut Regnum ef-  
 flictim ambiente Moscho, imò titulos iam vsurpante, im-  
 modestæ illi aspirationi in solium, vel maturè obuiam ire-  
 tur, vel ut solita via & ex legum præscripto habere diade-  
 ma vellet, suasionibus flectendo. Siquidem milerè dilace-  
 ratum Regnum respirio egebat non turbis, alta tunc con-  
 sideratione, quomodo nouum bellū occiperemus, nedum  
 finito altero. Omnia fessæ & enerui Reip: deerant, præ-  
 ter causæ iustitiam; quâ tandem fulti, impares licet discri-  
 mini, superiores euasimus, quod Dei beneficium fuit: cuius  
 Iudicia recta, estq; potens ille in paucis saluare innocentē.  
 Subiungo vniuersales Regis pro Comitij literas, ex his  
 quid tunc Poloniæ animi & in Moschum affectus, si pari-

N n

cer-



1658.

certare voluisset, satis liquet. IOANNES CASIMIRVS D. G. REX Pol: M. D. LITH: &c: Quam nihil in votis antiquius aut desiderijs optabilius habuerimus, præ amicâ cum Magna Moschouiae Duce conciliatione, Imperijq; eius cum Polonia Regno coalitione, vel sola Vilnæ transacta Commissio boni affectus nostri, luculentum omnibus præbet testimonium. Etiam nunc ad retinendam cum eadem gente amicitiam, consummandumq; vtriusq; Imperij Vnionis opus stimulus & motiuum extitit, vt Comitia Ordinibus Regni nostri Generalia, Varſauiae in præsens indiceremus; in quibus cum eodem Principe ac vicina Moschorum natione, ex vno eodemq; sanguine & originis Slauonici fonte nobiscum procedente, Religione, idiomate, moribus, vix in paucis difformibus, in confusionem inuidorum vniuerso Slauonico nomini vicinorum, perpetua pax, coniunctio, ac firmitas Vnionis fædus, coalesceret instituereturq;. Sed cum nostræ potestatis non esset, rationabilem nec à pietate Christiana alienam intensionem, ob continua bella Suetica, Hungarica, Cosacica, adoptatum finem perducere: nunc per Dei gratiam memoratis hostibus ex dominijs nostris maior ex parte depulsis, necessarium hoc ac latè diffuso Slauonico nomini gloriosum opus, exequi, Deo adiuuante intendimus. Prout de facto præstare cupientes, hisce literis nostris Comitia Generalia Ordinibus Regni, amputatis ex more solennitatibus, pro die X. Iulij anni præsentis indicimus celebranda. Quem actum &c. Datum Bogoniouiae die XIX. Maij Anno CH: 1658.

Pragmatica sanctio in codice Patriarum Legum existit, quatenus Comitia Regni Generalia semel in spatio biennij celebrentur, nisi interueniens casus legem dispenset, aut necessitas aliter cogat. Ne tunc quidem, etsi incommodante bello præscriptum tempus transgressi, vno tantum mense ultra biennium dilatis Comitijs legi contrauenimus: cum Anno 1655. die XIX. Maij celebrata, iam nunc in X. Iulij reciderent indicta, fato an casu integram legem conser-

conseruante, quod non nullis boni ominis loco acceptum. <sup>1658.</sup> Nec ea frequentia Senatus maiore, quam publicâ cunctotum lætitiâ celebrata sunt: gratulabantur adinuicem Conciues velut rediuiuū Reip: theatrum postliminio incuntes, summeq; libebat intermortuæ reminisci libertatis, vbi Rex in solio Maiorum confidet, & vterq; tam Senatorius quam Equestris Ordo, ad incolumitatem Patriæ curas & consilia vertunt. Vladislaus Lubowiecki Iudex Terræ Cracouiensis, Collegij Nuntiorum Terrestrium Marschalcum seu Directorem agebat, studia Ordinis sui, ad maxima quæq; vsus factus moderando: cepitq; Actus ab Arrianis regno pellendis, pestiferâ sectâ, & si quæ alia intolerabili, vt quæ vnigenito DEI FILIO consubstantialitatem, quam Græci Homouſion vocant, derogans, æqualem coæternæ Maiestatis gloriam, blasphemio ore laceraret. Ô tempora! Ô mores! Iam aliquis in sole maculas quærat, quas tamen per telescopia aut instrumenta artis inuestigare facilius fuerit; plus ultra humana temeritas audet, inscrutabilia Sanctissimæ TRINITATIS mysteria, rudi captu circumscribendo, quæ non melius nisi credendo sciuntur. Non quidem complures Prouinciæ Poloniae (solâ exceptâ Mazouia) ab ea peste immunes: sed rarius in alijs aperto cælo, & sincera luce noctuis nidificare ausis, maximè per subiectum Carpatijs montibus tractû, qui Podgorze dicitur, eius farinæ homines stabulabantur, Suecis per Poloniam addictissimi, & quibuscunq; hostibus Regni mordicè adhærentes, vt non alijs emissarijs aut exploratoribus vterentur aduersarij. Legis scriptæ, quæ eo dogmate infectos Regno emigrare iubebat, tenor erat. Subtit: de Arrianis. *Etsi Patria Leges, Arrianis seu Anabaptistis, nequaquam intra Orthodoxum Regnum subsistere permittant, nihilominus cum fatali aliquo errore in dominijs nostris eius farinae homines, qui vnigenito DEI FILIO blasphemè derogant, fugere domiciliū præsumpserint, ex vnanimi omnium Ordinum consensu &c: statuimus, vt pestiferi dogmatû assertores, etiam eorum fautores legitime conuicti, pana capitis puniantur, adiecta in*

Nna

negli-



<sup>1658.</sup> *negligentes Iudices officij priuatione:* cætera in contextu Legis videre licet. Hæc in ordine ad DEVM: ad proximum tamen, rigorem legis temperabat indulgentia; ut damnatum dogma eiurare abnuentibus, cum fides Dei donum sit, prorogatum tempus ad triennium fuerit, sub quo diuenditis immobilibus, extra fines Regni emigrarent: quo nihilominus tempore, omne illis religionis suæ exercitium lex abrogauit, incapaces publicorum munerum declarando. Post hæc, primum locum sortita confirmatio Pactorum legalis: utpote cum Hungariæ & Daniæ Regibus, etiam Electore Brandenburgico, Tribunal Fisci generale Radomæ indictum; exoluendis militum stipendijs designata Leopoldis, ubi instituta Comissione, Cohortium Legionumq; armilustria, tum & Exactorum rationes discuterentur. Quippe hic saltus hic Rhodus fuit, stipendiorum exolutio, in immensum debito excrecente, cum interim desolatae Prouinciæ contribuendi impotes, exhausti incolæ, si iubeas contumaces; si preceris, paupertate excusabiles forent: contra molestus ac grauis in repetendo miles, non omnino contra æquitatē debitum reposcere videretur; modò plus expectationis ac modestiæ abrupto postulati sui feruori, admiscuisset. Ergo quæcunq; media, consilia, inuentiones, insuper acumina conquirendæ pecuniæ haberi potuere, nihil intermissum quod ad rem faceret. Constituta primò Summa debito correspondens, concessaq; Prouincijs optio, quo genere contribuendi quæq; vellet exolueret, dummodo proportionata quantitas XXIII Agrarijs Fisco inferretur. Confirmata præterea à vendibilibus Acciza; Contributio Ducillaris (Czopowe); noua telonea aucta, vetera restituta, Thesaurus Regni reuisioni subiectus, Rationes cudendi monetam initæ; Ex bonis Regalibus pensio quadruplaris (Quarta) geminata; prærogatiua Nobilitatis quæ ære pararent, impetrata; insuper, ut est acce necessitatis ingenium, tunc primùm beneficia Reip; (Vacantias vocant) ex empto conferri capere: insigni iustitiæ distributiua iactu-

iacturâ, quæ Panem benemerentibus, ut consequerentur <sup>1658.</sup> virtute non pretio ordinauit. Ferunt diu Polyticum peccatum abhorruisse Casimirum, & auersatum tantisper velut Regio animo incompetens; nisi sorices Aulæ præsentinecessitate excusabile, & dulce ex quacunq; re luerum peruicissent; quin etiam fæmina vetitum pomi esum, suo Adam ex usu fructu commendasset. Comparuere dehinc Cosacorum Internuntij, etiam Scytharum: priores debitum vti subditorum in Regem Regnumq; obsequium testati: Scythæ constantem Hani Crimensis erga Casimirum declarabat amicitiam, quàm submittens in instanti contra quentis hostem auxilia, firmam & stabilem probare paratus foret. Affuit demum sub finem Moschus, non aliter contenta legationis expositurus, nisi prius Internuntius Cosacorum Nosacz, quem Wyhouij Magno Duci suo rebellis emissarium vocabat, relegaretur. Itaq; Cosacis secessu extra Urbem ad tempus indicto, Moschus à Rege admissus auditusq; fuit: nisi dum cunctos pestis Varſauiæ diggredi cogit, etiam Rex ob infectissimæ luis cōtagium inde abit, ut differri subinde desideria Moschorum debuerint.

Medio fermè Comitiorum cursu increbuerat rumor, armata classe Regem Succiz in Prussiam redire, & iam nunc apud Pucensem portum hospitari. Turbauit multos in ipso consiliorum æstu relatio: etiam Gedanensium ad Comiticia delegatis, utpote, qui sibi cauentes suspectarent omnia, haud incertum rumorem firmantibus. Sed astus inerat, quippe exermes naues per altum æquor instructæ classis præbuere tantum speciem, mox emissis è portu Dantiscano speculatorijs celocibus, retro flectentes, ac ita oculorum solum, qui primi metum concipiunt, excitare terri- culamentum. Astum in terrorem compositum, & auroti sumptuosum, adscripsere naualium periti, Stetini Gubernatori Wirtio, ut cui è Vismariensi portu naues in perfunctorium discursum emittere vacaret; firmandis quin etiâ Thoruniensibus commentum, quibus immediatè ad mouendū obsidiū Poloni minaretur. Nn 3 Per



1658.

Per Curlandiam dehinc armis intactam, tandem belli calamitates insonabant; Bellum aliquis febricitantibus simile dixit, qui ipsi somni expertes, soporem alijs interpellant; nec dissimiliter arma, dum aduersarios vexant, nec amicos intentatos relinquunt. Prouincia ea Crucigerorum olim Theutonici Ordinis sedes, post ex Feudo Ecclesiae, in dominium saeculare conuersa; Gottardo Kietler Magistro Ordinis, stirpi suae sub Fiduciae titulo, à Regibus Polonis impertrata Clientelarem gubernationem. Praerat nunc Curlandis Iacobus, ex eadem stirpe successor, qui bellante apud nos Sueco, gaudebat Neutralitatis beneficio, neutri parti inmixtus, utriq; intactus, ex eo, quod gesto olim bello cum Gustavo Adolpho in Prussia, inter partes sexennalium primò Induciarum, dein ad Annum 1661. duraturarum, (ut Praesecius refert) autor ac arbiter, seu maior Pater Patratus extitisset; etià nunc perpetuae pacis pararius speraretur. Offendit Suecos, constans in eadem diem intermedij Dynastae felicitas, immixtusq; Douglassius, hostilis Equitatus Magister, qui astu & ficta amicitiae simulatione, praesidentem Ducem circumueniens, inturbido alieni infortunij lucrum osè piscaretur. Aiunt Neutrales illos, ubi bellum feruet, non absimiles videri in media aedium regione habitantibus, ut qui ab interioribus fumo infestentur, à superioribus conspergantur aqua decidua. Etiam Curlandus inter Polonorum odium, & Suecorum vexam constitutus aliquandiu mansit, indicto bello, quam ficta amicitia honestius opprimendus. Inde verò meditata oppressio capit. Douglassius in Samogitiâ expeditionem simulabat, repensurus hostilia, quibus nuper Liunioni exercuerat Gasienius. Ergo itum & reditum pari impostura, velut Lithuanis non comparentibus, & Suecis lassitudine fessis, in diuersa mox abiturus Douglassius, respirium militi intenderet. In quem finem per praemissum Nitaiam (quae Curlandiae Ducum sedes) Spensium Tribunum poposcit, ut pro veteri in Suecos fauore, iam aegris, iam fatigatis militibus concederetur.

1658.

tur nauigia, Promno amne in proximam Liunioniam deueniendis. Annuit postulato Dux, inter utrumq; anceps, ne exhibito officio Polonos, denegato Suecos offenderet: praualuit tamen consideratio, ut loco propiores demereretur; hinc quotquot in flumine reperiri nauigia poterant, confestim tradere Spensio iussit, etiam commeatus in victum, ac medicamina refouendis aegris impertiri; subornatae decipulae haud intelligens, imò debita circumspectione destituta. Et accurate procedebat dolus, cum prima nauigia de die subitus arcem allapsa, morbosos tantum ferentia, omnem insidiarum metum amouissent: ast intempesta nocte, quae opportunior fallentibus quam decipiendis, quadraginta naues maiores arcem subière, in quibus miles per diem occultatus, per tenebras arma capeffens, subito vallum inferius raro custode inuasit, haerentesq; per suggestus machinas, dum nemo repugnat, in ipsam arcem Nitaiensem retro vertit. Mox ab armatis porta Arcis occupata, area stationario milite infesta, & postquam somnus implacido horrore Duci excussus, Tribunus Arnfeldius, expergefatto aduentum hospitem nuntians, simul Carolo Regi sistendi Principis necessitatem, citra omnem moram exponebat. Vix credibile strepentibus vndiq; armis, ac inter incudem & malleum positum, adeo in nimiam fiduciam resoluti potuisse, ut non animo suo discrimen praesagiens, excubijs maioribus, vel saltem suetis stipatoribus, securitati proprii capitis familiaeq; consulisset. Ast seu exequentis dolum, seu fortuna, seu damni in eam calamitatem Principis fatum fuit, ut arce ac domicilio suo cum grauida coniuge abduceretur, quae dum agitationem ferre nequit, festinato perperio enixa filium, cum quo vix ergastulo vteri soluto, alijsq; liberis in captiuitatem concessit. Sic in potestatem redacto Duce Curlandiae, mox iniecta palatio manus, spoliata aedium intima, ac diuturna pace congestus splendor Aulae & magnificentia, in momento disperijt. Patratum facious, pridie Calendas Octobris, quo eodem die ab Ixelio



1658. Tribuno direpta Nitauia, ut hostilitati ignis nonnisi defuerit. Captiuus Dux cum familia quantocius Rigam raptus, inde in ipsa Moschouiae confinia Iwangrodum deportatus fuit. Euulgarant subinde Sueci publico scripto causas, ob quas licere putarunt captiuandum, (ut ferè nullum crimen patrociniò & defensione destituitur): etiam Curlandus cur casum immeritum subiisset, apologiam innocentiae suae exhibebat; nimirum quod portus Oceano Suetico còtinguos, tradere Regi Carolo abnuisset, pecuniaq; mutuo dàda, quàm non haberet gratificari importunè vrgenti nequireret. Nisi quod ingeniosius sæpè malus propugnat improbitatem, quàm oppressus defert iniuriam.

*Leopol-* Conscendit tandem Romani Imperij apicem, Leopoldus *duo fit* Ferdinandi III, Filius, vnus superstes, in quem Domus *Rom:* Austriaca reclinaret: (nam Wilhelmus Leopoldus ex eadē *Imp:* stirpe Tyrolensi, Theutonicorum Ordinis per Germaniam Primicerius, cælibem vitam professus, iam ante obierat) dum tantæ fortunæ, intra pubertatis annos aptatur, confundendæ Imperatoris Electioni, ob minorennitatem subiecti, animos cristasq; æmulis atrollentibus. Sed præcidit inuidiæ pennas, per quem Reges regnant Days, ut tandem omni sublato obice, tranquillum finem sortiretur Leopoldi Electio, & hanc consecuta Augustæ Vindelicorum Coronatio, ingenti vniuersæ Germaniæ consensu & applausu. Etiam Rex Casimirus pro peculiari solatio deuinctissimi Principis in trono Cæsarium stabilimentum accipiens, (ut qui iam supra liuorem & æmulos euectus, non vltra indifferens Poloniae amicus, aut perplexus Sueco hostis esse sustineret) palam ostendit fausto Coronationis Cæsareæ euentu lætari, instituta Varsoviae triumpho in modum solenni pompa, spectaculisq; ac quotquot Legatorum externorum aderant, regali adhibitis conuiuio. Vtq; recentè inscensu paterni solij eminentiam gratularetur, missus Andreas Olzowski Decanus tunc Cracouiensis, qui idem ad Collegium Electorale, de proseguendo bello Suetico, simul iuuan-

do

do Dano suasorias tulit. Etiam Cæsareus Cracouiæ præ-<sup>1658.</sup>sidij Præfectus, iam per Urbis Basilicas Deo gratiarum actionem institui curauit, iam machinarum fragore ac militum festiuo plausu, signa exuberantis lætitiæ testabatur. Inter alia exhibitæ Scenæ drammata, spectabilior per tenebras ignium fulgor conspici meruit, vbi iactæ in sublime nobili artificio faces, quæ in aëre velut chartæ, nominis Cæsaris Leopoldi literas exprimerent, aliæq; pyrotechnicorū inuenta, non ingratum curiosæ plebi spectaculum; cui pastus oculorum solatio est. Cæterum, crebri per eos dies fulminum iactus, manifestæ Numinis iræ testes extitisse credebantur. Die tertia Iunii post meridiem, modicâ nube solem obscurante, fulmen Prætorij Turrim Cracouiæ ferijt, in angulari lapide exsculptâ Aquilam cælesti igne decutiente, ac præter ruptum Prætorij vestibulum, quatuor Stationarijs loquella & auditu in quadriduū priuatis. Mox, lexta eiusdem, post horrendū, turbinem ac subitis tenebris interceptū pomeridiani luminis vsum, rursus foro imminentes Ædes in quibus Cæsareæ militiæ Præfectus confisteret, discissis funditis muris, vehementer quassatæ sunt. Fulminum equidem iactus uti fortuitum quid, ac ardorem conflictu nubium expressum, casui vel exhalationi Meteororum facile imputauerim; nisi quatenus instrumenta sunt in manu Dei, & velut monitoria propitiandæ Maiestatis eius, qui vnus digiti potentiâ cælos fecit, etiam sublunaria versare potens. Dubitauerat nemo, geminatâ vno tempore plagâ, ac loco ferendi in considerationem veniente, planè prælagum fulmen extitisse, hinc omina futurorum sinistra; nam, quod Prætorium Metropolis ictum, qui locus publici consilij & Magistratus Senaculū, infaustum id Vrbi, cuius illud caput esset: etiam Aquila in lapide còcussa, Regno, cuius insigne, minari: deniq; quod Gubernatoris statio in quâ confisteret violata, ne id quidem casui imputandum, dum transmissis tot publicis priuatisq; ædibus, in eam domum collimans cælū feriret, in qua Laureatam Cæsaris imaginem Austriacus Minister

O o.



1658. nister reposuisset, cum tamen naturalium rerum periti as-  
firmant, laurum fulmine omnino inuiolabilem esse.

*Mors.*  
*Canc.*  
*Koryci-*  
*ny* Memoravi ante, multis Procerum Poloniae, fatalem hunc  
annum exitisse; siquidem, die XVI. Iulij etiam Stephanus  
Korycinski, Supremus Regni Cancellarius diem suum obiit,  
ante septennium hanc Maioris Sigilli curam, prius meruisse  
quam ambiisse visus, dum ex Equestri Ordine in Supremum  
Cancellarium vocatur, debito gradu ad dignationem eue-  
ctus: certe ascensu laudabili & magis conueniente, quam  
qui honoratiore in Senatu loco constituti, ob munus lucro-  
sum, infra se demittunt. Bello Suetico indiuulsus Casimiro  
adhæsit, integra semper fama & realitate, vnum vitæ teno-  
rem seruans, quantum licuit inter rerum discrimina & spi-  
nas Aulae, nouiter crescenti Lilio. Natales illi ex veterri-  
ma Topororū stirpe, à Pilca lineam domus denotante, vn-  
de & Comitis titulum vsurpauit, rarum nec carum Polonis  
appendicem, nisi quatenus primarius Minister status, dum  
exotica tractat, etiam æstimated externis titulos, in temp-  
assuere solet, in cætero Patriæ æqualitati nihil derogaturus.  
Procuratio Sigilli, non infructuosa alioquin, in tempora illi  
obuenerat turbulentissima, vnde Rege in exilio agente, af-  
flicta Ministri fortuna fuit. Non tamen de fortunæ iniqui-  
tate questus, donec agitata ærumnis tabesceret valetudo:  
Doloribus calculi conflictatus, valedictā in tempus Aulae  
Domum secesserat, vt quàm continui labores sanitatem la-  
befactarant, necessariae quietis vsu, reficeret. Mors vitæ fir-  
millima contrigit, sedili incumbens, ac si in soporem resolu-  
tus, in arce Oycouensi, Cracouiam propè, excedit humanis  
eleganti promptus facundiâ, & eruditus viris apprimè de-  
lectatus. In consilio, magis pondere rationum quàm inuen-  
tione certauit, nullius pænitedæ Sententiæ spontè autor, & si  
necessitas ingrueret, prudenter moderans, quiq; potius du-  
ceret ex sincero consilio æstimari, quàm placere ex grati-  
oso. Sepultus apud D. Stephanum Cracouiae, auito domus  
sua sepulchro. In curam Sigilli successit Nicolaus Prazmo-  
wski,

wski, nuperum Reginae odium recenti fauore obliterans, 1658.  
ac Præfulatu Luccoriensi, post Thomam Lezynski oppor-  
tunè auctus. Etiam post Trzebicium, cui tum Episcopa-  
tus Cracouiensis celsit, Sigillum minus Boguslao Leszczyn-  
ski Thesaurario Regni collatum, recenti conductorum à  
Domo Austriaca auxiliorum meritò commendabili.

Senatorio funeri, adiungam viri literis innutriti Fatum,  
vt inter quas notabili studiosæ iuuentutis bono vitam tradu-  
xerat, ijs dolendo casu immoreretur. Martinus Stomko-  
wicz in Vniuersitate Cracouiensi Sacrarum literarum trilin-  
guis Professor, dum spinosæ Chaldaeorum nomenclaturæ  
laboriosam noctem impendit, ad lucernam seu ceratam cā-  
delam lucubrando, interea somno obrepente contigit, vt far-  
raginem illam noctilucæ ceræ corripientis ignis, fumo &  
flammâ intercluso spiritu, sopore oppressū suffocaret. Do-  
lendus sanè finis, & eo maior iactura viri, dum exoticarum  
linguarum cognitionem, quæ diuinæ legi interpretandæ  
seruiunt, rari sunt qui doceant, rariores qui addiscant. Res  
monet vt breui diuerticulo connectam. Academiam Cra-  
couiensem Generalem Regni nostri Scholam, Maiestatis alu-  
mnam, Reip: basim, ac velut cælo delapsam Palladium ha-  
beri: quam à causa efficiente almam Matrem pleriq;  
multi equum Troianum dixere: vnde celeberrima ingenia  
omni doctrinarum cultu prodeant expolita. Primum  
fundandæ molimen, Hedvigem Reginam Poloniae, nouissi-  
mam Piascei sanguinis guttam suscepisse, Historiæ memo-  
rant: post hisdem curis immortuam, Vladislaus Iagiello  
Rex captum vxori opus absoluit, ijs auctam ac dotatam  
Immunitatibus, quale tribuere Regium esset, & Nobilissi-  
ma Schola aliorum Regnorum Academijs dignitate æqua-  
retur. Quo verò animo captum opus duxerit tantus Rex  
consummandum, vel tenor in Statuto expressi Priuilegij in-  
dicat. *Videmus q̃ certocertius experimur, qualiter Lutetia*  
*Parisijs, per congregationem prudentum Franciam irra-*  
*dias; Patavium cum Bononia, totam Italiam clarificat; Pra-*



1658. ga Bohemiam illuminat, Almania Vxonia illustrat &c: Profecto ad hoc plurimorum & diuersorum Regnorum obtinuimus Principatum, ac Regni Polonia recepimus diadema, ut Regni hoc doctarum personarum studijs illustremus: quorum doctrina ignorantia cecitate de medio sublata. Regnum nostrum ceteris Regionibus possemus exaquare &c: O mentem posteritatis sollicitam, & futuri prouidam: O animum verè Regium, qui erigendæ virtuti, ac perpoliendis ingenijs literarum excitauit officinam, ut populus ad arma natus, & equitandi tantum exercitio bonus, cruda illa pristina feritatis dedisceret studia, aboleretq; notam Barbarismi, tenacius campestri populo inhaerentis. Non ultra valet sapientem in foro quærentis lucerna; in hoc Lyceo prudentiæ mystas reperiatis faciliè, habeasq; reconditarum disciplinarum coryphæos, ac omnis eruditionis pænu. Hic abstrusa diuinarum scripturarum explanat; ille Disputator in sectarios acer, sacro eloquio valet; alius in spinosum legum codicem immersus, à studio & ingenio lucerna iuris habetur; Personat illi Peripathus Stagyrizæ dogmatibus, alius Galeni enodat aphorismos, ac ad usq; vulgares Musas descensum, per quas velut gradus, ad supremum scibilium apicem ensi necessest. Hoc Dei beneficiū est, hoc Regum Polonorum munus, iuuentutis nostratis indolem, in eo Gymnasio ad maiora Regni negotia leuigari: simulq; plebeiam pubem (nam etiam à pastoritia placitum Deo vocare Reges) literarum beneficio, & studio cumulante Doctrinam, in Ecclesiæ ac Reip: vsum aptari. Reperio problematicam quæstionem apud primæ notæ Polyticos. Quis fiat, quod pluribus sapientibus floreat Regna, ubi rariores literatorum cultus? & sapius insigniores doctrina viros produci, ex vniuersalibus gymnasijs, quàm ubi in omni trivio schola prostant? Et ego quidem curioso literarum sæculo iniuriam non facio; cæterum magna Polyticorum nomina & rationes conuincunt, crebris eiusmodi ludorum literatiorum creationibus, non tantum consummandis doctrinam ingenijs decorari,

rogari, verum primæuum Regnorum statum conuelli, eo-1658. rum vel maximè, quæ armis ortum auspicata, iisdem ut capere artibus conseruari debent. Iustus quidem Lipsius Iur: Con: Clar: & Polylices mastix, nec literis quæ sibi immortale nomen peperere inimicus, disertè in notis ait. Oculi noxij qui nimis effusè literas promouerunt. Nam otium & molliem, nulla re facilius aut honestius in animum irrepere, quàm viâ hac literarum, omnino fatendum est. Nec robur, nec virtus ubi ille? ut catuli saltare & eiusmodi delicias docti, inepti sunt ad venandum, sic ad virilia exercitia Ciues nimis exculi. Franciscum Gallia Regem & Leonem X. Pontificem Romanum in exemplum adducit, quorū alter Galliam alter Italiam, ut cultiorem, sic molliorem reddiderit. Suffragatur Lipsio Grammūdus, Germano-Gallus, qui, damnata scholarum pluralitate, enumerat incommoda, ex crebrescentibus gymnasijs Remp: afficientia, cuius rationes haud piget inferere. Palam est, lethalem esse Reip: promiscuum scientiarum vsum; qua ex causa, arceri olim soliti profani à sacris, quæ scientiarum arcana continentur. Ex quo strata in Parnassum cuiuslibet via facilis, paucis in summum apicem ascensus est: docet nos experientia sæculi sub quo viuimus, pauciores esse eruditos quo plura Collegia habentur. Triginta iam anni sunt ex quo scholis obruimur, ubi amabo augmenta literarum? ubi probati autores per hæc tempora? si qui meruere in re literaria nomen, supra ætatem nostram sunt, apud veteres Magistros instituti. Obstat item ratio polytica qua docemur, stare & augeri commercijs Regna, quæ ire in peius & minus certum est, ubi quilibet è populo sectatur literas: raro mercatorem se ferat, qui ex literis gloriatur. Hinc litibus augmenta; dum Vasallus vana latinitatis imagine, quâ illuditur, item feudi Domino mouet: hinc aduocatulus implentur oppida deterrimo hominum genere, cui velut hirundinibus sudor populi & sanguis vita sunt? Perniciosus est Reip: contemptus armorum, quibus nisi exercentur primâ adolescentiâ iuuenes, spernunt bellica, aut spernuntur ipsi à bellicis. Pessimus inualuit



1658. *usus, ut qui imbuitur literis, procul habeatur armis; quos, ut rari militent, dum literis incumbunt ferme omnes etc.* Addā ego, dissidia sapientum immortalia, & ægrè vna Vrbe duos contineas, qui præsumptione scientifica inter se agitati, teneant in sapientia modum. Quomodo verò plura ac diuersa Collegia inter se commiseris, aut qualiter cerebrose illi ludi-Magistrorum turbæ, ut in professione literarum concordet, persuaseris; contraria facilius elementa iunges, quàm hos conciliabis. Præsertim scholarium dignitatum distributio angit, dum quiuis summum in re literaria iudicium, sui iuris beneficium facere conatur. Inde dissidia & factiosæ lites, quæ demum ne tranquillitati Regni aut Ecclesiæ officiant, sepositis alijs Remp: afficientibus, interuentu Ordinum sopiendæ, meruendum est. Sanè, ut sublunaria ab vno eoq; Principe luminari Sole illustrantur, ita in vno Regno, vna matrix schola existat; reliquæ veluti luna cum numero stellarum exercitu, sciant cui debeant lumen, ac capiti suo membra subseruiant & suffragentur.

Polonia  
vnde  
lacera

Ast Casimiri impertitas tranquillando Regno curas distinuit sollicitudo, cum quadrifariam ante capris, aut de nouo oborris discriminibus, vires Reip: in totidem partes distrahi oporteret. Primam curam ac velut medentis manum poscebat Prussia, dum Carolus ob bellum Danicum abest, facilius hostilibus præsidijs euacuanda: quæ si quātocius eliberatur, reliquum Suetici belli ventis remisq; promoueri posse palam erat, vbi aperto portu Gedanensi reuiuisceret mercatura ac immixtis Vistulâ, quarum tellus nostra ferax in Oceanum frugibus, iam depletum ærarium, iam priuatorum peculia, aduectitio argento reficerentur. Secundum hanc non iniustum merebatur respectum, pertinax Moschi ambitus, quo usurpando diademati contra instituta legesq; Patrias inhians, etiam ipsum Regnantis in præsens Maiestatis Statum iugulare, crudus competitor volebat. Intenta verò bello prosequuturum nemo dubitabat, Vlnensi Comissione dissoluta, ob intolerandas Moschorū

illati-

1658. illationes, in primo limine nihil tractandum admittere. Agentium, nisi prius Magno Duci Titulum, Regis Poloniæ nostrates tribuissent. Dehinc turbulentus Vkraynæ Status, & haud obscura Cosacorum ad obsequium Reip: inclinatio, omnino auxiliatrice indigebat dexterâ, altius radicata per vtramq; Borysthenis ripam Moschorum potentia, & omnino imparibus Cosacis, ut istam suo Marte & ingenio euellere possent. Nec minus angebat geminorum Exercituū consideratio; cum vernaculus miles dum pollicitis tantum differtur, ob retenta stipendia minax & grauis esse incipit, plus expectando consumens, quàm exoluen-  
do debito imputari debuisset. Auxilia Austriaca vel in obsidia Urbium, vel in hosticum expediri omnino expediebat, Proincijs indisciplinati Militis educationem adeo sollicitè vrgentibus, ut prope vim minarentur. Equidem (cum bona venia inclytæ gentis protulerim) asperè nimis, & longè intra morè amicorū, vbiq; legiones Germanicæ diuerterant incolas tractauere: etsi etiam fateri necessum, & istos, pro alieno pugnantes, sine pane & recto subsistere non potuisse. Repertæ tunc ab ijs mensalium redemptiones, (ego stipem pro victu militari vocauerim) Portiones, Stationes, honoraria, aliæq; odiosa vulgum exlugendi vocabula. Et cateruatim indices augebatur inutilis numerus, quippe præter gregarios, quibus gentili consuetudine faminarum turbam circumducere solitum; (cum tamen Castra velut castrata haberi expediat) etiam Præfectorum pleriq; huc ex Germania vxores accerlebant, velut domicilio non hospitio excipiendas; quæ, cum superfluo famulatu veniendo, diuersitores alenti populo efficiebant onerosos. Et hic erat pomi Paradyfi gustus, in quo scientiam boni & mali ante prædixerat Ludouica. Factum dehinc, ut dum miles incolas, incolæ Remp:, ista Regem acrius vrgent, auxiliares demum copię ad opus belli mandato Cæsaris Leopoldi disponentur, bifariam expeditæ. Generalis Montecuculi cum Equitatu in maritima ablegatus est; Co-

mca



1618. mes Zuza cum pedestribus Legionibus, in obsidendū Thorunium conuersus. Vnde nonnihil Maiori Poloniæ leuaminis, & Prussia non magis ab hostium pressurâ, quàm à metu reuerfuri Caroli respirauit.

*Vkray-na Statu* Innui supra Vkraynam lentum ab obsequio Moschi cessum meditatam, etsi non vsq; adeo vnanimis omnium Cosacorum, in regressum ad corpus Reip: sensus, & concordia fuerit; inconstanti plebe nunc has, rursus illas partes, prout metus ac discrimina versant, vel spes indulgentioris Dominatûs allucesceret, præoptante. Citerioris Borystenis accolæ, dum Scythæ sedulo in Moschouiam apparant & minantur arma, etiam ipsi intensos pro tempore animos ituris accommodabant; si renuunt subita populatione mulctandi; Transborystiani, & quantum Vkraynæ ad Albam Rusiam vergit, magis in vicinam potentiam inclinantes, ab Wyhouij regimine deficiebant, in Georgiû Chmielniciû, qui tunc Kijouia studiis humanioribus imbuebatur, memoria Patris Bohdani prouiores. Et istorum inclinationi opportunè accedens, Wasilewicz pro Mag: Duc: Mosch: Præses, inter nutantes aut ambiguos, donis ac largitionibus contraria excitabat studia. maximè dum XXX. Mill: recentis Exercitus adducit, habere videbatur validè in manu continendis refractarijs capistrum, qui beneficio inflecti nequirent. Ac primò, in permuniendam Kijouiam, non magis anteaetis sæculis famosam, quàm præsentis bello afflictam, omnes tam ingenij quàm sumptuum conatus vertebantur, rursus in Wyhouium tempore subsidens odium flagrantissimè suscitatur. Erat Wyhouio patruelis Stephanus, qui animi leuitate vitam odisset magis, quàm heroica strenuitate in periculo mortem contemneret: qui (constitit ignaro Duce factum) coadunato licentiosæ plebis agmine à Biala Cerkiew mouens, sicubi per statua Moschi, subitis incurfibus disturbabat locatos, importandis Kijouiam victualibus obsistebat, iactansq; in procinctu Scythas adesse, præcociter futuro bello insanus turbo facem prætulit, etsi.

1618. etsi temerarij cepti, nec euentum nec vsus ex voto sortitus, agmine illo dum solutius agit à Moschis celeritate vsis disperso, & ægrè autore equi pernecitate ex periculo ad Scythas elapso. Requisitus eo nomine Cosacorum Dux an mandato vel instinctu suo factum autorasset? Non sine præfatione honoris responderat. *Omni no tumultus conciti in scium se, adeoq; facinus quod infectum gratularetur improbare, ut si autor uiuus caperetur, daturum se. vel manu propria in consobriano exemplum, quàm non amet eos, quibus publica tranquillitas vitæ est; & qui cognitionis prætextu ad periculum suum abutantur.*

Hinc iterum recrudière suspiciones, statusq; Vkraynæ *Secef- sus Co- sacorū à Mo- scho.* indifferens mansit, pluribus Cosacorum eo propendentib; dum Scythæ incunctantèr ferunt subsidium, & Poloni Cō- missarij in dies adfuturi expectantur, ut satius in armis, & parata ad repellendam iniuriam vi securitatis suæ rationes locarent, quàm Palatini uasri & dolos coquentis discretioni inniterentur. Donec vacillantem tantisper, & cui se parti addiceret ambiguum populum, ad magis congruentia securitati, interueniens casus persuasit, impulitq;. Ijs termè diebus interceptus in flumine Tabellio erat, literas Kijouiam ferens, quibus seriò iniunctum Palatino, uti Wyhouium cum compliceibus initæ aduersum Mag: Duc: con- spirationis reum Moschuam mitteret, adiecto libello Tribunorum nomina continente, qui vel simul capi, vel saltem depelli Prouinciâ subebantur. Allatis in concionem literis, ubi stylus, & consueta Ducalis Sigilli obsignatio autographo fidem faciunt, neq; lator inficiatur; enimvero timere quisq; sibi & in alieno periculo suum agnoscere, demum iunctis dextris, ac qui gentilis mos habetur, vnanimi toq; truci clamore, mutuam condicunt defensionem, imo coniurant, indemnitate Præfectorum vel suo ipsorum sanguine vitæq; tuituros. Neq; Wyhouius cum Tribunis sibi deest, tundendum chalybem dum ab igne candet existimans, exaggerat Tyrānidem, sui quemq; periculi ac pignorum.



rum commonet, nihilq; omittit, vnde in fortiora impulsus multitudini est; Quantum linguæ functio valeat patuit; sequitur mox aperta rerum & animorum conuersio, Wyhouio fidem vniuersi addicunt, singuli Patrocinium Casimiri Regis inclamant, abdicantur Imperia Mag: Duc: rescinduntur acta, insignia eraduntur, amotoq; Artemone ad latus tantisper existente Moscho, prolixè Wyhouius legionibus Cosacorum gratias agit, non alium tranquillandæ Vkraynæ modum ac medium ostendens, nisi quantum ex inuitatis super maturando Tractatu Commissarijs, ac demum præstando à Serenissimo Rege Reipublica Polona succursu sperari posset. Nec tardauere Commissarij in Vkraynam iter, super Regis monita crebris à Wyhouio requisitionibus, etiam compellatorijs Hani Crimensis inuitati. qui demum vbi Szarogrodum venere isthinc ad Olszanicam, dein ad Castra Cosacorum deducti, exceptiq; non inhonorè sunt die Nona Septembris. Iam quippe totus Cosacorum Exercitus in procinctu stabat, & rectâ in hostem motis signis, armatæ Legiones procedebant. Ex Tribunis Tymothæus Nosacz Castris Præfectus, ingenio quidem rudior sed militiâ bonus, ac veteranorum solus qui pristinum militiæ Zaporoscensis statum nouisset. Post hunc Antonius, Zelenecki, Brzuchowiecki, Fesko, Kowalowski, Leśnicki, &c: in exequenda consilia nati obsequij promptitudine indolem supplebant, Wyhouio præter Ciecituram addicti omnes. Ast vel maximè eminebant eorum pro Rep: studia, qui ortu Nobiles, iam tunc in morem Cosacorum transgressi, hic degebant; quorum potiores Daniel, Constantinus, & Theodorus, Wyhouij, Ducis patruelles, Chmielecki iunior, Hulanicki, Wereszczaka, Mrozowicki etiam Georgius Niemierycz Succamerarius Kijouiensis, labascente Sueci Regis fortunâ, cuius partes peruicax asseruerat, demum ad Cosacos flexit Tribunatum isthic adeptus; ac quod mirère, valedicto quo in hanc diem irretitus Arrianismo ad Græcos in Schysmate ritus transiens; Vir tam

Maio-

Maiorum Nobilitate quàm sua indole spectabilis. Etsi 638. fluxa hîc autoritas illi, cum ad Sacra Ruthenica itando iustituerit sæpius probra & conuitia plebis, velut sacrorum cultum simulâs, nec nisi ob recipiendos ex ditionibus suis census religionem vtilitati accomodaret. Subinde, ex itinere respirantibus Commissarijs, Legatus Moschus non sine pompa militari acceptus in Castris fuit, priusq; vt super quibus missus expediret datum ei publicum, donec tridui mora obhærens, tandem nostris liberiolem tractandi locum & tempus abscessu suo aperuisset. Dum itaq; Wyhouius post prolixam addictæ mentis affectusq; testificationem, super tranquillandæ Vkraynæ modis Commissarios ad colloquium inuitat, Bienieuius tam rationum promptus quàm pollens facundiâ, assistente Collega, in consessu Tribunalis, imò totius militaris multitudinis cõcione in eum sensum locutus memoratur. Supremo adgubernante Numine, <sup>Bienie-</sup> qui pro potestate sua constituit Regna aut tollit; etiam operâ <sup>uy ad</sup> tis natura ductu, quæ tam natalis soli, quàm patriæ potestatis <sup>Cosacos O-</sup> ingenerat mortalibus dulcedinem, factum crediderim, vt strenuatio. <sup>ratio.</sup> nua Cosacorum Zaporoscensium militia, suo Ducisq; sui nomine ad Comitia Regni Generalia Nuntios Varsauiam miserit, quominus Serenissimo Regi Ioanni Casimiro Dn: N: Cl: ac Reip: contestata subiectione, pro se ac vniuersa Roxolana per Vkraynam gente, tutelam ac reale Patrocinium ditionibus istis exprosceret. Id quidem optimè milites strenui factum: nam, seu innata Regis optimi clementia confisi, huc inclinasti, bonorum Ciuium indicium est; si laudabili resipiscentiâ vetus fermentum eiecitis, fidei specimen datis, si protectionis spe studioq; ducimini Prouidentiam sapit; nisi quod Patriæ respectus cuncta superat, & heroicum actum absoluit quisquis amore eius ducitur. Quod, vt iam communi Patria, iam vobis tuta & gloriosa secutis, felix faustumq; sit, humiliter æternum Numen, implorandum censeo. Sic concussum vulnere membrum, admoto medicamine corpori suo rursus coalescit; quarit postliminio Patrem exhaeres filius, reparatq; quam feruidiore iuventa.

P p 2



violauerat beneuolentiam. Decennium propè, ex quo, pro hoc infante (*Vkraynam* intelligo) litigiose matres, utrius esset contendunt; Poloni factum ac membrum, suum asserimus, Moschus contra rem alienam studio et armis vestris usurpat ut propriam. Unde indiuiduum hoc corpus dum scindimus, et contextam caelesti manu telam in fila diducimus, necessum erat Prouinciaram excidijs, terrarum vastitate, tot mortalium sanguine, alijsq; bellorum malis constantem sopire controuersia. Verum propitiati celi indicium est, ubi et vos errorem agnoscentes, et nos ignoscentes lapsui, vixiq; ad mitiora inclinamus. Dum Rex Ser: affectu Patriæ Pater, omisso violentia et armis, litem clementia committens, tantisper, quod iuum erat, passus esse alienum. Quo itaq; optimam Clementissimi Principis mentem intelligatus, imò sensu quæ sub sole placeret Dominatio magis perciperetis, idem benignus Parens agit, ut excusso cruda seruitutis iugo, ad veterem libertatis orbitam, sponte et ultro reducamini. Quam verò tenerissimo affectu, quam pietatis et lætitiæ incredibili Serenissimus meus aquæ vester Rex, eam propositionem à Nuntijs acceptauerit. Varſauia, et ego testis sum, et illi bona fide vobis credo retulerunt. Ac ne tanti molimen operis intra verba staret, huc ex commissio à tota Reip: venimus, ut ad corpus Regni, ad coniunctionem Patriæ, ad communem periculorum utrosq; tangentium propulsationem, collapsa gloria et insigni iacturâ pessundata pacis instaurationem, nec non ad promouendam Regis Regniq; gratiam, vos viri Zaporoscenses inuitaremus. Facimus sanè publica auctoritate missi et instructi. Ad vos ecce communis Patriæ obuias expandit vlnas, in sinum currite; Optimus Rex cunctorum oblationem offert, Aquila pullos conuocanti adeste; amplissimi deniq; Regni Ciues, vos in communionem et unum corpus Reip: inuitant, eecur moramini? Nec operosa nimis tam salubris negotij conclusio timeri debet. Esto cunctis libertas pro modo, seu dissoluta licentia et effrenis furor exesto. floreat templis sacris, ciuitates mercatu. *Vkrayna* pace, pax frequentia populi: sed cades, fraudes, iniustitia, alijsq; disordinis mala exulenti per-

nitur

nitus. Colonorum conditio ad agriculturam ac rusticandum restringitur, sed ad rigorem illiberalis seruitij nemo cogere praesumat, manebit Heris dominatus, sed et hi finimis rigidi et graues, supra se leges et Magistratum agnoscent. Milites tractabit arma, opificia mechanicus, quisq; suum cum Diogene dolium versabit: ac quia omnes hæc artes pace indigent, ubi omnibus procuranti pacem militi contribuetur: verbo dicam, hæc est optimi Regis intentio, ut sui sitis, qui alieni arbitrij, si non seruitij habemini. Cur verò populo Roxolano præordinaria potestate magis Dominatus Moschi attubescat? assequi non valeo: si religio mouet? dissimilem cerè proficitur ille, et quam proficitur, indignè violat. Orientalem vos vocatis Ecclesiam, sed ille duri Septentrionis Despotas, suam sibi fecit Aquilonarem, dum ultra Apostolorum instituta, quæ quatuor Patriarchales Sedes primitus esse voluerunt, quintam Moschus instituit, et quod Concilia Oecumenica facere non ausa, hoc profanus iste arrogare praesumpsit. Summa apud vos Cleri veneratio, et separata Ecclesiæ iurdictio habetur; temporalis iste Dominus spiritalia pro libitu atrectat, Metropolitanos alios de Sede mouet, alios imponit, quod in praesens Niconi Patriarchæ Moschus factum: Praesules capemat, quod Venerabilis Senex Hyppatius, Cenobij Kyouiensis Hegumenus expertus, nihilq; non agit, ut sacra altaria ac Ecclesiarum redditus quasiosa nundinatione sibi incensum veniant, et c. Iam verò Civile Regimen et polyticas administrande Prouinciæ rationes introspicite, Puteberrimè Regibus sua sponte parebat olim Exercitus Zaporoscensis; iam nunc austera tantum ac de longe venientia. Edicta audire cogitur; eligebat ante Praefectos militares, aut pro beneplacito deponebat; adest nunc aliquis qui intrudas obnoxios, aut qui placent vobis, per sicarios tollat. Sanguinis vestri dispendio externa genti pugnatis, vita vestra iacturâ triumphos infenso Domino comparatis, in eum tantum usum *Vkraynam* inter titulos recipienti, ut eius latifundijs et virtute Cosacorum, plagam suam Borealem, ab incurſu Scytharum proleget. Illi arant, illi metunt, agricola vestri, quas

P. p. 3.

floren-



658. florentissima Prouincia opes ex vobis raptas, ubi in melius metallum conflauit, Moschouiam quae aurum non gignit, auro vestro reddit refertissimam. Posteaquam auarus aruscator, omne metallum ex vobis rapuit, ne tormentis quidem ancis parcat, quae conuicta aduerso anme in Moschouiam remittit, ferri quoque usum erepturus, maxime, quod lateri vestro appensum timet. Quid placet viri Zaporoscenses parsimonia gentis? vilis amictus gausape (ut vocant) Cosacorum tegmen esto? nec nisi ex corticibus arborum calciantor? At enim, cui bono tam rigida lex? vestium modum et nitorem pro facultate opum habemus, copia aut defectus regulam ornatus cuique praescribit. Sed sumptuaria leges istae, nimisquam lucrose Legislatori, ubi modum viuendi desinit, et solitas genti vestra comessationes anathemate damnat, compendium rei privata facit, ac quasiuose lucratur etc. Resp: verò Polonia fidem tantum in vobis Zaporoscenses ac obsequium stabile requirit: in mensa, in vestitu, antiquum morem seruate, non lautiores victum, non frugalitatem damnamus, cum et ipsis nobis antiquae consuetudines pro lege habeantur. Iam verò, ecquid sentitis, in quanto contemptu viuatis? lucus vobis usuram si licebit adimet? quod spiratus, quod vocem mittitis, quod formas hominum habetis, indignatur: quin etiam ubi astro percussus fuit, locum in quo degitis, et Patriam hanc, maiorum vestrorum Sedem eripere intendit, assignata (si credere fas) trans Album Lacum vasta solitudine, quò vos cum pignoribus transferat, interim ab aurea Anu colonis Vkraynā impleturus. Obsecro, quasque vos Zaporoscenses, ne comparationem utriusque Regnantis expectetis, tam, qui vobis ascititius vel intrusus, quam, qui Naturalis dominus est: cum, ut calum à terra, sic isti Monarchae qualitate ac indole Maiestatis inter se differant. Nec expedit diutius circumlocutione vagari in ijs, quae sensu percipiuntur. Vnum porro subiungere necessum, quo deterreri etiam cordatos apparet, afflictam nimirum Regni Polonici fortuna, nec ideo in caducum parietem inclinandum. Cunctis notum, à Deo flagella immitti, quae tamen infligit manus, eadem releuat et consolatur.

tur: quia non in aeternum irascitur Dominus: erigitque pater, na manu castigatos, ac permittit non raro ex clade consurgere victoriam. Luculentum Caestis patrocinij documentum Polonia; Ragocius alienis inhians sua perdit; Carolus Suecus efflitum pacem quarit, qui bellum fecerat, ac intra Cymbrica Etersonesi Insulas deiectus, eluit suo damno, quod in Polonia peccauerat. Rex porro Casimirus iusta causa Promotore Deo, hostes suos quadripartito Exercitu premittit inuictus. Cuius pars una cum Czarnecio, per littora Balshidis aquilas Polonas circumfert; Lithuani cum Sapieha Palatino Vilnensi, eundem Moschum limitibus suis excutunt; cum tertia Rex in persona Iborunium obsidet; quartâ parte vobis auxilium laturâ in parato manente. Ut omittam Nobilitatem feriari etc: Sed non vos ultra prolixiori sermone distinebo Zaporoscenses, cum apud eos verba me facere intelligam, quibus actu fortia, quam dictu speciosa praeplacent: sinem itaque imponens dictioni, Romani Herois effatum propositioni meae attemperabo, quod nomine Patria proferre liceat. Ego vos milites Zaporescenses non Moscha contra Poloniam, sed Polonia contra quosque hostes genui, foui, alui, tandem respiscite, et veterum excutite: Dicta Bienieuij placuisse promiscuo eoque truci fremitu probauit multitudo, cumque Tribuni assurgentes exturmalibus socijs assensum requirerent, acclamauere protinus cuncti (Harast Howorit) scilicet benè locutum Commissarium, testati, patuitque satius instinctu desuper immisso emolliatos multitudinis animos, quam, ut vis humana, aut orantis facundia, inflecteret duræ ceruicis populum. Vbi verò compositæ acclamationes silentio, subinde Wyhouius ex communi Cosacorum assensu, aliquantum tamen meditabundus & hærens non infacundè (vti primis ab annis inter forensia exercitus) gratias agendo pro paterna sollicitudine Ser: Regi perorauit, uti se, sic vniuersum Zaporosensem Exercitum, erga Remp: Poloniam in stabili fide & obsequio constanter mansurum crebrius pollicitus. Dein inspectis Fidei literis soluta Concio fuit, legionatim Depu-



1658. <sup>Quibus  
conditi  
onibus</sup> tis qui tendente licet Exercitu, circa Tractatus institutos disceptarent cum Commissarijs. Quibus demum conditionibus, ea, ut sic loquar Reincorporatio Vkraynae, ad Corpus Regni coaluerit, ut rem posteritati non ingratam succincte tradam, et si post in Comitijs Varlauiensibus, aliqui articuloꝝ reiecti aut moderati fuerint. *Primo*, Ducatus Russiae ad instar Lithuaniae, Mareschallo, Cancellario, ac Thesaurario alijsq; officialibus gaudebit; qui omnes Religionis Graecae ex Nobilitate Palatinus Kijouiensis, aut Braclauiensis, more solito electi, à Rege per Priuilegia confirmabuntur. Metropolitanus Kijouiensis locum in Senatu Regni pone Archiepiscopum Leopoliensem obtinebit, cum sex ritus Graeci Episcopis. *Unio* tollitur, ac adempta. Disunitis bona, tum & facultates Ecclesiarum Graeco-Russis restituentur. Academia Kijouiensis eodem iure & immunitatibus quo Cracouiensis in Regno fruetur, eiurantibus nihilominus omnem Haeresim Professoribus. Comitia pro Ducatu Russiae Leopoli, aut Luceoriae celebrabuntur. Tribunal item ob idiomatis diuersitatem, aut itinerum longinqua, alio loco ubi commodius videbitur, instituetur. Sedes seu Cathedra Romani Episcopi Kijouia transferetur Chwastouiam, equitatis inter diuersorum rituum sequaces contentionibus. Moneta publica institutis officinis pro Ducatu Russiae cudetur, Ser. Regis facie nummis imprimenda. Numerus Exercitus Zaporoscensis ad Triginta Millia Cosacorum reduceretur. Decem Millibus stipendiariorum supplendus. Miles Polonus nec statiuæ nec Hyberna intra Palatinatus Vkraynae habebit, nisi forte ab externo hoste impetita bello Russia auxilijs egerit. Heri seu Domini possessiones repetendo, ditiones suas inibunt pauco comitatu, nec nisi qui ministerium redolet. Dux Zaporoscensis Praefecturam Exercitus stante vita sua obtinebit, idem a Regis gratia in Senatum cooptabitur: prout moderno Ioanni Wyhowski Rex confert Palatinatû Kijouiensem; Czernhryniam praeterea, Czerkassiam, ac Pereflauiam in Feudû addi-

addicit, insuper in leuamen sumptuum militaris imperij, Lubomlensem ac Barensem Praefecturas. In posterum creandi per suffragia Ducis penes Exercitum Zaporoscensem Electio manebit: quem, si ex plebeio ordine adlegi contigerit, unde is, ex ratione generis, Senatoriae curulis incapax foret; praetendere locum in Senatu non debebit, nisi prius editis fidei ac meritorum speciminibus, equestri praerogatiua abs Rege donaretur. Futuris Comitijs Ser. Rex benemeritos ex Cosacis ad insignia & lus Nobilitatis admitti curabit, remitterq; noxam ijs, qui temeraria adhaesione partes externorum hostium securi sunt, nominatim Georgio Niemierycz Succamerario Kijouiensi, quod à Suecis ad Cosacos, inter quos illi amplum patrimonium, transisset. Iudæis ut volunt liber conceditur in Vkraynam regressus. Eius Pacis praecipuum & cardinale fundamentum habebitur, ut hostes Regni, pro hostibus Ducatus Russiae, & è contra censeantur &c. Extorquere plura peruicaces satagebant, nisi, dum multa & diuersa volunt, ipsi inter se contrarij; quod modo efflictim poscebant, iam mutato proposito ad alia rursus relabebantur. Potissimè, ut Palatinatus Russiae, Wolhyniae, Podoliae, ac Belzensis in massam eiusdem Ducatus iungerentur annisi; nec omittebant Lithuaniae, Pinskum, Owrucium, Starodubum &c. repetentes, quod Districtus isti ad Monarchiam Russorum veteri æuo pertinuerint. Sed discussa requirentium importunitas: iam Commissarijs postulati iniquitatem refutantibus, iam Wyhouio & qui alij autoritate ac rerum intelligentia praediti popularium peruicaciam mitigantibus. Prae cunctis egregia Pauli Teterae opera, qui inter rudem turbam amicum se simulans & prudentem in actu ostendens, plura peruicit Simplicитatis specie, quam alij philosophico supercilio, aut argumentorum subtilitate. quod tamen nonnulli modestiae viri, subdolae indoli alij adscripsere. Id memorabile opus die XVI. Septembris apud Hadziacz oppidum in Castris in effectum, deductum, & conclusum fuit, quodq;



1658. quodq; iterum Wyhouius meditata Oratione Commissarijs sub abitum gratulatus est. demum (quæ hîc summa ciuilitas habetur) castrensi epulo tractatos Commissarios, nec non pollicitis perseuerantiæ operatos, non inhonorè dimisit, multis edictis à militari vulgo lætitiæ signis, cum mos militiæ obtineat, iisdem ignium fragoribus amicitiam quibus & hostilitatem testari.

Prout breui in mari malatia durat, sæuis Aquilonibus subinde æquor turbantibus, sic inter maritimos Reges Danum Suecumq; momentanea ex pace Roschildensi concordia exitit, cum alter immodicis successibus elatus plus ultra cupit, alter depressi status intelligens, renouato iterum bello, res noxiâ pactione collapsas, ad pristinam orbitam reuocare nititur. Ex Sueco nihilominus arma resumendi enatam occasionem perhibent. Croneburgum ex pacto reddere Dano debebat, quod tamen velut duraturæ pacis pignus victor diutius retinuit, hinc controuersis, Carolo pro parte, Friderico pro toto, iterum litem suscitibus. Quippe Fæderati Belgij Ordines haud obscurè in partes Dani Regis se dabant, non modò crebris legationibus & neruo belli iuuant, sed præsentis armatæ classis auxilio in fretum Oresundicum submisso. Etiam Leopoldus Cæsar, Rex Polonus, ac Elector Brandenburgicus, ad ferendas eidem suppetias concurrebant, quominus iniuria depressum Principem erigendo, aduersus communem hostem simul iuncti, læuiem feram in alterius tergo conficerent, vnus quisq; peculiari respectu, aut satius proprio metu, Imperiales ne illud belli fulmen quassata Dania à parte ad totum, imò à membro ad caput (nam Dania pro appendice Romæ Imp: censetur) in ipsa Germaniæ penetralia inuolaret, Poloni item ac Brandenburgicus, nouissimam Scænæ Catastrophen in alieno theatro spectaturi. Quemadmodum verò illud Balchici maris litus, tot potentissimorum æmulorum armis imò vniuersa luctate Europa insonuerit paucis aperio.

Demum, quod diu agitarum, & iam ante facere par erat,

Edi-

Edicta Cæsaris, auxiliari militiæ apud Polonos è statuis digressum iniungentia allata fuere: permissa Regi Casimiro <sup>Colligat</sup> optione, ut pro beneplacito suo eas copias partiretur, reli- <sup>torum</sup> etq; penes se in obsidia Urbium peditatu, Equitem hosti- <sup>arma in</sup> co immitteret, in maritima aduersus Suecos iturum. Con- <sup>Holsa-</sup> uolauere ad opus incunctantèr sex Millia Equitatus Polonici sub Czarnecio Rulsæ, ac Opalinio Podlachia Palatinis in Holsatiam destinati, studio gloriæ secutis ex primaria Nobilitate Proceribus, quorum præcipui Adamus Dzia-  
lynski Bratianensis, Franciscus Czarnkowski Ofiecensis, Casimirus Piasoczynski Ostroścensis, Michaël Woynilowicz Kro-  
lnensis, Nicolaus Kozubski Litinensis &c. Præfecti; Vladislav  
Skoraszowski, Hieronymus Pagowski, Ioannes Polanowski  
Paulus Borzecki, alijq; cohortium Optiones; cunctorum ut  
singulorū laudabili virtute & opera, Eminebat phalanx Re-  
gia sub ductu ipsiusmet Czarnecij, binas cohortes hastati mi-  
litis præter Loricatos continens, egregiè viris equisq; instru-  
cta, & quod famā augebat, inusitata inter eas gentes arma-  
tura spectabilis. Cæsareanæ copiarū X. Millibus constabant  
sub ductu Comitæ Montecuculi, qui interim euocato in  
Germaniam Hatsfeldio regimen eius militiæ susceperat:  
Addiderat suorum ferè Nouem Millia Elector Brandebur-  
gicus, cui præsentis in trinos Exercitus, Supremum sub no-  
mine Generalissimi imperium: etiam in Suecum acrioris  
offensæ causæ suberant: quod, in Principem nuper locum  
acerbus, mox vbi bello Danico perfungitur, iam minas  
mox ultionem prompturus crederetur. Reliquum viriū  
Regni cum peditatu Germanico in recuperandam Prussia  
trahebat Casimirus; etsi Prouincia ea annos planè requi-  
rebat singulis recipiendis Fortalitijs, quæ Sueticam Prote-  
ctionem obiter & faciliè secutæ, nequaquam tam cito sine  
sanguine & cædibus ab legitima potestate recipi potuere.  
Ergo Thorunium primo loco vindicare placuit, in ipso Bo-  
rulsæ vestibulo situm, ac velut clauem decurrentis Vistulæ,  
quominus iniectum flumini frænum excuteretur. Ante-

Qq.

gressus



gressus itaq; Ioannes Sapieha Campestris Regni Notarius cum expedita Equitum ala, vndiq; vias ac omnem cōmunicandi rationem praecluserat, nihilq; planè in Urbem importari sinens. Deinde Suchius apud Cæsareanos vigilarum Magister, ac Georgius Retzen Equitum Præfecti, admouerāt suos, etiam Heysterus Generalis; fauentiori tunc astro Carcerem Mariæburgensem eludens, quàm nuper disciplina militem per Varmiensem tractum continuerat. Subinde Casimirus præcursores sequebatur; interea dum robur Exercitus Polonici conuenit, necessarium bello apparatus, diuersi modi machinas, Pyrium, phalaricas, balistas, pyrobolos, mortaria, tum eius generis alia ex Cracouiensi armamentario deprompta, prono amne deuehi Thorunium iubens. Vladislaus olim IV. ut prælijs felix, sic Oeconomicae armorum studiosus, varijs locis armaria (Arsenalia seu Cekauzy) etiam Cracouiæ omni Martia suppellectile refertissimum excitauerat; nam cuiq; affectum inclinatio gestis exprimitur, & latentis mētis indoles studijs se prodit exterioribus. Principes præcipuè quales intro sunt tales superficiali actu videri amāt. Literarū fautores Parnassos & Lycæa condunt; religioni dedici templorum structuris, & per eleëmofynas munifici cælum mercantur; canes alios & molesta feris venatio exercet; nec desunt, qui aurum auidi, conquirendo metallo intendunt, quod tamen nec tergit nec vulnerat. ast pugnaces, ante bellum habere arma quàm pugnando quærere malunt, ac impensè hac Gradui Oeconomia delectantur, ut vel silente historia, ex inanitatibus operibus, Vladislai vitam cognoscas, dum per Poloniam complura armamentaria condit, Princeps bellicosus. Ast obiter ab obsidione Thorunij digressus, non nihil cum armis Colligatorum (ita socios belli nominabo) in maritima deflectere opus.

*Mar-  
chiam  
intrant.* A Miedzyrzecz propè limitem Regni oppido, tam Cæsareani quàm Poloni in Marchiam vicinam signa intulere, donec Electorales appropierant, vnâ omnes versus Oderam ituri.

ituri. Cum verò tractui illi contiguas Saxoniae Electoris<sup>1658.</sup> ditiones transire necessum foret, missus ex intima Casimiri admissione Bartoldus à Rautenfels Secretarius; qui ab amico Principe liberum transitum, simul permeanti militi concessibilia, quibus in victum opus, deposceret. Nec vsq; difficilem se postulato exhibuit Elector, concedendo gratiose, quæ negando perdidisset. Tripartito proin agmine profectio instituta, tolerabiliore populis dum in plures diuiditur onere, ac minore Prouincijs damno, ubi subdivisus in concisa agemmata transit Exercitus. Etiam Ductores seueris in modestiam edictis militem quisq; suum coercebant, admonitis incolis, vti inirent in antecessum rationes, quomodo sine graui ditionum vexa transeuntibus Legionibus annonâ suppeditaterur. Sic, in ditiones Saxonicas penetratum, quippe istæ ad Austrum obuersæ, contigua vicinitate limitibus Daniæ cohærent; gloria belligena ex antiquo celebris, etiam nunc armorum studiosa, præcipuè hospitalitate, ultra quàm alijs Germanis mos, commendabilis. Patuere hinc militi Polono ad ingressum Vrbes, lautè accepti hospites, subministrata militi alimenta, equis pabulum; Neq; tantum promiscuum vulgus ex metu officiosum, eadem Principum in externam militiam comitas, duobus ex familia Ducali, Polonis Legionibus obuiam datis, qui Ductores ad oppiparas multa dapè menfas subsidio inuitarent; cum prius Legiones, cohortiumq; Ordines & armaturam ut inspicerent petijssent. Gessere morem Duces non solum confertam suis Ordinibus aciem monstrando; verum etiam Parulzewski ex hastatis vnus, ut equestris decursus specimen ederet iussus, concitato in cursum effusissimum equo, decempedali hasta vimineum circulum humo leuabat; dein flexu habenarum versatilis, in eum locum ubi Spectatores Principes essent directa cuspide cataphractus incurrebat, ac postquam præsentis periculi intulerat metum, cohibito demum frænis quadrupede, iam virilis manus robur, iam flexibile ex arbitrio sessoris obsequium



1658. quum equi monstrauit. In Holsatiam inde illata signa, quæ Danici Imperij membrum veteribus Herfonesus Cimbrica, formidabilis nominis Cimbrorum patria; Syluis nunc horrida & paludibus, quamuis pro diuersa positione loci, segetis non ubiq; sterile solum habeatur: quod tamen sterilitatis probrum venationibus & pascuis natura rependisse videtur. Anteaactis sæculis Nortalbingiæ appellatorem sortita, uti à reliqua Germania Albi fluuio, versùs Boream separata: in quam olim Comitibus dominium, quoad Fridericus III. Imp.; Christiano I. Daniæ Regi gratificaturus, in prærogatiuam Ducatus extulisset.

Apud Haderleben Ripensis Diocesis oppidum, coactum in vnum qui tripartito inceserat Colligatorum Exercitum, dum commodum atque tempus adulto Nouembre expirat, moram faciens Elector, quantocius ad opus belli accingitur: licet attritis per nimiam lassitudinem equis, vel ipsarum viarum longinquitate. Insula Alsen, modico æquoris interiectu à Ducatu Slesuicensi disiuncta, aduersùm Australi Fionia littus respicit, breui isthac in intima Daniæ per canalium Belk in traiciendum spatium: quas in sinu Codano freti angustias, Isthmum seu Zundt, incolæ vocant. Latitudo Insulæ ad quatuor leucas extensa, Sondeburgum oppidum nominatius habet; ubi tunc Holstiniensis vidua rebus commotis domicilium fixerat, Assemergo Insulam & Principem tuente, qui non obscuri nominis Succorum Tribunus, infra posita Colligati Exercitus famâ, cum Sexcentorum manu, maiori potentia se opponere ausus. Ipse Carolus Succus Sæelandiam infestis signis tenebat, constrictum Holsatiae muris Fridericum, propediem oppugnaturus. Huic ferendi succursus constabat ratio, uti per Alsen in Fioniam enauigato quod interiacet maris diuortio, auxiliator Exercitus in tergum bellantis Caroli enisus, imminentem Danico casum auerteret. Vnde Fridericus additurus momentum rebus & tempori bellicas naues ordinauerat, cum in usum submittendas, quominus Colligatorum copiae ob rei nauticæ defectum in aduerso littore hærentes, quantocius in subsidium transfretarent. Non tamen procelloso nimium mari in tempore deductæ fuere, ut Elector quæcunq; circa littus reperiri poterant, seu hostium illarum, seu Prouincialium essent, subducere repararæq; confestim debuerit. His demum in Koldingam mari adsitum oppidum vis conuersa, eo consilio, ut depulsis aut auersis præfidijs Insulæ littora, facilius paterent inuadentibus; primi, Comes Stroszcy, ac Gulcz Generalis à Brandenburgicis, cum pedite lebis imposito aquas Canalis ingressi sunt; hos mox tres naues armatæ sequebantur, tutiorem excensum pediti, præsentis explosione machinarum reddituræ: traiectu nimis dum Sueci littus tuentur, & ob iactus tormentorum exitabili. Quippe primo assultu nauium Electoris vna globo transuersim acta, ac remigum complures saucij ac lacerati sunt, nisi mox Ranzius, apud Cæsareanos Excubiarum Præfectus, opportuno austro in aduersum littus à latere delatus, prægresso Gulcio strenuè opitularetur: iam superstantes crepidini Suecos explosione machinarum loco submouens, iam binis eorundem armatis nauibus cum aliquot tormentis potitus. Restabat acrior pro littore quam æquore pugna, in quo tres ex aduerso munitiones eminebant pediti ac machinis receptaculum, tum vnde quadraginta Equestris Succorum signa in vix captum exponi militem Ductore Knutho inuehebantur. Aderat præsto periculi spectator aut virtuti stimulus Elector ipse, crepidini obliqui Littoris insistent, cum ingenti balistarum fragore utrinq; edito immugit mare, reboant eminentia sinuosi Canalis, supercilia, & velut pugna elementorum esset, à mari in terram, rursus à terra in mare frequentes ignes iaciuntur. Interea nitentium, aut depellentium confusa murmura, dumq; hortatu erigitur aut obiurgatur miles, promiscui clamores insurgent, multo faciliore Colligatis negotio, si plures naues in usum trajectas à Danis obtinuissent. Comparebat & Czarnecius, huc ab Electore accitus (reliquo agmine nostra,

nauticæ defectum in aduerso littore hærentes, quantocius in subsidium transfretarent. Non tamen procelloso nimium mari in tempore deductæ fuere, ut Elector quæcunq; circa littus reperiri poterant, seu hostium illarum, seu Prouincialium essent, subducere repararæq; confestim debuerit. His demum in Koldingam mari adsitum oppidum vis conuersa, eo consilio, ut depulsis aut auersis præfidijs Insulæ littora, facilius paterent inuadentibus; primi, Comes Stroszcy, ac Gulcz Generalis à Brandenburgicis, cum pedite lebis imposito aquas Canalis ingressi sunt; hos mox tres naues armatæ sequebantur, tutiorem excensum pediti, præsentis explosione machinarum reddituræ: traiectu nimis dum Sueci littus tuentur, & ob iactus tormentorum exitabili. Quippe primo assultu nauium Electoris vna globo transuersim acta, ac remigum complures saucij ac lacerati sunt, nisi mox Ranzius, apud Cæsareanos Excubiarum Præfectus, opportuno austro in aduersum littus à latere delatus, prægresso Gulcio strenuè opitularetur: iam superstantes crepidini Suecos explosione machinarum loco submouens, iam binis eorundem armatis nauibus cum aliquot tormentis potitus. Restabat acrior pro littore quam æquore pugna, in quo tres ex aduerso munitiones eminebant pediti ac machinis receptaculum, tum vnde quadraginta Equestris Succorum signa in vix captum exponi militem Ductore Knutho inuehebantur. Aderat præsto periculi spectator aut virtuti stimulus Elector ipse, crepidini obliqui Littoris insistent, cum ingenti balistarum fragore utrinq; edito immugit mare, reboant eminentia sinuosi Canalis, supercilia, & velut pugna elementorum esset, à mari in terram, rursus à terra in mare frequentes ignes iaciuntur. Interea nitentium, aut depellentium confusa murmura, dumq; hortatu erigitur aut obiurgatur miles, promiscui clamores insurgent, multo faciliore Colligatis negotio, si plures naues in usum trajectas à Danis obtinuissent. Comparebat & Czarnecius, huc ab Electore accitus (reliquo agmine nostra,



nostratum apud Hadersleben cum Opalinio manente) cumq; vel anxietatem irriti conatus expendit Princeps, vel succursum laborantibus exhibere satagit, ad astantes se reclinans. *Videtis (inquit) militem nostrum pro possessione aduersi littoris acerrimè dimicantem, à Suecorum Equitatu interiectu æquoris reijci? quid ni succurrimus modò naues adfint, audaculorum ferociam repressuri?* Quæ dicta velut explorando animo suo iacta accipiens Czarnecius, confestim ad cohortes littori insistentes accurrens, suo more infit. *Me, me adsum Poloni, exerenda virtutis non alibi luculentior dabit se occasio & tempus, quid moramur? In Patria traiciendi flumina pertinaciam monstrati, iam nunc, quid heroi- cum periculi contemptus in maris aquas possit, si viri sumus, in Holsatia ostendite.* Duodecim stipabant cohortes. Regia sub Michaële Woynilowicz, Czarnecij ipsius Hasta sub Hieronymo Pagowski, Loricatam ducebat Petrus Męzynski; Leszczynij Incisoris Regni Vladislaus Skoraszowski; Branicij Dapiferi Casimirus Kulak; Marchionis Myszkouij Paulus Borzecki; Danielowicij item Parczouienfis, Domaszewski Lukouiensis; ac Rokitnieki Dobrzynenfis Præfectorum &c: quæ ad imperia fortissimi Ductoris assuetæ, quocunq; duceret, protinus antegressum sequebantur. Protendebatur in vastam latitudinem canalis, ad viginti sex iugera stagnante æquore, vel ut verisimilius proferam, in quantum Vistula noster verna inundatione auctus apud Varlauiam, spatiosissimo defluere alueo solet non item profunditas obstitit, mira in tranandum pelagus terrestris militiæ alacritate. Commodè Samuel Kobylecki Semenorum cohortis Præfectus, aliquot lembos hyppaginesq; in littore triduo ante conquisitos prehenderat retinebatq; in quorum vnum, non officij, non ætatis ratione feruorem diminuente, dum insilit Ductor, confestim quidquid eiusmodi nauigiorum inscendit miles, simul demptis sellis Equestribus traherantur frænis equi natatu æquor superaturi, miro spectaculo, ut qui modo terræ incolæ

incolæ, artisq; nauticæ ignari, iam velut amphibia animalia in medias vndas illapsi, remigio agerentur. Intendit alacritatem suorum & Elector, clangente tuba enauigationem cunctis edicens, festinandam, tum ne deesset exemplū, lembum & ipse submitti extemplo, iussit, tanquam inscensurus. Sequenti Germani pro exili copia nauigiorum; sed immoderatæ fortitudini irati, conuicijs incessabant Czarnecium, tanquam perperam præcipitantem discrimina; maximè iactura equorum permouente, ut qui crassiores, submersioni obnoxij, & rata nandi peritia essent. cum Poloni suos in superanda flumina exercitos, peruicaciter æquori committerent. Vbi à Suecis animaduersum in traiectum ferri irremisso feruore Colligatos, iamq; ab Gultzio oppugnato acriter littore, miles in continentem audacter eluctaretur, haud expectatis hospitibus retro subducebant suos; Assebergus quidem Sondeburgum; Kmuthus cum parte peditatus Nortburgum, intra mænia oppidorum tutiores. Dum verò recedunt interq; circumiectos cliuos, aut arenarum cumulos hærendo, vltiorem traicientis Exercitus progressum speculantur, in hos post enauigatum canalem instratis equis prorupit Czarnecius, scutulato notæ agilitatis equo, ac coccineo Turcicum in morem sago conspicuus, non amplius quadraginta ex turmalibus socijs stipatus commilitio. Et quamuis submissus ab Electore nonnemo, in imparem pugnam prouolantem retentarent, aut is in monitorem asper, primò velitari in cursu abeuntes laceffit, dein, in conglobatos illatus Præfectum turmæ propria manu obruncat, tribus alijs à commilitio captis, reliquis tutiorem per noctem fugam capeissentibus. Ea quidem strenui Ducis virtus, eluctato freti angustias Electori solatio fuit, cum contra, interueniens casus dolori, & prosequendi belli moræ causam dedisset. Breidenus Danici maris Vicepræfectus, iussus à Friderico ut Colligatis naues suppeditaret, aliquantum procelloso mari distentus oberabat littori, demum ubi innotuit, superato Canali inuasam



1658.

ab Electore Insulam Alsen, futurum fore iudicans, ut mox Sondeburgum obsideretur vel caperetur, huc plenis velis cursum direxerat, casuq; in Suecorum classem incidens ac pugnans, medio in æstu prælij, post depressam vnâ, alteram captam hostium nauem, glande tormenti traiectus occubuit: fide in Regem suum, & naualis pugnae peritiâ Dux nobilis. Mox Sondeburgo, quæ primaria Insulae Ciuitas, admota vis, arce & oppidi mœnijs sanè firmissimis, nisi quod facilius subigendi spem faceret, fossas mœniorum quæ aquis implerentur solidiori glacie concretas existere, velut fortuito in transeundum ponte, densius gelu oppugnâ-  
tibus viam strauisset. Vnde Aschembergus locum retinere diffusus, astu demum profecit, ut in tutamen receptam Ducissæ intro existentis securitatem, in plano sisteret. Non in Paradiso tantum mulier blandè captiosa exiit, sunt, quæ etiam inter armorum fragores neutiquam versipele exuant ingenium. Per submissum namq; caduceatorem Holstynensis vidua, mulier dolos versare perita, in speciem supplex ab Electore petijt, uti post transscensos montes ac flumina, calcata sicco pede palustria, ipsum quinimo mare tempestatibus scopulisq; infame, quod vidisset ipsa, quadrupedum adminiculo superatum, tot patratæ operibus, satius ex clementia quam sui perditione trophæum statuere Princeps. Elector vellet. Sanè, si miserrimam conseruat, monumentum ære perennius his in oris relicturum. Si vim parat? Sondeburgum ne expugnatum finem cruentissimo bello imponet? in quo tantum mulier natalibus & dignitate clara, marito orba, oppugnantæ sanguine iuncta, omnibus fortunæ bonis spoliata, & humiliter vim deprecans haberetur. Tribueret bellicosus Princeps, imploranti clementiam, imò ea quæ vim minarentur arma, in tutelam sexus fragilis venteret. Constitit permotum famineis postulatis vim distulisse Electorem, etiam à fine negotium despicientem, ne inualum promiscua impressione oppidum, nullo imperij, nullo probri respectu, ubi diuersæ gentes ardore pugnae incaluerint,

luerint, crudeliter habitum direptumq; maculam nomini suo ac victoriæ inureret. Interea dum vltro citroq; de deditione in tertiam diem agitur, Wrangelius cum expedita nauium classe, Sondeburgo aduolutus, applicatisq; arcibus noctem anchoris, primum viduam Ducissam cum præsidio, dein quæ pretium aut vsus commendabat in naues securè receptis, postremus ipse cum Aschembergo abscessit, misso sub diluculum Tubicine qui postularer. Quatenus pro innata clementia Elector parceret oppido, spontanea protinus deditione ad arbitrium victoris cessuro. Mox sublatis in altum velis, explosisq; pro militari vale tormentis abiens, per iocum deditionem oppidi insinuabat, cum iam Sondeburgum omnibus rebus vacuum, præter sexum fragilem, vel quos ætas aut vulnera inhabiles tractandis armis reddidissent, in se contineret nihil. Norburgum inde Poloni adiuncto Sparrio Electorali Tribuno, cum Desultorijs præmissi, quominus recepto oppido, tota Insula in potestate esset. Aduentantes obiectis signis excipiebat. Knuthus, sed mox reiectus, ac inuasæ suburbia sunt, ubi recepta liberalior annona refecerat militem, præter inedia molestissimo frigore, tum quadrinoctij insomnio afflictum. Vbi patuit equestri assultu haud moueri defensores, cum Pedicatu Elector adesse maturauit, dieq; XXI. Nouembris ex quatuor Regij modi machinis instituta in muros verberatio; quassatis demum illis & hiatu ad impressionem aperto, missus tubicen præcisè ut oppidum dederetur institit, addens, nisi Præfectus arbitrio Electoris protinus se tradit, mox aperta vi capto loco, in furca apud principium pontis (transierat ab Electore ad Suecos) pœnas contumaciæ luiturum. Ad interminatam probrosæ mortis pœnam abdicauit ille contumaciam, seq; ac locum Electoris gratiæ commisit; quo inductum confestim præsidium, à direptione immune oppidum præstitit; fremente ob ereptam manu prædam milite adeo, ut Electoralis tubicen, tesseram recedendi à muris enuntians, parum abstulerit, quin à gregarijs



1658. garijs violaretur. Sic intra octiduum insula Alsen in potestatem redacta, inaccessibilis ambiente freto credita; nisi quo nauibus transuehi non licuit, animosa penetraret virtus.

*Suecorum cum Polonis congressus.* Hærebat interea apud Aderflaben Colligati Exercitus reliquæ Mōtecucullio cum Cælareanis, ac Opalinio cum Polonis hic subsistentibus; cum affertur Sueticam classē proximo littori adnauigasse, expositoq; milite, in eos, quibus apud Coldingam statio (Quartiera) velle experiri. Marchio Szulcbachus cum Königsmarco, in solutos ut putabant & torpentes ingruiebant: sed ausu quàm successu maiore, etsi ad primum experimentum, non infaultē iecisse aleam Sueci viderentur. Excubabant proximo littore quatuor Polonæ cohortes, quæ dum haud supponentes discrimen remissius agunt, ab Equitibus Suecis subito coortis loco depulsæ, ac cæsis fere XVII. dispallatæ, raptim quâ tors tulit ad suos regrediebantur. Nuntiato discrimine, dum promptè in succursum Opalinus cohortes reliquas educit, Piaszcynium ac Polanouium Legionum Tribunos in antecessum præmiserat, uti festinatò suos recolligerent, aut saltem distinerent Suecos, donec cum instructo agmine ipse superueniret. Quod impigrè ab istis præstitum, simul primo congressu reiecti Sueci, ut non præda modò ex stationario milite parta recuperaretur, sed ipsi præsumpti victores infugam verterentur, sparsim per viam cæsi aut capti præcipitanter id vnum agente Szulcbacho, ut sicut insperatus aduolauit, sic vix conspectus ne refluxu maris destitueretur, quantocius in naues se recipiebat. Quæ subita procella simul exorta & desidens, magis in præmonitionem nostris cautius agendi cessit, quàm ut ea, nullo effectu suscepta, & probrosa fuga finita, Sueci latarentur. Elector interim præfidijs firmata Alsen, in Holsatiam Exercitum reduxit, iam quod intra exhaustam alimentis Insulam, diu immorari haud permetteret annonæ penuria: ast magis ob defectum nauium nullo vsui hic hæsurus, tum Flensburgo

ac Fridericodæo in potestatem redigendis, quæ tractu Holsatifico fortalitia, adhuc dum præfidijs Sueticis tenebantur.

Ingruente dehinc brumâ, bellum quidem desidebat, ast apertè gliscebant inter gentes sui dissimiles odium, familiaris militaribus animis tinea, & comes gloriæ, inuidiæ umbra. Causæ dissidij in apertum plures, potiore in Cōmentarijs eius belli reperio. Belligerates in Polonia Sueci, plerosq; nostratium secum abductos, Legionibus suis aut præfidijs Arcium miscuerant, in qualemvis militiam promptos & obsequentes experti. Isti ut cunq; externo in solo militabant coacti, ast Polonis Holsatiam ingressis, seruitiū exoticum aspernantes, ad Sympatriotas se recipiebant, vel in deditis arcibus recipiebantur. Offendit Germanos resercentibus Ordinibus suis detrahi supplementa cohortibus, debitosq; sibi captiuos imperiosè contendebat, ut qui Theutonicæ militiæ more, Sacramentum in vexilla dixissent. Contra Poloni, populares vindicando, Germani ut Alemanos haberent sibi opponebant. Hinc controuersia, & aliquoties inter ipsas cohortes tumultus, dum recursus ad suos inhibetur, ægrè temperantibus vim Polonis, quominus contrerraneos à seruili manus iniectione subducerent: eoq; immodestia militaris processit, ut Prætorium Electoris prope ex statione raperent vnum, qui violenter tractum se ut in stipendia externa nomen daret vernaculo sermone inclamauerat. Etiam ea de re in Castris Sacrorū Curiones, quos Capellanos vocant, requisiti edixerant, *Peccare eos mortaliter in ordine contra proximum, qui tot animas communionē fidelium priuatas, iam nunc Heterodoxis permissas, iactura salutis cum possint non eripiant.* Quis crederet deuota Marti pectora pastoritias animarum curas sedulè induisse. Quæ dum in causam dissensus transeunt, neq; celauerat offensam Elector odiosa apud externum Principem libertate, cui cæco obsequio suorum imperium constare solet: & quamuis non ingrata in quoduis discrimen promptissimæ militiæ opera esset, sed mox cumulata in solos Polonos



1658. laudes angebant, cum iam hostes Sueci, iam amici Dani, quidquid præclare gestum istis tribuerent. Vnde inter socios belli altior diffidentia, & velut antipathia quædam, ubi alter alienam gloriam in diminutionem sui accipit, alter vero, quod egregie solus patrasset, arrogatibus, qui non meruere, adscribere recusat. Exacerbabat præterea Polonos, quod exploratum, aut ad alia militiæ munia diggressis, currus suos insolenter Germani in postremo agmine expilarent, famulos cum victu aut pabulo reduces excuterent, sed maxime pungebant, quod vicos oppidaq; Danica diripientes, in crimen actorum spoliatorum absentes Polonos substituerent, in alijs vtrunq; dissimulata iniuria, ubi cardo honoris militaris verteretur, apud Commissarios Danos contestati falso imputatarum rapinarum innocentiam. Ad hæc Germani opimioribus stativis disponi, opulentis in Urbibus locari, tuto consistere, lente incedere, & suspensæ gradu bellum moliri, non conficere; cum interim Poloni in ipso hostium conspectu, ac sub ictu discriminis agerent, exploratum procurrerent, excubias obirent, frontem & latera Exercitus, aduersus oppositum hostem tuerentur, nec ardua quæq; pro innata generositate subire detrectarent, quod Theutones, velut debitum, ac leuioris militiæ officium, interpretarentur. Sic, commota bile, neq; ab iocis militaribus temperatum, obijcientibus nostris, cunctationem esse originale peccatum Germanorum: contra istis omnia festinanter, & nihil ad rem agere Polonos, reponerentibus. Vnde Ductores Poloni, postponi operam suam aduertentes, saluâ Electoris gratiâ petiere: quominus suo pte Marte, ad Regem Daniæ disiunctis, iter aperire liceret: eoq; increuerat contentio, ut postposita hyemis asperitate, relictisq; per oppida stativis, sub Ioue frigidissimo castris consisterent: socios belli ad accelerandum in Fioniam traiecitum prouocantes. Equidem Princeps Elector, raræ virtutis amicus, sed autoritatem imperij enixe retinens, & ita alienæ strenuitati fautor, ut non primas fortitudinis partes popu-

popularibus suis tribuere mallet: multa sollicitudine egit recessum disuadendo, neu tot rebus præclare gestis, a se discederent efflagitans, insuper stabilius obsequium ex commisso Casimiri requirens. Sed responsum à Ducibus, pro se quidem modestè, pro iniuria Danorum ingenuè, in quorum terras auxilio se missos meminerint non grauamini, utq; excuterent non augerent vastationis miseras.

Certè, non fucatae virtutis testimonium ad posteritatem tulere nostri, compellaro, post inleßam Insulam Alsen, à Rege Daniæ Czarnecio literis, in eum tenorem.

Fridericus III. D. G. Daniæ, Noruegiæ, Vandalorū, Got-  
torumq; Rex, Dux Slesuici, Stormariæ, ac Dithmarsie, Co-  
mes in Oldēburg ac Delmenhorst &c: *Singulari favore ac beneuolentia nostra pramissis, Illustrissime Domine, sincerè grateq; nobis dilecte, maxima cū existimatione nobis relatu est, quomodo Ill: Vestra diuersis conflictibus, nouissimè etiam in occupatione Insula Alsen, sitorumq; in ea Castellorum inter alias hostis copias numero militum, plusquam triplo suis fortiores prauis agmini profligando, virtutem suam verè Heroicam, cum clade & admiratione omnium exercuerit. Quemadmodum nobis semper de Ill: Vestra, utpote Duce rebus gestis clarissimo, gratulati sumus, affectumq; Serenissimi Regis Vestri fraternū, in auxilium armorum nostrorum Ill: Vra: submitiendo, abunde deprehendimus: ita beneuolentiam nostram Regiam, quam meritis suis etiam apud nos, Ill: Ur: acquisiuit, contestari hisce volumus, ex animo optantes, ut felicissimis quibuscunq; successibus, fama Ill: Ur: non solum Patria, sed exteris etiam cognita, vniuerso Orbi, præsertim huic Arctoo, magis magisq; innotescat. De cætero, certò sibi persuaदेat Ill: Vra: Nos, quidquid officiorū Nobis prastitum fuerit, grato animo, omniq; favore Regio cum Deo & tēpore agnituros. Dabantur in arce nostra Regia Hafnia die 24. Decembris Anno 1658. In fronte literarum titulus. Illustrissimo sincerè grateq; Nobis dilecto D. D. Stephano in Czarnca Czarniecki, Terrarū Russiæ Palatino, Exercituum Regis Poloniae Generali &c: &c:*



1658.

Coldin-  
ga oc-  
cupata.

Coldingam in prominente maris littore Daniæ Reges olim permuniuere, adiecta oppido Ornsburgo arce, naturæ & artis adminiculo tutissima: Eius oppugnandæ copiam ab Electore Poloni obtinuerant, (quo perseverantis obsequij species maneret) velut nuper fusarum illuc cohortium probrum amolitur; reuera, ut separatim virium experimentum faciendo, inuidis quid suoapte Marte possent monstrarent. Concessit haud grauatim Elector quod negare non poterat, dumq; peditū legiones in adiumentum operæ addit, excusauit haud opus esse Czarnecius, quatuor tantum tormenta in verberationem mæniorum recipiens. Sacer Christi Natalium dies erat, tranquilla deuotione Christianis transigi solitus, cum Sueci apud Arhusium in nostros adeo repente euoluti, ut sacris de mane intentus miles, ægrè tempus ad internendos equos habuerit. Ast sustinentibus tantisper impetum excubijs, donec signa prouolant, ad primum accursum cohortium repulsi Sueci, dumq; per duo Milliaria retro abeunt, simul insistentes fugientibus Poloni Coldingam inuadebant, exterritis subito metu oppidanis, & defensionem omittentibus. Cognito in celeritate constare victoriam, nihil moræ quin cohortium iuuentus mænia subiret pedes, & post perfunctorium certamè ponte deserto, dum maior hominum turba in castellum refugit, quam ut loci angustia caperet, & ob coarctatam Castellæ aream arma commodè defensor miles expedire nequit vrgentibus strenuè Polonis supra spem, loco alio quin commodissimo nec inualido potiebantur. Quo, ut irruptum, nihil obstitit, quin miles pro more victoriæ ferociret, maximè irritatus, ubi aliquot Commilitones parciores dedititijs perfidè necati intereunt, tum, quod eo loci haberetur Suecis receptaculum à mari furtiuus incurfibus in nostros prorumpendi. Etsi loci occupatio funesta admodum extitit, dum reclusis in Arce fornicibus, inter aliâ prædam pyrium quoq; diripit miles, ac gregarius aliquis scintillantem fomitem eadem manu tenens, quâ puluerem rapit,

1658.

rapit, fortuito incendio quod luctuosum afflixit victores; quorum XXX. in ipso promptuario, vehementia ignis de repente exanimati, complures effusè spatiatâ flammâ perniciosè afflati aut disiecti, etiam vnus vicino parieti illisus, feralem tragici exitus memoriam, cruore & cerebro excussis, in muro contiguo designauit.

Obsidium Thorunij sequitur, Casimiri Regis præsentia<sup>Obsidii</sup> celebre, aperiendæ defluationi amnis perneceffarium, & <sup>Thorunij.</sup> tam actiuè quam passiuè præclarè factis militaribus memorabile. In occupanda ante triennium ea Vrbe, Carolo Sueco nonnisi intra verba conatus steterat, sine cæde & sanguine transactâ deditiōe; in recipienda Casimiro immensus labor, sanguinis ac sumptuum iactura ingens; hinc emergente paradoxo, pluris quândoq; constare proprietatis vindicationem, quam vsurpationem alieni. Unde deriuetur cognomen Urbis, in obscuro latet, conditam sub Annum CH. 1235. refert Guagninus, à Crucigeris ea tēpestate rerum in Borussia potentibus: quod prisca æui structurâ vetustum in morem mænia, è solido lapide firma restantur. In aduersâ ripâ Dybouia hæret, intermedio tractu prominentibus longè latèq; paschuis, & præter mite cælum commendata agrorum fertilitate. Fama Vrbi nomēq; ex studio mercaturæ, vnde parca per longam pacem opulentia, olim sub Stephano Comitæ Regni isthic celebrata sunt, sed maximè aucta gloria, quod priore Suecorum in Prussia bello, armis & insidijs Gustauī Wrangelis petita, vim animosè eludens, æquè strenuam se quàm fidam Regibus Polonis exhibuerat: nunc fatali quodam turbine, Suecorū rationes & partes secuta, rigidum admiserat cum nouo Domino capistrum, inducto præsidio frænata, Ciuiibusq; militari iurisdictioni traditis, cum antea semper ius dicente Magistratu Urbico, lenissima legitimorum Regum imperia experiretur. Fratri Adolpho Bipontino Carolus Rex vicarium commiserat abiens in Daniam imperium, Benedictus Oxenstirna, Polyticis attendebat rationibus & regi-



1658. regimini; in præfidiarium militem Vrbesq; Gubernatori-  
bus omnimoda incumbente iurisdictione. Præerat sub  
Commendantis nomine Thorunio Stenon Bielke seu Bielcas  
(Ioachimus Pastorius Borealia nomina reducere ad latinâ  
inflexionem solitus, Bullonium vocat) cui præfidiariorum  
supra Quingentos Tria Millia; Vrbs recentibus firma opê-  
ribus, conuenæ obsequentes, addicti ob communia Sacra  
Ciues; Præfectus ipse pariter astu & dexteritate valens, vt  
obsidium id non perfunctorij actus negotium censeretur debui-  
erit. Superfluum arbitror Castrorum typum, ac militarem  
circumuallationis orthographiam, aliaq; particularia proli-  
xius referre, ad architectonices præcepta magis, quàm hi-  
storiæ seriem pertinentia; quæ, nec prudentes requirunt,  
nec explerent curiosos. Rem ipsam denarro. Medio fe-  
rè Septembre Rex Casimirus in Castra venerat, operibus,  
quæquaversum, ac protenso vallorum tractu egregiè per-  
munita. In Exercitum summa imperij penes Georgium  
Lubomirski Marechallum ac Campiducem; Illustrissim⁹  
Ioannes Sobieski Supremus Regni Vexillifer Equitatu præ-  
erat; quadrifariam tunc diuisis copijs: cum Potocius Ge-  
neralis in Vkraynam intenderet; Holsatiâ detineret Czar-  
necium; Sapieha Moscho opponeretur; quarta demum  
parte cum Rege in recuperandum Thorunium conuersâ.  
Armamentarij cura penes Christophorum Grodzicki, Ca-  
stellanum Leopoliensem; Andreas Potocki Castrametatori  
Stanislaus Iablonski Excubiarum Præfectus; Ioannes Sa-  
pieha Campestris Regni Notarius, Martinus Zamoycki Da-  
pifer Leopoliensis, tum alij viri Illustres Equestrium alarū  
Ductores: Cæsareanis imperia dabat Franciscus Comes Zu-  
za, Huldensternus, Kielmannus, Zuchmanus, Corona, Bu-  
chaymus &c: Generales. Heysterus Equitatu, Suchius  
vigilijs præerat, Hatsfeldij quoq; ac Marchionis Badensis  
Legiones alijs septem superaddebantur. Prætoriani, (cor-  
poris custodiam seu Guardiam vocant) sub Wolphio Dy-  
nemburgensi Præfecto, Mille CC. Desultoriorum phalan-  
ges

ges regebat Bokum, præclaræ Nobilitatis Liuo. Peditum 1658.  
legiones duxere, Wilhelmus Marchio Butlerus, Otto Ernest⁹  
Grothausen, Iosephus Łaczynski, Iacobus Gissa, Ioannes  
Paulus Celary &c: Latum præsentia Regis agmen prope  
XX. Millia complebat: intenditq; sine mora Casimirus a-  
lacritatem, iam de die excitare opera iubens, ipse ad valla  
Tribunis misceri, gregarios præsentia erigere disponereq;  
& promiscuis periculis præsto aduolui continuus. Eadem  
de nocte sedulitas, consilia peritorum exquirens, & inde-  
fessa animi sollicitudine totum publicis curis tribuendo,  
quidquid temporis privatæ quieti ac necessario respirio de-  
traxisset. Grata hæc in militem iniunctas operas quan-  
tocius exequi accelerantem. Subinde leuioris armaturæ  
cohortes circumiectam Borussia oram decurrebant, traie-  
ctus ac Sylvarum indagines excutiendo, quominus non  
subsidia modò, sed omnem alimenta importandi possibili-  
tatem, obsessis præcluderent: & rarò isti vacuis manibus  
redibant, complures captos adducendo, qui colloquio su-  
orum oblatis, nullam spem succursus, ab hærente in Dania  
Rege Carolo, ex vero denarrabant: donec Præfectus ser-  
monum commercia abrumperet, per eius modi rumores a-  
peritè militum animis labascentibus. Magni dehinc mo-  
menti nec minoris laboris opus fuit, ponte Vistulam inster-  
nere, sub autumnum incrementibus vndis, ac superstructâ  
molem aliquoties excutientibus. Superior tamen huma-  
na industria elemento, postquam maiora nauigia rudenti-  
bus connexa immanes trabes sustinent supernè instratas;  
ac ita aquarum violentiâ domitâ, iniectoq; flumini ponte,  
velut terrestri itinere, immania plaustra supra dorsum Vi-  
stulæ commeabant. In militari dein consilio de modo pro-  
sequendi obsidij deliberatum, gemina via vt solet in recu-  
perandum Thorunium ducente, vel aperta vi subigendo,  
vel sponte Suecis in honestam deditionem inclinantibus.  
Hinc periculi minus, plus temporis, illinc breui momento  
confici opus apparebat, nisi infallibile discrimen; & succes-  
sus



1658. sus incertitudinem plures suspectarent; non iniquè expen-  
dendo obfirmatam in extrema præsidij constantiam, etiam  
ob eminentes operum moles Vrbi circumdatas, quibus tri-  
ennio Suecorum labor insudauerat, ut locum permuniret  
accuratissimè. Quin etiam Ciues induruerant animis, tri-  
uole illato, temere credito rumore, receptum quoquo mo-  
do Thorunium uti Cracouiam, tradendum fore Austriacis,  
non tantum ut præsidio firmarent, verum donec Regnum  
exoluit impensas in bellum retinendum. Vnde Thoru-  
niensibus ob sacrorum dissidia metus, quæ seuerissimis le-  
gibus Austriaca pietas còercet, duo maximè pro arcano do-  
minationi contrario tenens; libertatis usurpationem, & re-  
ligionis differentiam. Ea, hostesne ex astu? an ex inuidia  
æmuli sparserint, in medio relinquo? Certè manente obsi-  
dio patuit, nullas magis quàm Cæsareanorum stationes  
impetitas à Suecis erumpentibus, præcipuè quæ Suchius  
Generalis, ac Baro Buchaimus metati consistebant. Eri-  
gebat interim obsidentium studia, proximorum Palatina  
tuum Nobilitas, in remedium inopiæ publicæ collatitiam  
annonam, in castra ad Thoruniū Regia submittendo. Ab  
vsq; Posnaniā, imo Silesiæ finibus contiguo Wielunio, deue-  
hebantur alimenta refouendo pediti; qui nulla in excursus  
pabulatorios facultate, si esurit languet; & ubi inedia ma-  
cerauit corpus, haud diu animum bello aptum sustentare  
valet. Interea è machinis in Urbem dati ictus, primò à  
Cæsareanorum statione, quæ eminentior situ non nihil pro-  
ficiebat, quassatis murorum summitatibus, vel ipsa D. Io-  
annis turre vehementia ictuum conuulsa. Sed nihil vili  
horribilius aut effectu nocentius, sphæricis globis quos  
Granaty, iam nunc Bomby vocant; Grodzicio exquisitos  
pyrotechnicæ artis structores, opimis stipendijs conducen-  
te, ubi maximè vsus Patriæ postularet; inter quos eminebat  
ingeniosâ solertiâ Góetkant, nouus sæculi Archimedes, stu-  
pendorum machinamentorum pararius & autor. Is, præ-  
ter iactos diuersi modi ignes, rectis incendia, hominibus  
stra-

1658. fragem ferentes, molares lapides intra Urbem aut adfira  
opera mirando sanè molimine iniiciens, ædium summa in-  
timaq; horrendis fulminibus concutiebatur; quæ saxa vi ignis  
in sublime rotata, demum in fragmina dissilientia, non mo-  
do ineuitaliter obuios proterebant, sed fumus ipse flam-  
mæ artificialis comes, secreta in nocendum arte corruptus  
ut quemq; inuoluens, tabifica luce inficiebat; ea maximè  
quam Medici Scæletyrbe, seu affectionem Szkorboty vocat;  
Par Germanorum industria circa latomicas suffusiones spe-  
ctabatur, Urbem cuniculis suggredi allaborantium; quæ in-  
genti ab extra munimento in hæmicycli formam defende-  
batur. Excitauerant siquidem ab austro Sueci ad arcon-  
dam vim eximie molis Cornutum opus, seu terreum mu-  
nimentum, in eam altitudinem exporrectum, ut non mo-  
do retro se Urbis mænia, verum circumiectas à latere mu-  
nitiones eminentius cæteris tueretur, indito Kawalier Szanc  
nomine: loco in propugnandum nonnisi probatissimis mi-  
litum concessibili; nec minus nomen & famam meritis,  
qui in occupandum niterentur. Huc itaq; primo per ac-  
cessus operum eniti oportere ubi iudicatum, mox flagran-  
tissimè via obsidionali in molem vis directa, præcipuè à Gi-  
ziana statione, isthac nostris cum Baron Suchio impigrè la-  
borem subeuntibus.

Dum in opere feruent animi, Casimirus interim offerre  
clementiam tam præsidio quàm Ciuibus non alienum ab  
ingenio suo censuit, misso ad Præfectum Urbis prius Tubi-  
cine, dein Trabucco Secretario cum plenioribus mandatis,  
quominus utriq; ad pacatiora conseruandæ Urbis media  
concurrerent; sed maximè incolæ Urbis, neu extremam  
accersendo famam hosti, & luctuosum sibi belli epilogum  
adornarent. Negauit Præfectus Ciuibus respondendi vi-  
ces competere, quorum ipse pro capite esset, quem dum  
rursus pertentat Cancellariæ Prazmouius, solicatorijs in de-  
ditionem literis, ad utramq; requisitionem negatiuè Sueco  
fastu respondit, animi peruiçax, ac intuendum locum au-  
dacia



1658. <sup>2658.</sup> dacia & prouidentia paribus. Neq; visū vltiori benignitate ferociam temnentis alere, proclamata generali impressione; autore vel maximè Mareschallo Regni, ac in consilio Cæsareanum Duectorem vbi diuersa suadet perstringente; qui, etsi bellis à prima iuuentute innutritus, iam tunc (nisi aliquid secretioris consilij lateret) annis ac lassitudine grauis, multum de pristino indolis vigore remisisset. Vnde, subortis licet offensionibus, quas tamen Regis præsentia mitigaret, confestim mandato Casimiri omnium curæ in apparatus oppugnandi vertebantur. Die XVII. Nouembris, Peditum legiones sub Tribunis quæq; suis prodire iussæ, horrida acies dum signum assiliendi expectat, continuo tympanorum fistularumq; concentu Martem ciebat. His permixti Desultoriorū manipuli, Equestres item alæ circumpositæ, quæ eminus prohibendæ aut reprimendæ eruptioni attenderent; Castrense quoq; famulitium ad opus concurrens, ex trabibus opercula, casarumq; agrestium dimidiatos parietes rotis impositos præseagebat. Ad datum impressioni signum, prouolant vndiq; armatorum globi, ac in varias Urbis regiones feruntur, Mareschallo, cum Tribunis suis; Zuza Generali Cæsareanos in assultum disponentibus. Primam Iacobus Gissa legionis Tribunus nostræ impressionem sortitus, cum Quingentorum manu propugnaculum maius adōritur, signa infert & pugnat, reiectisq; qui se in plano obiecerant Sueci, tractili ponte fossam insternit; dumq; vltra audens palorum ordinem (Palisada) succidit, amissis tredecim gregarijs ab ipsa molis radice retruditur: adeo denso in suggestos incidente colorum nimbo, vt si vnaquaq; glande scopum retigissent Sueci, singulis oppugnatoribus trucidandis suffecissent. Simul resonuere tam horrenda quàm exitiabilia phalaricarum tonitrua, & continenter missiles dati ignes, quibus obuij quicq; nulla euitandi prouidentia flammarentur: etiam ipsa noctis obscuritas, formidini & periculo fuit, ac confusi pugnantium clamores etsi non geminarent terrorem, certè corrumpebant

pebant imperia, vt non ardor modo remitti per tenebras, <sup>1658.</sup> Verum & ordo aciei labefactari, & signa retro verti ceperint: quoad Mareschallus irrevocabiliter primum agmen regredi aduertens, ad legionum stationes peruectus, orientale latus Urbis, quo via obsidionalis pertingeret, adoriri imperasset; succumbentibus Gizianis, Butleri ac Grothausi signa in succursum destinando. Enimuero, recruduit iterum certamen, legionibus subtus propugnaculum animosè illatis, & postquam præiuere, omne pedestris aciei robur in assultum nitebatur; pontes isti manuales fossis iniiciebant, conuellebant vimineas crates, & è solido cespite structa defensoribus opercula: admovebant scalas alij, palos succidebant, & omnes infernè in demoliendas hostium operas nitebantur. Nec segnius resistebant Sueci, adeo contumaciter repugnantes, vt protenso autumnalis noctis spatio, irritum ambigua sorte certamen in adultam diem distinuerint. Interea, remittente per intervalla pugna & militari fremitu, audiebantur in summitate propugnaculi impropria & cauilli, imbelliam nostris exprobrantium, interq; alios vnus prægrandi machæra ambabus manibus rotata, vt quemq; ex Polonis sub diluculum ad conferendā manum prouocabat, supera statione tutus, & vltra quingentorum stipatus adiutorio. Non tulere improprium nostri, ac velut ad capiendum locum inuitaret præfracta prouocantis audacia, resumpta tertium impressione, in molem feruntur, claustris quidem ac repagulis nudatam, sed ipsā terrei parietis accliuitate & eminentiā inaccessibilem. Hic, Paulus Celary Tribunus ad radicem molis cum legione sua penetrans, dum accliuui operi statura crassior & corpulentus adrepat, hastarum contis à superstantibus Suecis in ima fossæ detrusus prolabitur, casu propè lethali, nisi Iacobi Czarnowski, in legione primipili, priuigni sui, præfenti sub sidio subleuaretur. Similis aliorum reiectis scalaris depulsio: donec post pertinax trium horarum certamen, deserta recessu Suecorum moles, in potestatem nostrorum veni-



1658. <sup>1658.</sup>veniret. In loco credidisses includi vitalia Thorunij, in eo namq; exaggerato terrâ Cliuo, antequam Urbem, prius expugnauerant Poloni superbam illam hostis contumaciâ. Periêre eo experimento ultra Quadringenti ex nostris Legionarij, Ductores Ordinum è Cæsareanis quinq;, Poloni duodecim, inter præcipuos Ioannes Berg Butleri Primipilus, (Maior), tum Simon Klebek, sclopigerorum equitantium Centurio, Delpacius, quin etiam Celarij Legionis Legatus notabiliter saucius, insuper complures è Castrensi famulatio, per noctem ac vallorum latebras irrequisiti occidêre. Casimirus Rex albescente die obsequitauit Legiones, ex merito debitas iam Ductoribus, iam militi laudes tribuens: ac ut quisq; præclarius sub aspectum Maiestatis rem gesserat, decerptas ex regali vestitu ligulas elargitus, in adiumentum memoriæ, quas posthac recognoscens, benemeritos Regia prosequeretur minificentia.

Recepta munitione, seu Raelino, protinus vena Thorunij explorata fuit, in qua Vrbe ut ante experimentum nihil non ferox, ita ubi viros pernouêre, sensim desidebat ferocia; adeo inexpugnationibus Urbium plus vnciam monstratæ fortitudinis, quam deuncem ostentati terroris valere palam est. Statim municipes, & quæ pignoribus non iniuste metueret conuenarum turba, angî occipiebat, impendentis periculi sollicitudine, etsi nec militares viri imò Ordinum Præfecti curas salutis abijcerent penitus, & manifestè priuatis necessitudinibus commoueri ostenderent. Vnde primo à Ciuibus ad Bullouium postulatum missi, quatenus tutelam eorum non perniciem demandatam sibi remiseretur; satisfactum iam famæ & fidei, imò commostrata sat superq; virtutis specimina, acri exteriorum operum propugnatione, nisi maior vis præualeret. Ereptum à Polonis Raelinum, qua mole velut brachij valentioris obiectu se in eam diem tuebantur, ademptâ eâ nihil restare amplius, quam ut prensata victoris misericordia, imminenti exitio subtraheret Urbem Præfectus. Id non solum

Ciues

1658. Ciues incolasq; sed & militem velle, ex cuius conseruati-<sup>1658.</sup>one plus Bullouium de Rege & gente sua meriturū, quam si ex ruderibus euerfi Thorunij Mâuzolæum tot capitibus struxisset. Dicta hæc, velut alia sentienti, sincerius animū Oxenstiernæ Comitissæ promouêre, qui, (vti memorauimus) à Carolo datus Prussiæ director vel Regens, supra Bullouium autoritate erat, ac iubendi potestate. Etsi is quoq; diffidentiam à Cásimiro obtenderet, quod Varſauiensi deditione sub fide publica dimissus, conditionem redeundi haudquaquam expleuisset; vnde factum, ut errorem correcturus, eligeret cum reddita Vrbe notæ Regis clementiæ se permittere, quam cum intercepta præhendi. Plus in Bullouio moræ, qui aduersus insinuatam dedendi mentionem crudus, non solum in sensum perdurandi plerosq; è militaribus traxerat, verum intermisit carpendis per crebras eruptiones obsessores, magis noxijs dum expectatione proximæ deditionis solutos adoritur. Notabilior die tertia Xbris accepta clades, quâ de nocte prorumpentes Sueci vnde XX. nostrorum strauerant. Proin irritatæ cadibus miles, rursus iterandæ impressionis facultatem poscebat, in eos, qui toties ablâtam Regis clementiam favore abusi temerè spreuissent; præsertim castrensi famulatio in resumendum assultum spe prædæ cupido, imò cunctis, ubi prima occupauerant discrimina, contemnentibus instantia. At Casimirus ab indole sua abire indocilis, concessis VIII. dierum Inducijs, inhibere omnem hostilitatem mandauit, præsertim cum Oxenstierna in quo autoritatis cardo & momentum, tantillum nonnisi temporis interstitium requireret. quo fratrem Regis Adolphum aliunde subsistentem; de fortuna Thorunij requirere posset. Neq; Adolphus, cui neutiquam pro modo Caroli indoles, cognito ad incitas redactæ Urbis statu, improbauit deditionis consilium, modò sine probro & præsidij intro existentis securitate pacisci fas esset; cum per vim subactis Thorunio, nè ipse quidem tuto consisteret Mariæburgi. Ita quarto

T t

to ver.



1658. to vertente obsidij mense, ab Oxenstierna delegati sunt, qui Urbem permitti arbitrio Casimiri sub honestis conditionibus offerrent. Totum quippe rei negotium committebat Adolphus Comiti, viro elegantia civili, & usu rerum gerendarum sub patruo nuper Sueciæ Cancellario apprime instituto. Vbi patuit, municipes proprio metu, præsidarios desperato succursu, serio in tradendam Urbem inclinare, excepta assensu propositio, ac visum, eadem via recuperare Thorunium, quo modo ante triennium in Suecorum potestatem transierat. Condictæ in tradendum locum Leges, quia ab aliarum Urbium deditionibus non discrepant, uti rædiosum parergon adnectere supersedeo; etsi ad manum sit prolixior ut vocant capitulatio: eos tantum qui supra receptos alijs Urbibus articulos, conventioni adiecti fuere infero, nempe: Thoruniensibus Incolis data præteritorum amnestia, tum Religioni & immunitatibus à speciali Ser: Regis Poloniæ gratiâ cautum. Comes Oxenstierna ab obligatione datæ fidei liber pronuntiatus. Nummi in Prussia sub titulo Regis Sueciæ cusi, ad punctum vniuersalis pacis valorem obtinerent. Generalis Korycki tantisper penes Suecum hærentis uxori, saluus conductus quo volet emigrandi concessus. Instrumento deditionis, subscriptione manus Regiæ, pro maxima securitatis ratione, dein à delegatis Regijs firmando. Quod demum subscripsere.

## Ex Regijs.

Andreas Morstyn Reg:  
Pol: Referendarius.  
Vladislaus Rey. Neocor:  
ezynen: Præfectus &c.  
Bartholomæus à Rauten:  
fels. S. R. M. Secret:

## Ex Suecis.

Ericus Brukaw Dray, Co:  
lonell: S. R. M. Sueciæ.  
Benedictus ab Halten, Co:  
lonell: S. R. M. Sueciæ.  
Fridericus Zunder Fradem:  
Colonell: & Auditor Cau:  
sarum Sueticus.

Statuto in consignandam Urbem die, contulere se ad XII. Desultoriorum signa sub Elia Lacki Legionis Legato. Hunc

Hunc secutus Castellanus Camenecensis Grodzicki, pars <sup>1658.</sup> magna. & ipse dediti Thorunij, cum binis legionibus; loricae dein cohortes, quæ exeuntibus Suecis iter, superueniebant; lætæ successu agmen, & à quo superari victis pro magnifico habebatur. Sub meridiem pro pridie Calendas Ianuarij præsidium ex Urbe deductum; Exiêre simul Benedictus Comes Oxenstierna, Steno Bilkie seu Bullouius Præfectus, Benedictus Skitte, Draco Anglus, Hamiltonus, Zoogius, Haken, Boko, Zunder, tum alij Trium Mill: & quadringentorum militum Officiales. Stetinum deducendorum (modò sine noxa ditionum Regni abirent) delato negotio Adamo Biskupski Wielunensi, ac Nicolao Ostrorog Garuolinensi Præfectis. Ciues demum in Castris adiêre Regem, quominus ante triennium traditæ, iam nunc contumaciter defensiæ Urbis noxam deprecarentur. Et fortasse iustum rigorem merebatur obstinata resistantia, ut leueritatis exemplum, coerceret proclives in lapsum municipalium Urbium Ciues; at, satis fuit coarguisse supplices sic imbuto Regis animo, ut malis in constantiam suâ, prosperis pro Rep: vteretur. Aderant ex Magistratu Ioannes Preus an Prus. ac Strobandus Præconsules, quos humiliter genibus Regis aduolutos, dum excipit meditata oratione Syndicus Urbis, in ipso exordio verba facturum destituit sermo, obstupuitq; seu fragilitate memoriæ, seu fulgore Maiestatis perstrictus, ut socij linguæ inopiam, supplere pro necessitate Prussus debuerit. Istis per Cancellarium Regni coterè sensu responsum. Fatiscere ac deprauari in hoc sæculi decursu Orbem, vel hinc patet, quod laudata olim & in gradu excellentis virtutis posita Thoruniensium constantia, iam nunc in vitium degeneret, & corrumpatur. Quis crederet eam Urbem, utraq; historia Polona pagina laudatâ, ad tam absurda delabi potuisse, ut non modo criminosa ad horem defectionis, verum contra iustissimum Regem, contumacium armorum oppositionis, rea agi & damnari possit. Gustum Suecum olim, ex insidijs Urbem aggredientem Patres ve-

Aderant ex Magistratu Ioannes Preus Præconsul,  
Ioannes Häbner Consul, Jan. Wachschlager & Jac.  
Giering Scabini, & tertio Ordine Tres.



1658. *Stri generosè repulère armatum; cur degeneres filij intra ma-*  
*nia ne exerto quidem ferro Carolum sponte admisistis? vel si*  
*semel labi humanū est, cur commissum Urbis traditione crimen*  
*ad legitima imperia spontè reduces non emaculastis? Tadium*  
*vos libertatis Patriæ capis, & interim frenum absoluti Do-*  
*minij admittitis? Si fatalem uniuersi Regni casum supino er-*  
*rori obtenditis? eccur non Gedan exemplum secuti estis, eius-*  
*dem fluminis accola, immunitatum participes, etiam emula-*  
*tores gloriæ constantiæq;.* Sed atrox vulnus suspensa manu  
 tractari vult Rex Serenissimus, qui penā corrigere cum possit

*qua fronte hæc delinquentes, iam malit clementiā facere bonos. Itaq; suppli-*  
*catibus parcat, si modò obligatam fidem, geminato iureiurando*  
*re addeat, aut instauratis: quod tamen boni viri iterare non solent, nisi qui*  
*neque ejusmodi al. quando sefellerunt.* Ita Thorunates in gratiam recepti,  
 & qui grauiora expectauerant, verbis correctionem debu-  
 ère. Diuo Ioanni Euangelistæ sacro die, Rex Urbem in-  
 troiit, à Ioanne Kofs Episcopo Chelminense, rectā ad pri-  
 mariam Basilicam ductus, ob agendas Numini grates: E-  
 templò Regina comite, ac è Senatu præcipuis in Prætori-  
 um diuertit, læto acceptus populi plausu & acclamationes  
 si modò sincerā multitudinis lætitiā esse posset, templa, mu-  
 ros, ac suas ipsorum ædes deformatas conuulsasq; aspicien-  
 tes; coniectura tamen valuit non vsq; simultanè lætari,  
 vbi Austriaco præsidio liberos se intellexerunt. Quippe  
 totius Prussiæ gubernationem committebat Rex Castella-  
 no Camenecensi Grodzicio; Thorunij Gubernatore Ioanne  
 Paulo Celary Tribuno renuntiato, cum præsidio duorum  
 Millium peditatus, donec incolæ veternum excutiant;  
 ob formidolosam Mariæburgi viciniam. Recuperatam  
 Urbem insigni oratione gratulatus Regi, Ioachimus ab Hir-  
 tenberg Pastorius, sub titulo Calendæ Regiæ: de eo viro,  
 quia se dat occasio aliqua, interferere libet. Is à puero in-  
 ter Sectarios quos Reformatos seu Caluinos vocant, extera  
 per gymnasia humanioribus literis imbutus, quā solutā quā  
 ligatā eloquentiā inter doctos inclaruerat. iunior Doctora-  
 tus

tus Medicinæ Lugduni Batavorum lauream, simul exori-  
 carum linguarum cognitionem adeptus, perelegans concis-  
 sâ facundiâ, & breuitatem amanti sæculo accomodatâ. Ple-  
 raq; ingenij eius monumenta habemus, vtpote Aulicum in-  
 culpatum ex Gallico in Latinum versum, Bellum Scythico  
 Cosacicum; Florum Poloniæ &c: Ioanni Leszczynski Pa-  
 latino Poznanienfi post Cancellario Regni, varijs legationi-  
 bus lateri comes adhæsit: demum eiurato Caluini dogma-  
 te, ad gremium Ecclesiæ Catholicæ reuersus, ac soluto mor-  
 te coniugis matrimonio sacris Ordinibus initiatus, dignus  
 fuit, qui in inclyta Gedanensium Vrbe, ad Orthodoxam a-  
 nimarum curam, sub titulo Parochi admoueretur. tum  
 alijs honoribus Ecclesiasticis perfunctus, vt prope ad Insu-  
 las si prouixisset destinaretur, quod ei tempori, vel quod  
 magis Principi literis inter arma fauenti debitum.

Receptæ Urbis lætitiā, cumulauère Bienieuij ad Co-  
 sacos Commissarij literæ, nuntiantis Regi duram incolatus  
 Vkraynensis cervicem ad debitam Maiestatis venerationē,  
 iam tandem inclinari; vbi Cosaci abdicato in totum Mo-  
 schi patrociniū, se fidemq; suam, perpetuo & constanti Reip:  
 obsequio addixissent. Literariam relationem oretenus  
 confirmabat Daniel Wyhowski Patruelis Ducis, ab vniuer-  
 so Cosacorum Exercitu huc testandæ subiectionis missus:  
 simul auxilia aduersus grauem Moschorum potentiam Za-  
 poroscensibus flagitatum. Lætanter internuntios acce-  
 pit Rex, multum sibi gratulatus, quod tandem aliquando  
 inueterata perduellio ad mænia eius Urbis veniam supplex  
 deposceret, cui in alieno demerito exemplum clementiæ  
 intueri perquam vtile esset. Is demum abeuntem Princi-  
 pem sequi iussus, qui, vt ex voto Zaporozcenſium à Rege  
 satisfactus & expeditus fuerat; verum & submittendo con-  
 festim auxilio erectus, sequentia indicabunt.

Præterita in Iulio Comitia non consensus magis Ordini-  
 num, quàm noxiæ Varſauiam corripuens pestis finierat,  
 cunctis luem vitantibus; ac dum quisq; sibi timet, singuli  
 T13 proui-



provisu salutis in diuersa dilabebantur. Mos obrinet, in  
 1658. Comitium actuum conclusionibus, delegari ex gentibus  
 sex viros Censorum ac instar, qui sancitas leges cum Mare-  
 schallo Equestri in solidum expendant, redactasq; in ordi-  
 nem, demum prælo subdunt publicandas. Accedit ali-  
 quis Cancellariæ alumnus stylum operamq; commodans  
 concinnandis. Marechalli munere, Vladislaus Lubowie-  
 cki Iudex Cracouiensis, vir omni exceptione maior, funge-  
 batur, Collegas ad correcturam nactus, Chryzostomum  
 Giżycki Iudicem Wielunensem, Martinum Dębicki Vexil-  
 liferum Sandomiriensem, Ioannem Chrapowiecki Vexilli-  
 ferum Smolenscensem, ac Martinum Limunt Iudicem Li-  
 densensem, fide integra omnes & continuo vsu negotiorum  
 exercitos; qui tamen, urgente peste, dum obiter expediūt  
 functionem, alicui ex asseclis Aulæ manu scriptum legum  
 codicem credidēre, futurum fore sperantes, vt is, pari can-  
 dore fidei commissum, prælo ad imprimendum de integro  
 traderet. Sed fidem amico fallente, genuina sinceritas  
 Constitutionibus defuit. quippe intrusa multa, quæ ante-  
 riores Regni leges conuellerent; plurima insinuata, quorū  
 ne mentio in Comitij extiterat, & omnia inuersa reperie-  
 bantur. Vbi in publicum codex euulgatus, damnatur præ-  
 ua editio ab omnibus, negat Senatus adulterinis paginis fi-  
 dem, Nuntij Terrarum de falsitate protestantur, insurgitq;  
 querela cunctorum vehementissima: ac quod deterrimū,  
 dum autor mali aut latitat, aut à conscijs occultitur, vapo-  
 rat interim Comitiorum Marechallus, vir alioquin pro-  
 bus, nec nisi ex festinato itinere culpabilis. Lublini tunc  
 Commissio expediri debebat, vbi disunctis nominibus,  
 stipendiarium æs militi exolueretur: præsto expectabant  
 cohortium Delegati, retenta æra numeraturi; compare-  
 bant Commissarij, aderant Exactores ad calculum vocati,  
 etiam pleriq; publicis pecunijs exigendis delecti se exhi-  
 bebant, sed vacuis vt aiunt manibus omnes abire coacti;  
 quod Prouinciæ ob adulteratas Constitutiones contribuere  
 omni-

omnino noluisent, excusantes. Hinc cordolium militi,  
 cam dilationem verius elusionem indignanter ferenti. <sup>1658.</sup> vn-  
 de post motuum exoriendæ Confæderationis militaris ex-  
 titisse oreditum, quæ, vt exitiabiliter coorta, demum & o-  
 perosè sopiti debuit, in tempore tradam, bonorum malo-  
 rumq; Patriæ, ex fide & ordine relator. Eum sanè depra-  
 uatarum Constitutionum errorem, plerique Aulæ imputa-  
 uere, illa correctores accusauit, istis in crimen Typogra-  
 phum quasi verò substituētib; Certè in Lubowiecū cul-  
 pa reijci nequibat, cum is manuscriptum seu autographon  
 Constitutionum ab impresso diuersum produceret; idq;  
 ipsum relectum sibi Rex testatur, & præsentium Nuntiorū  
 asseueratio confirmaret. Ergo, noxia pagina piaculari  
 igni addicta subit pænam, ac quod præuaricatoris manus  
 peccauerat, innocens papyrus vindice flamma luit, medi-  
 oq; foro publici ministri manu crematur: quominus exē-  
 plari in charram animaduersione sedatis odijs, probum  
 obliteraretur. Lubowieccij item innoxie famæ consulē-  
 do, Edictum Regis prodijt, quo imputatus pesti error, ob  
 quam non sat probe plerisq; omisis, aut cōmissis errori-  
 bus, e Typo prodierint Constitutiones: simul omnia exem-  
 plaria cassata, & pro inualidis declarata: tum, quomi-  
 nus librarij diuulgare aut venum circumferre haud  
 præsumerent, sub papyraceæ mercis confiscatione  
 seuerè inhibitu: multa in controuenientes per  
 officia aut Magistratus locorum exequenda;  
 diuersi modi interim substituto Codice,  
 qui ab erroribus repurgatus, con-  
 tineret sincerius impressas  
 Constitutiones.







# ANNALIUM POLONIÆ CLIMACTERIS SECUNDI,

REGNANTE  
IOANNE CASI-  
MIRO  
LIBER QUINTVS

Elenchus Contentorum

An. CH. M. DC. LIX.

**P**rosequendi belli curas in Polonia militaris Nexus interruptit, irrita Lublini ob non comportatas Exactiones Commissionem. De eo Confederati Exercitus catu, ut Magistratum sibi alium surrogauerint, legesq. nouas constituerint, adiunctum. Afflicta tunc si quando Regni facies, super belli mala vexatis militari licentia agricolis, imò cuiusvis Ordinis hominibus. Castellani Cracouiensis ab istis indigna tractatio: simul pro demerito pena à violatore tranquillitatis publica exacta. Wirtius in Prussiam irrum-  
pit,

pit, ac vel maximè Gedanum territat; in Curlandiam penetrando. Colli-  
gatorum armorum per Holsatiam status. Carolus Suecus brevis beneficio  
Kopenhagen obsidet, ac oppugnat; demum reiectus irritò conamine abse-  
dit. Colligati ex hybernis mouent, ac Friderichsburgum obsident; in Fio-  
niam dum transfretare conantur, commissa apud Middelfartum nauali pu-  
gna ambigua recedunt verig. Victoria; nisi quod Dux Casareanus grauitèr  
lesus pralio finem imposuerit. Moschi contra Poloniam animum hostilem  
produnt, Exercitibus in Lithuaniam immisis. Comitia Generalia Varsa-  
uie celebrata, in quibus belli Sueco-Polonici sopiendi, mediatorum studia  
feruent. Cosaci contra Moschos bello insurrexere, insigni victoria ad Ko-  
nosop, Ductore Wyhouio potiti. Opalinus, dein Czarnecius Ductores Po-  
loni ex Holsatia in Patriam reuocantur; etiam Elector inde recedit in Po-  
meraniam, in proprijs terris bello Suecos aggressurus, quo itidem Gene-  
ralis Zuxa perrexit cum Casareanis. Mareballus Ludomirius Maria-  
burgum in Prussia obsidet concurrentibus in opus Gedanensibus, qui Hau-  
ptum seu Glowa fortalicium Suecis à Polonis adiuti eripiunt. Douglassi-  
us in Curlandia armis Lithuanorum constrictus. Suecia ac Dania Reges  
iterum reparatis viribus bello experiuntur, nouissima clade succumbente  
Carolo. Mors Koniecpolij Palatini Sandomiriensis Marienburgi obsidium  
proclatur, conditio in geminos menses armistitio. Casimirus Rex Geda-  
num venit, cum iam eodem conuenissent cum Mediatore Lumbreho, veri-  
usq. partis Delegati Plenipotentiarij, seu Pacis Patrotores; Loco futuris  
Tractatibus in Monasterio Ohuenfi delecto, etsi minus probarent sueci, El-  
bingam omnino transferri eam negotiationem contendentes. Simon Sed-  
zowolski Canonicus Cracouiensis, multiplici diuersorum scriptorum editione  
celebris auctor, diem suum obit. &c.

**D**uturnum bellum quinquennio an-  
noe Christi 1652.  
te Prouincias Regni ex abrupto inuadens,  
iam nunc visceribus Prussiae medullitè inhae-  
rens, adeo lentè ac veluti per gradus, ut extin-  
gueretur, non leues curas, nec perfunctoria  
temporis spatia poscebat; insitâ rebus sublunaribus na-  
turâ, ut non facilius reparari quàm destrui, sanari quàm  
agrescere queant, dum semper tardiora sunt remedia quàm  
mala. Hominem perimit in puncto mors, cuius genera-  
tioni Nouem Menses impendi necessum, periclitatur repē-  
tè àllisa scopulo nauis, quæ fabricanda plusquam annum  
requirit; etiam Pax optima rerum breui momento bellis  
quassa.



1639 quassata fatiscit, in statum pristinum tardè & ægrè repō-  
*Nexus* nenda. Hanc iam armis, iam Tractatibus restabiliendam  
*Milita* destinabat Casimirus, monitisq; Ducibus vti in Prusiam  
*ru.* contraherent copias, in persona ipse adfuturum se bello de-  
 nuntiauerat; cum sollicitissimæ curæ ac desideria, enatō  
 recenter intra viscera Regni symptomate, intenti bono pu-  
 blico Principis sistuntur. Exercitus Regni, erigendæ in  
 meliorem statum Patriæ magna parte autor & instrumen-  
 tum, nulla præsentis temporis habita ratione, retenta sti-  
 pendia repetere cæpit; non tam indebitè quàm importu-  
 nè; nimirum tunc, quando aut in totum leuari bello Polo-  
 niæ, aut saltem vires resumere lassatam expediebat. La-  
 bebatur triennium supra, ex quo irritæ stipendij cohortes,  
 inter lentam debiti requisitionem, & pollicita soluendi si-  
 lenter egerant; iam nunc aduerrentes, auctione in immen-  
 sum retenti æris, possibilitatem satisfaciendi deperire, eme-  
 ritam mercedem reposcentibus protelari, tacentibus surri-  
 pi, vbi pecuniæ publicæ inter eos distrahantur qui non  
 meruissent; Confoederationem seu Nexum conflauere  
 odiosum quidem genti nostræ vocabulum, quæ nihil ma-  
 gis in Libertate amat, quàm ordinariæ potestati constan-  
 ter obsequi; cæterum stipendia repetendi vsitatum iam  
 ante militaribus commentum, vt vniuersi repetundarum  
 agant, quod singuli impetrare nequirent. Nec debitum  
 pernegabat Resp.; nisi ex succo ad contribuendum populo  
 ac inde exoluendis nominibus impare ærario se excusans;  
 velut studio quæsitā morā ac dilationibus illuderet, desi-  
 deria expectantium irritauit: illis contra obtentu indigen-  
 tiæ, interuersam fidem publicam damnantibus, & idcirco  
 Ærariū egere, quod ex eo impertinenter quibus debitū ni-  
 hil, decerperent. Ad diem secundā Ianuarij Lublini Cōmis-  
 sio indicta erat, conuenerantq; Deputati Cohortium præ-  
 uenientia æra numeraturi; ast, vbi vacuo Thesauro rem in-  
 tra verba stare, & superficialiter tantum defectu nummorum  
 calculationibus occupari se comperiunt, in Nexum nomi-

na dabant: primò, vt leuior quisq; & indigētia audax, dein  
 consensu plurium tracti potiores, ac ad vsq; hastatorum  
 cohortes pertigit contagium. Quæ de nouo emergens (si  
 dicere fas) Resp: ne acephalon esset. Directorem cætus  
 seu Mareschallum vnanimiter elegerant, Marium Iaskolski  
 Excubijs Castrensibus Præfectum, additis per suffragia ma-  
 nipularium, qui consilia Nexus moderarentur, aut expone-  
 rent Exercitūs desideria Adfessoribus: gliscente insuper mo-  
 tu obsequium Ducibus militiæ renuntiauerē, scripserantq;  
 pro se ac Magistratu suo velut sub iusto imperio leges, mo-  
 destiam & disciplinam spirantes, acri in facinorosos seue-  
 ritate. Sic rebus commotis solatio erat, Exercitum ē pri-  
 maria Regni Nobilitate constantem, non vsq; perperam in  
 exuti obsequij secessu perstiturum, Gordiumq; nodum fa-  
 cile dissoluendum, modò collatitiæ pecuniæ ē Prouincijs  
 conuectæ numerentur, quibus emolliretur requirentium  
 importunitas. Quin etiam non postrema obiter defauit-  
 uræ procellæ spes apparebat, turbidum regendi militem  
 facile ad obsequium reuocandum, delata Iaskolscio cætus  
 directione, qui insigni fide veteranus ac equestri alæ Præ-  
 fectus, tum pluries obitis Legationibus (etiam recēter Tur-  
 cicā) perfunctus, ex vlu Reip: & dictamine Aulæ, animos  
 Popularem inflectere posset, vel demum frangere pertina-  
 ciam. Vt innotuit coalitum Nexum, protinus Ducum al-  
 ter Mareschallus Lubomirius Lublinum aduolat, ac primò  
 pro imperio monitor, dein vbi latius malum serpere aduer-  
 tit, & defuncta adminicula seueritatis, idem suasorem vt re-  
 sipiscerent militares agit, obsecratq;: quominus seruatz in-  
 eam diem Patriæ decus, maculoso ad posteritatem, deferri  
 obsequij probro, commaculare uellent. Curaturum se  
 vbi morigeri ad obsequium redeunt, vt breui meritum æs,  
 ultra, quàm debiti nomine prætenderent, ad assem de toto  
 recipiant, honorario ære quod Donatium vocarent à Rep:  
 augendi. Quippe minus conuenire meritissimi Exer-  
 citūs famæ, priuignorum more extorta velle, quæ beni-  
 gna



1659. gna Mater Patria cum fœnore elargiri intendat, si modò iustum tempus comportandis pecunijs conceditur. Itaq; disceptatum ab utrisq; diu & acriter, ut ferè semper prompto dissidio emergit fomes, inter tergiuersationē debētis. & impatientiam Creditoris; demum quā Patriæ causā, quā Ducis nihil non tentantis reuerentiā, ad mitiora inclinauerēt nimirum, ut quidquid in parato æris esset, Legionatim distribueretur, aliæ prætensiones ad futura Comitia differrentur; manente interim in cohortes Confæderationi innexas Directoris Iaskolskij imperio: etiam ut Commissio Lublino Leopolum transferretur assensu.

Quod verò in Nexu miles existens pro se plerasq; non illaudatas leges, simul & seueriores pro delinquentibus pœnas tulerit, euenisse arbitror, ut exuti obsequij actus per se minus probabilis, à circumstantijs saltem commendaretur, dum rigor nouus laxatam dudū disciplinam, & militarem quæuis patrandi licentiam (legitimis imperijs conniuentiam exprobrando) strictè cohibet. Non malæ alioquin leges, nisi incompetens legislator sanciuisset: De quibus aliquis protulit, eius boni testes & vindices quod ipsi maxime violarent: etiā isti quæ pessumdederant, corrigere intendentes. Equidem bellum, ceu morbum, nequaquam de toto & radicitus expelles, remanent mali semina, & domito licet hoste ægerrimè miles dediscit ferociam. Hinc in Regno tranquillitas publica ubiq; laborabat; itineribus ob rapinas infestis, neq; magis mansione in domibus securā, cum multi animo turbidi vel per bellum alienā vexā vivere sueti, etiam tunc imperfecta pace, diuersa per flagitia honestum militiæ nomen intamarent. Nec agrestibus solum istorum furor grauis, in semetipsos quin etiam sepiere; Nicolaus Sieninski claris natalibus, Ioannem Gnoinski nuper pedestris Legionis Tribunum, Rakouiæ affinis sui oppido diuertentem, dum meridiano sopori indulget subito comprehenderat; obiectoq; quod rursus ad Succos pergeret, nullo iure villi iumento in proximum nemus abductum;

ductum; traiectumq; globis, mastrauit; exemplo bonis 1659. formidoloso. Res consideratione non indigna, Gnoinski nuper in detentione Cracouiæ operam militarem adprobauerat; post ad hostem transiens Pinczouiam in nomen Sueci Regis contra Cæsareanos tutatus donec dederet; iam nunc nihil virile ausus, præuentus, in pœnam desertæ Patriæ crudeliter cæditur. Sed præcipua discinctæ licentiæ <sup>Licentia Manipularum</sup> materies inhumana ruricularum tractatio, ubi instituendis legionum delectibus peragant diribitores mappalia, ac perdamnos circuitus erro miles rapaciter exsugit miserorum sanguinem. Fortè Stanislaus Warszycki Castellanus Cracouiensis in pagum Kazimierza ditionis propriæ venerat, cum incolæ ex circumiecta ditione refugi conuolant ad Herum, intolerabilem grassantis militis licentiam inculantes, & nisi comprimantur rapinæ, domos & pignora relicturi. Misertus pessimæ tractationis Castellanus, mittit ad legionis Ductorem desolatis bonis nomine suo indulgeri postulans, ac super edicta Regia festinationem ad Castra iniungentia, bonorum Terrestrium immunitatē obtendens, quæ veteri lege à militum stationibus libera essent. Superbè ad hæc Teuto aliquis Centurio respondet, ac præmissum hospitiorum dimensorem è vestigio cum manipulis militaribus sequitur: non agrestes modo sed ipsum Villæ Dominum visitaturus. Eam proteruiam in contemptum sui verti intelligens Castellanus, conuocatis familiaribus vim vi repellere statuit. Paucis multa. Intrat violentus miles pagum, reprimunt intrantem agrestes, succurrentes. Hero audaciores, vnde concursu facto velut inter hostes pugnatum; donec ubi armati exermibus præualent, discincta villana turba, Castellanus ipse indignum in modum tractatur, planeq; in humum prostrato imminebat exitium, nisi fidi alicuius ministri, super Herum se prouoluentis ope protegeretur. Accurrerat ipso tumultus initio Orzechowski (is Legionis Legatus) in totum felicior si absuisset: Quippe furenti militi retinendo impar, quem cōercere non



1659. poterat tumultum, iuuisse praesentia creditus. Atrox sane facinus, peiore loco suos a milite quam hostem haberi? eccui verò amplius publica securitas constabit, si Senatus Princeps, ac tot in Patriam meritorum Heros, tale discrimen inaudito exemplo subit? Iam verò quis ferat, a mercenarijs Edicta Regia accelerandum iter in Castra urgentia, temerè sperni? Leges Patrias quæ bona terrestria oneribus eiusmodi solvunt, violari? nullam disciplinæ, nullam modestiæ rationem haberi? Nec diu cum insolens contumeliæ Castellanus, pro violento aggressu Orzechouium actione in Tribunali pulsat, ac conuincit, captum, demum in pæna capitis condemnat. Vbi vitæ eluendum crimen reo, aderant validi Rex & Regina intercessores, utq; Actor pro nocente profuturum vsibus Patriæ donaret, per submissos flagrantissimè vrgendo. Nec alienus in parcendum Castellanus, ita tamen gratiam vitæ faciebat, si ad gremium Ecclesiæ Catholicæ rediens Orzechouius, Arianæ hæresim eiuraret. Ast viro obdurati cordis mors potior visa; nequaquam se commissurum respondente, ut vitæ ærumnosæ desiderio receptos ritus desereret. Itaq; erroris peruicax in area Arcis Cracouiæ repulsis Theologorum ad salutem animæ hortamentis, ac vnius aniculæ suggestionem suam in perniciem obfirmatus globis sclopetarijs discerpitur. Semimiser, quod temporalis vitæ, perpetuò infelix, quod æternam animæ iacturam volens subierit.

Sic interrupto prosequendi belli studio, subinde hostes Regni inualecebant, dum Moschus in Lithuania varios *Wirtium in Prussia* locos arcesq; occupans, res suas inibi firmat; nec Suecus incommoda nostra suum in vsum vertere omittit. Vnde *suam irumpit.* Adolphus Bipontinus explorato per emissarios Prusiæ statu, pari impetitione Regni Prouincias (vti nostri Holsatiam) exagitare institit; Paulum Wirtium, nuper Cracouiæ, iam Stetino gubernandæ impositum, cum Quatuor Mill: ex Præsidij Pomeraniæ coacto agmine accersendo: qui ipso anni exordio, dum concrevisset gelu aquis, per ma-  
iora

iora flumina eunti aut regredienti expeditius iter, parice-  
leritate & audacia in Prusiam irrupit, terrore & direptionibus metuendus. Contra omnium etiam prudentium opinionem, ut oras istas in distantia sitas impeteret, creditam sibi Prouinciæ, & tot Pomeraniæ fortalicia, Colligatorum armis propè insonantibus, deferendo. Spem & animos haud dubiè auxit, malè obsequentis Exercitus in longinqua diuersio; vnde agendi celer, ac latè vastationis miserrimas nomine prohibente spargens, non inermi tantum plebi, sed qui supra rumores positi, ac muris quoq; & præsidijs protecti, validè & subito ingruens, terror in incutiebat. Elbingam primò allapsus, festinatis itineribus Mariæburgum flexit, potissimam Suecis in Borussia belli sedem; importatisq; validissimo loco quæ vsus posceret, maximam iniuncti operis partem exequutus, abducto in tutiora Principe Adolpho; quod hic ei non sat securam stationem frater Rex iudicaret: Quo successu tumidus, meditullium Prusiæ impunè peruolauit, quidquid obuiū ferro & igni, maximè Chelminensem tractum miserum in modum populatus; Brodniciam lytro mulcavit; Culmam seu Chelmino deditione recepit; Starogardum, Czezeuum, Swiecie, aliaq; loca in potestatem redegit; parumq; aberat quin Boguslaus Leszczynski Regni Vicecancellariū, Człuchouiæ agentem interciperet, nisi is re crepera familiarium comitatu & animo suo vim perfunctoriam egregiè sustinens, se & oppidum defendisset. Creditus tunc Wirtius Thorunium respicere, vel addictorum Sueco nomini Civium tacitis votis illectus, vel transfugis spem iniicientibus, facile recipiendam Urbem, exinanito per famem morbosq; præsidio, & Civibus cum Præfecto malè concordibus: nisi arduum opus vir ingenio valens intimius speculatus, & incolumitatis propriæ rationem in celeritate ut venerat consistere intelligens, quam ocysime superato amne, securum regressum tentamentis Urbis prætulisset. Retrogradus inde Gedani constantiam experiri decreuerat,  
rat,



1652. rat, præmittens in Urbem literas, quibus malam sortem imò oppressionem populi Gedanensis Tribuūmq; Ciuitatis Consulibus exprobraret, tanquam miseraretur: dein præfractæ temeritatis obiurgauit Magistratum, aduersus Caroli Regis benignitatē, quem suo demerito cogeret esse imitem, ac in incolas ex merito offensū, vbi à Dania redux CCC. Nauium classe frænato mari, peruicaciæ flagellum adesset, Gedanensium contumaciam, qui clementiā emolliiri nequirent, castigaturus. Ipsi viderint quid à terrâ sperandum ipsis, quid metuendum à mari, eā inuicti Regis ubiq; potentiā, quantā nec Alexander Tyrū, nec Saguntum Annibal, nec Rex Gallus Rupellam nuper conclusissent. Complebat mox facto verborum ferociam territorium Gedanense, dum non ex voto respondent Ciues, præsentī direptione mulctando: constantiā Urbis immobili, vti quæ asperitatem minarum obiter deflagraturam, velut è stipula ortum ignem, probè conijceret. Penes Castellatum Camenecensem Grodzicium Prussiæ tunc cura & administratio manebat, neq; is in reprimendam vim segnior, nisi in ardua promptum defectus Equestrium viriū distineret, quibus circumferentem belli mala Wirtium cōercere posset. Aderant quidem Butleri & Grothausi Legionēs isthac in hyberna locatæ, ast inde parum opis, deiectis per morbos & famem legionarijs, nec ad insequendum prompto pedite: Sapiechana verò Equestris ala, ad extremum Prouinciæ marginem ob faciliorem annonam subducta, adeo tunc desolata ora illa, vt non tantū militi à labore quies, sed & afflictissimæ Prouinciæ à milite respiratio necessaria omnino videretur. Attamen Grodzicius ad Kłopotouij & Thelezenij velitares turmas, quidquid in promptu Equitatus habere potuit, etiam peditum nullis in equos receptis, retrogradi Wirtij vestigia premere statuit: nihil ambigens quin Ducalis Prussia in communem hostem vires iungeret. Nec incommodè iam ad iter accincto, submiserat CCC. Equites Heysterus Cæsareanæ

Grodzi-  
cius in  
sequitur  
Wirtium

1652. rat  
sareanæ militiæ Tribunus, cum quibus festinatis passibus 16) 9-  
hostem insecutus, primò apud Morungam CC. fermè Suecos concidit aut capiti; aliud deinde agmen Quingentorum apud Lipstadium onustum prædā excussit dissipauitq; plura ausurus, si celeritate præuertentem discrimen hostem assequi licuisset. Qui nullo in decretorium certamen ausu abibat, enimvero fugam propè, contento in Curlandiam cursu, Douglassio, quem tunc Lithuani Nitauiæ obsederant, opem laturus.

At verò Carolus Suecus, sapius infra successum, nunquam extra animum positus, etsi expugnatā Insulā Alsen, transportanda protinus erigendo Dano auxilia in Fioniam supponeret: verū, vbi cum Baranorum classem, quā & Colligatorum Exercitus certis nuntijs in respirium digressos cognoscit, quiescentibus istis, audere & agere aliquid otij insolitus haud distulit. Sub finem anni, Colligati, Legionēs iam continuo belli opere, iam inclementiā brumæ attritas, per hyberna locauerant, Cæsareanis statiuæ (Quartieras) ad Flensburgum Holsatiæ, Ripensem Diocesim Electoralibus sortitis. Petrus Opalinski cum Maioribus Polonis adfita freto Fionio apud Horsen obtinuit: Czarnecij cohortes circa Harhusen constitere: Commissarijs Danis dimensionem statiuorum, quibus periculosa laudantibus, excusantibus, quibus bello exhausta obrigissent. Erigebat ardua molientem Suecum, hyemis rara inter exempla numerandæ asperitas, quæ, adeo sauis inhorresceret frigoribus, vt non modo amplissimi amnes, quā Balthidem subeunt, sed ipsum Codani sinus fretum, vehementia tempestatum semper mobile, in immensum gelu constringeretur, tam contumaci illo & inusitato, vt immanibus plaustris, per glaciem velut solida tellure via esset secura: repertis maritimo tractu supra centesimum ætatis annum senibus, qui nunquam tam crassa glacie concrecere eo loci maria, licet grande mortalis xui spatium superuiuentes meminissent. Quæ æris sæuitia planè Colligatis incommodo erat



1659. rat, cum littorali glacie implicatis in transfretandum nauibus, securus in Sæelandia Carolus ageret, nullo à tergo impetendi metu: rursus illi, congelato mari omnibusq; in obfidium, quod tunc meditatus Hassniæ, apparatus machinasq; traducere promptius foret. Ita suppetias Dano vel ipsa aduersantis cæli inclementiâ distinebat; qui idem hyemantis æris rigor, in agendum quantocius inuitaret Suecos, uti imminens æquinoctium præuertendo, antequam ac clementior plenilunij aura glaciem resoluit, occasionum non segnes, indagine armorum hostem circumcluderent. Hinc Carolus, velut inuitante cælo, Hassniam oppugnare decreuit: auem in nido compressurus, ubi æmulum Regem in propria Regia conficit; præter vetera odia ac reiectos nuper tractatus, ob recentem initam cum Cæsare Polonisq; armorum societatem, eidem capitaliter offensus infestusq;. Nec solum ille Dano indignabatur, aut in Polonos tantum minas deprøpsit; verum Domui Austriacæ, Cæsari, Imperio, Electorib; Batavis, imò toti Europæ dira minari sustinuit. His fulminibus prima obijciebatur Hassnia, in qua tunc Fridericus III. & totius Regni Danici spes conclusæ stabat: Carolo pro vehementi naturæ suæ impetu, tumdemum, quâ mari quâ terrâ victorem se in antecessum imaginante, ubi in vna Vrbe coronidem atrocissimo bello imposuisset. Nec segnius alter, Regni ac dignitatis tuendæ curas agitauit, suscitantibus animum, præter veterem belli gloriam, breui interiectu æquoris fortissima fociorum auxilia; Classisq; Batava propediem reditura, cum insuper bonæ causæ fiduciâ arigeretur; etiam, quod in proprio sterquilinio audacior gallus existat.

Hassnia seu Koppenhagen Daniæ Metropolis ac Regis sedes, in litore sinus Codani, ad subsolanum loco palustri sita est. Conditâ Annales referunt sub Annum C. H. 1168. primitus à pereommodo remigum piscatorumq; congressu Axelhuse nuncupatam, quod isthic Absalon Episcopus domunculas pro Contubernio nautarum exædificasset. Por-

tius

tis commoditas, & per adsitum mare commeantes totâ Europâ merces, in famam opesq; protulere: quin etiam Gymnasium nomen celebre loco comparat, Christiani I. Regis opus, neq; minus Regiâ gymnasio confert; ut enim Metropoles sapientibus egent, ita vicissim sapientum ingenia, in Aulis Regum expoliuntur, ciuilitate ac morum elegantia. Ad huius conspectum Urbis Suecus copias explicauit, attonitæ sanè ac obstupescantis, eo loci pedestria agmina prodire, machinasq; curribus per glaciem trahi, ubi nuper altissimum æquor nauigijs sulcatum nunc pedibus mortales in adeundum contenderent. Cum interim Commissarios Danos Magnum Hoge ac Skeelum pro pace missos detineret, dum extrema meditatur, mitiora obtendens; idq; urgentibus Anglo & Batavis, in speciem prætulit non auersari pactionem, vel in ipso procinctu oppugnandi. Ergo Claudio Todt cum Equitatu præmisso, Amagiam vicinam Hassniæ Insulam exturbato Alæfeldo Dano occupat; annonam coarctat, communicationem intercludit, demum impressionem adornat, per congelatum æquor velut solida tellure Legiones ducturus, idq; nocte concubias, ut qui pedes calcauerant maria Sueci, iam per obscurum tenebrarum agentes, velut altero prodigio ad victoriam vterentur. causa suberat, quo per tenebras emissis incerta destinatione relis, conspicuos ex flamma ictus, facilius oppugnantibus esset per obscurum noctis euitandi prouidentia. Sic impetita Vrbs, circumquaq; ductoribus Suecis in destinatas stationes locatis; sed præcipuè apud Stabula Regia, tum Nauale Hafniense, quod infreto vnda nauigabili consistens, assilientis hostis latus ictibus machinarum pulsabat. Equidem prima & altera dies apparatus armorum data, donec consecuta XIX. Februarij nocte, atroci sanè & cruentissima impressione in oppugnandum itum est. Perhibent Carolum, ubi cum Vrbe validissima fortunam viresq; suas committere decreuisset, primò tunes sclopetarios (Lonten) ne scintillantes lubeuntem mi-

X x 2:

item.



1659. litem proderent, vaginis ensium recondere; tum uti oppugnaturi indusia seu interulas lineas, exterioribus vestibus supponerent iussisse libratoribus Danis coloris cum niue similitudine fallendis; etiam albicantis lini tessera inter suos hostesque discrimen de nocte factura. Dehinc ipse in assultum acie ordinata equo defiliens, subtus valla præuius signis ingruerat, identidem apud principia legionum suis ingerens. *Servate ordines Sueci, ex animosè gradum inferte, in capta Hassnia domitores Orbis futuri; ad quam vel natura ipsa per mare viam glaciali ponte strauisset. Nec plus à quoquam suorum exigere, nisi quantum ipse in oculis sequacium præstitisset.* Patuit non vnquam alias aut Exercitum Duci, aut Ducem Exercitui pari respondisse feruore, memorabili per edita virtutis specimina aggressu ac certamine; apud nauale Regium maximè violento, vbi Danica nauigia statione depulsa, simul exteriores munitiones inuasæ, ipsa sub mania admiscere Suecos: adeo pertinaciter valescente nitentium impetu, ut post superatum ascensione vallum, in contiguæ turris summitate, tria Signa Suecica nisi nox esset, conspici potuerint. Non segnius resistebant Dani, in nouissimum conatum vim strenuè sustinentes, & qui per tenebras singulos hostium in scopum ictibus destinare non valebant. iam ad sublatum clamorem in confertos explodendo, plurimos ferirent. Per totam ferè noctem irremissa oppugnatio durauit; cui statariæ, dum obiectu pectorum vir in virum pugnat, trium horarum spatium Loccenius assignat, quibus Andabatarum more vtriq; congressi, ut rarus tam ex aggressoribus, quam defendentibus foret, qui non præsentis morte aut enormi vulnere, stationem locumue consignauerit. Sub diluculum receptui signum à Suecis datum, enormia cruenti conflictus documenta, quæ nox suppresserat exhibente die; ij tamen etsi retro pulsi integris Ordinibus recedebant, nondum ab animo & spe desertos se monstrantes; cum tamen miserabile visu esset, glaciem illam in qua pugnatum acer-

uis

uis cadauerum exaggeratam mansisse, ac longè latèq; abe-  
untium vestigia legionum, cruore vulneratorum respersa  
rubuisse, vbi albicans nix pro natiuo colore rubedinem,  
à sanguinis humani tinctura contraxisset. Inter cæsos fu-  
it Henricus Stéenbok rei Armamentariæ apud Suecos Præ-  
fectus, caput bello isto nominatissimum; Gengell, Woiet-  
ta, Westerwich, Feystein, Banner, Keuenhuller, Wawasor,  
Tribuni; præter alios LXXX. Ordinum nobilis famæ Du-  
ctores. Comes præterea Palatinus Homburgensis conso-  
brinus Regis, crus pedis diffractum machinali globo ami-  
sit, etiam ipso Rege nimisquam, dum prorumpunt Dani  
periclitato. Enimuero, adeo nimias spes occupandæ Haf-  
snia præcepisse Sueci memorantur, ut ante impressionem  
Ordinum Præfecti plateas Urbis inter se partiti, è vestigio  
consequi iuberent uxores seruitiaq;: quæ ne per noctem  
aberrando in recipienda spolia tardarent, quisq; suam vbi  
assignatâ plateâ maritum requireret, in spem opulentissimæ  
prædæ instruxit: cum ex memorialibus libris constet, non  
plus MDC. Danorum iacturâ incolumitatem Urbis stetitisse  
debito Friderico Regi seruatiæ Patriæ encomio, uti ferè  
omnes sphæræ cursum primi mobilis sequuntur. Ex Pro-  
ceribus Danis, laudabilem præstitere operam, Ebrenstey-  
nius ac Schackius Generales; reliquorum præclarè gesta,  
Patrij fasti credo non filebunt, debitum præconium agni-  
tæ virtuti tribuendo.

Sic à spe deiectus Carolus, non magis recisis pennis im-  
minutum robur Exercitus sui, quàm integram stare Hassni-  
am doluit, æmulo Regi solatium, contumeliam repulso.  
Quod non plus ab oppugnatione reiectus iacturæ accepis-  
set, imputauere pleriq; Danis, locum satius tueri, quàm a-  
beunti insistere malentibus, vnde emerso licuit ad alias cu-  
ras conuerti; reduxitq; nulla hostium impetitione agmen  
Croneburgum, isthic animum viresq; reparaturus, vbi an-  
gustias freti ac porthmum validissimum manu tenet, im-  
mensitatem illam marium constringentem. Nec diu hic  
consti-

X x 3

consti-

Carolus  
inflan-  
rat vi-  
res.



1619, constitutus deliberavit, utram in partem se daret, intimis è Suecia viribus, & quidquid militis ex præfidijs contrahi poterat, ad instaurandum bellum euocatis; gnarus vim corporis vitalem, in succurrendum cordi protinus exurgere, & principali membro à fibris nervisque communicari sanguinem; Sanè ad arma Princeps indole & assuetudine factus omnemque fortunæ vicissitudinem infraponens; quod, ad Adolphum fratrem literis expresserat; inter alia scribens, *se confestim rediturum in Prussiam, vel, ut perditam reciperet, vel perderet reliqua.* Igitur, redeunte vere, Wrangelio Maris Præfecto cum classe in Fioniam dimisso, quominus Colligatorum in Holsatia arma distineret, novum ipse corpus Exercitus format, continuando an iterando Hassniæ obsidio; supplementa virium conquirat, Galliam Angliamque præhensat, quod si iuvando amici defunt, etiam contra fortunam infracto animo extremam subiturus. In his curis solatio erat. Anglicæ XL. Navium Classis adventus, quam Crōwellius sub Architalasso Montacutio submittens, officium præstandi succursus specie tenuis demonstraverat; cæterum polyticum tantum auxilium (appellabo ego Christianum) classis ea ferebat, assistentia & rationibus in promouendam pacem universalem impellere iussa; quam cum Rex in mitiora imperiusibilis voluntati suæ minimè obsecundare aduerteret, indignabundus ringebatur, ex immodicâ irâ in se ipsum læuens, quod inter comparata auxilia otiosus, & inter armatos Exercitus exermis planè, ac velut complicatis manibus existeret. Ingeniosus tunc aliquis depinxerat piscem marinum Salpam (cuius ea natura perhibetur, ut continua aquarum ingluvie alium repleat, id eo tamen pabuli superfluo, nunquam satur, & semper incilentus) subiuncta epigraphe. *Recipit ut eiciat.* Quo perstringebat acutis lemmatis autor, gentem mari incubantem, quæ, nulli vicinæ amica, (ut debiles stomacho solent) caperet quæ non conqueret, ac rursus ingesta gutturi alimentum, sui Oceani more eiecundo resorberet.

Dudum

Dudum ex fama suboleuerat, Sueciam arcano fædere <sup>619</sup> Galliarum Regno eo usque deuinctam, ut ad arbitrium istius delectum faceret hostium amicorumque; hinc ingens Carolo fiducia, florentissimum pace & armis Monarcham, nullatenus passurum, quin socij Regis ac fæderatæ gentis robur, opportunum quandoque, sibi contra æmulos brachium, velut ipso coniuente protereretur. Similis ab Anglia (ut supra retuli) expectatio; quin etiam, cum Moscho, formidolosa experat armorum coniunctio contra Poloniam tractari; si modo inter ambitiosos sympathia animorum coalescere posset; Moscho parem, Sueco superiorem, neutiquam ferre valentibus. Quoad Galliam, ea licet non usque Suecorum res odisset, quominus à fortuna depressis succurreret; civilibus tamen medijs erigendos putauit, pace arma componendi studium offerens, uti æquis conditionibus sublata inter infensos Reges controuersia, reconciliatione partium, cruentum bellum sopiretur. Non enim fas videbatur, bella ex bellis ferenti Carolo, Gallicam amicitiam obstetricari; neque credibile, contra inclytos Monarchas perperam lacepsitos, parum æquis armis immisceari Christianissimum, cui ab æuo solenne fuerit æquilibrium potentiam æmulum Regum continere, elatis in depressionem, depressis in fulcrum posito, ac ita ortus occasibus æquare. Cromwellus quineriam, sub Protectoris nomine, Angliam ea tempestate moderatus, dum magnæ Britanniæ populos mutati status tædet, ac plures ad veterem Regiminis normam redire gestiunt, agitatus factionibus, habuit quæ domi ageret, deforis in succursum inualidus. Ita, dum ambitioni fulcra, seu instrumenta belligerandi subtrahuntur, & Carolus sensim micioribus consilijs aptari cæpit, & negotio inuigilantibus Galliæ Ministris datum tempus fuit, ut fessis bello populis tranquillitatem procurando, Christianissimi Regis verè Christianum beneficium facerent. Nec ab eiusmodi consilijs abhorrebat Casimirus, præmiseratque Ioannem Leszczynski Palatinum Poznaniensem,



1659 niensem, ac Nicolaum Prazmowski Cancellarium Regni Thorunium, qui hic Suecorum Delegatos praestolati, ubi illi sueta arrogantia indictionem tractatum Elbingae perperam contedunt, ac pro solo Regno Poloniae exclusis Colligatis (a quibus nobiscum belligerantibus non sine probro discedendum foret) proponendas condiciones pacis peruincunt; mox: vel in ipso praeliminarium aditu tractatus displicuit, ut in praesens fastuosus, sic in posterum haud durabilis. Quae negotiatio (ut Aulae paraphrasi utar) ne clam habita socios belli offenderet, rationes initi consilij Colligatis Principibus expositae sunt, inuitatiq; illi, ut communi causae mutuis consilijs adessent; expeditis protinus (ut supra attigi) Andrza Olszowski Decano tunc Cracouensi Viennam; ac Stanislaio Woienksi Archidiacono Pilecensi Francofurtum ad Maenum, uti prior Caesari pacis Suece. Polonae exponeret rationes; alter in eadem concilianda amicam Statuum Sac. Rom. Imperij opem, & assistentiam exposceret.

Oppugnata Hassnia, hybernis exciuerat Colligatos, postquam per intensa saeuientis brumae frigora, & continuos Suecorum incursus, semestri instatiuis haesissent. Apud Coldyngam primo conuenere, nam Wrangelius fretum delartum adpellens, ubi insula Allen vastata subsistere nequidemum, apud Friderichsburgum exponebat militem, loco ac portu valido vires ostentando, tanquam in longum tenturus. Oppidum id Fridericus II, Daniae Rex ex priuato censu in apennagium Regium traduxerat, ac eximio instauratum, a nomine suo Friderichsburgum (Friderichsode) nuncupari voluit, in receptum nauibus aut exscensum militi portu percommodo; vnde Suecis opportuna versus litus maris tuendi facultas, ex habita velut sub freno firmitas, simul expedito quod & quando vellent, tam in adfira maria, quam ultra traiectu. Proin, super vetera munimenta nouis operibus praesidioq; firmauerant locum, habebantq; pro receptaculo iam militem, iam annonam, libera-

mari

1659 mari immittendi. Spem forte Electori Commissarij Dani fecerant, sub reditum Veris, ubi nauigiorum patiens mare, classem in usum traiectus Colligatis subministrandam, quam in Seelandiam deuecti, ac Regi Friderico sine mora iuncti, inhaerentem Dano Marchiae visceribus hostem unitis viribus aggredierentur: ast, nimis quam verè prolatum; *Felix arma tenet, infelix parat*: quippe Suecica cum Wrangelio classis circumiecti littoris potens, submittendarum nauium efficaciam, interceptis ubiq; littoribus impediabat, ne quidem a remotioribus oris nautici instrumenti quidquam traduci passa: vnde superandi sinus facultate destitutus Elector, ne tempus tereret, aut afflictis Prouincijs diutius grauis esset, hostem ubi mari nequit, terram aggredi decrevit, admotis in obsidendum Friderichsburgum copijs. Quod capiturus opus, in circuitu Urbis quae continentem respicit, hostium metationes ad teli iactu circumuallatione completitur; (iam Poloni transmissa offensa placati, ad munia militiae laudabili obsequio redierant) in fronte vallum ac munitiones praeducit, firmatisq; praesidio contigui maris littoribus, Suecis praelium offert. Apparebat, quippe Wrangelium parito maritimis bellis nomine famosum Ducem haud moraturum certamen, ut cui ultra septem Millia tam nauticae quam terrestri militiae ad manum suppeterent, etiam non omnino noxium esset superari, securo si depulsus campo intra munitiones receptu, aut facili in mare effugio: si vinceret, vel saltem obiectis armis distineret Colligatos, tum demum geminaturum palmas, ac eum Ducem monstraturum se Carolo, qui in praecipiri rebus Suecorum positus nouissimum spiritum, velut in deliquio, sua dexteritate excitaret. Ast, fefellit expectatio, vulpe in cauo securiore: ne tamen non omnino congressum vitare ostenderet, a propinquo diuortii freti sinu, Mille fere Equites dimisit, qui per proximum litus identidem decurrentes, post breue velitaris pugnae experimentum, mox subitus vallum oppidi, & illos iusto altius fastigiatos aggetes, tuto rece-

Y y

piu



1659-<sup>ptu</sup> subducebantur. Elector interea spatiosissimo campo instruxerat aciem, idq; eo ordine. Frontem obtinebant Poloni, praeeunte Excubitorum ala, quam Petrus Mezynski Loricorum Czarnecij Optio ducebat. Sequebantur duae Legiones, aliquo diuisae interuallo, sub Piasoczynio ac Polanouio Tribunis; Eques demum Germanus triplici linea, quem pone peditatus Electoralis incessit; Electore ipso mediam aciem deducente; cum subinde Caesareani à latere littora obseruarent, quo in ante, aliquot naues hostium appulerant; Cohortibus sub Czarnecio extremam aciem claudentibus. Ast Wrangelius consideratior quam flagrantior, intempestiuum feruorem in praesens abdicauerat, ac subtus vallo haerentes Sueci, incum tantum usum se cominus effundebant, ut vires Colligatorem pernoscentes, perfunctorio excursu, intra teli iactum pertraherent sequaces. Eo praeludio utrisq; in se diutius intentis, & singulari tantum certamine velitantibus, sub meridiem rursus erumpentes Sueci, in ipsos subsistentis Electoris Ordines ingruiebant, quos ille leni secessu ulterius à vallo abducere intendens, velut primo assultui impar, gradum retulerat, ast mox obuensis legionibus hostem excipiens, fortissimè repulit, mutua utrinq; iactura: ubi Stephanus Czarniecki Praefectus Kaniouiensis, Palatini ex fratre Nepos globo per brachium ictus est; ante annos miles, & eo ætatis pro Patria sanguinem fundere doctus, quo alijs etiam salutis causa phlebotomia interdicitur: etiam Eustachius Wieszeczycki ac permulti è Polonis sauciati, notabili equorum iactura, quos mira agilitas ac versatilis ad flexum habenarum commendaret promptitudo.

Sub hæc aderat ab Hassniâ speculator nuntians, Anglicam & Batavorum classes, propediem in freto Oresundico expectari; utrasq; suscepto pacandorum Regum arbitrio venire, amica disceptatione dirempturas bellum; quod non solum collidentibus ad inuicem Regnis exitiosum, verum

rum etiam procul & iuxta mare sitis gentibus, non sine quâ <sup>1659.</sup> publicæ, quâ priuatae rei incommodo pertinaciter gereretur, ac respectiue cunctos affligeret. Proinde, Angliam, cum Fæderati Belgij Ordinibus, in nouum dirimendi belli medium conuenisse, quale, recenti vocabulo, Guarantiam vocant; dum inter duos, armis, contendentes, tertius aut plures intermedij accedunt, dirimendis armis, aut complandis, controuersijs inter æmulos, se arbitros, offerentes. Qui vero ex contendentijs æquam pacem recusaret, vel violaret stabilitam, is arbitro in hostem transformato, læsæq; parti iuncto, duplicatis viribus, conuulsæ tranquillitatis publicæ turbo premeretur. Eo consilio classem Anglicam huc appulsam, constitit, pari voto & alteram Batavorum, cui Michaël Ruiterus præerat, præclara naualibus prælijs fama. Et fortè pacificandorum Regum sementem, gentes mari validæ perduxissent in aristam, nisi commotis Magnæ Britanniae rebus, ex subeunte Cromuellianæ dominationis fastidio, Angli demum reuerterentur: Batavis interini surgentem Dani fortunam, pro veteri fædere potius ducentibus, erigere, ut amicis, quàm ut arbitris, disceptare. Quod, ut cognitum, obsidium Friderichsburgi enixè censuit Elector urgendum, nulla intermissione per contiguum littus operibus stringens, etiam circumfuso pelago, ne com meatus, aut miles submitteretur, maioribus machinis receptum inhibendo. Ast, dum lentum obsidium, diuturniorem moram poscere videtur, placuit generali assultu expectari, cunctisq; ad impressionem ordinatis, requisitus pro militiæ more loco Praefectus (iam ante vela in altum fecerat Wrangelius,) quominus Urbis Danicæ, suiq; præsidij nouissimo, occurrens discrimini Electori, oppidum traderet; alioquin breui, nisi extrema præuenit, exitium temeritate arcessiturus. Præerat loco Cox Anglus, qui primò, non tam repugnandi animo, quàm constituto, in mare effugio terrore superbe Principi responderat, mox indictam oppugnationem, anteuertens, subducto in naues milite, ac suc-



1652. censo oppido, operosas illas munitiones, trina hebdoma-  
de Colligatis oppugnatas, sub noctem deferuit: nequaquam  
supponente Electore abitum, donec splendescente per no-  
ctem flammâ, submissi retulissent, vacuum abitu hostium  
locum patere, nec ullum metum insidiarum subesse. In-  
trauit celeriter in valla miles, quæ, ne intueri quidem sine  
periculo pridie licebat; ubi, nonnihil commeatus etsi cor-  
rupti repertum, etiam complures maioris modi machinas  
impactis apud ignitabula clavis, pro inutilibus Sueci reli-  
quere.

Eo modo, apertum in Fioniam iter, laudatam Danomar-  
chiæ insulam, quam Suecus firmissimè prehensam, ceu scu-  
tum quoddam obiciebat distinendis Colligatis, donec in-  
terea, labefactatam fortunam belli, aliquantum instauraret.  
Subministrandâ classem (ut supra retuli) Dani receperant,  
sed, dum copia non suppetit, vel Sueci mari incesso traiectû  
impediunt, à Batavis Naues commodato accipi debuere,  
interim, ab Electore, si quæ circa litus proximum repere-  
nt, instanter reparabantur; & ferè tredecim diuersi generis,  
in manus venerant, quas glacie littori adstrictas abducere  
Sueci non valentes, & longa reparatione egentes, tum ru-  
dentibus ac omni instrumento nautico destitutas reliquere.  
In has miles in experimentum nauigandi inscendens, etiâ  
non iussus, circa vicinum litus oberrabat, vterius quan-  
doq; progressus, ut quâ vigilantia ac numero Sueci aduer-  
sum litus tuerentur, exploraret. Etiam Czarnecium in-  
cessit cupido relaxandi perfunctoria navigatione animi, vel  
quod satius credam, curiositate sciendi, quæ illa famosa ma-  
ris pericula, terrestribus maiora vulgarentur; et, an liceret,  
æq; salo ac terrâ militari virtuti amphibiam esse. Itaq;  
nonnullis familiarium comitatus, etiam Michaële Kozub-  
ski Litinense Præfecto adscito, Quadraginta præterea Seme-  
nis Kobyleccij (quorum pleriq; bellis maritimis apud Tur-  
cas exerciti) vnâ ex reparatis inscendit, ac obiter circa  
littora velificatus, demum in altum nauem remigio agere

præce-

præcepit, quâ postico vento celeriter maria sulcante, ac vl-  
tra quam expediret progressâ, cum à supremo malo con-  
spiciens nauclerus scaphas maiorum navium prodromas,  
dein, ex aplustri seu banderij hostium classem cognoscens,  
discrimen in procinctu nuntiabat. Nec fefellit narratio.  
Quinq; Suecorum naues armatæ velis palsis in occursum  
veniebant, fretum circumiectum explorantes; tum, ne quid-  
quam nauigabilis instrumenti illac ad Colligatos transiret  
impedituræ. Re in vltimum discrimen adductâ, desiderio  
Czarnecij satisfactum credi potuit, æquoris pericula cum  
terrestribus expendere volentis. Certamen nullo modo  
declinare poterat, retrouertere postieus ventus non sinebat,  
virium imparitas, ferus succursus, probrosa deditio, distra-  
hebant; occurrebat tamen imperterrito Duci, sola in Deo  
& animo suo fiducia, uti eo casu non inultus periclitaretur:  
et si æquore occumbendum esset, etiam hic decoræ mor-  
tis adscisceret solatium. Itaq;, in ipso discriminis articu-  
lo, ut quemque ex commilitio, Martios ignes scintillanti-  
bus oculis contuitus. En inquit commilitones, terrâ qua-  
situs hostis, mari repertus comparet; non vallo, non manijs, non  
Castris clausus; sed in plano æquoris nec usquam insidiarum.  
capace plaga pugnam offert? Maeste animo Poloni, quibus ipsa  
Oceanus vastitas pro theatro exerenda virtutis erit, ac, ut cunq;  
alea cadet, amplissimam gloriæ materiem habituri. Iam ve-  
rò, ubi omnium salus in manibus singulorum sita, ita nos aude-  
re & agere expedit, ut & socij viros aduertant, & hostes in-  
pugna experiantur. Incaluere cuncti animis, eo præsertim  
momento, quo etiam ignavis salus non extra curam esse  
solet: omnesq; (non amplius CXXX. viri ad pugnam apri  
reperiebantur, præter remiges libratoresq;) patrio sermone  
IN NOMINE DOMINI adinuicem se cohortati, transtra na-  
uis contestim occupant; ubi Dux in prora coccinea veste,  
ac strophio colum præcinctus constitisset, identidem  
nauclero præcipiens, ut quæ duæ naues prægressæ cate-  
nas, strenuè in aduersas incitaret suam; sic primi congres-

Y y

lus



1659. sus fortunam occupaturus & ad imminencia interritus. Ad-  
uoluti propius Sueci, iam audaciam vnus naus mirari,  
iam stratagema suspectare; proin cursui moderari, do-  
nec alia nauigia adsunt, & interim circumactis in gyrum  
nauibus, è machinis impetebat nostram, futurum fore sup-  
ponetes, vt impari pugna distentis, ex continente auxilia su-  
peruenirent: ac ita vastissimo freto circumuenta classicula,  
effusis à proximo littore Colligatorum nauibus, in discrim-  
men præcipitaretur. Ad hæc, modo tranquillum mare ve-  
hementissimo vento attolli cæperat, vnde geminatus me-  
tus, qui demum discrimine vtrosq; absoluit, dum & hos-  
tes stratagema &c. tempestatem cauentes, maturè ab-  
scedunt, & nostris incolumibus retro data facultas ad lit-  
redeundi. Etsi, comperto discrimine, quod reboantium  
machinarum fragor planum faceret, subsidium periclitanti  
Polono haud tardatum, protinus circumiecto sinu, auctu-  
arijs nauibus completo, & Germanis in succursum ruentibus.  
Littori reditum Czarnecium, sollicita fronte excipi-  
ens Elector, saluti vt posthac enixius consulere, monebat  
interim exantlatum discrimen impenitè gratulatus. Mox  
in consilium militare acciti Duces, vnanimiter intransfre-  
randum sinum assensere, defectum nauium alacritate sup-  
plendum censentes, quæ ad manum essent suffecturas, per  
partes deportando Exercitui: et si, quæ in aduerso littore  
hostium conspicerentur, suas faciunt. Wrangelium non  
obstinatius neq; diutius litus Fionicum propugnaturum  
quàm Friderichsburgum, quod, cum probro deseruisset.  
Aduenerant subinde septem Danicæ, satius Hollandorum  
quæ mox cum reliquis milite ac machinis nullâ morâ cõ-  
pletæ in anchoris steterè: Imperio Classis sex Mill. arma-  
torum vehentis. Comiti Montecucullio, delato, vti rem au-  
spicijs Cæsareis, gereret: soluitq; à littore die IX. Maij, vt  
ferè primis cæptis fortuna blanditur, illustri cælo, ac mi-  
ra omnium alacritate. Perstrepebant recessus, maris tuba-  
rum tympanorumq; sono, immugiebant quassatæ remis

vndæ

vndæ, ac præter gestientis militis promiscuos clamores, 1659.  
euoluta à summitate malorum vexilla, sua leuitate perflā-  
ti vento colludebant, donec recedentes in altum, iam fau-  
stæ expeditionis ergo, iam remanenti Electori vale dicturi,  
tormentorum fragorè alacritatem testarentur. Vix me. *Colliga-*  
dium interfluentis freti euecti, cum Gulcius Electoralis *ti Lit-*  
Tribunus cui primam frontem ductare contigerat, interce- *tus Fio-*  
pto speculatorio lembo cognoscit, hostilem classem in oc- *nicum,*  
cursum prodire. Superueniebat Wrangelius XVII. arma- *oppu-*  
tas naues trahens, sat luculentam pugnacitatis palmam re- *gnant,*  
laturus, si Colligatis traiectum Freti intermedij impedisset.  
In ipsa littoris crepidine oppidum Middelfart hæret, eiul-  
dem cum freto cognominis, præter naturalem situm ipso  
vndarum æstuario locus securus, vt pote qui vno latere Co-  
dani sinus fluctus recipiat, eosdem altero in Balthidem e-  
mittat. Hic in aduersum hostem directæ vela eo flagran-  
tius, quod spes subesser, depulsis maris possessione Suecis,  
vno tenore Middelfartum occupandi. Lunato classis or-  
dine procedebant Germani, cum inclinante post meridiem  
sole, naues hostium comparent, itidem à portu in hæmi-  
cycli formam prodeuntes. Aliquantum vtriq; circum-  
spiciebant sese deliberabundi, cum Germanus prior dato  
signo aduersas naues tormentorum ictibus ferit & lacerat,  
suoapte ingenio in conferendam manū feruidior; ac maio-  
rem quæsiturus lauream, si bellum in Suecos, solius Cæsa-  
ris auspicijs, & Germanorum indiuisa cum socijs gloria cõ-  
fecisset. Ergo commonitis Trierarchis duas insignes ex  
præcipuis naues, in aduersos adigere imperat, ipse proti-  
nus cum reliqua classe prælium excepturus. Aura perfla-  
bat æquor lenissima, in neutrius partis fauorem inclinante  
vento, cum antegressæ Rostratæ, in totidem Suecas incur-  
runt, ac consimili pedestris pugnae imagine, variant gyros,  
reuolutisq; per sulcatas vndas nauigijs, mutuis se ictibus ver-  
berant, horribilem fragoris ac fumi prælustri cælo incuti-  
entes caliginem. Succedit interim Prætoria vectus Mont-  
Cucul.



1459. Cucullius, hunc dein alijs suo ordine consequentibus, cōseritur pugna memorabilis, adeoq; atrox, ut caligante in opaco fumi aspectu, ex die nox, & ex continuo igne pelagus ardere aut ignibus misceri vndæ viderentur. Cruentam collisionem secuta non modica strages, quippe, donec sol in occasum vergit pertinaciter ab utrisq; pugnatum est, consummascentq; Germani victoriam strenuè decertantes, nisi & expirans dies, & interveniens casus pugnae ardorem restinxisset. Quippe, Montecuculli, dum in puppi navis Prætoriae militem imperio & hortamentis erigens, impigri Ducis munia implet, transversali trabe à globo maiore quassata, ac inde dissilientibus ligni fragmentis, confracta tibiapedis, læditur enormi vulnere, & vitæ periculum propè. Titubant mox socij nauales Ducem prostrarum rati & quamvis subducto faucio, ij, quibus secundæ imperij partes delatæ, Gulcius ac Ranzius Tribuni, nihil de vigore cōsumandi prælij remitterent, nocte nihilominus & lassitudine partes dirimente, ab utrinq; retrocessum est, Suecis portu receptis, Cæsareanorum classe ad diluculum vsq; in anchoris subsistente. Quæ eadem tali experimento lat egisse visa, de die in auersum litus vnde venerat recessit. Sed hæc aliq; Germanicæ militiæ ea expeditione præclare facta, haud omittent credo scriptores gentis, facundè pariter ac magnificè tradere: ij tamen, pro favore aut respectu obnoxij popularibus, ego, extra partes & necessitatem, ut aliena, sine liuore attexo.

Necdum mensuram impleuerat calamitas Poloniae, oportuitq; adhuc ærumnosi Regni fortunam, pluries in igne tribulationum probari. A Moschis siquidem ampla conurgebat belli moles, ubi ab impotenti diadematis affectione, quodq; iniquum coarguit ambitum per vim assurgendi, enorme armorum incendium excitatur. Gens ea contermina Poloniae, sed veteribus nouisq; odiorum causis dudum infesta: non ita pridem Smolenscum vi receperat, Lithuaniam inuaserat, rebelles Cosacos patrocinio

refo-

refouebat, neq; nunc stabilem amicitiam professa, nisi quod præsentis bello nutans & incerta ageret, inter depreffum Status nostri commiserationem, & assurgentis Sueciæ fortunæ inuidiam. Imperio illi sanè vasto, & sub extremos Septentrionis recessus porrecto, præerat Alexius Michaelis alias Michajłowicz, ex stirpe Philaretorum Mag: Dux, qui prætextum magis contendendi in tempus seponebat, quam ut sincerè auxiliaretur, suppetias contra Suecum Casimiro pollicebatur: nos vicissim mutæ retaliandæ beneuolentiæ suggestimus in Solium Poloniae gradum, si modo practicabili liberæ Electionis via, ac Pactis Conuentis mediantibus, ad consequendum Diadema tendere vellet: saluo in præsens Regnantis, cui maxime consultum oportuit Casimiri statu, qui liberis orbus, ac spe prolis abrupta, designari sibi non abnueret successorem, commodum & dignum iudicans Moschum, in quem fortuna Poloniae reclinaret. Ast, præualuit ambitus honesto, ut sic inuitatus Regem se facere, quam Rex fieri mallet. Quis sperasset ex laudabili bonæ voluntatis semente, exitiabilem messem enasci: ac, dum Unionem polyticam cum ea gente animis Regnisq; iungendi proponimus, vel ipsa sinceri affectus documenta in causam dissidij transirent, insitam mortalibus naturâ, ut habere quam exspectare imperia malint, ne oblata recipiendo beneficium oneri esset. Non alia nobis mens, nisi, ut ea coniunctione, inter binas gentes, imminens belli diluuium, primum sisteretur, dein, uti olim vocato ad Sceptum Iagiellone pomeria Regni accessu Lithuanicæ amplificata fuere, sic in vnum corpus Moschis coalescentibus, pristina illa Sarmatiæ Monarchia, ex robustissimis gentibus conflata in augem exurgeret, cui in decursu sæculi, Imperium totius Orbis deberetur. Equidem, ut minus ardua harum gentium coalitio credi posset, non vulgares causæ seu motus impellebant: iam, quod ex eodem Slauonico fonte utrisq; stirps & origo, etiam mores, vestitus, indoles haud perinde discrepant;

Zz

&amp; quam-



1659, & quamuis aliquæ in capitibus Fidei scissura, seu difformitas, & in nonnullis tamen ritibus consonantia manet, et, si modo circa Petri Primatum dissidia tolluntur, faciles unendi. Hinc fiducia conciliato Religionis obice, utrosque in unum Imperium coalescere, ac, post complanatos in fide animos, etiam Regna posse incorporari. Ast male habuit, Mag: Ducem ostentati Diadematis spes in longum differri, ambiguumque faciebat Electio, quæ, tot suffragijs, quot capita Electorum essent, constaret: etiam Hadziacensis Tractatus exasperabat, ubi potior pars Cosacorum ad Remp: auulsa, obsequio eiusdem renuntiauerat. Cur quippe Vkrayna sibi detraheretur, quando & vniuersæ Poloniæ imperio suo subijci maneret deliberatum? ad quid Cosacos in duas factiones scindi oporteret, si & ipsi Regni Sarmatici incolæ, in vnam Reip: massam cum Moschis iungi intendant? Hinc euenit disgratijs occasio, ut dum vnus belli agonem auidè præstolamur, altero nos improuide Diadema ostentando inuolueremus.

Nec diu Moschi quam aliquantum dissimulauerant hostilitatem, differre passi, Prouincias Regni trifariam diuiso Exercitu aggrediendo. Primum agmen Tri: intra Mill: veteranus belli Trubecki in Vkraynam duxit; Stantundem alterum in Lithuaniam Chowanski ac Dołhoruki; Tertium interamni Borysthenis ac Berezynæ ditione Ramadanowski continuit, ut, si emergens in adeundo Regno Poloniæ interueniret difficultas, Mag: Duci in persona progressu vniti omnes, armis viam in solium patefacerent. Ita tamen inibatur Lithuania, ut licet si armis petita, pax nihilominus vtro consilio in speciem ostentaretur, dumque Moschi Fortalitia & oppida occupant, agros vastant, omniisque hostiliter confusa existunt, præmissis nihilominus Vniuersalibus literis, Exercitus suos amico animo, Prouincias Regni Polonici intrare vulgarent, ac vel maximè mutuum Vilnæ vtriusque gentis Delegatorum congressum cupere simulant, ut ita consentientibus Polonis, & applausu

1659. dentibus Moschis, Magnus Dux vniuersæ Sarmatiæ inuaguratus Imperator, omnem belli apparatus, ac coniunctarum gentium robur, in saluificæ Crucis hostes confestim moueret debellandos. Neque ab eiusmodi consilijs abhorrebant nostri, uti memoravi bello per calamitates inamarcescente, iueratque, à Rege missus in Lithuaniam Ignatius Bakowski Chelminensis Succamerarius, qui mox Commissarios Reip: omni meliori modo, pacis cum gente vicina conciliatores affore nuntiaret. Vnde gens struendis dolis ingeniosa, nonnihil coercita armorum violentia obtentum tractandi prætulit: Vilnæ Commissarios suos submittens & nostros inuitans: nisi Pálatinus Vilnensis Sapieha idemque Exercitus Dux Generalis, altius explorata consiliorum indagine, quominus Commissarij Poloni instructam vitarene decipulam præmonuisset, etiam ipse perpenſa virium imparitate maturè se cum legionibus discrimini subduceret. Quod idem ut Campestris quoque Dux Gasiewski faceret, non præmonebat solum sed obtestabatur, ast is, immortalis odio à Collega dissidens (glisciente dudum æmulatione ob prælatum sibi in militari Imperio Sapieham) non modo profutura monentem spreuit, verum Commissarios, ut impauidi Vilnam adirent, cohortatus, & ipse cum parte Exercitus, Castra Urbem prope in ripa Viliæ amnis metatus est. Sanè Duces in exitium ducunt, qui disiunctis animis copias hosti obijciunt, exitiabili semper discordiæ semine. Namque, dum ex animos diuortiant similtates, publica res, neque minus priuata detrimentum caput; Chowanscio acceleratis itineribus Vilnam occupante, etiam Gasieuium discordem Collegæ & hosti imparem (generosè tamen cum XVI. cohortibus in Moschos inuectum) in potestatem redigentes: qui mox captiuus ad Mag: Ducem Moschuam remissus fuit, eumque eo potiores ex Ordinum Ductoribus, Primæ auspiciò capti belli manubiæ. Ita Vilna, Grodno, Troki, Minsko, &c: captæ Vrbes, ac impositis præfidijs firmatæ; Brestiam Ramadanowski cum Legionibus



missus, sedem bello destinatam; utpote prono hinc in ceteriorem Poloniam tractu, simul facili Cosacorum ex Vkrayna, ubi edomiti vel conciliati, ad Moschum accessione.

Ipsa ardescens hostilitatis initio Mag. Ducis Moschoviae Legatus, respirium ex via quaeriturus Cracoviam dixerat, cum vigili Magistratus sedulitate detinetur in loco, donec sistendum an dimittendum Rex decerneret. Viennam ibat CC. Equitibus stipatus, etiam permultos mercibus onustos currus, in quaestum negociandi trahens. Non abs re feruente iam bello expediebat eum sistere, quod hostis irret, iustiore forte detinendi causa quam Chowski Tractatus simulans, Gasieuium captiuasset dolose, ne dicam, iniquissime. Caesaris nihilominus amicitiae tributum iri Rex voluit, ut liber mitteretur, quem retinendum multo censuere, ut qui Legatus ad vicinos & vna explorator per Poloniam esse posset, ac forte fuerat. Causam tamen offensionis Aulæ Caesaris ex detentione enatam constitit: quippe Andream Olszowski Decanum Cracoviensem ad Caesarem ablegatum, non pro priore officiositate Austriaci Ministri acceperant, detentione illa Moschi Legati prima fronte exprobrata; etsi Olszovius artium Aulæ gnarus ac perspicaci ad indaganda arcana indole, minus se gratum ex eo intelligeret, quod intribuendam Regi Gallo Mediationis palmam, à Polonis manibus pedibusque, ireretur.

Prima Moschis belli praeludia ab Vkrayna ordiri placuit, quâ tunc in geminas factiones scissa, alteram edomare aut sopire in antecessum expediebat, ut integrum gentis robur contra Polonos verteretur. Retuli supra vastissimo ultra Borysthenem tractu, sub nomine Cosacorum plebem addictam Moschis extitisse, contra ceteriore ripa ad nos inclinasse: iam Wyhouij ductu Moschorum rigorem perosa ac peiora metuens, iam Tractatu Hadziacensi in spem Regis elementis, ac ad gremium Patriæ obsequiumque, Reip: Commissariis inuitantibus. Sed plurimum eualuisse suavis & autoritatem Hani Crimensis palam fuit, impellen-

tis & minantis, nisi Cosaci infestissimæ gentis patrocinio renuntiant, mox à Scythiis plusquam hostium loco habendos. Equidem, aggredior bellum atrox, iniquum, detestabile, non quidem spatio temporis diuturnum, sed pertinacia odij & frequentatis cladibus cruentissimum. Quippe extra dubium fuit, si pars quæ lacepsit exacte suorum iacturam ad calculum reuocat, ne toto quidem biennio Cētum Millia mortalium, bello impendisse cognosceret; integro sæculo vix sarcindam iacturam. Res, ut cæpit, obiter recensui, ut gesta, breuibus expono. Sub specie pacandæ ac regundæ plebis ingressus Vkraynam Trubetius, titulum Præfecturæ militaris in Georgium Chmielnicki, memoria Patris Cosacis gratissimum transferebat, verbo tenus Ducem vocari passus, cum interea ipse totius Provinciae clauum & frænum mordicus retineret. Ac ubi iste regiminis vel per ætatem incapax, vel per modestiam recusans existit, Martinum Cieciuram substituerat, pubescens hircuilli vice munia militaria obiturum, qualem apud illos Magistratum Nakazny vocare mos obtinet. Nec e contra deerat sibi Wyhouius, quidquid eis Borysthenem ex Cosacis integrum, & ferendis armis aptum exiuit, nemine partes facere teneunte, cum æquè exitiabile foret, tam popularibus non iungi, quàm hostibus aduersari. Accedebant grandia auxiliorum nomina, ac primò Andream Potocki Castrorum, ac Stanislaū Jablonowski Exeubiarum Præfectos, cum ter Mille Equitum agmine, submittibat Rex Casimirus in Vkraynam, adiuncto Iosepho Łaczynski cum Desultoriorum legiones. Crimensis Hani XXX. Mill: Scytharum, Gałga ac Noradyno Sokanis ducentibus addebat, ubi opus ipse cum omni Tauricana potentia opitulum laturus. Penes Wyhouium Sexdecim Millia Cosacorum è veteranis, virorum nucleus, cum ceterioris Vkraynæ incolæ, continuis Scytharum irruptionibus exerciti, armorum usum probè caleant, indeque pericula ad bellum promptos erudiant, obfirmantque. Vnde Trubeti-



1659. us licet si trans Borysthenianam ditionem egregie in fide Magni Ducis confirmasset, comperto nihilominus ingentibus auxilijs subnixum contra tendere Wyhouium, firmata praesidio Kijouia, ultra flumen ad usque Nouogrodecum regrediebatur: donec inter Desznæ ac Semi amnium confluentes locatis Castris se se communiens, ac sic loci situ & sua industria tutus, insequentem magnis palisibus Wyhouium animo confligendi exspectaret. Haud longè distat Konotop oppidum, (quod postea memorabili praelio nomen dedit) ubi velut inter partes de loco conuenisset, utriusque se in conflictum comparabant. Moschis, in validissimo Exercitu, accessu Pozarscij cum XXX. Mill: aucto spes ingens, expeditus è Calmucensibus Scythis Equitatus, peditem robustæ legiones, Cosaci in extrema fidem ostentantes, machinæ supra sexaginta; adhæc, veteranus & multarum palmarum Dux, locus in omnem casum securus, insuper praesto contiguus Imperij Moschouitici limes, citra quem in promptu succursus, & auxilia requirenda aut submittenda, animos faciebant. Contra Wyhouium stimulabat iusta in infidiatorem vitæ & dignitatis ultio, stabilimentum per arma usurpatæ in populares Praefecturae, tum pro legitimo Rege æquior causa, Scytharum in Moschos immortale odium: ac, quod credibile, non usque pertinax Transborysthenianorum Cosacorum pro Moschis pereundi studium. Facile itaque, ut decretorio certamine subirent aleam conuenit, adnitente Wyhouio, nec abnuente Moscho, ut qui partis antetrophæis animosus, iam nunc imperio Mag: Ducis armorum experimentum iubentis, incolumitatem Exercitus infra mandata herilia poneret. Et primum congressus praeludium hosti successerat, ubi praecursores Scythas maiori numero Moschi fudissent, solito bellorum more, quæ ut primis auspicijs bellatores extollunt, sic rursus succumbentium confirmant audaciam, & ad corrigendum casum irritant aduersa. Reparandæ sorti, dum Nuradinus, suos erigens succurrit: contra Trubetius opponit aciem

em & pugnare, extremos ordines Calmucis tuentibus, qui à 1659. Scythis repressi, continuo machinarum iactu protegebantur: solito Barbaris praeliandi more, ubi primo assultu submouent hostem, instare acriter, si irrita vis aut retusa, confundi & abscedere. Diremptis sub noctem partibus, in æquilibrio sterisse fortuna videbatur; nisi, quod Scythæ ad luculentum traiectum compulsi, ferme CC. suorum amiserant. Et sic in alteram diem ancipiti Marte pugnatū, crescente Moschis fiducia, quod permulti à Wyhouio deficientes Cosaci, in aduersa Castra transfugerent: unde, tantum spei ostendit Trubetius, ut promotis inpatientia camporum ordinibus, non sustineret modò pugnam, sed prouocaret. Cum interea pro variabili rerum bellicarum sorte, non incelebri victoriæ interueniens casus momentum addidit. Decurrentem a leua amnem ponte instraauerant Moschi, quominus obtinentes traiectum, facilius ex auersa ditione commeatus recipere possent, & auxilia: iam robustissimis Legionum cum Pozarscio, iam terreis munimentis capite molis firmato. In hunc Hulanicki immissus usum pontis crepturus, vel saltem ne Trubetio iungeretur, cum Quinq; Millibus Cosacorum perducta ad amnem continuā fossā attendebat. Sustinebant potenter crassiores sublicæ, properata contignatione inter se connexæ, ea tabulati latitudine, ut inter bina plaustra hinc inde transeuntia, commeanti Equiti iter esset. Sed, vel quæ perarum incuria sublicis palisq; pertunctorie fundo infixis, vel firmitudini pontis prævalente onere, corruit grandior moles, tabulato versus flumen provoluta, eoq; velut catarractæ obiectu, cursum defluentis aquæ sistebat. Quo animaduerso Cosaci, ac fortuita in præsentem usum vertentes, quidquid proximâ plagâ aridi aut caëdui ligni reperiunt, etiam arbuta adgnatasq; ripæ arundines excisas in profluentem deiciebant, si inclinatam pontis molem intortum abrumpere nequirent, vel ita obstructo fluminis alueo hostibus incommodaturi. Quod dum agunt, perficere opus



opus supra vota licuit. Siquidem lenè fluēs amnis (Deszna) nec vehementi decursu in perrumpendum obicem luctatus, attollebat tantū supergressū alueum aquas, quæ per depressa pratorum stagnantes, Castra Moschorū sensim inuolyebant, summo incommodo, vbi primò fossæ incrementibus vndis repleri, dein opera labefactari, ac immadefcente humo machinæ, in quibus ingens Moschis fiducia, tenaci limo implicarentur adeo, vt non deportari, aut sciugibus trahi, sed ne loco quidem moueri possent. In eam diem iactu machinarum Moschi Cosacis graues, igne in aduersos pugnare videbatur; iam nunc aquarum beneficio Moschis isti prævalent; vt exinde facile credas, commilitare hominibus elementa, & prima illa corpora naturali dissensu sibi opposita, contendentibus sociari. Ita vno brachio mancus Trubetius, etiam altero mox destituebatur. Siquidem, vligine impeditum agmen, dum spatium campi ad explicandam aciem quærit, animaduersa Scythæ prementium se se confusione, vehementissimo assultu læuum cornu inuadebant; simul quidquid penes Wyhouium roboris in turbatos iam & cæno hærentes immisit, vt tandem eminentioribus locis depulsi in Castra, velut ad indubitatum Triumphum, ergastulo inclusi tenerentur. Non tamen in extremis animum abdicauerat, Moschus Dux, immo, quod contra fortis aduersitatem superstit, aciem iterum atq; iterum instaurare conatus, vel vt se imminent cladi aliquo modo eriperet, vel saltem non inulto fine cessurus. At vt utrumq; frustra fuit, dum, nec pugnare fortiter, nec mori generosè, tenacitas limi permittit. Etiam Cosaci, rarò in extrema fidi assellæ, creberrimis transfugij vacillantem nudabant aciem, vt nuper superiorem rati Moschum, ita nunc reuoluta sorte, passim perfugiebant ad viatorem; non prius tamen soluta in abitum acies, donec gemino vulnere ex equo deiectus Dux, superstes quidem, non tamen competebat sibi vel à clade vel ab ægritudine emotus animo. Circa cum plura militaria signa, etiam pecu-

peculiare Magi Ducis Vexillum cum argenteis tympanis, quæ supremi imperij insignia sunt, in potestatem venere. Nec diu crudescente vulnere vita abiit, incertum maiori captiuitatis dolore, an pænæ metu, ob amissum Exercitum. Ampla hic Moschorum cædes, licet numerus iniri non posset, vbi iam aquis, iam ferro plurimi intereunt: minore Cosacorum iactura, qui inclinante alea ad Contribules transeundo, vitam perfidiâ seruarunt, compulso se ad bellum necessitate excusantes. Quod cladi superstit Akinhoffus ex præcipuis Tribunorum meliore consilio & successu pontem versùs subduxit, eadem ipsa limi tenacitate victoribus quin insequerentur obstaculo: qui idem eluctatus, in aridam ac Pozarscio iunctus, reliquias dispersi agminis transflumen reduxit, festinato traiectu ac altiore vado multos hauriente. Sic bellum volenti talio redditus est, & qui nuper Lithuaniam hostiliter exercuit, Gasiciuūq; simulatione tractandi delusum prehenderat, iam nunc ditiones suas iugi incendio ardere conspexit, insuper præclari Ducis ac amplissimi Exercitus iactura, satur belli quod nimium cupierat, credi potuit. Famosum prælium istud (vt comperio ex manuscriptis Commentarijs) diem XVII. Iulij Diuis Petro & Paulo Apostolis sacrum, in iuxta verus Calendarium incidit. quæ nouo stylo solennitas XXIX. Iunij celebrari solet. Profligato hoste Scythæ, è vestigio annem superantes ac Pozarscium apud Putywolum assecuti, clade affecere; simul continuato in intimâ Moschouitici Imperij excursu, vastationis miserias latissimè spargebant, cædibus, igne, captiuatione mortalium feroces, ac ad ipsam vsq; Moscopolim (quæ Magnorū Ducum sedes est,) infestissima populatione penetrantes. Wyhouius parare quàm vti victoriâ melior, dum importunè reditum maturat, successum rerum corrumpit, vel ipsa fama ac terrore armorū facile bellum profligaturus, si prosequeretur. At, seu Transborysthenianis fidebat minus, ne in ditiones Moschi progressum deferrent, seu



1659. seu quod Kijouiam aliaq; Vkraynæ loca à Moschis infesta potius repetenda duceret; an forte premi non opprimi Moschum intendens, in citeriorem Vkraynam legiones Cosacorum reduxit. Vnde, opportunitas prosequendi belli intermissa est, ac famosa illa ad Konotop victoria, famâ magis, quàm usu constitit: adeo in palestra armorum plures ad parandam victoriam, quàm ad usum eius aptos reperias.

Comitia Regni subhæc extra ordinem indicta, ad diem XVII. Martij incidebant, in quibus præter interna mala, diuersorum bellorum grauissima occurrebat deliberatio. Alij Moschouiticum recens ceptum, alij Sueticum quinquennio gestum, sopiri flagitabant; miles ob retenta stipendia conflato Nexu, ad satisfaciendum sibi verti curas Ordinum requirebat; Nobilitas Contributionibus gravata, publicæ pecuniæ abusus accusabat; militares turbas administris Erarij imputans, dum emeritum æs stipendij ipsi vel retinent, vel usurpant. Nec minor sollicitudo, ubi Bienicuius nuper ex Vkrayna rediens, effectum Legationis suæ, nempe Cosacorum ad corpus Regni reditum, exponit, & quominus per legem publicam Pacta Hadziacensia firmaretur, in cōfessu frequentissimo Ordinū perurgeret. Cætus Equestris Moderatorem agebat Ioannes Gniński, Succamerarius tunc Cheshminensis, quem miro omnium consensu electum, vigor agendi, & subacta per negotia Reip: experientia vis, parem functioni monstraerant. Marefchallum Nuntiorum vocant, pro quouis Comitiali actu, alium ex ternis gentibus eligi solitum, recidente tunc in Maiorem Poloniam substituendi vice. Magna ex functioni autoritas, ingens potentia & existimatio inest: quippe cum Ordo Equestris in Comitijis, prisco more iubendi vetandiq; ius retineat, id omne in manu & arbitrio Moderatoris repositum manet; præsertim, si dexteritate cæterisq; paribus animi facultatibus ad munus obeundum æquipollet. Ille, per studia popularium, velificatur Maiestati, ac zelum publici ad normam legum contemperans, æstimatur

tur Senatui, inter sui Ordinis socios Publicola. ille discipulorum rationes excipit, illationes distinguit, ferendæ sententiæ facultatem tribuit; intercedit ex lege; expostulat pro necessitate; ac vndolum hoc publicarum deliberationum mare inuectus, dum altercationum procella efferuescit, vel impotens animorum turbo insurgit, utrisq; prudentia occurrit, controuersiarum æstum aut suadendo mitigans, aut autoritate componens. Reuera Regem animorum agit, ac opportunè in publica commoda operatur efficaciam; contra, si discolorus, aut muneri impar, haud parum disconuenit harmonia; ac plerumq; compages illa Comitiorum titubat aut resoluitur, per huius capitis intemperiem, vel insufficienciam. Ac, ut periculosa semper sunt interna symptomata, placuit Ordinibus primo descendere, ad militaris Nexus media resoluendi, expeditioni in externum hostem consiliorum successu, postquam receptum vadum ciuili complanando dissidio foret. Comparebant Exercitus Nuntij ex præcipua Regni Nobilitate, Stanislaus Jordan, Palatini Sandomiriensis; Stephanus Bidzinski, Illustrissimi Vexilliferi Regni; Ioannes Pieniazek, Castellani Woynicensis; Michael Czechanski, Iaskolskij Nexus Directoris, Cohortium Optiones: Ludouicus Przechawski, ac Ianussius Bieykowski è Commilitio; à Germanicis quin etiam legionibus, Stephanus Niemierycz, ac Ernestus Grothausen Tribuni, quos nunc recenti vocabulo appellant Colonellos. Exponebant isti scripto contenta (Instructionem vocant) pro quibus missi, sed præcipuè à quadriennio retentorum stipendiorum exolutionem præcise urgentes. Ac, ne solum expostulatione debiti niterentur, damabant publicarum Contributionum vel exigendi incuriam, vel expendendi abusum; requirebant in fidem Reip: mutuo datarum ab Ecclesijs pecuniarum rationes; tumdemum, post pleraq; Fisci errata, non incongruè opprobata, elusos se fusi sanguinis pretio querebatur, non modo spe abrupta emeritos asses recipiendi, ve-



rum etiam à Iustitia distributiva excludi, ubi ex pane benemeritorum confertur militi nihil, opimis vacantiū munerum in immeritos collatis, aut qui nummis beneficia Reip: licitarentur. Peracris sanè (ut ferè semper inter meum & tuum) interueniebat controuersia: respondebaturq; à Throno pro Maiestate seuerius, rursus Patriæ amorem insinuando mitius: ac ita, dum & blandiri & ferociore consultū videtur, diuersæ expugnandis animis machinæ admovebantur. Nec Duces Exercitus suas partes omisere, indignātes, aut miserescentes errori, qui pluriū esset potioresq; è Senatu recentium liberatæ Patriæ decorum memoriam ingerebant, addentes, dilatam tantisper debiti æris exolutionem, temporum iniuriæ non renitentia debentium adscribi oportere. Laudatas in eum finem præteritis Comitibus Contributiones, quæ dum infra debiti quantitatem existunt, alias in præsens scisci conclusum, & Remp: velle, quæ demum exoluendis nominibus sufficerent. Pro piaculo tamen habendum, in exigendo debito non planè solita praxi, nec ciuilitate agere milites, eiusdem Patriæ filios Concivesq; & ossa ex ossibus: quo facto iam Maiestatem Principis, iam Patriæ amorem, etiam venerationem Ducū, minoris sibi præ debitis assibus cōstare ostenderent. Trahendis ad mitiora, maximè efficax Ludouicæ Reginæ opera enituit, dum in conclaue, vel omnes simul, vel seorsim singulos ad colloquium vocans, commonet & arguit, nihilq; omittit, quod pro Rep: faceret; tractandi animos perita præcipuè affabilitate, pollicitisq; fauoribus, utroq; valido ad persuadendum stimulo. Demum, ubi Exercitus desideria in publico exponere iussi, Stephanus Bidzinski Dapifer tunc Sandomiriensis, frequentissimo Senatu in eum sensum verba fecit. Palam est Serenissime Rex Domine Nre Cl: rapidissimo cursu ad nos conuolare pericula, geminatis hostibus, & multiplicatis arumnis undiq; impendentia: quàm verò in remedium. & occursum istis, consilia & auxilia publica gradu subrepant testudineo, luce meridiana clarius liquet. Equi-

Equidem, non aliud toto hoc Conuentu, imo frequenti Senatu crebrius audire est, quàm fidem publicam, cui plurimum annorum stipendio destitutus Exercitus innititur, fatiscentem succumbere; dum sancita Contributiones, non modo non inferuntur Erario, sed varijs & legi publicæ aduersis declarationibus sancienda negantur. Hinc, abrupta spe emerita stipendia recipiendi, subit animum sollicitudo, in illamq; necessario deuolare cogimur questionem.

Conferet exanguis quo se post bella Senectus?

Quæ merces erit emeritis?

Dein, toties laesa & elusa patientia, consequenter ut enuntiet, necessum erit: viribus utendū est, quas fecimus; arma tenenti omnia dat, qui iusta negat. Ergo: Optarem sanè ex communi bonorum voto, quominus compositis Patriæ rebus, truci non modo voce, quàm infesta acie hosti graues ageremus; ast cum pessimo Regni astro ea nunc voluantur tempora, ut inelegantiam verborum preposterè intenti, nonnulli debitas in stipendia Contributiones negando impedianz, dumq; eget miles, ac interim retenta quatuor annorum stipendia expectat, prolixis isti discursibus, quantum acumine valeant demonstrant, cur silebimus? cur cruentos asses fas leuidente fusi sanguinis pretium non repetemus ab ijs, qui post Deum dexteris nostris incolumitatem suam debent? eos tamen vel denarium ad commodum publicum conferre piget, ne restituta salutis Patriæ gratiam, nobis debere ostendant. Ergo: Principijs ergo obuiandum, exhibita incunctanter solutione, seris demum nec profuturis, quod Deus auertat curis, per exquisitas verborum circūstantias malis mederi velle, quando nefando sceleri nomen erit virtus, & irritata patientia, suum ut repetat, fortiori procurabit remedio. Iteratis proin vicibus, ad ima pedum subellia Sac: Regi Mittis D. N. Cl: nomine totius Exercitus preces humiliter deponere, quatenus presentes Regni Ordines, meritissimo Exercitui in exoluendum efficaces ineant rationes: vel si equanimè postulatum infra ponitur, fortem & indilatam solita iuris medio, executionem præstolentur. Hæc Rege co-



ram, tanquam iniuncta, animose protulit, nulla cuiusquam  
 1659. offensa, aut liberi sermonis vituperio, cum semper debito-  
 re Creditor, dum sua repetit audacior est. Et iam remitte-  
 rente sensim fervore apparebat prætensiones Exercitus pa-  
 catè sopiri potuisse, cum interim affunditur oleum igni  
 sparso per speciem arcani Proiecto. (scriptum vocant plu-  
 ribus communicatum) constituisse Regem læsam ex con-  
 temptu vindicare Maiestatem, Nexumq; militarem qui resoluti  
 civilibus medijs nequiret, severitatis adminiculo ad orbitam  
 reducendum; ubi reuocatus ex Holsatia Exercitus, ingra-  
 tos istos & Patriæ minaces, ex dignitate Regnantis coercet.  
 Non stuppam admotus ignis facilius depascitur, non argil-  
 lam promptius subitus torrens allambit, ut hic rursus æ-  
 stus animorum recruderat, in eos vel maximè, qui publi-  
 cas pecunias tractassent, aut exigerent; iam voraginem  
 desertorum assium, iam sanguisugas emeritæ stipis, im-  
 mites verbis vocabant, ut quisq; in Aula gratosus, pro ob-  
 iecto militaris odij destinantes. Neq; minus Nuntij ipsi  
 inter se clam commissi, velut delegationem Exercitus pro-  
 prijs commodis posthaberent, per emissarios indigna su-  
 spicione onerabantur. Ac iam isti Varsoviæ discessum ap-  
 parabant, quod præcisè ab Exercitu in mandatis accepis-  
 sent, uti non amplius ad exitum Aprilis in Vrbe moram tra-  
 hentes, valedicto Rege redirent Leopolim. Actum vero  
 Comitiorum omnino prolongari oportebat, utq; protela-  
 retur consenserant Ordines, ex magni momenti rationibus  
 in quibus salutis Patriæ cardo verteretur. Egrè tandem  
 impetrari potuit, ut manentibus reliquis Ianussius Bieykow-  
 ski Leopolim abiens, Cætui suo nuntiaret. *Curas Ordines  
 in eo vel maximè stare, ut exercitus benemerito (cuius impa-  
 uido pectori & labori, iam Fides Catholica, iam Maiestas Re-  
 gnantis, integritasq; Patria innotatur) non ex merito solum, sed  
 etiam de congruo retenta stipendia exolverentur. Huc & Re-  
 gem Ser. enixe ferri, quominus præsentis satisfactione in actum  
 deducatur rigor iustitiæ, quæ iubet unicuiq; reddere quod suum  
 est*

est. Non præteritis Comitibus, non presentibus flagrantius actum 1659.  
 quicquam, si modo laudata in antecessum Contributiones exol-  
 vi potuissent, ob iniuriam temporum, & pestis impedimentum, quæ  
 utraq; eorum non exoluti debiti genuina causa. Quare, Ser.  
 Regem, uti Legionum Patrem & Principem, sperare sine dubio,  
 emeritam militiam aliquam moram & expectationem à Conciniibus  
 Patriæ condonata, aq; unanimiter, donec collatitium eis inferetur  
 Erario, præstolaturam. Ita demum satisfactum verbis E-  
 xercitui, res intra dilationes stetit: quàm verò inde ferti-  
 lis consequentium in Rep: malorum occasio & seges pul-  
 lulauerit, sequentes anni (si Deus vitam) planum facient.

Quoad afficientia ab extra mala, consistebat deliberatio De Me-  
 in expediendis gemini belli rationibus, nempe Suetici ac diatore  
 Moschouitici, quorum gerendo alteri, alteri sopiendo Rēp: Contro-  
 accingi oportebat. Hinc velut in problema enata quæstio: versis.  
*Utrum cum Sueco, an cum Moscho satius pacisci expediret?*  
*tum rursus Casarinè an Regi Gallo, deferendum Mediationis*  
*arbitrium?* Ardua sanè optio, & eo magis anceps, quod  
 altero in Pacis Conciliatorem prælato, alterum ex postpo-  
 sitione, non planè amicum facere, consequens esset. Lu-  
 donicus siquidem XIII. Galliarum Rex, tranquillitati Europæ  
 intendens, dudum per Legatum Lumbresium curas offere-  
 bat, ad dirimendum æquis conditionibus inter nos & Sue-  
 cos bellum: quod longius à nobis sepositus, & nullatenus  
 rationibus alterutrius partis immixtus, multi acceptandū be-  
 nè affecti Regis studiū censebant, sanè cunctis diuturni bel-  
 li tædio, in qualemqualem pacem se dantibus, quæ ut-  
 cum Suecis, præ Moscho, concilianda tractaretur, maior  
 Ordinum pars inclinabat: contra Lithuanis in renouanda  
 cum Moscho fœdera enixe contendentibus; per eiusmodi  
 rationes. *Ubi Suecorum arma ac Fortuna in deterius ver-  
 gunt, consentaneum videri, fractos bello, exhaustos nervo, desti-  
 tutos amicis, ac iam planè extremis laborantes conficere in fi-  
 nem, cum & canes allatrent macilentiores. Ex iustitiæ  
 esse, ut qui rupto Induciarum vinculo fadifragus, non diuina,*



non humana lura pensi habuisset, ne nunc quidem, ubi precipitum prope heret, sacrosancta pactorum ineundorum religione subleuaretur; utq. arctis Polonia rebus pro pace requisitus superbe abnuerat, etiam nunc pacisci cupiens, in penam talionis reijceretur. Equiorem in istum Poloniæ belli causam vis inuasorem: neuiquam in Moschum ad diadema accersitum, & bellum tantum ut existimationem tueatur ostentantem. Ingratitudinis notam incurrendam fore, dum vocatum ut regnaret, & auxiliantem ut demereretur, bello aggredimur, interim capitaliter insensum Suecum ad amicitia leges admittendo. Quod, si publici commoti rationes respicere expeat, satius fuerit Prussiam, cuius ex integro à Suecis recipienda nulla possibilitas, laceratam armis vindicare; quam nondum conuulsa Lithuaniam, miserabili vastitati subdere, serò aut nunquam ad presentem statum redituram. *§ c.* Contra alij. Sub belli Polono-Suetici nomine, totius propemodum Europa, quâ terrarum quâ mari tranquillitatem contineri, inde quod multos afficit, multi curant, & in opus effluetum deducere satagunt. Pat omnibus uniuersale votum, bellum perosi execrantur, cum coniunctum sopiendi si nos occasione nunc intermittimus, alij gentes commodis proprijs haud defuturas, permissa sua sorte Polonia, qua sic opprimenti facilius erit, ubi pro deserta censetur. Regem Suecum extremis laborare non usq. pro certo accipiendum; integrum ei Suecia Regnum, non temnenda à Protectore Angliæ subsidia, à Moscho coniunctionis armorum incrementa etiam veteri Gallorum amicitia suffulto, superest in victus ille animus, sicubi per bellum labefacta vires, maiores tamen opinione aliquorum in presens esse constat, quibus prebensam Dantiâ retinet, mari classibus dominatur, Prussiam inessis arcibus premit, Casarem ac Brandenburgicum Galigos distinet, easq. tot amulâ opponendo, manifestè haud exiles esse demonstrat. Quod prior Poloniâ lacefferis, condonando offensam, Christiana modestia specimen fore, si in extremam repugnandi necessitatem eegimus, in Politicorum aphorismos peccabimus, desperatione in spem, & coactum resistere

stere in audaciam impellendo. Insuper rationem rationis esse, exolutâ freno Vistulâ aperiendum Balticum mare defluitati-  
oni, qua viraq. tam annis quàm mare in potestate Suecorum  
existentia, nonnisi beneficio pacis Suetica referari possunt. Ita  
demum quietem Regno, Lithuania respirium, Moscho confusio-  
nem reddi; euacuari Poloniâ auxilijs, augeri pecuniâ ac  
tributis, imo semetipsos sibi ac pristina libertati restitui, ubi  
nihil ex Prouincijs Regni pax Suetica decerperet, & deiectus  
importuno ambitu Moschus, non Lithuania modò, verum in-  
terceptis ad Berezynam usq. latifundijs extrudetur. Sed,  
quis ille desideratæ Pacis ex veteri formula Pater Patratus, ex  
recenti Conciliator? Iniceta siquidè Mediationis Gallicæ  
mentionem, secessum à partibus, imo ingratitude Imperiales nobis exprobrabant, Lumbresium, quod importunus  
nec vocatus negotio se ingereret, simulati officij arguen-  
tes: nimirum, ut quos aperta vi non possent Succos Galli,  
eos solita subtilitate, & artificiosis in paciscendum for-  
mulis tuerentur. Consurgebat enim uero factio, Delegatis  
externis in Aula nostra residetibus, de suscipienda aut post-  
ponenda ea Mediâione, multâ solertia agentibus. Nihil  
isti intentatum reliquere, suadendo, torrendo, etiam lar-  
giendo; repertis, qui probrosi quæstus causâ licitantibus  
se ingererent, donec Casimirus Burchacki, Dapifer Czer-  
niechouiensis, compertus ex dato obstrinxisse fidem, quo-  
minus factioni se illigaret, criminisq. postulatus, metu  
pænæ resiliuit, persuasitq. conscijs aliam induere pro Patria,  
ex usu honesti mentem. Demum, ære sedato motu, ad  
tractandum assignati sunt Commissarij, in contextu operis  
specificè nominandi, qui, tam cum Suecis quàm Moscho  
sufficiantibus instructi mandatis, disceptarent pacem, vel  
saltem, cum altero non amicorum Principum stabiliendâ,  
si cum utrisq. haberi non posset: sincerè parata Rep:, ubi  
dirimunt hostilitatem pacta, veterem amicitiam Christia-  
nâ concordia sarcire. Sed verè Epietetus. Quadam res  
in potestate nostra sunt, quadam non sunt.



1659. Sub finem Actus Comitialis, Nuntij Cosacorum Cōfere comitaru comparebant, in causam tardioris aduentus longinquum iter afferentes, cum pateret de industria moram traxisse: lætum nihilominus fuit vel sero venientes spectare, ac acerrimos perduelles reddi Patriæ postliminio, quiq; capitaliter infensi, toto Orbe nobis perniciem hostemq; quæsiuissent, repente mutatos, ac mira metamorphosi ad gremium communis Matris redire gestientes. Ut istos ad obsequium fidemq; Reip: nuper pertraxerint Commissarij, anteriore libro memoravi; nunc, quomodo Vicariam Numinis potestatem, & sibi legitimū Regem Casimirum venerati, paucis trado. Primas Legationis obibant Constantinus ac Daniel Wyhowscy, Thymothæus Nosack Castrorum Præfectus, Gregorius Hulanicki Tribunus; Orationis partes susceperat Georgius Niemierycz Succamerarius Kijouiensis, natalibus & ingenio valens, recenter à latere Succorum Regis, varijs affectuum procellis in Vkraynam reflat. Hic, quem in finem Internuntij ab Zaporoscensium Exercitu missi forent, in consessu Senatus exponebat, formato eius tenoris proloquio. Quod Dominorum terra numerosi Exercitus, quod invincibilis fortissimorum Heroum dextera, quod subiticia celeberrimorum sapientum ingenia ut perficerent, nequiuere; hoc, præsentis auro deductum in effectum omnium oculi conspiciunt, & communis vox applaudit, & triumphat. Ad vocem hominis olim Luminare matris solare cursum stiterat, non ingenio, non potentia alicuius creature coercibilem: ad vocem Sac: Reg: Mai: Vra, rara & inuita clementia eius confidendo, ad vocem incliti Regni Poloniae & eius pristinae virtutis memoria, miraculi instar magna pars bellatrix populi, & iam alieno Horizonti deuincti Exercitus Zaporoscensis, cursu extraordinario & supernaturali, ad clementius hodie calum rediens, in illo Serenissimum Solem, Sac: Reg: M: V: D: S: C: ac laudatissima astra amplissimum Senatus Ordinem, uniuersumq; Reip: Hemispherium veneratur. Propè decennium voluitur, ex quo non tam culpa nostra

nostrā, quā malo fidere aliquo alienigena ex Ciuibus facti, hyperboreo nos tradideramus Monarcha; quod, planè irato celo factum crediderim, ut toto Orbe fauentiorem quærentes Dominum, à legitimo & benignissimo decerraremus Rege, ac cecorum in morem, velut cataclysmo quodam obruti, quāquā uersus vagaremur. Ast, ubi insani deluuij cessarunt undæ, ubi redita mens & oculi cecutientibus, præfestinè ex arca tempestatibus iactata descendimus, alij in montes, in declinia alij, currimusq; prius aut posterius, Matrem hanc Patriam saluaturi, ut, quod Fati malignitate transuersim actum est, per respicientiam corrigamus. Ea causa, vel ut clariùs proferam, voluntas misereantis Dei, hodie ante Thronum S. R. M. V. ac in facie Reip: sistit Exercitum Zaporoscensem cum Duce suo, & in his totius Roxolana gentis compendium, & uniuersitatem ad ima Solij Regalis subsellia deductis; ut S. R. M. V. liberrimarum nationum Dominatorem, pro Rege legitimo, Remp: pro benigna Matre, Poloniam pro natali solo, coram toto mundo, & secuturis seculis profiteamur. Quippe, peculiare est Dominium S. R. M. V. toto Orbe inclitum, & Hierarchia caelesti perquam simile; quæ, ut æternis spiritibus, sic humano generi liberum arbitrium relinquens, per secula dominatur. Exultent tepidiori celo gentes alia, opum congerie abundent, affluant cornucopijs, alijsq; ad apparentiam vitæ præsentis commodis, certè, sine vera libertate seruitiles animos in aurea cauea fouent, sine proprio arbitrio captiui, ac suarum opum mancipia. Libertas Polonia, tam pretium omne superat, uti similitudine caret &c. &c. Quæ eadem, nos, ad diu prægustatam natalis soli dulcedinem trahit, & illā uti frui inuitat; imo planè cogit, ut in hac Rep: nati & educati, in eadem libertate disponentibus Fatibus vitæ finem sortiamur; pro hac optima Matre, pro S. M. V. incolumitate, pro amplitudine Patriæ, sanguinem, imo vitam profusuri. Hoc est, cur errones Filij ad Matrem properamus? cur peregrè euagati ad Conciues festinemus? ad interruptam harum gentium, religionem, idioma, legibus, consonantem unitatem aspirando, Bbb 2 pristi-



1659. pristino statui unde malignitate Fati excidimus, concorporari petentes &c. Concludebat dehinc patheticè. Redit ecce perditionis Filius ad Patrem optimum, quid mirum, si illum osculo gratia exosculabitur? si annulo ornabit dexteram, co-uestietq; nouis vestimentis, & pinguibus armentorum casis, labitur usq; ad inuidiam? Redit plusquam perditus, arumnosæ Matri denarius, quid mirum, si latibunda gestiat Patria? si Conciues gratulentur? extorres sibi Patrias reddi, & illis Patriam? Redit ad vigilem errabunda ouis pastorem, quam impostam humeris portat, & exultat gaudio magno. Quodsi, immortalium Spirituum phalanges, ob unius peccatoris conuersionem ineffabiliter letantur: quid, si plus quam unus, quid, si dicam Mille; imò Milia Millium animarum in subiectionem S. M. V. ac Reip: Matris gremium conuolare intendunt, cur non latentur calicula? cur superna illæ mentes ubi tot erronearum ouium greges ad ouile proprium regressæ, non instruant tripudium &c. Etiam tu Ser: Rex, ex conuersione populi tui gaude, exulta ex tot Proincijs sine sanguine receptis, ubi fertilem illum Ægyptum spontè ad orbitam obsequij reducere habes; illam inquam terram Promissionis lacte & melle fluentem, omnigena abundantia promptuarium, aurum à multis seculis pomum, bellatrix quæ mari quæ terræ Roxolanorum gentis domicilium. Vkraynam. Quæ in sinum protectionis Regiæ accurrente, ut certum est vel calum ipsum ea rerum conuersione letari; sic & nos summa animorum exultatione acclamamus. Vuat Ser: Ioan: CASIMIRVS REX, vuat aucternè Regnum Polonia. Hæc prolixius quidem, sed quis vetet fessum continua bellorum narratione legentis animum, aliquâ solatij misturâ releuare.

Grata cunctis resipiscencia plebis peruicacis, ubi auulsa pridem Vkrayna restituitur corpori Regni, simul Moschouiticæ in Poloniam hostilitati hæud parum de viribus decedit; hinc, cum plausu accepta Legatio; si modò vel tantillum saltem durasset in Cosacorum animis perseuerantia obsequij, quam diu in auribus Polonorum hæsit officiosus

ficiosus perorantium sermo. Certè, ut Hadziacensis Com. 1659. missio effectum sortiretur, in duplici cardine instituta legesq; Patrias commoueri oportuit. In Spiritualibus; dum titus Græco-Russi Catholico-Romanæ Ecclesiæ æquiparantur; Vnio Schysmari odiosa exulate iubetur; Metropolitanus Kijouiensis cum Vladicis in Senatum Regni cooptatur; geminæ studiorum Vniuersitates erigi conceduntur &c. In Polyticis. Ducatus Russiæ in absoluti Domini modum recusatus, antiqua forma regiminis abolita, leges innouatæ, aliæ obliteratæ, indictum Nobilitati ex patrimonijs exilium, possessiones nouis Dominis attributæ, Regalia (ut vocant) permissa plebi; Magistratus in speciem aucti, simulachra tantum potestatis, ubi vis & robur penes Ducem Exercitus manet. Cuius imperio XXX. Millia Cosacorum, X. stipendiariorum suberunt, sufficiens sanè numerus, quo ex beneplacito suo asserat Regis Maiestatem, ubi nolit oppugnaret. Qui, ne non sine honore agat, collata in præsens infestissimo Patriæ capiti Palatina Kijouiensis dignitas, additis Senatoriæ Curuli Barij ac Lubomiliæ amplo reditu Præfecturis. Ac, quo in plures Regiæ munificentia torrens deriuaretur, congesti in multitudinem honores & præmia, admissis ad prærogatiuam Nobilitatis Polonæ Cosacis; ut sic dispares, & diuersa volentes, æqualitas quæ concordia Mater, cum veterrimis Conciuium firmiore animorum nexu conciliaret. Hinc aliquis metum incutere ausus, quod Romæ contigit olim. Ne nouorum Ciuum potentia & multitudo, veterum dignitate vellet infringere; plusq; possent recepti in beneficium, quam beneficij autores. Nec minus cordolium, antiqua gentis Sarmatica decora adeo euiluisse, ut ad postremos mortalium arrabo libertatis deferatur. Cum tamen, nemo adamantem inter quisquilias asstinet; & præmia virtutis, si ineptè locaueris obfouescunt. Miseram certè sæculi sortem, quo & sceleribus honor, & malefactis præmia tribuantur. Quid, quod inconueniens fuerit, Maiorum decora properanter ne petentibus quidem tri-



buere ijs, qui internam amplissimi Characteris virtutem ignorantes, non pluris Equestri annuli communicationem, quam pro puerilibus crepundijs reputabunt, donec Varſaviâ abeunt fastidituri; cum apud illos more receptum maneat, si quis ob demerita proſcriptus multam honoris patitur, per iocum querere ſoleat, an publico Banno percuffis, cibo & potu uti permiſſum ſit? leuipendiû pena oſtendendo. Etiam nunc aliquis ex ſocio percunctatus eſt, nunquid umbram ſuam maiorem ubi Nobilis factus, quam ante ingreſſum Varſaviam aduertiffet? Verum æquenter Originarij cum aboriginibus immunitatum participio; quid, ſi non in totum obligauerimus Nobilitates, & indubiè irritauerimus præteritos, quos odioſa hac dignatio feſellit; & meherculè, omiſſi multo maius nobis faciſſituri ſunt negotium, quam relatari gratiam ijs, quos in communionem & ius prærogatiuæ admiſimus. At, ſit ſanè eo illicio, vel partem aliquam Coſacorum ad obſequium Reip: pertrahi poſſe. Aſt, quæ indignitas compagem hanc Reip: ab euo coalitam, allicienda plebis gratiâ diſſoluere? Quæ iuſtitia, Eccleſijs fundationes, veteribus dominis patrimonia reddituq; detrabi, ut turbulenta multitudini grauiſſemur? Quæ autoritas, erasâ ex inſignibus Patrijs Ruſſiâ, iuribus Maiestati derogare? ut vniuerſis Coſacorum Præſecti dignatio & potentia augeantur. Pomerrania cauere docet, pars olim Regni, è Conciuius vni Suapeſco Griphio in Feudum tradita, noſtra eſſe deſijt. Si cordi eſt Coſacis ad Remp: redire, ſponte faciant; gratiori acceſſione quia vltioneâ: non carniuorum alium more, quæ in manum venatoris deuolant, eſcam repertura; præmium ſcilicet obſequij. Diuerſus aliorum ſenſus, modò Coſaci à Moſcho abſtraherentur, omnia infra ponentium. Ac, primò, boni ex natura ſui diſſuſum eſſe (aiebant,) cum & Sol radios luminis ſpargat, rerum ſublunarium non ſui cauſâ. Decus Nobilitatis pluris æſtimandum, ſi opus virtutis non uteri habeatur, & beneficium ſit tribuentis pro merito Principis, non cunarum; nam, qui genus & ceras Maiorum lætatur, aliena laudat, veluſ ſimila Leonis tecta exuijs. Verum, fruſtra ſumoſe auorum  
imagi.

imagines parieti affiguntur, ſi alieno pilo ſuperbus hares, claritudinem tantum in aſtragallis gerit, & iners Eques Equeſtri cenſu excluſus; deſtuitando phaſelos, aut nundinandiſ lucri cauſa bobus nomen dederit. Ad hæc, rarefacta per bellum Nobilitate Polonia, cur non ſuppleant numeros Coſaci bello emerſi, ac recenti in partes Patriæ acceſſu commendabiles. Si, uti impares auerſamur, & agreſti populo gentiliſia decora communicare piget, vel ad ſuam ipſorum reſpiciendum originem; de qua Poeta noſtras ait.

Exule Patre ſumus, ſed plurima Regna per Orbem;

Principia exulibus dant ſua; Roma Noſto.

Nec uſq; deboneſtamentum natalium metuendum, exoleſceſci ſcrupulus hic cum tempore; etiam ipſi eadem cum plebe Damascena humo creati ſumus, & in ſimilia utrinq; principia reſoluendi. Bello certè præſenti cum Moſcho expedire, ut quæ maximè augeatur frequentia Nobilitatis, cum hæc gens ſeruitutis manceps, & ſtatui Equeſtri è diametro infeſta, validè oppugnet libertatem. Ducas Ruſſiæ, inq; eo Magiſtratus inſtituendi, ad ordinem & regulatam Proinciæ adminiſtrationem tendunt, uti in Lithuania olim factum, etiam hic: ne obſint inani metu, dum per dependentiam veluti brachia Regalia operabuntur. Quod rebellionē aliquando Coſaci ſe commaculârunt, tranſmiſſâ in iratum celum cauſâ, oportere amneſtiâ obliterandum delictum: cum etiam apud Deum diſtinctio valeat, inter peccatorem peccantem & peccatorem penitentem &c. Sic demum, non infelici exitu Comitia finièrè, vel ſolâ contra legem prolongatione tædioſa, dum ultra trimēſtre protrahuntur. Utq; paci compaginandæ cum alterutro hoſtium dimiſſi Commiſſarij fuèrè; ſic, in caſum belli, Duces armorum cõmoniti, viderent, ne quid vndecunq; Reip: detrimenti caperet. Potocius quidem Generalis in Vkraynam, Campeſtris Lubomirius in Pruſſiâ intendere iuſſi; Sapiha Vilnenſis Palatinus, aduerſus Moſchos deſtinatus reuocato interim ex Hoſſatia Czarnecio, ubi propter ferendû Dano ſubſidium Colligatorum armis iunctus morabatur.

Et



Et Colligati quidem apud Codani sinus littora hærentes, aliam prosequendi belli viam inire debebant; nimicum, ut qui hactenus tanquam auxiliares Friderico in Prouincijs Danicæ substitere, iam nunc Cæsaris nomine obnuntiata Suecis hostilitate, in ditiones Pomeraniæ hostium iuris immitterentur. Quippe Dania certorum Feudorum intuitu Romanum Imperium pro capite agnoscit; vel quia nondum absoluta Cæsaris Leopoldi Coronatione, Suecos velut suspensa manu tractare expediebat. Itaque; reuocatis ex Holsatia Legionibus in Pomeraniam penetrant, iam ut in suis met ditionibus sentirent belli mala hostes, iam per Danicas oras summa victus penuria, quem tam hostiles delectus, quam etiam ipsi hærentes sesqui anno Colligati absupsissent. Rarefcebat enim uero militantiū isthic numerus, Germanis passim dilabentibus: solo quod fatendum Electore per se rebus intento, & rigore imperij legiones continente. Duces quinetiam Poloni inde abieciunt, Opalinus morbo, Czarnecius mandato Casimiri reuocatus: uti bello Moschouitico nauaret in Lichuania operam. Ergo versis in Suecos offensiuo modo Cæsareanorum armis, Generalis Zuza, postquam Griphenhagium ac Damum valida Pomeraniæ fortalitia cepisset, Sretinum denique Prouinciæ Metropolim, sparso latè per maritima terrore circumfederat. Patrata isthic Germanici Martis facinora transmittit, ego distantium incuriosus, & quem proprijs occupatum haud vacat in alieno vagari. Ne tamen Rex Danus in totum à socijs desertum se queri posset, IV. Germanorum Millia; etiam Polonorum Mille, sub ductu Casimiri Piaszoczynij in Holsatia remanserant, reuocato cum maiori copiarum parte (ut memorauimus) Czarnecio. Equidem, haud exile eas inter gentes comparauerat sibi nomen Czarnecius, Principibus viris ob militarem indolem æstigmatum, militi ex periculis participio charus, illustri lanè gloria, non tamen inuidiæ expers, cum laudarent vestrenuum fortes, damnarent ut præcipitem ignauum, quâ magnitudine

tudine animi eminebat; temerariè prouocari discrimina obstrepentes. Certè abstrahi doluit Elector, etiam Rex Danicæ retentare conatus, nisi regressum præcisè imperanti Regi obsequi debuisset; cum bona Principum gratia, tractu Hamburgensi in Patriam remeando. Sub abicum flagrantissimè ab eo Commissarij Dani postulauere, quominus oris vultusque lineamenta in cætypum transferre pictoris penicillo pateretur, memoriam sui inter gentes amicas vel in imagine relicturus: quod diu abnuuit fucatae laudis contemptor ille, reponens, res si quæ in Cymbrica Herfoneso præclare gestæ sunt, monumentum sibi fore ære perennius; donec tandem exoratus, obiter pingendi sui copiam fecit; sanguinis prodigentior quàm colorum

Absolutis Comitij Posnaniæ Casimirus perrexerat, <sup>Casimirus per-</sup> isthic stabiliendæ pacis curâ, cum, ad eundem scopum <sup>git Po-</sup> limantibus iam Mediatoris, iam partium se se indicenti <sup>naia.</sup> studijs deducendi in effectum negotij, ratio constare maximè videretur, uti haud longè à loco Tractatum confiteret Rex, à quo velut fonte actui incipiendo autoritas, & illationibus partium promptius dispungendis, definitio petenda esset. Hic subsistentem salutabat exacto in Holsatia biennio Czarnecius, præclarâ suæ gentisque famâ redies, ac, quem præficere armis contra Moschum destinaret Casimirus, Gascuij in captiuitate existentis vices obiturum. Sequebantur Ducem commilitones, dum ad osculum Regiæ manus admittuntur lacernosi, proque veste Patria sagulis oreisque Sueticis induti: cultu sanè inopi, nisi parva præclare factis gloria, sub peregrino cælo hospitantes, splendide conuestijset. Sub idem temporis Viennâ allatis Edictis, Germanicæ legiones ex Polonia reuocabantur; lætus invulgum nuntius, ne ijs quidem ingratus, qui introducendi autores, velut ingens miserentis vicinæ beneficium iactauerant. Itaque, dum pedestres Zuze ac Densochij Legiones, in Silesiam Wielunensi tractu remeant, & qui alius sub signis Austriacis miles in Regno comoratus (Tribunus Hagsterus



1639. sterus cum Equitatu remanserat, belli Suetici decursum præstolaturus) aliquem ex Tribunis delegauerant, qui abeuntium nomine per officium valediceret Casimiro; is verò quæ quantauè Germani in Regno Poloniæ patrauerint armati, memorans, dum verba latina indebitè corripit aut producit, misertus nostratium aliquis innocentes Syllabas torqueri, extemporaneo disticho in Oratorem lusit.

*Quid prope Thorunium Dux auxiliarius egit*

*Quaritus? obsedit, sedit, & edit, & it.*

Simul Cracouia præsidio euacuata fuit, redditaq; sibi Vrbs, cum duo Millia & sexcentos milites biennio aluisset. Recipiendæ, Vladislaus Rey Neocorczynensis Præfectus, ac Ioannes Miroszowski Delegati à Rege, qui iidem abeuntes Cæsareanos sine noxa ditionum Regni, ad limitem Silæsiæ deduxerunt. Exiëre Vrbe Germani die VII. Octobris vigens agmen, & ægrius à contracta Urbici populi familiaritate diuelli sustinens; consecuta fæminarum è vestigio infasciatis proles exportante turba, ut vel nescientibus palam esset, eius fæcunditatis agmen, ex otio & mæniorum umbra prodire.

*Mareschallus in Prussia* In Mariæburgo spes & vires potissimæ Suecis, loco natura validissimo, & diu ante operosè munito. Circumstantabant Elbinga, Brodnicia, Graudentum, Czezeum, Dirschauia, Hauptum, aliaq; munita præsidij oppida, velut mæbra capiti suffragantia, & quæ velut à corde sanguinem reciperent, aut vicissim communicarent. Penes Adolphum Bipontinum Caroli fratrem vicaria administratio Prouinciæ, Principem gloriæ quàm arma faciunt hæud segnem nisi quod secus vergente fortuna è comisâ statione decedens, securitatem proprii capitis desiderio famæ præhabere ostendisset. Quod tamen prouidentia imputabant Sueci, uti dispersitis in loca munita præsidij, omniq; cura in diuturnam propugnationem instructis, superesset extra discrimen ipse, qui periculis suorum & indigentia obuiam iret. Quocirca, utramq; Vistulæ ripam complexus armis

*Mare-*

Mareschallus Lubomirscius, quantocius in ipsa Prussiæ penetralia legiones duxit; magni moliminis socio Illustrissimo Ioanne Sobieski Supremo Regni Vexillifero, diuinitus, ut suppono, ad occiduum Regni limitem pacandum destinato, ut olim Throni Sarmatici clauo admotus, demum in Orientem securius contra Barbaros arma verteret. Penes Castellatum Camenecensem Grodzicki rei armamentariæ cura, cui solerti eius Oeconomix administro, in promouendis consilijs belli, plurimum Mareschallus tribuebat. Gotofredus Hagsterus, & Retschinius Baro Tribuni Germanorum, bis Mille Cæsareani Equitatus adduxerant; ut propè ad sexdecim Mill. accederet Exercitus, non vltra maiori numero, ob quadrifariam dispersitas, ut innui Regni, copias. Quæ longe infra destinatum molimen vires, etsi sollicitum redderent Ducem, is tamen in summam belli intelligens, omnes, pro insito agendi vigore moras abrumpebat; an quod probè meminisset, tam sibi belli munia, quàm pacis consilia credita, si priore nequireret, futurum fore sperans, ut altero lauream reportaret. Vbi contractæ legiones haud cunctatus, Graudentū (Grudziadz) in primum armorum experimentum destinauit. Id minoris quidem nominis Prussiæ municipium, est in ripa Vistulæ situ percommodo. Quingenti Sueci Ductore Kuhno Tribuno insederaunt, primam ingruentis Exercitus Poloni vim excepturi: eiusmodi oppidis ex arte militari Mariæburgo circumpositis, quominus primo impetu classato, in ea quæ pro cardine essent, reliqua vis exereretur languidiùs. Hic Castris in crepidine amnis positus, interim è machinis quassantur mænia, iaciuntur ignes, pulsanturq; interiora oppidi pilis granatis, iam mortalibus cædes, iam inuitabile tectis incendium ferentibus. Etsi, in antecessum Mareschallus, non inutile primis cæptis clementiæ famam ratus, obsessos obnuntiaret, ni se sponte dedunt extrema arcesituros; est reiecta præmonitio, seu sperato succursu peruicacibus Suecis, seu coalituræ mox pacis fiducia: idq; adeo inurbanè, ut salutis

Ccc 2

tis



1659. tis nuntius Tubicen, sub aditum abiturumque globis petere-  
tur, quem diuersa licet afferentem, tractari humanius ex-  
pediebat. Frangendae temeritati Mareschallus exemplo  
opus aduertens, ne prima experimenta temnerentur, in  
diem sequentem oppugnationem indicit, missilibusque rur-  
sum ignibus inquietam hosti noctem esse voluit, quā-  
dum artificiosa Pyrotechnitae mala in oppidum iaciunt, for-  
tē euenit, ut vnum feno straminibusque incidens, materiam  
ardendi facilem succenderet, a quo demum fomite euale-  
scente, flamma totum oppidum in momento corripuerat.  
Ita, quae natura ignis est, ut emolliat ferrum, etiam hic in-  
fregit pertinaciam obsessorum, consternatis fortuito casu  
tam municipibus quam milite; sed diuersa cura scissis vi-  
trorumque animis, cum pro retinendo loco praesidiarij agerent,  
in restringendam flammā Ciues allaborabant, saeuienti ele-  
mento pignora opesque erepturi: cum interea aggressor miles  
violentus irruit, vna manu excidium oppidi, altera direpti-  
onem fortunarum intentando. Vix bihorio repugnatum,  
obscura inter tenebras defensione, & dolentiore caede, ubi  
quibus flamma pepercerat ferro caderent, rursus eluden-  
tes terrum, igne absumerentur. Indoluit Dux pereuntibus  
ac per praconium tubae serio parci miseris iussit, simul ve-  
hementiam irati militis Tribuni retentabant, ut non repu-  
gnantes seruariantur, monumentum victoriae. Septingen-  
ti nihilominus ex oppidanis interiēre; CC. ex praesidio:  
qui vero conseruandae salutis rationem in flumine subiecto  
reponebant, celeri exitio deleti sunt, subductis lembis, aut  
si qui inscenderant, protinus ab accurrente milite submer-  
sis. Re desperata Praefectus in castellum se cum potiori  
parte praesidij subduxerat, facilius dedi quam capi ostendit,  
verum ubi nec animus nec subsistendi ratio competit, E-  
quitibus Hagsteri in manus venit, honestius & securius in-  
ante diem deditione exitum praeventurus, quam ut nunc  
cum probro tot profusi sanguinis reus, caperetur. Ex Tur-  
ri itaque in quam se abdiderat protractus, cum vnde viginti  
Ordi-

Ordinum Ductoribus Mareschallo sistitur, ac tantum ideo 1659.  
quod animosior verbo quam opere fuisset increpitus, in-  
columis mansit: Quadringentis ex praesidio vitā donatis,  
quorum ferē omnes inter legiones Polonas militaturi no-  
mina dedere.

Sic famā & terrore latē sparsis, copiae in citeriora Bo-  
russiae processere, etsi anxio Duce, ubi perpendit rei geren-  
dae obstacula, & difficultates. Quippe, praeter graue autu-  
mnali intemperie caelum, iam annonae per desolatam Pro-  
uinciam summa difficultas, iam perparcē suppeditati in  
belli impendia sumptusangebant: Cohortes pleraque piger-  
rimē in Castra allabebantur, aliaque incommoda, quae pri-  
us Dux intelligit, antequam militare vulgus sentiat. Ast  
ille praesentibus par, futura curae Numinis remittens, sem-  
per in promptu occurrentibus malis remedia habuit, sciens  
prudētia misturam, fortunae belli opitulari. Ac primò,  
copias validissimo loco impugnando dum augere nequit,  
tripartito diuidendas existimauit. Wilhelmum Butlerum  
Supremum Vigiliarum Praefectum, cum Baronis Ratschi-  
nij Equitatu, in obsidendum Hauptum Gedanensibus adiū-  
xit: Baronem ab Oedt cum Raytris suis, ac Stephanum  
Niemierycz cum legione pedestri, ad intercipiendam El-  
bingae communicationem (passus vocant) ordinauit, uti  
Electoralibus iuncti ambo, omnem petendi aut submitten-  
di auxilij spem praeccluderent: ipse demum cum reliquis  
copijs versus Marienburgum tetendit, quominus fertiles il-  
las, in gemina diuortia scissi Vistulae Insulas, suum in vsum  
vendicaret, ac sic opportunissimo loco hosti erepto, in ipsa  
Vrbem armis experiretur.

Marienburgum nobilis Borussiae Ciuitas, Theutonicos <sup>Maria-  
burgi  
situa.</sup>  
Fratres primos conditores agnoscit: Castrum praecipue  
insigne munimentum habet, quod ad Hartmannum Comi-  
tem Heldringensem, Magistrum Ordinis initia sua, ac pri-  
mam fabricae designationem sub Annum 1281. refert. In <sup>L. gua.  
guina.</sup>  
ea postmodum Vrbe, tanquam primario Mystocraticae do-  
minati.



1659. minationis membro, non solum sedem, verum & condit-  
ram sepulchri, morientibus esse Magistri voluere. Qua  
parte interamni situ iacet, longè latèq; prominet diffusi a-  
gri planicies; ablæua nobilissimus amnis Vistula decurrit,  
altera parte Nogato fluuio, minore quidem illo, sed placi-  
ditate influxus commodissimo, alluitur. Mira cæli beni-  
gnitas salubrem locum facit, etiam præter nanigabilis flu-  
minis quæstum, fertilis circumquaq; agri gleba, facilem  
æquè pro agricolis, quàm opificibus victus rationem exhi-  
bet, populosam ex antiquo reddens Coloniam; hinc olim  
præ alijs Prusiæ Urbibus Magistri delegerant sedem, etiam  
sublatis istis, pro possessoribus Coronata capita, sub titulo  
Oeconomix, in hanc diem agnoscit. Infra Urbem in ge-  
mina brachia diuortiat Vistula, Insulas maiorem & mi-  
nores efficit, quarum utræq; sæcundata illa Nili effluuijs  
Ægypti arua, si non laudibus æquant, certè opimiori mel-  
lis affluentia superant. Ibi videas iam balantium pecu-  
dum numerosos greges ali, iam ex opima frugum messe  
cornucopias in vsus humanos suppeditari, haberiq; velut  
geminum Cereris vber, quorum altero panis abundante  
circumiecta ora reficiatur, altero lacticiniorum diuite ab-  
lactetur copiosè. Ante quadriennium, Palatino Weyhero  
in deditiorem adacto, belli iure Mariæburgum Sueci retine-  
bant, non sine Polonorum cordolio, alieno cauo lupum  
stabulari, & aliunde noceret. Vrbe se incluserat Nicolau-  
us Danquartus cognomento Lilienstrom, domi inter Sue-  
cos Nobilis, præter exquisitam architectonicæ militaris per-  
ritiam, fidei experimentis, & quantiuis periculi contem-  
ptu Carolo æstimatus, quo utroq; plura sæpe inter extre-  
ma belli, quàm prudentiæ artibus geruntur. Præsidium  
ad III. Mille, ex fortissimis Suecorum delectus miles, Ci-  
ues aut religionis aut Germanismi nexu deuincti, nec de-  
fuerant transfugæ aut legibus damnati, tutissimo asylo ist-  
hic recepti, quorum semper publico hoste in patriam a-  
cerbius odium est. Monstrauit certè Danquartus haud  
nutri-

1659. nutritam otio indolem, erectis circa Urbem operibus sanè  
stupendis, etsi iam ante vallorum mæniorumq; ductu sat  
firmam; ille tamen casui prouidens multa prioribus per  
quadriennium addiderat: post expugnatum Thorunium  
eo studiosius firmando loco incumbens, quo maius erat,  
imò plane Sueticæ fortunæ residuum, quod committeba-  
tur suæ fidei tuendum. In partem ardui laboris accurre-  
rat & Bullonius (is nuper Thorunio Præfectus) etiam cō-  
plures veterani Sueci Germaniq; seu à Principe Adolpho  
vocati, seu stimulo gloriæ, huè se velut ad certam virtutis  
officinam contulerant. Par Præfecto in cæteris cura &  
prouidentia, cum non modo promptuaria Urbis sufficienti  
annona copiosè instruxisset, sed crebris per maiorem In-  
sulam horreis reconditas fruges, præsidio armatorum tu-  
eretur, quam diu licuisset vsurus, dum retinere nequit pes-  
fundaturus. Hinc forte spei nimius, Carolo in Daniam  
(vti fama fuit) scripserat, *consciret auspiciatò transmarinū  
bellum Rex, omnino de Prussia securus, quam utcunq; persfla-  
ret belli Polonici tempestas, se nihilominus vel sexennale Ma-  
riaburgi obsidium, donec fosses regreditur ipse, toleraturum.*  
Sed talia iactando magis dicuntur, quàm fiunt.

Decreto obsidio, ante omnia subiectas Insulas hosti e-  
ripere visum, quarum maiorem Haupto Fortalitio fræna-  
tam, minorem ponte Vrbi deuinctam possessor Suecus te-  
nebat. nequaquam creditus nutrices suas, & omnis ali-  
menti pænu, sine conflictu & sanguine desertum iri. Ad  
Album montem, à petroso solo sic vocatum, Poloni Ca-  
stris constiterant, vbi Stawecius cum binis velitem turmis  
transflumen peruadens, quale & quantum apud pontem  
Suecorum præsidium esset exploraturus, dum fidentius  
progreditur, & primitias periculi incautè spernit, à pro-  
rumpentibus Suecis nouem velitem iacturâ retrusus est.  
Melius Samueli Czaplicki successit, qui comperto iusto  
præsidio pontem retineri, inobseruatus hosti continuit su-  
os, donec maiore potentiâ patrandum opus significasset.  
Ergo

Insula  
Maior  
recepta



1659. Ergo statim obnuntiato milite ut in certamen paratus adesset, vis in Insulam directâ fuit, ad primum fulgentium signorum conspectum abscedente hoste, & nullo memorabili facinore depelli se passio, loco longè commodissimo. Quod vero adeo facile decederet, ex metu insidiarum plerique prouenisse iudicabant, ne scilicet Gedanensium ab Haupto, aut Electoralis Chili miles, manum conferentibus retrò abitum præscinderet. Sanè, ingens Dei beneficium fuit, facili negotio locum recepisse, cum mox & Dersauiam timidi in alieno periculo præfidiarij deseruerint; pari flagitio Starogardum in aduersa fluminis ripa igne exussere; perfunctoriæ tuitionis oppidorum ab hoste specimen, qui adeptis fortalijs, ut alienis vestibibus utitur, quas ubi cōducit induit, laceras aut inutiles abiicit.

Graudento, & Insula receptis, demum vires & ingenium Dux cum Mariæburgo commissurus, uti nouissimum fortunæ Sueticæ nidum, stringere Urbem operibus capitis aliquorum consilio & voto ut aggredereetur persuasus, pluribus effectum infra ponentibus: quippe instans hyems, victus arctior, insufficiencia virium, præsidij obfirmata peruicacia, situs loci inexpugnabilis, non obiter vendicandum locum ostendebant: etiam miles non exolutis stipendijs segnior, aut iniecta spe proximæ pactionis remissus, ad laborem vigiliasque oscitabat; ijs tamen malis à prudentia remedium quæsitum, reliqua suppleuit fortuna: namque pro supplendis copijs requisitus Casimirus Rex, protinus Dyneburgensem Præfectum Wolphium, cum Prætoria legione submiserat: comineatuum subministrationem viciniore Palatinus recepere, sed actus hic voluntatis magis quàm efficaciæ fuit, annonæ vectura ob viarum longinquitatem impossibili. Institores ac propolæ Castrenses, ad mercandum auctu pretij inducti, publicas vias tueri iussis cohortibus, quo venalia ferentes, immunes à vexa & rapinis existerent. Interim iugè sedulitate excitata opera, eggestæ fossæ, suggestus, lorice, aliæque ex ingenio & arte machina-

chinamenta, quæ veteri Latio incognita nominibus ca. 1659. rent, usum præsentis sæculo inuenere. Tum verò velites adfita Urbis suggredi iussi, non modò humiliora Nogati fluenta, sed ipsum vastissimum Vistulæ alueum, vorticibus amnis aut autumnali frigore haud deterriti, sub aspectum Suecorum equis nando transmittabant. Inter quos Michaelus quidam (Michalek) Tucholiensis molitor, statura quidem infra virum, at animo interritus & industria pari, munitionibus hostium sæpius aduoluebatur, binos aliquando vigiles Suecos per obscura noctis suffuratus, ita, ut præhenderat, cum sclopetis & fomite igni adduxit.

Solenne apud Rhetores, à minori ad maius argumenta <sup>Hauptu</sup> texere, etiam apud Medicos, à Capite sanandi totius corporis <sup>receptu</sup> rationes ordiri, hoc idem in concilio militari decisum. Caput erat (Hauptum) Gedanensium ditionis, situ interamni Fortalitium, quod itidem obtinebatur à Suecis. Ab incepto siquidem bello, in eam Urbem maximè vertebat vora appetitumque Carolus, iam beneuolentiæ illicijs, iam armorum terriculamentis, in partes tracturus Gedanum, haud erubescens, quasi vero, in societate belli vocare, aduersus pares omnino infociabilis. Ut verò latentis doli illecebras, simul intentatas minas modestè eluserit, aut contempserit viriliter Urbis ea, in antea actis retuli. Vnde ille sperni oblatam beneuolentiam indignatus, dum Urbi nocere, nequit, aut parcere simulat, vim furoris sui in Hauptum effundem iuris effundebat, quod à Præsidio Urbico defensum aliquandiu, donec maiori vi cedens, tandem in potestatem eius veniret. Eo subacto, (cudendis fulminibus suis officinam appellare solitus) uti annem Urbi committeret, rem prodigiosi moliminis nouus Deucalion aggrediebatur, si modo fas esset, elementorum quàm Deus constituit naturam, mortalibus immutare. Quod ne interim furenti liceret, de manu vindicare Hauptum oportuit, enixè intentis Gedanensibus, uti depulso opprimente, illud seruitutis capistrum omni conatu excuterent. Aliquoties

D d d

tamen



tamen tentata oppugnatio successu caruit, vel quod cautâ Ciuitas quâ terræ, quâ mari cohærens, in diuersa exerere vires haud sibi integrum censeret, vel prudenter expectans, vt vbi bellum in agone, securiori vindicatione, ac minore impendio receptura, quod suum esset. Ergo, vbi admo-  
tas Mariæburgo copias Regni aduertit, etiam ipsa protinus Valentinum Winterum Tribunum, cum bis Mille & octin-  
gentis Legionarijs submisit, regulata obsidione stringendo Haupto, futurum sperans, adiutum iri à Mareschallo co-  
natum, vt sic recisis pennis etiam Mariæburgum ad mitti-  
ora consilia truderetur. Trudi namq; necessum fore ap-  
parebat, vbi inflexibilis Danquartus, saniores monitus re-  
spuens, in extrema obduratus vel fuit, vel videri voluit.  
Hauptum itaq; Butlerus Vinterusq; ex Neringia, altera par-  
te ex Insula Sibertus ac Brandesius Tribuni, viarum obsidi-  
onaliū ductu se admoventes, strinxerant egregiè: non  
tamen præfidiarij animo aut spe concidebant, imo licet va-  
lescente fame ac continuis assultibus fatigati, adeo per-  
eruptiones Wintero graues exstiterè, vt CCC. prope gre-  
garijs mulctatus, & nisi extemplo succursus aduisset, sta-  
tione imo obsidione depellebatur. Vnde, iterum ab Vr-  
be copijs augeri vires oportuit, Salomone Brandesio, Nico-  
lao de Linda, Fuchio, Strakwicio, Wechelto submissis, e-  
tiam Ioanne Borbato Præsidij Mindani Præfecto, quâ con-  
silio, quâ manu, simul cooperantibus. Octingenti Sueci  
propugnabant, animo certè robustiores quàm stomacho,  
cum Danquartus omnem vim in se prius versum iri repu-  
tans, perparcè suppeditasset victui seruientia, satius pro se  
maiori parte ducens reseruanda. Tentatus vt in dedicio-  
nem assentiretur Præfectus, primò minax recusauit, dein  
vt mora eluderet, non alio consignandum Hauptum respō-  
dit, nisi ipso Rege Casimiro veniente, Caput Capiti suo  
redderetur.

*Mora*  
*Koniec-*  
*polij.* Interuenit eodem anno, Alexandri Koniecpolski San-  
domiriensis Palatini obitus. Natus erat Patre Stanislao  
Koniec-

Koniecpolski Castellano Cracouiense, ac Supremo Exerci-  
tuum Regni Duce, rebus gestis & gloria belli Imperatore  
clarissimo: qui nuper Vladislao IV. bellum in Ottomanos  
meditanti, crederetur fuisse eius moliminis fomes, & instru-  
mentum. Par Filio ad bellica inclinatio, haud quaquam  
fortuna respondit, spectabilis sanè & qui rarò loricam de-  
poneret Patriæ Ciuis, Graduum totus spirans, & indefes-  
so vigore agendi. Aderat obuia in viros armis conspicu-  
os liberalitas, etiam largiendi copia, concurrentia adpa-  
randam bello famam media: quarum prima, sine altera,  
agrè se per actus exhibitionis monstrare valet. Verum,  
vt benefaciendi promptitudo, si copia tribuendi affatim,  
suppetebat Koniecpolio, ea hæreditatis paternæ amplitu-  
dine, vt in sola Vkrayna amplius quam centum populosa  
oppida numerauerit, complura vltra mille Patrumfamilias  
incolatu referta, præter alias in Regno ac Russia possessio-  
nes. Hinc Aulæ eius ante bellum splendor, ac ministerij  
regalem prope cæterua, vsq; adeo numerosa, vt recurrente  
solutionis tempore, ex grandiori Elencho per ordinem li-  
terarum Alphabeti confecto, de nomine minister quisq;  
salariandus vocari debuerit. Cuius tamen Patrimonij li-  
cet notabilem bello Vkraynensi iacturam subierit, non ta-  
men vllam expeditionem præterlabi passus quin adesset,  
ac licet coarctato censu, prioris animi ac liberalitatis reti-  
nens, Pro paradoxo fuit, continua militia emeritum,  
haud ad Præfecturam Exercitus aspirare valuisse, crebriò-  
ri promisso Regis, nullo effectu; fortè, quod nimium in  
priuato Ciue splendorem, & popularitatem, odiosè suspici-  
ant Reges, munificosq; in vulgus, fauore & opibus publicis  
agrius iuuant, quibus cum multa acceperint, plerumq; in-  
iuriæ loco est, plura accipere voluisse. Certè, vt bello vri-  
lis Koniecpolius, sic eiusdem causâ existimatio vapulauit,  
vbi autorem rebellionis Chmielniciū feudo depulsum in  
arma agit, & postquam rabidam feram iniuria proripasset,  
improvidè ex custodia elabi patitur. Neq; minus iungi  
D d d 2



1659. Sueco infra laudem fuit, nisi fortè à prouido consilio, vel ab ineuitabili necessitate facto excusabili. Coniunx illi Barbara de Zamoscio, Thomæ Zamoyiski Cancellarij Regni filia, è qua natus Stanislaus, vnicus Patri superstes, quo demum steriliter excedente, Domus Konicopolæ ex recta linea raturum, arefcere Fata voluerunt, translata ad collaterales hæreditate. Ductum funus in paternum oppidum Brodij, cui in hanc diem validissima inter Fortalitia Russiæ Arx, nomen loco comparat; autori gloriam.

Neq; per Curlandiam fauentior Suecorum sors fuit, vel destituyente iam partes fortuna, vel ad consilia pacis impellente, quo humanitas & necessitas trahere non posset. Douglassius, vt memorauit, altius Prouinciæ vngues impreferat, iam iniquissimè tractato Duce Iacobo, iam pressurâ incolarum, quos immisericors diuersitor, in imperatiæ contributionem, ferro & igni adigebat. Cohæret illa limite cum Samogitia, vnde non improuidè Lithuani viciniae succursuri arma huc intulerant, quominus amicis opitulando, à laribus proprijs hostem detraherent. Haud pridem Michaël Pac Castorum Lich: Præfectus, Columbam, nominatissimum apud Suecos Tribunum, ad Bausko profligauerat, Ixellio ac Wrangelio iuniore cæsis. Etiam Lipnicki ac Komorowski Tribuni, subinde non ingrati Curlandis exhibuerant operam, commissio peracri prælio, in quo Aderkassus, ac Milleri Generales Suetici, Octingentis amissis capti, ac Varfauiam remissi fuere: insuper Hilarius Polubinski Notarius Campestris, cum Mille Equitatus agmine insperato veniens, non sine hostium cæde Mithauiam nuper receperat, egregiâ prædâ potitus, vbi ex ergastulis compedibusq; ultra CC. Nobiles Curlandos liberasset. Obsessa subinde Arx, in qua Mill: CC. præfidiarij defensionem agitabant, instituta nudis pectoribus oppugnatione, cum non pedes, non machinæ, non missilis artificij ignes, in promptu Lithuanis: adeo tamen strenuè clausam indagine feram pressere, vt sine necessario in arcis muni

munite halosim apparatu, à Mille Equitibus, Mille & ducenti Sueci pedites, mænijs clausi, armis instructi, leuioris armaturæ agmini dedere se cum XXXX. tormentis cogerentur: Spensio Tribuno locum tradente, multisq; encourijs fidem & strenuitatem Lithuanorum efferente. Eadem editio contigit ineunte Decembre Anni præsentis 1659. Etiam Nuenburgum, Goldinga, Vindauia, Scronda, Libauia aliq; Curlandiæ oppida de manu Suecorum vindicata sunt; insuper Douglassium, diuertendis Lithuanis in Samogitiam irrumpentem, Pacius intraiectu fluuij Iura, notabili clade dissiparat. Constitit posthac Carolum Suecum ereptam de manu sua Mithauia, adeo impotenter tulisse, vt Spensio ac Millero Tribunis, quibus traditæ Arcis crimen imputatum, in comparandum strictissimo Edicto diem dixerit, sine dubio noxam testinatæ deditionis capite luituris, nisi alter furori subductus, Millerus vulnere excusatus, militari infamia notarentur.

Et plures iam atræ bilis causas inclinās Fortuna suggerbat, vt subinde natura feruidior, ex insperata rerum conuersione vehementiam affectuū impotentius solueret. Sane peracerbum erat, subsidium Cromuelis nil tentato succursu euauisse, vbi Anglica sub Montacutio classis domū vrgentibus Edictis reuocatur, sincerius Batavis Dano assistentibus, qui, non incommodis brumæ, non tempestuoso mari deterriti, Socio Regi fidi in extrema perdurabant. Nec vsq; læta ex Pomerania, ingenium felicitatē corruptū offendebant, vbi Griphenhagiū, Demminum, Anklamum, aliasq; maritimas Vrbes Cæsareani intercepissent, fædâ Prouinciæ vastatione consecuta, vt fumantis oræ calamitatem, nisi interiectum æquor impediret, conspiceret Carolus, aut certè ex profugis & hostilia passis coram cognoscere posset. Prussia, iam illi pro desperata habebatur, non ultra dominum agnitura, nisi inquantum propugnans Mariæburgum Danquartus, expirantis istic possessionis Sueticæ ægonem protraheret. Equidem, validius ærumnæ premunt



1659. felices: ac magis aduersitas affligit animum, continuo prosperitatis usu innutritum. Sic, in biuiq; doloris & vltionis, dum à se impetrare nequit, vti irrequietam mentem ad pacatiora consilia flecteret, rursus in obsidium Hassniæ accingebatur; seu tædio præsentium in extrema obduratus, seu Classis Batavæ recessu erectior; quæ tantisper pro fulcro Hassniæ stabat. Quippe Michaël Ruiter Thalassiarchus Hollandorum, in Fioniam subinde vela dederat, specie quidem vti Danicas copias Nauibus destitutas transueheret, reuera depellendis Prouincia Suecis, ac ita distractas Caroli vires debiliores redditurus. Cum is, vti Poloniam, sic Daniæ præhenstæ tenens, alieno pane & ære aleret bellum, saginaret militem, suppleret legiones, & nullâ Sueciæ iacturâ, aut impendio, nostris aut Danicis opibus, nobiscum belligeravit, glirium more, quibus ex alieno pænu esca est.

*Pugna Danorum cum Suecis.* Itaq; cognito Classis Hollandicæ in Fioniam abscessum Szulbachum Comitem submisit, vti is, confirmatis locorum præsidij, negotium exscendenti in litus Dano facesseret. Ast, præualuere Dani, apud Charthemundam disiecto ponte celeritatem Comitæ occupantes, vnde compendio viarum exclusus, dum sinum maris circuire cogitur, ipsi interim Middelfardum versus delati, iam Colligatis iungibus iam aciei instruendæ, opportunum tempus habuere. Porterior pars victoriæ fuit; hostium consilia in ipsos vertisse, vti factum; & qui interiscindendos Danos satagebant Sueci, ne ipsi quidem, nisi bifariam partito agmine, in pugna se expedire poterant. Vbi consultum haud detrectare certaminis aleam, summo feruore vtriq; in conflictum ferebantur: eo modo instructa acie. Præibat cum Mille Polonis Equitibus, Casimirus Piasoczynski Tribunus, pro Excubitorio munere frontem obtinere solitus; sequebantur per concisa agemmata Dani; ab læua Cæsareanus Eques, ac Illustres legiones; & istæ quidem primum ad Odestam in Suecos fortuito vallo acclinantes inuictæ, initium peracri prælio fecerant, non segnius restitantes Suecis donec

donec extractâ aliquantum pugna, viribus impares in abilitate soluerentur. Consilium erat Nydborgum regredi, vbi submissa recenter à Carolo auxilia suos exspectarent, etiam triduanâ inediâ pressus miles, alimentis corpora reficere posset, relictâ isthuc impedimentorum parte, dum Charthemundam præueniendam celeritate festinant. Ergo, composito in militarem recessum agmine, cõficiébant iter, inter septa hastarum, continuosq; sclopetorum iactus pertinacissimè pugnantes; è vestigio consequentibus Danis, & mordicis carpentibus abeuntes. Vbi cruentum iter, Nydborgum emensi, iterum conuersis ab vtrinq; signis & odijs, fortissimè redintegrata dimicatio fuit, Suecos Sulbacho ac Botrychero, Danos Ebresteyno ac Schackio, partium Ducibus, salutis, famæ, victoriæ, commonentibus. Egregij huc bellatoris nomen, simul & gloriosam mortem tulit, Casimirus Piasoczynski Ostrołecensis Præfectus, Tribunus Polonorum, ex prima aciei linea animosè in Suecos inuictus, dumq; feruente prælio latiore fossam equo superare contendit, triplici globo ictus, demum in ipsis victoriæ vlnis expirauit, exemplum suis & incitamentum. Ortus illi vt simul adiungam, è Familia Roxolana Nobili Piaseczyniorum, animi corporisq; robore insignis, etiam ex præclarè appetitâ morte militaribusq; qualitatibus non indignus encomio. Cæde Piasoczynij, Ihelezynski ac Morzkowski Cohortium Ductores, consummandæ pugnae haud defuere, donec palmam victoriæ superioribus Danis concederent Sueci, cruento certamine victi prostratiq;. Comes Sulbachus (Regi Sueco per sororis connubium socer) non instrenuè Ducis officio functus: demum, re desperata, fortuito lembo euadens, mari se commisit; sat prosperitatis nactus, quod manus Batavorum sollicitè maris littora obseruantium effugisset. Plurimi Suecorum, vbi nec virtus, nec fuga salutis modum aperit, in acie cæsi, reliqui vitam clementiæ victorum debuere. Quatuor Milia interiisse pro certo habitum, vel ex ipsius Loccenij Historici



1659. Historici gentis relatione credibile: paritumq; facile dedi-  
tiss, ubi Dani non amplius sui alieniq; sanguinis prodigi-  
femet tradentium accessu augeri lætantur. Inter cæsos fu-  
it Botycherus, Supremus Vigiliarum Præfectus, Kock, Laue-  
ran, Cranius &c. Tribuni emeriti militiâ. Inter captos  
eminebat Adolphus Vinariensis, ac Darmstadiensis Duces,  
&c. Waldecus, Königsmarcus iunior, Brunaw &c. Comi-  
tes; Henricus Horn rei tormentariæ Magister; Engel, Schön-  
deben, Offner, Taube, Smith, Peterson &c. Legionum Præ-  
fecti, ultra Septuaginta machinæ bellicæ, signa militaria  
CXXVI, aliq; Castrensis præda intercepta, cōsecuto pro-  
tinus usu fructu victoriæ, dum Fionia in totum pro Frider-  
rico recuperatur. Estq; ea clades ad Nydborgum Succis  
admodum funesta, temeritatis Caroli proles, operumq; e-  
ius novissima. Ad hoc offendiculū impegit fortunæ  
rota pugnacissimi Regum, hic scopulus minacem toti pe-  
lago audaciam stitit, hic decidit flos & spes vasti illius  
Spiritus, vniuersi Orbis imperium agitantis: quo de-  
mum afflicto (ut fermè finis ad alta leuatis, ruere) capi-  
te, non Dania modo Poloniaq; sed & Rom. Imperium &  
liaq; inféro mari contigua Regna, ac Resp: in spem resta-  
biliendæ pacis adduci cæpère. Præcipuum tamen sortita  
Dania laboris præmium, præter Fioniam liberatam, etiam  
ex Sæelandia quantum virium reliquum, Croneburgum  
versus graui hospite subducente. Incidit ea victoria in di-  
em XXV. Nouembris, eandem Friderico Regi natalè: lau-  
sta sanè & in æuum Danis lux memorabilis, quâ fracto præ-  
valentis hostis robore, Regnum illud Borealium nobilissi-  
mum, iterum renasci videbatur. Non citra tamen iactu-  
ram victoria stetit, è Danorum parte ultra MCCC. occum-  
bentibus, contumaci ab utrinq; depugnantium virtute, ac  
prælio tam in loco, quàm per viam pluries geminato. Nun-  
tiata clades Carolum flagranti excandescencia commouit;  
fortè tunc cum Delegatis Hollandis, super incundis fæderi-  
bus colloquium instituentem. Ferunt insperato nuntio  
attoni-

attonitum obmutuisse diu; dein, sensim emerso ex subita si-  
deratione animo, ad Delegatos prolocutum. *Hæcine (in-  
quit) viri boni officiositas est, ut Iscariota in modum, osculo blā-  
di, acerbiorē plagā simulatione vestrā infligatu? dum strī-  
dentes linguā pacis melos, vespærum more caudā pungitis? Ast  
enixurum se vti fraudis protinus paniteat.* Quos inter affe-  
ctus incenso equo abibat, cum interea Delegatorum sar-  
cinas sequestro prehenlas inspicere, & quidquid literarij  
instrumenti esset, per satellites subducere iussisset, non re-  
spectum Legationis, non rationes excusantium admittens,  
qui ignaros se facti, nec consiliorum belli participes, pro-  
bare offerebant.

Arctissimè pressum Mariæburgum, dedendum demum  
aut expugnandum multi censuere, ubi magna parte deiectioni  
muri, imminutum præsidium, coarctata annona, adeoq;  
subtus mænia admotæ operum moles fuere, ut lapidis iac-  
tu utrinq; se impetere possent, sed maximè noxius mis-  
silem è pyrobolis seu Granatarum proiectus, quæ com-  
minuti ferri fragminibus obuios passim lacerarent, hinc  
plurimi è præsidio strati ictibus, faucij corpore, truncati mē-  
bris, etiam afflatu fumi noxio vigore membrorum deiectioni,  
munij militaribus maiori parte decedebant. Nec legio-  
narijs solum exitiabiles ictus, permultos ex Ordinum Du-  
ctoribus interemptos desiderabat Præfectus, uti Kuchnium  
& Brandtium legionum Legatos, Littonum, Buschium, A-  
hlefeldum, Bocklingium &c. emeritos Centuriones, qui te-  
lis maioribus confossi ceciderant, insuper Danquartij Fi-  
lius quadrilustris, dum vallum inscendit, comminuto sub  
aspectum patris pila machinali humero, inter summos crū-  
ciatus, die XIII. Nouembris, vita simul & Mariæburgo  
abiit. Inter quæ tamen, propositi tenax Præfectus, omne  
dedendi mentionem excludebat, nihilq; aliud monitus,  
aut requisitus respondebat, quàm, à tradendo loco prohiberi  
fidei & tamæ respectu: sic inter vim, famem, ac pro-  
miscuas cædes, utrisq; pro loco potiundo aut retinendo  
Ecc. certa.



1659. certatum, non tantum euitari potuit, quin interea Haupti  
ad deditiōem cogeretur. Quippe Gedanenses, commea-  
tum ac recentes delectus ab Vrbe submittendo, irremisso co-  
nato stringebant Caput, quā terrā, quā flumine clausum;  
dumq; propediem spes est vi aut deditiōe recipiendi; eti-  
am Winterus familiariter per literas Danquantum require-  
bat, ut exitium suorum quod immineret præuertens, tradi  
locum iuberet, tam diu ex more belli obstinatē defensum,  
donec amplius retineri nequiret; simul de clade in Fionia  
Suecis illata nuntiabat, spei auxiliorum præcidendæ. O-  
scitanter ad hæc respondebatur ab altero, ex strenuā pro-  
pugnatione periculosa laudis affectatore, donec sub ipso  
inevitabilis discriminis articulo suaderi se passus, duos Tri-  
bunorum super securo tractatu obsides dedit, pari numero  
parte ab altera recipiens: nempe Nicolaum de Linda, &  
Ioannem Bobartum egregia fama Ciues Dantiscanos. Quin  
etiam admissus intra Castellum Rolenbergius Consul, pa-  
ctiōem in capita digessit, necessaria admittens, superflua  
expungens, & præcipuè temporis consulens, quominus ad-  
uentanti Casimiro, gratulabunda Vrbs exhiberet fidelis o-  
peræ documentum. Pari præsidio firmata Brodnicia, &  
simili deditiōis successu in eam diem recepta fuit, ab Hen-  
rico Denhoff, hūc, cum pedestri legione ac Equitum ala  
dimisso, ut tandem Sueci velut fumo apes, occupatis locis  
sensim depulsi, ac opinione illa debellatæ Poloniæ submo-  
ti, iam nonnisi caudā Prusiam in Mariæburgo ac Elbin-  
ga prehenderent.

Sua interim Casimirum fortuna, in constabiliendam v-  
niuersæ Europæ pacem Gedanum deducebat; non magis  
Castrensibus machinis Mariæburgi muros quatientibus,  
quam Ludouica coniuge Regis animum ad Generales tra-  
ctatus efficitim sollicitante. Patebat euidenter, Deo meli-  
oris causæ fautore, in finem Suecos armis vrgeri oportuisse,  
ac bello satiare gentem tranquillitati publicæ haud amicā,  
nisi procliuius in Rege ad mitiora animus, tum belli Moscho-  
uitici

uitici recens in Lithuania consurgens respectus, etiam mi-  
nus heroica in depressum hostem ultio, feruidorum ratio-  
nes mitigarent. Igitur Rex, sub ipsam Haupti deditiōem  
castra ad Mariæburgum præteruectus, ac in Neringiam in-  
sulam descendens, Schiuenhorsti pago à Lindano Consule  
Gedanensi salutatur: vnde, sequenti die Castra Gedanensium  
lustrauit, ac ibidem militari mensa prandium sumpsit. Ma-  
reschallus interim, ubi inclinare Danquarti pertinaciam ne-  
quijt, frangere decreuerat, aduersus cæli & belli mala inui-  
ctus, & nisi præsentis impressione locum extorquet, vel to-  
ta hyemæ obsidium continuaturus. Hinc, per submissos  
egit, quatenus Gedanenses iam annonā in victum, iam pan-  
nis in vestitum suppeditatis, castrensem inopiam, fide Reip:  
freti, subleuaret, adpromittens fore, ubi excussus hostis, &  
pax redit, ad assem contractum æs exoluendum. Super  
quibus Magistratus in Curia deliberauit, non usq; à studio  
iuuandi auersus, & semel pro semper suspectos Vrbi suæ  
hostes amoliri necessarium ducens; nisi dum pacis via per  
Tractatus celeriores bello finem, & spes lucri, resumpta  
terrâ mariq; negotiatione quæstum intendit distulere in-  
præsens officiosi esse Gedanenses, cuiusmodi supplementum,  
quā priuatā, quā publicā Urbis inopia, excusantes.

A dulto Decembre, celerauit aduentum in Urbem Rex,  
plausu populi & lætitiā acceptus. Etiam Lumbresius,  
per officium visitans, luculenter Regis Christianissimi mē-  
tem explicabat, huc se dantis, ut inter intensos Reges æ-  
quanimis pax interuentu tanti Mediatoris coalesceret, ac  
in controuersiarum decisione, aut moderamine, omnia  
ad æquiponendi stateram, soli iustitiæ fauorabilem, ex-  
pendenda fore. Nec Sueci Regis in pacata consilia pro-  
cliuam animum reticuit, non alio argumento inclinatio-  
nem persuadens, aut reconciliationis cupidum monstrans,  
quā, quod Legatos suos ad Tractatus, plenaria potestate  
instructos, dudum ante miserit, qui Frauenburgi oppido  
Prusiae, salutarem negotiationem præstolarentur. Collatis  
Ece 1 demum



1639 demum cum Senatu rationibus, Monasteriū Oliuense non incommodus disceptando negotio locus designatus est, ubi tanquam consiliorum centro, susceptas arbitri partes Lumbresius obiret, Rege in Vrbe cum suis manente, per adfita verò Palatia pagosq; diuersis pertinentium, seu (vt vocant) Intercessorum Principum vel Legatis vel Internuntijs subsistentibus. Etsi aliquantum de loco rursus controuerſiam mouerent Sueci, pro Elbinga aut portu Pilauensi diu ac pertinaciter contendendo. Reliquæ eius Actus circumstantiæ, quia sub exordium ineuntis anni cæptæ, ac in finem optatum perductæ sunt; ideo, quidquid transactū fuit, consequens liber fufius explicabit. Iam nunc super intensissimæ hyemis frigora, & morbos per contagium, vulgatos, dum sic Rex vult & iubet, & cuncti ad exorientis Auroræ pacis iubar respiciunt, solui Mariæburgi obsidiū debuit, dimissis in hybernalcohorribus.

*Monetae mutatio* Nec omittam, tunc primū conturbatas rei monetariæ rationes, Statum Regni enormiter afflixisse: omni bello grauiore peste, quod istud fœderibus post sexennium extinguī potuisset: contra, depressus monetæ valor, ne septem quidem lustris instaurari queat. Olim nummulariæ officinæ Regibus vectigales in Polonia fuere; labentibus dein sæculis, ubi res fungibiles sublato in maius pretio incrementis, quæstum & inuidiam in Remp: transcripsere Regnantes, cum ditari ex eo nollent, vnde plus publicæ querelæ, quam emolumenti Fisco Regio accederet. Tantisper tamen tolerabilis nummi mutatio erat, dum is exoticæ monetæ conformis, iuxta auri argentiue pretium æstimabatur, maiore nunc damno & sero reparabili iactura proculsus, ubi tam qualitas metalli, quam valoris æstimatione apud externos repudiatur. Subleuando in præsens ærario conducere visum, si minuti nummi, quos solidos vocant, ære cuderentur, vsualis monetæ defectum suppleturi: quæ ferax mamonæ, bini Millionis per legem Comitiorum Annii 1658, concessum semen, adeo copiose multiplicauit, vt primo

primò ab apertis officinis anno, supra viginti Miryades 1659. eius æneæ prolis, intra Regnum prodijſſe credibile fuerit. Similis in argento labes, vigelsibus nummis ad pretium floreni recusis. Signabatur moneta inscriptione metrica. *Dat pretium seruata salus, potiorq; metallo est;* altera parte incisis principalibus Regij nominis literis **R** quas demum aliquis non falso interpretatus fu erat: *Incipit Calamitas Regni.* Et solidos qui dem (maneat ex merito memoria) Titus Liuius Boratini Italus; argenteos nummos Thomas Timſ Silesius cudendi munus in se recepere; ob publicum paracharagma in hanc diem diris populi detestabiles, & ex infami quæstu tantum lucrari adepti, vt ab autorum vocabulis sui nummi, in hanc diem nomenclaturam obtineant: etsi non facturi illi, nisi maioris potestatis permissio dispensasset. Ab initio malum vtrunq; tolerabile visum, nonnullis veterū nummū augem in lucro ponentibus. ast ubi pretia rerum sensim duplicari, auri ac argenti valor in immensum attollis, cōmerciorum rationes interuerti, meliore metallo omnes priuari, molesto cupro pauci ditescere, & omnia subita emptibilium confusione inuoluuntur, tum demum, vis mali ex effectu sentiri cæpit, noxium consilium damnantibus cunctis, consulente nemine. Etsi, in Comitijs Anni præsentis, intentata lis Boratinio fuerit, quā se is explicauerat, cum, XVIII. testib; iureiurando peruincens, non vltra duos Milliones solidorum iuxta stipulatū cum Rep: procudisse: nec sibi noxam imputandā, cum interea tam extra quam intra Regnum, æruscatorum feruerent officinæ, falsatos nummos elaborantium, plerisq; ea sedulitate Boratinij exemplar imitatis, vt à genuinis discerni nequireret: alijs præcipue exteris per incuriam accipientium eo prolapsis, vt ignotam Casimiri faciem, cum barba effingerent. Et hæc erat plaga Ægyptia, paracharagmate Regnum inuolui, debita subtilibus consilijs, publicæ paupertatis causa. Circa id temporis, eximium par virorum, per diuersa

Ecc 3 illustri-



1659 illustrium, mortalitatem expleuit; Grodzicki, & Starowski, veraq; Pallade memorabiles: quippe, ut notabilior virtus per qualitates subiecti elucescit, ita maiore cum cura ad posteritatem tradi debet, ex raritate æstimanda, vel imitanda ex æmulatione. Christophorus Grodzicki Castellanus Camenecensis, Rei armamentariæ per Regnum Præfectus, prope belli Suetici finem, cuius ipse pars magna fuerat, vivere desijt. Stirps ei Equestris, dotes animi inter arma spectatæ, famam & claritudinem auxere. Apud externos militiæ rudimenta deposuit, præcipuè Hollandos, Orangiz domus contubernio æstimatus, ubi Archimedes facultatis, quam architectonicam militarem vocant, arcana percaluit. Suetico in Prussia bello, ex præstati ingenio Ducis Exercituum Koniecpolio carus, indeq; ad consummandas Codacensis Fortalitij munitiones, iussu Vladislai IV. amandatus, præsidio præfuit, donec Cosacorum rebellantium perfidia, euerso Codaco, Carcerè biennio apud Chmielnicum subiret; Stephano Czarnecio captiuitatis socio, vtrisque, ergastulo & custodiâ elasis, indigna detentione se expedientibus; Grodzicio ad Scythas refugo, & captiuitatem apud Barbaros, detentioni Cosacorum præterente. Hinc reuersus, ad Batouum occumbenti Przyemscio superstes, iterum in manus Scytharum venit, vnusq; penè conciso omni Exercitu, ob veterem notitiam seruatus, tandem opera Patris Hilarij Carmelitæ, ex Tauricana seruitute redemptus, egregiam Patriæ operam continuatâ militiâ nauauit. Obsessam decem Hebdomadis Leopolim strenuè contra Cosacos defendit; Hanum Crimensem in amicitia Casimiri confirmauit; Prussiam delata sibi administratione egregiè tutatus est; Rem armamentariam ex fide procurauit, in conquirendis ingenijs ea in arte excellentibus, & requisitis ad rem, nullis parcens sumptibus, & sedulitati. Summa laudum fuerit, armis natum, bello innutritum, vtraq; fortunâ exercitissimum, inter Regum fauores, Patriæ vota, Ducumq; encomia, demum in ipso Gradui

diui sinu vitam posuisse, ac quod, pro coronide felicitatis censeri debet, in ipso Suetici belli agone expirasse. 1659.

Quidni & literato viro, literæ in cenum veniant. Etiam Simon Starowski Canonicus Cathedralis Cracouiensis, vir in tantum laudandus, in quantum virtus intelligi potest, circa ea tempora humanis excessit. Natus erat Patre Basilio Starowski familia Nobili pro tessera gentilitia deferente, Matre N. Zarankowna, quinque fratrum minimus, quos ex vocatione Equestri Pater in bellum expeditos absumptosq; dolens, hunc Benjamin in sortem Domini destinauit, literis erudiendum; uti quod iam quatuor filij sanguine scribere designauerant, superstes iste, atramento & verbo efficacius ad posteritatem loqueretur. In Vniuersitate Cracouiensi humanioribus literis imbutus, etiam per externa gymnasia, recondita doctrinarum præcipuè Iurisprudentiæ scrutatus est: post, ad ministerium Altaris transiens, in Collegiata Tarnouiensi Ecclesia, Primicerium (Cantorem) egit; dein, à Petro Gebicio Præfule Cracouiense, ad Canonicam Cathedralis Basilicæ dignitatem vocatus. Quo in candelabro, non ut fatuus ignis fulsit; capite, linguâ, manu, Ecclesiæ proficiuus: neq; minus literis vacauit, plurium editionum autor aut scriptor, eruditione celebris, iudicio maturus. Inter alios ingenij partus, quos supra viginti legisse memini, eidem Monumenta Sarmatiæ nostræ debemus, non minore studio collecta, quam sumptu. Hic igitur ubi vniuersæ carnis viâ ingressus, Monumentum sibi ex literis ære perennius posuit, exstante vestigio, STAROVOLSCIVM extinctum,


non posse mori.

A. M. D. G.



ANNA.





# ANNALIUM POLONIÆ CLIMACTERIS SECUNDI,


REGNANTE  
IOANNE CASI-  
MIRO  
LIBER SEXTVS

Elenchus Contentorum

An. CH. M. DC. LX.

**S**ub Anno initium, pax cum Suecis tractari inci-  
pit, in Monasterio Oliuensi. Mediator Lumbresius Tracta-  
tibus præsidet; cooperantur Principum Interessatorum  
Delegati, de nominibus specificati. Partium ut vocant  
principalium propositiones, responsa, & controuersie; tum  
diuersorum ad pacem se indicentium disceptationes; præcipuâ Lisola aduer-  
sus Mediationem Gallicam obnitentiâ. Mortis Caroli Gustavi Suecorum Re-  
gis

Et nec diu cum complanatis aut sublati difficultatibus, tandem Tractatus  
vniuersalis concluditur. Rex Casimirus Gedan. abijt Varsauiam. Ordi-  
nes Regni ad ratificandam pacem vocaturus. Subinde arma in Moschum  
expediuntur, Czarnecio cum Hostaticis cohortibus Lithuanico Exercitui se  
iungente. Chowanski Moschorum Dux ad Polonkam profligatus; etiam  
arx Lachowicze diffugientibus ab obsidione Moschis, liberata fuit. Var-  
saviæ Ordinum Conuocatio peracta, ubi obtenta victoria nuntius adest, de-  
mum & consilia prosequendi belli agitantur. Exercitus Regni stipendia ser-  
uentius requirit, cuius causam dum campestris Dux sedulo promouet male-  
uolorum odia incurrit. Casimirus, ubi bello in persona se adfuturum de-  
clarasset, finita Conuocatione ad Vrs. Samboriam progreditur. Festis di-  
uersis in locis grassatur. Exercitus Regni ex statuis Prussia, in Vkray-  
nam tendit. Lithuani post breue respirium iterum arma resumunt, Sapieha  
Skhouum, Czarnecio Mohilouiam subigendas destinantibus. Quibus Detho-  
ruki auxilium laturus ad si. Basiam cum nostris experitur, exin campo de-  
pulsus, ac inter valla Castrorum abditus, obsidetur. Liberando Cosaci in-  
aure; etiam Chowanski instauratis viribus rursus Lithuaniam ulteriorem  
premit. Hinc eis Borysthenem regredi Lithuani debuere, prohibuitur scâ  
Prouincia vastationem. Cum Chowanski rursus subitarijs pralijs certâ-  
rum, quoad dissipatus, ac Castris exutus, tandem se intra Polociam recepi-  
ret. Status in præsens Vkrayna; Moschorum vires, Chmielnickij regimen,  
& Wyhouij secessus, exponuntur. Szeremeth Moschorum Dux in cisterna  
Regni expeditionem decernit. Huic occurrunt Poloni. Scythæ iunguntur  
nostris, Lubomirio totius Exercitus regimine incumbente, ob agritudinem  
Potocij. Ad Lubartouiam primus cum Moschis congressus: hic dum retro-  
cedunt commissa per viam pugna cruentissima fuit. Apud Cudnouiam vallo  
inclusi obstruuntur, & oppugnantur fortissimè. Istis Chmielnicki in succur-  
sum tendens, à Marefchallo distinetur. Pugna cum Cosacis ad Slobodyscze,  
quoad misericordiam serio implorantes, in gratiam recepti forent sub con-  
ditione: quod idem Moschis non negatum; ceteri Scythæ patriam interceunt,  
captiuando Moschos, aut cedendo. Vis subita frigoris imbrumq; fedè E-  
xercitum affligit: Casimirus Rex cum Regina Racouiam veniens, supremo  
Numini pro victoria grates agit, & triumphat. &c.



**R**ax in meta, pax vna triumphis Annus Christi 1660.  
innumeris potior; brauium nobile,  
archabo salutis, hæredissa cæli, vota omni-  
um, & gaudia felicium. Vbi panditur  
hyppodromum, multi decurrendo stadio  
se accingunt, & cursum expediunt; sunt  
qui per plana viarum effusè prouolent, alij per obliqua  
incita.



1660. incitatissimè feruntur, repertis qui pedibus diffisi, vel aureo pomo celeritatem Atalanæ distineant, vel constricta clavis orbita, palmâ primi accursus terre cum Lescone moliantur. Rem clarius aperio. Statum Europæ in tranquillum reducere, non modo è re Poloniæ Sueciæq; bello contentendum erat, sed complura Regna & Prouincias, prout se ad belligerantes partes indicebant, non ad beneficium tantum Pacis, sed ad Tractatus etiam admittere expediebat præsertim causæ aut armis innexos: ne dum in particulari paciscimur, socios belli prodere, & à se Martem in vicinorum iugulos depellere videremur. Hinc Pax ea vniuersalis dicta, ac generale quoddam armistitium. Ergo Præcedentes, seu Interessati, ad partes Principales sese referunt, arma detestantur, bello pressis indolent, sanguinis, cædumq; miserentur; respirium terris, libertatem mari, securitatem commercijs, de verbo saragentes, intimiore sensu altius recondito. cum interea quisq; sibi prouidet, rationes pacis ad priuati commodi regulam subigit, alleuari proximum, nisi ipse superemineat non vult: hi planâ diuerso colore implicant, alij confusa obtrudunt, adsparguntq; scrupulos, ac formulas amphibologicas, quæ vel salutaris negotij telam dissuant, vel desideratæ rei efficaciam moerentur. Ita, dum quisq; pro se agit, vix possibilis primo in limine credita, deducendæ in effectum Pacis conclusio. vel humani ingenij more ob fragilitatem sibi diffidentis, quod soli Deo competat productio Entis ex nihilo; etiam quod vniui mortales animis, ægrèferat veterator ille, qui ab æuo seminans zizania, habetur spiritus dissensionis.

Sub recurrentis Anni 1660. exordium, aderat quinta Ianuarij, posteris candido notanda lapillo dies, partium assensu ad tractandam pacem determinata, de qua verè dici potuit. *Hac est dies quam fecit Dominus.* De loco postquam disceptatum, tandem conuenerat, vti tractaretur Oliuæ, quod est peruetustum, Sacri Cisterciensium Ordinis, leuca Gedano distans, Monasterium, vbi tamen Tractantibus

tibus, ad mutua colloquia non visum congregari, sed per scriptas schædulas, vt partium desideria proferent concludere: seu vitandis verborum offensionibus, vt sit inter suspicaces, ac, nec dum, amicos; seu, quod effata oris interpretando eludi, aut retractari negando possint; quæ verò stylus paginæ innarasset, inficiari nequeunt, manetq; indubitatum semel placiti documentum. Ardui operis Patratore, ex merito, ad posteritatem memorare lubet, & debeo. Ac primo, quia delatæ Mediationis partes Christianissimo Regi, (cui à multis sæculis solenne est in res Europæ arbitrium) locum & officium tanti Mediatoris sustinebat, Antonius de Lumbres Dominus, de Herbingen, Loos, & la Cloye, Ordinis Regij S. Spiritus Liliatus Eques. Ab Augusto Romanorū Imp: vti primo Orbis Christiani Principe, ac Colligato Poloniæ, Franciscus Carolus Lipsteinski Comes à Collovrath, Dominus in Richennau, Sac: Cæsareæ Maiestatis Consiliarius, Regiarumq; appellationū in Arce Pragensi Præses, tum Franciscus Baro de Eisola à Ihyse, & Mariensfeld; itidem Cæs: Maiestatis Consiliarius. Pro Polonia ac M. D. Lith: Ioannes Comes à Leszno Palatinus Posnaniensis, Reginal: Maiestatis Mareschallus, Maioris Poloniæ Generalis, Mariæburgen, Corfune Præf: Georgius Comes in Wisnicz Lubomirski, Supremus Marétschallus, idemq; Campidux Regni, Minoris Poloniæ Generalis, Chmielniceñ, Olstineñ, Casimirieñ Præf: Nicolaus in Prazmow Prazmowski, Supremus Regni Cancellarius, Episcopus Luceorieñ: Abbatie Sieciechouiensis Administrator, Christophorus Pac Supremus Mag: Duc: Lith: Cancellarius, Wilkouiceñ, Kozieniceñ, Præf: Andreas Morlztyn, Referendarius Regni, Kowalieñ, Zawichosteñ, Præf: Vladislavus in Nagłowice Key, Curia Regni Thesaurarius, Neocorcineñ, Libusieñ, Præf: Ioannes in Gnin Gninski Succamerarius Pomeraniæ, Gneznen: &c: Præf: A parte Suecorum interfuere. Magnus Gabriel della Garde, Comes in Leckoo & Arensburg, Sueciæ Senator & Thesaurarius, Li-



360. uoniae Gubernator, nec non Academiae Vpsaliensis Cancellarius. Benedictus Oxenstierna, Comes in Korfholm & Vasa, Liber Baro in Moreb, Regni Sueciae Senator, & Cancellariae Consiliarius. Christophorus Carolus Slipenbach, Comes in Schouede, Sueciae Senator, & Consilij bellici Praeses. Andreas Guldenklaw, Baro in Hulterstad, Consiliarius Status, ac per Pomeraniam Iustitiae Praeses. Elector Brandenburgicus Colligatus itidem noster submiserat, Ioannem ab Owerbeck in Euchmedien Baronem, Electoratus Dapiferum ac Consiliarium, Hohensteynen Praefectum, Laurentium Christophorum à Somnicz in Grumzdorf Haeredem, Consiliarium Status, Lauenburgen ac Bitouien Praefectum, Albertum ab Ostaw in Narpkien, Appellationum Ducalis Prussiae Assessorem. Aderat quinetiam Paasbergius à Rege Daniae cum Delegati facultate hic missus, qui tamen acerrime reclamantibus Suecis, nullas in concilio partes obtinere potuit, etsi, ut recipere, vehementius Caesareani contenderent. Bataui quinetiam, seu ut vocant Hollandorum comparebant, Fridericus Dorpius in Curia Hollandiae Consiliarius, ac Ioannes Isbrand Faederati Belgij Aduocatus, tum alij diuersorum Principum ac Rerumpub. Delegati, quos, ut tunc de nominibus cognoscere difficile fuit, sic nunc prolixam inferere nomenclaturam paginae onerosum foret.

Cæpto Actu, ubi instrumenta Delegationum visa, & ad inuicem lecta sunt, partes Principales offerebant Lumbresio, arbitrij iure & modo Iudici, conceptas in scripto Propositiones, seu puncta paciscendi, quæ obiter adnotabo. Requirebant in primo capite Poloni, uti *Decreta in Suecia contra religionem Catholicam ac Sigismundum III. prolem Regiam lata, abrogarentur. Regni Sueciae veris haeredibus interceptio, cum usque fructu compensaretur. Liuania Regno Poloniae redderetur. Dux Curlandia cum omni satisfactione in pristinum statum reduceretur. Damna Regno Poloniae & Mag. Duc. Lith. per bellum illata, sarcirentur. Loca in Prussia* praest.

presidijs infessa euacuaretur. &c. Contra Sueci reposcebant. 360. Prætextum iuris haereditarij in Sueciam penitus abolere, cum plenaria quarumcunque prætensionum abrenuntiatione. Liuania totius iuxta suos limites abscissum. Sumptuum in bellum expensarum compensationem, adharentibus Suecorum universalem amnestiam, tum Patriae, honoribus, bonisque suis restitutionem &c. Sanè cruda vix possibilium materialium congeries, fatifcentis in primo limine Mediationis tormentum. Alacer tamen recipiebat Lumbresius, magnarum rerum praxi imbutus, gnarusque id demum in concilianda pace, quod in mercium licitatione euenire, ut primò intendatur, dein instante emptore remittat pretium, donec in conditos asses venditio definita manet. Vnde æquabili vultu, nec improbat quod Poloni offerrent, nec arguebat quod Sueci postularent, ne præiudicio offenderet. Ac, quia ab inexhausto bonorum fonte Deo procedant omnia, pax vel maximè, quam migraturus è terris fidelibus testamento legauerat Christus; hinc eo nomine per omnes Basilicas solennes indictæ supplicationes, feruebantque votis templi Urbis, & pulpita, tam Catholicorum, quam, quæ sibi Augustana Confessio vendicat. Etiam Ioachimus Pastorius pro pace dicere iussus, in frequenti Legatorum confessu verba fecit, nescio, utrum nobilius Auditoriū nactus, an materiam dicendi. Exstat viri facundi Oratio, sub Titulo *AURORA PACIS* typis Gedanensibus impressa, quâ faustum ut *Aurora Pacis* Patribus Patris congressum, sic negotio finem apprecatus, plerasque eius belli circumstantias exposuit, cum plenioris Historiæ promisso, nisi scriptorem vita destituisset.

Vbi ad essentialia ventum, Sedis Apostolicæ Nuntius, sanè veritus, ne pacis Monasteriensis in Germania exemplo etiam hic Religioni Catholicæ ac Romanæ Sedi aliquod præiudicium emerget, aliquoties Regem adiens obnixè precabatur, uti pro recepto nuper Orthodoxi Regis titulo, *Immunitas Ecclesiastica* cum se præstaret Monarcham, qui quærere quæ Dei sunt, quam quæ sua malit. nec pateretur ut in Regno Poloniae, *Immunitas Ecclesiastica* fieret.



1660. ferus aper deuastaret Vineam Christi, quod consequi necessum foret, si Serenissimus cum heterodoxis Principibus paciscens, Catholicæ Ecclesiæ dignitatem, iura, & incrementum, temporali paci posthabuerit. Pontifici quidem optimo, qui se etiam erronearum Ouium pastorem meminisset, nimium quam dolore, tantum Christiani Sanguinis intra Europam fundi, ac pro paterna mansuetudine id vnicè exoptare, vt tranquillatis dissidijs, satius in gentes quæ Deum non nouerunt, hic furor armorum verteretur: quo tamen zelo domus Dei agitur prouisum Religioni cupit, ne commissæ bellis partes, iniuria & damno Ecclesiæ inter se paciscantur, nempe Prouincias in aliena dominia transcribendo, hæreticam prauitatem de Religione Orthodoxa triumphare permittant. Ferunt Casimirum ducto ex impectoris suspirio, respondisse. *Bis se Regem, primò Electore Cuium, iam nunc restitutione armorum; utroq; modo Supremi Numinis ope, & Dei gratia verissimè. Ergone immemor accepti, pro tot tantisq; beneficijs, nouam cum calo Gigantomachiam inibo? & dum allisus eleuor, contra omnia boni autorem ingratis pugnabo? Absit, unquam mihi cogitatum nefas! imo vero & Regnum, & vitam, & quæ utriusq; potior sumam, Sanctæ Matris Ecclesiæ dignitati ac integritati, infra ponere æquum censeo, idq; re ipsa ostendam.* Sed talia magis tuendis Ecclesiæ luribus, aut in præcauendum, quam vt diffideret Nuntius Summæ Sedis ingerebat, cum & Casimirum tenerrimè erga Religionem Catholicam affectum sciret, & Ecclesia semper abhorrens à sanguine, quæuis dissidia inter fideles conciliare solita sit. Quæ enim vera mater, non prius viscera eripi, quàm infantem suum scindi patiatur? quis, nisi bonus pastor creditarum Ouium incolunitatem, vel propriæ salutis redimat impendio?

Acrior inter profanos disceptatio, prorumpentibus uelut ex Eolico vtre controuersijs: dum vnus quisq; ad metam privati cōmodi tendit: humano more, vt nemo lupum non ex aliena caula saturari, quàm ex sua malit. Notabilis ex

lis ex Suecis difficultas præter alia, dum Sectæ Arrianorū 660. per legem publicam, è Regno Poloniæ proscriptæ, peruicaciter suscepto patrocínio, instant, quominus concessio reditu, ignominia exiliij aboleretur. Deposcebant item grandæ æris summam, in compensationem reddendorum in Prussia fortalitorum, dudum eiusmodi extorsionibus per externa bella, ac respondente successu, asuefacti. Ast responsum. *Concilianda pacis non licitanda iniuri media, cum diuorsior semper amicitia sit, quæ ex aquo & honesto, quàm quæ ex empto comparatur. Tam dedecere Suecos illiberalis stipis facere mentionem, quàm Polonis integrum non esse per eas largitiones se macerare, quos iniquissimum bellum depauperasset.* Verum solers semper in quæstum cupiditas est, & auaritia, in alienas crumenas se vel odoratu immittit. Quadrienio ante Ragocius ad Nigrum Ostrouum armis interior, condictam pecuniæ summā, pro damnis Regno illatis depensurum se receperat, nec præstitit; iam à Scythis male mulctatus, iam à Turcis Principatu Transyluanix detrusus. Manet pro debito Syngrapha nobis, etiam duo ex Transyluanis in Lancutenfi (si benè memini) Fortalitio, obsides attingebantur. Transcribi in se postulant debitum Sueci; negant enixè Cæsareani, bello indubitata occasione quæri metuentes, vbi molestus Creditor repetundarum agit, resq; pacatas Hungariæ interturbat, transcripta nomina in ditionibus Ragocij requirendo. Etiam nostri, quamuis irreperibile debitum censerent, ingenuè tamen imaginarij pretij mentionem recusauere. Tum plura alia distrahebant. Hollandorum Delegati, vt pro Daniæ causa nuper armis, sic nunc rationibus, ne tractatu pacis excluderetur Fridericus, efflictim institere: pro Maxima adferentes, fauces maris Zundt dictas, ante omnia recuperari oportere; deinceps Prusiæ consulendum. Cui ingrato problemati reponebant nostri, Primam creandi hominis Deo fuisse curam, dein creato prouidendi. Prussiam ante omnia & Vistulam fræno exoluendas, tum demum vt liberetur Cronenburgum,



burgum, facile Polonos assensuros, quod ipsis inutile foret nisi in antecessum haud impedita commerciorum defluatione aperiatur.

Consurgebat enim uero permolesta illationum tempestas; Eurippo alicui non absimilis; qui immensitatem vndarum hauriens, iam forbet ut emittat, iam emittit ut resorbeat. Neque minus Socij belli negotium facessabant, haud occultantibus Cæsareanis Gallicæ Mediationis displicentiam, præsertim, ubi pro explorato fuit, Casimirum in gratiam pacis, quibuscumque in Sueciam prætensionibus haud grauatim abscessurum, solo regio titulo ad vitæ tempora contentum; quo demum sublato obice, ex facili cæptos Tractatus concludi posse coniiciebant. Ad hæc, rumor incerto autore perstrinxit, fortè de industria vulgatus, Gallorum Regem Austriacas Prouincias, præcipuè Alsatiâ, cum ingentibus copijs ingressum, terrore armotum extorquendis, quæ suasio non posset. Quæ famæ inania maleuolis spargentibus, etiam credentibus ignaris, Ludouicam Reginam pro scopo publici odij obijciebant, velut ipsa studia pacis Sueco-Poloniæ flagrantius agitans, nouo bello Regem Francorum, cum Domo Austriacâ committere vellet. Unde Lisola passim obloquebatur, seu ad morem nostrum liberius meditata proferendi compositus, seu quo Ministris Imperialibus non segnem operam iactaret, aliquando in confessu Commissariorum Poloniæ grauitè questus. *Quid Imperium Romæ Regno Polonia præstiterit, quouè merito Augustissimus Cæsar Leopoldus, Regem vestrum tanta ope iuuerit Poloni, neque mihi memorare conuenit, neque vobis credo contigit obliuisci. Perdit enim beneficium qui iactat, nisi, quod aduersus immemorem accepti, exprobratione vitæ liceat. Sed transmittite, vos videritis. antea gloriose libertati vestræ, non paria pro acceptis referre consentaneum fuerit? Sed, quid dico paria, contraria exhibetis, malum pro bono reddendo. Nos iurata cum Suecia pacem, causâ vestri postposuimus? Vos, socios belli à quibus adiuti deserentes, depulsam à ceruicibus Re-*

gna

gni hostilitatem, in Sac. Rom. Imp. Prouincias reuoluere co-  
namini? Vobis ab extremo præcipitio subleuandis, non sanguin Germanico, non vitæ pepercimus. Polonia contra scriptorio atramento in nos pugnat, Leges nescio cuius pacis sibi formâs, quas cerebrosus aliquis, et in nomen Austriacum malignus aduocatus dictauerit. Equidem, ut irasceremur Germani Sueci, efficere Poloni potuistis? neutiquam nos, ut Poloni Mediationem gentis amulâ abdicetis, eualebimus? Sanè, piget officij, quod amico haud rependenti exhibueris, pungitque animum reminiscentiâ, sponte malum accersuisse, ingratis opitulando. Sed Romæ Imperium sua Maiestas, ac Germana inuictissimi Imperatoris virtus propugnabit; certè Polonis eius Mediationis penitus introspectenda arcana, ne hæc Gallia officiositas, quanto impensius obtrudatur, eo nocentiore existat. Unde verò irrequisita illi in diffusum Septentrionem beneficia serere? nisi ex impensa semente multiplicem colligere messem intendat? cur elaborata in tempus modestia pro concilianda pace defudat adeo. Gēs, assuetudine ad id solum facta, ut nec ipsa possit, nec quemquam pacatè agere permittat? nisi ut, quod nec Sueci protectione, nec Moschi inuasiōe, nec Ragocius impotenti furore peruenire, subdolis istis artibus, et verborum lenocinijs assequantur. Falsus sim utinam vates, plus ab hac mediatione negotij vobis, quam ab armatis Caroli Sueci exercitibus periculi obuenturum; cum illis etenim acie tantum, ac aperto campo congressi, ab istis tacito, et ex insidijs, imò suismet viribus oppugnabimini. Succedent classico atroces factiones, inquieti motus, tranquillitatis propria indigentia, aliena ruptura, in contendendum cum innocuis impulsus, et nihil vspiciam pacatum. Pax erit sine quiete, turbæ sine respiro, amici et hostes sine delectu, libertas gentis non sine capistro, ac restrictione. Implicabimini necessitate sentiendi ea quæ Gallia velit, et faciendi, quæ Francus expediant. Quid, si Poloniam rursus inter titulos adnumerare volent? quod negando spondere non ausim: solers quippe est circa destinata ambitio, et irrequieta cupiditas. Insubriam Alpes, Liguriâ mare, Nauarrâ Pyrenæi intercludunt, Ar-

Ggg

ragones



1660. ragonos virtute Hispanica tui sunt: Sicilia ac Neapolis Regna ob funestas vespervas fastidiuntur: quidni in protensum Sarmatia clima transplantentur Lilia, ardorem gentis tepore septentrionali misigatura? Ecceur tamen sedulus nimium, nunc amicum vobis prestare ostendit? cur non prius, uti patrator Pacis Stumdorfensis, ab inuasionem Regni vestri Suecum dehortatus est? cur Poloniam de immerita hostilitate non obnuntiavit? cur bello iniquo armis non obstetit? cum posset et debuit pro Guarantia modo, et officio Mediatoris. Quia meliore Status vestro, lapsum amici tractatibus iuuare intendit, postquam cum diu pecunijs et auxilijs contra vos refouisset. Sed esto tractetur pax? quam tamen non omni casu bello potiore esse pronuntiandum: ast, si restitutienda ea; cur non Summi Pontificis uti Oecumenici Christianitatis Pastoris, et cuius est inter lepram ac lepram discernere, standum sententia foret? vel, cur non magis Aug: Imperatori Rom: arbitrium competeret, qui Coronatis capitibus eminentior, primum inter Monarchas Europæ locum obtinet, siniste quid prestiturum Regem Catholicum, Electores Imperij, aut Principes Italia, si modo pre occupatus in Galliam animus, tam imminencia mala, quam emeritura bona, prouida consideratione discuteret. Sed, quis sic vobis deliberatum, fiat sanè? iterum tamen se edicere, eam Mediationem non minus negotij Polonia, quam nuper Protectionem Suetigam, facessituras. Hæc, ex præmeditato, aliquantò post, et scriptum obtulerat, quo in capita redactum nostris exprobrat secessum à partibus, pathos suum amplificabat, Polonos, non modò pristinam amplitudinem Regni, moderna pactione notabiliter concidere, sed quod magis Religioni Catholicæ, Iuribusque Ecclesiæ derogare, nimium: ut qui Liuoniam Suecis transcribentes, Rigensem Archiepiscopatum, Curonensem, Osæliensem, ac alios Orthodoxos Præsulatus, ac Ecclesiæ feuda, admodum malignè Heterodoxis mancipient, non minore scandalo, ac Romanæ Sedis præiudicio. Ad ea responsum, ut sæpè alias, à nostris. Pacis ac belli distinctos Actus esse quorum altero Re-

tero Regna egrescere, altero acceptas plagas persanari. Ita. 1660. tum Regni Polonia ad incitas bello redactum, non nisi pace renoualescere posse, quominus surgentibus aliunde hostibus sufficere possit. De auxilijs latis admodum honorifice sentire, nisi quod eo solo euilescat meritum, dum prestiti nimium autor meminit nam beneficia uti minerales, spiritus euaporant, nisi obtundas: non magis tamen ex usu Poloniæ fuit accepisse auxilia, quam comò Imperij submisisse; etenim nisi iungerentur Germani Polonis, Polonos Suecis iungi necessum fuerat. Cur sic Mediatio Gallica perstringat Imperiales, haud conijcere, certè Casimirum aquissimo animo laturum arbitrium consanguinei Caesaris, si modo ex ordine et forma iuris competeret, ut qui cause immistus partem constituit, legitimè iudicem agere posset. Nequ minus in Pontificem Rom: et quisquis ille patratores negotij se offerat compromissurum, dum modo Pars altera, sacrorum opinionibus à nobis dissidens, Catholicorum Principum arbitria subire vellet. De imminutis finibus Regni, ne nimium sollicitetur Isolani, neminem quippe rebus Poloniæ diligentius satagere, quam se ipsos. Quod Ecclesiæ consultum vellent Austriaci laudauere pietatem nostri, certè zelum imitaturi, nisi in pari argumento similia aliquis suggesset exempla: nempe Caroli V. in Comitibus Spira Anno CH: 1544. Ferdinandi I. transactione Passauiensi Anno CH: 1552. Ferdinandi II. Pace Pragensi Anno CH: 1635. Ferdinandi III. amnestia Ratisbonensi Anno CH: 1641. ac compositione Monasteriensis Anno CH: 1648. et Imperatorum Romanorum, ob bonum pacis in Principes Seculares Feuda Ecclesiæ transcribentium. Neque Hispaniam destitui similibus. Insuper, esse aliquid terrenis potestatibus sublimius et potentius, quod robustissima Monarchiarum corpora premat, et ad extrema adigat.

Figit adamantinos: Summis verticibus dura Necef-

Et quoniam Reginam Ludouicam pro obice statuminandæ pacis rumor publicus substituebat, proin, etsi dolenter acciperet Regina eiusmodi traductiones, ne tamen



omnia inuidiae licerent, apud Ministros Caesareos prolixè per Stephanum Wydzga, Cancellarium suum, suspensiones illas confutauit, palamq; rumoris falsitatem conuicit, ubi Christianissimus Rex firmitudini pacis consulens, obseruandae ac exequendae Fideiussorem se professus, non modo ab omni hostilitate alienus foret, verum in euincendam Principum quos Tractatus comprehenderent securitatem, sub Guarantiae nomine, se posterosq; Galliae Reges innecteret. Equidem, ut mel non habetur sine apum aculeis, sic nec pax sine controuersia.

Subinde, velut diutius rationes pacis propitium caelum protolari nollet, CAROLVS Gustauus Suecorum Rex, ille Martis pullus, & subito emergens Europae terribilissimum climacterico mortalis Scenae expleto curriculo, diem extremum obiit, die XXIII. Februarii Gotteburgi in Schonia. quò de rationibus belli consultaturus, Ordinibus Sueciae Conuentum indixerat. Pugnacem, actu viuidum, magnanimum extitisse in confesso est; si, aut gloriam cum modo, aut iustitiam armorum cum cura respexisset. A prima iuuenta armis innutritus, Imperatorias artes percaluerat, neq; segnius militis munia obiuit, facto pariter & consulto promptus, & tam in curia, quam acie haud otiosus. Affirmant aliqui non vsq; caedibus & sanguine delectatum, donec corrumpere fortuna ingenium, efficiens aduersis ferocem, secundis intractabilem. Sanè ut duritia chalybis satius frangi quam inflecti valet, sic bellax indoles rumpi potuit, quam lubigi facilius. Hinc ex secus vergente rerum successu, ægritudo animi seu apprehensio incessit, deinde languor Febrem quam malignam vocant accersit, quæ per momenta ardentior, sensim tabescens corpusculum in extrema impulit: termino vitae immaturo magis, quam dolendo: consimili ferè talium decessu, quibus, non ex quo fructus armorum spargere lubet, ut in æstu curarum moriantur. Sic finit Carolus, adhuc dum æstuans angustio limite mundi: qui, ut ex fine vitae, intotum vituperari nequit.

nequit; sic, neq; ex initio belli à quoquam iuste laudari potest, cum prouidè admodum contingenti morte paci praelusisset, & victorias, si quæ dici merentur, causæ iniquitate corrupisset. Fortunam inito blandam, medio belli anticipem, in fine deserentem expertus; opinione multorum retenturum fortunam, si disciplinam retinuisset. Eius gesta Sueci ad Alexandri Macedonis, ac Iulij Caesaris hyperbolas extendunt, tanquam prisca æui Imperatorum gloriam præclare factis transcenderit. Certè, parentatum ei per Sueciam luctu maximo, dumq; conditur tumulo, iacti ob memoriam nummi, in quibus diuersi entes viscebantur excusi, cum Inscriptione. *Indomitus pro pace quiescit*

Ut non viuere Carolum constans rumor tulit, sensim <sup>Oliuæ</sup> obortæ tractantium controuersia subsidebant, persanabantq; <sup>Pax conclusa.</sup> opportune (postquam esse desierat à quo metuebatur) animos inualescens confidentia, ut sincerius pro communi bono agere cuncti occiperent. Iam mollius audijt Mediatio, præsertim exhibito per Lumbresium publico Diplomate, quo Christianissimus Rex, ut autorem se eius Fæderis, sic rumpendi vindicem professus, verè Christiano zelo, in procurandam Europæ tranquillitatem se dabat. Etiam Sueci, dum amilsi Regis iactura plus afficit, vel extincti mandata cessant, nuper obstinati decedebant illatis propositionibus; eadem Imperialium ac Electoralium inclinatio, & qui alij ad actum paciscendi pertinuerè, mitescebant; ut breui inter tot fluctuantis negotij Acroceraunia, superatisq; Deo sic volente scopulis, ad felicem Conclusionis Portum, Pax desiderata perduceretur: non vano Oliuæ nomine, quæ semper pro Hieroglifico pacis audijt. Quod salutare opus, vtrò citròq; conditis articulis, (Capitulationes) cum ipsa solennitate Paschatis coincidebat, non sine, euidenti mysterio, ut, quando vniuerso Orbi Deus pacis, trophæa Redemptionis inferret, eodem ipso tempore sublatis contendendum bello populorum dissidijs, infensi ad unitatem animorum reuocarentur. *Et si rei transactæ publicatio.*



1660. blicatio, ad Majum differri debuerit, donec cooperatores negotij, à suis quisq; Principalibus, assensum (Ratificationem) requirunt, & obtinent.

Postquam coalita Pax primum ex fama, dein ex publicis ad diem III. Maij Edictis innotuit, ubiq; orantis populi plausus, festiui ignes, nolarum machinarumq; boatus, ac alia publicæ lætitiæ signa resonabant; communis boni sensu nulla ætate conditione destituta, quin ob cumulatam grandis Pacis bono Patriam, vti primæ causæ, tribuenti Deo, grates ageret. Creditum expugnari afflicti populi votis cælum, clamantis. *O Mucro Domini quousq; non requiesces? ingredi in vaginam tuam, refrigerare, & si le.* Etiam manifestè singularem Numinis providentiam aduertere licebat, Tractatuū interuentu, dum ferocit Moschus, Suecica armia diremisit; ac, ne duo tam grauissimi hostes in Poloniam iungerentur, propè diuinitus diuortiatos. Tum, ne quid ultra post decessum Caroli inter, Borussia Regna bellici turbinis maneret, etiam Danus Rex cum Suecia, condita pace arma posuit, eidem Majo laureata messe debita, qui semper hilaritatis mensis habitus; etiam nunc diuturno armorum tædio fessas gentes, gratissimo Euangelio Pacis, ad diem 27. Maij componebat. Eiusdem Christianissimæ Maiestatis studio & Mediatione, Hugonē à Terlons Hierosolimitanum Equitem, ad patrandum inter infestissima Regna armistitium submittentis,

*Varsa-* Casimirus actis Gedani Pascharis solennibus, dehinc  
*uic Or-* Varsauiam contendit, quo die XI. Iunij veniens, in primar  
*inum* ria Basilicā solennes gratiarum actiones institui voluit, ite  
*Conuo-* dem prospera Supremæ Maiestati in acceptis ferens, cuius  
*catio.* adiutorio in aduersis, muro velut ahenæo, protegebatur. Accurrebat protinus euocatus per Edicta Senatus, vniuersa Curia gratulationibus personante; nisi Lithuani, vt ab usu pacis Suecicæ remotiores, ita propius belli Moschouitici iniurijs admoti, haud inanes querelas iacerent: *ereptos si bi ab hoste Penates & pignora, (howanscio Moschorum Duce Lithua-*

*Lithuaniam qua latè patet armis complexo, cui omni spe desti-* 1660.  
*tuti in victimam traderentur; miseretur proin populi sui Rex Serenissimus indilate, ne sub malleo extrema necessitatis constituit, quam à suis non possent, ab hoste misericordiam implorare cogerentur.* Ad quæ responsum. Ut principia bellorum permittente Deo oriri, sic finem eodem adiuuante imponi: eius beneficium, esse quod graues Regno Sueci, iam hostes esse desissent, neq; desperandum, quin simili exitu Moschi, vel faderibus conciliati ex Lithuania abibunt, vel armis domiti extrudentur.

Sic finij Suecicum in Polonia bellum, æterno Numine, *Que causa belli Suecici.* post elapsum sexennium sanguinolento torrenti, catarrham Pacis obijciente. Cæterum, si altius expendas, quæ tam atrocis belli causa, haud alia occurreret, nisi præteritum in Regnum Sueciæ Casimiri, quod illi paterna hæreditate obuénisset, tituli tantum crassamentum, imaginaria Maiestas, & Serenissimum nihil. Ferunt, præter elatam Caroli indolem, titulum Sueciæ inter duos exdiuidi ægrè ferentem, etiam occulto metu perstrictum, ne grauescens ætate ac prolis exsors æmulus, transcriberet in potentiorē aliquem vicinum, Suecicæ hæreditatis iura: vel gratiā Patriæ melioris resignaret Polonis, non sine colore litigium. Hinc ansam bello, Carolo adnitente vt extorqueret, Casimiro deferente vt rogaretur. Quanti hæc ambitio sterit? quot mortalium strage vtrâq; Regna literarum apices redemere? quouē sanguinis diluuiū aliquot atramenti guttæ pensatæ sunt? sed plurimos memores testesq; habens transmittō; vel ipsam sentire Sueciam credens, acceptaq; vulnera adhuc perlanantem, dum quiescit. Et Sueonas quidem gentē Ciuiliorem experti, positis simul cum armis odijs, in amicitiam Poloni admisimus: neutiquam Gotos, qui olim vniuersi generis humani hostes, ac gens Orbis prædatrix appellari meruere, etiam nuper Poloniæ infestissimi. Etsi, cur sine his Sueci sincerum germen esse non malint, causam non video; nisi ascititiam vetustatem arcessendo, paradoxo







1460. tico Exercitu in hybernis per Podlachiam morato, dehinc primo Vere in Lithuaniam penetrante. Sex Millia Sapiehanæ copiar, Tria Holsaticæ complebant, quæ, dum intra Lithuaniam tendunt, præmissus in antecessum cum VII. cohortibus Ioannes Polanowski Dziasynij Optio, Quingentorum Moschorum agmen apud Słonimum fuderat, cæsis aut captis non paucis. Vnde præter prima boni ominis præludia, edocebant captiui, certaminis cupidum Chowansecium confestim nostris occursum, ut qui intra valla castrorum includi, ac præ aggeribus delitescere, in gloriam putaret. Obsidebat is Sapiehanam Arcem Lachowicze, validis quidem muris, ac strenuo præsidio firmatam, sed cui tolerata per medium annum obsidione, ob depleta annonæ promptuaria, ac pyrii defectum, identidem Præfectus succursum loco, aut cōmeatum militi, crebrius à Duce flagitauerat, dum victus deficit, fatisciente ab inedia fortitudine. Ibant itaq; rescindendo obsidio nostri, cum primo Kmici, Excubias Lithuanicas ducens, dein Skoraszewius Leszczynij Optio, in procinctu hostem, nihil minus quam aperto campo configere paratum, imminere nuntiant. Ergo tractu syluestri & admodum arduo properatum, donec emensi nemus Lithuani, Chowansecium instructa iam acie apud pagum Polonka conspexere subsistentem; cautè admodum is præceperat campum, ab læua interluente palude tutus, atq; adeo in pugnam flagrans; ut donec subsidet nebula, vix manibus temperaret. Nec nostri distulere, partitis aciem Ducibus, uti à dextro Czarnecius, à sinistro latere Sapieha cohortes inueherent; ratione tamen feruorem temperantes, dum quatuor turmis in antecessum prælium auspicari iubent, quo de successu reliquo præiudicium haberi posset. Istæ erant, Wyzelij Palatini Płocensis sub Bartnicio; Marchionis Myszkouij sub Borzęccio, Inciloris Regni sub Skoraszewio; & Braniciij Dapiferi sub Kulako; à quibus, quâ velitatione, quâ strenuo procursu, primò Equestres turmæ Moschorum campo depulsæ sunt, dein binæ legi-

1660. næ legiones peditum, ad præcipiendum lacus aggerem destinatæ, ferro penitus disjeceretur. Iniquior primi successus fors extollit ferocem Chowansecij animum, quantociusq; Equitem, à confinio nemoris reuocatum obijcit aduersis, donec cum machinis acceleraret peditatus: adsunt impigrè isti, & captum à mane prælium ad meridiem sustinent, maximè apud aggerem & paludis extima, nostris grandine telorum noxii. Planè in suspensio exstabat victoria, donec Lithuani vliginosum traiectum superantes, illatis à latere signis, peditem eo loci subsistentem adoriuntur, & fundunt; simul Equitem Czarnecius conturbat. atq; ita virtute numerum superante, fortissimè loco propellunt. Omnis Moscho in peditum fiducia, vnde animo firmus, dum dispallatū recolligit equitem, pedestrem interea cum machinis aciem ferociter immittit, ac non sine spe victoriæ rursus manum conserit; vnde miscetur prælium atrox, ob dispar militiæ genus, grauiter in aduersos hoste incumbente. Quippe vix aliqua nostris peditum Legio, septem non nisi campestres machinæ, vna aut altera Desultorum phalanx: cum contra omne robur Moschis in ignita sclopetariorum acie, prætorianorum densi ordines, sarissophori pedites, & qui præter solita arma, latas secures ab humero pensiles vibrando, ac notabilem fessorum equorumq; stragem edentes, diu ancipitem victoriam facerent: donec pertinaci nostrorum nisu, fuso rursus Equitatu, nec ultra reuocabili, destitutus succursu pedes, interneciva clade succumbit. Qui deus ut in acie steterat, eosdem Ordines moriendo seruauit, sub<sup>Chowansecio vi-</sup> pra Octo Millia deletus; ac, ne in vicini nemoris latebras re-<sup>foris.</sup> fugum agmen se reciperet, protinus submissæ cohortes assyllum excutiebant, ut peditum planè nemo vitam seruare posset. Sczerba penes quem secundæ imperandi partes, viuus in potestatem venit; Zmijow peditatui Præfectus veteranis filis Legionibus, etiam Chowansecium rursus in prælium rediturum sperans, diu victoriam moratus, ubi Legionarij latis securib; (Berdytze) iam sessores, iam equos cōcidunt,



1660. dunt, vel ipso vibrati ferri fulgore quadrupedes perstrin-  
gente; demum & ipse inter confertos interēprus cadit. Cho-  
wanski inclinante sorte ferociam non curam vitæ abdicans,  
primò Lachowicze versus cum duobus filiis cursum inten-  
derat, ast illuc & suos verti, & insequi victores aduertens,  
Vilnam à prodromo duci voluit, dein tortuoso viarum tra-  
ctu, nullibi respiciens aut consistens, donec intra Smolen-  
scij mænia tutum se arbitraretur. multiplicis erroris reus  
Dux, iam quod intra valla hostem non expectasset,  
omnino inuictus; iam liberationem obsessæ Arcis & cla-  
dem suorum, exercitum pariendo, causauisset: utrobique  
temerarius & infelix, amissis supra XV. suorum Mil-  
libus. Causa enormis stragis, ex ingenio gentis, quod Mo-  
schi in exitium obstinati, cæco Andabatarum more ut inec-  
sic finiant, prælia, nihil medium inter victoriam aut cla-  
dem admittentes; utque ipsi pro vita supplicibus parcere  
nescij, sic inclinante alea ultro in ferrum ruentes, mori pu-  
gnando malunt, quam in vitionem sequioris euentus serua-  
ri. Transacta pugna die XXVII. Iunii, in peruigiliū  
SS. Petri & Pauli incidente, auspiciata sanè Polonis sapie-  
SS. Apostolorum solennitate, ac plurium triumphorum,  
sub recurrens solstitium, memorabile anniuersarium. XL  
diuersi modi machinæ, CXLVI. signa militaria capta; ac  
quidquid vel circa Ducem publici æris, vel miles privati  
peculij apud se habuit, omnium ex asse hæredem victorem  
reliquit, nisi pessima ex diuidendi ratio foret, dum fortes  
pugnant, ignaui spolia rapiunt. Neque nostris sine sangui-  
ne vincere contigit, cæsis propè CCC, gregarijs, ex infi-  
gnioribus interempto Casimiro Kulhak, Dapiferi Regni Bra-  
nicipij Optione, tum Iaraczeuio Czarnkouij Oficensis Præ-  
fecti Signifero &c: Andreas Pelczynski è Regia Cohorte,  
Samuel Kobylecki Semenorum Ductor, Vladislaus Krulzew-  
ski, Kałowski, Rostoiowski &c: enormibus bipennium vul-  
neribus fauciati: pari propè Lithuanorum ut opera, sic ia-  
ctura.

A Polan-

A Polonka demum sub concubiam noctem in rescit. 1660.  
dendum Lachouiciorum obsidium properatum, tenebris Lach-  
& nemore festinationem demorante. etsi iam Moschi seu Mos-  
præfaga infortunij mente, seu allapso transactæ cladis nun-  
tio, insomnes ac trepidi agitarint; quouè periculum præ-  
uerterent, sese in casum expediebant, machinas subducen-  
do, conopæa amouendo, aliâque impedimenta conuasan-  
do, haud quaquam ultra diluculum in loco hæsuris; cum  
interim celeritas victoris occupat hæsitantes, ad prima sur-  
gentis lucis cunabula, cohortibus nostris subrus Castra ob-  
sidentium allapsis. Quas, ubi venisse ex Arce conspiciunt,  
summo feruore clamoreque prorumpunt obsessi, inque semi-  
uacua valla incurrunt, quod dum Equites altera parte præ-  
stant, undecumque Moschi præsentis periculo attoniti, quæ quis  
potuit in fugam se coniecere. Dehinc, ad cædem ac præ-  
dam decursum, donec reliquus superueniret Exercitus. Sic  
Chowanfcus campo fusus, & Lachowicze Sapiehanum  
fortalitium diuturna obsidione liberatum fuit, ubi ultra  
lex mentes contemptis hostium assultibus integrum, & ni-  
si fames premeret, defensum mansit. Loco præerat Mi-  
chaël Iudycky Tribunus Rzeczycensis, cuius iam tunc Duces  
egregium inter ardua animum & manum, ex merito lau-  
dauere; ille vicissim palmam Triumpho Ducibus, & sibi li-  
bertatem gratulatus est. Mox locatus per circumiectam  
oram in breue respirium miles, præcipue per hæreditarias  
Sapiehæ ditiones, ipso inuitante, etiam Christianæ pie-  
tatis haud exile specimen exhibente, dum quæ subditos, quæ  
conuenas aggregans, sepulturam cæsorū hostium ex con-  
ducto procurat, terram terrâ contegens; etiam ne ex ea  
cadauerum congerie, noxia Mephitis ærem corrumpere-  
t. Victoriæ nuntium, dum protinus transmittere Regi a-  
gitant Duces, non nihil interuenerat controuersia, adniten-  
te Sapieha uti signa, captiui, ac alia militaris supellex sibi  
penes quem summa Imperij, redderentur: renuit Czarne-  
cius, auxiliarem se non stipendiarium Lithuaniae asserens,  
ac dum

H h h 3



ac dum cunctatur alter, Skoraszewium sine mora expedit, qui in quadriduo Varšaviam deuolans, lætam congregatis isthic Ordinibus nouellam attulerat. Apud Moniales Gal-  
*Nunti- murtio- via.* las lacris intentus Rex agebat, cum ab anhelato nuntio saluta- tus haud resignatis literis, coram altari ingenua prouolui- tur, ac, ne transmissæ quidem ad intima cordis lætitiæ pri- mitias, auctori Deo venerabundus offert: similes pro victoria gratiarum actiones, in potioribus templis institui præcipi- ens. Finijt dehinc Conuocatio Ordinum, in qua Pacis Sue- ticæ Capita lecta, & assensu Ordinum firmata sunt, cuius Instrumenti formula in calcæ operis adnectitur; ac protin- us Vladislaus Rex, Curia Regni Thesaurarius, exhibenda Ratificationi Gedanū; utq; tam Mariæburgū quàm Elbin- gam præsidij Suecorum euacuatæ reciperet, quantocius ablegatus iuit.

*Varša- uia Con- siliarius b. Bich.* Reperio Mareschallum Lubomirium, tantisper in Prul- sia, donec Sueci fortalitij decederent præstolatum, tandem à Rege accitum Varšaviam venisse: quo cum, (per ægritu- dinem absente Generali Potocio), de belli rationibus con- ferri posset. Eximiam huic auctoritatem strenuè admini- strati belli, simul confectæ pacis meritum conciliabant. idem apud militem ex moderato imperio, inter Nobilita- tem infira popularitate venerabilis, (quæ duæ, ut raræ vir- tutes, ita sæpius obliquè perstringunt inuidos) etiam præ- ter multipliciter probatam fidem, consiliorum maturitate præcipuus: is in Sen: consilio de prosequendo bello sen- tentiam promere iussus, posteaquam non improspere pro- fligatum Chowanscium Regi gratulatus esset, ut sequentis ad eundem modū prouenirent, grauitè differuit; voto Re- gis planè assensus, uti Vkrayna primò ac potissimè in sedè belli destinaretur: dein ad media & circumstantias pro- mouendorum armorum delatus, dum sincerius mala Rēp: afficiētia tangit, aut modos obuiandi ingenuè demonstrat, in lapidem offensionis impegit, velut militem in requiren- da stipendia impelleret: eo sensu in Sen: Con: differendo.

*Minus*

*1660.* Minus quidem expedire Ducem, pro militum desiderijs verba *1660.* facere, ast pro Senatorio munere haud reticendū arbitror, inter Campi- primas curas ponendam satisfactionem Exercitus, ne reuelos *dux pro milite agit.* asses extraordinario medio importunè repetens, surgentis belli progressum improvidè moretur. Sed utiq; Dux sum, tam par- uiceps meriti, quàm sanguinis eorum dispensator, nec donati- um pro illis, aut extraordinariam largitionem flagito, sed ut debitum stipis, imo cruentissimæ merces exoluatur, ex ordine iustitiæ reposito: iterum edicens faciendum, priusquam fame- lica multitudo extorquere præsumat, quæ exorari posse diffidet. Quippe enatum petimen hoc perferari aliter, nisi parato ære non potest, & omnino perferare expedit, ut noxium Patriæ sco- pulum, ac belli promouendi obicem, quod infausus præteriti Anni Nexus ostendit, cui me præstandæ satisfactionis vadem obtuli; & nisi hic & nunc Resp: fidem exsoluit, vadimonio irre- titus hæreo: non auctoritate suadendi, non rigore imperij, non fascibus lictorū, suum repetentes coerciturus, quousq; pecunia reponitur. Et idem, ut ex ordine iustitiæ fiat, alterum ex ne- cessitate facere omnino expedit. Bello Moschouitico acernētis, in Vkraynam tendendum est? Digna mehercule animo Regio cogi- tatio, neq; indecorum nobis pacandæ Patriæ studium laborq; hinc pacem promouere, unde bellum influere capit. Ast pru- dens à sine incipit, & præposterè ad victoriam aspirat, quousq; non prius tam suas, quàm hostium vires pernouerit. Respice Ser: Rex Legiones, et, si vacat, singulos reuide gregarios; hunc truncā manū, illum amisso brachio, istum priuatum oculo, aut mutilatū pede comperies; alij vulneribus confessi, enecti mor- bis, agrimoniā languidi, in Te tamen fidem integram, in Patri- am merendi studium, in hostem fortes animos ferunt: sed ne- scio quomodo militaris vigor fatiscit, ubi humani corporis Pa- terfamilias venter, & excitabilis dando feruor, fame & indi- gentia premuntur. Quomodo vero & ego Ducem ijs, & illi mihi exhibeant se milites, simulachra tantum & umbra ho- minum, agrè in longinquam expeditionem trahendi. Nè ve- ro ita nudos hosti obiciamus, respirio & stipendio consouen- di sunt.



disunt. Conquisitio pecuniarum ad *Ærariū* pertinet; probent enimvero industriam *Fiscales*, quid in multiplicandi rationibus profecerint. Sed, quid auctione opus, si publica *Contributiones* ex fide conseruata in integro manent? in quem *Resp*: *usum* ordinauit expendenda *eg*: Hac pro fide mea, ac coram eo *Rege* proferre equum censeo, qui non ex fenestra, aut pagina, similitachra bellorum speculari, sed in *Castris* *eg* acie presens, ut discrimina subire, sic incōmoda militiæ tolerare consueret: quidni intelligat militis sui miseriam, qui laudauit semper constantiam? *eg* munificus largitor ut exigit exemplo fortitudinem, ita premijs indilate soletur virtutem. Haud omnibus sermo is gratus, maximè quo errata *Fisci* perstringebantur, reuelari arcana Status, subdiq; popularium odijs *Ministros Principis*, ut quisq; conscius sibi, haud occultè fremebant, differentes, nimium imputare *Mareschallum*, ut qui *Poloniam* sibi vni *Patriam*, & se solū eiusdem *Filium* videri vellet. Et hīc iam liuoris semen in herbam pullulare cepit, arrectis in virum summum odijs, quæ dein in aristam maturelcent: interim dissimulatione offensam velari oportuit, in tempus aliud seponendam. Nunc, cum & pecunias expedire arduum, & missionem (hanc etenim flagitabat miles) concedere bello instante haud integrum esset, rursus priora ad remedia recurrere visum, ac mulcere militem verbis oportuit, quem præsentī pecunia non possent. Itaq; rationibus *Ærarij* in speciem ventilatis, dum interrimenta *Fisci* accuratius quibus interest premunt, aduocatis in conclaue *Legionum* *Deputatis* responsum fuit. *Responsum de putatis* id penitus *S*: *R*: *Maiestati* accidisse, quod meritissimam militiam, in ipsa penè capiendi brauij meta deficere aduertat, missionem ubi bellum ingruit flagitantem, Verū absit! indolem *Sarmaticam* aliquando virtutis deliquium pati, *eg* post fusos *Scythas*, praefocatos *Rebelles*, deletam *Hunnicam* in *Trasyluano* ferociam, edomitos per *Sexennium* *Suecos*, instantis *Mischouitica* potentia vano metu terreri, itane aduersus *Barbarorum* spicula, ignitam *Cosacorum* grandinem, *Hungarorum* machas

*macharas*, *Gottorum* robur inuicti, ad mentionem *hyperborea* <sup>1660.</sup> turba animis flaccescunt, quorum recenter *XXX. Milli.* vel solē *Lithuanorum* *rorarij* ad internecionem prosligassent. At, meliora de meritissimo *Exercitu*, non sperat modò sed credit *Rex Ser.*, quod post tot labores ac reportatas palmas, expādentē alas *Aquilam Sarmaticam*, eiusdem alitis pulli sequentur alacres, & *victricia* signa à *Balthici* maris littoribus, in extremo *Aquilonaris* *plaga* termino resigent auspiciatò. Quoad stipendia, hec non solum militiam professis, verum etiam qui iam *balthico* soluti, non exoluere propè iniuriam fuerit. Proin, quidquid in parato *Contributionum*, protinus dinumerandum; residuum exoluent *Palatinatus*, seuerissimis in retentores interpositis panis, militari executione vindicandis. Et hoc quidem debili nomine; ceterum, ut munifici in militem *Regis* maneat documentum; quidquid post *Fato* extinctos bonorum *Reip*: possessores, ad dispositionem *Regiam* venit, id omne in *sago* emeritos distribuendum; quod si, nec publica opes munerandis beneficijs sufficiunt, ne mensario quidem argento *Optimū* *Principē* passurum, modo indigentiam militis sui soletur. In eum modum verbis magnifica *Deputatos* tenuere: non quidem ignaros rerum vacua dici; quia tamen, vel umbra *Regum* suorum venerabilis est *Polonis*, ac lenitas *Maiestatis* iniicit compedes animorum, finem requisitioni gratias agendo imponebant; probrum censentes, pro dilatis assibus litigare, in quorum certitudinem, se *Rex* vadem planè constitueret.

Continuatū sub hac in *Lithuania* cum *Moschis* bellū fuit, <sup>Lithuanis arma resumit</sup> ex ante parata victoria resūpto feruore. Refectas perfūcto-  
ria quiete cohortes exciuerant *Sapieha Czarneciusq;* quo in præsens vim verterent nonnihil variantes sententijs: cum insequendum *Chowanſcium* censeret *Polonus*, quominus refugi insistendo vestigijs, populator miles viscera hostilis terræ vno tenore incurfaret, ac retractus ab impetitione alieni hostis, pateretur in proprio, quod peccauerat in alieno: Contra *Lithuanus* peruincebat, non esse quærendū  
lii hostem



1660. hostem qui praesto haberetur; abducere in longinqua Exercitum plenum discriminis, & uti alter Moschorum Dux Dolhoruki, vacuum patente ostio Prouinciam ingrederetur, ei tantum vlti futurum. Primò liberandis popularibus, dein affligendo in suis terris hosti, insisti oportere. Ergo in Dolhorukium ire assensu, bifariam copias quo expedius iter foret diuisere: Lithuanis Sklow versùs, Czarnecio Mohilouiam contendentibus. Populosa municipia ista, in defluentis Borysthenis ripa consistunt, durante Moschis, praeter indacta valida praesidia, sacrorum ac commerciorum rationibus innexa; quae vtrâq; subito incursum tentata, mox necessario abscessu transmitti debuit, festinante huc acceleratis itineribus Dolhorukio, vel sanè nostris gemini loci obsidio imparibus. Copiae proin in vnum apud Mohilouiam contractae sunt, cui impositus cum praesidio *Mohilouia obsessa.* Morozow iunior, circumspicere primam vim excipiebat, ab initio conuiuens, uti per ampla pomeria succederentur, ac ita vni Ciuitati robustior foret propugnanda: dein instituta eruptione nostris congressus, apud pontem dimicauit, Moschis in excursus pedestres promptioribus. Nulla dehinc abibat sine experimento, etiam non extra iacturam dies; praecipue XXIX. Augusti, quâ vnde triginta Lithuani in excubijs obtruncati aut capti, dum soluti agunt. Equidè supra militiae imò humanitatis morem, diuersis Moschi truculentiae exemplis in nostrates saeuire. Ac primò, aliquem Ciuium Winck dictum, ex non obscuro mercaturae quaestu notiozem, velut proderet hosti arcana Urbis, ante munitiones extractis rota visceribus exanimarunt: captiuos diris modis torserunt, equuleo, teste, flumine, perimētes, detruncatos artus, abscissa capita, diffusa in quadam corpora contis infigentes, etiam in cadauera sepulturam negando inhumani: ne in suos quidè mitiore indole. Vltra centenos Moschos compedibus solutos dimiserat Sapientia, seu clementiae exemplo ad paria prouocaturus, seu ne dispendiosam annonae turbam frustra aleret; quos Praefatus

1660. hos Urbis Zmienniki vocans, ne subitus quidem munimentis pernoctari passus, reiecit immisericors, exiliq; panis sportula, quae in vnum diem vix sufficeret impertita, facessere ex conspectu iussit. Multum iam non solum operae, sed sanguinis Mohilouiae impensum erat, cum nouis subinde relationibus confirmatus rumor, oppugnatores alio diuertere coegit: Iuano Dolhoruki Albæ Russiae tutandae imposito, quominus *Lithuanis contra Dolhoruki.* Mohilouiae opitularetur, superueniente. Praesenti non carebat periculo, in Urbis valida haerentes obsidio deprehendi nostros, si praeter locum per effluvia Borysthenis iniquum vna parte munimentis, altera superueniente Exercitu premerentur. Et commodè futura prauidens Dux Lithuanus, ponte amnem in omnem casum constrauerat, interceptis sub obsidium in flumine nauigijs, & accita ex mappalibus vicinis in opus agrestium turba. Postquam in potestate traiectus, ac consensu Ducum superatum flumen est, incelsit non vana fiducia quarendū satius hostem, quam expectandum in loco, tum subinde facilius quæuis Fortalitia subigi posse, si modò occurrentem campo potentiam infregissent. Verum non vsq; Dolhorukium sollicitè quæri oportebat, sua sponte obuium & acceleratè; etsi is postquam transisse flumen nostros intellexerat, accuratè & circumspicere, in congressum omnia disponderet. Vnde occursum Lithuanorum non improvisus illi, ingrata festinatio fuit; ut pòte quos magis in homines quam valla pugnaces sciens, aggeratae telluris glebâ, aut maniorum obiectu, dilineri maluisset. Basia modicus amnis, aut limolo nimium alueo Borystheni influit, vtrâq; ripâ densis confita arbutis, & caeco passim vado profundis voraginibus scatente. Planè conueniebat loci situs cum ingenio Moschi, qui in totum exuta peruicacia, viam circumspeditione, & fortunâ caliditate praeunierat: à Chowanscij indole & progressu bellandi longè diuersus, illo in extremis audaciae, hoc tergiuersationis haerente, & qui cunctatoris speciem ad amuf-



1660 adamussim induisset. Præterfluente leuorsum amne sex  
ferè à Borysthene leucis, tergum Castrorum in-  
densum nemus obuertens, grandium arborum concedi-  
bus strictè implicuerat, fronte vallo operibusq; præmu-  
nitâ, et sic ingruentem hostem expectans, ut si vincere ne-  
quireret, saltem sine ingruentium damno vinci non posset.  
Altera fluminis ripâ consistebant nostri, loci situm dispici-  
entes diu, ac traiectum morati, præsertim omnibus quæ  
sui aut pabulo essent, ea parte circumcirca corruptis. In-  
terea subibant crebrius emissa agemmata, ac subtus Mo-  
schorum Castris insperato comparentes particularibus ex-  
perimentis, aduersæ partis vires & animum pernoscebant.  
Idem vicissim à Moschis factitatum, euentu sub initium se-  
cundiore, ubi geminas Lithuanorum cohortes, quibus ex-  
cubiae obtigerant, depulissent; capto inter alios Hilario  
Czylz, Nobili Sapiehanæ turmæ commilitone. Sic binâ  
hebdomade in mutua virium recognitione consumpta, Du-  
cibus demum nostris sedit consilium differentem certamen  
hostem sine mora aggredi, ne interim per dilationes ac in-  
ediam vigore animorum defluente, opportunitas rei gerẽ-  
dæ intermitteretur. Ad præconium itaq; tubæ obnunti-  
atâ profectio, imperatum curulli famulatio fuit, uti do-  
labras securesq; in promptu haberent, ubi usus monstraret  
protinus expediendas; simul interminata capitis pœna, si  
quis vel excussa sclopo, vel voce elatiore silentium ince-  
dentis Exercitus violasset. Ita, primo conticinio transu-  
datum flumen, Desultorijs è cespite aliquot munitiones re-  
tro eggerentibus, securius firmando tergo, tum quominus  
flumen in potestate haberetur. Vix in vltiore ripa con-  
stitere nostri, cum dubia adhuc dum luce Moschorum vi-  
gilum agmen compareret, & nihil minus quam hostem in  
proximo supponens, ac iocis dictarijsq; per viam colludens,  
propius suggreditur; suborta è palustribus nebula prospe-  
ctum adimento, an fatali aliqua obsurdescencia attonitis,  
ut nec concussæ telluris sono, nec hinnientium equorum  
fremitu,

fremitu, præsentire aciem possent, donec læuo cornu in 1660.  
Metatoris Lithuaniae Pacij alam incurrerent. Hic enim-  
uero immotis signis promptior quisq; prouolat; tergiuer-  
santur Moschi, & planè citra omne experimentum fusi, du-  
ce agminis amisso, ad valla retro se recipiebant, insperato  
tumultu & trepidatione Castra implentes. Quippe multi  
à somno recentes oscitabant adhuc, nisi Dux ipse vigil, fu-  
turum fore supponens quod acciderat, præfestinè excitis  
extra vallum legionibus, aciem obiecisset. Triginta illi <sup>Præliū</sup>  
Moschorum & Cosacorum Millia, igni & ferro armatæ le <sup>cum</sup>  
giones, quibus fideret maximè; etsi ab ingenio suo, & ex-  
tra omnem positus properantiam, tutior existeret. Apud  
nostros idem qui anteacto prælio aciei ordo; Czarnecius  
à dextra, ab læua Pacius, medium Dux ipse tuebatur, im-  
mota subinde acie, nisi quod præmissæ Equestres turmæ,  
hostem ut prolicerent incursabant, attentissimâ Ducum cu-  
râ, ne præcepto loco, summè ad victoriam commodo ab-  
scederent. Sic in conspectum utriq; dati signa expediūt,  
tubis classicum concinentibus. Præludium conflictus à  
densissima telorum grandine capit, confuderatq; nonni-  
hil primos nostrorum ordines, è quadraginta machinis ia-  
culatus hostis: vnde in cornua retrahi acies debuit, scopū  
ictibus subducendo. Et commodè iam concita pulueris  
nubes, iam caligo fumi prospectum libratoribus impedi-  
ebat, ne explodendo anxie obiectos destinarent. Vbi non-  
nihil desederat tormentorum fragor, cum septem cohorti-  
bus Lithuanicis Vladislaus Chalecki, ac Kmici in hostem  
inuesti sunt, qui se pertinaciter primo assultui obiecit;  
quod diutius Poloni immoti hærent pavorem interpre-  
tando, ac victoriam in multitudine consistere ratus: retē-  
tantibus impetum suorum eousq; Ducibus nostris, donec  
æstu prælij, abreptus ille, vniuersam aciem in conflictum  
traxisset. Quod, ut euenit, confestim illatis utroq; cornu  
signis aduersos premunt, telis & gladijs res geritur, vir in  
virum, equus in equum incumbit, quoad primorum Ordini-  
um.



num pertinacia fracta, Equitatus hostilis fluctuare animo, mox ne peditem prælio succedentem recessu confunderet, vagus, demum vela fugæ committit, cui intra pedestrem aciem se recipere conueniebat; sed malè prodromum agit metus, potiori fugientium parte à Lithuanis in lutulentum traiectu oppressa. Ast Dux, etsi ita Equestri præsidio nudatus, nihilo secius tamen pedestrem aciem in aduersos dirigebat, pugnam creberrima machinarum explosione vrens, sortemq; iterato prælio reparaturus. Idem nostris qui supra animus, & præcepta iam ex primo successu vincendi fiducia. Ergo in relumendum certamen dato signo, Czarnecius, ut moris illi, Tygridis pelle conspicuus, ad Regiam hastatorum turmam pervadens, & prensans Signiferum. *Domanicui (inquit) multus labor restat, & inclinat dies, precipiti sole ad victoriam properandum est. Præcuntem me sequere, te socij comitabuntur, utiq; inaniter verbis stimulandi, si præcuntis Ducis exemplum efficacius mouet.* Simul in aduersos incitato equo proruit. Pari & Lithuani feruore in oppositam aciem signa intulere, ea conflictus specie, ut à multitudine pauci velut rete vndiq; inuoluerentur, donec disiectis obstantium ceteruis, ferro viam aperirent. Tali impressione redintegrata aliquoties, nostri Moschis graues, qui præter sæpimentum hastarum, quo se aduersus Equestrem procellam vallauerant, etiam obiectu claustrorum, ericijsq; aculeatis, diu vim sustinebant; præsentem impetentium discrimine, dum in præacutas sudes petitore impingunt equis, (vnde crebra non quadrupedum modo, sed sessorum noxa) donec Hilarius Polubinski Campestris Notarius Lith:, cum fortissima Hastatorum turma hostium latus perfringens, reliquo Exercitui animos adderet; in iteratum assultum ruentibus signis, tantoq; rursus impetu Moschos adortis, ut si in procinctu subsidia adfuissent, simili Potoscensi clade Dolhoruki delebatur. Verum iam æstu prælij, iam fremitu ac fumi caligine, officina aurium oculorumq; turbantibus, adueri in puncto non potuit

uit fatiscentis hostium lateris ruptura: etià Ducibus, dum pugnam in fronte sustinent, remittere vim ob imperendum latus, haud ex usu conflictus censentibus. Hostis subinde creberrimis in nostros telis grandinatus, & iam cladem prope sentiens, adeo dextrè instituebat recessum, uti integris lateribus mediam aciem pedetentim subtrahens, alis dein frontem vertentibus, intermediæ legiones ordines retinebant; et sic consequenter, dum primi secedunt, secundi primorum locum occupant, donec sine confusione intra valla reliquum Exercitum reduceret: prælio circa octauam de mane cæpto, ad serum usq; diei perdurante, Victoriam nostris celsisse haud ambiguum fuit, vel ob solam campi possessionem, quâ fortuna belli nititur. Vltra quatuor Millia Moschorum desiderata, etsi apud vadum notabilis rursus strages appareret, sic constrato cadaueribus amne, vi defluens alueus gemino palmo aquas attolleret obstructus. Ferè Quingenti ex nostris desiderati, Ioannes Zukowski, Gninscij Gnesnensis Præfecti, Stephanus Mankowski Opalinscij, ac Ioannes Podhorecki Wielohurscij Optiones. Michaël Rzewuski globo faucibus, ac Thomas Cieciszowski enormibus confossus vulneribus, demum, post rem strenuè actam, conualuere. Nec Lithuani extra iacturam Sapieha Palatino, dum grandi vulnere succumbit equus discrimen vitæ subeunte, tum alijs memorari dignissimis, si modò de cognomine sanguinem fudentium patuisset. Hic, inter alios in manus venit, Adamus Koszanski Nobilis Lithuanus, ab Equitibus Pacij interceptus, qui sub initia belli ad hostes transfuga, turpi prodicione patriam deseruerat; & quamuis resipiscenciam simulanti, non modo ignouisset Rex, verum & aliquod pagorum feudo hominem nequam obstrinxerit, iterum tamen in priorem perfidiam relapsus, damnabili probro Moschis adhæsit; iam tunc captus, ac militari iudicio palo infigendus, mitigata per sententiam Ducis poena, globis sclopetarijs proditor discerptus fuit.



1660. Pugna ea inter Basiæ ac Prussæ amnium confluentes, die XVIII: Octobris interuenit; coincidente, tam compressi Dolhorukij, quam debellati ad Cudnouia Szeremethi Moschorum Ducum tempore, armorum iniquitate, etiam successu belli sibi conformium.

Dolho-  
ruki ob-  
factur.

Vbi se Castris Dolhoruki inclusit, & validissima munita supra spem expugnandi exstant, lenta obsidij mora & sensim irrepturæ famis beneficio, ad extrema adigendū spes erat: is tamen ante casum prouiderat futuris, conuereratq; pro necessitate annonam, tum alia quæ alendo militi faciunt. Contra nostri, circumiecta ora vastata, ac corruptis quæ usus postulat, com meatu penitus destituebantur; cum plerumq; bellantibus eueniat, ut quam hosti iniuriam inferunt, ipsi sentiunt, & priores fame premuntur, qui famis causa existunt. Ad spatium mensis nihilominus continuatum fuit obsidium, à vallo & fossa pertinaciter pugnantibus Moschis, etiam crebrius minutis ijsq; improuisis eruptionibus, carpere nostros ausis, donec copias abducere Duces statuerent. Quippe, qui pugnando vicebant, sedentario belli genere vincebantur, multis nostrorum per morbos & inedia stratis, sed potissimum pabuli inopiā enectis equis, quos in eam diem cespites tantum, & arborum frondes sustentauerant. Et bisariam allati rumores, consilia Ducum distrahebant. Alij Złotarenkum Tribunum viginti Cosacorum Millia in succursum trahere nuntiabant: rursus Sapiehani velites adtulerant, Chowanscium collectis fugati Exercitus reliquijs, per citeriorem Lithuaniam suppleuisse ad iustum numerum copias, easq; propediem intercipiendo in Borysthene ponti ducturum: utraq; relatione considerabili. Quippe attrito Exercitui, superuenientibus Cosacorum auxilijs, quam improvide pauci aduersus plures dismembrarentur, tam periculose vnum agmen duobus opponi posse videbatur. At Złotarenkij succursu sensim euanescente, & de Moschi per Lithuaniam grassantis famā certiore, in soluendum obsidium assensi

assensi Duces, superato Borysthene in intima Prouinciæ co-  
pias reducere, euulsuri ex vulnere telum, quod rursus Chowanski in visceribus Lithuaniae grassatus infingeret, circumquaq; populabundus. In hunc itaq; iuere diuisim, iam  
annonæ facilius habendæ causâ, iam viæ ob creberrimos  
traiectus accelerandæ; etiam, quominus à gemino latere  
aggressi hostem, semel perterrefactum facilius conficerent. Dum in eo sunt, interim à Lithuanis improspere dimicatum, fugato exploratorio agmine, quod Protaszwic ducebat, laudabiliore ausu quam consilio, in maiorem impigans potentiam (bina Millia Moschorum erant) & loco inter duos lacus iniquissimo. Quo successu Moschi elati pergebant ultra, cum rursus in lex Polonas incidunt cohortes, nihilq; hærent, quin in has quoq; priore animo & fortuna experirentur. Traiectum proteulum ac difficilem superabat Czarnecius, præmiseratq; in ante custodiæ causa, donec pontem cum copijs eluctatur; cum istas Moschi numero prævalentes vrger, & ad radices portis repellunt, quoad submissum cum Michaële Kozubski auxilium sortem correxisset, infregissetq; pertinaciam, cōspectus in prociectu Exercitus; vnde subito signis & animis retrouersis, in effusissimam fugam se Moschi coniecere. Insecuti gemino Milliari Poloni ad satietatem vlti sunt, nonnullis pridie captiuis ab hoste in libertatem vindicatis, ac vnde quadraginta Moschorum captis. Ex nostris interiøre Luszczewski, Skorupski, Pałuski, Wolk: &c: Czeski ac Marchocki atrocibus vulneribus semineces, à quibus dein vitam posuerunt.

Nec defuit vltiori successui Czarnecius, obnuntiatis contestim Lithuanis, uti copias in hostem sociarent, ipse sine mora subitus Moschorum Castra primo diluculo ingressus. Vrebat iugiter Chowanscium accepta apud Polonkam plaga, vnde abolendæ ignominiae cupidus, iterandi certaminis consilia acerrimè agitabat; nisi rursus iam præterita cum præsentibus conferens, iam pridiana Equitatus sui depulsione terrefactus, maluisset videri retrocessu  
K k k timidus,



1660. timidus, quàm infelix experimento. Attamen quò superesse animum ostentaret, Equitatum primò, etiam machinas in aduersos eduxit, opposuitq; velut pugnaturus: dein serò diei in Castra cum copijs secedens, & traiectum perdit, & campum firmissimis in noctem retinebat excubijs. Itidem, sub dio nostris traducta nox, aduentum Lithuanorum præstolantibus, cum interea luculenti in Castris hostium ignes, suspicionem haud quieram agitantium fecere: dein creditum, ex concussæ telluris strepitu educi in pugnam copias, maiori victoriæ spe manum cum paucis conferturas, dum Lithuani absunt, & expeditiore per noctem actu, ubi dies tempus confligendi negauisset. Cum interim Moschus diffidentia resistendi, auersâ viâ & silenter, qua potuit festinatione, subducto Exercitu, Polociam versus retendit. Persenserant insomnes nostri abscessum, sed quoniam nox amica dolis est, distulere in diem consilium insequendi, vel pontem (iuxta prouerbum,) fugienti internendum censes. Vbi illuxit, & præmissi, hostes & insidijs vacua omnia renuntiant, tum demum Palatinus accuratè ordinatas Legiones Castris admouet, comminatio seuerè perredictum milite, ne quis iniussu Ducis Castra intraret, stationes nisi quæ sortitò obuenirent vsurparet, captiuis cædes, ignemue casis intentaret, in transgressos interminata suspendij pæna. Legionem interea Desultorum sub Terwino, ac Kobyleccij Semenose prægredi, ac portas stationibus firmare iubet; dehinc Albertum Strzałkowski, Dimensoris (Quater Magister) officio fungentem immittit; qui, postquam ex dimenso consistentias, ac si in oppido aliquo, per vicos ac compita distribuisset, tum demum præeunte Duce cohortes Castra ingressæ sunt, ac vnaquæq; in stationibus locatæ, victui pabuloq; necessaria isthic reperere; cum Chowanscius, vulgato Mag: Ducis eas in oras aduentu, vel sola ex conquisitis comitatibus prouidentia laude, noxam amissi Exercitus concupisset. Quod verò abiens non corrupisset subiecto igne

Moschu  
Castra su-  
per de  
fuit.

ut desti-

1660. ut destinauerat, coorta sub noctem imbrium vis vetuit, eadem Moschis salutaris existens, dum militem ab insecutione, nimium immadescens humo auertit. Ita nostri, admodum commodè sub tentoria casasq; hosti structas diuertentes, continuo sex mensium labore attriti, molestias grauescentis autumnus aliquantum solati sunt; post octidui moram, Polocko versus signa mouente Palatino, cui Chowanscius vti natura munitissimo loco filius, se suosq; commiserat. Aderant in breui & Lithuani, ultra tria pedum Mill. in obsidium admovente Sapieha, & laudabili exemplo impensas belli è priuato peculio sustinente: nisi irremisso actu lassatus miles, & eadem in hyemem defluentis temporis ratio, à diuturno & vix possibili opere aggrestores dehortaretur. Itaq; per adflua flum: Dzwina locatæ legiones sunt: eminus cōstringendo hosti intentæ, dum Equestres alæ, per viarum compendia circumquaq; incurantes, passus præscindunt, & omnem spem tam commutuum, quàm auxiliorum obsecris importandorum, attentissima curâ excludunt.

Ea forte, vti memoravi, retusa in Lithuania Moschorum potentia, iam nunc recensendis Poloni Martis operibus per Vkraynam accingor, cuius status in præsens exstitit eiusmodi. Malè habuit Moschum plebis Vkraynenfis in partes Reip: abstractio; sed peius plebem collata recenter Cosacis Nobilitatis Polonæ decora, nimisq; mouebant inuidiam impertita æqualibus à Rege Feuda, tituli, possessiones, ac in paginis relucens concessorum stemmatum picturæ; dolebantq; supra se Comitiorum placito, attolli eiusdem sortis homines, vti dominarentur contribulibus, priuilegia Regis iactantes. E re id Moschorum, aliena dissidia in sua commoda vertentium, eò magis, quòd Scythæ sepositæ interim alieni curâ, desides agerent; & Wyhouij inter Cosacos autoritas, sine armis propemodum euilesce-  
ret Ergo istum, postquam à partibus Reip: seducere Moschi nequeunt, neq; is latum vnguem diuelli haud in-

Kkk 2

tegrum



1669 tegrum sibi existimat, amouendum à regimine Exercitus Zaporoscensis censuere; existente ad manum æmulo Georgio Chmielnicki, ex ratione ætatis ad placitum gentis flexibili, & si displiceret, facile deponendum. Hunc igitur velut successiuo lure, in regimen Cosacorum, & hostilitatē Poloniæ substituunt, Ducemq; creatum, donis, illicijs, fauoribus extollunt, iuuenta rudem, & quæ insinuarentur per simplicitatem obnoxium. Quem inter Cosacos rebus potiri summo plebis applausu accepta res; quodque iuuenem clarissimum, Patre orbem, à fortuna desertum, in pristinum statum Magnus Dux attolleret, haud vulgaris beneficentiæ loco erat, in populo cuncta extrinsecè æstimante. Amotis proin ex veteri familiaritate iuuenis adstitibus, formando imbuendoq; datus Cieciura, homo insulsus & turbidus, ac stolidus quadam ferocia pro Moschis obstinatus. Is verò, quo animo partes assereret monstraturus, Georgium Niemierycz Kijouiensē Succamerariū, (qui se, vbi per amplum illi patrimonium, in Vkraynam contulerat, ac nuper in Comitij Varlauiæ à Cosacis fidē Reipublicæ amplexis Orator dixisset,) de industria obiecta dissidij causa, enormiter per complices sceleris trucidauit; cæde viri Nobilis nefaria, nisi quod iusta Nemesis sceleribus breues treugas concedat, ut dilationem poenæ gravitate compenset. Perpetratum facinus sicario impune fuit, non modo ad similia cōiuentibus Moschis, verum è pristino dominationis rigore plurimum remittentibus, tam ut demulcerent plebem per indulgentiā, quam inescarent potiores per impunitatem, modò à partibus nostris & obsequio auerterent. Et paulo ante eodē Cieciurā antesignano, supra XXX. Mill: plebis armatæ, bellum in Wyhouium apertè deposcebant, quare desperata, fidissimis suorum nudatus, ac per Scytharum absentiam æmulo impar, relicta Czehryni vxore, Barium, quominus isthac ciceret ex Polonia auxilium, prouidens futuris secesserat. Interim, quid sperandum ipsi, quid metuendum patuit, vbi Daniel Patruelis, per insidias captus, ac enormi

1660. ac enormi truciulentia, eliquato argento in os auresq; infuso, eminenti demum palo suffixus fuit; suo casu commotens Ducem, uti faciendis consulere cautiore, qui sic ob leuidentem scriptum vapulasset. Cædem, iubenti Chmielnickio imputauere aliqui, palam fuit ab exlege Cieciurā patratam; cum Chmielnickius, in partes Moschorum, tantum quod validiores in præsens essent inclinaret, multis indicijs non vsq; à Rep: auersum ostendens, maxime vbi aliquot cohortes Polonas, Wyhouio tantisper assistentes, ex Vkrayna præbito comitatu liberas digredi permittit. Etsi sequentia discreparent, siquidem molitus Wyhouio exitum, simulauit omnimodè diuortiatum se à Moschis, inq; Regias partes propendere, vsq; adeo bellè prolopopæia functus, uti ficti recessus imagine Wyhouiæ imposteret, quominus fraudi obnoxia mulier, tanquam mariti amicum admitteret Czehryniā, reciperetq; serpentem sinu: qui mox noxius hospes, laruam deponens, post oppidum, arcem, uti Patrimonium proprium tradi sibi imperauit, relictas Patris opes isthac requirens, quæ tutor sibi Wyhouius in depositum recepisset. In eum modum adornato dolo, Czehrynia cum præsidio, & decennali bello conflata opes in manus venere, deniq; & Wyhouius maiore sui parte captiuus exstitit, vxore in detentione manente.

Sic, quā recenti Zaporoscensium Duce, quā tota Vkrayna sibi deuinctis, eo gnauius Moschi apparabant in Poloniā bellum, susceptas in Lithuania clades, & perfunctoriam quæ mox sarciri posset plagam, minoris æstimando. Dux belli Iwanus Szeremeth, maioribus sago præclaris, & qui diuersis expeditionibus ipse, non obscuro nomine Imperatoriarum artium specimen exhibuerat. Aderant lateri & consilio adiuncti, Ioannes Pawłowicz Akinhoff, Gregorius Kozłowski, Duces & Palatini, Alexim. Sczerbaty, Welikogagin, ac Morozow Castellani, præter innumeros Tribunos militiæ ac Dapiferos, quibus sub diuersis officiorum vocabulis, viginti septem Millia Moschorum parabant.



1660. bant: Cosacorum in duos Duces legiones diuidebantur, anterioris Vkraynae ducebat (viri memoravi) Chmielnicki, sed qui distinendis Scythiis obiectus remansit; ulterioris Cieciura, ultra Triginta Millia Transborysthenianae plebis armaverat. Quae copiae, acto apud Kijouiam armilustrio, ut a Seremetho recensitae sunt, protinus in consilium vocatis primoribus, deprosequendo bello incunctanter deliberavit; etsi cum absoluta potestate ac imperio, in eam expeditionem a Mag: Duc: missus esset; additis insuper mandatis, uti occasionum non segnis, arma expediendo quantocius Polonos praeueniret. Quo tam excellenti de se iudicio alacer, qualemcumque suorum sententiam experiri decreuit, rem per se ex destinato concludurus. Ac primo ad Cieciuram versus, quid sentiret promere iussit, uti dignatione suum in hominem animum monstraret. Penes te (inquit) carum Caesari meo caput; aperiendi sensus de bello Polonus inferendo initium esto? cuius virtute ut germen foretiter, sic consummandum feliciter, ominari licet. Expone prudens meditati consilij rationes, quas nunc suasor, mox actor ferro intrepidè exequaris? Ad ea Cosacus, iam delato honore tumens, rursus quae proferret rudis ac stolidus, moroso identidem risu differebat responsum, donec tacentibus cunctis, se recolligens. Lachi (inquit) meticulosi fortes videntur, at frontem contra vertentibus pusillanimes sunt, et quae Crocodili natura, discrimen intentant, non resistent. Istos iam invincibilis Mag: Caesaris nostri potentia, iam insuperabilis fortuna, in sero reparandam, erepta Lithuania, protrusit iacturam: Nos dominatu Vkraynae, et quidquid sub nomine Russia audit, planè excussimus, Suecus Prussia praecisis pernis multavit, nec iam quid ultra fractis et excordibus superest nisi ut veteres plagas lingentes, aduersum consurgētia bella animo viribus existant mutilati &c. Ad hac, quod pro cōperto est, urgēt interna mala miseros; Nobilitas discordijs misceatur, milites ferro retēta exigit stipendia, plebs exactionibus grauata succumbit: quidni exsuccam sine nummis, sine consilio, Regionem, sed omni-

sed omnigena frugis locupletem, inuolamus quantocius? velut in ades Patrefamilias separato, et patulis foribus undecumque introitum permissuris. Enimuero audendum et agendum censeo, quae dixi opere comprobaturus; interim summi Ducis imperia attentè auscultando. Saliuam mouit Seremetho Cieciurae oratio, uti destinatis suis conformis; cui haud obscuro nutu arridens, etiam permulti plausum addidēre. Vnus erat Kniaz Kozłowski recens ab Humanio accitus, qui singula considerans, quam ut omnia laudaret, rectitudinem consilij vlu & ratione meritis, in proposita materia taliter disseruit. Verba (inquit) et promptioris lingua exuberantiam, ne pro opere computaueris Dux inclite: multum quippe distant, prolixè loqui, et strenuè agere; is demum bonus militus persunctus officio censebitur, qui ante discrimen sermonem, rationi contemperans, manus indecretorium momentum paratas seruat. Quantum Poloni viribus valeant, nulli magis quam tibi apprimè notum scio: mihi in singula inquirendi curiositatem non usurpo, sat sub imperio tuo praestiturus, si quem in pugna locum assignaueris, vel viuis fixa statione tuear, vel casus cadauere occupem? Iam verò Inuictissimi Caesaris nostri felicitati imputandum censeo, quod Poloni in recuperationem Vkraynae, quam illi lacte et melle fluentem terram vocant, turbis fortè domesticis distenti, nondum compareant. Non tamen desidiā omnino, aut metum interpretari fas est, quando composita cum Suecis pace de industria fortè moras trabunt, quominus relictis viribus occurrentes nobis, itinerum longinquitate fessos, firmitus adorianur. Quo supposito, Vkrayna nobis manibus pedibusque retinenda est; hic viuere et vincere ius; et propior in debellandum hostem gradus, prouisa ne vinci contingat securitate. Nam locis munitis inexpugnabiles, cui bono in patentia camporum festinamus, parulum periculis et fami theatrum &c. Ast exequendis imperijs natus, prudentiam Tuam et circumspeditionem appello Dux, uti sic Poloniam impetere velis, ne omnino excedere Vkrayna adducaris: Ingratè ea Seremethus accepit, mox abrumpens colloqui-



um, ne diuersitas opinionum imperio in omnes derogaret; optioq; sentiendi quæ quisq; veller, pluribus communicata, minueret auctoritatem. Produnt eius belli Commentarij, increpito acrioribus verbis Kozłouio, tanquam imbelli effato Maiestatem Mag: Ducis violasset, ac indictâ Cracouiâ versus protectione consilium Ducem soluisse; simul in detestabilem, & si liceret reticendam blasphemiam nefario ore impigisse. *Ne tu inquit (ad imaginem Christi conuersus) ultra mihi habebis loco & nomine Saluatoris dignandus, nisi Regnum Regemq; Polonia, protinus mihi in manum tradas, magno Czara meo exhibendum.* Cohorruere qui aderant ad proiectissimæ impietatis verba, repertis qui prolati inconsideratè sermonis admonerent; is tamen nefarium effatum aut Sardonicho risu interpunxit, aut graui in monitores supercilio suppressit; insita Moschis contra sacra acerbicare: cum & Chowanscius in Lithuania similiter, dereptam collo D. Nicolai imaginem, in pœnam sequioris prælij insanienti propior fustigauerit. Itaq; Seremethus ultra sexaginta Milliū Exercitus Ductor, compari reliquo apparatu Kijouiâ mouit, cum interea Chmielniczenko concitantibiq; plebem armaret, huic iungendus; crebriusq; vacanti propediem socianda arma promitteret.

*Poloni  
Moschi  
occur-  
runt.*

Nec segnius Duces Poloni comparabant se in occursum, licet manifestè constaret, impares hostili potentia vires obijci: vnde multorum opinio fuit, Casimirum Regem, vel ob solam copiarum exilitatem, ex via Varſauiam retrovertisse, qui nuper enuntiata ad bellum præsentia sua, ad vsq; Samboriam penetrauerat. Nunc Stanislaus Potocki Palatinus Cracouiensis, ac Generalis Exercituum Dux, Diuisione sua statim Pocucianis excita, in plebis circa Tyram disturbia intendebat; prædatorum globis Podoliam & Wolhyniam, (aliquo extrema è fece populi Oleſzcone antefignano) ferro & flamma persultantibus, qui tamen Ostrogia ab Christophoro Lasko cum ala Equestri immisso, tempestiue oppressi barbarum pœnas dedere. Subinde à dis-

*sua*

sita Prussia, proserpebant Mareschalli legiones, in quibus a. 1660. gendi robur & fiducia, planè ad flatum venti mobiles, non corporibus, non armis, non vestitu refectus pro necessitate miles. Vt his inclementia Aerarij deseruitos asses tentauerit, attingi supra, futili Assignationum commento elusis; & nisi aliqui Tribunorum è privato peculio indigentiam suorum refouissent, carituram omnino Remp: ea militiâ palam erat. Nunc Mareschallus per longinqua ductos, in breue respirium per Wolhyniam dispartierat; ipse interim apud Kryłow Equitem contrahens, maximè rem armamentariâ in loco præstolatus, quæ penuria sumptuum sat tardè, nec pro tanti belli exigentia procedebat. Generalis sub hæc ad Tarnopolim auxilia Scytharum operiebatur, etsi regressus Casimiri, non iuxta placitum Hani accideret; is tamen Nuradin Sultan fratrem, cum XX. Mill. Scytharum submittebat, ethnicum quidem subsidium, nec tanè ex decoro Orthodoxis accersendū; ast, inter aduersa Poloniæ sincerius amicū, dumq; Christiani oppugnant, ex ratione necessitatis acceptabile. Etiam quantocius expediri arma perurgebat Ioannes Wyhowski, regimine Zaporoscensium simul & vxore priuatus, iam tum Barij intima; quæq; hostium consilia speculando, cum Exercitum à suis desertus, viribus augere non posset, suasu in opus impellebat. Quoniâverò ea magni momēti expeditio, & extraneis sciri, & posteritati tradi singillatim meretur, quantatam virium, quiuè Proceres bello memorabili interfuerint, adieciſſe pretium operi puto: præcipuo Annalium munere, vt dum præclarè factis memoriam tribuunt, æmulationem incendant posterorum. Præter Duces Potocium, ac Lubomirscium, eminebant magni nominis Heroes, Illustrissimus Ioannes Sobieski Supremus Regni Vexillifer; Ioannes Zamoyſki Palatinus Sandomiriensis, cui in Legiones Germanicum ad morem militantes directio; Demetrius Dux Wilniowiecki, Belzensis; Michaël Dux Czartoryski, Bracłauiensis, Ioannes Wyhowski Kijouiensis; Casimirus



1660. Bieniewski Czerniechouienſis; Palatini, Stanislaus Iablonowski Excubiarum; Andreas Potocki Caſtrorum Praefe-  
cti; Ioannes Sapieha Notarius Campeſtris Regni; Stani-  
ſlaus Lubomirski Scepulienſis Gubernator; tum Andreas  
Halicienſis, Felix Craſnoſtauſis Praefeſti, Iacobus, Domini-  
cus, Carolus, Franciſcus, Potocij fratres; ultra quam Equo  
Troiano, facundiore in bellum Pilauitarum ſtirpe; etiam  
Martinus Zamoyſki Dapiſer Leopoliſis; Samuel Leſzczyn-  
ski Luceorienſis, Adamus Działyński Bratianenſis, Dami-  
ſowicz Pracouiſis, Praefeſti; Conſtantine Dux Wiſnio-  
wiecki, Ballabanus &c. alarum Equeſtrium Ductores. Ge-  
minas item Equitum Germanicorum phalanges Stephanus  
Baro de Oedt Mareſchalci Regni; alteram Henricus Gor-  
dan Marchio Hantiłai, Zamocij Palatini ductauere. De-  
ſultorijs imperia dabant, Bokun Nobilis Lino; Iosephus  
Łaczynski uetus eius militiæ Colonellus, ac Iacobus Giſla,  
praeter aliorum eius generis turmas. Peditatus conſtabat  
XII. legionibus. Prima Erneſti Grothauſen ut uocant  
Infanteriæ Generalis Maioris; Alberti Korycki Succame-  
rarij Chełminenſis; Stephani Niemierycz Succamerarij  
Kijouiſis; Ioannis Pauli Celarij; ac Deboij Tribunorum  
Zamocij Palatini ſub Dawizono; Campiducis Lubomir-  
ſcij ſub Ochabo; Stabulo Praefeſti Lubomirſcij ſub Wol-  
raben; Sapiehae Notarij ſub Linkauzo; Palatini Califfien-  
ſis ſub Erlero; Ducis item Radiuilli Pincernæ Lithuanie  
ſub N. locum tenentibus. Duodecima conſequebatur ma-  
chinas, & quæ huc ſpectant, ſub Fröhholdo à Ludinghauſen  
Wolff Dynemburgenſi Praefeſto, iam nunc poſt deceſſum  
Grodzicij (quem in ipſo belli Suecici decurſu morte inter-  
ceptum memorauimus) in curam rei armamentariæ ſubſtituto.  
Aderant praeter in ſynopſi poſitos, famæ excellentis & me-  
ritorum plurimi, quos ſingulos ad inſigne cuiusq; faci-  
nus, haud omiſſurus ſum de nomine & opere ponendos.

In procinctu Moſchos aſſeſſe, praeter crebras ſpecula-  
torum relationes, etiam ſagacior aliquis explorator (à tri-  
mſtri

meſtri inter Coſacos animi morumq; ſimulatione fallens, 1660.  
& poſtquam aptè impoſuerat, cuncta intimius ſub Deyne-  
ki nomine ſcrutatus) hoſtilibus apud Korelniam Caſtris,  
elapſus, adferebat. Ad propinqui hoſtis nuntium, ſum-  
ma mox Exercitus promptitudo, & inſolitus animorū ter-  
uor conſpiciebatur, ut qui modo incommodis & laborib;  
fracti, morbis aut itinere languentes, etiam ex indigentia  
queruli, iam nunc in certamen ſagantes lætiq; quod ho-  
ſtis non quaerendus compareret, compendium laborū ſibi  
ex occuſu gratulabantur. Vnum tardabat, Generalem  
Potocium pertinaci febre in ante correptum, periculofi-  
ore Symptomate, ubi frigefcens annis corpusculum, irre-  
miſſo morbi ardore uehementius inflammaretur: unde  
plurimum ſuaſus, uti æger domum ſe reciperet, confirma-  
ta demum ualetudine Patriæ operam nauaturus. Neq; id  
tantum Medicorum peritiſſimi, uerum & fideliſſimi amico-  
rum ingerebant; parceret ſanitati tot palmarum bellator,  
neu placitis cæli, unde in hominem bona aut aduerſa uale-  
tudo inſluit obluſtaretur: iam uero non tam uictoriæ quàm  
Patriæ plurimum intereſſe, priſtinæ eum ualetitudini reddi,  
qui plus ad omnem caſum erigendum præſtabit incolu-  
mis, quàm æger ad uincendum conferre poſſet. Quod re-  
trouertendi mentionem abnueret, id etiam Moſchos enixe  
velle, uti diuturna ægitudine preſſo Duci obijciantur. Aſt  
quando morbus grauēſcit, neceſſario reditu ſanitatem re-  
pararet, demum reſecto corpore, ad Exercitum & trium-  
phum, uti autor reuerſurus, Quæ à potioribus etiam Ma-  
reſchallo dicta, non proſus ad placitum Generalis erant;  
itaq; dum nec equo inſidere, nec ſtare pedibus morbus per-  
mittit, uicta in tempus languoris pertinaciâ, medium ſe in  
ferculo erigens, ad circumſtantes inſit. *Absit precari Cō-  
miltones, ut Senator Cuius, Dux Exercitū, & ſanguinis veſtræ  
promus, creditam mihi Spartam deſeram; idq; eo tempore,  
quando & occini clauſicum audio, & collatis ſignis in hoſtem e-  
undum eſt. Egone à decimo ſeptimo ætatis anno in militiam*  
Lii 2 transfer-



transcriptus? *Et per omnia bella Patria præfens, in hoc ætate  
ultra sexagesimum tropico, in Supremo Imperij militaris gra-  
du, tam tenaciter vita mea consulam? ut dum consulo, inter  
parietinas domus in gloriæ mortar? Auertant eam boni Supe-  
ri mentem, ut in decursu dierum adeo sollicitè parcam transitoria  
vita, qui ex bellatrici domus mea disciplina, per vulnera & di-  
scrimina, ad scopum vera gloriæ aspirare didici. Equidem,  
malè transactam ætatem posuerim, non vacillantis modo ani-  
mi à Posteris, verum & degeneris à Maioribus indolis, probum  
laturus. Sat natura vixi, eccur honori & Imperatorie mor-  
ti annorum plenus non occurram? Eat hic mecum animus, &  
quia defectæ vires arma adimunt, vel extremo halitu in hostem  
pugnabo, iustam in fœdis fragum Nemesim prouocaturus. De-  
sinite proin Commilitones cogere, ut quod suadetis, etiam fortè  
Moschus vult, faciam; ne dum ego regredior, fugam ille insti-  
tuisse Ducem Polonum arbitretur. His dictis, strato iterum  
recumbens, ante principia legionum deferri se lecticarij  
iussit; exorato in antecessum Mareschallo, quominus tota-  
le dirigendi Exercitus regimen, uti Collega Imperij labo-  
rumq; socius, consilijs suis moderaretur.*

*Ad Lu-  
barum  
congre-  
sus.*

Lubarum seu Lubartouia Wofhyniæ oppidum, primò  
conditori nomen debet, à Lubarto Regis Iagiellonis fratre  
conditum, qui Prouinciā amplā & fertilem Nouenis  
fratribus incolendam permiserat: fortè, ut ab ambitu pol-  
fidendæ Lithuanix eminens amoueret. Hic Moschorum  
copijs peruadentibus in præcursores primò inciderant Scy-  
thæ; mox non segnius nostri occursum instituebant, haud  
ambigentes fortunæ aleam protinus indilato conflictu iac-  
endam; cum censeatur apud militares inconueniens, pu-  
gnam detrectare eum, qui prior aggreditur. Et id quidem  
animi Seremetho erat, nisi vel insperato nostrorum occur-  
su terrefactus, vel alicuius transfugæ relatione admonitus  
propositū mutasset, uti non acie, sed vallo, carraginisq; præ-  
sidio in decretorium certamen descenderet. Subinde Cæ-  
pestris Notarius Sapieha, cum bis Mill: Scythis prægressus,  
primò

primò disiecerat strenuè Moschorum Excubias, dein situm: 460.  
loci commodamq; circumiectā plagā locandis Castris pla-  
niciem comperiens, Mareschallo retulerat. XVII. Septē-  
bris inclusum vallo hostem, campo diffidere comper-  
tum fuit, vnde molestum nostris cauo vulpem extrahe-  
re; summo tamen feruore ordinata Polonorum acies.,  
Castris hostium admota est, cunctis, si Moschi detrecta-  
rent pugnam, primò impetu ac totis viribus adoriendos  
consentibus: in quem usum Legiones peditum in campum  
eductæ, ac machinæ è vestigio alarum Equestrium proce-  
debant. Nihil ad hæc Moschi, à summitate tantum valli  
prospectantes; cum interim velites nostri in singulares ex-  
cursus prouocarent, eo subitus Castra inuecti, vnde, non cla-  
mores modò pugnam poscentium, verum etiam metum,  
exprobrantium impropria audirentur. Sub hæc Gene-  
ralis, magnitudine animi haud dubiè vim morbi profligā-  
te, inequum translatus, duorumq; familiarium valentiore  
brachio fultus, non citra prodigium, incurrere alas in ob-  
iectum hostem disponebat, curas prælij cum Mareschallo  
partiēdo: qui in eum ordinem disposuerat aciem. Pa-  
latinus Belzensis Wisniouiecicus, cum Constantino eiusdem  
sanguinis Duce, tum Kijouienſe Palatino Wyhouio, addi-  
tis Bokuni ac Gissæ Desultoriorum manipulis, dextram a-  
lam tenuere in campeſtria intenti, vnde Cosacos in succur-  
sum tendere, diuersæ relationes afferebant. Medio aciei pe-  
ditū robur processit; ab læua Equitatu incubente Moschis,  
quos uti videre erat, summa cōtentione Præfecti in conferen-  
dam manum extra vallū impellebant. Et tunc quidē per-  
functorio certamine res transacta fuit, hoste ad primum co-  
hortium assultum, intra valla se recipiente, non tamen ut  
aleam detrectaret, sed differret. Vbi verò nostri vallum o-  
bijci, in quod impetum exererent vident, etiam hūc sum-  
mo feruore illati transversalem, fossam portæ contiguam  
occuparunt, facili intra Castra irruptione, si modo subsidia  
adessent. Sic ea die ad vesp̄eram vsq; protracta, licet im-  
pari



1660. pari Marte, dimicatio fuit: resq; egregie gesta compluribus in laudem vertit; reprehensionem meruit præceps Grothausi Tribuni assultus, quod iniussus in pugnam descendens, ultra imperia Ducum non sine periculo aliorum, fortis videri voluerit. Flagrans is prælio, in euolutos à latere Cosacos legionem verterat, pellebatq; maiorem turbam animosè, etiam tribus æneis tormentis potitus, sed quia extra ordinem, & post datum recessus signum ardore pugnae abripi se passus, grauitè à Mareschallo redargutus fuit non sine pænæ militaris interminatione: quam tamen ob insignia in ante merita, ac quod tunc neminem è suis pugnans amisisset, opportunè seuerior Dux indulxit. Dein in Castra reductus Exercitus fuit, non ultra teli iactum è regione hostilium, à Metatoribus locata.

*Niemierycy ad Cosacos littera.* Auellendorum dein à Moschis Cosacorum, transfugæ iniecerant possibilitatem, ac hinc disunctis viribus facile consummandam victoriam pleriq; iudicauere. Itaq; Stephanus Niemierycz Succamerarius Kijouiensis, quod ex Russia oriundus, Czernichouiaq; oppidum in ipso Vkraynæ vestibulo situm, patrimonium ei foret, ad Cosacos Dux cum mandato scripsit, eo sensu. *Quis sim, & quam sanguini Roxolano innexus, haud ignorare Cosacos, à multa annorum serie, stirpe, domoq; Niemieryciorum, in ipso medietullo Vkraynae existente & radicata. Fratrem sibi Georgium, itidem Succamerarium Kijouensem, plurimis beneuolentiae indicijs Cosacis deuinctum, neq; se in eosdem affectu germano inferiorem. Hinc commonendi susceptas partes, ne dum Moscho contra & me fas adherens peruicaciter Cosaci, indubitatum sibi accerserent exitium. Itaq; defugerent resipiscendo extrema, & clementià Regis Poloni viuere malint, quam sua ipsorum obstinatione interire. In extremo quippe præcipitio harere palam est, iam Scytharum, iam Polonorum Exercitibus instantibus, & amplius superesse nihil, nisi seiuncti ab hostibus, in partes Patriæ & victoris Exercitus protinus transeunt, aliter perituri. Litteras vix vlla consecuta efficacia, Cosacis quidem cuilibet mutati-*

1660. mutationi obnoxijis, ast tunc dum vnusquisq; incipere neccessum metuit, cuncti in partibus perseuerare. Et si in momenta ad nostros viritum transfugerent, vnde veritus Moschus, ne quod singuli facerent, vniuersi aggredierentur, præalto aggere fossaq; Castra Cosacorum à suis discriminauit, iam vt intimas vires à contagione perfidorum scerneret, iam quominus arcana consilia, quæ clam hoste haberi expedit, promptius celarentur.

Diuerfos interea modos de manu Polonorum se se vindicandi Moschus comminiscitur, primum vti Scythas pollicitis, ac submissis in præsens donis conciliaret, ac ita instructa Carragine in recessum militarem se expediens, tendenti in suppetias Chmielnicio iungeretur. Ast in hoc fellit euentus, Scythis haud pro Barbarorum more, in magis fida inclinantibus, (præueniebat largitione corruptionem Mareschallus, socialibus donarijs Noradinum præoccupans, vt hostium excuteret) & Chmielnicio longius distante, quàm vt adpressum sociorum iugulo ferrum, tardo succursu depelleret. Alterum occurrit, vt nocte concubia eaq; obscurissima, Polonos somno laboreq; solutos aggredieretur, sicq; viam de die arduam, vel dolo & tenebris suffragantibus, noctu expediret. Dum in eo est, ac iam haud perfunctorio discrimine in nostros mouet, cum in statione campestri exhibitor, pro more militæ explosione sclopi hostem adesse nuntiat, confestimq; in succursum propiores cohortes euocat, ad quarum accursum consternati Moschi diffugiunt, planè diuinitus immisso terrore, dum vnus explosi tubi sono, in fugam tot capita vertuntur. Supererat solum, in regressum iterum se dare, ad quod nouissimum salutis medium se componens Se-Moscha remethus, vasa colligit, carraginem multiplici curruum retrocedunt, serie instruit, equitem in fronte, legiones à lateribus locat, machinisq; firmat: sic demum ad iter accinctus sub ortu solis progreditur. Obstabat progressuro sylua, densis dumetis impedita, in hanc præmissi cum securibus Moschi, excindunt.



1660. scindunt arbores, dumeta euellunt, deiiciunt truncos, ac si quæ obstacula viæ ligonibus amoliuntur; etiam proximum traiectum; ubi sarmentis virgultisq; exaggerare nequeunt, vel curribus aliâq; castrensi suppellectile insternebant. Mos est venatoribus, uti fugientem lupum sisterent, opiculum ferre laboranti canum vi, venabulis alijsuè telis teram conficiendo: haud dissimilis hic belli imago; in progredientem hostem inuolat Eques, incurSAT latera, carpit tergum, & præuertens celeritate sistit cûrsu abeuntis, donec iniecta icineri mora, progressus in exagitandum pedicatus consequeretur. Eluctata traiectû hostilis carrago, ac pro campi spatio latius frontem exporrigens, æquabili quadro in septemdecim ordines composita ibat: contra Duces Poloni copias in quicuncem prouido consilio partuntur, uti quaternaria latera totidem impugnantibus, quintum superesset agmen, quod ubi opus, vel ad casum, vel ad victoriam subsidio maneret. Vnum morabatur lassari insequendo peditem; aut disunctas in hostem incurrere legiones, dumq; vnâ aliam præuenire contendit, non suo ordine, ut instructæ aut iussæ, in pugnam descendere. Animaduersa proin confusione Marschallus, protinus edicit, uti Equites ad sua quisq; signa redirent; tum pedestri aciem in ordines condensatam, Tribunis è vestigio deducendam committit, dein ipse apud principia Legionum oculis à necessaria austeritate flagrantibus, pro ratione temporis locutus memoratur.

*Marschallus suos adhortatur.* Consensum, hunc & ardorem in pugnam vestrum milites, haberi par est, certissimum delabentis calo victoria presagium; si modo autem Maiorum vestrorum morem seruatis, qui incertamine feroces, ante discrimen modestissimi existebant. namq; vagi discursus, ac inconditi clamores isti non refringent hostilis Carraginis claustra, nisi generosus adinuadendum animus, & à forti dextera impressum ferrum eadem reuulserit. Timet quidem iam cuti suæ Moschorum, sed super non leporis more, dum obuertit frontem, exerit dentes, & recedens, accuratam aliquam fugam munimentis obuallatus insti-

tus instituere videtur. Quare ubi attentè signis adheretis, ordines seruatis, pectora manusq; in aduersos iungitis, facile sanè hanc curruum compagem, pauida turba latibulum reuelletis, neq; diu in sinum delabentem victoriam morabimini. Nec ultra vos animum meum, ego ardorem vestrum distineam; ij protinus Tubicen, & classicum legionibus in certamen praeine? Eo stimulo incitati, ut quisq; ad signa recurrentes, prælium acerrimè capeSSunt. Ante alios Vladislaus Wilczkowski Lubomirij Comestabilis Protribunus, permissu Ducis, uti cum sua Hastatorum turma præludium pugnae ordiretur, sat strenuè hastis in læuum latus incurrit, & diu fortissimè dimicat, donec alterius turmae Lubomirsianæ Præfecti Scepusiensis subsidio erigeretur; istos rursus excipiebant alij, vndiq; peracri coorto prælio, quo ab Equitatu gemini hostilis Carraginis ordines reuulsi, & septem, machinae interceptæ sunt, etsi notabili equorum detrimento, in obiectam Carraginem pectoribus impingentium. Datur interea pediti spatium prælio succedendi, qui prius telorum nimbo, mox oblongis lanceis, in densos hostium cuneos experiebatur. Omne quippe tam Moschorum quam Cosacorum robur, circa aut intra Carraginem consistens, peruicaciter in aduersos depugnabat; ipsa verò Carrago ea industria texebatur, ut sicut Vrbs cincta muris, supra moenia ac valla defensores admittit, fortissimo verò præsidio intra viscera defenditur, ita hic circumquaq; curruum seriem dispositi assultum excipiebant, repulsi demum ab extra in latera, vel his laborantibus in meditullium Carraginis reciperentur. Et iam nostrorum paucitas sub numero ea parte fatiscere visa, donec rursus aliquot hastatorum cohortes, Campiducis sub Sokolnicio; Zamoscij sub Sielnicio; Præfecti Scepusiensis sub Wyzycio Optionibus, nec non loricatæ plures, etiam Germanicus Eques diuersis cuneis in hostem illati, & cuspidibus hastarum, quidquid obuium proterentes, primò turbant, dein propellunt aduersos, quâquâ versùs humum strage mortalium in-



1660. uolentes, quoad admonitus clade hostis, cum mutila iam Carragine rursus abscessum moliretur. Ac fere tetrante milliaris abibat, cum denuo, Generalis Potocij cohortes vehementissimè consecutæ, consimili ut prius pertinacia & fortuna concidit utrumq, latuas, notabili Carraginis parte auulsa. Ad bis mille hostium interièr; transactumq; de summa rei fuisset, nisi eadem limosi traiectus difficultas, destinatum in præuertendam Carraginem Equitem nostrum cohibuisset. Ex nostris Gafzynski Legionis Raytrum Cæpiducis locum tenens, Wierzchowski Legionis Deboij primipilus è tormento percussus; Markowski Generalis Ducis Loricorum Optio; Andreas Cikowski Legionis Niemierycij Signifer, ac supra CCC. cæsi &c. Niemierycz Tribunus, Stakurski Legionis Legatus, Wolphius Prætorianorum Centurio, Ozga Succamerarij Leopoliensis Filius globis lauciati &c. Tum Michael Prusinowski ex Campiducis commilitio, non sine prodigio enormem à pila machinali ictum tulit, quo violentia teli incidentis ferreus torax in pectore rumperetur, corpore nihilominus illæso, & quamuis concusso sessore equus planè corrueret lapsabundus, istum tamen à casu trepidum, in firmiore vestigio fræna retinere. Sanè non fallò vetus paræmia habet; bello non gigni sed perdi homines, & qui de vincendo hoste deliberat, suam ipsius salutem ut casui imputet necesse est.

*Moschi* Seremethus eo modo tractatus, ne quicquam tamen lassitudine aut noctis obscuritate abitum demorante, continuo *Cudnouiam* contendit appulitq;. Prælabitur oppido Tere-  
*Cudnouiam* reo sit, humilior quidem, ast in aquandum non insufficienti alueo, iuxta quem spaciosior cliuus protenso in longum ambitu eminebat, quem raptim occupantes Moschi, dum se rursus in defensionem comparant, & spe submittendi à Chmielnicio subsidij eriguntur, Castris insedere: incenso per transfennam oppido, & neglecta præoccupari arces, desolata quidem illa, sed ad retinendam aquationem apprime opportuna: in utroq; errantes, uti sæpe accidit, etiam

tiam benè consulta malè cedere apud perituros. Comper-  
to elapsam è manu prædam, primi Scythæ ad Cudnouiam consequuntur, & abire nuntiant, dehinc Poloni albescente cælo supèrveniunt, Arcemq; hosti neglectam occupantes, velut parato suggestu potiuntur, vnde in Castra hostium in plano posita, liberior prospectus, & tela immittendi opportunitas. Suppudebat in eam diem Noradin Soltanum, nullo notabili specimine adprobasse nostris socialem operam, proin Mareschallum adiens, facile impetrauerat, uti in conquiritores ligna Moschos vim paranti, legionem peditum adiungeret, cum quaternis ferè machinis campestribus: præmonito à Campiduce Niemierycio (is additus Scythis) quominus ex ingenio suo rem gereret, pomerijs hostes exigens, etiam vi maiore ingruentes sustinens, sibi interim in articulo discriminis non extra curam fore, uti confestim pugnantes subsidio erigerentur. Ergo pergunt utriq;, Scythæ *Nobile* raptim, composita in quadrum legione Polonus, ad gressum *certa-*  
Martialem concinentibus ribijs, simulq; hostem lignationi *men uni*  
intentum per pomeria *us legio-* adoriuntur. Pupugit non noxa *ma-*  
gis quàm ignominia, ab vna legione laceSSI, adeoq; Polonos arroganter præsumere victoriam, ut altera manu in finem recondita, perfunctoriè vinci aut deleri Moschos opinarentur. Crebris igitur agminibus prouolantes, scloporum iactu conturbant Scythas, & exigunt; dein omnem vim plusquam sex Millium virorum in vnam legionem vertunt vrgentissimè. Excipit aduersos immota legio, ac reciproco fistularum iactu, aut cuspides lancearum obijciens, egregiè se tuetur; Scythæ sub hæc minus interesse rati, si socij perirent, modò creditas machinas subducerent, eas quâtoocius suggestu dereptas tollunt, desperatam legionem suæ sorti relinquendo. Ast, in omnia intentus Mareschallus, promissi succursus memor, protinus inuolutam discrimine manum vindicauit, submissis auxilio cohortibus, simul oppugnatum Castra Moschorum effuso pedite. Et sanè vindicasset egregiè suos, nisi Kozłouius, præmoneret Seremethum.



1660 methum, ita alienum appetendum iugulum, uti suus maneat in securo; cautiusque irruendum in provocantes, quod Poloni instruendo dolo tanquam illicium auxibus, in Castra Moschorum intenti; obiecissent. Quod demum prævaluit, uti in recessum dato signo, protinus Moschi abscederent, & Niemierycio cum Legione ad suos eluctari integrum esset.

Abhinc ut spes effugij Moschis, sic & animus resistendi minuebatur; ambigua iam inter pauentes consilia, attonitæ mentes, fluxa arma, segnes manûs, & languidus per inedia corporum vigor existerat. Res ramen desperatæ refocillari videbantur expectatione, apparari à Chmielnicio succursum; qui dum ab incertis autoribus rumor vulgatur, rem optabilem illi facile credebant, ut ferè mens humana maximè in miserijs imaginatrix est: interea defectu annonæ laboratû, supponente ante experimentum Seremetho, quocunq; victricia arma conuertisset, abunde sibi commendatum fore. Et famem in coarctata multitudine grassari facile erat, hinc consilium nostris non tam assultibus, quæ iactura mutua constarent, quam lento obsidio edomandos constringendosq; operibus hostes, donec se dederet. Quia etiam ut constrictis extremam inijcerent necessitatem, solitum annis cursum, unde aquatio illis, divertere molitus fuit Notarius Campestris Sapieha, exercitatum apud exteros solertiam, in usum præsentium sedulo vertens: & perfecisset obstructo supernè alueo, nisi supervenientibus interrim auxilijs, præsentem operâ ad alia reducere oportuerit.

*Chmielnicius succurrit Moschis.* Quippe Chmielniczenko opem laturus, cum XXX Millibus Cosacorum superveniebat, robur gentis & exercitos Marte viros deducens, cum penes Cieciuram, fex tantum plebis, & superflua oppidorum purgamenta existerent. Contigerat enimverò, ut procurentes Scythæ aliquot Cosacos Chmielnicij abducerent captivos, qui falsi; auxilia Seremetho mox affore, obstrictis iureiurando primoribus militiæ, ad extremum usq; spiritum Moschis opitulari, nec longè

1660 longè festinantes abesse. Multos insperatum nuntium percipit, iam quod trino conflictu lassus miles, iam penuria pabuli afflictis equis, quibus alendis herbarum radices, aut arborum frondes decerpere oportebat: etiam hostium vires duplicarentur, ac recenter emergens labor, post tot luctas & sanguinis impendia, velut de novo confurgeret. At supra periculi molem placita cæli fuere, Ducibus per eiusmodi consilium se discrimine expedientibus, uti Seremethi obsidium Generalis Potocius cum pedestri militia continuaret; quovè validior in prorumpentes esset, translata in locum commodiorem Castra, quæ non plus vallum aut operum moles firmabant, quam fortissimi Ducis animus, ultra sanitatem corporis seruire suppletis, quod de viribus abitu Collegæ decerptum esset: Exercitus parte alterâ in occursum Chmielnicio expedita, concordî opinione omnium, dispersiendas satius vires, ac securius contra singulos, quam aduersus coniunctos experiundum. Quod memorabile opus, velut de integro laboris bellici initium fuit. Itaq; Marschallus hinc peditum legionibus, ac potiori Equitatus parte succinctus, etiam Noradin Soltano comitate, itineri obscuram noctem impendit, quâ apud Piarek per præmissos Desultores, Cosacis traiectum seruantibus directis, sub ipsum diluculum ad Stobodyscze oppidum, quinq; à Cudnovia Milliaribus, nihil tale opinanti hosti superuenit. In assurgente colle confederant Castris, angustiore quidem ambitu, at accessu planè arduo & difficili, cum locum vna parte ambirent diducta circum prata, profundo limo scatentia; altera quâ in plana descensus, exusti olim oppidi rudera aut maceries impedirent, ob subteraneos specus, ac celaria sub onere transeuntium hiscentia, inevitabili discrimine. Iuxta oppidum via in iugum ducebat angusta, vix tres simul equitantes recipiens, ordinatæ aciei non nisi per prata patente accessu, si modò altissimæ voragine calcari secure, vel tempus exaggerando traiectui superpetere posset. Suadebant itaq; periti uno tenore ingruendum in



1660. dum in aduersos, ac eo ipso præiudicari victoriam, si in-  
 sperato confusos aggressu præoccuparent. Liquidiores-  
 quinetiam luce paruit omnem cunctationem excludi oport-  
 ere, vbi Cosaci re crepera tumultuari, attollere valla, con-  
 densare currus, implicare sarcinas, aliaq; ad indubium cer-  
 tamen, aut fugam agitare ostenderent. Quibus comper-  
 tis tantisper subsequentem peditum, præstolatus Campidux,  
 vbi is cum machinis gressum accelerat, confestim cum il-  
 lustrissimo Regni Vexillifero partitus regimen, eidem fini-  
 strum cornu committit, subsidiarium agmen Kijouien-  
 se. Palatino ductante. A dextra Legionem Prætoriam sub An-  
 drea Sokolnicki Protribuno ordinat; additis Zamoscij Palä-  
 rini, ac Fraterna Comestabilis, Scepusiensisq; Præfecti è ve-  
 stigio Hastatorum cohortibus, quarum rursus complures  
 loricatæ tergū tueri iussæ; retrorsū aliquo intervallo disiūcti  
 stabant, Baro cum Equitum Germanicorum phalange, cum  
 Bokuni ac Łaczynscy Desultorij: quominus oborto altera  
 parte prælio; latè diffusa prata circumuecti, tergum hosti-  
 um carperent. Quidquid peditum supererat medio locati  
 sunt, vti dum nitentem in ardua collis Equitè accessus diffi-  
 cilis arcet, isti in concisas rupes pedum adminiculo enite-  
 rentur. Sic instructa acie, Marschallus vt quemq; ex Du-  
 ctoribus ante signa comperit; *En (inquit rebellium contu-  
 macissimi germen detestabile, ex quā nil terra alit deserti-  
 us; progenies viperarum. Ab his si uiri estis Poloni Equi-  
 stem repetite annulum, demetite ferro socordia turba iugulos;  
 eluat sanguine beneficium, dum grata esse nescit, impertiti deco-  
 ri natiui.* Ad hæc, vt quisq; iussus, protinus in aduer-  
 sos signa inferunt, concitatisq; equis in abrupta æquē, aut  
 cænosa feruntur: non sepes, non specus, non desolatarum  
 ædium maceries morantur, imo nec ictus ac vulnera; Co-  
 sacis contumaci pariter occursum assultum excipientibus.  
 Ab læuo cornu primū conflictus caput, quò vndiq; abru-  
 ptus licet in prominentia accessus, ac molestis dumetis in-  
 tricatus foret, via tamen in superum iugum reperta, quæ

ternos

ternos simul Equites in summitatem collis vtrūq; admit-  
 teret. Itaq; fractis licet ordinibus, Ductores sursum con-  
 tendere, attolli vexilla, & in summitatem eniti milles cæ-  
 pit, dein contento nisu per abrupta scandere, vel disiliens  
 equis in superum iugum manibus pedibusq; adrepere, do-  
 nec contumaci impressione reiectis obstantibus, perpetim  
 signa Castris intulerint: eo primi assultus successu, vt in  
 medullium hostium pleriq; illapsi, vel Ducale ipsius  
 Chmielnicij Prætorium, deoccuparent, inardesceretq; sū-  
 mo feruore prælium, hinc primo impetu, illinc exitij me-  
 tu, necessariam fortitudinem acuentibus. Nam veterrimi  
 quiq; è Tribunis adhærebant Georgio, Thymothæus No-  
 sacz Præfectus Castrorum; Gregorius Hulanicki, Federo-  
 wicz, Lesnicki, Zelenecki, Macherzynski &c: adhæc vnde-  
 quadraginta Millium Cosacorum robur, disciplina milita-  
 ri imbutæ legiones, probatusq; olim Bohdano miles, iam  
 tunc Filium, deuoluti post Patrem in Poloniam odij hære-  
 dem, sequebantur. Qui dum irruere in valla Polonos ad-  
 uertunt, mutuis hortamentis se se incitantes, iam creber-  
 timo pilarum nimbo, iam à curruum latebris prorumpen-  
 tes, falcibus securibusq; equorum suffragines concidebant;  
 vnde isti vel metu exsternati, vel vulneribus feroces, fræna  
 excutunt, aut affligunt sessores, dein inter subsidia ruen-  
 tes permiscunt importunè ordines, ac loco submouent iam  
 victores. Ea tamen parte sedulitate & præsentia Ducto-  
 rum, facilius pugna instaurari potuit; alterâ, discrimine  
 & iactura grauioribus. Campiducis Protribunus Sokolni-  
 cius concitatis in patentia pratorum equis, pari feruore le-  
 giones à dextra inuehebat, cum palustris & vestigij impati-  
 ens locus assultum interruptit, & distinet, præcipitatis in-  
 imam viginem, ac si in baratrum, quicunq; præcurrere  
 ausi; quos verò equorum pertinacia cæno explicauerat,  
 subrus crepidinem collis eluctati, noxiè telis è superno iu-  
 go petebantur. Etiam Cosaci obliquè digressi, paucos &  
 lassos sternebant, & quidem superante iacturam ignominia,  
 dum



1660. dum non modo cedunt indefensos, sed & probrosè insultant circumuentis. Inter primos pugnans Sokolnicus quo deiectus pro caelo reputatur, Signifer Hastatorum Ioannes Hynek abreptum hastili signum, subitus fortuiti vltimi radices, ne hostis potiretur, abscoderat, captus ipse, (emissus dein, sub fida custodia terræ seruatum vexillum repertiens) Balinski, Marczynski, Olwecim, Rybinski, tum alij ad Triginta è solis hastatis Commilitones, eo congressu interiere. Etiam Stephanus Baro de Qedt Equitum Germanicorum Ductor, dum subsidio accurrens laborantibus, opem fert animosè: prostrato è tubo manuali inter primos pugnante Cosacorum Tribuno, feruidius signa ingressus vi Germanicæ originis memor, enormiter falce fanaria vulneratus sternitur. Idem fatum subièrè, Albertus Klebek Maior Legionis, Mautnerus Turmæ ductor, dum exangui Baroni opem ferre satagit, in vestigio caesus, fauciati ferro aut plumbò, Elias Lacki locum tenens, Felkierz, ac Brunaw Rothmagistri, Marchio Gordanus, Gralski, Legionibus Præfecti, &c. etiam Ioanne Liniewski, præter florem ætatis generosa pugnacitate insigni, tunc transuersum acto per pectus globo, occumbente. In ea nihilominus hæsitantis fortunæ mora, solatio erat, melius alia parte succedere certamen, vbi illatis Poloni in Castra hostium signis, velut oblato exerendæ virtutis theatro, perstinacissimè dimicabant. Quid virtus, robur, ac viri possent enimuero hic patuit: immistus equiti pedes in vestigio hærens tela regerebat, ingruiebant turmarum alæ, si qui loco pulsi, vel ab equis excussi, pediti se iungendo, in aduersos, aut valla nitebantur. Neq; solùm militem, stipendiario ære in pugnam obstrictum, implicabat certamen, etiam qui natalium aut dignitatis ratione supra alios positi, haud subducebantur à discrimine, in quemuis euentum ante signa primi, ac dum gregarijs immiscentur, notabilior ex cultu corporis ferendi scopus adeo, vt illustrissimum Regni Vexilliferum (parce precor candori

Histo-

Historico iam nunc Coronata Maestas, qui, dum te reuera 1660. pugnatorem exhibet, encomijs onerare veretur) Optio eiusdem Stephanus Bidzinski, vir acer & cautus, ab æstu pugnandi retrahere debuerit, aliquoties ingerens. *Desinet inquit) in plebeio sanguine Heros fortis esse, alijs & maioribus destinatus, ecce ferrum habes, iam torpet, & agrestis turba clementiam appellat.* Similis Zamoscij, Wilmouieccij, Wyho- uij per tela per ignes ad victoriam nifus, donec tandem vbi peditum legiones, vndiq; valla occupant, stationes inuadunt, retrouersas machinas in Cosacos explodunt, frangi visa resistentium peruicacia, nisi superueniens nox partes dirimeret, non sine Numinis permisso, vt præsentì plaga commonefacto hosti resipiscendi spatium esset; & Poloni similiter recollecti ita vincere vellèt, ne pæniteret victoriæ.

Non semper Mars irreligiosus est & ferox; pluries initiora vitæ studia inculcat, pacatior Status rationes ingerit, strepitum & vanitatem mundi demonstrat, præsertim vbi pauor aut desperatio imprimit menti idæas, primam curam salutis deinceps gloriæ habendam. In quæ tunc meditamenta ambigua fors belli Georgium protrusit, vt Martialis modo palæstræ alumnus, in anachoretam transcribi protinus cuperet. Quippe casum præuidens, & ne vnus lucret quod multi peccassent, monasticam vitam conceptis votis desti- Georgi-  
us uacil-  
lans. nasse ferunt, si modo exemptum periculo Deus voluerit, vt ferè præcipuus votorum locus est, vbi spei nullus. Commonent interea fortioris consilij Ducem Tribuni, Lesnicki præcipuè, adhuc dum à Patre adstes Georgio datus, non alia ratione securitatis viam monstrabat inquiens. *Licuerit posthac Dux tibi primum esse, certè præsentì tempori, & nostrum omnium incolumitati competit, ad constantiam & firmitudinè animum reuocare. Alia nunc consilia amplectere, quando saniora sequi contempsisti. Solitudinem nactus de ascetica vita deliberabis, iam rebus in præcipitio positis, non per imbellia vota occurrendum est. Poloni prauales, vbi Deus periuriorū vindex, sextuplo maiores copias nostras à paucis confundi per-*

Nnn

mittit



<sup>1660.</sup>mittit. Age Dux & beneficio noctis vivere, nisi acceleras cum omnibus nobis de die periturus? appella victorum clementiam, quorum fortitudinem sustinere nequis; & violati iurisiurandi nefas, stabiliore in posterum fide reparaturum promitte. Sat prestas, si interpositis verbis extrema differs aut auertis. Moschi interim suo Marte consulant sibi, quibus interitus noster nulli usui, vitâ prodesse poterit. Comprobauere consilium potiores; ast incōditis clamoribus fremebat multitudo, nullatenus conciliatis licet Polonis fidere sustinens, & immaniùs sæuituros imaginata, vbi antiqua odia recēs armorum successus exasperaret. Satiùs parabili ærē, quod capitārim omnes conferrent, occupandos Scythas, vti veteris amicitia memores periclitantibus adessent, desperatæ causæ suscipiendo præsidium. Factum patuit, (si rumori credere fas) sollicitatusq; oblatâ offâ Noradinus, vt in partes descenderet vel saltem ad Cieciuram peruadentes Colacos, ab imperitio one Polonorum immunes præstare vellet: sed maior in Barbaro fides reperta, quàm vnquam credi posset, etsi nec aurum quod offerebatur despiciatui fuerat. Siquidem literas quibus sollicitabatur protinus cum latore ad Mareschallum remittens illibatam amicitiam testatur, quam perduelles indigna suspitione temeratæ fidei onerassent.

Cofaci  
pacem  
petunt.

Polonis ferro, Scythis auro intractis, ad tractandum dein inclinauere Cofaci, gens tallax sæpius verba conuolubilia sibi experta, quibus etiam nunc auertendo discrimini agere visum. Petrus itaq; Dorosz Tribunus, ad Mareschallum data fide missus, nomine sociorum vim sisti postulabat: nunquam periculosius exerendam, quàm vbi innoxij armis lacefsiti, in necessariam defensionem coguntur. Colacos neutrquam Polonis hostes comparere aiebat; sed tantum vt Cieciuram à Moscho abstraherent venisse; nunc vbi in obsequium casus & necessitas impellit, vltro & beneuolē partibus accedere velle, si modò Poloni veteribus expunctis odij causis, ignoscunt ad gremium Patriæ redituris; sin secus, superesse innocentiam sibi & ferrum; quo ad filicem extremæ

extremæ necessitatis alliso, scintillam spei elici posse, quæ <sup>1660.</sup> præsumptam victoriam vel flamma adurat, vel saltem obfuscet fumo. Et plura superbus homo dicturiebat, cum subinde Noradinus colloquentibus superueniens, pararium se reconciliationis vel ex eo validiorem monstrauit, postquam ingenuè rebellis turbæ patrociniū nuper abnuisset. Non sine honore introductus, requisito obiter de sanitate Mareschallo, protinus colloquij thesim sueto genti laconismo conficiebat. Parce Dux (inquit) Cofacis, quia reijcere <sup>Pro quibus Scythas intercedit.</sup> supplices haud quaquam decet; parce rursus subditis Regis, matris intercedit. quos non sine iacturâ propriâ sauiendum sit; deniq; ignoscere belli ratio suadet, quia non in totum à fortuna de fecti petunt, & acerrimi morsus esse solent irritata necessitatis. Regis subditis parcens conseruabit apes, ex quibus mel redituū colligitis; habebitisq; integras ouēs, vnde lactē & velere ditemini; & quos nisi incolumes prestas, Regnum vestrum detrimentum caput. En amplior materia gloriæ Moschus, quem pro modo non inuitatis hospitibus, tractari par est. Ad hæc Mareschallus, non sibi eam mentem respondit, vti Colacos omnino perditum erat, etsi nouissima exempla meritos; imò verò considerare, quid clementiæ Regis sui, ac intercessionis Sultani tribuere æquum sit, ac ideo inhibendam vim seriò mandasse; modo ipse eo loci Colacos reponi oportere intelligat, ne amplius facultas nocendi, & Rebellioni assuetis occasio mali, suppetere possit. Spondentis in modum pectori adpressa manu Scythæ, vadem se præbebat retinendorum in officio, rursus in Dorossium capulo acinacis minax, ferro vlturum perfidiam ostendebat, nisi Cofaci de plano Regis Poloni obsequio subijciuntur. Ergo Mareschallus recōciliationis factâ fiduciâ, ac permissis curæ Mediantis Noradini apud Slobodyszczę rebus, ipse retro Cudnouiam mouit, tanta celeritate ac secreto abitu, vt non modo Cofaci & Scythæ digressum Ducem, verum & sui Poloni quo ducerentur ignorarent: vt planè exemplum illud Consulis Romani, bello Punico ad Metauri ripas cum Asdrubale configentis, obuia



1669. tis, obuia in plerisq; similitudine ad amulsum expresserit: *Moschi extre-  
mis la-  
borant,* Pertædebat interim Seremethum Castrorum ergastu-  
lo claudi, non alia possibili via ab exitio sese vindican-  
di, nisi quoquo modo indagine euolutus, Chmielnicio iun-  
geretur. Pulueris pyrij laborabat penuriâ, premebat fa-  
mes, ac loco omnino moueri, cogebant cadauerum acerui,  
in saniem tabumq; resolutorum, unde grauis odoratus me-  
phitis, & âeris infectio tæda proueniret. Proin ex pridia-  
no tormentorum fragore, aliquid bellici operis apud Słobo-  
dyszcze intercesisse suspicatus, rursus ad diem XIV. Octo-  
bris in viam se accingit, vel laborantibus socijs succursum  
laturus, vel mutuò receprurus. Vix mora Carrago fuit, si-  
mili vt prius ordine & serie, cum è vestigio tripartito agmine  
Polonus in abscedentes inuolat, resonat tormentorum fra-  
gor, nictant è machinis ignes, vtrinq; clamor & vis, cædes  
& vulnera, ac horrenda in caligine fumi, & strepitu congre-  
dientium, prælij exstat imago. Progresso obijciebatur de-  
sertum villagium, in quo solutis piscinis stagnantes aquæ  
sistere gradum abeuntis videbantur, ob deiectum pontem,  
ac profundissimum cænum vix vno curru peruium ne dum  
ultra decem plaustorum ordines trahenti. Hic rursus,  
clausulam bello adornante fortuna, in implicatam visco-  
rem nouissima vis exeritur. Vno latere Felix Potocki  
Crasnostauiensis Præfectus, Patris Generalis vicem obiens  
generosissimo incursum nobile hastifragium edit; altero illi  
Vexillifer, ac Lubomirscianæ legiones, summo nisu impin-  
gunt in Carraginem: reboat iterato phalaricis âer, ingemit  
pressa vestigio tellus, sæuitq; per promiscuas cædes ferrum,  
nullo respectu cadentium vel cædentium. Nec dum ta-  
men Moschus virum abdicat, vltimam licet necessitatem  
eo animo accipiens, vt non inultus caderet; more gentis  
circa extrema obstinatæ, perimentem perdendo. Post cru-  
entum demum trihorij certamen, elassatis vtrinq; animis  
(præcipua pyrij inopiâ) semiuictos Moschos iudicare fa-  
cilis erat, quàm vt ipsi faterentur: quippe diffractæ Car-  
raginis

raginis rupturam, perducta confestim fossa & aggere sarcinibus. 1660.  
entes, donec sol in occasum vergit, pertinaciter restita-  
bant: & densissimo pilarum nimbo molesti, pluribus no-  
strorum funestam actus Catastrophen reddidère. Etsi Car-  
raginis parte, tum XVII. insignis formæ mulctati machi-  
nis, quibus ij vt fidebant maximè, sic amissis, velut abrafo  
Samsonis capillitio vacillabant. Plurimo id nostris san-  
guine experimentum stetit: occumbente præ alijs Adamo  
Działynski Bratyanense Præfecto, Familia dudum Senato-  
rijs perfuncta honoribus, nec minus ab indole & magnis  
qualitatibus desiderato Heroe. Constantinus Wyhowski  
Palatini Frater, Kłopotowski Turmæ Ductor, globis traie-  
cti; Elzberg, Grothausi Tribuni; Ochab Campiducis, Le-  
gionum Legati; Debron, ac Talau peditum Centuriones  
&c. Andreas Kawecki Loricæ Campid: Optio, septem è cõ-  
militio amissis, enorme vulnus in manu tulit: sub Ill: Ve-  
xillifero Regni duo Equi telis confossi, sessore per Dei grati-  
am incolumi; intra laciniam vestis Palatini Zamoscij plu-  
res globi reperti &c. Claruère præterea Potocij Fratres, quos  
in ante de nominibus specificè posui; Wilniouecio-  
rum par, Stanislaus Jabłonowski Excubiarum Generalis, Sa-  
muel Leszczynski Luceorientis Præfectus, Martinus Zamoy-  
ski Dapifer Leopoliensis, Adamus Sładkowski Vexillifer Ra-  
uens, vetusq; militiæ assecla Ballabanus; Tum Stephanus  
Bidzinski Sobiescij; Lasko Wyhouij, Zbrozek Wilniouecij;  
Szandarowski Marschalci; Polanowski Działynij, Modrze-  
wski Lubomirscij &c. insignes animo Protribuni: etiam  
Hieronimus Komornicki pedestris Legionis Legatus; eò  
magis cum cura mihi nominandus, quòd mundanâ glori-  
osè perfunctus militia, post in Sacro Benedictinorum Or-  
dine nomen Christo dederit: sæcularis agminis Ductor,  
iam nunc ascetico choro vt præesset, in veterrimo ad san-  
ctam Crucem Calui Montis Monasterio Abbas creatus, re-  
gulâris vitæ odorem spargit.

XVII. Octobris in epilogum definebat Scæna, ac velut  
N n n 3 scrupo-



1660. scruporum ludi clausula fuit; constrictis vndecunq; Moschis, & iam tenuem spiritum, ac si in nouissimo agone, trahentibus. Cessauerant è machinis ictus, raræ ante vallationes, excursus planè nulli, aut eruptiones; nonnisi aquam aut ligna conquirentes, fortuito aut necessario cum nostris congressi, quodq; signum animo succumbentium erat, securibus tantum aut manuali ferro decertabant. Subinde à Chmielnicio, suam in alieno discrimine incolumitatem stabilituro, Internuntij aderant, qui deducti ad Potocium, demissè salutato Duce, frigidas sanè insulsi Oratores iteratæ defectionis adferebant rationes: nimirum ex præteritis Comitijs, turbarum inter Cosacos originem emerxisse, dum nonnullos ex ijs Resp., prærogatiuâ Nobilitatis dignatur, reliquos, & quidem melius meritos præterit, ac ita veterem Vkráynæ statum, sublatâ inter pares æqualitate confundit. Vnde Ciecioræ, tum alijs turbidis secessus ad Moschum occasio extitisset. Vbi discussum in militari concilio postulatum, dein acceptata præsens submissio fuit, stabiliorē fidem ac immutabile obsequium pollicentium. Conditiones sub quibus ea stipulatio coaluit præcipuè fuere. Tàm à Ducibus quàm ab vniuersa Ukraynâ Commissio Hadziacensis manu tenenda reassumeretur; Ductu Russiæ abolito, uti immunitatibus Cosacorum præiudicio Georgius Chmielnicki, totius Exercitus Zaporosensis nomine fidem ac obsequium Sac: Reg: Maiestati ac Reipublica iureiurando astringeret; idem præstarent Tribuni: etiam hic & nunc partibus Moschorum, ac patrocinio renuntiantes, quò Serenissimo Rege iubeantur protinus arma versuri. Cosacos cum Cieciora à Moschis abstrahent, ac uti in posterum fideles Reipublica maneat, attendent &c: Vix ea in paginam relata, cum Chmielniczenko superueniens, de genu salutabat Duces, (præmissis in Castra Cosacorum, Constantino Wisniouecio, ac Ioanne Szomowski Opocznense Præfecto, securi reditus vadimonio). Vigesium ferè complebat annum, facie & cultu non illiberali, nisi quòd, seu verecundia, seu

dia, seu metu, minus animo competeret, donec collatera 1660. liliū instinctu, ijs Duces verbis compellasset. Si pridie eo loci quo nunc sum stetissem, nec mihi multum in probanda innocentia, nec vobis Proceres an vera offerrem, diu deliberandum foret. At quoniam destinationem meam aduersa fors prauent, ut non prius fari quàm armari, manus in ictus, non verba in preces tendere, vulneribusq; ante quàm rationibus locus fuerit, ideo in præposteram excusationem, id tantum adferam; quod coacti, ac modo inculpata tutela stringere arma debuimus Cosaci, in defensionem salutis nostræ, quam Marii furor alia ratione iueri negabat. Testis DEVS, Exercitum Zaporosce: mihi contraditum, cui se parti addiceret diu ante sollicitè expendentem, demum vobis iungi voluisse, si modo præuia requisitione in partes vocaretur, antequam pro hoste Patriæ indicatus foret. Inter Moschos namq; ac Polonos ambiguè neutrarum partium esse inendeabamus; cum hinc Fas & legitimi Imperij reuerentia; illinc vis & constrictum præfenti metu arbitrium, scissos inter se distraherent, donec pridiano conflictu iacta alea decerneret, uti causâ & armis potiorē sequeremur. Eo animo, à Moschis nos seunximus, Cieciora prauaricanti aliam mentem ingessimus, Commissionem Hadziacensem amplexi stuāiose, ex militia Polona ne minimum quidem per Ukraynam violari permisimus; quod ne iactare beneficiū videar, Illustrissimorū Potocij ac Iabtonouij Tribunorū hic præsentium, testimonium appello, imploroq; &c: Iam nunc benignitatem Vestram Inclyti Duces venerari silentio, quàm lingua mulcere satius duco: adiecto non nisi, prodigijs vos vincere, & quemuis hostem superare armis, qui iniquam bellandæ causam contra vos attulerit. Vicistis sanè celestibus auspicijs; credat posteritas eam victoriam non nisi ex DEO fuisse, ubi quaternos geminarum Nationum Exercitus, Centenis propè armatorum Millibus constantes, à viginti non in totum computatis Millibus, fundi, victosq; in Triumphum ducere constabit. Verum ipso Triumpho excelsior palma erit, secundas res mensura moderationis complecti, & affectus animi, in victoria moderari.



<sup>1660.</sup> moderari, *Hac certe Humanitatis medulla, immortale Trophaum erigit, tribuentibus quidem vobis gloriosum, accipientibus nobis inutile. Eius beneficij memoriam Exercitui Zaporoscensi aeternam fore; pro incolumitate S. R. M. D. Cl: ac Reip:; vita fortunarumq; profusione aliquando redhibendam.* Tædebat aliquos prolixè dictionis, auscultauère multi patienter, non ingrata oratione, vbi modò hostis non indubitis victores oneraret encomijs. Iussus ad Cieciuram scribere sine mora expediuit literas, minitans pro imperio, nisi protinus Moschos abdicat & secedit, iunctis cum Polonis viribus, armis persequendum. Simul grates victori Deo actæ sunt; voce quidem humana in prætorio Generalis, per compita Castrorum machinæ resonuère; eo planè temporis articulo, vbi condita reconciliationis capita Chmielnicius cum Tribunis iuramento firmaret.

Res memoratu non indigna, etsi sæpius accidere in eiusmodi casibus obseruata. Imminentem cladem prænuntiabat Aquila, nota his in locis ales, grandior illa, nisi quod pectore implumis & macilenta, à Castris Moschorum se proripiens, ad nos primùm diuerterat, dein obliquo volatu super globos Scytharum supernè gyrans, ab ijs capitur pedibus & vnguibus crassiss, etiam pennæ in volatum robustis, nisi vigorem amisisset fatiscens inedia. Boni omnis loco acceptum eius alitis augurium, & omen, cui mox in totum euentus prælagij respondit. Quippe prænuntiam auem confestim sequebantur duo, ex Castris hostium emissi, paci & misericordiæ implorandis: simul Cosact Cieciura Duce, vti à Chmielnicio iniunctum fuerat, cæteruatim instituto abitu, ad Castra Polona transituri prodibant cum Scytha tam ad Slobodylzcze indulgens, quam hic ferrox, ac se ignaro parci rebellibus indignatus, vim in deditios exerit, confusosq; & sine ordine ruentes, hostili animo maectat, aut captiuat; vti posterius agmen ad Moschos re-  
trouertere debuerit. Cieciura tamen cum plerisq; strenuè vim sustinens, inter circumfusus Scytharum globos, viam  
sibi ad

sibi ad Polonos armis aperuit: nostris interim, vnde subi-<sup>1660.</sup> ti tumultus occasio, vix conijcientibus. Cognitum post, Noradinum ideo in Chmielnicij assecclas mitiorem, quòd Cudnouiensis obsessos in manubias sibi destinasset, ingenij non planè barbari subtilitate, vti & Cosacorum vires mediotenus pressas concideret, & vetera in Moschos odia satiendo, in perdendis ijs opera Chmielnicij posthac vteretur. At verò Duces Poloni, ad postulata Moschorum, rerum momentis ac circumstantijs vndecunq; perpenfis, facile ab ingenio suo impetrauère, vti vindicta in commiserationem versâ, iterum Moschis parcendo vincerent, quos aliquoties iam armis superassent. Etsi miles à recenti sanguine calens, dolensq; protelari suo incommodo victoriam, haud manibus temperaturus videretur, nisi prudenti occursum Præfectorum mitigandum spes esset; etiam cælo ad clementiam cooperante, quod intenso gelu de nocte inhorrescens, in molestissimum imbrem de die soluebatur; vti planè vel ipsa àëris intemperies flagrantem vindictæ affectum subigeret. Certè insolita eo tempore vis frigoris obseruari meruit, qua præter mortalium innumeros, ultra XII. Mill. Equorum vnus noctis interstitio sternerentur; Aderant sub hæc deprecatores à Moschis, Akinhoff, Kozłowski & Szczerbáty; vicissim à nostris prodibant, Demetrius Wisniowiecki Belzësis, Bieniewski Czerniechoui-<sup>Moschi</sup> ensis Palatini; Andreas Potocki Haliciensis, ac Szomowski <sup>victor</sup> Opocznenfis Præfecti, qui vbi mutuo congressi multum <sup>depre-</sup> cantur, distabant vltima primis, anteriore Moschorum typho in-  
immodicam demissionem mutato; nisi quod Kozłowski tristi silentio asper, non tam petiturus pacem, quam victoribus irasci venisse videretur. Nec altius exorsi postulatorias, quam vt non repugnantibus, & clementiam victorum requirentibus Christianis, parceretur. Nostri vicissim, belli iniusti causâ obiter exprobratâ, tum supremo Numine violati Fæderis ultore appellato, solabantur humano more; dein scire volentibus, quo pacto liberamissionem sperare possent? respondit Bienieuius; *Moschos*  
qui



1660. qui ante discrimen felices esse nescierunt, iam nunc cum maxime vellent non posse, nisi absolute & sine exceptione arbitrio victorum se permitterent. Ex schæda dein prælecti dediti-  
onis articuli, eo tenore. Victis & in potestatem venientibus

*Sub* *bus Moschis*, pro solita Serenissimi Regis Poloniæ clementia, à  
*edditio-* *Ducibus Exercitus vitam condonari: qui prius omnis generis*  
*ne vita* *arma & quemvis militarem apparatus, cum requisitis arma-*  
*donati* *mentarij, bona fide tradent. Ukrajnâ penitus excedent non*  
*reuersuri. Cosacorum Protectioni pro semper renuntiabunt.*  
*Arces presidij infestas sine mora Delegatus Regis consign-*  
*bunt. Extra limites Regni regredientur, nulli ditionum nocu-*  
*mento &c: Quæ ut lecta simul acceptata sunt: nisi pro re-*  
*tinendis securibus aliquantum disceptarent, quæ adiecta*  
*distinctione permixtæ, ut bipennes lato ferro, ac oblongo*  
*manubrio traderentur, trecentis duntaxat vsitatis securi-*  
*bus concessis ad lignorum cæsuram.*

*Moschi* In ante diem Cieciora, ut memoravi, ad nos perfugerat  
*cosacos* potiori Cosacorum parte in sua Castra, Scytharum metu re-  
*tradunt* uersis. Istos requirente Noradino ut traderentur, paruere  
Moschi, interim, quid in alieno discrimine sperandum ipsis  
aut metuendum foret haud consideratis. Quippe Nuradino pa-  
ctum cum nostris ut incolumes manerent, pro iniuria reputa-  
tur imperiosius Duces per Dedyfz Agam conueniebat, ne fa-  
difragis indulgendo, in hostem mitiores, quam in socios  
belli forent: simul ad Sultan Galgam (is tum cum XXX  
Millibus Scytharum, apud Codemum euentum rerum ope-  
riebatur) citum equo nuntium mittit, de interuersa soci-  
*et exar-* ali fide questus, & opitulum postulans. Sub hæc Moschi  
*manent* de vita ex pacto securi, ac tempori & necessitati cedentes,  
ut exatmarentur, extra valla prodibant, Legionibus nostris  
circumquaque aream occupantibus. Aderat cum plerisque  
insignium Equitum, albicanti insidens cantherio Niemieri-  
cius Kijouiensis Succamerarius, victoris Casimiri Regis  
personam iussu Ducum sustinens; cum ecce (dolendam  
rerum cōuersionem) Fasces, Clauas, tympana, vexilla, ha-  
stas, enses, sclopos, bipenes, & quid quid ferri gestat miles,  
subtus

subtus pedes sese circumagentis proijciunt dedititij, traduntq; 1660.  
infelicia arma, quibus ultra vitam tueri nequissent. Pro-  
tinus machinæ ac omnis armamentaria supellex recense-  
tur à Delegatis, Szeremethus ipse nuper cælo minax, Du-  
ces Polonos submisit veneratur cum præcipuis Tribunorum,  
manetq; retentus. Nox interim triste victis spectaculum  
soluit, ast discrimen geminauit. Fredebant Scythæ ob  
subductas sibi manubias, neq; minus legionarios nostros  
malè habuit, nullo sanguinis fusi pretio bellum finire; ad  
minimum (inquebant) Castra Moschorum in pradam permit-  
terentur, uti pro exantlato labore, si non zebellinas, saltem a-  
gninas pelles, frigore enectus miles acquirere posset. Hinc  
anxij Duces, dum remotiorem Scytham spatio noctis miti-  
gari posse autumant; Legiones interim Castris continere  
visum, vix Quingentis Legionarijs, ad peragendas in Ca-  
stris Moschorum Excubias, submissis. Interim sub nocte  
quomodo & Scythæ in amicitia retineri, & Moschi inco-  
lumes conseruari possent? deliberatum. Recentis memo-  
riæ hærebat Barbaræ societatis exemplum, apud Nigrum  
Ostrouum in Transyluanis practicum, quos supplices &  
fidem Poloniam secutos, admodum inhumanè tractaue-  
rant. Non aliud in præsens exspectandum, velut nouum  
hostem obijciente fortuna. Iam verò quantum dedecus  
disarmatam turbam, velut in macellum tradere? quale ta-  
mæ probrum, alieno arbitrio circumagi victores? & tot  
Christianorum capitibus, ut in catasta veneant, inhumanæ  
genti litare? Eo detestabili facto palmam victoriæ deflo-  
rari, mansuramq; in æuum propudij notam, discriminibus  
ac sanguine Polonorum parati victorias, quas Scythæ in com-  
modum suum vertant fruanturq;. Alij contra, amicitia-  
m Scytharum extollebant, arctis Poloniæ rebus adeo o-  
portunam, ut in præcipitio existenti, primi ad desperatam  
causam contulerint, sinceram compansionem, & præsens  
auxilium. Toto Suecici belli sexennio, sine pane, sine re-  
cto, sine statuiis ac stipendio, constantissimè in hostes Po-  
loniæ militasse, non longinquitate itinerum, non asperita-  
te mon-



1660, te montium, aut bellorum casibus incommodisue abster-  
ritos, etiam donatiuum à Republica dari solitum, ad felicio-  
ra Patriæ tempora differendo: iam nunc in bellum euocatos  
arcere prædâ, sanè durû ex bello uiuentibus. Quid, si super-  
uenit Galga, & vi rapiet quæ petentibus negantur, ac impro-  
ficuam amicitiam, viribus ac numero fractus, in hostilita-  
tē mutabit? Cederent hostes paulò melioribus socijs lu-  
cro, vel sanè libertatem quam gratuito à Polonis habent  
à Scythis ære mercarentur. Placuit conditio, uti auertent-  
dis extremis, demulcerent donis gentem auri auidiſſimam,  
quòd ut præstarent planè assensu, cum dubia adhuc dum  
luce creberrimis globis suggesti Castra (samelici in morè  
lupi qui caulam circumiens sedulo introitum curiosus ho-  
spes rimatur) etiam isti portis aduoluti, ingressum molie-  
bantur. Obijcit se strenuè stationarius miles, & postquàm  
moniti, à vallo non absistunt, iussu Kierembrochi ac Pio-  
trouici Centurionum, quibus excubiæ obtigerant, iactu  
sclopetorum excepti, ab aditu excluduntur prima impres-  
sione. Verùm vndiq; circumfusi, & raras nec nisi exer-  
mum stationes aduertentes, in cuneum conglobati, vallē  
superant, obstantes reijciunt, demum peruicaci assultu Mo-  
schos inuadunt, supplices captiuant, resistentes obtruncant,  
dolentibus nostris, & factum prius quàm fieri posse cre-  
derent, haud sanè demirantibus. Seremethus anticipato  
digressu euasisse casum videbatur, sed & iste fatale cap-  
tuis præſagium implere debuit, Noradino pro extradando  
efflictim instante adeo, ut præter alia dona, CC. Millia  
Imperialium exnunc numeranda, auaram indolem haud  
quaquam mitigarent, exindeq; dedendum sibi importuna  
flagitatione extorserit. Adeo supera illa Prouidentia vis, et  
si in minimis magna & efficax, in magnis tamen manife-  
sta & validior, consilia mortalium versat aut confundit  
inſigni in præſens documento, ut qui Cracouiam institu-  
endo Triumpho victor destinabat, iam nunc victus, diuer-  
sa via in Tauricam abiret. Etsi humanorum casuum re-  
miniscentia, ingenuè fatendum sit, nonnihil ex insignis  
belli

Scythæ  
Castra  
Moscho-  
rum in-  
uadunt.

belli gloria decerptum fuisse, vbi parram multo sanguine vi-  
ctoriam, subductis à Barbaro manubijs denigrare patimur:  
quamuis immunes à noxa excuset bona mens, & proprij  
periculi ratio. Tres nihilominus Palatini, in potestate re-  
tenti, præcipuus Kniaz Kozłowski, cuius si consilijs obtem-  
perasset Seremethus, haud tam tristi Epilogo scænam fini-  
isset. Arma omnis generis recepta, sexaginta septem ma-  
ioris modi machinæ, signa militaria quotquot reperiaban-  
tur, sclopetorum, lancearum, ensium, bipennium &c: grâ-  
des cumuli; uti conspicuum rei tractatæ, sic considera-  
bile vicissitudinis rerum humanarum monumentum. Eo  
fine Cudnouiensis prælij successus Moschis constitit, sæpe  
meliori parti fauente Numine, à quot sunt omnes causæ  
causarum. Triginta sex Millia hostium cæsa aut capta,  
grandis iniqui belli victima, ut ne nuntius quidem cladis  
superfuiſſet. Ast, ut in mellis dulcore, si gustu exploras a-  
marorem senties, consimili natura victoriæ, quæ extrinse-  
cus læta, non caret intro tristium mistura. Hinc Cato tolli  
omnino Carthaginem nolebat, uti æmulæ Urbis metu, po-  
puli Romani vires bello occupatæ, otio haud soluerentur.  
Etiam de bello Punico Livius ait. *Statim quoq; nostrum e-  
victoria mouit: ut iam inde haud secus quàm in pace res inter  
se contrahere, vendendo, emendo &c: auderent.* Idē ferè apud  
nos, ut maiori parte metu externorum bellorū solutis, iam  
inde vacaret adeos contractus verti, qui tot coniuratorum  
hostium armis, perniciosiores Reipublicæ exſtitere.

Postquam res tractata, cuncti se in propria recipi-  
ebant, Scythæ in Tauricam, Cosaci in Vkraynam, nostri  
in Patriam: festinatum digressum urgentibus belli incom-  
modis, præcipuè frigoris vi intensa, cui accederet pabuli  
inopia, quàm plus quàm media pars equorum enecta inte-  
riit. Idem malum in homines, peditem præcipuè graſ-  
satum: hinc videre erat reduci nonnullas legiones, in  
totum rarefactis ordinibus, cohortesq; met tertias incede-  
re, nuper ducentos turmales complexas. Nec magis com-  
miseratione dignâ, Nobiles Equites pedibus iter decurrere.



1660. ægros sine cura haberi, ac circa viamemori, nullo deuehē-  
dorum prouisu, aut victus subministratione: certē sub bo-  
nis Ducibus illudato exemplo, negligi post meilem operari-  
um: dumq; potiores regressum maturant, projici in stati-  
ua legiones, velut non amplius necesse fuit Reip: videretur.

Czarne

cij eo

Anno

1660.

Etiam Czarnecius exacta cum Lithuanis ætate, Regē  
in Vkraynam tendere comperiens, huc se dederat, vti cum  
Holsaticis Legionibus Kijouiam versus penetraret. Itaq;  
apud Loiouum superato flumine, quidquid in partes Mo-  
schorum proclive, ferro & igni vastat, globos coeuntis,  
plebis dissipat, ac latē patentem ditionem terrore armor-  
um permiscens, nihil intactum sinit; donec ad primam  
ingruentis famam, cuncti se locis munitioribus commite-  
terent. Præcipua tunc Cosacis transborysthenem rece-  
ptacula habebantur, Nizynum, Pereaslauia, Odrze, Dziewi-  
ca, Nowogrodek, &c: cum cōplura alia, quibds terro & me-  
tu offusis, multiplici palma inclitus, expeditioni finem in-  
gruente bruma imposuit; continuis belli experimentis lassū  
agmen, per adiacētia Pripecio amni circa Bobroyseū locans;  
impiger Dux & consultis facta cōiungens, si quāta illi meriti  
& famæ ratio, par in refouendū cooperatorem militē respo-  
ctū haberetur: cum tamen vel currus res licet in antennis minis  
itineratibus cōmodus existat, nisi polos axungia illeueris.

Regis

Craco-

uiam

aduen-

tus

Die XXV. Octobris Rex Casimirus cum Regina Cracouia venit,  
Metropoli Vrbe lætanter acceptus, occulto aliquo subsecuturæ vi-  
toriz sensu, alacritatem animorum incitante. Quippe vix hic de-  
posuerat hospitem, cum vbere latorum prouentu adiunt à Ducibus  
literæ, tam deleti Moschi, quàm redditū Reip: Chmielnicij significa-  
toriz, vtræq; trophæum ex prostrato funditus hoste gratulantes.  
Accepit eas Christiano vti semper animo Rex, ac quo consumma-  
tior Triumphis species esset, in Arcis Basilica supplicationibus Æternæ  
Maiestati constare pompam voluit, plausu populi, ignium iactu, ac  
fragore machinarū, vniuersos publicæ lætitiz admonentibus. Vtq;  
debitam externo cultu monstraret, in Ter Max: gratitudinem, è tho-  
listemphi signa hostium refigere iussit; præcipuē illud multo auro il-  
litum, effigiem D. Georgij præferens, præho ad Posonkam rece-  
ptum, quod è regione sarcophagi D. Stanislai Præstulis  
hodieq; exstare cernimus.

A. M. D. G.



# ANNALIUM POLONIÆ CLIMACTERIS SECUNDI,

REGNANTE

## IOANNE CASI- MIRO LIBER SEPTIMVS

Elenchus Contentorum

An. CH. M. DC. LXI.



**N**ous in Regno consurgunt motus, recenter susci-  
tato eligendi ad Diadema successoris consilio. Quod diu  
clam habitum, dehinc aliud agendo in plures dimanare ca-  
pit, Rege ac Regina Cracouia, inter suscepti negotii præ-  
paramenta hyemem traducentibus. Hic Casimirum ai-  
uersorum legationes adeunt, etiam suorum officiosis salu-  
tationibus conuenitur, obuia vtriusq; Maiestatis comitate, & in familia-  
rem cum suis conuietum propensione. Salsifodinas Wielicenses Rex inui-  
sit, satagente Ludouica, vti inferius delata, subterraneas specus recognosce-  
ret.



1661. rer. Inde Czeſtochoſiam ventum, datumq; deuotioni aliquid, plus negotio preconcepto; multis rem nouam & ueritam aſſenſu, aut ſcripto firmantibus. Particulares in breui Conuentus celebrantur; poſt & Comitia Generalia Varſauia. In his Duces Poloni de victoria Cudnouienſi referunt; idem praestat Sapieha, ac Czarnecius, ob rem in Lithuania proſperè geſtam; & quiſq; parati operis teſtimonium, ſpolia hoſtis exhibet. Grates ex merito cunctis dicta & habita; ſed præcipuè Czarnecio. Materiarum diuerſitas Comitia diſtinet. Demum Electio in apicem proat, ad deliberandum Ordinibus propoſita. Regis Caſimiri ſermo, id negotij ore proprio commendantis. Magno animorum motu reſcapta & tractata, multis ſe opponentibus contra. Hauius Crimenſis Mediatorem ſe pacis Moſchouitica ingerit; qua ſi conciliari nequeat, ſocium belli offert. Pacta Oluſienſia cum ſuecis, etiam Hadziacenſia cum Coſacis, approbantur. Czarnecio Tykocinum hereditario lure conſertur &c. Contributiones in bellum ſancita, demum & ſignata Comitia. Exeritus interim ob exilitatem hybernorum fremit, cui in obſequio retinendo Wilczkouiſ impar, dum ſubitos motus Varſauiam ſignificat, interim à milite Nexus conſtat. Id malum, in primo limine contemtu Aula; aſt incrementum & progreſſus Reip. mox formidoloſus; regreſſiente in uiscera Regni Exercitu, & legitima Imperia abdicante. Rex in bellum Moſchouiticum mouet; Oppidani Mobiloua præſidium Moſchorum exturbant. Lithuania Exercitus in ſimilem itidem Nexus conſpirant. Hauius Crimenſis in bellum contra Moſchos, Conſederatum militem literis inuitat. Grodno recuperatur; etiam Wilno, arce ab hoſte recenta. Chodzanski ad Dolhinum cum Lithuanis pugnat, quibus Rex in ſuccurſum accelerat, dehinc re tranſacta ex deuictò hoſte triumphat. Wilnam regreſſus arcem obſidio premit & recipit. Iterum à Regijs apud Glemboſie proſperè pugnatum. Nexus militares tam Regni quàm Lithuania in unum coaleſcunt &c. &c.



**S**tatus Poloniae quâ armis quâ pacationibus videbatur ex parte reſtabiliti, ac lacerata diuturnis bellis Reip: tranquillitas ſenſim in melius attolli; cum ſperati euentus deſiderium, emergentibus de nouo conſilijs concuti cæpit; uti ſtante uita Principis, & ſaluâ Electione Populi ſucceſſor deſtinaretur ad Coronam. Quo in puncto, ut fatear ingenuè, multum anxius hæſi, proferremne iſta, an tranſmitterem? tum legine Hiſtoriae, an pietati in Patriam (cuius nuditatem reterege pijaculum) ſilendo conſulerem? aſt uicit ueritas ra-

tis ratio, cum non uſq; gentem noſtram pudeſcieri ſciam hiſce factionibus, ſub Principis & legum nomine agitatiſ, ut non magis palam ſit, Electionem in Polonia ſolius Dei, per quem Reges regnant, beneficium eſſe. Sed nemo à me conſiliorum arcana, aut inter paucos condicti ſecreti abſtruſiora hac in parte requireret; quod pluribus cognitum, quod palam in omnes emanauit, vel intelligentes rerum memorant, ex fide conſignabo; annem hunc conſiliorum per ſuperficiem tranare, non mergum agere intendens. Tranſigebat Caſimirus Rex hyberni temporis curriculum Cracouiae; inter nouellarum hilaria, aſt gratulantium pa- negyres, ab adultò Octobre, ad ultimos Ianuarij dies hoſpitatus; euulgata diuturnioris in loco moræ cauſa, iam quod uictorem Regem tot bellis perfunctum, in principe Vrbe ſpectare pro magnifico eſſet; quinetiam expediret, efferueſcente inter Leopoldum Imp.; ac Turcam in Hungaria bello, à proximo limite uicinorum motus obſeruare; raro igne ubi oritur deſlagrante, niſi & contiguis ædibus communiceſcens incendium. Et primi armorum ſucceſſus pro Turcis erant, capto in finibus Tranſyluaniae Varadino, depulſiſq; maiore parte Hungariae Cæſareanis, ut uix apud nouas Arces, quas Germani Neyhuſel uocant, uehementia Ottomanis ſiſteretur. Hic ſubiſtens Rex, diuerſis legationibus adibatur; ante alios à Crimenſi Hano, qui verſicolore caballo muneris loco Regem dignatus, ad proſequendum contra Moſchos bellum ſeriò inuitabat, vel centena pugnatorem Millia ſub initium Veris educere pollicitus. Dehinc complurium Vicinorum Legati gratulatorias ferebant; inter alios, Curlandia Duce Iacobo, qui talionem repenſurus à Suecis vindicatus, ſedulò pro pace cum Moſcho concilianda allaborabat, æquanimis pacis conditiones laturum ſpondens; quem tamen, pro inſito faſtu, ita exiſtimationi ſuæ conſulere uelle apparebat, uti non per ſe, ſed alterius interpoſitione uictorem precaretur. Sub hæc máxima cuiuſuiſ Ordinis hominum frequentia ad Regem conſluebat; è Clero P p p præci-

Cracouia  
Caſimirus  
reſidet.



1661. præcipui, Senatores, Equestres, alij vocati, alij sponte venientes, comi pascim in omnes ac beneuolo Rege: ac, si quidquam aliquis posceret, nihil petentibus negante. Nec diu Mareschallus Regni Lubomirius, confecti belli magna parte autor, Cracouiæ Regem salutabat, ex merito acceptus ab utraq; Magestate gratiosè, Supremo Cancellario dñ salutanti Regis nomine responder, adeo in encomia effusa, uti præcipuum Pacis pararium, imo Patrem Patriæ diceret, etsi energiam laudantis probè intelligens laudatus, haud ignoraret, contrario sensu accipi debere, quæ nimia dicerentur. Cieciura quinetiam acerrimus ille Moschorum assertor, Cosacisq; in excutiendum obsequium fax & tuba sistebatur. Regi captivi speciei meritis equidem non impune abire toties læsæ Maiestatis crimen, quia tamen spontanea transiitione in partes, speciem respicientiæ præstulerat, tum ambo Duces exoratores pro reo intercederent, etiam huic clemens sine delectu Princeps impertijt veniam, noxio sanè benefacto: ac quod in facinoroso deterius, rursus ad nocendi facultatem, à metu pænæ liberato. Idem præstabat Georgius Chmielnicki Exercitus Zaporoscensis nomine, constantiam fidei illibatè in posterum seruanda ingerens, & ad quævis mandata Regia pròptum spondens obsequium. Cuius Internuntij, ut fauorabili aditu excepti, sic cum spe clementiæ dimissi sunt: centenis ex sodalicio iussu Regis panno Anglico conuestitis, ut si benignitatem Regiam animo rudes concipere non possent, saltem splendidior vestitus tribuentis munificentiam testaretur. Quod residuum temporis, honestis oblectamentis datum. Strepebant Palatii Episcopalis conclavia in hospitium Maiestati delecta, abeuntium aut venientium concursu, implebanturq; capacissima triclinia conuenarum turba, non ut assolet ieiuna in atrio statione, verum ad instructas munda dape mensas, assidere ac conuesci cuiq; licuit, adhibitis ultra morem Aulæ, qui ad hilaritatem prouocarent: postea quam sapuit bolus, & sine delectu conuiuiæ admisi, multis suppa-

supparasitantibus. Etiam Rex nonnullos Proceres hilaris 1661. sub noctem conueniebat, inuitatusq; ad solennes nuptias Francisci Korycinski, quas cum Iacobi Michałowski Castellani Biecenensis Filia Virgine lectissima contrahebat: in ædes Kazanouij foro imminentes, quibus à S. Christophoro nomen, simul cum Regina descendit: iocis festiuioribus ac choreis indulgit, etiam pro more donis Neosponsos dignatus. Grata hæc in vulgus, præsertim gente nostra ad eiusmodi illicia facili, quæ nimiam austeritatem perosa, in officia humanitatis resolui amat.

Wieliciam inde itum, visendo fama celebri loco, ut Wieliciam itum. qui non immeritò inter admiranda Poloniae ponatur. Vnanimi traditione Historicorum constat, tam hinc quam Bochniæ fossilem salem, existere beneficiū D. Cunegundis, Boleslai Pudici Principis Pol. vxoris, quæ eas. salis fodinarum cornucopias à Parente Bela Hungariæ Rege, pro dotali Gaza impetratas, ut in Poloniam transportarentur, miraculosè à Deo obtinuisse. Sed de his in anteriore Climactere fusius, neq; nunc iterabo. Hospitem Maiestatem excepit magnificè, tractauitq; Ioannes Wielopolski, Castellanus Woynicensis, Vir splendore & humanitate præcipuus; iam nunc administrationi eius Oeconomix admotus, decedente Barone de Jaroszyn Silesio, qui in eam diem, per aliquot annos reddituum locatione redemerat. Incessit hic cupido Ludouicam Reginam subterraneas specus adire, uti proprijs oculis videre posset, quomodo euilcerata tellus salem parturiret, & ut vacua antra cumulis ruinarum opplerentur. Dissuadebant multi in ima terræ descensum, non sine fastidio futurum, etiam Rex ob varios casus anxius retinebat, ast firmiter in proposito illa perstitit, ac sic demitti infra mundi limitem ostendit, ut nuper extra Regnum animosè bello exacta iuerat. Angusto deforis orificio panditur in profundum specus, quo descendit fossor helcio rudenti annexus, ac paucos seuo ignem refouens, cuius lumine, in illa perpetuæ noctis opacitate, quæ non solem, non sidera admittit, in opus prodro-



1661. prodromo vteretur. Iam ferculo in descensum exornato, plures e gynæceo Virgines aderant Dominam comitaturæ, quibus innatum sexui pauorem regentibus, exprobrabant non inurbanè Aulici, astutè eas constantiam mentiri, cum externus pallor metum proderet: ac absoluta humanæ venustatis simulachra non sine commiseratione spectantium eò descendere velle, vnde sal erueretur. responso istarum, etiam sub terram eundum, quia Reginam deferere nefas esset. Sed quis imbellem turbam miretur, non vni Virorum circa descensum tremor concussit artus. vbi iuxta Petram.

*ire per omnes  
Umbrarum ditiusq; domos, habitataq; nocti  
Limina, precipites aditus, et aigna sepulcris  
Manibus hospitia, et tristes sine sole cavernas.*

Destitit tandem Regina, ac quo expectatâ in visceribus terræ præsentiam Folsoribus pensaret, circa egressum operarum nummos spargere iussit, non ingratum rapaci turbæ xenium; quæ vicissim pro munere munus datura, Bancum salis obtulit, in gemina frustra concilium, in cuius medio ramus betullaceus, cubitus humani crassitie, insertus esset. Inspexit Rex, enato confestim Phisicis problemate. An sal cum creatione vniuersi synchronos terræ esset? an verò producticius telluris partus, & ex matre omnium terra, falsedo nasceretur. Wieliciâ rursus Cracouiam, isthic breui morâ Czesztochouiam ventum, sacrum locum inuifendi deuotionis causâ, tum, quod per Vniuersales literas, huc in ante Casimirus Senatum Regni conuocarat, velut per transennam de rebus ad statum Patriæ spectantibus acturus. Hic ad diem x. Februarij. trimembris proponebatur deliberantibus Thesis. Primo, Electorem Brandenburgicum in conditionatam Elbingæ traditionem haud assensum, nec in totum ex dignitate mittentis Commissarios Reip: accepisse. Secundo, Contributionū publicarum deuotionem, ex Sen: Con: Leopolim per Ministros Aerarij quantocius deuehi procurandam. Insuper Prouincijs Maioris Poloniae,

in fi-

in fidem publicam supererogatas summas, tum suppedita- 1661. tam in vsum Castrensem annonam, in rationibus erga alias Prouincias suscipiendam. Quoad primum. Vigore Pacti Bydgosciensis, quo à partibus Sueci abstracto; necessum erat Electori certam pecuniæ summam numerari, vel certè dimittere hypothecæ loco Elbingâ, donec nummos reponimus. Vladislaus Rey Curia Regni Thesaurariusungebatur Commissarij munere, qui repositione summæ in præsens difficili, sic locum consignare volebat, vti veteribus Urbis immunitatibus, ne nouo sub Domino premerentur consuleret; an forte in executione Pacti lentior ideo, vti ea protractione, velut nouo beneficio illigaret Principem, recenti Electionis nostræ materiæ non vsq; fauentem. Aegrè fert cunctationem Elector, & haud celata offensa literis ad Regem datis, acerbius in protelantem Commissarium inuehitur, etiam pro mittendis ad bellum Moschouiticū subsidij requisitus, nihil præstitit: plus à Rep: gratitudinis requirens ipse, quod hostes eius exarmasset. Ad stipendia militum vbi ventum, affectus magis quàm effectus erat: apparebatq; pecunias facilius distribui verbo, quàm numerari manu, præsertim inter illos, qui prodigerent non sua, vt promouerēt aliena. Ast superficie tenus ista, & occupandis tantum animis tractabantur, reuera feruebat sub operculo Electionis materia, iam in alterum annum Aula Polona inauspicatum factum parturiente: &, dum in id consilij suafus Princeps trahitur, donec euulgari expediret, tantisper silentio premente. Et præsisent diutius, nisi dum Austriaci Ministri inuidiosè propalant, visum promotoribus tempus maturuisse, ac magis ingenuum duxerunt non silere. Ita q; prensati, ut quisq; Ciuium in assensum, monstrando rationibus, post Suecum, Moschum, Transylvanumq; violentos Regni competitores, iam nunc securius, de eligendo Successore, sine libertatis præiudicio tractari posse. Traxit multos, res sola nouitate plausibilis: vnde, quia plerumq; mens humana ambulatoria est, visum placita scripto firma-

PPP 3

re, no-



re, nominumq; autoritate persuadere reliquis, quod potiores ratum habuissent; etsi id institutis legibusq; Patrijs apertissimè repugnaret. Quippe pro cardine libertatis Poloniæ habetur, Regnantis Electio, quam non aliter liberam Ordines censent, nisi Fato Principis orba Resp: ad promenda pro successore suffragia, iam sui iuris facta accedat. Neque solum qui excelleret dignatione Proceres nomina dabant, etiam ut quivis è Nobilitate requisitus & illectus subscribebant; cum non pigeret in legem peccare inferiores, ubi amplissimi ordinis haud pauci in pagina descripti conspicerentur. Ita rem aggressi, & promptum effectu iudicantes quod cepissent, multos benefactis, plures pollicitis, comitate omnes devinciunt: præsto ad mensuram cuiusq; largitiones, tituli, dignitates, beneficia &c. reliquum supplere verba, quæ sæpius Amicos veteres spe nova excitanti novos veterum æmulatione incendunt; nec pecuniæ parsum nec studio, ut sic per Prouincias sparsim haberentur ad dicti negotio, & contribulum stimulus. Debili sanè eorum qui promouerent negotium coniecturâ, vniuersos facile adduci posse, in quod nonnulli præoccupati assentirentur; præcipuè non ignaris, ius vetandi adeo in statu libero valere, ut vel vnius contradictoria voce, comitia dissolui contingat. Vnde verò tam turbidi, & veterrimis legibus repugnantis consilij causæ, haud facile est dicere: nec scribenti proferre omnino tutum. Cerrè Casimirus animi candidus, ac semper probissimæ mentis (uti postea sæpius fide Regia retulit) opinione ductus, beneficium se conferre existimabat; vel quod verisimilius, ad orbitatis solatium, & quandam sortis emendationem successorem nancisci cupiens, quando ex se genuisset abrupta vita non regnatorios. Sed omnes in eo consentiebant, eiusmodi telam Reginæ Ludovicæ opus fuisse; quæ supra sexum ingentium capax, & dudum suas necessitudines agitans, iam ex sorore Nepti per torum in thronum promouendæ, consultum iri volebat; iam excelsæ indoli otuari nesciæ alimentum datura, si quem

vterō

vterō parere Polonis Regem non poterat, capite daret. Hinc curiositati occasio, & Regi, qui Vxori plurimum tribueret, stimulus. Hactenus Czeszochouiæ inter deuotionis miscellæ actum. Inde Kielcios itum, Præsule Cracouiense Trzebicio, pro liberalis hospitij modo excipiente Maiestates. Etiam hic Sandomiriensis Palatinatus in considerationem veniebat, non aliunde quàm hinc aduersos cæpto negotio ventos consurgere, supponente Aula; Terræ eius Nobilitate Patriarum legum & aucti moris tenace, & quæ, ne quidem sub iugo Suetico & Caroli armis, pro insinuata Electione fortiter loqui omiserat; vnde tunc, ac si per viam vocari tractariq; placuit potiores: repertis qui assentiretur & scriberent, pluribus silentio aut præcipiti abscessu rem Fato committentibus. Inter hæc, Varsouiam Casimirus redibat, impletis anxia expectatione Prouincijs, quis ille tandem successor, & quomodo Polonum diadema vni semper impositum, geminis aptari posset capitibus. Præludebatur interim negotio emissarijs scriptis, aderantq; interpretes, qui per familiares discursus veriusq; Maiestatis pro Republica studia extollerent, propter subiectos populos se se Pellicani in morem euiscerantis; iam ad commoda futuræ Electionis transgressi, dilaudabant hyperbolen propè antidotum salutis, recentium bellorum malis terrendo, aut mulcendo spe meliorum: ut ferè nihil facilius persuadeas, quàm ea quæ sunt in audientium votis. Conuentus interea Particulares magno concursu Nobilitatis per Prouincias acti, in quibus offendit nonnihil Ministrorum Aulæ confidentia, quâ protulerant, in negotio Electionis rem omnem, se vino & epulis perfecturos. Vnde læsivum scomma, alicui horum exprobratum Opatouiæ fuit, ut is, ne offensos animos irritaret, subducere se à consilio debuerit. Ast vna hirtundo non facit Ver, præsto intendentibus multis, quæq; aucupia populi sunt, omittentibus nihil. Ignosce Nobilitas mea, liberè suggerenti; flante Austro impellimur, aspirantibus Fauonijs trahimur, affectu, respectu, passione, velut

ventis



1661. ventis agitata arundo mouemur; praesertim ubi se interponit accipiendi, hamus aut lautae tractationis occasio. Inter haec prodigit qui habet, rapit qui indiget, & sic potitur qui intendit. Firmamentum olim Reip; vox libera, iam in telum parricidij vertitur, quando empti Quirites, ad strepitum lucri suffragia vertunt. Res mali moris publico intertrimento augere priuata; & ut lares abundant, ex ara rapere, Tholosanum aurum est.

Comitia dein Generalia Varsoviae Die secunda Maij celebrata sunt, tantâ Conuenarum frequentia, qualem vetustissimi mortaliū non meminerant: cunctis animos arriuentibus, illud suâ ætate prodigium visuri, Regem scilicet e cerebro designantium datum. Catui Equestri moderabatur sub Mareschalli nomine, Michâel Casimirus Dux Radiuillus, Pincerna Lithuaniae, non natalibus magis quam indole florentissimus, & quod ad rem facit apprimè Catholicus. Quippe Radiuillorum familia inter geminas stirpes propagata, sub vno vocabulo procerentes ramos, hæreditatum titulis distinguit, ita, ut primi ab Olyka & Nieswiez à Bierze & Dubinki alij; etiam à Kleczko & Kopyl lineam domus denotent, intermedijs ad Caluini dogma olim tractantibus: & donec ramus deficit, in errore obfirmatis. A Throno interim deliberationi materia proponitur, exprimit Senatus vota, auscultant Equestres, aut accepta dicendi venia, sese ad interuenientia immiscent; primò ac precipuè opposcentes, uti honores ac dignitates quales Vacantias vocant distribuerentur. Factum satis sic disponenti legi, & istis volentibus, Andreæ Grudzinski, Poznanienfis, Joanni Opalinski Calissiensis, Hieronimo Wierzbowski Sieradiensis, Leszczynia Incisori Regni Podlachiae, Palatinæ celsere dignitates; Joanni Leszczynski minus Regni sigillum delatum, alijs alia &c.

Duces de  
Viteria  
ex Mo-  
sthis refo-  
runt.  
Die Sanctissimæ Trinitati sacro, ambo, Duces, Poloni, nobile proscenium actus daturi, splendido Comitatu Arcis arcam prægresso, diuisim vterq; se exhibuere spectandi. Præse-

Præferebantur signa de Moschis rapta, ducebantur vincti<sup>1661.</sup> post currus captiui, dein ante Tronum Regis exhibiti: quorum primarius Kniaz Kozłowski, dum in adorationem Maiestatis contumax collum inflectere renuit, valentiori brachio trusus, ante solium Victoris sternitur, genu flectere nolens. Simili pompa Præfectus armorum Lithuaniae Sapieha, rerū à se gestarū exhibebat spectaculū, quodq; triumphi speciem auxerat, sine socio palmam meruisse visus, ubi Gasieuius Campidux, in Moschouia detentus hæret; nisi Palatinus Russiæ Czarnecius, cum Holsatico Exercitu in Lithuania coöperatus, in consortium eius laureæ veniret; redderetq; singillatim Regi CXV. signa militaria, ac præter alias manubias, viginti sex captiuos Moschos, serico vestitos; idq; die VII. Iunij, latiore nominis famâ ac populi plausu in pari merito acceptus, potiorq; Maiestati visus, cuius manus labascente iam aliorum fauore, successoris promotio respiceret. Quod patuit, dum à Trono actæ quidem omnibus ex merito gratiæ, debitæ & competentes, quid amplius tamen & seorsuè Czarnecio præstitum, quem pleno Senatu Cancellarius Regni Prazmowski à Rege iussus, in eum sensum compellauit. *Rectè factorum conscientia amplissima Czarnecio quidē virtuti merces est, & excelsa Heroū indoles, fortiter egisse contenta, maximi præmij loco cēset, silente licet publico encomio, promeritâ famâ laudari: at hæ ipsæ virtutes tuæ, quibus præsentem tempestate Dux Fortissime refulsisti, inuidum rumpunt silentium, neq; nobis, quibus fortitudo tua profuit, tacendo ingratissimè esse licebit. Implesti præclarè factū Orbem, neq; solum apud huius Patriæ Cives & conterraneos Magnus, nec tantum apud vicinas gentes gloriosus; verum etiam apud ipsos in exitium nostri coniuratos hostes, non solum timeris armatus & victor, sed etiam celebraris præconijs pacatus & absens. Protulisti ad famam, per diffusa transmarinarum gentium climata, robur nomenq; Polonum; simul auitam bellicæ virtutis gloriam, dudum his in oris oblitteratam, infatigabili pro honore gentis strenuitate, suscitasti. Non extat vel ex remotissimis Regni hu-*



1661. *gni huius Prouincijs angulus, nec vel vnâ reperiri facile, incurſu  
hoſtium occupatam Polonia particulam; quò tu cum Legionibus  
non eluctareris Victor; iam ſuper Leone Suetico, iam Moſchorū  
alite immortalia ſpectatore Orbe erigens trophæa, in præſens  
Patriæ præſidium, poſteritati prodigium. Nec ſolum Carpa-  
tijs Montibus fortiter geſta tua circumſcribi pateris, ſed calo  
proxima Alpium iuga, fortitudinis tuæ gloria iam tranſcendit.  
Parum eſt Europam quâ latè patet vittricibus lauris impleſſe,  
niſi ultra Caſpium mare, & admotam Orienti ſoli Indiam, Ma-  
gnumq; Mogolem, & dites contemptu auri Chinas, latè no-  
minis & victoriarum famâ, tranſuolares. Ne tacet amplius  
Roma Fabios, Vnus homo nobis reſtituit rem; quodq; eidem agi-  
tato turbis imperio adſcripſit aliquis: niſi Marius exſtiſſet  
actum de Romanis fuiſſet; idiuſtus tibi à Rep: noſtra tribui par  
eſt. Militarem diſciplinam, ſeu temporum iniquitate, ſeu no-  
cua conuiuentia laxatam, iuſto rigore ad normam reduxiſti,  
præciſiſti licentiæ neruos, fibræ modèſtiæ & obſequij inſtaura-  
ſti, ita, vt in immenſum prouecta Patria latifundia, licentioſis  
ubiq; vexata delectibus, adorent nomen Soſpitoris; quiq; an-  
te ad mentionem militis diras imprecaretur, tam nunc benedicat  
populus, modèſtæ tractationis conſcius: fatendo, quâ ſinguli quâ  
vniuerſi: quod, cum maxima facias, minima exigas: & cū pro-  
merueris immenſa, præmio pro laboribus, ſolâ contectus agis gloriâ.  
Legiones Tuas & ſtipendijs & hibernis per externas gentes hoſti-  
reptis, ſuſtentas & alijs; tam extra Patriam proſiciuus, quàm ab  
intra nullatenus onerofus. Hinc nomen eius Ducis eſt nobis Legi-  
o fortiſſima, verbo comprehendam, vnus pro mille, & numeroſis  
Exercitibus potior ſolus & c. Nunc Ordinum nomine pro hiſ-  
dem belli laboribus, & indefeſſo circa bonum cōmune ſtudio, quâ  
Minifter Troni ſit, idem & publicæ gratitudinis interpreti  
gratias agere & c. Etiam Regiæ Maiestatis ſingulari voſo,  
vt à propitio calo tot annorum auxilium recipias, quot nobis ab  
hoſte eripi vetuiſti. Hæc ex vernaculo, vt dicta, ad verbum  
retuli, conſtare vt poſſit, quantū tunc vni ſubiecto Aula tribue-  
ret, certè ex merito, at non ſine inuidia; cuius plerumq; in  
æquali-*

1661. *æqualitate præcipua ſeges, dum à paribus vel inuidis alie-  
na encomia in diminutionem ſui trahuntur: etiam aſſertur:  
ſupra ſcriptorum fidem, quæ de tanto bellatore inferui;  
ſufficiet credo publicum teſtimonium, quod in facie to-  
tius Reip: ea ſibi dici meruerit.*

*Neq; tantum de verbo actum, vt non magis operis ex-  
hibitione virtus præmiaretur. Tykocin oppidum in conter-  
minio Mazouiæ ac Podlachiæ iacet, Arce firma adiuncta,  
quam immortalis memoriæ D. Auguſtus Rex excitarat,  
placito ob amænitate loco, interq; paluſtria reſtagnantis  
Narew fl: hîc delecta ſede. In eam diem amplo reditu Præ-  
fectura manſit, quam à Suecis recuperatam in ante Czar-  
necio Rex ſub Capitaneatus nomine contulerat; in præ-  
ſens meritorum intuitu, vt in hæreditatem à Rep: vertere-  
tur, authoritate Regiæ annifus, non ſolum vt laboris præ-  
mium, ſed etiam emeritæ virtutis ad poſteritatem honeſta-  
mentum. Certè meruerat, niſi conſequendi ſpes in arduo  
eſſet, vbi in æquali Rep: conſenſui plurimum vnus intercede-  
re poteſt, maximè in conferendis præmijs, aut largitioni-  
bus, quæ dū aliqui nec præſtare nec petere queunt, inuident.  
Etiam hîc complures è Nuntijs ſe oppoſuerant, extraordi-  
nariam præmiandi viam, ad alios Regiæ munificentia mo-  
dos reſtringentes, ne dum in fonte intercipitur aqua, pro-  
manans benefaciendi riuus exareſceret: ita tamen, vt tribu-  
endæ hæreditati aduerſi, in Emphiteuſim conſentire oſten-  
derent: cū conſurgens è Trono Caſimirus. Si (inquit)  
Virtus & labores emeriti Ductoris infra vobis videntur, vt  
Tykocinum obtineat Czarnecius hæreditate; at quidquid meo-  
rum in hanc Remp: exſtat, meritorum, lanci vt æquiualeant  
infero; ſi parum eſt, Auita mihi lagellonica domus collata in vos  
beneficia, cumulo ſuperaddo? Par pari reddite. Principis  
vox ſilentium diſceptationi impoſuit, & extorſit aſſenſum,  
vt demum tribuendum Czarnecio Iure hæreditatis Tykoci-  
num, lege publica tranſcriberetur.*

*De exoluendo quin etiam militari ſtipendio ſedulò actū,*

Qqq 2

velut

Tykocin  
conferatur  
Carna-  
tio

Cōmiſſio  
indicia  
Leopolis



1661 velut à soluere volentibus, Constitutionibus intertā-  
prolixā lege, pro die XXV, Septembris Leopoli Com-  
missionem instituentē. Locus equidem, & qui negotium  
pertractarent Commissarij condici facile potuere: ast, quod  
illud Amalthææ cornu, aut Fortunati marsupium, vnde  
pro immenso debito satisfieret, præsertim in tam larga  
publici æris dispensatione. Hinc militares Nuntij, dum  
palam constat prodigi non congregari, mulceriq; su-  
perficietenus verbis, & expendi in extraordinarios sum-  
ptus pecunias, haud in abscondito denuntiabant; Exer-  
citus toties nullo effectu ac irritis Comitiorum promissis  
dilatum, & elusum, ad ea demum media repetendi  
debiti descensurum, quæ læsa cogit tentare patientia.  
Itaq; vti isti rem seriò agi aduerterent, ad Contributi-  
ones publicas propositiones à Trono verteabantur; huc  
deducto negotio, quominus Agrariæ Quinquaginta-  
sex Fumales Exactiones sancirentur: in tardè soluenti-  
um negligentiam, Exactorum incuriam, Ærarij pecula-  
tum descriptis pœnis, & omnia quatenus Nuntij milita-  
res voluerant.

Publica  
Processio.

Nec omitam, per solemnes Corporis Christi Férias, in  
publica Processione Regem cum Regina, frequentissi-  
mo Ordinum comitatu, intecto per ardentissimum solem  
capite, ac ne baccillo quidem fulciri gradum sustinente, sa-  
cram pompam deduxisse. Et contigit, uti ad quadrifari-  
am excitata per forum altaria, deferenti Sacram Thecam  
Præfuli, substerneretur pedibus vexilla Moschorum, in tro-  
phæum Numini, qui solus Deus exercituū est, offeren-  
da. Quæ legatus Moschus ex imminentibus foro ædibus  
in terram prouolui calcariq; conspiciens, adeo altum inge-  
muisse fertur, ut inter crebra suspiria, barbam præ dolore  
vellicaret, vultumq; laceraret. Etiam Anabaptistarum se-  
cta, quos sub Arianorum nomine è Regno proscriptos an-  
terioribus Comitij memoravi, indictum exilium impotē-  
ter forens, patrociniū & fauores multorum detestabili  
causæ

causæ solertè conquirebat. Ac primò supplicem libellum<sup>1661.</sup>  
Regi obtulerant, commiserationem apud promptum indul-  
gendi Principem ciendo, quatenus tot vetustis stirpibus  
optimè de Patria meritis consulens, irrogatam exilij pœnā  
reuocare clementer dignaretur; etiam publica Disputatio-  
ne experimentum sui dare offerentes, quam modicum in  
dogmatibus fidei discreparent, & si meliora docentur, erro-  
nea deserturos: petebant insuper uti inuidioso Arianorum  
vocabulo per legem abolito, liceret ad receptam in Regno  
Euangelicorum doctrinam transire. Ast, minus gratè ac-  
ceptis, responsum est. Legem iubere non disputare, &  
nisi protinus ad Ecclesiam, quæ sola Catholica Mater est,  
redeunt, mutandum solum peruicacibus, qui errorem nol-  
lent. Et plus æquo Dissidentes, tunc in Rep: iuris vsurpa-  
re sibi videbantur. Et si Lublini in Tribunali Stanislaus  
Witkowski, dum deferente Salutis mysteria ad infirmum  
Sacerdote, Creatori Deo in Sacra Eucharistia præsentiali-  
ter existenti, in cuius Nomine omne genu flectitur, debitā  
adorationem ingeniculando negat, nec pilei depositione  
Dominum vniuersi veneratur, ad pœnam capitis cōdemna-  
tus esset: quā tamen ex benignitate Iudicij reo indultā, ses-  
sione annua turris, stupidam illam temeritatem aduersus  
Numen æternum, quod etiam maligni Spiritus cum tremo-  
re adorant, dediscere præsentī mulcta iussus est.

Alijs Triumphī spectaculo emollitis, alijs per diuersa<sup>Materia</sup>  
contententium æstu lassatis, tum demum intermedium a-<sup>Elusiones</sup>  
ctum dare placuit, materia eligendi successoris in publicū  
prodeunte. Considebat in Trono Rex Ministrorum tur-  
ba septus, Regina prælustribus circumfusa Matronis, è re-  
gione Troni fenestram in perystilio ampliorem occupa-  
uerat, vnde videre & aspici posset; frequens in statione mi-  
les locatus, & firmata ubiq; Prætorianis Palatij atria: cum  
pleno Senatus equestriumq; cætu, die XVII. Iulij, non iam  
pro recepto more, ex sigillorum Præsidibus aliquis Regiæ  
mentis interpretem agit, verum ipsemet Princeps, quæ si-  
bi in-



ibi intentio esset, ore proprio explicare aggreditur. Tribuam Optimi Regis memoriæ, qui Paterno in Poloniam affectu huc se dedit, uti vel cum diminutione sui in Successore viueret, genuina sermonis eius verba, ne intercidant ex fine inferendo. Itaque, semotâ impertinente turbâ, ac imperato per Mareschallos silentio, in eum modum Rex proloquitur. *Extra dubium est, Propositionem meam ad Conuentus particulares, de Electione Successoris, stante vita mea, instituendâ, per Prouincias dimissam, apud Fidelitates Vestras alicui admirationi motuum extitisse: quod insueta Regnantibus solitudine, Successorem mihi viuenti designari cupiam, quem naturali modo et ordine Fata mihi negauerunt. Neque minus ambigo quin res hæc, ut rara, sic insperata, diuersos sensus et consilij mei repererit interpretes. Quibus opinionibus ut explicita Declaratione occurrâ, de sincera et candida intentione mea, Fid. VV. ore tenus edocere visum. Inprimis nemo existimet, velut repente ac minus consideratè ad id consilij accesserim; cum ab Anno 1655. satis cedente Fratre meo Carolo Ferdinando, iam grauescentem annis ætatem considerans, iam habenda prolis exspes, et proinde Domus mea nouissimus, æquicensusui, imo ex officio duxi, id amoris carissimæ Patriæ exhibere documentum, ac velut præmonitionem: ut, si humanitus mors accideret mihi, in casum et discrimen Interregnorum sese committere nollet. Sed hæc intentio aut cogitata mea, ubi diuersi hostes Regnum exagitant, seponi aut differri debuere: resumptâ demum et penitus trutinata, post quam Resp: à cladibus respirare capit. Ergo altius considerando Domum meam, à Trecentis propè annis ex linea materna, ex paterna à Septuaginta amplius, liberis suffragijs vestris in solio Sarmatico collocatam, me hic inter vos eductum, et à vobis electum in present regnare; desiderans desideravi hoc gratitudinis monumentum in animis vestris relinquere, ut beneficiorum auctorum, simul exhibiti amoris mei memoria, ipsis Fatis superstes, non cum expirante vita mea extingueretur: sed apud bonos Cives et Subditos grata recordatione, ex eo perennaret, quod instinctu et per-*  
missu

Regis ad  
Ordines  
sermo.

missu meo, ad liberam Electionem viam aperuerim, quæ non nisi me viuente libera esse, ac dici meretur. Quippe iam consilij eiusmodi, iam viribus meis ad examen reuocatis, quoniam facinore huic Reip: solus et unicus Familia Iagiellonis superstes, continuatum in Stirpe meâ Imperium regravificari vale rem, hac presenti propositione, nihil efficacius reperi: ad quam ut salutis antidotum, vobis commendandam, verba Propheta aptare liceat. Popule mi, quid amplius tibi facere potui, & non feci. Testis cordium scrutator DEVS, me non sanguinis, non fauoris, non commodi, aut alicuius passionis respectu duci impellere, qui iam per legem mortalitatis omnia mea domusque mea Fata in agonem traho, nec quenquam reperiri posse arbitror, qui secus eam intentionem meam interpretetur, ubi attentius perpendit, quod seposita diuersorum Casuum Regnantibus accidentium vicissitudine, Status et dignitatis propria immemor, soli virtuti Polonia, meque in Patriam amoris sinceritatis sisus Ius Maiestatis cum Rep, à qua accepi diuidam. Credite eodem Teste Numine, me nullum Liberati vestre præiudicium velle aut intendere, imò bona conscientia sic sentire, immunitates vestras, non aliter nec validius firmaturum, nisi concessâ viuente et regnante me Electione. A parte sua in totum præcauens, ac sacrosanctè spondens, nullatenus immiscere, se Actui Electionis, eundemque vobis placitum approbare, quemcunque prius voluntas Altissimi, dein unanimi suffragiorum calculo, Elector Populus dignum Solio indicauerit. Modo sit à Stirpe Catholicus; ex antiqua Principum prosapia oriundus; neque vicinorum Monarcharum vasallus; aut recenter creatus Princeps; neu ditiones sue ab arbitrio alicuius minus Christianis fauente Monarcha dependeant; quinè belli Turci molem secum traheret; insuper, ut benè iunior annis ætatem meam subsequatur. Neque magis optauerim, non ex ijs eligendum, qui vel ipsi Patriam istam armis oppugnauere; aut filij eorum, qui per vim et potentiam, aliquando eandem occupare satagebant. Prolixius baud è re duco exponere talis Electionis commoda, aut euidentia pericula Interregnorum; eo solùm adiecto



1661. adiecto, quod licet plura Interregna olim eluctata Polonia fuerit, iam in præfenti non sine discrimine illi succumbendum foret. Quippe antiquo & simpliciore sæculo, sincerus candor, studium & amor recti apud Maiores nostros, non commodi, non respectibus Vicinis cogniti fuimus, etiam impermissi factionibus, distinuimus ignorantes, in quem usum nos ambirent exteri: opes nostras illi non nouerant, amicitiam infra ponebant, indolem ac virtutis studia non intelligentes, pro simplicitate contemptim accipiebant. Nos ipsi stipendiario exercitu caruimus, Castrensis seruitutis turbas, & hinc enatas Considerationes militares ignorauimus. Inauditum olim, uti perperam, ac per vim parte altera renuente, intruderetur Regnaturus; nullus supererat melius, ne discordem Poloniæ vicini inter se partirentur: quæ nunc mala certò certius (utinam sim falsus vates) imminet, ac metuendum sit, ne sine Electione tali deueniat Resp: in direptionem gentium. Moschi Cosacisq; ad sui idiomatis gentes sese indicent, quin & Mag: Lith: Ducatib; sibi destinabunt. Maioris Poloniæ confinia Brandeburgico pretebunt, imò ne de Prussia quoq; vel pactis, vel armis, in theatro nostro digladiari præsumas, metuendum. Neq; domus Austriacæ in ea direptione oportunitatem intermissura videtur, Cracouiam respiciens: mallente uno quoq; Vicinorū armis questum obtinere Poloniæ partem, quàm integrū expectare Regnum, antiquis immunitatibus contra Principes tutum. Etiam quis sponsor, Exercitus nostros, aut alias partes in Rep: facturos, antepositoribus accessuros, ut rapientibus possessio Regni addicatur. Accedit nouus in Rep: status Cosacorum, quibus ut nullum me Regnante ad Remp: accessus, sic in turbido Interregni licerent omnia. Perpendite itaq; Poloni altius, Electionem hanc nisi me viuente liberam institui posse, nec sibi imponatis antiqui moris amore, stylum & genium Orbe vniuerso mutante. Accipite grati, nouissimum hunc Paterni affectus mei conatū, vobisq; & posteris vestris consulite, eam Electionem ad meliora tempora haud differendo; nam felicitas hæc temporum derivatur ab ipso actu eligendi, protinus expedito: Labascet eo facto animus,

mus, & nocendi vis omnibus Patriæ huius minus amicis, ubi 661. viderint firmissimis aduersum imminetia fulcris & munimentis circumdatos. Si differtis periculum ex mora imminet, quippe ego ne pro vna hora vitæ meæ in post trahenda spondere ausim; exilis valetudinis conscius, & annis in nouissima inclinantibus. Finio Ter Opt: Max: precatu, uti eam dei Fidd: Vris: mentem ut sincera hæc & ab omni respectu semota intentio mea, in cordibus bonorum Ciuium reperire valeat debita gratitudinis fundamentum, unde mox emanaret publicæ utilitatis fructus: pro certissimo tenens, quod affectus is corroborabit erga me animos Gentis fidissima, in obsequio ac fide ad extremam vitæ meæ, exemplo Maiorum suorum constantissimè retinenda. Talia meliori animo quam suggestionem dum profert Rex, imbui opinionibus facilis, miro Ordines defixi hæc silentio, seu dictis Maiestatis reuerentiā, seu consideratione finiti non sine lachrymis sermonis, velut miseraretur. Multos vicissim affectu moueri constitit; cur enim substitui, in regimen alium vellet, ipse vicens & valens? & tunc melior, ubi vtriusq; fortunæ experimētis animū obfirmasset, etiā fortibus consilijs & regnandi usu? cur adeo, non tam confortem Regnandi quàm æmulum dari cuperet, insociabili duorum imperio? nec aduertens, minus expedire scindi in diuersum populi studia, qui pro innata mobilitate, satius ad Orientem quàm Occidentem Solem verteretur. Alij Legum reuerentiam, & Principis desiderium expendebant; credebant alij proposito decessurum, si modo animos suorum non usq; obstinatos cerneret; complures Principis voluntati obsequendum clamitabant, inutili legum adiutorio, quæ simul cum tota Rep: Interregni mala inuoluerent. Sequenti luce ubi sessio caput, iterum Cancellarius Regni sat prolixè ad propositam materiam argumentatus, adiciebat in scripto pluribus communicato, Canones seu Regulas, quibus Electoris populi circumscribens arbitrium, non tam optimum, quemq; aut Regno utilem, quàm hunc solum, & non aliū, sibi placitum monstraret. Vnde cauilli & scommata promana-



manabant, in exhibentes Candidatum sic circumscriptum, velut prius ictu parietem ferirent, dehinc metam, à scopo nunquam deuij, designarent. Inseram memoriæ causâ. Pro primo requisito positum; *ut non nisi Catholicus eligeretur*; quasi vero in Regno Orthodoxo diadema exlex per cuiusvis Religionis capita volitaret, aut metus subesset, ne à decrecente per Regnum hæresi, heterodoxus vi intruderetur. *Ne caput coronatum esset.* Quis ille tandem? Imp: Rom: in eam spem vocatus fastidit? Rex Catholicus xpi Regnorum Dominus, haud ambit: Christianissimus neuiquam aspirat? Moschum ipsi reiecimus, Anglum, Danum, Suecum difformis religio è tabula submouet; plures Coronatos Europa non habet, nisi transcendere in Asiam aut Africam mauis, isthic coronatum uti requiris caput reperiturus. *Ne formidolosus nobis sua, aut vicina potentia existat.* Ergo non Regem quæris dum arma amoues, sed trosculum aliquem paranympum, aut exermem optas Maiestatem, qualis apum Rex sine aculeo. *Ne ex ea stirpe descendat, quæ vnquam nobiscum belligeravit.* Euolue historias, nullam gentem in circuitu reperies, quæ non vnquam manum nobiscum conseruerit, aut nos cum illa. *Ex gente amica eligendum, cum detur genti in gentem naturale odium.* Imò magis introspecte, ne antipathia status præualeat, quippe in absoluto dominio natus, ægrè potest ad amandam libertatem asuefieri. *Eum adoptare expedit, quem nos, non qui nos vult.* Non ambientem vocare superfluum, reluctantem trahere, non ex dignitate. *Artes belli callentem, aut saltem ad eas inclinatum.* Si ad bellum vocamus, tati de eas addiscet: si ad pacem, nimis cito: at, si legibus armatus ad Remp: accesserit. *Non senem, non puerum, ne samen patitur socium.* Væ Regno, cuius Rex in cunis vagit, aut de ponte deiectus plorat, hunc sodes de nomine proponere, cuius in consilio valeat sensus, in certamine dextra. *Vicinis Principibus concordem & nummosum, benè iunxisti concordiam & opulentiam, nam & Fæderati Belgij Ordines vn-*  
ciali-

cialibus nummis prudenter imprimunt. *Concordiâ res 1661. parua crescent;* utilis gnome, opes tranquillitati publicæ iungere. *Vti maris potens, in commodum Reip: nauigatione viatur.* Cygnum aratro illigas, Campestris Populi Regem nauigationi. Flumina retrorsum conuertere necesse est, ubi Poloni fabricant Naues, sulcant æquora, & ab equestri vocatione ad nauticam transeunt. Euxini ab Oriente potentes, ab Occidente Balthici littoris, prospiciunt tantum in maria nec adeunt, & commercia mittunt per alios, ne solum salo permutare videantur: Ast de his sat.

Sermone Regis expenso, maxima inter cunctos sollicitudo oriebatur, nouitatem rei & proponentis placita, anxie expendentes. Sacer Ordo pro primatu quem obtinet, sententiam ante alios requisitus, haut discrepanter dixit, Electionem sibi probari: seu, quod posterorum exsors, collatâ quo accepisset beneficij, videri malit in præsens gratus, quam in futurum Libertati sollicitus; seu, quod immunitates Ecclesiæ in nonnullis cum Libertate Politica controuertant, filialiter tamen & modo tolerabili. Eadem secularium è Senatu per absentiam aut silentium conuiuentia, donec Andreas Maximilianus Fredro Castellanus Leopoli-

Castell:  
Leopoli-  
ensis se  
opponit.

ensis, dudum non minus eruditione ac facundiâ, quam nunc notabili in Patriam amore memorandus, ex ordine sensum aperiens. Dolere sibi dixit, Regem Serenissimum partiri id velle, quod ab æuo inseparabile foret, scilicet diadema Polonum vni capiti à Rep: collatum. Quippe, ut cælum geminos Soles, sic Regnum duos Reges non capit, nec aliter imperandi constare rationem, nisi vni reddatur. Indiuidua singularitas hæc, consortem adeò non recipit, ut etiam inter Patrem Filiumq; iura naturæ scindat, infallibili diuortio. Quod præter vetera, ab exemplo Philippi III. Hispaniarum Regis deducebat: cui, cum Cancellarius refricaret memoriâ diem, quâ Carolus V. ipsi tot Regnorum regimine decessisset, respondit Rex, cras ipsum pænituisset. Multa addebat demissè præcatus Regem, ne his nouitatibus



1661. confarcinatam vtrunq; Patriæ tranquillitatem conuellere pateretur: deniq; conclusit. *Legum iudicio standum, quibus integris errare se malle, quam conuulsis sapuisse.* Sequebantur Equestris Ordinis vota, quas Declarationes vocant, mira item uti inter præoccupatos hæsitazione: hinc aliqui, declinare suffragium visi, nè, dum ex commisso mittentium loquuntur, alterius partis offensam incurrerent. Reperti nihilominus, qui pro veteri more pro Rep: sententiam dicerent. Ante alios Stephanus Ledichowski Cremenecensis Succamerarius, reproducto Instructionis suæ ex Comitibus Particularibus Instrumento, propositæ materiæ intercessit, pluribus demonstrans, Electionem viuentis Principe instituendam, confusionis ac Schysmatis in Rep: fontem fore, imò libertatis ac æqualitatis perniciem, vbi scilicet Eligentium animis, inferior suffragijs pars, seu deterior votis, meliores superabit, ad quam se autoritas in præsens Regnantis inclinauerit. Aderat secundarius Leualt Powalski Podoliensis Nuntius, Legum peritiâ & eloquio valens, (quod patuit in nobili illo cum Patronis Causarum in Tribunali litigio, cæpto nec finito) inferebatq; eiusmodi Electione fundamentales Regni Leges conuelli, Statum Regium eneruari, æqualitatem labefactari, confidentiam inter Status tolli, populum contra optimum Principem ingratitude argui, aliaq; dum non infacundè memorat, auditus attentissimè: ast dum transactionem Czesłochoviensem exprobrans, autographum subscribentium tanquam legi præiudiciosum exhibere in publico vrget, eiusq; criminis conscios ad pænas deposcit, interpellatus ab acclamantibus fuit, velut extra orbitam actiuitatis suæ ad impertinentia delaberetur. Satis pro causa erat vel duos reperiri, qui verū efferrèt, quippe fracta sic glacie apparebat, plures negare silendo. Sic negotium fiduciâ cooperantium pro semiperfecto creditum, nullo effectu euanescere cæpit: dolenter accipiente Aula, Principis auctoritatem optima volentis sperni, paucis ab extrema Tribu salutaria consilia interuertentibus,

Versa

1661. Versa dein ad alias materias Ordinum studia; Pacta cum Regno Sueciæ, Oliuæ inita vnanimi consensu approbata, ac legum codici inserta fuere: quæ ad calcem ponere percuperem, si modo excrescentis operis moles patiretur. Etiam Hadziacensia cum Cosacis compositio confirmatur. Radomienſis Præfectus Podlowski, ad Portam Ottomanicam; Szmelingus item Szmeltinensis ad Crimensem Hanum, iuere legati: Commissarii in pleniori numero, ad tractatus Moschouiticos, id requirente Mag: Duce assignati, &c. Sic demum finire Comitibus, non in totum expuncta, interni dissidij causâ, ac consépulta sub cinere scintilla, in atrox mox incendium eruptura.

Quippe vix perfunctum curis Comitibus Regem, haud minor excepit sollicitudo, acceptis subinde à Vladislao Wilczkowski Wilnense Præfecto (is tantisper regendo Exercitui impositus erat) significatorijs literis, palam & passim fremere milites, quod nulla sui in Comitibus ratio habita foret, ac propè esse, ut excusso obsequio, rursus cohortes in Nexu seu Consideratione coalescerent: iretur proin obuiâ, monebat, numerarenturq; pecuniæ, quâ non nisi machinâ, cõsurgens factio disijci posset. In leui primò habita nouella, adscriptaq; præmonitio ostentanti sedulitatem Wilczkoui; cum ecce in continenti adsunt alij, & insperato omnium cohortium consensu coalitum Nexum nuntiant. electo cætus directore Samuele Swiderski, Constantini Ducis Wilniowecij Optione, repudiatq; Tribunis ac veteri Magistratu Castrorum, quos priore Nexu rebus priuatis studuisse compererant, alios per suffragia manipularium præficiebant, nempe selectos xii, ex cohortium potioribus Consiliarios: additi his Iudices, Causarum auditores, expediendis reuisionibus Commissarii; haud in longum durabili officio, cum & Ioannem Broniowski in secundas regiminis militaris partes vocatum, ob aliquam suspicionem aut displicentiam, loco amouissent; suffecto Paulo Borzecki Marchionis Myłzkoui Signifero, Substitutum appellantes;

R r r 3

tamq;



1661. tamq; mira celeritate res illaudenti exempli succedebat, uti vniuersus Exercitus iunctim nomina daret, imò strictissimo Iureiurando in manu tenendū Nexum, donec satisfit, colligaretur. Erigebat sine dubio animos, anteaſtorum memoriā, ſimiles turbas ſub directione Iaskolſcij, partim ſolutione, partim Ordinum conuientiā ſopitas, impunè abiſſe: imò verò præmiatis qui concitarant ſeceſſum capitibus. ac ita dum occurrit impunitatis exemplum, etiam reſpondere euentum ominati, noxio fædere Remp: inuoluebant. Regijs moniti literis, ut reſiſcerent, per Euaristum Beſzecki Wyſzogrodensem Præſectum, modeſtè in primo limine reſponderant, ſuſceptum à ſe Nexum tantū ideo excuſantes, quod Ducibus, ſtipendio, hybernis deſtituri eſſent; ac ne pacem à bellis externis naſcæ Reip: fortè iam inutiles, cum iniuria ſine ſolutione exautorarentur, dum adhuc vulnera in bellis accepta perſanant ſarciuntq; oblata miſſione: pro in eo modo conſulere ſibi ad recipienda facilius ſtipendia, efficacioribus in vnum corpus congregatorum precibus, quàm illæ erant, quas Cohortium Deputati per quadriennium ad aures ſuæ Maieſtatis nullo effectu detuliſſent. Quòd, ſi in retento debito ſatiſfit, etiam obſequium in integro manſurum, ac ingruente vndecunq; neceſſitate expedire arma iuſſi, alacriter communis Patriæ incolumitati ex mandato Sereniſſimi inuigilatuſ. Hinc facile ſopendum motum credidè pleriq;, vbi pro ſolis ſtipendijs contumaces, non in totum aduerſum imperia obduruiſſe ſimulant; imò verò, ut Nexus inſurgeret, nonnullis in Aula cenſentibus, quo demum emergente quarto Ordine, inflexibilitas contradicentium Electioni inclinari poſſet. Nec inutilis Fæderi ſub initium modeſtia fuit, donec adoleſcunt conſilia, aut confirmanſur vires; à principio in tantū contemptui habita gliſcente ſeditione, uti in Aula diſterium enaſceretur. *Parum aut nihil ea terebra* (ad Sviderſcij vocabulum alludendo) *perforari poſſe.* Verū prudentiores, non perſunctorij motus indicium cenſebant; dum iſti lentè incipientes,

entes, valida cauſæ præſidia circumdarent, duobus vel maximè fulcris innixi; nempe perſuaſione æquitatis, & ſua multitudine ſecuri. Ac primò, Lublinum ex gremio ſui delegauerant, qui, in Tribunali Regni, fidem in Patriam ac Principem integerrimam conteſtati, pro ſuſcepto Nexu modeſtè, & intuitu ſolius debiti, pro iniurijs Fiſci acerbius querebantur; à quo, velut parum eſſet deſeruitis ſtipendijs priuari, etiam recens emanafſe ex Cancellaria Maiori literas Vniuerſales, quibus ſancitæ in Comitijs Exactiones, cum præiudicio aliter diſponentis legis, nouis Delectibus addicerentur &c. &c. Talia uti æquitati conſona Iudicibus in Tribunali haud reiſcere viſum, non infimam laudē eius ſubſellij fore exiſtimantibus, ſi quod in priuatarum litium deciſione exercerent officium, ad ſedandum pernicioſum in Rep: Nexum, ampliori merito tranſtuliffent. Itaq; miſſi, Paulinus Vſzyński Archidiaconus Luceorienſis, ac Chriſtophorus Rupniowski Tribunus Cracouiienſis è gremio Iudicij, pergentem iam in Lithuaniam Regem conſecuti, haud pro dignitate, & ſpe mittentium accepti ſunt; exprobrato inconuenienti, à Tribunali Regni, ampliſſimo æquitatis Areopago perduellibus patrocinari, & Iuſtitiz Præſides delinquentium cauſam agere.

His interim dilationibus inualeſcebat Nexus, cum non modo Velites, & militarium ut quiſq; de tribu leui, ſed Flos & robur Exercitus, illudq; belli fulmen Haſtatorum cohortes ſe ſe illigarent. perringente ad uſq; Ducum ſigna contagio. Acceſſerat & Hollaticus miles, quem anteriori bruma circa Pripecium ac Horynium ſub curā Franciſci Czarnkouiij Ofieceniſis Præſecti, locauerat in hybernis Czarnecius. Nec aliorum conſenſum moratæ pedefires legiones, & quidquid ſub diuerſis vocabulis habitu ac more Germanico, apud nos militat; ut qui Cudnouienſi bello planè diſparuerant ordines, iam nunc Cadmæa ſeges ſuppleretur copioſè. Sed nihil magis vires ac fiduciam Conſæderati militis auxit, quàm eo ipſo tempore, paribus momentis & conſilijs, nec

appel-



1661. appellatione dissimili, Lithanicum Exercitum fæderari: non imperia rigorq; Sapiehæ Ducis, non admonitiones Regiæ ac pollicita, etiam opportuna largitio, quæq; aliæ militare vulgus mulcendi artes, valuere; renuntiato obsequio, inter se horribilis carminis iuramento neſuntur, deliguntq;, ne sine capite essent Mareſchallum, Caſimirum Chwalibog Zyromski, sub Haſtatorum ſignis diu ante meritum; adiunctis, qui conſilijs non tantum aſſent, ſed intima quæq; animorum ſcrutarentur. Vt verò huius Nexus cruenta ligamina exſtiterant, ut cæſi Ducis ſui Gaſieuij ſanguine imbuiffent manus, eundemq; ipſum Zyromſcium caput & cætus Directorem, globis diſcerptum necaſſent, nunc per tranſennam attingens, conſequenti annorum ſeriei relinquo: utinam verò & ſtylus & pagina deſſet, ne talia ex ordine referens, maculoſum exuti obſequij neſas, ſæculo & genti exprobrare videar.

Casimirus in Lithuania.

At verò Regi, tam antèrius odium quàm recentem mortum, non facilius ſedare poſſe viſum, quàm ſi in expeditionem protinus mouens, exutumq; obſequium præſentis Maiestatis ad veterem orbitam reducens, à diuturno abſtractum otio militem, deſueſcere turbis opere belli adigeret: ſperans futurum vel ipſa propudij nota, ubi videre & aſpici datur, Exercitum ab eo Nexu revocandum: ut, qui tanto temporis interuallo, vel ſola promittentis ſatiſfactionem Principis voce, deliniri poruiſſet. Iam verò flagrantis diſgratiæ æſtus in Duces recidebat, velut ipſorum incurriâ ſteriffet, dum hymenæi tædas importunè agitant, è contempta motus militaris ſcintilla, Patriam aduri; ſi non inſtinctu, certè conuiuentiâ. Proin, mandabat per literas, tam ex omiſſo quàm commiſſo, reſpeſſimè inclinatas emendarent, diſruptisq; inauſpicati Nexus ligaminibus, rendenti ſibi contra Moſchos, non ſine Exercitu, ſe Duces ſiſterent. Brevis dehinc mora, cum abſoluto Varſaviæ bellico conſilio, Rex Caſimirus protectionem in Lithuaniam inſtituit; etiam per Vniuerſales literas ad Exercitum

Com-

Confæderatum datas, digreſſum ſuum contra Moſchos<sup>1661.</sup> nuntiabat, iubens uti exemplo Maiorum, expoſitam caſibus belli Maiestatem deſerere milites nollent, ſuadenti propior, aliaq; ſubiungendo quæ ſimul exprobrarent delictum, & emollirent ferociam.

Ipli interea ad latus Stephanus Czárnecki Ruſſiæ, Sapieha Wilnenſis &c. Palatini, ex militaribus trium Mill.<sup>Cuius vi-</sup> commilitio ſepti; etſi aſſent complures veterani Tribuni, <sup>rum</sup> Ordinumq; Ductores, inter alios Ludoticus Niezabyrowski Præfectus Lublinenſis, olim Palatini commilito, iam nunc æmulus, dum egregiam Haſtatorum cohortem ſub titulo Regis merentem conducit, quando vetus altera dudum ſub regimine Czarnecij exiſtens, ad operationes belli ſequi Principem omiſiſſet. Reliquus comitatus Togatis ſerè conſtabat; ægrè ſerentibus iſtis, veterana conſilia ſua, & tot annorum effectu probatam experientiam, à leui militarium turbâ ſuperari, imò irritam reddi, & evaneſcere. Hinc, quo non otioſos ſpectatores <sup>ex illis.</sup> eius ſe belli monſtrarent, ſeptem ſermè cohortes ex nouis delectibus conſarcinarant, nuditate circa latus tantorum nuper Exercituum Imperatoris, obtegendæ. Non tamen Rex ſpem abiicit, aut propoſitum mutauit, uti viribus impar greſſum ſiſteret, imo verò accelerato itinere Grodnam veniens, eandem à dedentibus Moſchis recepit, qui haud exſpectato Exercitus Regij aduentu, ſolâ nominis famâ exterriti, commodo ſitu arcem, ad Niemen fl. ripas Denhoffio tradiderant. Admodum reſiſtendo impares tunc hoſti vires, ac fractum Moſchorum robur apparebat, niſi interna Poloniæ mala in opitulum peritura gentis iratum cælum vertiſſet. Et in horas aſſecuti Regem ex Polonia Nuntij, nihil ſolatij adferebant: cum Colligatus Swiderſcij Exercitus, exhibere ſe ad opus belli aperte renueret, donec ſtipendia in totum exoluta manent; imo verò, uti Leopolim ad numerandas pecunias Deputatos mitterent, à Rege moniti: tranſato Viſtula in medietatem Regni retrò flexerunt, ac in totum neglecto, uti Principem ſequi-

S s s



1661 querentur, Rescripto; condendis interea pro se legibus, aut instituendis conciliabulis satius intendebant; ut, quibus iam circa Borysthenis ripas, aut Smolenscij mænia consistere ex militaris officij ratione competeret, ij, proh nefas! recensendis tam Regalium quàm Spiritualium bonorum redditibus, per populosiora oppida desides agerent; imoverò profani hospites, destinata Præsulum habitationi Palatia (vti Kielcijs factum) scandaloso exemplo inuolarent.

Moschi  
se recol-  
ligunt.

Moschi, sub hæc, turbis nostris reualescebant, insurgentib; tot cladibus depressa audacia, vti Regias vires accisas comperientes, vndecunq; copias sin occursum expedirent: præcipuè Chowanski non obscurum tot acceptis plagis nomen, suos apud Smolenscum recolligebat, nactus in consortium imperij laborisq; Nalczokinum, qui vti Palatij alumnus, flexibilior promptam in extrema Collegæ terocia, opportuna lentitudine cohiberet. Viginti Millia computabantur, etsi ex numerosis arcium præsidijs Exercitum vndecunq; augere possent, loco in omnem casum securi. Apud Lithuanos, donec obsequium duravit, Michael Iudicki Tribunus Rzeczyensis, ex mandato Sapiehæ cohortibus præerat, vbi conflato Nexu, in Zyromscium translata imperij authoritas, abscesserat cum honore relegatus; vel ob characteris militaris venerationem, quod Melicensis Eques, & nuper Lachowicze arcem strenuè defenderat, vel quia virum insignem obligare benevolentia, quàm inhonoris missione inimicum facere mallent. Crimænsis quinetiam Hanus, expeditis suorum cum Sultan Gatga, in Vkraynam Quadraginta Millibus, per crebros Regem Nuntios, vti Moschum quantocius aggredideretur, sollicitabat: etiam licet Suiderscium ad opus belli compellans, & pro ingenio suo militaribus viris exprobrans desidiâ. Quod idem Chmielnicius, non sine manifesta, quòd Cosacus sollicitaret ignominiâ præstitit. Ad tantorum certè Exercituum strepitum, quis non actum de Moscho existimaret, in excidium gentis inuisæ Tauricæ ac Vkraynæ viribus coniuratis, & si modo

modo Polonus simile quid præstaret, ad vasti septemtrionis 1661 exequias properantibus. Ast ludit in humanis consilijs æternum Numen, multi in scopulo portum, in naufragio vitam, in clade inuenere præsidium: nisi victi fuissent Moschi, periissent; quia iisdem viribus subigi Poloniam fatale erat, dum externum hostem domestico mutamus, & inhibitam à peregrino ferro plagam, à propria manu patimur. Consternatio hostis ex multis indicijs patuit, ex eo vel maximè, quòd Mohilouix (quæ populosa ad Borysthenem Lithuanix Ciuitas est) seu hostile iugum municipibus perosis, seu laudabili facinore veniam præteritorum conciliare volentibus, bis mille capitum Præsidium, partim exclusere vrbe per industriam, partim vi insperata concidère, ea vltionis acerbitate, ut ne sequiori quidè sexui pepercerint. Idq; eo modo. Eam Urbem præsidio inessam, vti mercaturæ opportunam extulerant Moschi, hic instituto commerciorum emporio: simul afflixerunt inopiâ, dum lensim melioris notæ nummos subducentes, cupreos in vsum præsentem substituunt; inadvertenter noxij, dum res promercales introcurrenti moneta veneunt, & inhibetur efferri aurum, vbi cum extraneis negotiandum esset. Ad hæc considerantes, nondiu se potituros loco, ex delubris pretiosa quæq; ad se transtulerant, velut conseruaturi: quæ demum sacrarum rerum subductio, alijs prætenfa iniurijs, vindicias commouit, vti in vltionem inflammati Ciues, delendos Moschos coniurauerint, quorum violentas manus, ne templa quidem secura effugere possent. Ut patrando facinori conditum tempus, enimverò municipales in diuersa extra Urbem ad conuehendos commeatus digressi, insperato recurrebant, tumultu & clamoribus complentes omnia, sociosq; cæsos vel captos simulantes, dum in prædijs securi, à benè magno Polonorum agmine inermes deprehenduntur. Ad quæ Moschi, supra præsentem fortunam veteribus amicis fidentes, portis in hostem prorumpunt, ast reductis mox portarum claustris, à vallo impetiti, hostiliter tractantur: reliqui, præ-

Mohila  
u. a. exa-  
st. Moschi



1661. præcluso exitu, in vicis aut compitis confodiuntur, aut per singulas ædes conquisiti captiuantur, detinenturq; Non-gentis Octuaginta sex viuis in potestatem venientibus, cum Præsidij Præfecto, ac altero non obscuri nominis Palatino. Quod vti in gratiam Patriæ factum, Vrbi in gloriam celsit; laudatq; ex memorabili facto Ciuibus, confirmatæ in Comitij municipales prærogatiuæ, addita veteribus noua Pri- uilegia, quouè gratitudinis exemplum illiceret alios, ab omni Contributionum genere ad Sexennium exempti sunt.

Vilnam  
Casimirus  
pergit.

Post receptam Arcem Grodnensem, Vilnam à Rege dire-ctum iter, quam ferè duo Millia Moschorum seruabant, de- mum spatiosæ Vrbi ac longè lateq; diffusæ, haud pares pro- pugnandæ, in arcem se, delatâ aduentus regij notitiâ recepe- re: vnde accelerandæ profectiois studium Casimiro inas- sit, constanti tam transfugarum quàm captiuorum relatio- ne, præsidia ex cunctis Arcibus in vnum à Chowanscio de- duci, vti comperta in præsens regiarum virium exilitatè, de summa rei commisso prælio decerneret. Vbi in concili- um militare res deducta, plùs animi & alacritatis superesse apparuit, quàm virium; vnde instanter per delegatos Pro- ceres, cum Confæderato milite actum, quominus imparem hostium viribus Maiestatem in bellum comitarentur, tunc e- nimuerò Orbi mōstraturus fidem Lithuanis erga Principem inconcussam manere, & dum assunt indiuisi, vel ipsis qui eandem iactarent Polonis, potiores esse. Talibus non- nihil suasi inclinauère quidem, vt quantociùs sub ductu Zy- romscij viam armis subsequenti Regi aperientes prægrede- rentur; ast dum in concione militari Hołdakowski Turmæ Ductor, recenti indignatione flagrantis animos, commo- nens irritat, vt eiurato Nexu, legitima Regis Ducisq; resu- merent imperia, concitato à multitudine tumultu interimi- tur, nonnullis alijs, qui inhiherent vel exprobrarent factum, eadem vehementia violatis. Res pessimi exempli visa, an- tequam hostili suorum respergi sanguine, ast temporis ratio dissimulandum crimen coëgit, quando vana seueritatis

renta-

tentamenta, & sub latere hostis necessaria conuiuentia fo- 1661. ret. Itaq; laudabiliore actu atrox facinus reparaturi, sub Ductu Mareschalci sui, signa Połockum versùs expediuère; quippe isthuc Chowanscius acceleratis itineribus penetra- uerat, recipiendis promptius à Seueria Czerniechouiaq; auxilijs. Quæ, dum sibi adiungit, præmiserat inante sex Millium agmen, Ductore Połwichtow, quominus occupa- to Dziesznae amnis traiectu, dum tutiorem pergentibus auxilijs viam aperit, in accelerandum iter impelleret. Quod, vt Lithuanis cognitum, per nota viarum compendia apud Doslinum hostes assecuti, ac egregio ab vtrinq; feruore Moschi congressi, fractos dissipant, & vincunt: cum Moschi rem obiter transigendam rati, fortiter primò pugnam capesse- rent, dein comperto robur Equitatus Lithuanici adesse, & sequi peditem cum machinis, animum despondentes, in fu- gam sparsim abirent; alij vorticoso flumini vitam commit- tentes, alij in saltus ac vicina nemora illapsi, ab inedia mox aut agrestibus enecati, potior pars ferro Lithuanorum oc- cubuerit: adeo immixti victorum genio, vt in cælorum cō- militonum vitionem, etiam dedititios vel captiuos, vt con- secuti, passim iugularent. Ductor agminis, fortuitum lin- trem nactus, amne euasit; qui dein Bychonia à Præfecto Præ- sidij strictiore sequestro prehensus, ac ob rem malè gestam in compedes datus fuerat.

Moschi  
funam-  
int.

Nuntiata Victoria, extulit animum Regis maiora fata- gentis, vnde iam feruore suorum, iam hostium confusione vlurus, quidquid circa latus cohortium, cum Palatino Russiæ hostē versùs expedit; ipse, ne non in loco maneret, diu reluctatus, & vix rationibus Czarnecij suafus, asserentis, non modò duplicari eo modo vires Regias, vbi absente eo alterius Exercitus species manet, verum etiam augeri in ho- ste formidinem, ægrè acquieuit: cum reuera non inanis su- bisset metus, potentiâ Moschorum crescente, imparem viribus Regem discrimini substituere, & ad detrectantes im- perium venire milites, vilipendium esset Maiestatis. Czar- necius

Rex pro-  
sequitur  
victoriâ.



1661 necius itaq; cum nocturno itinere ad Lithuanos peruasisset, æquè delictum initi Nexus, quàm obtentæ victoriæ meritū subticens, protinus bipartito agmine in hostem tetendit, iam tunc coactis in vnum viribus, apud Głembokie, tractus Polocensis oppidum, subsistentem. Impiger sæpè alias Dux, etiam tunc ingruente brumâ in opus incitator egit, quippe ineunte Novembre, sævum pruinis ac frigoribus cælum, quantocius defungi bello vrgebat, commeatuum defectu haud mitiore, per oram penitus exhaustam, & quâ concursu Exercituum exacto anno vexata, in hyemem inferre semina solo non licuerat. Die sexta Nouembris, præmoniti à transfuga nostri consilium Chowanfcio sedisse, vbi Regem in persona adesse cognoscit, retrò se Polockum recipere velle, ibiq; veteribus Castris tutum, in experimentum tantum vires oppositurum, quas emittere vel reducere intra valla ex præsentis vsu posset, nec aliter iussum, allatis recens Moscopoli mandatis: proin Lithuani tamdiu morati, donec Czarnecius adest, veniente illo aciem Castris hostium admovent, cuius lævum cornu Zyromscius cum Confæderato milite, lævum Wiazenia Præfecti Samogitiæ Optio, cum Sapiehanis, Corpus (vt vocant) seu aciei mediæ, Russiæ Palatinus ipse disponendum susceperat. Contra viginti (alij xviii.) millia Moschorum extra valla effusi, grandi lacu in hemicycli formam tergum Castrorum ambiente, & præter operum moles circumpositas, facilis ex flumine subtus Castra prolabente aquatio habebatur. Itaq; Chowanfcius districtum in iugulo hærere Lithuanum conspiciens, casumq; satius quàm moram pati docilis, in certamen disponit suos, frequentibusq; machinis fidens, robur legionum producit in occursum. Pertædebat credo vicissitudinis rerum Ducem sæpius infelicem, vt qui ob tot acceptas clades, perditosq; Exercitus, tam ingratijs Mag: Ducis, quâ populi Moschouitici, necessitudines suas infaustis prælijs deletas requirentis, palam & palsim diris deuoueretur. Ergo in prælium ardens, forris mutabilitatem animo voluit

ad Głembokie a-  
cios oc-  
curreunt.

mor-

1661 mortem fugâ potiore suam demonstrat, & comperto ex cap-  
ptiuis abesse Casimirum, tam animum resumit ipse, quàm  
addit alijs; præsertim fauente primis captis fortunâ, vbi  
sub initium certaminis dextrum Lithuanorum cornu, acriter  
inuecti Moschi conturbassent. Siquidem ab exhalatione  
palustri sudum æris obfuscans nebula, dum prospectum  
in opposita impedit, causauerat, vt accelerantes nostri, in  
Moschorum Legiones prælio iam accinctas impingerent, &  
prius sustinere vim, præcipuè iactu telorum turbati, quàm  
exerere ferrum potuerint. Vnde confusis ordinibus, alæ e-  
ius extrema, in recessum conuerrere oportuit, non sine om-  
nium periculo, & aliquorum cæde: quippè primò congressu  
non instrenui Ductoris functus officio Wiazenia, veteranus  
belli sternitur, etiam Sczygielski Radivilli Ducis Castellani  
Vilnensis Optio, cum plerisq; commilitonum cecidère. Ast  
melior sors leuo cornu Zyromseij fuit, qui nactus antagoni-  
stam Nalczokinum, facile sub Togato Duce pepulit Equi-  
tem, protinus tergum ~~donec succurrat pedes, respicientem.~~  
Tumdemum & Czarnecius cum intermedia acie ingruit,  
ac post reciprocatos aliquandiu è machinis ictus, infestis  
legiones cuspidibus se petunt, globisq; ordine excussis in  
aduersos iaculantur, in neutram partem diu inclinante vi-  
ctoriâ: ac, vt militari vocabulo proferam, donec primus e-  
lassatur ignis, Moschis pertinaciter resistentibus. Ast, post-  
quam maiore vi fracti succumbunt, vt quisq; in fugam si-  
gna deferendo ruit, ante alios Eques, quadrupedis sui celeri  
tati filius, pedestres legiones, certissimæ internecioni sparsim  
abiens, deserebat. Quorum sex Millia in vestigio cæsa sunt,  
intercidente cum insignioribus Polemarchis Douglassio  
Anglo, Roberti Douglassi apud Suecos Equitum Magistri  
ex fratre Nepote, qui & ipse exoticam militiam sectatus, à  
Rigensi expeditione, auspicia Magni Moschouix Ducis se-  
quebatur. Septemdecem grandes æreæ, complures è co-  
rio machinæ, pulueris nitrati copia, ultra sex millia currum  
omnigena annona refertorum, tum diuersimodi manubiæ,  
ac spo-

Confi-  
ctus per-  
tinat.

Demum  
Victoria  
ex Mo-  
schis



1661. ac spolia recepta sunt. Chowanski gemino vulnere faucibus, amisso filiorum altero, ægrè euasit, quem adeo propè casum fuisse constitit, vti crux è collo pendula, manu capientis ipso elapso tolleretur. Naszczokinus cladem præsentens maturè se subduxit, quibus utrisq; (vti rumor increbuerat) stricti Iuris Terminò, dies dicta ad Mag: Ducem fuit, ob reddendas tot causatarum cladum rationes. Quotquot verò Moschorum ex fuga superstites, Poloczkam repetère citissimè, etsi vix tria Millia incolumes euasisse, constans asseueratio captiuorum fuerit.

Vbi ad Rēgem de fuso hoste peruenit notitia, mox maturato itinere accurrit, non in totum autoribus consilij fauens, qui se, à tam præclari operis consortio, tutiora suadendo, se iunxissent. Nobilis sanè victoria, & quæ typho hostium pennas recidere, ac in intima Moschonix penetralia pandere ostium videretur. Hoc mirum, quod post tot furgatos Duces, Exercituum strages, mortalium excidia, Prouinciarum vastitates, Moschi tamen eludunt Tractatus, fastidiuntq; Pacem, cui non sine iniuria succumbentis, à victore lex scribenda esset; maluntq; in tempus bello affligi, quàm pactione constringi; & postquam proprijs viribus in erigendam sortem destituuntur, malis nostris reualescunt, ac consurgunt à casu, in ipsa præcipitij meta hærentes. Creditum quippè, si vna parte Exercitus Poloni apertas ditiones hostium incurfassent, alterà Scythæ ac Cosaci ultra Borysthenem penetrarent, ad radicem arboris securim infallibiliter poni: nec tantum auulsas Regno Prouincias, & inuasam nullo iure Vkraynam, Poloniae hæreditatem recuperare; verum & de toto Septemtrionis Imperio non infausum senionem iaci potuisse. Ast consilia æternæ Prouidentix abyssus multa? imo Euripus incomprehensibilis: qui nos fatius immensitate sua capit, quàm nos illum; quid sibi parabola velit, olim expendet posteritas. Deficiunt Moscho vires, ast quæ nobis supersunt, inutiles excussum obsequium reddit, hostem premit imminentis exitij metus, nos victoriarum

1661. riarum successu afficimur, illum strages bello cælorum torquent, nos à proprio ferro fundi sanguinem dolemus, distrahiq; Patriam Filiorum manibus, cui tot coniuratorum hostium vis haud nocuisset.

Neq; tantum militares motus pro securitate Moschi faciebant, etiam apud Scythas subita rerum conuersio, ad idem cooperari visa. Turca siquidem concepto in Hanum Crimensem odio, velut Ottomanici imperij res, in Hungaria, non sat ex fide promouisset, Tauricano Principatu deturbat, submisso altero, qui continendis in officio gentibus istis, frænum, in Cyprio aut Rhodo, sæpius Constantinopoli pro obside fidei, immediatus successor retinetur. Vnde commotis in Taurica rebus, ac in exilium Mechmet Gierey Han acto, famosa illa Scytharum cum Cosacis in Moscho. uiam expeditio, intermiti ac euanescere debuit, exautorato interea Hano rebus suis consulente, donec constanti subditorum fultus affectu, amissum recuperaret imperium, conciliato utcunq; Turca, ac rursus permittente regimen, quod de plano adimere non posset.

Venienti ad Exercitum Regi consuetæ gratulationes occurrebant, certaminis pertinaciam, ac tardè inclinantis Victorix palmam extollente milite, vti iactaret meritum; & quæ alia in similibus vsurpari solent. Rex, vicissim Ducum quemq; militum uè prompto aditu excipiebat, verbis ac gestu gratum animum testatus; ubi primum Triumphorum autori Deo debita gratitudine semet exoluisset. Proin in genua cernuus, ad geniculantibus cunctis, *Te Deum laudamus* decantari voluit, Adriano Pikarski è Societate Iesv Ecclesiæ Regio, de obtenta victoria verba faciente, demum geminatus machinarum fragor solennitati triumphali adsonabat. Etiam Zyromscius cum Confæderato milite Regem salutauit, signa hostium captiuosq; reddens; ac velut pro separato membro ageret, muneris loco obtulit Regi, Imaginem D. Virginis Matris, Filiū gremio gestantis, non ex subtili tantum artificis penicillo perinfignè, sed etiā



1661. diuersis è meliore metallo anathematis exornatam: solitis Moschis non domi tantum & in pace, verum etiã sub transactionibus belli, eiusmodi pios Icones circumferre. Alacer dum accepit Casimirus, plenus ex inde fiducia, mox ab ijs animos recepturum conciliatos, qui sibi Regem animorum, cum benignissima Matre traderent. Hinc diuersos nomine suo delegauerat, media conciliatorum pertentaturos; dein ipse Castra ingressus, in tentorio Zyromscij prandium sumpsit, ac se credere, mediumq; inserere militi Confederato haud dubitauit, vti fidem habens, confidentiam extorqueret. Ast, nihil tunc effectum, prolixarum tractationum ambages milite auersante, ac se ad Nexum Exercituum Poloniæ referente, mox defectum comatus causati abscessere: etiam Rex inde mouit, sollicitus nimium, quod tot documentis Regiæ benignitatis à contumaci milite sprete, nihil impetrari potuisset; cum motum sedare omnino expediret, tam in præsens securitatis, quam in posterum exempli causa: Eamq; iam sedandi motus præceperat fiduciam, vt cursum victoriæ prosequi volens, cohortes alias ad irrumpendum in ditiones Moschi ordinaret, alijs sequi iussis Mohilouiam versus profectiorem destinaret: eo consilio, vti tranato Borysthene, Cosacorum Scytharumq; agminibus se iungeret, quos apud Pereaslauiam bello accinctos consistere, crebri nuntij adferebant. Ast, dum Lithanicus Nexus dispersisse hostem contentus, in ceteriora Prouinciæ se recipit, vocatis Rex in consilium fidiis, quid eo in passu agendum esset, mentem suorum explorat; vbi omnes quotquot aderant vnanimitè concluderent; reuerteretur in Patriam, neu in casum daret destitutam Exercitu Maiestatem: sæpius in venatione plurium comitatu septus, quam nunc ad bellum traheret. Interea, inessas per Lithuaniam arces, ab hoste recuperandas, dein quoquo modo, vel indictis extra ordinem Comitij, inter nos motus sopiendos. Sic demum suusus, retrò mouit, non nihil per viam lætus, vbi traditum sponte Homelium accepisset. Præmissus dein vilnam Czarnecius, etiam hic non male.

Militari per-  
uicacia.

Casimiri  
regressum.

male inclinatas res reperit, constrictis vndecunq; Moschis, 1661. & postquam Præfectus arcem tradendam abnueret, victus tandem deditusq; nostris, simul cum arce fuit: stipulato Præfidiarijs securo ad propria abitu, ac concessa exportatione rerum, quas tergo tollere possent. Præfectus (qui hic cum capite simul nomen amisit) iudicio militari ad pœnam colli damnatus, ob intolerabilem sæuitiam rapinasq; quibus circumiectam oram exercuerat: non modo in quemuis sexum promiscue ferox, sed etiam in capulares senes infanteq; inhumanè truculētus. Is, dum ad supplicium ducitur, medio foro plectendus, vbi tot innocui sanguinis fuderat, breuem moram à lictoribus præcabatur, quā concessā, ad lapideam in quā Rex Casimirus constiterat versus, terna capitis inclinatione vacuas hospite ædes venerabatur; & postquam innotuit abesse Rem, *Quid (inquit) obstat, venerari locum, quem tantus Rex præsentia sua consecrasset.*

Iam nonnisi Bychouia ac Kowno inessis, præhendebant Lithuaniam Moschi, cum exente mox Casimirus regressum in Regnum maturauit: sollicitus nimium ob perpetim inualecentem militarem Nexum, qui Gordio nodo intricatior, tranquillitatem publicam, imò rationes Statūs, veteremq; Reip: formam plurimum conturbabat. Tanti mali originem indagando, vnam censebant omnes, ex materia Electionis enatam capisse luem: ab ea quippe angor Regi, proposito eligendi Successoris indignè frustrari; Regina, desideria sua elusa impotenter ferentis, indignatio; Civium libertati metuentium suspitiones, Statuum inter se ex diffidentia collisio, Aerarij publici abusus & dispendium, ob depressum monetæ valorem, in publicum detrimentum, vnde Exercitus satisfactionis exspes, quod postulando recipere desperauit, fortiori medio duxit repetendum. Hinc in Nexum consensus, vti omnes simul exigere, quod nuper Deputati cohortium sigillatim obtinere nequissent. Itaq; conglobati in vnum, vt memorauimus, aliquantum ad Vistulæ ripas velut hæsitabundi substituerant; ast breui in meditulum



1661.  
Colligat  
in sedes  
Kielcijs.

lium Patriæ signa vertentes, consiliorum & Magistratus bellici sedem constituiebant Kielcijs, vbi olim ad Pastorales curas Episcopis Cracouiensibus habitum domicilium, iam tunc, post Trasimenum & Cannas, delecta Annibali nostro Capua fuit. Hic enim uerò circumspicere se se isti, ac vbi ad iustum molimen maturuisse vires cognoscunt, audacius per spatia temporis obloqui incipiebant, vltra retenta æra, præsentis Reip: Status, velut correcturi, apertè displicentiam prodentes. Certè Triginta Millia Virorum excedebant, gliscente per momenta numero, vnde esset delicto securitas, & tardior ex malo opere etiam bonorum pænitiã. Nec leue virium additamentum Lichuanici Exercitus accessio, qui à latere Regis properanter subductus, per mutuos internuntios transegit, vti Regno cum Mag: Duc: Lithuanix, ita simili modo vtriq; Exercitui maneret conformis sensus, & militarium præensionum vnio: in eumq; finem instituerant in oppido Końska Wola Lublinum propè congressum, vbi de asserenda mutua securitate, ac reciproco si discrimen immineret exhibendo auxilio agitatum, sub tremendum Missæ sacrificium, horribili eam societatem iuramento firmanibus: hinc Paulo Borzęcki Polonici, illinc Casimiro Nowacki Lichuanici Nexum Substitutis, & qui alij ad id negotium ab vtroq; Exercitu in præsens, ex commisso adfuerant. Dein, ne noua (si Dijs placet) Resp: inanimata esset, militari lecto Senatu, aperiunt Comitia (satiùs conciliabula) condunt leges, in facinorosos pænas, in præuaricantes supplicia decernunt, ea sedulitate agendo, vti nō in tempus aliquod, sed in perpetuū, noui Legislatores Nexui suo cōsulere viderentur. Neq; tantum retinendæ disciplinæ intenti formulas describebant, aut toto Regno municipia in statua ac alimenta Militi distribuebant, verum vltra sphæram vocationis militaris, iura Maiestatis ac Reip: atrectare ausi, dum quosuis redditus tam Regalium quam Spiritualium bonorum, seu illi ad priuatorum possessionem, seu ad mensam Regiam spectarent, stricto aresto prehendentes.

dentes, nimirum Oeconomij, Salisfodinis, Theloneis, Portorij, Inuectis, ac quocunq; nomine publicis vectigalibus manum iniiciunt; non quidem vsurpando vt distraherent, sed retinendo, donec satisfit in præensionibus. Dolenda sanè rerum confusio, & nocti illi Pharaonica non absimile chaos, in quo ima summis, & summa imis collidebantur; quiuè nuper pro emeritis assibus postulata adferrebant, iam nunc velut supra Remp: positi, à magnis Nominibus, vti redditus liberos facerent, rogari sustinebant. Ast non est animus eius Nexus sigillatim acta referre, nec Historiæ conuenit in ijs momentis occupari, in quæ satiùs Thymantis velum explicandum esset: nisi quatenus præsentium malorum memoria, sequentibus sæculis medicina esse poterit.

Rex Casimirus interea nihil intentatum omisit, reducendo ad meliorem frugem militi, iam Maiestatis & iusti rigoris retinens, vbi opus, rursus clementiã & blandimentis molliens, vbi necessitas cogeret, aduersum vtraq; durioribus istis, cum æquè minas sine viribus spernerent, quam & promissa sine rebus despiciatui haberentur. Sed potissima militaris odij vis in Nicolaum Prazmowski, ac Christophorum Pác, illum Regni, hunc Lithuanix Cancellarios: quod prior feruidior verbo & calamo, inueheretur in Nexum acerbius, scommatibusq; irritaret; maximè offendens, vbi in certo Rescripto directè Nexum pungebat, desumptis ex Sacra Scriptura verbis. *Populus hic labijs me adorat, cor autem eorum longe est à me.* Alter quod fratri Metatori Castorum Lithu: author esse crederetur, vti invitatis per speciem amicitix Lithuanici Nexus primoribus, suæ potestatis factos vinctosq; reduceret Varfauiam, pro modo delicti puniendos. Etiam aliquis, dum isti alimentum militare distribuunt, quod panis hybernus dicitur, & eo onere nullo cuiusquæ respectu bona Regalia æquè ac Spiritualia grauarentur, non inconcinne ex Euangelio protulerat, sensu ad Swiderscium directo. *Et cognouerunt eum in fractione panis.*



1661. *nis.* Sed hæc missa facio; tunc reperto contendendi more, acerbioribus in aduersarios scriptis pugnare, & in officiū teli adsumere literas. Equidem Rex sæcularium missitationibus parum proficiens, delegandos in opus Præfules celsuit, valida semper Religionis ad flectendos animos machina, etiam Ecclesiarum redditibus vindicandis, quos miles interea sequestro prehenderat. Ac post alios, Sigismundus Czyzowski Camenecensis, dein Thomas Vieyski Kijoviensis Episcopi, diuissim ex commisso Regis, ad Swiderscium profecti, & exostulantes egerant, quominus Patriæ, ac obsequio se se restituerent; verum, ubi tam Czyzouij subtili elegantiâ, quàm Vieyscij verecundâ commissorum insinuatione parum apud militares profectum, post hos dein Florianus Dux Czartoryski Cuiuiensis Episcopus iuit, qui pro innata rectitudine, ac sine circumstantijs, mandata Regis efferebat, uti ab armato cætu non ingratus hospes acciperetur obtinuerat. Diu quidem audiri dilatus, donec Conuentu militari indicto, qualem illis Rotam Equestrem vocari mos, frequentissimam ex Delegatis legionum concionem, in hunc modum allocutus memoratur. *Diunorum olim Polonia Regum, Monarcharum nostrorum, libera genti dominantium, suprema pro semper lex fuerat, subiecti populi salus; non alia sollicitudinum Regiarum meta, nisi, ut creditis sibi à Deo Regnis, Pacem, salutem, ac bonum commune procurarent, ac dominarentur ut prodesse, uti qui non priuatis commodis bonum publicum, sed huic priuata commoda subesse volentes, curas laboresq. Regnandi emolumento Patriæ amicitius deuouerent, impenderentq.* Equidem, quisquis incontinuis oculis diuersos casus ac vicissitudines Patriæ nostræ introspectit, præcipuè regnante Ioanne Casimiro Rege ac Domino Nostro Clementissimo, fateatur necesse est, sicut liberi populi suffragijs, Electio eius conclusa ac publicata, non nisi dextera Excelsi opus erat compactum desuper: sic per hæc annorum curricula, tot nationum ac ditionum regendarum onus, non aliud quidquid consulisse Principi, quàm grauem curarum & vigiliarum mole-

*Cuiuiensis Episcopi ad Militum Orationis.*

lem, ac irremissa sollicitudinis sarcinam: cum plus hostium opem 1661. diuinâ, ac vestra, milites fortissimi, operâ domusset, quàm annorum regiminis computaret. In hoc tamen curarum aestu, in ea continui laboris mole, uti ad solam boni Publici metam tetendit, sic nunc, unicum dat menti Regiæ pabulum, spem infallibilem, concipiens, quominus, post tot discrimina rerum, vindicata ab interitu Patria, eam aliquando florentem & tranquillam videre possit, efficaci tantisper in exilium pulsa Pacis reinductione. Ad sui nuper pleno Senatu præsens, ac hisce auribus regio ore prolata excepi verba. Non aliæ (inquit Rex) curæ, acrius de die vigilem, de nocte insomnem exercent me, quam ut vobis Poloni benè sit, etiam post Fata meâ. Patriâ quippe hæc, in qua natus & educatus sum, nihil post Deum carius habeo. Regiæ certè vox, & Diunorum Regum nostrorum, ac in omnem posteritatem memorandorum Iagiellonum veri successoris genuinus affectus, qui amore nostri ut dilatarent Terminos & pomeria Patria, hereditarias ditiones suas, amplitudine iustis Regnis supparet Regno ~~unientas, gratioso concedebant &c. &c.~~ Horum sanguinis successor & amoris in Poloniam Hares, Ioannes Casimirus Rex & Dominus Noster Clemens, Maiorum suorum exemplo, non modo splendores & domus Regiæ decora in hanc Remp. larga manu profudit, verum & auitorum Regnorum dispendiū subiens, communis boni, maximè pacis causâ, liberaliter decessit, semetipsum euiscerans; de constantia gentis nostræ persuasus, quod fide & gratitudine beneficium, haud dubiè rependemus, nec plus ultra requirens, hisce affatur cunctos. Memores sitis & grati estote. Neq. minus clementiæ regiæ documentum exhiberi vobis milites fortissimi cernitis: dum, ubi modo per curas bellicas, ac superata ope Numinis in Magno Ducatu Lithuania pericula licuit, deducendis in effectum desiderijs & prætensionibus Vestris, celebranda mox Generalia Comitia Varsauiæ indixerit: ut quippe præ oculis fuere, sic in recenti memoria harent, emeriti Exercitus, Fides integerrima, periculorum contemptus, indefessus labor, ac haud parçè fusus sanguis; dum veri Cives Patriam ab extremo



1661. tremo præcipitio subleuastis; Maiestatem & integritatem Principis in oculis Christiani Orbis, uti Fideles subditos decuit vindicastis; & ne latum unguem à Maioribus suis degeneres, duraturo per secula fortitudinis vestigio, aternitati vestra consecrastis nomina, tot trophæis ac victoriarum monumentis ex diuersa gentium colluue reportatis, quot in circuitu vicinos numeramus; nempe Scythis, Cosacis, Suecis, Hungaris, Moschis, &c. Hac merita & quibusvis præconijs eminentiora opera vestra, acceptat grato animo Patria, cordi habet Serenissimus, etiam Ecclesia Catholica summas Deo Exercituum habet dicitq; gratias, tamq; eadem Ecclesia Mater fidelium vniuersalis, quàm Patria omnium in se charitates complexa, etiam Rex Serenissimus, confidunt sine dubio, quod gloriæ gentis & integritati, quæ tanto stetit partu labore consulentes, per priuata dissidia, & nullo veri fundamento innixas suspiciones, fatiscere ac distrabi Remp: haud permitteatis, eo facto Orbi monstraturi & vincere & victoriam uti scire vos: cum; omnino expediat, sincera Maiorum nostrorum præmonitionis meminisse; ob violenta consilia, interna odia, priuata commoda, periit Hungaria, cauetibi Polonia. Res est vobis cum Patria charissima, cum Rege, Parente omnium benignissimo, satius quàm Domino, cum Conciuibus generali fraternitate constrictis; unde cauendum anxie, ne hac interna dissidia, exteris ac hostibus nostris, diu desiderato cedant solatio, ut, quos vi superare nequuerant Polonos, iam internis motibus fractos & enerues, flocci faciant. Oportet igitur cumprimis Sac: Reg: Ma: uti in futuro Generali totius Regni Conuentu, ad primos Februarij dies in anno subsequenti celebrando, expeditius promouendis desiderijs vestris, pro Scopo destinantes, Patria integritatem, ac boni publici conseruationem, prætensiones Exercitus pacatè & modestè Nuntij vestri efferant, ne uis commentis ac suggestionibus abstinendo; præterquam, quod omnis nouitas nocina sit, sed præcipuè ad euitandam animorum scissuram, ac in Rep: schismata; cum infallibile maneat æterna veritatis effatum, Omne Regnum in se diuisum desolari, ac domum

1661. mum super domum cadere &c: Tumverò ad cætera degenerationis suæ contenta digressus, præcipuè ad sequestratos Oeconomiarum redditus, palam ac sincerè indignitatem rei demonstrauit, si Princeps, qui supremus Dominus esset, ogeat; quamq; absurdum requirere illi de manu subditorum necessaria ad mensam suam alimenta, qui panis benè meritum supremus Promus Condus, seu distributor esset. Inferebat dein pro Ecclesiarum subiectis arresto militari retribus, instantiam. Hic enimuerò priora pressè elocutus, zelo & eloquio ardentiore inuehebatur in attrectantem patrimonium Christi militiam, quæ præterquam græde committeret piaculum, Diuino cultui destinatas opes intercipient, verum etiam ad conuellendum Statum Patriæ strueret gradum; cum immunitatùm Ecclesiæ violatio, per consequens Leges ac libertates Polyticas, in ineuitabilem protrahat ruinam. Laudo (aiebat) pietatem, quod in patracinium & protectionem vestram indigentiorum Clerum ac Mendicantium Ordines suscepimus; ~~aut quia iura Præfules à Clero, Pastores ab amicis, & capita à corpore membrisq; secernitis?~~ non solum sine sole, nec Exercitus sine Duce, imò nec vos ipsi sine delecto Magistratu agere potestis? quomodo verò iurisdictio Ecclesiæ sine Præfulis, ac Prælati, subsistere poterit? Corruet eo modo (credite mihi) Ecclesiarum disciplina, dissoluetur harmonia hæc Christiana pietatis, pessum ibit tot seculorum opus, tantiq; laboris pretium intercidet, ubi deperditas oues, sine pastore facietis errantes & vagabundas. Auertat nefas Deus! nè quod interlapsu seculorum, coniuratis animis viribusq; hostes Ecclesiæ Christi perficere nequuerunt, iam nunc per milites Christianos, ac Orthodoxum Exercitum, ex Fidei defensoribus, in Orci instrumenta mutatum, corruere debeat &c: Pro finali Præsul & Minister Ecclesiæ, ad gregem Christi, Cuius ad eiusdem Reip: Filios, Nobilissq; in eadem aequalitate natus ad Fratres apello; imò per omnia Sacra, per Natalis soli amorem, perq; venerabile ab æuo genti nostra Maiestati nomen, Vicariâ Dei potestatem, quaso obtestorq; vos: ne hanc aliam Ma-



1661 trem Patriam, tot insultibus hostium quassatam, undecunq; laceram & exanimem, Nexu hac vestro in telum parricidij verſo, in extrema priuignorum more adigere perſiſtatis. Ac, ne forte olim dicatis deſuiſſe qui vobis verum diceret. Ecce dico & amplius dico. Non licet vobis milites tranquillitatem Patriæ, tantâ iacturâ ac ſanguine mortalium, tanto opum imò Prouinciarum detrimento, vtcunq; conſarcinatam, perperam ac nullo æquitatis pretextu conuellere? Non licet Eccleſiarum reditus attrectare, inconfutilem Chriſti tunicam profanis manibus diſcerpendo, & quæ alia ſuperius memorata, iterare ſuperſedeo. Quacunq; nunc dixi, etiam coram tremendo Supremi Iudicis DEI Tribunali recogniturus. Moueamini igitur strenui milites iuſtiſſimo reſpectu, quem Deo, Conſcientia, Eccleſiæ, Regi Sereniſſimo, uno verbo, Patriæ debetis, quæ in ſe omnium charitates complectitur. Nec tantum ſatiſfactioni in præſens, ſecuritati in futurum, verum etiam integra fama ad poſteritatem conſulite. Applicate deſideria veſtra ad intentionem S. R. Maieſtatis Principis optimi, ad Fidei San: Catholica propugnationem, non oppreſſionem, legum Patriarum præſidium non grauamen, amplitudinem & decus gentis non opprobrium, hoſtium terrorem, inſuper nominis veſtri immortalẽ gloriam. Demonſtrate non uſq; fauentibus Exteris, quod licet ſi prætenſiones veſtras promoueat, non alium tamen conſiliorum ſcopum, niſi bonum commune ac integritatem Patriæ habuiſtis, ac pro ſemper habere intenditis &c. Dixerat Senatoria grauitate Præſul, ex feruentiore zelo lachrymis finem dictioni imponens, cum viciffim vniuerſa militaris Concio orantem attentiffimè auſcultaret, ac quod commotorum animorum indicium eſſet, diutius ac ſi attoniti alto defixi egere ſilentio: adeo valida eſt ad ſelectendos animos, tam opinio virtutis, quàm religionis machina. Tum verò vt quiſq; ex militibus circumſpectare primores, aut requirere reſponſum, iſti verò formare rationes, aut rogitare Præſulem inſiſtunt, vt porrectis in ſcripto requiſitorum capitibus, præſolari dignaretur, donec expedita deliberatione, depromptum

per

per ſuffragia Legionum reſponſum, conſicerent. Interea <sup>1661.</sup> Mareſchallus pro fide & obſequio Exercitus in Sereniſſimũ Regem, illibato illo nec vnquam conuellendo, ſuccinctè dixit, neq; minus in Sanctam Rom: Eccleſiam debitum affectum teſtatus; ſimul medianti Præſuli gratias egit, vt qui, tam nunc ſincerè Regia commiſſa efferret, quàm ſemper antea commoda Exercitus & iuſtas prætenſiones, integerrimus Senator promouiſſet. Sic tractatus Concione exceſſit, qui dum honoris gratiâ à potioribus deducitur ad hoſpitiũ, enimuerò etiam tunc multa ſolertia, maculoſum exuti obſequij nefas, reſumptione legitimi imperij obliterandum ſuadebat, Patriam præ oculis, Patriam in mente haberent, cauendo filialiter, ne ex calido recens ſopitorum bellorum cinere, atrocem rursus calamitatis ſcintillam excutientes, nouo Patriæ incendio facem admouerent: ſatiuſq; ac maiori cum emolumento & gloria, ad Optimi Regis intentionem ſe applicarent, præuia ſatiſfactione, eiufmodi Nexum, vt legibus Regni damnatum diſſoluentes. Aſt calci ſementẽ mandabat, cum nec quidquam verborum ſuaſus aut hortamenta valerent, præſignis licet Antiftitis prudentia nihil intactum omiſerit; etſi multum ſpei ſuperreſſet etiam, dum identidem mollius reſponſant, ad ſaniora inclinandos. Cum apud illos, vbi conueniuntur, ſermo comis, ſed conſideratus; debita in Delegatos præſertim Regis honorificentia, quorum illationibus ſi annuunt, promptè expediunt; ſi non, modeſtè negant; repulſam tamen vel dilatione vel amphibologia verborum inuoluendo. De Nexu <sup>De Nexu ſubiunctũ</sup> ſi mentionem iniicis, non tantum ingenuum ſenſum produnt, verum & laudes ſi adhibeas non admittunt. Inter ſe mutuo metu anxij, & ad inuicem ſuſpicaces. Non vetus confidentia familiares neſcit, non amici ad participium ſecreti admittuntur, ambigua verba, reconditi ſenſus, ac obſerata pectora manent, haud occulta formidine, vbi præ licentia dicendi tutius ſilentium eſt. Etiam exterior geſtus motuſq; corporis, ad grauitatem aliquam compoſitus

Vuu 2

appa-



apparet; velut Nexus alios silentio, alios austeritate, in Stoicorum aut Pitagoræ Sectas, iam nunc transcriberet. Certè morum species non improbanda, nisi in malo opere boni videri voluissent. Rursus in publico, grauitè sententias dicere, legum obseruantiam profiteri, æquitatis rationes magni ducere, & nihil extra orbitam iustitiæ pati. Si inferentis propositio ad placitum, acceptant concorditer, vel distinguunt prudenter; si displicet, acres primùm intuitus, frontis contractio, ac abnuentium renutus: & postquam aliqua passio commouit animos, palam minæ ac cunctorum inconditus clamor. Talibus quidquid placet, vehementer placere demonstrant, quidquid displicet apertè renuendo produnt. Ad nomē Maiestatis extrinseca cunctis veneratio, at, cum in re quacunq; nomen Regis de verbo prætendant, de facto contra iussa ac voluntatem eiusdem palam agere ostendunt. Similis in capite, quem Mareschallum vocant, morum compositio. Samuel Svideriski nuper ex tergiduce cohortis Wisniouecianæ ad summa Imperij militaris prouectus, præsentī amplitudini pares animos aptabat. In quem ex vero aliquis protulerat. *Curtam heri duxit curiam. Dat magnis hodie iura Quiritibus.* Non tamen absoluta huic Iurisdicctio, quàm limitaret adiuncti Substituti officium, quò velut consorte regiminis ambitus restringeretur, vel uti duorum consilio, firmitus subsisteret diuisa imperij moles. Ergo adest veriq; circumpedum cæterua, cultus externi splendor, mensarum lautitiæ, eminentior in literis titulus, lictorq; & falces, & inuidiola, si modo durabilis foret, præsentis fortunæ amplitudo: in eo tamen Magistratus gradu, ut lato imperio, sic occulto meru uterq; agit, ac vitæ necisq; dominus, ut singulos terret, sic cunctos timet; nō applaudentibus non blandientibus credens: nam, ut in omnes ipsi potestas, sic vniuersorum in se respicit arbitrium. Adfunt quippe æquè inter seria quàm ludicra, qui omnia dicta factaue sua obseruent, ac speculentur: vnde non preces in templo sine auscultatore fundere, non à curis conti-

nuouè

nuouè strepitu secreto ocio membra solari valet, cum additi per dierum noctiumq; spatia introspiciant actus, ne in venatione quidem sine inspectore feras confectari licet. Hinc fatieras inuisæ dignationis, & fastidium, ex timoris quadam reciprocatione, cum qui terreat trepidet, dumq; metuitur, securus ipse agere nequit. Quod si finem respicit, & damnatæ causæ effectum perpendit, nonnisi continua formidine agitari necesse est, seu conciliandæ Maiestatis, seu eluendi criminis, victimam se pro cunctis fore considerantem. Percognita refero, cum Palatinatus Sandomiriensis nomine gemina vice ablegatus, diutius inter illos commorarer: Collega magni nominis & ingenij Viro, Stanislao Zareba Iudice Sandomiriensi Generali.

Auidè Rex præstolabatur legationis Czartoryscij effectum, iam causæ merito, iam missi multum fidens dexterrati, ac perficienda fore non dubitans, quæ alij pro desperatis renuntiauerant. Verum & iste spem tantum aluit, nulla in præsens concludendi ex voto efficaciam: per moras ac verborum ambages identidem dilatus, donec Legionum Deputati ad alterum concilium seu Rocham Equestrem congregerentur: etiam tunc nullo cathetico responso dimissus. Indicta tamen à Sac: Reg: Mai: Comiticia accipi, non ingrato animo ostenderant, Commissionem non item approbantes, ab experimento docti, plus hic verborum, quàm nummuum fore: vel quod futuris prouidendo, securius sibi Comitiorum remedio consulendum existimarent. Ergo Rex, dato prudenter civili insanix spatio, ne quos per extrema infringere non posset, bonis modis pacare desisteret, in Februarium anni sequentis 1662 Comiticia Varſauix indicit, Palatinatus pro Conuentibus particularibus obnuntiat, Deliberatorias ad Senatum Procereſq; expedit, eosq; rursus Nexuales, ut certos Regiæ beneuolentiæ per Rescriptum reddit, sic iterum per eundem Cuiaviensem Episcopum commonet, uti reiecta exoticorum consiliorum suggestione, veterem Exercituum Regni praxim, in missis ad

Vuu3

Comi-



1661. Comitia Regni definito numero Nuntijs, ex more patrio retinerent; cum pluralitas sit confusionis occasio. Quam inculcantis Principis præmonitionem accepere velut annuētes, formato in aliquam obsequij testificationem responso, quoue respectum Maiestatis ostenderent, Oeconomias nonnullas sequestro militari eximebant, reliquas donec administrantium aut Tenuariorū fraudes & peculatus palam faciant, ad futura Comitia retenturi. Cæterum eo sequestro non Regalibus, non Spiritualibus bonis quidquam decerptum ex redditibus, vel in priuatos vsus conuersum fuit; imò verò ea sedulitate Intratarum rationes in matriculas redactæ ab ijs, ac in totum posthac restitutæ fuere, ut non modo perfunctoriam villicationem veri possessores non reprehenderent, verum etiam elucidatos, ac ex fide calculo subiectos ditionum prouentus, adseuerarent. Adeo quādoq; temporis ratio permittit, albo bonorum non omnino excludere eos, qui obiter & cum discretione mali sunt.

Ast, acrior Andræ Trzebici Cracouiensis Episcopi in Colligatos zelus seu commotio, fortè quod iniuriæ propior, & impatiens tolerandi esset. Vrebat animum non tantum recenter adita Episcopatus possessione depelli, perq; nefas intercipi sacros redditus, verum etiam à profanis hospitibus inuadi Palatia ædesq; ab antecedaneis erecta, uti in ijs Iurisdictionem in Clerum Diocesenum exercerent Præsules; cum congrueret minus Laicis, in militiam obligatis, intra parietinas Sacerdotalium domuum stabulari, qui honestius, & iuxta vocationem suam transigerent æstatem, sub papilionibus. Itaq; per literas, etiam Nuncios sæpius commonebat, intactas Ecclesiæ ditiones sinerent, etiam ex officio Pastoris minitans, nisi protinus Christi patrimonium indemne præstant, se ad sacra fulmina ut vertatur cogi, & incunctanter anathema vibraturum, in eos, qui hostium amici, & suorum, imò Dei & Ecclesiæ hostes existerent, in plerisq; epistolis sacrilegos, raptores, &c. vocans. Et certum erat feruidiorem natura

Episco.

Episcopum ad id remedij, uti Sacris interdiceret, militem ac. 1661. cedere voluisse, iamq; Curionibus cohortium quos Capellanos dicunt, secessum à Nexu seuerè mandauerat, donec vocatis ad consilium Theologis, quorum nonnulli etsi in sententiam Præsulis irent, reperti tamen complures fuere, (inter quos Valerianus Gutowski ex Familia Franciscanorum) qui demum validis rationibus differendam Ecclesiæ, censuram persuaferè, quominus bonorum consensui, malorum resipiscentiæ spatium concederetur, etiam ne nullo ictu aut successu vibrata plaga, despiciatui apud multitudinē foret, & intro tantum metuenda, in contemptum Ecclesiæ, elusa fulmina verterentur. Pro milite quin etiam fuit honorifica Cuiaviensis Episcopi tractatio, cunctis exinde magna exspectatione arrectis, non ultra Comitium proxima duraturum Nexum; eaq; prudentum opinione, frustra primo loco tentari extrema, ubi morbus vsitatis remedijs persanari posset.

Ast Colligatum Militem, quem non acris dehorrantis Præsulis monita, non sacri fulminis protinus vibrandi comminatio, uti Kielcijs abscederet permouere poterant, certè permouit aut verius mouit ingruens pestis, quæ sub id temporis à Carpatijs montibus retrò in Occidentem velut reflatu rempestatis impulsæ, passim Prouincias Regni corripiebat. Vngaricam lumen nostrates vocant, & inde aduenam certum fuit, postquam Cæsaris cum Turca bello, iam graui è mortalium cadaueribus mephiti infecto, aère, iam diuturnâ inedia per annonæ defectum afflictis incolis Pannoniæ, demum ad perfectam calamitatis trigam nouissimè pestis accederet. Quæ à contermina gente per contagium vulgata, primò submontanum tractum inuasit, hinc per diuersas circumstantias loci enormi hominum strage, grassata etiam ad Colligatos usq; proserpsit, formidabilius Ecclesiæ Censuris anathema. Hinc isti, euitando malo, Kielcijs sedem Magistratus bellici Chencinios transferre



1661. ferre coacti, dein inuisibili plaga prosequente Andreio-  
uiam pulsi, demum inter continuas morus metusq; agi-  
tationes, Annum praesentem finiendo, sequentem 1662.  
incepterint Wolborij, sueto Episcoporum Cuiaviensium  
domicilio. Hæc pro Climactere Secundo, rerum in  
Polonia gestarum, sint satis, si non nimium;  
cùm, in ea rerum narrandarum copia, per-  
quam difficile fuerit, in Patriæ ca-  
lamitatibus calamo mo-  
derari.

A. M. D. G. Vq: S. L. O. C. H.





2

2

Gesch. Polen  
152



